


Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
321/A









Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
321/A






Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
321/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
321/A

321/A X  
ANGLERUS (Athen, 1700)



Baur fecit

Medina I, 479




in 80

32802 4<sup>th</sup>


historia profana.

histor. americana seu  
indiarum occidentaliun.


























DE

32,802

# ORBE NOVO

PETRI MARTYRIS AN-  
GLERII MEDIOLANENSIS, PRO-  
tonotarij, & Caroli quinti Senatoris  
Decades octo, diligenti temporum ob-  
servatione, & vtilissimis annotationibus  
illustratæ, suoque nitori restitutæ,

*Labore & industria* RICHARDI HAKLVYTI  
*Oxonienſis Angli.*

Additus est in vſum lectoris accuratus  
totius operis index.



PARISIIS,  
Apud G V I L L E L M V M A V V R A Y, via D.  
Ioannis Bellouacensis, sub insigni  
Bellerophontis coronati.

M. D. LXXXVII.

*Cum priuilegio Regis.*



DE  
ORNE NOVO

PETRI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS

ALBERTI MARITIMIS





ILLVSTRI ET MAGNANIMO  
VIRO, GVALTERO RALEGHO,  
*Equiti Anglo, Cornubia & Exonia stannifodinarum,*  
*omniūque Regiæ maiestatis castellorum in iisdem pro-*  
*uinciis Praefecto Generali, S. D.*



NGENTI laude dignos  
arbitror, Eques illustris &  
magnanime, qui suis la-  
boribus & vitæ discrimine  
latentes hactenus tot An-  
tipodum myriadas nostris  
gentibus cognitae effece-  
runt. Illos verò qui inge-  
nio pollentes eorum res  
præclare gestas æternis literarum monumentis  
consignarunt, si non maiori, non multo sane mi-  
nori in precio habendos, nec minus obseruandos  
existimo. Non immerito igitur illius summi viri  
PETRI MARTYRIS Anglerij Mediolanen-  
sis memoria bonis omnibus sacra & chara impri-  
mis esse debet. Quicquid enim laude vel vitupe-  
rio dignum in vastis Noui Orbis regionib<sup>9</sup> par-  
tim detegendis, Castellanae partim potētiae sub-  
igendis, triginta & quatuor annorum spatio  
terra marique Hispani præstiterunt, à primis in-



## EPISTOLA.

cunabulis historiam exorsus, particulari locorum descriptione, & temporum serie diligentissimè obseruatis, vniuerso orbi Christiano Commentariis suis doctissimis commendauit. Neque verò carptim, vt plerique alij, neque lingua vt plurimum doctis ignota, neque nudè aut frigide res narrat gestas, sed immensæ illius Americæ caput, collum, pectus, brachia, totumque adeo corpus suo insigni dextròque penicillo & viuis coloribus ingeniosissimè depingit, ornatu Latio eruditae familiari decentissimè induit, quotiescunque etiam res ipsa postulat, latentes rerum causas scrutatur, arcanos naturæ effectus inquirat, & ex intimis reconditæ philosophiæ penetralibus sententias depromptas, vt splendidissima orationis lumina, gemmâsque pulcherrimas creberimè admiscet. Si ea respiciamus quæ in terra procreantur, de viribus herbarum, fruticum fructibus, aromatum vigore, agrorum prouentu, præstantia metallorum, quadrupedum coitu, generatione volucrum, natura piscium, ortu, incremento, ætate, victu, proprietatibus omnium ferè animantium, nec Aristoteles, nec Theophrastus, nec Columella, nec ipse Plinius, doctius aliquid, aut accuratum magis, quàm noster hic Martyr vnquam concinnarunt. Si vegetabilibus & brutis relictis ad homines & genus nostrum diuertamus, gentium mores, vrbium situs, fundationes coloniarum, idolorum cultus, sacrificandi ritus, studia belli, armorum genera, vicinorum inimicitias, domesticorum similitudines, præliorum euentus, status regnorum & mutationes, quis



EPISTOLA.

Cicero, quis Salustius, quis Cæsar, quis Tacitus, maiori ornatu, breuitate, candore, maiori grauitate aut fide perpoliuit? Vt alia taceam quæ satis per se manifesta sunt, luculētissimum de fide est hoc argumentum, quòd, longè amotis & posthabitis, amicitia, spei, inuidia passionibus, & particularium minutis affectibus, cuique quod suū est vbique tribuat, nullius vitia vel amicissimi dissimulando, nec debitas cuiusquam laudes minuendo. Laudat ille quidem multis in locis constantiam & inuictos Hispanorum animos, eorūque in siti, fame, periculis, laboribus, vigiliis, crebrisque ærumnis tolerantiam summo cum applausu celebrat. Sed idem ille eorundem auaritiā, ambitionem, cædes, rapinas, stupra, crudelitatem in nudas & innocuas gentes, interdum etiam armatorum clades & exercituum interuersiones à Barbaris eisq; inermibus perpessas passim cōmemorat, & sine omni adulatione perpetrata flagitia acerrimè persequitur. Piget hæc, inquit alicubi, referre, sed oportet esse veridicū. Iam verò si à terra in altū prouehamur, de motu Oceani, de eiusdem falsedine, de fluxu & refluxu, de gyris, de vorticeibus, de circulari per Occidentem decursu, de cæcis scopulis, de vadis, de scyllis, ô quanta & qualia apud hunc subinde sese offerunt rationum & obseruationum pondera. Postremò si rectà in cœlos cōuolem⁹, climatū diuersitates, ventorum varietates, typhonum insanias, temporum vicissitudines, frigora, calores, siccitates, pluuias, occultos syderum motus & influentias, quis isto diuinius vnquam descripsit?



EPISTOLA.

Quamobrem quod olim Alexander Macedo de inuicto Achille dixisse fertur, ô fortunatum, qui Homerum tuarum laudum præconem inueneris, idem ego vere de gente Hispana effari possum, ô beatos & ter fœlices vos Hispanos, qui Martyrem, admirabilis ingenij virum, maximarum vsu rerum pollentem, iudicio maturû, sciētiarum ferre omnium cyclopœdia exornatum, vestrorum apud Indos Hesperios laborum, rerûmque animosè ac fortiter gestarum ebuccinatorem consecuti estis. Vt enim Nasonem sequar imitâdo,

---*Hesperios quis nosceret Indos,*

*Martyris æternum si latuisset opus?*

Istius tanti & talis viri opus insigne plusquam dimidia parte mutilum, & à quibusdam magnis viris, quasi penitus sydere infausto periisset, vehementer deploratum, integrum, suôq; natiuo splendori, nisi fallor, restitutum, quanta potui maxima diligentia in lucem iam tandem edendum curavi. Præterquâ enim quòd infinita errata, summa cum sollicitudine repurgauerim, quibus vndique scatebat Complutense exemplar, olim in Hispania semel tantum calchographorum typis mādatum, (quo mihi necessario vtendum erat, quia alię posteriores quatuor Decades nullubi quàm eo loci ederentur) annorum seriem diligēter obseruatam, nonnullâsq; notationes apprimè necessarias ad margines apposui, indicémque amplum & accuratum in omnes libellos concinnatum adieci: nec his contentus, cartam Geographicam præcipua operis loca continentem, vt perpendicularem appendicem adiunxi, memor illius quod ve-



## EPISTOLA.

re dicitur, Geographiam esse historiae oculum. Cur autem onus hoc in me susceperim rationes erant, partim ne viri docti & industrii tanto tamque amplo bono fraudentur, qui nullam aut exiguum cognitionem habent linguae Hispanicae & Italicae, quibus omnia fere huius argumenti volumina, hoc unico opere excepto, inuoluuntur: partim ut aliae gentes maritimae, nostrique imprimis insulares Angli, Hispanorum initia & progressus intuentes, ad parem fortitudinis imitationem incitari possent. Nam qui exterorum laudes proponit, suos, si non sunt stipites, prouocat. Adde quod domesticum & familiare hinc petere possunt virtutis exemplum. Hic enim legent Sebastianum Cabotum, Baccalaorum repertorem ter appellari, & esse in confesso, illum, Henrici septimi prudentissimi & felicissimi magnae Elizabethae nostrae aui auspiciis, anno sexto & nonagesimo supra millesimum & quadringentesimum, trecentis Anglis comitatum, vniuersum illum tractum ab Arctico polo ad latitudinem freti Herculei (quod gradu trigesimo sexto continetur) Cubaque insulae longitudinem, omnium Christianorum primum detexisse: eundemque ex Anglia a Fernando Catholico Rege in Hispaniam amplis muneribus vocatum Senatus Indiei concuriale Martyri factum esse. Ex cuius summi viri e Britannia nostra discessu quantum nobis damni illatum fuerat, Henricus octauus rex inuictissimus a suis quibusdam sero admonitus, facile, quo valuit iudicio, intellexit, statimque clam domum reuocatum amplissimo perpetuoque stipendio ornauit,

a iij



## EPISTOLA.

cūque, nisi mors inopinata impediuiſſet, muni-  
tiſſima claſſe, rebuſque omnibus neceſſariis in-  
ſtructum ad nouas illas terras, quas, ablatis inde  
tribus indigenis, non tamen ſatis accuratē inſpe-  
xerat, diligentius explorandas quāprimum di-  
miſiſſet. Sed hæc, vt videtur, diuina prouidentia,  
tibi, Ornatiffime Eques, reſeruauit. Tibi igitur  
has meas vigilias condonatas & conſecratas eſſe  
volui. Cui enim potius, quā tibi has noui Orbis  
Decades offerrem, qui centum ferè millium du-  
catorū impenſa, nouis tuis claſſibus, regiones no-  
uas, nouā iam tertio ducendo coloniam, notas  
ex ignotis, ex inacceſſis peruias, nouiſſimis hiſce  
tēporibus nobis exhibes? Cuius omnes curæ, co-  
gitationes, conatus, huc ſpectant, hæc verſant, in  
his inhærent. Cui cum Illuſtriſſimo illo herœ,  
Carolo Hovvardo, altero Oceani maris Neptu-  
no, Edoardi Staffordij, noſtri apud regem Chri-  
ſtianiſſimum oratoris prudentiſſimi ſororio, ea-  
dem ſtudia, eadem voluntates, iidem ad res ma-  
gnas terra marique aggrediendas ſunt & fuerunt  
animorum ſtimuli. Cum vero artis nauigatoriæ  
peritia, præcipuum regni inſularis ornamētum,  
Mathematicarū ſcientiarū adminiculis adhibitis,  
ſuū apud nos ſplendorē poſſe cōſequi facile per-  
ſpiceres, Thomam Hariotum, iuuenem in illis di-  
ſciplinis excellentē, honeſtiſſimo ſalario iamdiu  
donatum apud te aluiſti, cuius ſubſidio horis ſuc-  
ceſſiuis nobiliſſimas ſciētias illas addiſceres, tui-  
que familiares duces maritimi, quos habes non  
paucos, cum praxi theoriā non ſine fructu incre-  
dibili cōiungerēt. Ex quo pulcherrimo & ſapien-



## EPISTOLA.

tissimo instituto tuo quid breui euenturum sit,  
 qui vel mediocri iudicio valent, facile proculdu-  
 bio diuinare poterunt. Vnum hoc scio, vnam &  
 vnicam rationem te inire, qua primò Lusitani,  
 deinde Castellani, quod antea toties cum nō exi-  
 gua iactura sunt conati, tandem ex animorū votis  
 perfecērūt. Perge ergo Spartam quam nactus es  
 ornare, perge nauem illam plusquam Argonau-  
 ticam, mille cuparum fere capace, quam sumpti-  
 bus plane regiis fabricatam iam tādē fœliciter  
 absoluiſti, reliquæ tuæ classi, quam habes egregiē  
 instructam, adiungere. Sinarum littora adhuc la-  
 tentia & freta recondita nobis aperito: portas ab  
 orbis initio præscriptione temporum obseratas  
 tuis referato. Restāt adhuc tibi nouæ terræ, regna  
 amplissima, gentes ignotæ, tibi, inquā, restant ad-  
 huc detegendæ, sceptróque magnæ Elisabetæ  
 nostræ, maris Oceani, Hispano confitente, impe-  
 ratricis, fœlicibus tuis & armis & ausibus breui &  
 facili negotio subigendæ. Sed quorsum currenti  
 calcar addo, cur festinātem à tergis incito? Quor-  
 sum ego te, vt in incepto perſtes, hortor aut ad-  
 moneo, qui literis nuperrime ab aula ad me datis  
 sponte & vltro cōtestatus es, à tuæ VIRGINIÆ  
 suauissimis amplexib⁹, quā nymphā pulcherrimā,  
 licet nondum satis plerisq; bene cognitā muni-  
 ficentissima Regina in sponsam tibi dedit, nullis  
 terroribus, iacturis, infortuniis, posse aut vnquā  
 velle amoueri. Hac si constantia paulisper modò  
 vsus fueris, novos eósque fœcundissimos partus  
 breui emittet sponsa tua, quibus te tuosq; omnes  
 mirificè beabit, illósque ignomina & pudore af-



## EPISTOLA.

ficiet, qui illi temerè & impudenter sterilitatem ausi sunt toties obiicere. Quis enim illā VIRGINIAE tuæ Elysiæ maculā iure merito poterit inu-rere, cū eius abstrusas opes & diuitias & pulchritudinē haftenus reconditā nemo adhuc penitus scrutatus fuerit? Valeant & abeant quo digni sunt focordes illi fuci, & pecudes ad ventrem & gulam tantum pronæ, qui inde nuper redeūtes, imitati sunt eos, qui à Mose dimissi vt terram melle & lacte affluentē inuestigarēt, falsam de ea famam excitarunt. Iudex rerū omniū tēpus, diligēsq; tuorum ministrorū inquisitio, multa inopinata, quæ adhuc latent, modo Deus intersit, nobis aperiēt: Deum autē adfuturū nō est cur dubites, quandoquidē de ipsius gloria, animarū infinitarū salute, Reipub. Christianæ incremento agitur. Eia ergo age vt cœpisti, & æterna tui nominis ac famæ apud posteros, quæ nulla vnquā obliterabit ætas, relinque monumēta. Nihil enim ad posteros gloriosius nec honorificētius trāsmitti potest, quam Barbaros domare, rudes & paganos ad vitæ ciuilibis societatem reuocare, efferos in gyrū rationis reducere, hominēsq; atheos & à Deo alienos diuini numinis reuerentia imbuere. Eoque magis hoc nostro miserrimo & plusquā calamitoso sæculo, quando in Mahumeteorū cōmodum & incrementū maxima pars Christianorum procerum domesticis dissidiis acerrimè intēta ciuiles tumultus & tragædias thyesteas quotidie idq; sine fine accumulāt. Quod si ex tuis non vsq; adeo male auspiciatis initiis hoc proxime elapso triēnij spacio tanta accessio facta sit ad nominis tui existi-



## EPISTOLA.

mationem, vt non modo domi sed & foris etiam à viris egregiis, intèrque alios ab ornatissimo & doctissimo Basanerio meo tuæ laudes certatim celebrètur: quid post hac quæso futurum putabis, cum rebus tuis præclarè gerendis amplam adeo scribendi materiam ingenio præstantibus sis indies magis magisque præbiturus? Rumpatur Zoilus, nec te permoueant venenata iniquorum & inuidorum iacula, qui canem Aesopicum imitati, nec ipi commodo præsentè fruuntur, nec aliis frui cupientibus acquiescunt. Perge, inquam, perge quo pede cœpisti, fortunæ sinciput fortunatū apprehende, immortalem tibi gloriam oblatam ne respue, tibi que Ferdinandi Cortesij Castellani, Nouæ Hispaniæ Domitoris fortissimi res gestæ hic pulcherrime descriptæ semper in auribus canora voce resonent, nec minus noctes insomnes tibi reddant, quàm Themistocli gloriosa Miltiadis trophæa. Id modò præstiteris, si non Homerū, at Martyrē aliquē, id est, fœlicissimū aliquod ingenium tandem aliquando consequeris, quod tuos conatus plane heroicos à vasto obliuionis hiatu vindicabit. Interea huius laboris nostri tu heres esto, erisque posthac, si quid in hoc scribendi genere à nobis laude dignū perficietur. Conabimur autem, annuente numine, maritimos hominum nostrorum commentarios sparfos & hactenus squallore obritos, diligenti temporum serie obseruata, in ordinem redigere, & puluere excusso, in lucem breui spectandos producere, quo posterī maiorum suorum indices, quibus diu caruerunt, diligenter intuētes, hæreditario



EPISTOLA.

fuo bono frui cognoscant, & serò oblatam rei  
bene gerendæ occasionem arripiant. Hoc si præ-  
stiterimus, diuturni nostri desiderij & voti exop-  
tati compotes erimus; sin minus, saltem iuuandi  
studium nobis non defuisse testabimur. Vale vir  
magnanime, & nos, vt facis, ama. Parisiis octauo  
Kalendas Martij. 1587.

Amplitudinis tuæ studiosissimus,  
Richardus Hakluytus,  
Oxonienſis Anglus.





ILLVSTRISS. PRINCIPI  
CAROLO, REGI CATHO-  
lico, Petrus Martyr. S.



ERVAVIT diuina prouidentia,  
ex quo fabricare vniuersum cōstituit,  
immense vastitatis occidentalis oceani  
agnitionem ad nostra vsque tempora,  
in quibus tibi, potentissime Rex, ma-  
ternorum auorum fœlicibus auspiciis  
patesacta est. Eadem, nescio quo vrgen-  
te fato, ex natali patria Mediolano, mox ex vrbe Roma, vbi se-  
rè decennium egeram, ad Hispaniam me videtur impulisse,  
vt hæc ego miranda nouaque particulatim colligerem, quæ  
fortè alias in voraces fauces obliuionis demersa latuissent, hi-  
storicis Hispanis, egregiis quippe viris, de generalibus tantum  
harum rerum inuentis curam habentibus. Non tamē soli mi-  
hi huius sumpti laboris gratiam vendicare intendo: Ascanio  
vicecomiti Cardinali vicecancellario prima debetur: qui me  
discedere iam volentem ex vrbe, vt Granatensi bello interes-  
sem, dissuasit abitum primò: mox videns id mihi animo fixum  
sedere, hortatus est, imo & rogans imperauit, vt quacunque  
in Hispania emergerent, ad eum conscriberem. In Hispaniam  
cōcessi, expeditionis eius visenda studio, quod in hostes nostræ  
fidei sumpta esset, nilque mihi iuueni & rerum nouarū cu-



pido praberet Italia, unde ingenium pascere, ob eius principis discordes. Bello interfui: per epistolas diarias quæ gerebantur, à me Ascanius Cardinalis habebat. Fortuna eius ex altatrice mutata in nouercam, cessi à scribendo. Purgata, stratis hostibus, Hispania, Mauróque malo gramine extirpato, ne labentis annos ocio indecenti contererem, in Italiam regredi meditabar. Amborum regis & reginæ catholicorum vita functorum singularis erga me benignitas, & simul ampla pollicita, post rediit præcipue à legatione mea Babylonica, me detinuerunt. Fixisse tamen pedem haudquaquam pœnitet: tum quia nullibi terrarum hoc tempore æquæ præclaras res fieri videbã, tum etiam quod ex Christianorum principum dissidiis ruerent omnia in præceps, depopulari agros in vniuersa ferè Italia, & humano sanguine impinguari, atque vrbes hostiliter diripi, virgines, nuptasque, cum bonis patriis in prædam trahi, miseros innocentes viros ac genitores intra proprios lares inermes etiam & gratuito crudeliter trucidari, querulis clamoribus non audiebam modo, sed pene sentiebam. Neque enim affinium & propinquorum meorum sanguis ab ea fera scuitia immunis euasit. Dum sic morarer, Cardinalis Arragonius Frederici regis patris sui nomine, sequentes primæ Decadis octo libellos epistolares, visis duobus Ascanianis, à me exegit. Vacuum omni cura demum de rebus oceaneis Apostolici nuncii viri celeberrimi nostri Summi Pontificis Leonis Decimi nomine (cuius fœlici consilio & auctoritate, speramus arummosis tot calamitatibus Italiam aliquando finem imposituram) me dormientem excitauit. Ad eius sanctitatem breuibus epistolaribus libellis compactas duas decades addidi primæ, quæ me inconsulto prælis fuit impressorum exposita, uti per sequentem præfationem constabit. Nunc ad te venio serenissime Rex, à quo parumper vagatus sum. Quod vniuersam tibi aui materni subdiderunt Hispaniam, angulo ex-



cepto, quod pulchram tibi, cum feracibus nostri maris insulis,  
Parthenopen reliquerint, magnum quidem, & ea nos per an-  
nales annotauimus: sed pace maiorum dictū velim, quicquid  
ab initio mundi gestum scriptūque reperio, meo iudicio pa-  
rum est, si pensitauerimus quas tibi, Rex potentissime, nouas  
terras, quæ noua maria, quàm varias nationes & linguas,  
quales aurifodinas, quæ margaritarum viuaria, prouentibus  
aliis omiſſis, tibi pararunt. Quæ, qualia, quantaque sint, tres  
decades hæc patefacient. Veni ergo, Veni Rex electe à Superis  
ad nōdum ab hominibus intellectum rerum aliquod culmen:  
Veni & prospera. Aequinoctialem tibi circulum latentem  
hactenus, & furentem atque ardore solis adustam, antiquorū  
opinionē, Tonam, paucis exceptis, tibi paratam habemus, popu-  
lis refertissimam, amœnam, vberem, fortunatissimam, auro  
& candentibus margaritis coronatas mille insulas, & vno  
putato continenti tres Europas offeremus. Veni nouum orbem  
amplexurus, nec tui nos desiderio vltius macerato. Hinc,  
hinc, tenelle Rex clarissime, instrumenta, quibus totus tibi pa-  
reat orbis, comparabuntur. Valeat fœliciter tua Maiestas, cuius  
gustui si sapida fore cultura nostra sationes intellexerimus,  
vberiore indies illarum copiam plenis canistris offeremus.  
Qui sim, libellorum indices aperient. Ex Mantua Carpetana,  
vulgò Madrid, pridie Cal. Octo. Anno M D X V I.



## AUTHOR.

*Accipito hæc lector, breuibus compacta libellis,  
Principibus variis scripta. Hic noua multa videbis:  
Oceani ingentes terras, vasta æquora, linguas  
Hactenus ignotas, atque aurea sæcula nosces,  
Et gentes nudas, expertes seminis atri  
Mortiferi nummi, populisque auróque feracem  
Torrentem zonam: Parcat veneranda vetustas.*

## SUMMA PRIVILEGII.

**R**EGIÆ maiestatis priuilegio cautum est,  
ne quis alius quàm Guillelmus Auuray,  
in alma Parisiensi Academia Bibliopola, Pe-  
tri Martyris Mediolanensis, Protonotarij A-  
postolici, Consiliarij Regij de Nouo Orbe De-  
cades octo, ante annos septem à die impres-  
sionis absolutæ, in suis regionibus impri-  
mat, alibiue impressas importet, aut venales  
habeat, sub pœna confiscationis librorum  
aliâque illi, qui aduersus ea fecerit, indicta:  
Vt fusiùs Regio diplomate continetur.  
Dat. Parisiis. 4. Februarij, anno 1587.

*De Consilij sententia signato.*

DE BEAUVAIS.





PETRI MARTYRIS  
MEDIOLANEN. PROTONOTA-  
rij Apostolici, Consiliarij Regij, de nouo  
orbe Decadis primæ Caput primum, ad  
Ascanium Sphorciam Vicecomitem, Car-  
dinalcm, Vicecancellarium.

**S**olebat grata vetustas pro diis habere  
viros, quorum industria & animi  
magnitudine, ignotæ Maioribus eo-  
rum terræ panderetur. Nobis autem,  
qui Deum habemus vnicum, sub tri-  
plici persona quem colamus, restat, ve  
huiusmodi genus hominum si non co-  
luerimus, admiremur tamen: reges  
verò obseruamus, quorum ductu & auspiciis datum est illis co-  
gitata perficere: utrosque etiam extollamus, & pro viribus il-  
lustremus iure merito. Quare de insulis maris occidui nuper  
reperitis & rei authoribus quid referatur, habeto: hoc siquidem  
tuis literis vehementer cupere videris. At ipsius ergo initio, ne-  
sim cuiquam iniurius, exordiri est animus.

Christophorus Colonus quidam Ligur vir, Fernando & Eli-  
zabetha regibus catholicis proposuit & suavit, se ab Occidente  
nostro finitimas Indiarum insulas inuenturum, si nauigiis & re-  
bus ad nauigationem attingentibus instruerent: à quibus au-  
geri Christiana religio, margaritarum, aromatum, atque aurum  
Christo-  
phorus  
hic, Co-  
lumbus  
cogno-  
minatus  
alias.



inopinata copia haberi facile posset. Instanti, ex regio fisco destinata sunt tria nauigia: vnu onerarium caueatum, alia duo leuia mercatoria sine caueis, quæ ab Hispanis Carauelæ vocantur. His habitis, ab Hispanis litoribus, circiter Cal. Septemb. anni secundi & nonagesimi supra quadringentesimum & millesimum à nostra salute, iter institutum, cum viris Hispanis circiter 120. Colonus cœpit. A Gadibus in alto Oceano Fortunatas, ut multi putant, insulæ, quæ ab Hispanis Canariae nuncupantur, iam pridem repertæ, distant millia passuum mille & ducenta, secundum eorum rationem: dicunt enim distare tercentum lequas: singulas autem lequas navigationis periti, quatuor millia passuum continere suis computationibus aiunt.

Fortunatas insulas ob cæli temperiem appellauit antiquitas: neque enim grauis vrget incolas hyems, neque atrox æstas. Sunt tamen qui eas velint esse Fortunatas, quas Capitis Viridis insulam. Canariae Portugaleses appellant. Canarias, ad hæc vsque tempora hominibus nudis, eò quod extra omne clima Europæ ad meridiem, & sine vlla religione degentibus, habitatas, Colonus aquandi, & reficiendarum nauium gratia, priusquam se tam duro labori crederet, adiuit. Non insuaue futurum arbitror, quandoquidem in Canarias incidimus, si ex ignotis quomodo notæ, si ex incultis quomodo cultæ sint effectæ, narrauerimus: longa namque annorum curricula incognitas iam obliuioni tradiderant. Hæc insulæ septem, Canaria dictæ, anno circiter 1405. à Gallo nomine Betanchor, ex concessione reginæ Catharinæ, regis Ioannis filij sui, dum infans esset, tutricis, repertæ fortè fortuna fuerunt. Pedem ibi fixit per aliquot annos Betanchor, duasque ex illis occupauit ac redegit in cultum, Lancelotā & Fortem Venturam. Eo mortuo, heres eius Hispanis viris precio insulam vtranque præbuit. Fernandus dehinc Peraria & vxor eius, Ferream & Gomeram inuaserunt. Nostri temporibus ites reliquas, Canariam magnam scilicet, Petrus de Vera nobilis Xericij ciuis, & Michaël de Moxica. Palmam autem ac



Tenerisfen Alphonſus Lugo, ſed impenſa regia. Gomeria dein-  
 de ac Ferrea, non cum magno labore ſubdita ſunt. Sed Alphon-  
 ſus Lugo duruſculè rem perfecit. gens enim illa nuda, ſilueſtris,  
 ſaxis & fuſibus bella gerens, ſemel eius exercitum fugauit,  
 trucidauitque circiter quadringētos: tādē eos deuicit. Ita Cana-  
 ria omnes ad Caſtellanam addita ſunt potētiam. Ab his igitur  
 inſulis Colonus, occidentem ſolem ſemper ſecutus, licet in lauā  
 pauliſper, tres & tringinta continuos dies, cælo tantum &  
 aqua cōtentus, nauigauit. Hiſpani comites, murmurare primū  
 ſecretò cæperunt, apertis mox conuiſijs ūgere, de perimendo,  
 ductore ſuo cogitare: demum, vel in mare proijciendo, cōſuleba-  
 tur: ſe deceptos fuiſſe ab homine Ligure, in præceps trahi, qua  
 nunquā redire licebit. Poſt trigeſimum iam diem furore per-  
 citi, proclamabant, vt reducerentur: nè vltiūſ procederet,  
 ſtimulabant hominem: ipſe verò, blandis modò verbis, ampla  
 ſpe modò, diem ex die protrahens, iratos mulcebat, depoſcebat:  
 proditiōis quoque taxandos eſſe à regibus, ſi aduerſi quicquam  
 in eum molirentur, & ſi parere recuſarent, prædicabat. Opta-  
 tum tandem terra proſpectum lati ſuſcipiunt. Patefecit nauiga-  
 tiōe hac prima, ſex tantum inſulas, atque ex ijs duas inaudi-  
 ta magnitudinis: quarum alteram Hiſpaniolam, Ioannam al-  
 teram vocitauit: ſed Ioannam eſſe inſulam, nō pro certo habuit.  
 Illarum quarundam littora cum abraderent, cantantem inter  
 condenſa nemora philomenam menſe Nouembri audierunt. Philo-  
 Dulcium aquarum ingentia flumina, natiuos portus, magnarū menarū  
 claſſium capaces, adinuēnit. Ioanna littora lambens, ad Occide- in No-  
 tem à Septentrione reſto latere non multo minùs octingentis uemb.  
 millibus paſſuum percurrit (aiunt enim centum & octoginta cantus:  
 lequas) continentem arbitratus, quod neque terminus, neque  
 termini vlliūſ ſignum in inſula, quantum oculis proſp. etus in-  
 ſeruiebat, appareret: retrocedere inſtituit: redire etiam illum  
 pelagi tumores cōegerunt: nā Ioannæ littora per varios inſlexus  
 tantum iam ad ſeptentrionem ſe vertebant, & curuabantur.

A 7



quòd Boreales flatus naues acrius infestarent, quoniam hyems  
 vigeat. Ad Orientem igitur proras vertens Ophiram insulam  
 sese reperisse refert: sed Cosmographorum tractu diligenter con-  
 siderato, Antilia insulae sunt illae & adiacentes aliae: hanc  
 Hispaniolam appellauit: in cuius Septentrionali latere tentare  
 locorum naturam cupiens, terra appropinquabat. Cum in pla-  
 nam quandam & caecam rupem aquis coopertam, carina gran-  
 dioris nauis incidens, aperitur & perstat, saxi latentis planities  
 fuit illis, ne submergerentur, adiumento: cū reliquis igitur dua-  
 bus properantes, viros omnes incolumes educunt. Ibi primum  
 ad terram egressi, homines indigenas viderunt: qui venientem  
 inauditam gentē conspicati, facto agmine, in condensa nemora  
 omnes veluti à canibus Galicis timidi lepores, sese fugientes re-  
 ciipiunt. Nostri multitudinē insecuti, mulierem tantum capiunt:  
 hanc cum ad naues perduxissent, nostris cibis & vino benè sa-  
 turatam, atque ornatam vestibus (nam ea gens omnis vtriusque  
 sexus, nuda penitus vitam ducit, naturā contenta) solutam re-  
 liquerunt. Quā primum ad suos mulier concessit (sciebat enim  
 illa, quòd fugientes diuerterent) ostendissetque mirum esse nostro-  
 rum ornatum & liberalitatem, omnes ad littora certatim con-  
 currunt, gentem esse missam è cælo autumant. Aurum, cuius  
 erat apud illos aliqua copia, ad naues natando portari: pro fru-  
 sto aut paropsidis fictilis, aut vitrei crateris aurum cōmutabant.  
 Si ligulam, si tintinabulum, si speculi fragmentum, si quicquā  
 aliud simile nostri impartiebantur: tantum auri, quantum pe-  
 tere libebat, aut vnusquisque eorum assequebatur, exhibebant.  
 Cum iam res ipsa ad familiare commercium deuenisset, & gē-  
 tium mores nostri perquirerent, reges habere gentem illam per  
 signa & coniecturas cognouerunt. E nauibus descendentes no-  
 stri, à rege & reliquis indigenis honorificè recipiuntur: nostris,  
 omnibus quibus poterant & sciebāt modi, assurgebant. Sole  
 ad occasum vergente, nostris, dato salutationis Angelica  
 signo, genua Christiano ritu flectentibus, itidē illi faciebant.



Crucem quocunque modo Christianos colere conspicerent, adorabāt. Ex naui quam saxo illisam diximus, nostros homines & quicquid in ea vehebatur, ita celeriter atque animo leto gens illa in terrā suis lintribus, quas Canóas vocant, eduxerunt, quod affines affinibus apud nos nulli maiore misericordia tacti succurrant. Canóas autem illas, ex solo cauato acutissimis lapidibus ligno, longas, sed angustas, construunt: monoxyla propterea esse dicemus. Octoginta remigū capaces plerasque se vidi se multi affirmant. & sus ferri apud eos nullus inuenitur: propterea quomodo siue domos, quas mira arte laboratas videbant, siue alia quacunque ad eorum vsum pertinentia fabricarent, maxima nostros detinuit admiratio: sed ex fluuiatibus quibusdam durissimis lapidibus præacutis omnia apud illos diduci, certum est. Esse non longè ab illis insulis quorundam ferorum hominum insulas, qui carnibus humanis vescantur, fama didicere: id esse causa, quod ita trepidi aduentantes nostros confugerent, postea retulerunt, Canibales arbitrati: sic truculentos illos, siue Caribes, vocant. Horum obscenorum insulas, itinere ferè in medio ad has insulas, ad meridiem reliquere. Suas insulas ij mites à Canibalibus non aliter incursionibus crebris vexari perpetuò ad prædā cōqueruntur, atque per nemora venatores per vim & per insidias feras insectantur. Quos pueros capiunt, ut nos pullos gallinaceos, aut porcos, quos ad obsonia volumus pinguiore & teneriores educare, castrant: grandiores & pingues effectos comedunt: etate autem iam matura cum ad eorum manus perueniunt, peremptos partiuntur: intestina & extremas membrorum partes recentes epulantur: membra sale condita, ut nos pernas suillas in tempora seruant. Mulieres comedere apud eos nefas est & obscenum: si verò quas assequuntur iuuenes, ad sobolem procreandam, non aliter atque nos gallinas, oves, iuencas & cetera animalia, curant & custodiunt: vetulas ad obsequia præstanda pro seruis habent. Insularum, quas nostras iam possumus appellare, tam viri quam fæ-

Admirā-  
da homi-  
num hu-  
manitas.

Incredi-  
bilis quo-  
rundam  
hominū  
immanitas.

A ij



Insularū  
cibi.

mina, cum Canibales aduentare presentiunt, aliam quam fuga salutem nullam inueniunt: sagittis arundineis præacutis licet utantur, ad Canibaliū tamen vim & furores reprimendos parū prodesse comperere: decē enim Canibales, centum ex alijs facile, si cōcurrant, superaturos, omnes indigene fatetur. Quid utraque gens, præter calum atque eius lumina, adoret, non satis exploratum habuerunt. De reliquis insularium moribus, breuitas temporis atque interpretum inopia, plura noscere non permiserunt. Radicibus ij mites, nostris naps & magnitudine & forma, sed gustu dulci, castanea tenera adhuc similibus, ad cibum utuntur. Has, ages vocant ipsi. Est & aliud radicis genus, quam iuccam appellant, ex hac & panem conficiunt. Agibus verò magis asis aut elixis utuntur, quam ad vsum conficiendi panis. Iuccam verò sectam & compressam, succosa nanque est, finsunt, & in placentas coquunt. Sed mirū hoc: aconito letaliorem esse aiunt iuccæ succum, qui epotus, ilicō perimit: panem autem ex eius massa, sapidum & salubrem esse omnes experti sunt. Panem & ex frumento quodam panico, cuius est apud Insubres & Granatenses Hispanos maxima copia, non magno discrimine conficiunt. Est huius panicula longior spithama, in acutum tendens, lacerti ferè crassitudine. Grana miro ordine à natura confixa, forma & corpore pisum legumen emulantur: albescent acerba: ubi maturuerunt, nigerrima efficiuntur: fractas candore niuem exuperant: maius, id frumenti genus appellant. Et est apud eos aurum alicuius æstimationis: nam auricularum torulis & naribus perforatis insertum, in tenuissimas diductum laminas, ferunt. Cum tamen neque ad eos commere mercatores, nec ipsos alia littora noscere præter sua, nostri didicissent, querere ab eis per signa cœperunt, unde sibi id aurum compararent: quantum signis colligere licuit, ex fluuiorum arenis ab altis montibus collabentibus id, neque magno labore lectum, in pilulas, priusquam diduceretur in laminas, adstringebant. Non tamen in ea insula parte, quam rex ille tenebat: quod



postea patuit experimento: nam cum inde iam dicebissent, forte in flumen inciderunt, cuius arenam multo auro mixtam esse, cum in terram aquandi & piscandi gratia exilissent, perpederunt. Nullum animal quadrupes se vidisse dicunt, præterquam tria genera cuniculorum. Serpentes insule nutriunt, sed minime noxios. Anseres sylvestres, turtures, anates nostris grandiores, & cygneo candore, capite purpureo, repperunt. Psittacos, quorum alij virides erant, alij flauis toto corpore, alij similes Indicis, torquati minio, ut Plinius ait, quadraginta tulerunt, sed coloribus viuacissimis & latis maximopere. Alas habent versifigues. colores, viridibus enim & flauis penes, quasdam habent ceruleas & purpureas mixtas: quæ varietas parit delectationem. Hæc volui de psittacis, illustrissime princeps, recitare: quamuis huius Christophori Coloni opinio, magnitudini sphaera & opinioni veterum de subnauigabili orbe, videatur aduersari, psittaci tamen inde absportati, atque alia multa, vel propinquitate, vel natura solum Indicum has insulas sapere indicant: cum præcipue Aristoteles circa finem libri de cælo & mundo, Seneca, & alij non ignari Cosmographiæ, ab Hispania, Indica littora per Occidentem non longo maris tractu distare attestentur. Massicis, aloë's, gosampij, atque aliarum huiusmodi rerum copiam, suapte natura tellus illa producit. Ex arboribus, veluti apud Seres, vellera colliguntur. Grana quedam rugosa diuersorum colorum, Caucasio pipere acutiora: ramalia etiã ex concisis arboribus, cinamomi forma, gustu autem & odore acrem Zingiberim, & medulla & superiore libro imitatio, tulerunt. His igitur inuenta nouæ telluris & inauditi alterius terrarum orbis signis contentus, prospero reditu, flantibus Zephyris iam, propter nostrum ver propinquum, redire constituens, octo & triginta viros apud eum regem, de quo supra memorauimus, reliquit: qui locorum & temporum naturam, donec ipse reuenteretur, inquirerent. Is rex ab incolis dicebatur Guaccanarillus: cum quo icto singularis amicitie fœdere, de vita & Rex



salute ac tutela eorum, quos ibi relinquebat, quibus potuit modis, egit. Misericordia contactus rex erga nostros, quod alienis terris desererentur, lachrymas effudisse visus est, atque omnem opem pollicitus. Sic alter alterum complexi, ad Hispaniam Colonius rediturus, vela dari imperat: secum decem viros ex illis abducens, à quibus posse omnium illarum insularum linguam nostris literis Latinis, sine ullo discrimine, scribi compertum est. Vocant enim cælum, turéi: domum, bóa: aurum, cáuni: virū bonum, tayno: nihil, mayáni. Reliquaque omnia vocabula nō minus liquidè proferunt, atque nos Latina nostra. Hæc habes, quæ de prima eius nauigatione memoratu digna existimaue-  
rim. Rex autem & regina, quorum omnes cogitatus vel dormientium, in religionis nostræ augmento sunt sibi, sperantes ad Christi legē tot nationes & simplices gentes facile trahi posse ijs auditis commouentur. Colonum aduenientem honorifice, uti pro talibus ausis merebatur, tractant. Sedere illum coram se publicè, quod est maximum apud reges Hispanos amoris & gratitudinis, supremique obsequij signum fecerunt. Præfectum, marinum vocari deinceps Colonum imperant. Is Almirantus Colonius apud Hispanos nuncupatur. Fratrem etiam ipsius Bartholomæum Colonum rei marinæ & ipsum peritum, Præfecturæ insulæ Hispaniolæ titulo ornârunt. Hunc magistratum vulgò Adelantatum appellant. Almirantum igitur & Adelantatum, ac nauigiorum præsentia nomina, cætera etiam huiusmodi, data opera suis aliquandò vulgaribus appellabo nominibus, quò apertiùs intelligar. Nunc ad institutū redeamus. Ex insulis, uti in initio Colonius ipse, iam Præfectus marinus, pollicebatur, maxima eorum, quæ mortales omnes totis viribus sequimur, commoda prouentura, creditum est. Duabus igitur his causis commoti sanctissimi hi duo consortes. XVII ad secundam expeditionem nauigia parari iubent, tria oneraria caueata magna, XII id genus nauium, quas dici apud Hispanos Carauelas scripsimus, sine caueis. Eiusdem generis duas aliquanto


Paratur  
secunda  
nauiga-  
tio.



grandiores, atque ad sustinendas caueas propter malorum magnitudinem aptas. Huius classis parandæ curam Ioanni Fonseca, viro genere nobili, decano Hispalensi, ingenio atque animo pollenti, tradunt. Ultra ducentos & mille armatos pedites illi imperant conducere, inter quos omnium mechanicarum artium fabros & opifices innumeros stipendio accersiri iubent: equites quosdam cæteris armatis immiscent. Ad fœtus procreandos equas, oves, iuuenças, & plura alia cum sui generis masculis, legumina, triticum, hordeum, & reliqua iis similia, non solum alimenti, verumetiam seminandi gratia, Præfectus apparat. Vites & aliarum nostratium arborum plantaria, quibus terra illa caret, ad eam important: nullas enim apud eas insulas notas arbores inuenire, præter pinus palmâsque, & eas altissimas, ac miræ duritiæ & proceritatis ac rectitudinis, propter soli vbertatem: atque etiam ignotos fructus alias plures procreantes. Terram aiunt esse, terrarum omnium quas ambiunt sidera, vberissimam. Instrumenta omnia fabrilia, ac demum alia cuncta, quæ ad novam ciuitatem in alienis regionibus condendam faciunt, vnicuique artifice imperat. Ex fidis regis clientibus plures hanc nauigationem, & rerum nouarum studio, & Præfecti auctoritate promoti, sua sponte aggressi sunt. Secundis igitur velis, VII kalend. Octobris, anni III & nonagesimi supra quadringentesimum & millesimum à salute nostra, à Gadibus mouit. Fortunatas insulas calend. Octob. tetigere. Ex Fortunatis Vliima, dicitur ab Hispanis Ferrea, in qua nulla est alia potabilis aqua, præterquam ex rore de arbore vnica in insulæ supremo dorso stillante assidue, & in lacunam manu factam cadente. Ab hac insula vela in altum Oceanum, tertio idus eiusdem, cæpit protendere. Hæc nobis intra paucos dies ab eius discessu renunciata fuerunt: quicquid succedet, accipies. Vale felix. Ex Hispana curia, idibus Nouemb. M.CCCC. XCIII.



PETRI MARTYRIS MEDIO-  
LANEN. PROTONOTARII APOSTO-  
lici, Regiūque consiliarij, Oceaneæ Deca-  
dis primæ caput secundum, ad Ascanium  
Sphorciam Vicecomitem, Cardinalem,  
Vicecancellarium,



Epētis, illustrissime princeps, cupere te quæ  
accidunt in Hispania, de orbe nouo cogno-  
scere: placuisseque tibi, quæ hætenus de pri-  
ma nauigatione scripserim, insinuasti. Ac-  
cipe, quæ successerunt.

Methymna Campi celebre oppidum est in  
Hispania, respectu Vestri, vltiore: & in ea parte, quæ Castel-  
la Verus dicitur, à Gadibus circiter quadraginta millia passuum  
distans. Ibi curia cōmorabatur, cū circiter nono calēd. Aprilis  
huius anni nonagesimiquarti, cursores ad Regem & reginam  
missi, aduenisse XII ex insulis nauigia, retulerunt, Gadēs-  
que prospero reditu appulsa esse: sed nihil aliud se velle Regi &  
reginæ ductor ipsarum nauium per nuncios significare ostendit,  
præterquàm Præfectum marinum cū quinque nauigis & non-  
gentis hominibus, vestigandi causâ, in Hispaniola permansisse:  
cetera se coram recitaturū scribit. Pridiē igitur Nonas Aprilis,  
dux ipse classi, frater nutricis primogeniti regis, à Præfecto ma-  
rino legatus aduenit: ab eo ceterisque simul fide dignis homini-  
bus, quæ mihi per ordinem interroganti fuerunt enarrata, ut  
tibi gratum faciam, recensebo: accepi etenim ego quæ dederunt:  
quæ autem dederunt, cognoscito. Tertio Idus Octobris ex insu-  
la Ferrea, Fortunatarum vltima, ab Hispanis littoribus disce-  
dentes, cum classe nauium septendecim in altum, vnum & vi-  
ginti æquos dies, priusquàm insulam vllam attingerent, con-  
sumpserunt: ad leuam multo magis, quàm itinere primo, aq̃ui-



lonem secuti, data opera vertere proras: propterea in Canibaliū  
sive Caribium insulas, de quibus fama tantum apud nostros erat  
notitia, inciderunt. Insulam arboribus ita consitam, quod neque  
vnam quidem aut nudi, aut lapidei soli, conspiciere licuerit,  
primum viderunt. Hanc quoniam die Dominico fors obtulerat,  
Dominicam placuit vocari: nulla ibi mora contracta, quod de- Insula  
sertam esse presenserunt progrediuntur. His uno & viginti die- Domi-  
bus octingentas & viginti lequas sese arbitrati sunt percurrisse: nica.  
adeo prosperi illos venti aquilones, a pupi secuti sunt. Post breue  
spatium equoris, occurrerunt insulae, diuersis arboribus, vimine,  
trunco, radicibus & folijs, aromaticos & suaves odores emittē-  
tibus, refertae. Neque homines, neque vlla se ibi animalia vidisse,  
praeterquam inaudita magnitudinis lacertos, referunt, qui in  
terram scrutandi gratia descenderant: Galanam hanc appellant,  
Ex eius insulae promontorio quodam monte a longe viso, disces- Galana  
sere. A triginta millibus passuum ab hoc monte fluiuium des- insula.  
cendentem, magni fluuij latitudinis signū, prospexisse visi sunt.  
Hanc primam a Fortunatis, terram habitata inueniunt: obscæ-  
norum esse Canibaliū, de quibus fama prius acceperant, nunc  
experimento, & his interpretibus, quos primo itinere ad Hispani-  
am Praefectus duxerat, cognouerunt. Insulam peragrantes, in-  
numeros, sed XX tantū aut XXX domorū singulos vicos inueni-  
unt. Ordinem plateae, tugurijs in gyrum circa plateam cōstructis,  
seruant. Quandoquidem de illorum domibus in sermonem in-  
cidimus, haud absurdum mihi fore videbitur, si, quales eas esse  
audiuerim, enarrauero. Ligneas omnes, & sphaerali forma fa-  
bricatas esse, aiunt. Ex arboribus sublicibus altissimis terrae af-  
fixis, circumferentiam primum domūs construunt: alijs postmo-  
dum ab interiore parte curtis trabibus apposis, quae exteriores  
altas, ne labantur, sustineant. Altarium cacumina in tentorij  
castrensis formam coniungunt ita, ut acuta culmina domus illae  
omnes habeant. Tegunt deinde palmarū & quarundā aliarū  
similium arborum folijs, contextis modo tutissimo à pluuia,



Atrabibus curtis postmodū ad trabes interiūs deductis funibus  
 gossampinis, aut ex quibusdam radicibus sparto similibus con-  
 tortis, lodices ex gossampino superimponunt. Gossipium nanque  
 nutrit insula suapte natura, sic lectis pensilibus ex rudi gossipio,  
 quod Hispanum vulgus algodonum, Italum bombasium ap-  
 pellat, vel stramine superiniecto vtuntur. Atriū habent, quod  
 vulgares aliæ domus circumeunt, in quod omnes lufuri conue-  
 niunt. Domos vocant boíos, media acuta. Duas ligneas statuas,  
 rudes tamen, singulis anguibz ipsis inherensibus eleuatis, con-  
 spicati, simulacra quæ colerent, arbitrati sunt: sed ad decorem  
 ibi posita, postmodū didicerunt: nā vti supra memorauimus  
 nihil adorare præter cæli numen creduntur, quamuis ex gossi-  
 pio texto larius, in pictorum lemurū, quos se noctū videre præ-  
 dicant, similitudinem, cōficiant. Sed vnde digressi sumus,  
 redeundum est. Aduentare nostros incolæ sentientes, domibus  
 derelictis, tã viri quàm fœminæ profugerunt. Ex pueris & mu-  
 lieribus captiuis, quos ex alijs insulis prædati fuerat, vel obsequij  
 vel epularū gratia seruatis, ad nostros circiter XXX confugiunt.  
 Domos ingressi, habere vasa fictilia omnis generis, fidelias, or-  
 cas, cantharos, & alia huiusmodi, à nostris non multū di-  
 ssimilia: atque in eorū coquinis elixas cū psittacis & anserinis  
 carnibus carnes humanas, & fixas verubus alias assandas, cō-  
 perere. Penetralia & domorum latibula queritando, tibiarum  
 & brachiorum humanorū ossa accuratissimè apud omnes, ad  
 cuspides sagittarum conficiendas, seruari cognitum est: ex ossi-  
 bus enim illas, quod ferro careant, fabrefaciunt. Cetera ossa,  
 exesis carnibus, proyiciunt. Inuenere etiam caput nupèr occis-  
 iuuenis trabi appensum, sanguine adhuc madidum. Quæsità-  
 do verò insulam internè, septē alia flumina, præter id grandius,  
 quod esse Bati vbi Cordubam lambit, nostro autem Ticino  
 latius aiunt descendere per insulam mira riparum amœnitate,  
 inuenerunt. Hanc vocant Guadalupeam insulam, à montis  
 Guadalupe similitudine, vbi intemeratæ Virginis mirabile

Ossa hu-  
 mana in  
 sagitta-  
 rum vsu  
 seruan-  
 tur.



colitur simulachrum: Carucueriam incolae appellant: est Caribium primaria habitatio. Tulerunt ab hac insula septem psittacos phasianis grandiores, qui ab alijs psittacis colore longissime absunt: habent enim totum corpus & ventre & tergo purpureum: ex longioribus plumis illis ab humeris lena depedet super purpureas breues, modo quo apud nostros ruricolae saepenumero capones habere ego ipse animaduerti: alarum autem pennas versicolores tenet. Sunt enim earum glauca aliae aliae purpureae, flauis immixtae. Psittacorum non minor est in omnibus insulis copia quam apud nos passerulorum, aut aliarum auium nostratium. Vti nostri picas, turdos, & alia huiusmodi ad delicias nutriunt, ita illi, quamuis eorum nemora psittacis plena sunt psittacos educant, illos tamen deinde comedunt. Mulieres, quas ex captiuis ad nostros concessisse supra dictum est, munusculis donatas ad Canibales adducendos, ire per signa Praefectus imperat: nec enim ille, ubi laterent, ignorabant. Haec apud viros illa nocte commemoratae, mane sequenti Canibalium plurimos, spe munerum commotos, adducunt. Hi, nostris visis, vel terrore, vel scelerum conscientia permoti, inter sese exorto murmure, alter in alterum oculos flectentes, cuneo facto ex insperato, celerime, ut multitudo auium, concitati, ad nemorosas valles pedem referunt. Nostris igitur, qui insulam inquirendi gratia aliquot dies pererrauerat, in vnum collectis, sine vlllo Canibale, fractis eorum lintribus vnifigneis, pridie Idus Nouembris ex Guadalupea ancoras eleuant. Visendorum comitum, qui primo itinere in Hispaniola vestiganda telluris gratia superiore anno relictii fuerant desiderio, Praefectus permotus, a dextera laeuaque plures insulas nauigando quotidie postergabat. Apparuit a septentrione grandis quaedam insula. Et qui prima nauigatione in Hispaniam vecti fuerat, & qui a Canibalibus redepti, vocari insulam ab incolis Madannina, affirmarunt, quam sola mulieres inhabitant. Ad nostrorum aures primo itinere de hac insula fama deuenerat. Ad eas haud secus Canibales certis anni temporibus concedere credi,



tum est, atque ad *Amazonas Lesbicas* transfretasse *Thrace*, retulit antiquitas: & eodem modo filios ad genitores mittere ablatos, *scæminas* autem apud se retinere. *Has* mulieres subterraneos grandes cuniculos habere aiunt, ad quos, si alio quàm constituto tempore quisquam ad eas proficiscatur, confugiant. Vnde, si aut per vim, aut per insidias tentare aditum sequentes audeant, sagittis sese tueantur, quas certissimas iacere creduntur. *Hæc* dant: hæc accipio. Ad hanc insulam, propter boream ab ea flantem, non licuit peruenire: *Vulturum* enim iam sequebantur. Inter nauigandum à conspectu *Madanina* ad quadraginta millia passuum, non longè ab alia, quam *Veeti* indigena populosissimam, & rerum omnium victu necessariorum copia pollentem, esse diebant, præterlabuntur: quoniam aliis motibus instructa esset, *Motem Serratam*, illam vocant. Inter cetera quæ ab ijs quos *Vehebant*, tum verbis, tum signis colligere inter loquendum potuerunt, isse *Canibales* plerunque *Venatum*, *Vescendorum* hominum gratia, supra mille millia passuum à suis littoribus, didicere. Altero die quandam aliam vident: cui, quod spherica esset, *sanctæ Mariæ Rotundæ* nomen indidit *Præfectus*. Ne moram traherent, aliam iterum sequenti ab isto die, quam *sancti Martini* nomine placuit vocitari, prætermisit. In tertium inde diem aliam, cuius diametrale latus ab Oriente in Occidentem, centum & quinquaginta millia passuum esse iudicauerunt, extrinsecus conspexere. Esse has insulas omnes miræ pulchritudinis & fertilitatis accipiunt. Hanc *Ultimam*, *Beatam Virginem* *Antiquam* dixerunt: à qua, pluribus alijs relictis, ad quadraginta millia passuum, ceteris omnibus grandior alia quædam occurrit, quam *Ayay* ab indigenis vocitatum, *sanctæ Crucis* nomine appellari voluerunt. *Ancoras* è proris iacere *Præfectus*, aquandi gratia, in hac imperat: triginta ibi viros in terram descendere naui qua ipse *Vehebatur*, iubet, qui loca tentarent: ibi canes inuenere, quatuor in littore. *Iuuenes* ac *scæminæ* totidem statim protentis in supplicum modum laceris, quasi

In muli-  
eribus  
sagittan-  
di peri-  
cia.



auxilium, & à manu gentis nefandæ libertatem expetentes, ob-  
 uij nostris efficiuntur: multo meliorem sortem sese consecuturos,  
 quæcunque illa foret, existimantes. Canibales autem eodem, quo  
 apud Guadalupeam, modo fugientes, se ad sylvas receperunt.  
 Bidu ibi commorati, & stantibus interea nostris triginta viris  
 in insidijs, ecce venientem à longè canoam è caueis speculari-  
 bus conspexere, qua octo viros cum totidem fœminis vectari  
 aduertentes, dato signo, canoam nostri adoriuntur. Appropin-  
 quantes nostros viri simul & mulieres sagittis mira celeritate  
 & crudelibus ictibus transfigere cœperunt: ita priusquam sese  
 scutis contegere potuerint, vnum ex nostris, qui Cantaber erat,  
 quadam ex mulieribus peremerit, atque aliū illa eadem, alia sa-  
 gitta acri vulnere transegerit. Venenatas sagittas medicamenti  
 quodam genere illinitas esse aduerterunt, acie ipsarum circun-  
 cisa, qua medicamen, ne discurreret, retineretur. Erat inter reos  
 fœmina quadam, cui vti per coniecturas percipere fas erat, cæ-  
 teri obtemperabant, atque veluti reginæ assurgebāt. Hanc filius  
 iuuenistoruus, robustus, ferocissimi intuitus, leoninæ faciei, co-  
 mitabatur. Nostri ergo, nè grauius malū à longè vulnerati per-  
 ferrent, multo satius esse manum conferere ducentes, remis agi-  
 tata nostra nauicula qua vehebantur, Canoam impetu maximo  
 inuertunt: ea in profundum missa, neque pigrius, neque rariùs  
 natando, tam viri quàm fœminæ, spicula in nostros dirigebant.  
 Ad saxum quoddam aqua coopertum recepti, strenuè dimicā-  
 tes, tandem capiuntur, vno interempto, & reginæ filio duobus  
 vulneribus confesso. In Præfecti nauim adducti, non magis fe-  
 ritatem ac vultus atrocitatem deponebant, quàm Libyci leones,  
 cum sese in vincula detrusos esse præsentunt. Hos nullus est qui  
 videat, quin scalpi sibi horrore quodam præcordia fateatur: adeo  
 atrox tartareusque est illis à natura & immanitate insitus pro-  
 spectus: à meipso, & reliquis qui vnà mecum plerūquē ad illos  
 intuen- Horribi-  
lis in fa-  
cie atro-  
citas.

citas. Ad iter redeo. Indies magis atque magis procedentes, iam ultra quinque



& quingenta millia passuum ad Aphricum prius, deinde ad  
 Fauonium, postea ad Argestem protenderant, cum pelagi quā-  
 dam vastitatem immensam, insulis innumeris & miris modis  
 inter se differentibus passim contextam, intrarunt: harum alias  
 nemorosas atque herbidas & amœnas, alias siccas & steriles ac  
 lapidasas altissimorum montium saxeorum, transeundo vide-  
 bant: quarum aliæ purpureos in nudis saxis colores, aliæ viola-  
 ceos, aliæ candidissimos ostendebant: metallis & gemmis esse  
 conditas, non desunt qui existiment. Sed nè illic naues firmarēt,  
 & obstitit maris intemperies, & frequentia insularum metus,  
 nè fortè naues maiores saxo aliquo illuderentur. In aliud igitur  
 tempus harum insularum inuestigatione dilata, quas ob multi-  
 tudinem & confusam intermixtionem numerare non licuit,  
 iter suum proseguuntur: sex tamen & quadraginta cum leuio-  
 ribus quibusdam nauigijs, quibus non magno opus erat fundo,  
 intersecuerunt, maioribus nauibus ab alto scopulorum metu iter  
 peragentibus. Archipelagus, Contexturam hanc insularum  
 vocauere. Ab hoc tractu procedentibus, itinere in medio iacet  
 insula dicta ab indigenis Burichéna: hanc sancti Ioannis, insu-  
 lam appellauit. Inde sese plures ex ijs, qui à Canibalibus liberati  
 fuerant, oriundos aiebant: populosissimam, cultam, portuosam  
 nemorosamque esse insulam fatebantur: eiusque incolas summa  
 cum Canibalibus odia atque inimicitias semper exercuisse. Non  
 habent ipsi nauigia, quibus, à suis finibus ad littora Canibaliū  
 possint transfretare: sed si Canibales eorum terras præda gratia  
 incursionibus infestantes profligauerint, ut interdum contigit,  
 quod belli euentus sint incerti vices reddunt easdem: alterum  
 enim ante oculos alterius secant, assant, & rabiosis dentibus la-  
 cerant & vorant. Hæc omnia per interpretes indigenas vectos  
 in Hispaniam primo itinere, discebant. Hanc insulam, ne morā  
 traherent, prætermisere. Attamen in eius ultimo ad Occiden-  
 tem angulo, aquandi solū gratia pauci in terram descendere:  
 Vbi more gentis eius domum inuenere magnam & conspicuā,  
 quam



quàm vulgares aliæ duodecim, sed deserta, circuibant: an quòd pro anni temporibus nunc ad montana, ratione caloris, nunc ad planities, quando frigescit aër, transmigrent: an Canibalium timore domos penitus dereliquerint, non planè constitit. Regē habet vnicum vniuersa insula, cui imperanti mira pàrent reuerentia. Circiter ducēta millia passuum huius insula meridionale latus, quod abraferant, protenditur. In mare noctū duæ mulieres & vnus adolescens ex liberatis à Canibalibus transiliētes, sese natando ad natale solum receperunt. Cum reliquis deinde optatam Hispaniolam, à prima insula Canibalium quingentas lequas distantem, intra paucos dies attingunt: sed infelici euentu, quòd omnes socios ibi relictos, interemptos repererint. Est in huius insula Hispaniola initio regio, Xamana ab incolis nūcupata. Ab ea ad Hispaniam prima nauigatione Præfectus rediturus cum decem illis indigenis, quos supra memorauimus, vela tetendit, è quibus tres tantummodo superstites erant: reliquis, contraria terrarum, aëris & ciborum mutatione, defunctis. De tribus cum primū Sancteremus Xamana latus, ab eo sic appellatum, attigit, vnum solui iubet: alij duo noctū sese in mare furtim deiciunt, natando profugiunt. Id Præfectus, octo & triginta hominum, quos superiore anno paulò interiùs in insula reliquerat, miserandæ necis ignarus, non multum agrè tulit: interpretes sibi non defuturos existimans, quam ob causam hos non magnificiebat. Vterius aduectis nostris parumpèr, Canoa oblonga multorum remigum occurrit. In ea frater Guaccanarilli eius regis, quem sibi adstricto fœdere, discedens ab insula, deuinctum amicitia Præfectus reliquerat, cui etiam nostros maximopere commendauerat, vno tantum comitatus vehebatur. Is ad Præfectum diuinas imagines aureas, nomine fratris, dono ferens: de nostro morte, vti postea per rei aduentum cognitum est, suo idiomate egit: sed quoniam interpretes defuerant, eius colloqui non perpendebant. Cum autem ad castellum ligerent



casas, quas sibi aggere circumducto nostri construxerant, peruenissent, omnia in cinerem versa, & silere omnia cognouerunt. Ea res Praefectum marinum ceterosque viros graues deturbauit. Viuere tamen aliquem, etsi malè coniectarent, existimantes: tormenta & balistas igni supposito, vna omnes exonerant, vt grauibus tonitruis, littoribus & altis montibus latè concussis, si qui inter homines, aut inter ferarum labras fortè metu perculsi degant, aduentasse nostros per hæc signa persentirent. Id incassum, viuebat enim nullus. A Praefecto posthæc missi ad regem Guaccanarillum nuncij, hæc dicta, quantum potuere percipere, retulerunt: Esse in ea insula maiores se reges, quod miræ sit magnitudinis, plures aut horum duos, maximis copiis suo more comparatis, fama nouæ gentis commotos aduentasse, belloque victos nostros omnes trucidasse, repagula casasque simul & eorum suppellectilia combussisse: & se, quod nostris esse auxilio conatus fuerit, ab eisdem fuisse sagitta vulneratum: crus vitta gossampina ligatum ostendens, retulit: propterea non iuisse ad Praefectum, quod maximoperè cupiebat. Varios ibi esse reges, hosque illis, atque illos his, potentiores inueniunt, vti fabulosum legimus Aeneam in varios diuisum reperisse Latium, Latinum putà Mezentiūque ac Turnum & Tarchontem, qui angustis limitibus discriminabantur, & huiusmodi reliqua per tyrannos dispartita. Sed Hispaniolos nostros insulares illis beatiores esse sentio, modò religionem imbuant: quia nudi, sine ponderibus, sine mensura, sine mortifera denique pecunia, aure genus. rea atate viuentes, sine legibus, sine calomniosis iudicibus, sine libris, natura contenti vitam agunt, de futuro minimè solicii. Ambitione & isti tamen imperij causa torquentur, & se inuicem bellis conficiunt: qua peste auream atatem haudquaquàm credimus vixisse immunem: quin & eo tempore, Cede, Non cedam, inter mortales pererrauerit. Ad rem, à qua digressi sumus, redeamus. Altero die n. f.



sus à Præfeto Melchiorius quidam Hispalensis vir, ( apud  
 pontificem summum, pro rege & regina functus oratoris of-  
 ficio, quo anno Malaca venit in eorum potestatem ) neque  
 vulnus, neque vulneris ullius cicatricem, vitta sublata, se  
 vidisse retulit: lecto illum tamen aduersa valetudine simula-  
 ta, iacentem reperit, cuius cubiculo septem concubinarum  
 pellicum lectuli adhererent: Unde peremptos eius concilio no-  
 stros suspicari cæpit: re tamen dissimulata, cum Guaccana-  
 rillo egit Melchiorius, ut postero die ad visendum Præfectum  
 sese ad naues conferret. Naues igitur, ut pactus fuerat, in-  
 gressus, nostris salutatis, atque auro donatis primoribus ad-  
 mulieres à Canibalibus ereptas conuersus, in vnam, quam  
 Catharinam nostri vocabant, oculos semisfractos conycere  
 visus, eam blandè allocutus est: atque sic Urbaniter ac lepi-  
 dè à Præfeto veniam petens, ad spectu equorum & aliarum  
 rerum illis incognitarum admiratus, discessit. Fuisse qui  
 Præfeto consulerent Guaccanarillum detinendum, fore  
 ut si eius consilio nostros peremptos fuisse comperirent, pœ-  
 nas daret. Sed irritandi animos indigenarum non esse tem-  
 pus Præfectus ratus, eum dimisit. Postridiè eius diei, regis  
 frater ad naues se conferens, vel suo, vel fratris nomine, mu-  
 lieres seduxit: nam sequenti nocte intempesta, Catharina ipsa  
 ut sese, & quascunque posset, in libertatem vendicaret, aut  
 regis & fratris eius pollicitationibus subornata, multo maius  
 facinus aggressa est, quam Clœlia Romana, quæ Tyberim,  
 ruptis vinculis Porsenæ imperium fugiens, cum reliquis obsti-  
 dibus virginibus enatauit: illa enim fluvium equo, hæc cum  
 septem alijs mulieribus suismet lacertis confisa, circiter tria  
 millia passuum, atque etiam maris non benè tranquilli, tra-  
 iecit, tantum enim à littore classis, omnium opinione, latinas.  
 distabat: Illas insecuti cymbis leuioribus nostri, eodem  
 lumine, quo in litorè viso mulieres regebantur, duce,  
 et s' offeuti sunt: Catharinam cum quatuor reliquis ad

Nora.

Audax

mulieru

latinas.

B. 3



Guaccanarillum euasisse creditum est: nam ubi eluxit, missi à Praefecto nuncij, aufugisse cum omni supellectile Guaccanarillum simul & scæminas ipsas, cognouerunt. Id non iniuria, fuisse nostros eius consensu interemptos, suspicionem adauxit. Hunc deinde Melchiorius, de quo supra, tribus armatis centurijs acceptis quaritans, (centuriam, centum virorum numerum appello: licet me non lateat, constare centuriam ex viris centum vigintiocto, quindecimque decuriam) in fauces quasdam retortas, quinque collibus erectis munitas, incidit: fluuij alicuius grande ostium arbitratus. Portum ibi valde commodum ac tutum adinuenit, Portum Regalem propterea nominandum censuerunt: falcatum eius ingressum, atque adeò in arcum dispositum ferunt, quòd siue in laeuam, siue in dextram introductas naues flectant, vnde donèc ad ostium reuertantur, ingressi fuerint, non facile dignosci possit: quantum tribus simul paribus proris onerariæ naues procedere valeant. Hinc atque inde sublatis colles littorum loco, venientes frangunt ventos. In eius medio sinu promontorium nemorosum, psittacis, atque aliarum volucrum ibi nidificantium multis generibus refertum, suauissimæque concinentium erigitur. Duo in portum hunc flumina non mediocria defluere cognouerunt. Dum inter vtrumque terram explorant, altam à longè domum vident. Ibi latere Guaccanarillum rati, accedunt. Adeuntibus nostris, vir quidam fronte rugosa & elato supercilio, centum hominibus comitatus, efficitur obuius: arcu, sagittis & lanceis præacutis, sudalibus omnes armati, minantibus similes, accurrunt: se Tainos, id est, nobiles esse, non Canibales, inclamitant. Signo pacis à nostris dato, arma simul & feritatem illam deposuere & singulis accipitreis tininnabilis acceptis, statim cum nostris adeò strictam amicitiam iniungere, ut in nostrorum potestatem sese sine vlla mora in naues ex alijs fluuij ripis demiserint, & suis postea muneribus nosros donauerint. Domum illam, qui eam dimensi sunt, d. orum



& triginta magnorum passuum à circumferentia ad circumfe-  
 rentiam, ( erat enim spherica ) iacto diametro, fuisse asserunt,  
 XXX. alijs popularibus circumseptam: lacunaribus arundineis  
 versicoloribus superinductis, mira arte intertextis. Interrogati,  
 quibus modis molius dabatur, de Guaccanarillo, responderunt,  
 non esse Guaccanarilli, regionis huius, sed eius qui aderat, im-  
 perium. Sensisse sese fatebantur, quòd Guaccanarillus à litto-  
 ribus ad montana secesserit. Icto igitur cum hoc Cacico, id est,  
 rege, fraterno fœdere, ad Præfectum, quæ viderant renuncia-  
 turi, rediére. Diuersos interea centuriones exploratum longius:  
 suis centuriis comitatos, Præfectus emittit: inter quos Hoiedam  
 & Gorualanum nobiles iuuenes, & animosos ambos: horum  
 alter quatuor flumina, alius alia parte tria ab iisdem montibus  
 collabentia comperére: in quorum omnium arenis aurum, no-  
 stris præsentibus, indigenæ qui eos comitabantur, hoc modo  
 collegabant: Arena manibus effossa ad scrobem vsque lacerti  
 profunditate, ex imo scrobis plenas arena sinistras dehinc e x-  
 trahentes, dextra auro delecto, sine vltiore industria, in ma-  
 nus nostrorum grana porrigebant: quorum se vidiſſe multa ci-  
 ceris craſſitudine, plures fatentur. Vidi ego ipſe poſtea allatum  
 rudem fluuiali petræ ſimilem globum, ponderis vnciarum IX,  
 ab ipſo Hoieda repertum. His ſignis contenti, rem ad præfectum  
 referunt. Iuſſerat enim Præfectus ( vt mihi relatnm eſt ) pœna  
 etiam propoſita, ne quid vltius, præterquàm de locis & lo-  
 corum ſignis, curarent. Fama etiam increbuit, eſſe quendam re-  
 gem montium, à quibus flumina illa decidunt, quem Cacicum  
 Caunabóam vocant, id eſt, dominum domûs aureæ: boam e-  
 nim, domum dicunt: cáuni autem, aurum: & cacicum,  
 regem: vti iam dictum eſt. Nullibi aquarum piſces inueniri  
 poſſe illis præſtantes, ſaporosiores, aut minus noxios. Et aquas  
 illorum fluminum omnium, eſſe ſaluberrimas aiunt. Diem eſſe  
 apud Canibales menſe Decembri noctibus æqualem Melchio-  
 rius ipſe mihi retulit: ſed id ſphæræ ratio non patitur: quãuis

Decēbri  
 nidificāt  
 volucres



eo mense auium alia nidificarent, alia filios iam natos in nidis haberent, & calor vigeret non mediocris. Abscondi totum Plaustrum sub arctico polo, atque occidere custodes Canibilibus, mihi de altitudine poli ab horizonte diligentius scrutanti, enarravit. Cui de iis maior sit fides, quam huic, adhibenda, nullus hoc itinere rediit. Si ergo fuisset Astronomia peritus, diem ferè noctibus equalem dixisset: nullibi enim terrarum aqua est versus solstitia nox diei: ipsi verò equinoctialem nunquam tetigere, quandoquidem arcticum polum semper habuere ducem, & ab horizonte semper eleuatum. Sunt enim alij neque literarum aut rerum experientia periti. Propterea breuibus nunc & in composita epistola, quæ colligere potuerim, accipito: propediem, ut spero, à me cætera, quæ deteguntur habiturus. Scripsit enim ad me Præfectus ipse marinus, cui sum intima familiaritate deuinctus, sese mihi latissime, quacunque sors ostenderit, significaturum. Ipse propinquum portui cuidam editum locum, ad ciuitatem condendam elegit: ibique intra paucos dies domibus, ut breuitas temporis passa est & sacello erectis, eo die quo trium Regum solennia celebramus diuina nostro ritu (in alio potest dici orbe tam extero, tam ab omni cultu & religione alieno) sacra sunt decantata tredecim sacerdotibus ministrantibus. Tempore, quo iam sese ad regem & reginam missurum fuerat pollicitus, appropinquante, & prospera nauigatione se offerente, non ultra cunctandum ratus Præfectus, X I I. has Carauelas, quas aduentasse diximus commeauit, non mediocri molestia nostrorum interneccione confectus: quorum morte, multa quæ iam de illorum locorum natura cognosceremus, adhuc nos latent. Ut pharmacopolis, syrophænicibus & aromatariis accitis, possis quid regiones illæ ferant, quam calida sit earum superficies, dignoscere, ex granis omnis generis, ex libro & medulla earum arborum, quas Cinnami esse aiunt, ad te mitto: siue ex granis, siue ex animulis quibusdam, quas ex ipsis granis decidisse conspicias, siue ex



ligno gustare volueris, illustrissime princeps, tenuiter admoto la-  
 bello pertingito: sunt enim, quanuis non noxia, ob nimiam ta-  
 men caliditatis acuitatem, acria, & linguam, si in ea diu mo-  
 rentur, expungunt: sed statim, si forte eius degustatione lingua  
 concoquatur, epota aqua, asperitas illa tollitur. Ex frumento e-  
 tiam quo panem conficiunt, grana quedam alba & nigra ta-  
 bellarius meo nomine dignationi tue dabit. Ligni, quod aloës  
 esse dicunt, truncum affert: quod si iusseris scindi, suauem sen-  
 ties ex eo odorem emanare. *Vale ex Hispana curia, tertio ca-* Ann.  
*lendas Maij, M. CCCC. XCIII.* 1494.

PETRI MARTYRIS MEDIOLA-  
 NEN. PROTONOTARII APOSTOLICI,  
 regique consiliarii, ad Ludouicum Arago-  
 nium Cardinalem, in Oceane Decadis  
 primę caput tertium, Prefatio.

**P**ETIS iterum, ut Phæbeos currus ineptus  
 Phaëton gubernet. Ex nudo silice suaues li-  
 quores exhaurire contendis. Nouum, ut ita  
 dixerim, terrarum orbem, catholicorum  
 Fernandi & Elisabeth regum tibi patruo-  
 rum ductu, ab Occidente, qui hactenus latitabat, repertum,  
 ut ego describam, Frederici regis inchyti patrui tibi, mihi lite-  
 ras de hac re ostendens, imperas. Preciosum hunc lapillum,  
 plumbo ineptè circumdatū, ambo accipietis. Sed cum eruditos a-  
 micè, detractores inuidè, mordaces rabidè, in nostras formosas  
 Nereides Oceaneas, spumantia tela detorquere presenties: quam  
 breui spatio, inter rerum angustias & valetudinariū, hos me  
 conscribere coëgeris, ingenue profiteberis: scis nanque me tanto

B iiij



celeriter ex Præfecti ipsius marini Coloni archetypis pauca hæc delegisse, quanto tuus a manu famulus, qui me dictante scribebat, poterat exarare. Infestabas nanque me quotidie tuum discessum obiiiciens, ut nostri regis sororem Parthenopæam reginā, tibi amitam, quam huc fueras comitatus, in patriam reduceres. Singulis interdum diebus, singulos me libellos cudere addegisti. Duos in prima fronte: alieno comperies nomine signatos: quos, dum ista querebantur, ad infelicem ego Ascantium Sphorciam, tibi affinem, Cardinalem, Vicecancellarium, scriptitare inceperam: quo cadente, cecidit & mihi animus a scribendo: quem tu nunc, tuique incliti patruus regis Frederici litera, ad me directa, excusistis. Rem, non picturam, degustate. Vale, ex Granata, 9. Calend. Maij. Anno 1500.

## OCEANÆ DECADIS

primæ caput tertium.



Colonum Præfectum marinum percurrisse, ad Hispaniolamque insulam cum integra classe quarto Nonas Februarij anni tertij & nonagesimi, appulsum fuisse, superiore libro descripsimus. Nunc autem quid de insula natura explorans repererit, quid de postea, finitimam insulam continentem, vii credit, terram percurrentem, inuenerit, enarremus. Insula hæc Hispaniola, quam ipse Ophiram, de qua legitur Regum tertio, esse asseuerat, latitudinis est graduum australium quinque: eleuatur enim a septentrione gradus septimus & vigesimus: a meridie verò, ut ipsi referunt, vigesimus secundus: longitudo autem ab Oriente in Occidentem passuum millia octoginta super septingenta. Ex ipsius Præfecti Coloni comitibus non desunt, qui vtramque insulam mensuram producant ab Oriente ad Occidentem. Distare a Gadibus insulam gradus prædicant aliqui nouem & quadraginta,

Hispani-  
niolæ, de  
scriptio.



alij amplius: neque enim certam adhuc rationem reperere. In-  
 sula forma, castanea folium emulatur. Super edito igitur colle,  
 à septentrione ciuitatem erigere decreuit: quodd huic loco mons  
 eminens & saxifodinis ad edificandum, & calcem conco-  
 quendam aptissimus, adiaceat. Inhaeret præterea huius montis  
 radicibus vasta planities, longitudinis milium passuum circi-  
 ter sexaginta: latitudinis verò, duodecim alicubi: alibi, vbi  
 angustior, sit, sex: vbi verò amplior, viginti. Planitiem salu-  
 brium aquarum flumina interluunt plura: sed eorum maius,  
 & id nauigabile, in portum qui vrbi subiacet, ad stadium di-  
 midium cadit. Quanta sit eius vallis vbertas, quanta soli be-  
 nignitas, eorum relatu aduerte. In huius fluminis ripa hortos  
 colendos limitibus concluderunt: ex quibus de omni olerum  
 genere, vt puta raphanorum, lactucarum, caulium, boragi-  
 num, & aliorum huiusmodi, intra diem à iacto semine  
 sextumdecimum, vulgo matura euulsa sunt. Melones, cucur-  
 bitas, cucumeres, & alia id genus, in diem sextum & tri-  
 gesimum carpserunt. Sed nusquam se meliores vnquam co-  
 medisse aiebant. Hæc hortentia, toto anno habent recentia.  
 Cannarum radices, ex quarum succo saccharum extorquetur,  
 sed non coagulatur succus, cubitales cannas intra quindecim  
 etiam diem emisserunt. De plantatis propaginibus aut  
 sarmentis itidem aiunt, & secundo à plantatione anno, sua-  
 ues ex eis vvas comedisse: ast ex nimia vbertate racemos e-  
 dunt perpaucos. Rusticus præterea quidam tritici parumpèr  
 circiter Calend. Februarij seminavit, (res miranda) in omniū  
 conspectu maturum spicarum manipulum tertio Calend. Aprili-  
 lis, qui eo anno erat Vigilia Resurrectionis Dominice, secum  
 ad urbem tulit. Legumina quæque quotannis maturescunt bis,  
 Scripsi, quæ omnes vno ore inde redeuntes, de eius terra fœtura  
 retulerunt: nonnulli tamen ferunt, tritici non esse terram fe-  
 racem in vniuerso. Interea dum ista agerentur triginta viros,  
 qui Cipangi, aliàs Cibaui, regionem explorarent, per diuersa

Mira fo-  
 li vber-  
 tas.



Iunna  
Attibu-  
nicus.  
Iaches.  
Naiba.

dimisit Praefectus. Est autem hac regio montosa, saxeae, & medium totius insulae dorsum, in qua maximam esse auri copiam incolae signis ostendebant. Missi à Praefecto, de regionis opibus mira referentes reuertuntur. Ex illis montibus quatuor ingentia flumina defluunt, quae totam insulam, reliqua suis alueis suscipiendo, memoranda naturae industria in quatuor ferè partes aequales diuidunt. Tendunt enim, vnus recta ad orientem qui ab accolis Iunna vocatur: ad Occidentem alius, huic terga vertens, qui Attibunicus: tertius ad septentrionem, quem Iachem appellant: vltimus ad meridiem, quem Naibam. Sed redeamus ad condendam urbem. Fossis & aggeribus urbe circumvallata, (ut si eo absente praelium incolae tentarent, sese, qui relinquebantur, tutari possint) pridie idus Martij cum omnibus equitibus, peditibus autem circiter quadringentis, ipsemet ad auriferam regionem recta ad meridiem proficiscitur: fluvium praeterlabitur, transgreditur planitiem: montem qui aliud planicie latus cingit, superat. In aliam conuallem, quam flumen priore maius, aliaque multa mediocria interlucebant, incidit: exercitum traducit. Hac valle, quae priore nulla parte inferior est, superata, tertium montem facit peruium, qui haecenus fuerat iniuius. Descenditque in aliam conuallem, quae iam Cibaua est initium: per hanc flumina & ex omni colle riuus currunt, in quorum omnium arenis aurum reperiatur. Cum iam secundum & septuagesimum ab urbe lapidem intra regionem auriferam profectus fuisset, in magni cuiusdam fluminis ripa eminenti super colle condere arcem instituit, ut interioris regionis secreta inde tuto paulatim scrutarentur. Hanc arcem sancti Thomae nomine insigniuit. Dum interea arcem edificaret, eius regionis incolae, tintinnabulorum & aliarum rerum nostratium cupidi, quotidie moram trahentem adibant. Praefectus vero marinus se illis, quae peterent, libentissime daturum, si aurum ferrent, insinuat. At illi, dato tergo ad haec promissa, ad ripam propinquiore currentes, intra breue temporis spatium onustis



auro manibus redibat. Grandaeus incola duos auri calculos pō- Auri ma-  
gna co-  
pia.  
 deris vnius ferè vncia, tintinnabulum tantummodo petens, at-  
 tulit: qui cū nostros calculorum magnitudinem admirari con-  
 spiceret, eorū admiratione admiratus, eos esse paruos ac nullius  
 momenti calculos innuebat, captisque manu quatuor lapidibus,  
 quorum minor nucem, maior autem grande aureum æquabat  
 malum: adeo magnos auri globos in solo natali suo, quod ad di-  
 midiam inde diatam distabat, passim reperiri aiebat, nec apud  
 vicinos suos magnæ curæ esse aurum colligere. Cognitum enim  
 est, illos aurum, in quantum est aurum, nō magnifacere, sed tan-  
 ti illud æstimare: quanti artificis manus in formam cuique gra-  
 tam diducere aut conflare didicerit. Quis rude marmor, aut e-  
 bur incultum comparat magno? nullus equidem: sed si Phidie  
 aut Praxitelis dextra fabrefactum, in comatam Nereidem aut  
 Hamadryadem pulchrè formatam prodierit, nusquam empto-  
 res deerunt. Præter hunc senem, accesserunt & alij plures, qui  
 decem & duodecim drachmarum calculos attulerunt, ausque  
 sunt fateri, vbi aurum illud collegerunt, auri globos pueri ca-  
 put, quem ostendebant, æquantes, fuisse aliquando repertos. Dum  
 ibidem dies aliquot moraretur, Luxanum quendam iuuenem  
 nobilem cum paucis armatis, regionis partem exploratum mi-  
 sit: hic etiam maiora sibi ab incolis fuisse dicta, retulit, nihil ta-  
 men attulit: ex Præfecti putant mandato ita fieri. Aromatibus,  
 sed non iisdem quibus nos vtimur, habent plena nemora, quæ  
 pari modo colligunt vt aurum: tantum scilicet vnusquisque,  
 quantum permutando aliquid sibi gratum à finitimarum in-  
 sularum incolis assequantur: vt puta paropsides, sedilia & hu-  
 iusmodi, quæ in aliis insulis ex nigro quodam ligno, quo ipsi  
 carent, conficiuntur. Rediens ad Præfectum Luxanus circiter i-  
 dus Martij, labruscas in syluis maturas inuenit, optimi, vt ait,  
 saporis. Sed nulla est insularibus de his cura. Est hæc regio,  
 quamuis saxea, (nam eorum lingua Cibauū, id quod saxosum  
 sonat) arborifera tamen & herbida. Immo & aiunt herbæ eo-  
 rum montium, quæ solū gramē est, si secetur, quatuor dierum



intercapedine tritico altiore crescere. Frequentes in ea pluuias cadere referunt, hinc esse riuos & flumina adeo crebra: quorum cum sit arena vbiq; auro commixta, ex montibus illud aurum detrahi per torrentes autumant. Gentem constat esse ociosam: nam interdum hyeme urgente tremunt in montibus frigore: nec quum sint illis nemora gossipio refertissima, vestes sibi laborare student. In vallibus autem vel campestribus locis minimè frigesunt. His ita in initio regionis Cibaua diligenter perquisitis calend. Aprilis, quem diem Resurrectio sequebatur, ad Isabellam, id est vrbis nomen, reuertitur. Vnde in eius & totius insule gubernationem fratre suo & Petro quodam Margaritæo, regio antiquo familiari, relictis: ad discurrendam quam arbitrabatur continentem terram, quæ inde septuagesimum tantum lapidem distabat, sese accingit: regij imperij memor, qui illum admonuerat, vt percurrere noua littora festinaret, ne rex alius quisquam prius sue ditioni terras illas subdere studeret. Rex enim Portugallie publicè sua interesse, latentia illa detegere, aiebat. Summus verò Pontifex Alexander sextus, regi & reginæ Hispaniarum per plumbatas concessit bullas, ne quis princeps alius incognitas illas regiones pertinere auderet: a septentrione ad austrum linea recta extra parallelum insularum, quæ dicuntur Caput Viride, proiecta (vidi sidiij causa tollatur) lequas centum, ex composito demum tercentum. Credimus has insulas esse Hesperides: hæ sunt regis Portugallie: & inde sui nautæ noua littora quotannis detegentes, semper in lauam à tergo Africa, per Aethiopum maria, ad Orientem vertebant proras, neque ab Hesperidibus vnuquam ad Meridiem aut ad Occidentem Portugallenses adhuc nauigauerant. Cum tribus igitur nauigijs discedens ad eam regionem, quam prima nauigatione insulam existimans, Ioannan vocitaret, breui tempore peruenit: vocauitque eius initium Alpha ω, eo quod ibi finem esse nostri Orientis, cum in ea sol occidat: Occidentis autem, cum oriatur, arbitretur. Con-

Nota.



stat enim esse ab Occidēte principiu Indiae Ultra Gāgē: ab Oriēte  
 Verò terminu ipsius Ultimū. Neque enim absouum penitus est,  
 quū Ganges Indiae terminos indiscretos Cosmographi reli-  
 querint: nec desint qui ab Hispanis oris non longē Indica littora  
 discedere sentiat. Cuba incola hanc partē vocant. In cuius pro-  
 spectu, in Hispaniola angulo extremo portū reperit cōmodissimū  
 sinū enim in se recipit latū in ea parte ipsa insula. Hunc portū,  
 sancti Nicolai nomine insigniuit, à quo vix viginti lequas rece-  
 dit Cuba. Trāsfretat igitur & Cuba meridionale latus capiens,  
 ad Occidentē vergit. Incipiunt illi, quo vlteriū procedebat, tan-  
 to magis littora in latum protendi, & ad meridiem curuari.  
 In Cuba latere ad meridiem, primū reperit insulam quam  
 incola Iamaicam vocant. Hanc insulam Sicilia longiorem la- Iamaica  
 tiorēque prädicat, vno tantū monte contentam, qui ab om-  
 nibus sui partibus à mari incipiens, paulatim vsque ad insulae  
 medium eleuatur, atque ita leniter sese in dorsum extendit,  
 vt ascendentes vix se ascendere sentiant. Tam in littore, quā  
 in internis: feracissimam & populis plenam esse assueuerat: in-  
 colasque eius ceteris insularibus ingenio acutiores, ac mecha-  
 nics artibus magis deditos, bellicosioresque, finitimi fatentur:  
 nam pluribus in locis volenti Praefecto terram capere, armati  
 ac minitantes occurrerunt, pugnasque saepius attentarunt: sed  
 victi semper, amicitiam omnes cum Praefecto iniere. Iamaica  
 igitur relicta, ad Occidentem prospero ventorum flatu septua-  
 ginta dies nauigauit: seque non longē ab aurea Chersonesso  
 nostri Orientis Ultra Persidem initio perrexisse per inferiorem  
 nobis terra ambitum arbitratur: credit enim se duas tantū  
 solis horas de duodecim, quae nobis erant incognitae, reliquisse.  
 Dimidiū enim solis cursum veteres intactum reliquerant: cum  
 eā tantū terra superficiem, quae à Gadibus vsque ad Gāgē, vel  
 ad aureā vsque Chersonessum, discussam habeamus. Hoc itine-  
 re in currentia more torrentis maria, in vadofos gurgites, in an-  
 gustias innumeras propter insularum adiacentium multitudi-



nem, quotidie incidebat : omnia tamen hæc pericula parui faciens, tantum procedere instituit, donec, an insula esset Cuba, an terra continens, certior fieret. Navigavit igitur eius semper littora abradens, ad Occidentem duas lequas & viginti supra bis centum, ut ipse ait, hoc est, millia passuum circiter tercentum & mille. Septingentisque insulis nomē imposuit, in laevā plusquam tribus millibus passim, ut ipse dicere audet, relictis. Sed ad eas, quæ memoratu digna inter navigandum reperiebat, revertamur. Cum iam per Cubæ latus locorum naturam adnavigans perquireret, ab Alpha ad est, ab eius initio, non magno tractu, portum multarum navium capacem reperit, falcatus enim est eius introitus, promontorii utrinque venientes undas recipientibus inclusus: intus autē ingens spatium & immensa profunditas. Portus littora ambiens, casulas vidit non procul a littore culmeas duas, pluribusque in locis ignem accensum: demittit è navibus viros quosdam armatos qui casulas adeant. Descendunt, neminem reperiunt: verubus tamen ligneis appositas ignibus piscium libras circiter centum, duosque octipedales serpentes cum piscibus ipsis inuenere. Admirati, si quos incolæ videat, circumspecti: cum nemo illis in toto prospectu sese offerret, (venientibus enim nostris sese ad montana piscium domini receperant) discubunt, & captis alieno labore piscibus leti fruuntur: serpentes relinquunt, quos nihilo penitus ab Aegyptiis crocodilis differre affirmant, præterquam magnitudine: nam crocodilorum, ait Plinius, aliquos fuisse reperi-  
tos duodeviginti cubitorum: horum autem maiores, octipedales. Propinquum nemus postmodum iam saturi ingredienti, ex iis serpentibus, arboribus funiculis alligatos plures comperere, quorum ora alii funibus adstricta, dentes alii euulsos habebant. Cum deinde portus vicina scrutarentur, circiter LXX homines in cuiusdam altæ rupis culmine viderunt, qui nostris adeuntibus, profugerant: ut inde, quid sibi vellet hæc nova gens, perdiscerent. Nutibus & signis blanditisque nostri illos adducere conabatur: munerum oblato-  
rum a longe spe motus accessit unus, sed in-



propinquam rupem tamen, timentissimilis. Almirantus autem qui secum habebat Didacum quendam Colonum, inter suos educatum, iuuenem prima nauigatione abductum ex insula Cuba Vicina, nomine Guanahaini, Didaco interprete, cuius lingua patria fere horum lingue quadrabat insularem qui propius uenerat, alloquitur: metu deposito adit incola, ceterisque ut tuto uenirent, nec vererentur, persuadet. Nuncio habitos ex rupibus ad naues circiter septuaginta descendunt: amicitiam ineunt, muneribus à Praefecto donantur. Esse piscatores, à rege suo, qui solenne conuiuium alteri regi parabat, piscatum missos, Praefectus cognouit. Quod pisces ignibus appositos Praefecti gēs comederit, æquo libetique animo passi sunt, quandoquidē serpentes reliquere: neque enim quicquā est inter edulia, quod tāti faciat, quanti serpentes illos: popularibus eos comedere minus licet, quā apud nos Serpentes in deliciis habentur. De piscibus autem se totidem ea nocte capturos dicunt. Interrogati, cur pisces quos regi suo laturos erant coquere pararent, ut recentiores & incorruptos illos afferre possent, responderunt. Ita dextris in amicitiam iunctis, ad sua quisque proficiscitur. Sequitur Almirantus, ut instituerat, solē occidentem, à principio Cuba, quod Alpha α, vocatum ab Almiranto, diximus. Littora ad hunc portum media, quauis arboribus constata, aspera tamen & montosa. Ex arboribus floridæ erant aliæ, & ad mare suaves ex se odores emittebant: aliæ vero fructibus onustæ. Ultra portum autem terra est feracior populosiorque: cuius incolæ ceteris mitiores, rerumque nouarum cupidiores: nam ad littora omnes, uisis nostris nauibus, certatim concurrebant: panē quo ipsi vescuntur, & cucurbitas aqua plenas, nostris offerentes, ut in terram descenderent, inuitabant. Habet hæc insule omnes arboris quoddam genus, ulmos æquans magnitudine, quæ cucurbitas gignit pro fructu: ad aquæ usum illis utuntur, ad esum minimè: medullam nanque ipsius felle amariorem esse aiunt, sed cortice testudineam æquare dicitur. Idibus Maij ex alio r. cauea in lauan ad a strum



Nouum  
piscandi  
genus.

speculatores prospicientes, densam insularum multitudinem viderunt inter nauigandum, herbidas, virides arboriferas, vberes, & habitatas esse animaduenterunt. Incontinenti litore in fluiuium incidit nauigabilem, aquarum adeo calidarum, quod manum in ipsis ferre diu nemo posset. Altero vero die piscatorum canoam a longe videns, ne nostris visis piscatores aufugerent, veritus, ut illos tacitis cymbis intercipient, imperat. Illi autem intrepidi nostros expectant. Audi nouum genus piscationis. Non aliter, ac nos canibus Gallicis per æquora campi lepores insectamur, illi venatorio pisce pisces alios capiebant. Piscis erat forma nobis ignota, corpus eius anguille gradiori persimile: sed habens in occipite pellem tenacissimam, in modum magnæ crumenæ. Hunc vinctum tenent in naui sponda funiculo, sed tantum demisso, quantum piscis intra aquam carinæ queat inherere: neque enim patitur ullo pacto aëris adspectum. Viso autem aliquo pisce grandi, aut testudine, quæ ibi sunt magno scuto grandiores, piscem solunt: ille quum se solutum sentit, sagitta velocius piscem aut testudinem, quæ extra conchyle partem aliquam eductam teneat, adoritur, pelléque illa crumenaria iniecta prædam raptam ita tenaciter apprehendit, quod exoluere ipsam, eo viuo, nulla vis sufficiat, nisi extra aquæ marginem paulatim glomerato funiculo extrahatur: viso enim aëris fulgore, statim prædam deserit. Præda igitur iam circa aquæ marginem euecta, in mare saltat piscatorum copia tanta, quanta ad prædam sufficiat sustinendam, donec è naui comites eam apprehendant. Præda in nauim tracta, funiculi tantum solunt, quantum venator possit ad locum suæ sedis intra aquam redire: ibique de præda ipsa per alium funiculum escas illi demittunt. Piscem incolæ guaicani, nostri Reuersum appellant, quod versus venetur. Quatuor testudines eo modo captas, quæ nauiculam illis ferè implebant, nostris dono dant: cibus est enim apud eos non illois: nostri autem è conuerso gratis muneribus donatos, palatres eos reliquere. Interrogati nautæ

de reffe



de terra illius ambitu, non habere finem ab Occidente significarunt: insisteruntque, ut Almirantus aut descenderet, aut suo nomine salutatum suum Cañicum, id est regem cum eis mitteret, Cañicum nostris multa munera daturum si adirent, pollicentes. Prefectus autem, nè ab incepto detineretur, morem illis gerere recusavit: petièere tamen nomen eius, sui que Cañici nomen nostris dederunt. Vterius inde procedens ad Occidentem semper, intra paucos dies monti adhaesit altissimo, habitatoribus ob ubertatem referto. Ad naues panem, gossipium, cuniculos, & volucres ferentes incolae confluabant. Ab interprete, an è calo gens ista descenderet, miro affectu sciscitabantur. Rex horum & alij plures, qui illi adstabant viri graues, non esse insulam terram illam innuebant. Aliam insulam postmodum, ex his quae in laua huic terrae abderebant, ingressis, comprehendere quendam non licuit: fugere enim omnes viri foeminaeque, nostris adeuntibus: quatuor canes in eas, sed non latrabiles, ad spectus foedisimi, quos comedunt uti nos haedos, comperere. Anseres, anates, ardeas, haec insula gignit innumeras. Gurgites demum inter insulas & continentem adeo angustos ingressus est, quod vix vertere retrò navigia fas esset: adeoque vadosos, quod arenam carina interdum verreret. Horum gurgitum per quadraginta miliaria erat aqua lactea, spissaque, ac si farinam toto illo pelago sparsissent. In amplum aquor quum tandem euassissent, ad octogesimum miliarium mons alius altissimus sese illi obtulit. Aquandi lignandi que gratia hunc adit. Inter palmetas pinetaeque altissima, fontes natiuos dulcium aquarum duos reperit. Interea dum ligna scinduntur, cadi implentur, ex nostris sagittariis unus Venarum syluam ingreditur: ibi vir quidam alba tunica amictus, adeo improvisus sese illi offert, quod prima facie esse quendam fratrem ordinis sanctae Mariae Mercedis, quem



secum Almirantus pro sacerdote habebat, existimauerit: sed hunc statim ex nemore alij duo sequuntur: deinde à longè vidit agmen veniens circiter triginta hominum vestibus contectorum. Tunc verò terga vertens ac proclamans, ad naues quàm celerrimo potest cursu profugit. Tunicati autem illi applaudere, & nè vereretur, persuadere omnibus modis nitebantur. Sed nihilominus noster fugiebat. His Praefecto renunciatis, alacer quòd gentem cultam inuenerit, statim armatos in terram misit cum mandatis, ut si opus fuerit, quadraginta milliaria intra insulam pergerent, donec aut tunicatos eos, aut alios incolas omni studio quæsitos inueniant. Nemus transgressi, vastam planitiem herbidam, in qua nec semite vestigium usquam apparuit, offenderunt: per herbas proficisci conantes, adeò sese implicuerunt, quòd vix milliare processerint: erat enim herba nostris segetibus spicatis nihilo minor. Fessi igitur reuertuntur, non reperta semita. Postero die quinque & viginti armatos dimittit, quibus imperat, ut quæ gens terram incolat, diligenter explorent. Hi cum non longè à littore magnorum animalium vestigia quædam recentia comperissent, inter quæ leones esse arbitrati sunt, metu percussi redeunt. Inter veniendum syluam reperiunt, serpentibus per altas arbores passim vitibus suapte natura productis arboribusque alijs plurimis aromaticos fructus parturientibus, consitam. Racemos tulere ponderosos ac succi plenos in Hispaniam: de fructibus autem alijs quos ferebant, cum in nauibus passari non commodè possent, nullus allatus est, putruerunt enim omnes, & corrupti, in mare proiecti sunt. In pratis eorum nemorum, gruum agmina, nostratibus duplo grandiorum, se vidisse retulerunt. Inter nanigandum cum ad alios quosdam montes vela dirigeret, in duabus casulis in littore visis, vnum tantum reperit hominem: hic ad naues ductus, terram quæ trans illos montes iacebat, esse populosissimam capite, digitis, & quib⁹ alijs poterat modis, significabat. Ap-



plicanti se ad ea littora Praefecto, multae canoae obuiam prodeunt: inuicem se placidissime per signa compellarunt: neque Didacus ille, qui in Cuba initio incolarum linguam intellexerat, hos intelligebat. *V*aria enim esse idiomata in variis Cuba prouinciis, perpenderunt. Incolereque regionis interna potentissimum regem: qui se indueret, ostendebant. Hunc tractum omnem summersum & aquis coopertum, littoraque caenosa arboribus referta, ut nostras paludes, ait. Ibi tamen cum aquandi gratia in terram descendisset, conchylia ex quibus vniones habentur, vidit. Nec eo magis moram traxit: erat enim eius intentus non alius tunc ex praecepto regum, quam, quotquot posset, maria discurrere. *V*lterius igitur procedentibus, omnia littorum culmina, usque ad alium montem, qui se ad octoginta millia passuum ostendebat, fumigabant. Nulla erat specularis rupes, ex qua fumus non egrederetur. Nec an incolarum essent ignes, bene constitit, ad necessitatem parati: an, uti suspectis bellorum temporibus fieri solet, per eos fumos signa vicinis darent, ut se in tutum reciperet aut ut in unum conuenirent, si quid nostri contra eos moliri tentarent: aut forte, quod magis consonum videtur, ut tanquam ad rem mirandam, nostra nauigia inspecturi, concurrerent. Littora iam Praefecto modo ad Austrum, modo ad Africum siue Libym, curuabantur: mare vero ubique insulis implicitum. Hinc igitur carinae, quae terram saepius propter vadosa maria verrerant, quassatae: rudentes, vela, & reliquum amplustre, iam putrida: alimenta quoque per rimas male stipatarum nauium madefacta, sed praecipue panis biscotus, corrupta, vertere retrò proras Praefectum coegerunt. Hanc vltimam existimati continentis oram, quam ipse attingit, vocauit Euangelistam. Retrò vela vertens, inter alias insulas continenti non ita finitimas, in pelagus incidit, testudinibus magnis adeò condensum, quod naues aliquando detar-



darent: gurgitemque postea ingressus est albidarum aquarum.  
 Vti alium reperisse supra scripsimus. Ad crediti continentis  
 tandem littora, quâ venerat, reuersus est, insularum vada  
 pertimescens: ad eumque (cûm neminem veniens molestia  
 affecisset) hilari vultu, posito omni timore, viriusque sexus  
 incole dona ferebant: psittacos alij, alij panem, aquam, cunicu-  
 los, sed præcipuè palumbes nostris grandiores, quos sapore &  
 gustu perdicib<sup>9</sup> nostris meliores fuisse, Præfectus ait: quare cû  
 sensisset inter comedendū spirare ex eis aromaticū quendam  
 odorem, iussit de recenter interemptis quibusdam iugulos a-  
 perire. Plena illis odoratis floribus reperit guttura: indè gu-  
 stum eum in palumbibus notum emanare arguerunt: nu-  
 trimenti enim naturam sorbere carnes animalium, æquum  
 est credere. Dum in littore rem diuinam Præfectus audiret,  
 ecce primarium quendam octogenarium, virum grauem, nec  
 eo minus nudum, multis illum comitantibus. Hic, donec sa-  
 cra peragerentur admiratus, ore, oculisque intentus adsistit:  
 dehinc Præfecto canistrum, quem manu gerebat plenum pa-  
 triæ fructibus, dono dedit: sedensque apud eum per interpre-  
 tem Didacum Colonom, qui id idioma, cûm propius acce-  
 sissent, intelligebat, orationem habuit huiusmodi:

Ad mor-  
 taliū mo-  
 res for-  
 mandos  
 efficax  
 oratio.

Terras omnes istas hæcenus tibi ignotas, manu potenti te  
 percurrisse, renunciatum nobis fuit, populisque incolis metū  
 non mediocrem intulisse. Quare te hortor moneoque, vt itine-  
 ra duos, cûm è corpore prosiliunt, animas habere scias: tenebro-  
 sum vnum ac tetrum, his paratum, qui generi humano mo-  
 lesti infensique sunt: iucundum aliud & delectabile, illis  
 statutum, qui pacem & quietem gentium viuentes amârūt.  
 Si igitur te mortalem esse, & vnicuique pro præsentibus o-  
 perib<sup>9</sup> futura merita obsignata memineris, neminē infestabis.

His & aliis pluribus per interpretem insularem Præfecto,  
 admiranti tale hominis nudi iudicium, relatis, respondit: Cō-



peritissima sibi esse quaecunque dixerit de animarum è corpore exeuntium variis itineribus ac præmiis: immò & existimasse hætenus illa ipsi, & reliquis earum regionum incolis, fuisse ignota, cum ita vivant natura contenti. Ad cætera verò se a rege & regina Hispaniarum, ut eas omnes orbis oras hætenus incognitas pacaret, missum respondit: ut scilicet Canibales & reliquos scelestos homines indigenas debellaret, debitisque supplicijs afficeret: innoxios autem, ob eorum virtutes tutaretur & honoraret: quare nè ipse, aut ali<sup>us</sup> quisquæ, cui nō sit animus nocēdi, vereantur: immò si quid fortè a vicinis iniusti sibi aut aliis bonis illatū fuerit, aperiat. Seni Præfecti dicta adeò placuerunt, ut se iturum, quanvis ætate iam grauescentem, cum Præfecto libentissime prædicaret: cōfectumque id fuisset, nisi vxor & filij obstitissent. Attamē quod alterius imperio hic subiaceret, summoperè admiratus est, sed tunc multo magis, quando relatum illi fuit per interpretem, qualis & quanta esset regum pompa, potentia, ornatus, bellorum apparatus, quantæ vrbes, qualia oppida, obstupuit. Subtristis igitur, prostratus ante pedes eius, abortis lachrymis, vxore & filiis, honoratus senex permansit: iterū, atque iterū an cælū esset ea terra, quæ tales tantosque viros gigneret, interrogās. Compertum est apud eos, velut solem & aquam, terram esse communem, neque Meum aut Tuum, malorum omnium semina, cadere inter ipsos. Sunt enim adeò paruo cōtenti, quod in ea ampla tellure magis agri supersint, quā quicquam desit. Aetas est illis aurea: neque fossis, neque parietibus aut sepibus prædia sepiunt. Apertis viuunt hortis. Sine legibus, sine libris, sine iudicibus suapte natura rectum colunt. Malum ac scelestum eum iudicant, qui inferre cuiquam iniuriam delectatur. Mai<sup>us</sup> tamen & Iuccam Agēsque isti colūt, uti diximus in Hispaniola fieri. Inde igitur rediturus discedens, in Iamaicam iterum ab ipsius latere

Admirā  
da vitæ  
innocen  
tia.



meridionali incidit, ab Occidentēque ad Orientem totam per-  
currit. Ex cuius ab Oriente ultimo angulo, cum à septentrio-  
ne montes altos ad leuam sibi conficeret, nouit tandem esse  
meridionale latus Hispaniola insula, quod nondum percurre-  
rat. Quare portum eius insula in Calend. Septembris, qui san-  
cti Nicolai dicitur, ingressus, nauigia reparabat hoc animo, ut  
iterū Canibaliū insulas deuastaret, canoasque eorū omnes cō-  
bureret, ne nocere ulterius lupi rapaces finitimis omibus pos-  
sint. Sed obstitit, ne id exequeretur, aduersa valetudo quæ il-  
lum præ nimia vigilia oppresserat. Semianimis igitur à nau-  
tis ad Isabellicam ciuitatē ductus, inter fratres quos ibi duos  
habebat & reliquos familiares, pristinam tandem valetu-  
dinē recuperauit. Nec eo magis Canibales infestare, ob exor-  
tas inter Hispanos, quos in Hispaniola reliquerat, seditiones  
licuit, De quibus infra dicemus. Vale.

Seditio  
Hispa-  
norum

PETRI MARTYRIS MEDIOLA-  
NEN. PROTONOTARII APOSTOLI-  
CI, consilariiue Regii, Oceaneæ decadis  
primæ Cap. quartum, ad Cardinalem  
Ludouicum Aragonium, no-  
stri regis nepotem.

**E**X continenti, ut ipse arbitratur, Indico,  
Colonus Præfectus marinus rediens, fra-  
trem Boilum & Petrum Margaritem,  
veterem regis familiarem, virum nobi-  
lem, atque alios plures ex iis, quos ad re-  
gionis gubernationem reliquerat, ad His-  
paniam corrupto animo discessisse comperit. Quapropter ut



apud reges, si quid horum relatu male sentirent, se expurgaret: necnon ut viros peteret alios, eorum loco qui redierant, sufficiendos: tum etiam ut prouideret alimentorum penuriam, ut puta tritici, vini, olei, & aliorum huiusmodi, quibus Hispani vesci solent, cum insularibus cibis non facile assuefieri possent: redire ad curiam, quæ tunc Burgis, vrbe celebri in Castella Veteri, morabatur, constituit. Sed quæ prius confecerit breuiter enarrabo. Insulares reguli qui hætenus suo paruoque contenti, tranquillè quieteque vitam duxerant, cum nostros in eorum solo natali pedem figere conspicerent, grauiter id ferebant: nihil magis quam funditus eos inde detrudere, aut euertere penitus, & omnem eorum memoriam abolere, cupiebant. Nam ea gens, quæ Præfectum in ea navigatione secuta fuerat, maiori ex parte indomita, vaga, cui nihil pensi esset, libertatem sibi, quoquo modo posset, queritans, ab iniuriis minimè se abstinere poterat, Insularium foeminas, ante parentum, fratrum, & virorum oculos raptans, stupris rapinisque intenta, animos omnium incolarum perturbabat. Quamobrem pluribus in locis, quotquot imparatos è nostris incolæ reperiiebant, rapidè, & tanquam sacra offerentes Deo, trucidauerant. Pacandos igitur perturbatorum animos, eosque qui nostros interfecerant, puniendos esse priusquam inde discederet, ratus, eius conuallis regem, quam esse in radicibus montium Ciguanorum, superiori capite descripsimus, in colloquium adducit. Hic vocabatur Guarionexius: cui ut Præfecti amicitiam arctius sibi conciliaret, placuit Didaco Colono, homini apud Præfectum à teneris educato, quo interprete in Cubæ discursu usus fuerat, sororem dare in vxorè. Ad Caunabóam deinde, Cibauorum montium, id est, aureæ regionis, dominum, (cuius ditionarii Hoiedam cum quinquaginta armatis intra arcem sancti Thomæ obsessum triginta dies tenuerant, nec obsidionem vnquam soluerant,

Impie-  
tate mi-  
litum  
offensi  
insula-  
res.



donec aduentare Praefectum ipsum cum magna manu persenserint) Hoieda ipsum oratorem mittit. Hoieda apud Caunabóam moram trahente, à diuersis regionis regulis legati mittuntur, qui Caunabóae persuadere nitantur, ne figere pedem in insula Christianos patiatur, seruire nisi málit, quã imperare fore enim, ut nisi Christicolae ab insula penitus eliminentur, insulares omnes serui sint illorum futuri. Alia parte Hoieda cum Caunabóa agebat, ut ad Praefectum ipsemet proficisceretur, cum eoque fœdus & amicitiam iniret. Regulorum legati ad eam regionem capeffendam se suaque omnia offerebant. Hoieda eadem perniciemque suorum, si bella quã pacem cum Christianis mállet, minitabatur. Caunabóa igitur hinc atque inde, tanquã scopulus diuersis fluctibus in medio mari conflictatus, etiam conscientia scelerum agitatus, quod viginti ex nostris hominibus per dolum incautos obrutã cãssset, quanius pacem cupere videretur, adire tamen Praefectum verebatur. Tandem fraude pensitata, Praefectum & reliquos sub pacis specie, si sors offerret, perempturus, cum omni familia sua, pluribusque alijs suo more armatis, ad Praefectum mouet. Interrogatus, cur adeo magnas hominum catenas secum duceret: respondit, tantum regem, quantus ipse sit, pergere iter domoque in comitatum exire, non decere. Sed aliter longẽ, quã cogitauerat, euẽnit: decidit nanque in laqueos quos parauerat. Blanditijs enim & pollicitationibus, sui erroris inter eundem quod domo discessisset pertasum, Hoieda tandem ad Praefectum illum ducit: capitur, in vincula coniicitur. Nec nostrorum animae diu inulta sine corporibus quieuerunt. Caunabóa cum omni familia eius capto, insulam percurrere Praefectus instituit: sed significatum ei fuit, tanta fame insulares urgeri, ut quinquaginta millia hominum amplius iam perierint, cadantque quotidie passim, tanquam morbofi gregis pecudes. Quod illis sua peruicacia ac-

Magna  
ex negle  
cta cultu  
ra fames



cidisse, scitum est. Cum enim videbant nostros in insula velle sibi sedem eligere: existimantes posse eos inde propellere, si insulares commeatus deessent, non modo non seminare, planta reque ulterius statuerunt, sed etiam utrumque panis genus, de quo primo libro mentionem fecimus, seminatum perdere euellereque in sua quisque regione coepit: sed inter Cibauos siue Cipangos montes precipue, cum aurum quo ea regio abundabat, causam esse potissimam, quæ nostros in insula detineret, cognoscerent. Decurionem interea cum armatorum turba, qui latus meridionale insula exploraret, dimisit. Tunc omnes regiones quas percurrerat, panis penuria adeo laborare fassus est, quod nihil unquam sexdecim dierum spatio comederint aliud, quam herbarum palmularumque radices, aut arborum natiuos montanos fructus. Guarionexius, cuius regnum non æquè ac reliqua premebatur, nostris edenda quedam impartitus est. Intra paucos dies, ut breuiora essent itinerum spatia, ut ve crebriores ac plures nostri receptus haberent, si qua vis insularium aliquando ingrueret, ab Isabella vrbe ad arcem sancti Thomæ, in finibus regni huius Guarionexij intra Cibauæ terminos, super cliuo salubrium aquarum scaturientium celebri, arcem aliam erexit, quam Conceptionem appellauit. Tum verò cum noua indies insulares ædificia surgere, cum in portu nostras naues iam putridas ac semifractas conspicerent, ab omni spe libertatis decidere coeperunt, subtristes, an essent ex insulis Christiani discessuri, sciscitabantur. Ex arce demum Conceptionis, Cibauorum montium interna vestigantes, auri rudem massam in tophi natiui similitudinem concuam, pugillo grandiore, ponderis viginti unciarum, à quodam regulo non in amnis illius ripa, sed in sicco tumulto repertam, habuerunt. Hanc ego ipse in emporio Castelle Veteris Methymna Campi, ubi tunc curia hyemabat, vidi, manibusque captam admirans libraui, attrectauique.



Vidi & electri puri, quo campanæ, pharmacopolarumque mortaria possunt, & alia huiusmodi, veluti ex ære Corinthia conflare, frustum adeo magni ponderis ut illud vix non modo non eleuare ambabus manibus è terra, sed aut leuorsum, aut dextrorsum mouere sufficerem: librarum octuncialium trecentarum pondus superasse massam aiebant. Eam in cuiusdam reguli atrio à Maioribus relictam reppererant. Sciebant tamen ipsi, quamuis nullius insularis viuentis ætate electri quicquam eductum fuisset, ubi electrifodina esset: sed ab eis locus eius vix potuit extorqueri: adeo iam stomacho pleni in nostros viuebant. Ostenderunt tandem, sed dirutam, & lapidibus ac terra superiniecta obsecratam: tamen si leuius, quam in ferrifodinis ferrum, fodiatur. Eam electrifodinam si opifices fossorésque ad id ministerium apti adeant, reduci posse arbitrantur. Non longè ab eadem arce Conceptionis, in iisdem montibus succini copiam non parua, alibi que stillare in speluncis glaucum colorem, quo pictores vtuntur, non vulgarem inuenerunt. Nemora prætergradientes, syluas immensas, quæ arbores nullas nutriebant alias, præterquam coccineas, quarum lignum vestri mercatores Itali verzinum, Hispani brasillum appellant, reperere. Hic forte, princeps Illustrissime, tecum ipse anceps contemplaberis dicésque tecum: Veluti ex coccineis arboribus naues quasdam onustas Hispani aduexerunt: velut ex auro parum, ex gossipio modicum, ex succino aliquid, ex aromatibus pauca: cur non auri cæterarumque rerum eam copiam, quam, ut tu prædicas, polliceri tellus illa videtur, attulerunt? Ad hæc, quæ dederunt, respondebo. Præfectus ipse Colonus super his interrogatus, Hispanos, quos secum duxit, somno, ocioque magis fuisse, quam laboribus, deditos, seditionumque ac nouarum rerum studiosiores, quam pacis aut quietis aiebat. Ab eo enim pars maior defecit. Præter-

Succinum.

Hispani deficiente notati.



ea non potuisse prius insulares vinci aut domari refert,  
eorumque vires frangi, ad imperium insulae liberè ca-  
pessendum. Hispani, se imperia eius, seu iniustaque  
ferre nequiuisset, multaque in eum commenti sunt. Pro-  
pter quos obices, hactenus vix impensa lucrum respondi-  
se voluit. Hoc tamen anno primo & quingentesimo,  
quo haec tuo iussu scribo, intra duorum mensium spatium,  
circiter ducentas supra mille octunciales libras auri college-  
runt. Sed ad inceptum redeamus: haec enim quae per digres-  
sionem leuiter tetigimus, suo loco diffusius aperientur.  
Quum anxios igitur perturbatisque animis incolas Praefe-  
ctus videret, nec à vi & rapinis, donec inter eos versa-  
rentur, prohibere nostros posset: pluribus ex finitimarum  
regionum primoribus conuocatis, conuenerunt, ut Praefe-  
ctus vagari per insulam suos non sinat: sub prae-textu enim  
auri & aliarum insularium rerum querendarum, nihil  
intactum aut impolutum relinquebant. Ipsi verò incolae  
Praefecto se daturos virgum à quartodecimo anno vsque ad  
septuagesimum, de suae quisque regionis prouentibus tribu-  
tum quod vellet, seruaturósque quod ille statueret, omnes  
pollicentur. Id fœdus ita ictum est: Cibauorum montium  
incolae, ut singulis tribus mensibus, quos illi à luna lunas  
denominant, mensuram quandam illis obsignatam,  
plenam auro ad ciuitatem mittant. Qui verò terras inco-  
lunt, ubi aromata aut gossipium suapte natura oriuntur  
quantitatem quandam per capita tribuant. Placuit fœdus:  
confectumque esset, ut pars utraque promissa seruasset:  
sed fames improba haec omnia rescidit: vix enī illis satis cor-  
pora ad victū per nemora queritādū sufficiebāt, herbarū ra-  
dicibus & syluestriū arborū fructibus lōgo tēpore contēti. Ple-  
rique tamē cū ditionariis suis reguli inter eas egestatis angusti-  
as promissi vectigalis partē attulerūt: petētes à Praefecto suppli-



ces, ut erumna eorum misereretur, ignosceretque, donec insula ad statum pristinum restitueretur: fore ut quæ nunc deficeret, reintegreretur in duplum. Ex Cibaensibus pauci fœdera seruârunt: laborabant enim acriore fame quam ceteri. Hos moribus & lingua non aliter ab incolentibus plana differre aiunt, ac in ceteris regionibus ruricola montani, sunt à curialibus diuersi: licet eodem genio vivant omnes, rudi scilicet ac simplici agrestique, aliquod tamen est inter eos discrimen. Ad Caunabœam captum redeamus. Ille cum se coniectum in vincula videret, tanquam leo Libycus dentibus frendens, die noctuque, quo modo se inde liberaret, animo versans, suadere Præfecto cepit, ut, quandoquidem Cipangi regionem sibi assumpsit in ditionem, præsidia Christiana, quæ ab incursum veterum hostium suorum finitimorum eam tueantur, mitteret. Significatum enim sibi fuisse ferebat, eam quotidie grassatione infestari, in prædamque bona suorum cuncta trahi. Sed hoc excogitato dolo, existimauit fore, ut frater eius qui erat in regione cum ceteris propinquis, aut per vim, aut per insidias tot ex nostris caperent, quot ad se redimendum permutatione suppeterent. Præfectus autem intellecta fraude, Hoiedâ mittit, cum ea armatorum copia, quæ Cibaensium arma, si arma mouerint, superare posset. Vix intra regionem nostri venerant, cum Caunabœæ frater, conuocatis circiter quinque millibus suo more armatorum: nudi enim, sagittis sine ferreis cuspidibus, sudibusque & clauis quibusdam bella gerunt: intra quandam domunculam eos circunsepsit, obseditque. Hic Cibaenus, tanquam vir disciplinæ bellicæ non ignarus, ad vnius stadij distantiam exercitum in quinque acies diuidit, cuique in gyrum per equos tractus locum statuens: suam autem aciem e regione nostris opponit. Inde cum diligenter omnia instituisset, ex acie sua, ut omnes equis passibus vna gradian-



DECAS PRIMA.

tur, paulatim signa dari iubet, pedetentimque ut una omnes  
 vocibus sublatis pugnam undique ineant, manusque conse-  
 rant, imperatum omnibus ordinibus reliquerat: ne nostrorum  
 quisquam ita circumvallatus posset euadere. Sed, nostri cum  
 una acie configere satius esse rati, quam cum impetum expe-  
 ctare, in aciem grandiore per apertos agros venientem ir-  
 ruunt, eo quod equestri praelio committendo ea pars commo-  
 dior esset. In eos igitur sese equites precipitant, equorum pe-  
 ctoribus eos prosternebant: leuiter profligantur, perimuntur  
 quicumque expectarunt. Ceteri metu percussi, in fugam con-  
 uertuntur, ad montanasque rupes asperas, relictis domibus,  
 se recipiunt, indeque, ut eis ignosceretur, precabatur, se quod-  
 cunque imperatum libenter submituros, si intra natales suos  
 eos viuere patiantur, attestantes. Caunaboa fratre tandem ca-  
 pto, popularium quenque in sua remisertunt. His actis, regio  
 illa pacata est. Inter eos montes Vallis, quam Caunaboa inco-  
 lebat, Magona vocatur, omnibus auriferis & fontibus for-  
 tunatissima, fertilisque maiorem in modum. Eo anno men-  
 se Iunio inauditum ab Euro turbinem, eleuatis usque ad si-  
 dera rapidis vorticibus, exortum fuisse pradicant, qui quas-  
 cunque maximas arbores offendebat, radicibus euenteret. Is ty-  
 pho quum ad ciuitatis portum iam peruenisset, tres naues,  
 quae solae in ancoris stabant, ruptis rudentibus, sine vlla maris  
 procella aut fluctu circumactas ter aut quater, in profundum  
 merisit. Creuisseque eo anno praeter solitum intra terram, &  
 extendisse se mare plusquam cubiti mensuram, ferunt. Gen-  
 tem hanc perturbasse elementa, atque portenta haec tulisse,  
 immurmurabant insulares. Has aeris procellas, vti Graeci  
 typhones, furacanes isti appellant: crebro nanque surgere in ea  
 insula inquirunt: sed furacanes nunquam aquae vio-  
 lentos aut furibundos: neque enim viuentis vllius aetate

Turbo  
 violentus.

Inunda-  
 tio aqua-  
 rum ma-  
 gna.




aut memoria Maiorum extabāt, similem vnquam turbine,  
 qui & grandiores arbores euelleret, ad eam insulam ruisse:  
 neque mare ibi tempestatem vllam fuisse vnquam perpesu  
 constat: immo neque maris aestuaria pati: Vbicunque enim lit  
 tora planitiem aliquam attingunt, prata florida littoribus pro  
 xima reperiuntur. Caunabóam repetamus. Caunabóa rex &  
 frater eius, cum ad reges in Hispaniam ducebantur, dolore  
 animi confecti, in iunere moriuntur. Praefectus autem, sum  
 mersis fero turbine nauigiis, se interceptum videns, duas  
 statim Carauelas iussit fabrefieri: omnium enim artium ma  
 gistros secum habebat. Interea dum haec fierent, fratrem suū  
 Bartholomaeum Colonom, ipsius insulae more Hispano Ade  
 lantatum, cum metallariis quibusdam armata manu ad au  
 rifodinas, quas ad lequas ab Isabella sexaginta ante Cipan  
 gas, ductu insularium repertas, ire tentatum iubet. In eis ef  
 fossos Veterum tempestate profundos puteos inueniunt. Prae  
 fectus inde ingentes thesauros sibi illos, de quibus Veteri te  
 stamento agitur, Salomonem Solymorum regem per sinum  
 Persicum comparasse contendit. Sit, an non, non est meum di  
 iudicare: sed longè abest meo iudicio. Metallarii diuersis in lo  
 cis superficiale[m] terram aurifodinarum circiter sex millia  
 passuum durantium cribrantes in sicco, tantam ibi auri copiam  
 iacere demersam censuerunt, vt mercenarius quisque fossor  
 ad id conductus, tres auri drachmas singulis diebus facile  
 queat effodere. His ita indagatis, Adelantatus simul & me  
 tallary Praefecto rem per literas significant: quibus habitis  
 quinto idus Martij anni quinti & nonagesimi, naues, quae  
 iam peractae erant, statim ad reges venturus alacer conscen  
 dit: prouinciae gubernandae fratri Bartholomaeo Colono A  
 delantato, omni potestate relicta.

An.

1495.



PETRI MARTYRIS MEDIOLANEN. PROTONOTARII APOSTOLICI, Regique Consiliarii, Oceaneæ decadis primæ cap. quintum, ad Cardinalem Ludouicum Aragonium, nostri regis nepotem.



DE LANTATVS autem ipse Bartholomæus, ex sui fratris discedentis consilio, arcem in aurifodinis erigit. Hanc arcem Auream appellat: quoniam ex terra quæ ad muros construendos ferebatur, calones & muratores inter pinsendum, aurum deligebant. Tres menses ad instrumenta, quibus aurum lauari & colligi posset, conficienda consumpsit: sed re imperfectam, fame compulsus, reliquit. Ad sexagesimum inde milliare, quod ipse cum armatis pluribus concessit, panis insularis portionem quædam à prouincialibus habuit, permutatione rerum nostrarum. Attamen morari diutius illic nequiuit. Relictis igitur ad eius arcis præsidium decem hominibus, cum ea panis insularis portiuncula quæ supererat: relietisque illis venatorio cane ad capiendum genus id animalis quod apud eos esse supra diximus cuniculo nostro simile, nomine Vtiar, ad Conceptionem reuertitur. Erat præterea is mensis, quo Guarionexius rex, & alius illi finitimus, Manicauexius nomine, tributa erant ei laturi. Ibi totum Iunium immoratus, vectigalia in integrum ab his duobus regibus, & victui necessaria sibi & iis quos ductabat, qui erant fortè quadringenti, exigit. Circiter calend. Iulij, tres cum escariis rebus, tritico, oleo, vino, suillis, vaccinisque carnibus salsis, Carauela aduenerunt: ea viri pro constitutione ex Hispania lata diuiduntur: quâuis ex his aliqua madida corruptaque vecta esse cõquererentur. Per has naues à regibus & fratre Præfecto, qui iam multa antea de hac re apud reges egerat, ut ad meridionale insule latus habitationem traducat, in mandatis



Fluuius  
amœni-  
tate &  
fructuū  
vbertate  
fēlix.

Syluæ  
cecci-  
nex.

Bartholomæus gubernator habuit: erat enim ea pars aurifodi-  
nis propinquior. Imperatumque etiā illi est, ut regulos eos qui  
Christianos peremisse reperirentur, cum suis ditionariis errati  
participibus, vinctos in Hispaniam mitteret. Tercentum insu-  
lares cum suis regulis captos mittit. Post explorata diligen-  
tius meridionalia littora, transportat habitationem, arcem-  
que ibi super edito colle apud portum benè tutum condidit:  
quam arcem sancti Dominici, quoniam die Dominico eò ap-  
pulsus est, vocitauit. Amnis salubrium aquarum & variis  
piscium generibus optimis repletissimus, in portum amœnis  
vtrinque ripis defluit. Miras esse fluminis naturæ dotes refe-  
runt: quacunque enim fluat, omnia iucunda, vtilia omnia,  
palmeta, frutetaque insularia omnis generis, nauigantibus ra-  
mos floribus, fructibusque onustos in caput interdum declina-  
bant, æquamque soli eius, vel beatiorē Isabellica, vberta-  
tem predicant. In Isabella valetudinarios tantum, nauium-  
que magistros quosdam, qui duas, quas inceperant, Carauel-  
las perficerent, reliquit. Ceteros ad sanctum Dominicum ad  
meridiem traducit. Post arcem conditam, relicto in ea viginti  
hominum presidio, cum reliquis ipse, occidentales insulae par-  
tes internas, hætenus nomine tantum notas, exploraturus,  
se se accingit. Ad triginta inde lequas, id est, milliaria non-  
gentas, in fluuium Naibam, quem a Cibauis montibus ad me-  
ridiem recta per insulae medium descendere memorauimus,  
incidit. Hoc amne superato, cum singulis armatorum homi-  
num quinque & viginti turmis, decuriones duos ad regulo-  
rum terras, quorum nemora ex coccineis arboribus constant,  
per diuersa dimittit. Laeuorsum isti tendunt, syluas inueniunt,  
ingrediuntur, scindunt, cadunt altæ intactæque hætenus pre-  
ciosæ arbores: singulas insulares casas decuriones singuli coc-  
cineis implent truncis: vbi, donec nauigia ducantur, quæ illos  
abducant, seruentur. Adelantatus autem dextorsum iter  
capiens,



capiens, non longè à ripa fluminis Naiba potentem quen-  
dam, nomine Beuchium Anacauchóam, regem castris posi-  
tis, contra Naibanfes incolas in armis esse, reperit, ut illos sua  
ditionis veluti plures alios insulares regulos, subijceret. Hu-  
ius potentis regia, occidentalem versus insule calcem sita  
Xaragua, a flumine Naiba triginta lequas distans, montosa  
aspera: sed quicunque reguli medium tenent, huius imperio  
parent. Omnis ea regio, a Naiba ad ultimam Occidentis oram  
auri expers est. Nostros, depositis armis, datoque pacis signo,  
placidissime, incertum, metu an humanitate, suscipiens, quid  
nam sibi vellent, interrogavit. Adelantatus inquit: Ut què-  
admodum & reliqui huius insule principes, Praefecto ma-  
rino fratri meo, Hispanorum regum nomine, vectigalia prae-  
stes. Cui ille: Quomodo id à me potestis exigere, cuius nul-  
la regio de multis, quae mihi imperanti auscultant, aurum  
gignit? audierat enim gentem exteram, quae aurum avidè  
queritaret, ad insulam adue: tasse: si quod aliud, quàm au-  
rum cuperet, minimè arbitratur. Tunc Adelantatus: Ab-  
sit ut cuiquam tributa iniungamus, quae persolui facile non  
possint, quibus de regiones careant. Gossampij, canabi, & alia-  
rum huiusmodi rerum, quae in hac regione, producere com-  
pertum habemus: ex quibus proueniunt, ut nobis aliquid im-  
partiaris, petimus. At ille, his auditis, hilari fronte, sereno  
vultu, se, quantum voluerint accipere, de his daturum pol-  
licetur. Dimissoque exercitu, ipsemet praemissis nuncijs, A-  
delantatum usque ad locum ubi ipse regiam habebat, ad le-  
quas, ut diximus, XXX comitatus est, totaque eo tractu per  
regulorum ei subditorum dioeceses iter semper fecerunt: alijs  
canabi, quod non peius nostro lino ad nauum amplius  
contextendum esse dicunt: panis alijs, alijs gossampij, pro tel-  
luris variae naturae tributa imperantes. Ad regiam tandem  
Xaraguensem veniunt. Haec priusquam ingrediantur, incolae



Quo  
genere  
pompe  
hic rex  
domū  
reuer-  
sus, sit  
excep-  
tus à  
suis.

omnes regem suum Beuchium Anacanchóam ac nostros ho-  
norificè suo more recepturi occurrunt. Inter cetera specta-  
cula, audi duo inter nudas & incultas genetes memoratis  
digna. Appropinquantibus primùm triginta fœmine, regis  
uxores omnes, ramos palmarum manibus ferètes, tripudijs,  
cantibusque ac sonis, ex regis præcepto, nuda toto corpore præ-  
ter pudibunda, quæ femoralibus quibusdam gossampinis  
corrupta contegunt, obuiam prodeunt. Virgines enim, ca-  
pillis per humeros sparsis, frontibus tamen vitta ligatis, nul-  
lam sui corporis partem cooperiunt. Faciem, pectora, mam-  
mas, manus, ceteraque subalbido colore prædicat fuisse pul-  
cherrima. Dryades formosissimas, aut nativas fontium nym-  
phas, de quibus fabulatur antiquitas, se vidisse arbitrati  
sunt. Palmarum manipulos, quos dextris gestabant chori Zan-  
tes, psallentèsque inuicem, hoplitibus flexis, Adelantato om-  
nes dono dant. Domum deinde regis ingressi, eorum more  
laute paratam cœnam inueniunt: vires reficiunt: nocte vero  
superueniente, pro cuiusque statu, ad hospitia obsignata per  
regis ministros ducuntur, ubi in paratis pro eorum consuetu-  
dine lectis pensilibus, quos alias descripsimus, quiescunt.  
Altero die ad eam domum quam sibi loco theatri construi  
nostri ducuntur. Ibi post multas variâsque choreas & salta-  
tiones, in latam planitiem duæ ex insperato ingentes arma-  
torum acies descendunt, quas ludi & delectationis gratia  
(ut apud Hispanos ludus Troicus, id est, arundineus, sæpius  
instruitur) rex apparari iusserat. Cominus accedentes, ac si ho-  
stes collatis signis, pro opibus, pro focis, pro natis, pro imperio,  
pro vita denique ipsa certaturi, concurrerent: ita duæ illæ a-  
cies utrinque manus conserunt missilibus telis & sagittis.  
Intra breue hora momentum quatuor cecidere, pluresque  
vulnerati fuerunt. Acrius pugnatum fuisset, nisi rogata



in ostrorum, rex dato signo pugnam diremisset. In tertium inde diem, consilio regi prabito, ut gossampij plus deinceps in ripis aquarum, quò impositum per focos tributū facilius persolueretur, sererent, ad Isabellam, valetudinarios & nauigias, quæ incepta reliquerat, visurus, tendit. Varijs morbis circiter trecentos reperit cecidisse: quare anxius, & quid consilij caperet, erat ignarus: cum non modò ad valetudinem resarciendam, sed victui necessaria ferè cuncta deessent: neque enim ex Hispania nauis vlla aduentabat. Sic hæsitans valetudinarios per regiones & castella in ipsis erecta, dispartiri constituit. Castella enim, ab Isabella recto itinere ad sanctum Dominicum, id est, à septentrione ad meridiem, per insulam hæc erexerunt. Ab Isabella ad lapidem sextum & trigessimum, Sperantiam arcem condidit. A Sperantia verò ad lapidem quartum & vigesimum, diuam Catharinam. A Catharina ad vigesimum, sanctum Iacobum arcem. A diuo Iacobo ad alia viginti milliaria, Turritam cōdidit munitiorem, quam Conceptionem appellauit: quod in radice Cibauorum montium, quòdque in planitie vastissima vberè & populosa. Aliam deinde mediam inter Cōceptionem & sanctum Dominicum condidit Conceptione munitiorem: quoniam intra terminos reguli qui supra quinque incolarum millia parebāt: Bonauum nomine vocant insulares eius regionis vicum, qui caput est regni: propterea Bonauum etiam voluit arcem Præfectus appellari. Per hæc igitur castella castellorumque vicina, in insularium domibus infirmis dispartitis, ad sanctum ipse Dominicum proficiscitur, à Regulis qui medium tenebant, imposita exigens inter eundem vectigalia. Vbi cum aliquot dies moraretur, rumor exoritur, regulos omnes finium Conceptionis, desperatis in nostros animis viuere, studerèque defectioni. Ad eos igitur, vbi hæc nunciata sunt, longis mouet itineribus. Cum propius accederet, Guarionexium regionis huius ca-

Arces  
quas ædi-  
ficarunt  
in insu-  
lis.



peffenda imperatorem ab omnibus fuisse delectum, fama increbuit: seductumque & sollicitatum, semiinuitum tamen, ab alijs fuisse, cum nostrorum astus & arma iam aliàs expertus pertimesceret. Conuenerant certo die cum quindecim millibus hominum suo more armatorum, fortunam belli iterum tentare. Ibi Adelantatus, consilio habito cum arcis praefecto, reliquisque militibus quos ductitabat, adoriendos esse incautos & palantes regulos in propriis laribus, priusquam exercitum comparent, constituunt. Ad singulos igitur regulos singuli centuriones mittuntur, qui ex insperato dormientes, priusquam sparsis populis liceat cōuenire, vicos eorum ingressi, quos non mœnibus, non fossis, non aggeribus circumseptos habent, impetunt, captant, vinciunt, ducunt quisque suum, uti fuerat imperatum. Ad Guarionexium Adelantatus ipse tanquam ad potentiores perrexerat, cepitque, sicut & alij eadem hora constituta suos. Quatuordecim ea nocte ex eis ad Conceptionem tracti sunt. Paulo post duobus ex iis qui Guarionexium, reliquosque rerum nouarum studiosiores seduxerant ac subornauerant, supplicio affectis: nè suorum regum dolore confecti incolae agros defererent, quod summum incommodum propter sementes, nostris afferre potuisset, Guarionexium & reliquos dimisit. Ditionarii ad quinque millium numerum confluxerunt, pro suorum regum liberatione inermes: intonuit aër, contremuit terra, pra clamore illorum usque ad sidera elenato. Adelantatus Guarionexium atque alios, pollicendo, donando, minando, ut in posterum cauerent, nè quid molirentur, admonet. Guarionexius apud populum orationem habuit de nostrorum potentia, indulgentia in delinquentes, liberalitate in fidos: ut sedant animos, nec quicquid ulterius adstruant, cogitentque contra Christianos, sed ut illis obtemperant, obsequantur, seruiant: nisi se in maiores indices calamitates trudi cupiant. Oratione habita, pensilem illum



humeris captant, pensilemque vsque ad sua regia pagum hume-  
 ris portant. Itaque per aliquot dies regio pacata est. Solliciti tamen  
 & tristes nostri, in exteris regionibus deserti, quod quintus-  
 decimus iam mensis à Praefecti discessu ageretur, quia cuncta,  
 quibus indui vescique solebant, deficerent, demisso vultu in-  
 cedebant. Adelantus eos, quam melius poterat, inani spe de-  
 pascendo solabatur. Dum hæc agerentur, Beuchius Anacau-  
 chóa (sic enim Xaragua occidentalis partis, quam supra me-  
 morauimus, rex vocabatur) ad Adelantatum nuncios mit-  
 tit, qui gossampium cateraque vectigalia, quæ sibi suisque  
 incolis imperauerat, parata esse significarent. Ad iter se accin-  
 git Adelantatus, pergit, honorifice à rege recipitur & eius  
 sorore, quæ quondam Caunabóa regis Cihauí vxor, non mino-  
 ris erat in fraterni regni gubernatione momenti & consilij,  
 quam frater. Aiunt enim eam esse vrbānam, facetam, ac pru-  
 dentissimam: fratrique, ut Christianis assentetur, blandiatur,  
 obtemperet, exemplo mariti eius edoctus, persuaserat. Hæc fæ-  
 mina, Anacaóna nuncupatur. Duos & triginta ibi regulos  
 in Beuchii Anacauchoá regia congregatos, cum tributis ex-  
 pectantes, reperit: qui omnes præter imperata vectigalia, ad be-  
 neuolentiam cum nostris captandam, munera tulerunt ingen-  
 tia ex utroque pane, radicali scilicet ac paniceo: utias, id est, Vtię.  
 cuniculos insulares innumeros, piscēsque: sed ne putrescerent  
 aut corrumperebantur, assos tulerunt: & de serpentibus, quos Iuāne.  
 inter edulia principatum obtinere, crocodilisque similimos, ef-  
 se, supra descripsimus: iuannas, serpentes vocant. Has in in-  
 sula nasci serò didicerunt: neque ex eis nostri ob fæditatem,  
 quæ horrore, non modo nausæa inducere videbantur, gustare  
 hætenus ausi fuerat: premordere paulatim Adelātus iuannā  
 regis sororis plectus facetiis, statuit: sed ubi demulcere car-  
 nium earum sapor palatum & guttur cœpit, plenis deinde  
 faucibus eas expetere videbatur: nō mordicus deinde, neque



vix vncto labello illas delibabant, sed heluones omnes effecti, de re nulla iam praterquam de serpentium suauitate sermocinabantur, lautioresque esse dapes illarum, quam aut panonis, aut phasiani, vel perdicis apud nos. Sed si aliter quam vno condiantur modo, vti panones & phasiani, nisi lardo inuolutis, verubus assentur, saporem perdunt. Euisceratas à ingulo ad inguina, lotasque ac deterfas diligenter, & in gyrum postea, in modum anguis dormientis in se receptis, insinuatas, in ollam sui tantum capacem, paulisper aqua cum pipere insulari superiniecto, comprimunt, tenuiter igne ex quodam ligno odorato minimè fumoso supposito. Ex abdomine sic stillato ius efficitur, vt aiunt, nectareum, nullumque esse epularum genus ouis ipsarum serpentium par ferunt, quae per se & lenius coquuntur. Sic coctae & recentes, suauissimae: & seruatae per aliquot dies, iucundissimae sunt. De edulis satis, ad alia veniamus. Quum vectigali gossipio insularem quandam casam Adelantatus impleuisset, panis sui quantumcunque vellet se libenter impartituros reguli pollicentur. Is oblata eorum acceptans, gratias agit. Interea igitur dum per regiones panis conficeretur, ad regiamque Beuchij Anacauchóae Xaraguësis regis portaretur, ad Isabel lam nuncios mittit, qui adduci peractam carauelam de duabus, quas inceptas reliquerat, suo nomine imperent. Pane nanque se onustam ad eos illam remissurum renunciauit. Læti nautae, nauim ad Xaraguen se littus, insulam circumeuntes, plenis velis tendunt. Beuchij Anacauchóae regis soror, illa facta, prudens & magni ingenij mulier Anacaóna, vxor quoddam Caunabóae, vbi nauim nostram ad patrium littus suum applicatam cognouit, fratri persuadet, vt ambo ad illam videndam proficiantur: sex tantum passuum millia littus à regia distabit. Itinere autem medio, in vico quod est ipsius regiae sororis gaZophilacium, pernoctatum est. Illius verò thesauri, nō



aurum, non argentum, non gemma, sed utensilia tantum, resque ad humanum usum attinentes, ut puta sedilia, paropsides, lances, pelues, patella ex ligno nigerrimo, lubrico, lucido (quod hebenum eximius artium & medicinae doctor tuus Ioanes Babilista Elysius esse contendit) confecta, & arte mira laborata. In his enim quicquid est incolis ingenij à natura tributum, exercent. Sed hac illi faeminae in insula sua Guanabba (quam in faucibus occidentalibus Hispaniola insula, si pictam videris, iacere conspicias) fabrefiunt: in eis lemurum, quos noctu videre se predicant, serpentum, hominum, & aliarum rerum quascunque semel intuentur, viuos vultus calant. Quid facturos illos, illustrissime Princeps, putares, si ferrum & chalybem assequerentur? Illa enim omnia igne prius interius mollescunt, lapillis postmodum fluuiialibus quibusdà cauāt & diducūt. De sedilibus Adelantato quatuordecim, de utensilibus autē mensariis & coquinariis fictilibus sexaginta, dono dedit. Quatuor praeterea neēti gossampij glomos ponderis immensi tribuit. Ad littus igitur postero die cum peruenissent, ubi pagus erat alter regius, seruitoriam inest Adelantatus cymbam instructam aduehi. Rex autem canoas, suo more depictas, duas: vnam, qua ipse cum familiaribus suis; alterā, qua soror Anacaona & eius ancilla veherentur, apparat. Sed in seruitoriam Cymbam voluit Anacaona cum Adelantato vehi. Cum naui iam appropinquarent, ex composito ignem tormentis suffigunt; mare tonitruus, & puluereo fumo, implentur: tremunt, terrentur, mundi machinam laborare ea concussione arbitrati sunt. Verum enim ubi Adelantatum ridere, in faciem eorum versum, vident, sedant animos. Cum autem propius irent, fistulae, tibiae, tympanaque instructis choreis pulsantur. Illi sonitus dulcore allekti, stupet, admirantur. Ingressi nauis, ubi prorā, puppi, castella, tabulata, carinā, cubicula diligenter percurrerūt, frater in sororē, soror in fratrem q.



Serui-  
lis inge-  
nii eue-  
cti intē-  
peries  
& mali-  
tia.

culos vertentes, obmutescabant: neque quid præ nimia admiratione inuicem loquerentur, inueniebant. Dum his intenti per nauim vagarentur, eleuari ancoras, ex temporēque vela ex antennis deuolui & protendi, in aliūque dirigi iubet. Tum verò stupidiores, cum sine remis, sine hominum robore, molem ita grandem adeo celeriter, per æquor volitare conspicerent: flabat enim è terra optatus ad id ventus: sed tunc multo magis, cum eodem vento duce, ire modò, modò redire, modò in dextram, in leuam modò, vti libebat, vertere nauim cernerent, admirabantur. His ita peractis, nauim pane radicali ceterisque muneribus repleta nostris etiam muneribus donatis, non modò Beuchium Anacauchóam regem sororēque eius, sed ministros ancillāsque vtriusque alacres stuporēque plenos dimisit. Ipse verò terrestrē iter aggressus, cum militibus ad Isabellam concessit. Ibi Roldanū quendam Ximenum facinosum, quem fossorum & calonū ductorem ex famulo suo, deinde iustitiæ præsidem, Præfectus erexerat, malo viuere in Adelantatum animo significatum est. Comperit insuper Guarionexium regem, huius Roldani & aliorum relictorum insolentias & rapinas pati vltius nequiuisset, cum familiaribusque suis & ditionariis pluribus, desperato animo, ad montes quosdam, qui ab Isabella decem tantum lequas, Occidentem versus, in littore septentrionali, distant, secessisse. Montes, montiumque incolas, vno nomine Ciguaios vocant. Regem regulorum monticularum principem, Maiobanexium appellant: eius regia Capronus dicitur. Montes asperi, alti, inaccessi, in arcum à natura dispositi, ad mare cornua porrigunt. Inter vtrunque montis eius cornu pulchra planities, per quam in mare plura flumina à montibus ipsis delabuntur. Gens fera, bellicosa, quæ à Canibalibus originem traxisse creditur: cum enim è montibus ad planitiem, bellum finitimis illaturi descendunt, si quos perimant, comedunt.



Guarionexius igitur ad hunc regem monticolam confugiens, dona illi regia multa suo more, quibus monticola caret, impartitus est: retulitque sese nefarie, scelerè, violenter à nostris tractatum: nec humilitatem, nec superbiam quicquam sibi apud nostros profuisse conqueritur. Propterea se supplicem ad eum venire, ut illum tutetur, defendatque ab iniuriis facinorosorum hominum, precatur. Maiobanexius autem omnem illi opem, tutelam, praesidium contra Christianos pollicetur. Ad Conceptionem igitur Adelantatus proficiscitur. Roldanum Ximenum, qui in insularum pagis ad millicie duodecimum, cum iis qui eum sequebantur, hospitabatur, accersit: facit: quid sibi vellent hi motus interrogat. Ille perfricata fronte respondet: Admirantum fratrem tuum interisse, regibusque nostris parvae curae res nostras esse videmus: fame, dum te sequimur, perimus: cogimur infelicem victum per insulam quaeritare. Praeterea me una tecum insula gubernatorem Praefectus reliquit: quare mens nobis est, nolle ulterius tuo imperio parere. Hæc & alia Roldanus. Adelantatus autem manum in eum iniicere cupiens, nequivit: evasit enim, secuti que illum sunt septuaginta homines, quibus comitatus, ad Occidentem in Xaraguan regionem se contulit: ibique, uti Admiratus nunc & frater eius testantur, solutis habenis, stuprari, praedari, trucidare coeperunt. Interea dum hæc fierent in insula, à regibus tandem nauigia Admiranto obsignantur octo: de quibus primum duo ex Gadibus Herculeis recta cum alimentis mittit ad Adelantatum fratrem. Hæc duo nauigia ad eam insulae partem occidentalem, in qua Roldanus Ximenus cum consortibus agebat, casu primum apulsa sunt. Seducit illos Roldanus, pro ligone puellarum papillas tractandas, pro labore voluptatem, pro fame affluentiam, pro lassitudine & vigiliis, quietem promittens. Guarionexius interea, comparata manu amicorum, ad plana saepenumero descendens, insulares nostrorum



amicos, Christianosque quoscunque assequebatur, truci dabat, agros hostiliter vastabat, sementes diripiebat, pagos depopulabatur. Roldanus comitesque, quanuis Admirantium prope diem venturum sensissent, quandoquidem novos homines cum duobus nauigiis præmissis vectos subornauerunt, minime perterrebantur. Dum inter hos fluctus miser Adelan- tatus fratre indies expectans versaretur, Præfectus frater ex Hispanis littoribus cum reliquis nauigiis discedit. Sed non itinere recto ad Hispaniolam: vertit enim se ad meridiem. Qua nauigatione quid sit operatus, quas maris ac terrarum oras peragrauerit, quid, novos tractus detegens, inuenerit, prius enarremus. Harum enim seditionum & tumultuum euentum, in sequentis libri calce latè referemus. Vale.

PETRI MARTYRIS MEDIOLA-  
NEN. PROTONOTARII APOSTOLI-  
CI, consiliariiue Regii, Oceaneæ decadis  
primæ Cap. sextum, ad eundem Car-  
dinalem Ludouicum Aragonium.

Tertia  
Colo-  
ni nau-  
gatio  
Ann.  
1498.



**D**ix oppido Barrameda, Batis ostio, à Ga-  
dibus parum distanti, cum octo nauibus  
onustis, tertio Cal. Iunij, anni octauo &  
nonagesimi, Colonius dat vela: assuetum-  
que iter suum per Fortunatas, ob piratas  
quosdā Gallos, qui, ut illū adoriretur in itine-  
re recto opperiebātur, detorsit. Ad Fortunatas iturus, ad millia  
re vigesimi & septingentesimi leuorsū, Madera incurrit in-  
sula, que australior Hispani est quatuor gradibus. Eleuatur  
enim Hispani polus arcticus gradus sex & triginta: huic au-  
tem insule, vii nautæ referunt, duo & triginta. Ma-



deram igitur primum adnauigauit: inde missis ad Hispaniolam itinere recto nauibus reliquis commeatus uehementibus, cum vna nauis caueata, & duabus mercatoris carauelis, australis plagæ iter aggressus est, lineam petiturus æquinoctialem: deinde ut eius Occidentem sequens, locorum quæ reperi-  
rent, naturam, Hispaniola ad septentrionem dextrorsum re-  
lictæ, uisigaret. Iacent in eo discursu mediæ Hesperides Por-  
tugallensium insula tredecim, præter vnā, inhabitata, quæ  
Caput Viride appellantur. Hæ sunt interiori Aethiopiæ ere-  
gione ad Occidentem, duorum tantum dierum nauigatione,  
vicinæ. Ex his vocant Portugallenses vnā Bonauistam, cu-  
ius testudinibus multi quotannis leprosi sua labe mundantur.  
Inde, cum esset ibi aer contagiosus, subito discedens, ad aphri-  
cum, qui medius est inter austrum & fauonium, millia pas-  
sum CCCCLXXX nauigauit. Ibi malaciis & ardori-  
bus, nam erat is Iunius mensis, adeo (ut ait) oppressus fuit, ut  
fere nauigia illi incenderentur: calorū circuli crepabant &  
rumpebantur, aqua dispergebatur. Homines eos æstus suf-  
ferre nequibant: eleuabatur enim eis, ut ipse retulit, ab ho-  
riZonte polus gradus quinque tantum. Octo dierum, quibus  
ea perpeffus est, primus fuit serenus: reliqui, nubili ac pluuiosi  
nec eo minus feruidi. Quare sapius, adisse, non mediocriter  
pœnituit. Actis in eo discrimine & angustia his octo die-  
bus, vulturnus illis flatu secundo exoritur: quem ventum se-  
cutus, recta ad Occidentem, eius paralleli aliam stellarum fa-  
ciem, aliamque aëris gratiam, ait se Præfectus reperisse. Nam  
in tertium inde diem, temperiem se amœnissimam sensisse, in-  
quiunt omnes. Abscuerat enim Præfectus, se à malaciis &  
ardoribus semper ascendisse per maris dorsum, veluti per  
altum montem calum versus ascenditur: nec tamen  
adhuc in omni prospectu terram vllam viderat. E ca-  
nea tandem grandioris nauis, pridie calendas Iulij, nauta

Testu-  
dinū ge-  
nere  
quodā  
mede-  
tur le-  
pre.

Miri-  
quid-  
dam.



quidam speculator tres montes altissimos, sublatis præ lætitia ad cælum vocibus, se conspiciere proclamat: ne frangantur animo, hortatur: mæsti enim erant, tum adusti solis ardoribus, tum quoniam aqua illis deficiebat, cum cadi, qui præ nimio calore concrepuerant, aquam per scissuras euomisissent. Lati ergo ad eunt: attamen ubi primum terram attigerat, eò quod ibi esset mare vadosum, quanuis portum à longè viderint, alias satis commodum, non potuerunt terram capere. Habitatam esse regionem & benè cultam, perpenderunt è nauibus: namque cultissimos hortos, & amœna viridaria videt: ex quorum herbis & arboribus matutini rores ad eos suaues efflabant odores. Ad vigesimum indè lapidem, in portum incidit recipiendis nauibus satis aptum, sed nullus in eum amnis decurrebat. Procedens igitur, reperit tandem portum repandis nauibus aptum, & aqua & lignis sumendis accommodatum: Arenalem Puntam, hanc terram vocat. Vicina portui domicilia nulla reperere, sed innumera quorundam animalium vestigia, veluti caprina, inuenerunt: de quorum genere vnum videre mortuum, ut aiunt, quasi caprea simile. Altero die canoam à longè venientem prospiciunt, qua vigintiquatuor homines vehabantur, iuuenes omnes elegantes & procera statura: scutis, præter arcus & sagittas, ultra morem aliorum, armati: capillis oblongis, planis, & quasi more Hispano scissis in fronte. Pudibunda, vittâ gossampinâ variis coloribus intextâ, tegebant, ceterum nudi. Tunc vero terram illam reliquis eius paralleli regionibus calo proximiorē esse, & à crassis conuallium ac paludum vaporibus remotiorem credidit, quanto altorum montium à profundis vallibus suprema culmina recedunt. Quoniam se ab Aethiopia paralleliis nunquam exiisse in tota ea navigatione pertinaciter ammirantus affirmat, tantâque sit in virisque terræ incolis cōtinentis scilicet Aethiopiae & insularum, naturæ varietas



*Aethiopes enim nigri, crispī, lanati, non autem capillati: hi  
verò albi, capillis oblongis, protentiis, flauis. Vnde discrimen  
hoc tantum oriri possit alias, non video. Terræ igitur disposi-  
tio, non cœlorum status, eam causantur varietatem. Scimus in  
torrida Zonæ montibus niues cadere, durareque: scimus & in  
valdè distantibus ab ea ad septentrionem vrgeri magno calo-  
re habitatores. Iuuenes obuios vt alliceret Præfectus, specula,  
vasa æneasterfa, lucida, tintinnabula, aliâque eiusmodi igno-  
ta illis ostendi iussit. Illi autem quo magis vocabantur, tanto  
magis fraudem inesse & struitimētes, retrocedebant: cum  
summa tamen admiratione nostros, & eorum res ac nauigia  
fixis oculis intuentes, ac remis semper innixi. Videns Præfe-  
ctus muneribus illos adduci non posse, iussit è cauea grandio-  
ris nauis, tympana, tibiâsque pulsari, cantarique inferuiss, ac  
instrui choreas: Cantus & insoliti sonitus dulcedine illos posse  
vinci existimans. Iuuenes autem, ad certamen canere nostros  
è caueis, arbitrati, citius ictu oculi, relictis remis, sagittas arcu-  
bus, scuta brachiis aptârunt, cuspidibûsque in nostros directis  
quid sibi vellent hi sonitus, parati opperiebantur. Nostri econ-  
uerso, paratis sagittis, ad illos paulatim mouent. Illi verò à na-  
ui prætoria discedentes, & dexteritate remorum freti, vnâ  
ex minoribus adeunt: adeoque illi adhæserunt, vt nauis guber-  
natori sagulum, pileumque cuidam primario alteri è puppi  
porrigere licuerit. Per signa, vt eius nauis gubernator in littus  
descendat, ibi inuicem collocuturi, vt apius poterant, data fi-  
de, conueniunt. Sed cum ipsum nauis gubernatorem ad præ-  
toriam nauim, veniam colloqui petittum, accedere conspexer-  
unt, insidias veriti, statim in canoam profiliunt, aurâque  
velocius auolârunt. Non longo ab ea insula spatio semper, ad  
Occidentem, Præfectus se fluxum aquæ rabidum ab Oriente  
in Occidentem, atque adeo impetuosum, reperisse ait, vt nibi-  
lo torrenti vasto ex altis montibus decidenti cederet. Ibi se, ex*



quo nauigare à teneris cœpit, nusquam tantum formidasse fatetur. Vtius aliquantulum per id discrimen procedens, fauces reperit quasdam octo miliarium, veluti alicuius maximi portus introitum: ad quas aquarum ille defluxus ruebat. Os Draconis fauces appellauit, & insulam Ori Draconis oppositam, Margaritam. Ex faucibus autem non minor impetus aquarum dulcium, venientibus salis occurrens, egredi conabatur: ita quod ibi esset inter vtrasque vndas non leue certamen. Sinum ingressus tandem, potabiles ac suaves aquas esse cognoscit. Atque aliud manus ipse Præfectus, & reliqui nauigationis eius comites fide digni, mihi diligentius omnia percontanti retulerunt: se videlicet lequas sex & viginti, hoc est, millia passuum quatuor supra centum, per semper dulces aquas adnauigasse: quantoque vterius, ad Occidentem præcipue, procederet, tanto assueerat dulciores. Occurrit deinde monti altissimo, quem cercopithecorum ab ea parte orientali multitudo tantum incolebat. Id latus asperum, propterea hominibus inhabitatum: apud littus tamen in terrâ exploratum missi, cultos plerôsque satôsque agros reperisse retulerunt: gentem autem aut casas nullas: ut ruricola nostri sæpius etiam à villis aut stationibus, quas incolunt, seminatum longius fortè proficiscuntur. In montis eius occidentali latere latam agnoscunt iacere planitiem, hanc lati adeunt, iaciunt anchoras in lato flumine. Cum primum indigena gentem ad eorum littora nouam appulsam esse cognoscunt, certatim visendi studio sine vlllo metu ad nostros festinant: à quibus per signa, Pariam vocari terram illam, qua maxima esset, & quanto vterius ad Occidentem, tanto populosiorem collegerunt. Quatuor igitur hominibus ex eius terræ incolis in nauem suâ sumptis, occidentale latus prosequitur. Ex aëris temperie, ex amœnitate terræ, ex populorum amplitudine, quibus indies magis ac magis inter nauigandū occurrebant, quod



regio illa magni aliquid portenderet, omnes recensent: neque illos sua fefellit opinio, vi suo loco videbimus. Sole nondum exorto, surgere tamen iam volente, quodam die, locorum suauitate allecti, sentiebant enim ex terra viretis gratissimos odores afflari, terram captant. Ibi numerosiorem, quam alibi vsquam, incolarum multitudinem esse perpenderunt. Statimque nostris propius se applicantibus, eius terra Cacici nomine nunciu ad Praefectum mittuntur, se suaque omnia hilari fronte per signa & nut<sup>o</sup> offerendo: a Praefecto, vi in terram descenderet nec quicquam vereretur, petunt. Renuente Praefecto, ecce visendi studio, sum eorum cymbis innumeri ad naues canfluunt colla lacertosque maiori ex parte auro & vnionibus Indicis torquati armillatique, atque id adeo populariter gestabant, vi ex vitro non maiora calculorum sarta scemina nostrates ferant. Vbinam illa quae gerebant, legerentur interrogati: proprium litus digito monstrabant: manuumque ac labiorum torsione & motu, vniones apud se non magnifere, significare videbantur. Immo & canistris manu captis, posse ibi, si apud eos versari vellent, canistratim colligi, insinuare videbantur. Sed quoniam frumenta quae vehebat ad Hispaniolam, fere iam saelo corrumperentur, differre id commercium in accommodati<sup>o</sup> tempus statuit. Duas tamen ex seruitoriis cymbis, ad terram hominibus onustas misit, qui de vnionibus aliqua sarta, per rerum nostrarum permutationem, referrent: & de locorum ac hominum natura, quaecunque possent, scrutarentur. Illi nostros adeuntes, hilares & animo lato suscipiunt. Mirus ad nostros, taquam ad portentum aliquod, erat numerus confluentiu. Duoque viri graues nostris primum obui, quos reliqua turba sequebatur, prodeunt, grandaeus alter, alter iunior. Patrem & filium successurum, autumant fuisse. Salutationibus virinque peractis, in domum quandam sphaericam, cui magna platea adiacet, nostros adducunt. Ex ligno nigerrimo,

Vnio-  
nū vili-  
tas &  
copia.



arte mira laborato, sedilia feruntur multa. Postquam nostri eorum primates assederunt, ecce veniunt ministri dapibus alijs, alijs vino onusti: sed eorum cibi fructus tantum: Varij tamen generis, nostris penitus ignoti. Vina vero tam alba quam rubentia, non ex vuvis, sed ex diuersis fructibus compressa, non iniucunda tamen. Sumptis apud seniore[m] cibus, iunior illos ducit in tabernaculum suum. Viri foeminaeque adstabant plures: sed ubique viri semper a foeminis separati. Viriusque sexus indigenae albi, veluti nostrates, praeter eos qui sub sole versantur: mites, hospitales, pudenda gossampino velamine, varijs coloribus intexto, contegunt: cetera nudi. Nemo aderat qui non esset vnionibus & auro aut torquatus aut armillatus: multi vtrunque, sed vti vitreos nostri rurales calculos ferunt. Interrogati, vbinam aurum illud quod gestabant, gigneretur: digito signabant, e regione in quibusdam montibus: sed nostris, tanquam minitantes, accessum dissuadere videbantur: comedi enim illic homines, gestu manibusque innuebant. Sed an a Canibalibus dicerent, an a feris syluestribus, non bene per ceperunt. Quod nostros intelligere, a nostrisque intelligi nequirent, ingenti molestia afficiebantur. His qui missi fuerant, hora tertia post meridiem cum quibusdam vnionum fertis ad naues redeuntibus, ancoras eleuant: neque propter frumenta vti ipse ait, quae vehebat, diutius moratus est: animo tamen, compositis rebus Hispaniola, intra paucos dies redeundi: sed tamen premium inuenti surripuit aliter. Institit & eius pelagi profunditas modica, aquarum ve cursus precipites, qui assiduis conflictibus grandio[re]m nauem, si vis ventorum aliqua surgebat, conquassabat. Ad euitanda vadorum discrimina leuiorem ex carauelis, quae breui fundo contenta erat tanquam exploratricem, plumbatis fundi altitudinem tentantem, semper praemittebat, sequebantur aliae. Cumana & Manacapanaz vastae Pariae prouincia, dicebantur ab incolis ille regionales

Cuma-  
na.  
Mana-  
capana



giuncula, in spatio milliarium ducentorum triginta: à quibus altera regio distat lequas sexaginta, nomine Curiana. Cum autem longum ita maris tractum percurrisset, putans Curiana. assidue insulam esse, dubitansque posse per Occidentem se ad septentrionem, ut ad Hispaniolam iter caperet, exolucere, in fluvium incidit profunditatis triginta cubitorum, latitudinis vero inaudita: aut enim octo & viginti lequarum fuisse. Paulo autem ulterius, ad Occidentem tamen semper, sed meridionalius aliquantisper, cum ita littorum se spectantium ratio exigeret, mare herbidum ingressus est: supernatans herbarum semen, lentisci baccas amulabatur. Quare herbarum densitas, ne bene fluerent nauigia, impediēbat. Ibi, Prasectus refert, Mare herbidum. diem esse nullum toto anno multo longiorem aut breviorē altero. Arcticum polum in ea regione quinque tantum gradus, sicuti Paria, disputat eleuari: in cuius tractu hæc omnia littora iacent. De poli etiam varietate quadam refert, quæ quoniam contra omnium Astronomorum sententiam prolata mihi videntur, sicco pertingam pede. Compertum est, illustrissime Princeps, polarem illam stellam, quam nautæ nostri Tramontanam vocant, non esse arctici poli punctum, super quo calorum axis vertatur: quod facile dignoscitur, si stellis primum apparentibus, per angustum aliquod foramen stellam ipsam conspexeris, eandemque si ultima vigilia, aurora illa fugante, per idem foramen conspicias, locum mutasse comperies. Sed quo modo fieri possit, ut primo noctis crepusculo in ea regione quinque tantum gradus tempore Iunii eleuetur, stellis autem discedentibus, obuenientes solares radios sumpto eodem quadrante quindecim, non intelligo: nec rationes quas ipse adducit, mihi planè nec vlla ex parte satisfaciunt. Inquit enim, se orbem terrarum non esse sphericum coniecisse, sed in sui rotunditate tumulum quendam eductum, eum crearetur, fuisse ita quod non pila aut pomi, ut aliq



sentiunt, sed piri arbori apensi, formam sumpserit, Pariamque esse regionem, qua supereminentiam illam calo viciniorē possideat. Vnde in triū illorum culmine montium, quos è cauea speculatorem nautam à longè vidisse memorauimus, paradisum esse terrestrem asseueranter contendit, rabiēque illam aquarum dulcium, de sinu & faucibus prædictis exire obuiā maris fluxui venienti conantem, esse aquarum ex ipsis montium culminibus in præceps descendentium. De his satis cum fabulosa mihi videantur. Ad historiam, à qua digressus sumus, reuertamur. Cum se, præter optatum, tam vasto sinu implicitum cerneret, nec iam reperendi ad septentrionem exitum, quo ad Hispaniolam vertere proras posset, spem ullam haberet, eadem qua profectus fuerat, regreditur, itēque per septentrionem eius terræ ab Oriente ad Hispaniolam capit. Hanc qui postmodum accuratiū vtilitatis causa inuestigauerunt, continentem esse Indicum volunt, non autem Cubam, Vti præfectus: neque enim desunt qui se circuisse Cubam audeant dicere. An hæc ita sint, an inuidia tanti inuenti, occasiones querant in hunc virum, non diiudico: tempus loquetur in quo verus iudex inuigilat. Sed quòd Paria sit vel non sit continens, Præfectus non contendit: continentem ipse arbitratur. Pariam autem esse Hispaniola octingentis octoginta duobus millibus passuum australiorem, Præfectus refert. Ad Hispaniolam tandem visendorum militum, quos ibi cū fratribus reliquerat, tertio calend. Septembris octauū & nonagesimi anni, cupidissimus tetendit. Sed, vti plerāque mortalium solent, inter tot secunda, dulcia, leta, absinthij semen fortuna in medium proiecit, Zizaniāque omnibus eius suauia commaculauit.



DECAS PRIMA. 67  
 PETRI MARTYRIS MEDIOLA-  
 NEN. PROTONOTARII APOSTOLI-  
 CI, consiliariiue Regii, Oceanæ decadis  
 primæ Cap. septimum, ad eundem Car-  
 dinalem Ludouicum Aragonium.



Veniens ad insulam Præfectus, ultra spem  
 nem perturbata omnia, in præcepssque  
 iam labentia cuncta inuenit. Roldannus e-  
 im, qui eo absente à fratre discesserat,  
 multitudo quæ eum sequebatur, frei, ad  
 præfectum quondam dominum, qui eum eue-  
 xerat, non modo non venire instituit, sed conuiciis illum lace-  
 rare, scribereque ad reges de viroque fratre nefanda incepit.  
 Præfectus autem ad reges nuncios mittit, qui de eorum de-  
 fectione certiōres faciant, instatque simul, ut militares homi-  
 nes ad se mittantur, quibus vires eorum infringere, punireque  
 pro commissis quenque valeat. Illi de viroque fratre grauer  
 conquesti, iniustos, impios, Hispani sanguinis hostes & profu-  
 sores, vocabant: quod leuibus de causis torquere singulare, ob-  
 truncare, quoquo modo perimere delectarentur, ambitiosos,  
 superbos, inuidos, intolerabiles tyrannos esse, proclamabant: pro-  
 pterea se ab eis tanquam à feris sanguine gaudentibus, & re-  
 gum inimicis, discessisse perspexisse enim se, aiebant, nil aliud  
 ipsos moliri aut animo versare, quam de usurpando insularum  
 imperio: idque mille coniecturis perpendisse argumentaban-  
 tur: sed præcipue, quod adire aurifodinas aurum collectum,  
 neminem præter familiares suos patiebantur. Præfectus autē  
 e contrariō, cum à regibus auxilia, quibus debitis illos pœnis  
 posset afficere, poscebat: homines eos esse, qui talia in se com-  
 mentirentur, omnes flagitiosos, facinorosos, lenones, fures,  
 stupratores, raptos, vagos, quibus nihil pensi, nulla ra-  
 E ij

partiū  
 apud  
 regem  
 accusa-  
 tiones.



tio inesset, periuros, falsos, conuictos in prætoreis, aut pro com-  
 missis minas iudicum timentes: sese de medio sustulisse, ibi-  
 que violando, rapiendo, ocio, ventris, somno, libidinibus deditos,  
 nemini parcere: & qui ut foderent, officioque calonum fun-  
 gerentur, adducti fuerant, nunc neque stadium domo egrediū-  
 tur pedibus: ab insularibus nanque miseris pensiles per totam  
 insulam, tanquam adiles curules, feruntur. Loci etiam gratia,  
 ne manus ab effundendo sanguine desuescat, ut lacertorum  
 vires experiantur, reductis ensibus, inter se certant super ob-  
 truncandis innocentum capitibus vno ictu: & qui agilis  
 ictu suo caput miseri deiebat in terram, ille fortior honora-  
 tiorque inter ipsos censebatur. Illi in Præfectum eas, Præfectus  
 in eos hæc & alia multa. Dum hæc ita geruntur, ut Cigua-  
 uis populis, de quibus supra, Guarionexio duce, multa dam-  
 na inferentibus obuiaretur, Adelantatus fratrem cum nona-  
 ginta tantum peditibus, equitibus vero paucis, mittit: tri-  
 bus tamen millibus insularium, qui à Ciguauis aliàs acriter  
 stimulati, inimicitias cum eis capitales exercebant, sequenti-  
 bus illum. Cum igitur Adelantatus ad cuiusdam magni  
 fluminis ripam, per eam planitiem, quam supra inter Cigua-  
 uorum montium cornua & mare iacere memorauimus, de-  
 fluentis, exercitum duxisset, exploratores hostium in dumis  
 quibusdam latentes comperit duos: quorum alter in mare se  
 precipitans, per fluminis fauces trans fluuium ad suos eua-  
 sit: alter autem captus, in nemore trans fluuium delitescere  
 dicebat sex Ciguauorum armatorum millia, ut nostros tran-  
 seuntes incautos adorianatur. Quamobrem Adelantatus ad-  
 uersa ripa, vadum quo traiceret queritans, ascendit. Vado  
 tandem reperto in lata planitie, in traicere volentes nostros,  
 emissis vno spiritu horrendis clamoribus, è syluis Ciguauis  
 facto agmine, adpectu fædo ac formidoloso, proficiunt: pro-  
 deunt & a Maroniani Agathys: picti omnes & adpersi ma-

Cigua-  
 ui picti  
 & ma-  
 culis ad-  
 persi.



gulis: nigro enim coccineoque coloribus, quos ex quibusdam fructibus, piro similibus, ex hortis ad id summo studio nutritis, legunt, sese à fronte ad genua vsque depingunt: criminibus mille modis compactis, quos nigros longosque artes, si natura negat, nutriunt. Lemures è tartareis speluncis profilire videbantur. Nostris fluuium superare adnitentibus, sagittarum ac missilium sudium iactu transitum prohibentes, obuiam prodeunt. Tanta erat telorum multitudo, quòd solem ferè illis demeret, & nisi scutati in se ictus recepissent, male actum fuisset. Adelantatus, vulneratis utrinque in eo certamine non paucis, traiecit tandem: fugiunt hostes, insequuntur nostri, perimunt, paucos tamen, valent enim pedibus maiorem in modum, ad sylvas se ilico recipiunt, ex quibus tuto nostros accedentes arcubus conficiebant: ipsi enim nudi per vepres & dumos & arbuſta, ut apri, sine ullo obice, sylvis assueti, prolabantur: nostris autem scuta, vestes, longa hasta, locorum imperitia intra dumos, officiant. Quare cum frustra ibi pernoctasset, posteròque die neminem in sylvis moueri sentiret, insularium, qui Ciguauos veteri odio proſequebantur, consilio & ductu, ad montes, in quibus Maiobanexius rex, Capronum vicum regiam habebat, proficiscitur: ad milliarièque duodecimum in alterius reguli vico, incolis omnibus præ metu vicum deserentibus, castrametatus est. Duos assequuntur, à quibus esse apud Maiobanexium decem regulos in Caprono eius regia, cum octo millibus Ciguauorum congregatos, cognouerunt. Leuibis incurſionibus sese inuicem duabus laceſſunt: nec procedere Adelantatus ausus est, donec regionem diligentius exploraret. Nocte ſequenti intempeſta exploratores mittuntur, ductu insularium qui terram nouerant. Ciguauì è montibus nostros ſenſerunt: ad pugnam ſe, ut ſolent, ſublatis clamoribus accingunt, neque tamen è ſylvis egredi audent, Adelantatum cum omni exercitu adesse existiman-



tes. Altero die Adelantato exercitum ad eos ducente, bis fortunam belli è sylvis pugnando proflientes, tentârunt: impetu maximo in nostros ruunt, vulnerant plerosque, priusquam scitis se tegere licuerit. Profligant nostri illos, insequuntur, perimunt, capiunt multos: ad sylvas, non ulterius egressuri, reuertuntur. Ex captis unum cum altero insulari ex amicis, ad Maiobanexium cum mandatis huiusmodi mittit: Non ut tibi, ô Maiobanexi, aut incolis tuis bellum inferret, exercitum duxit Adelantatus: amicitiam enim tuam exoptat sed efflagitat ut Guarionexius qui ad te confugit, tibi que ut arma, in maximum tuorum incommodum, sumeres persuasum, commissorum pœnas deprehensus luat: propterea hortatur, monet que ut Guarionexium tradas: id si feceris, te Præfectus marinus frater eius in amicitiam admittet, & tuorum regnorum amplitudinem integram servabit ac tutabitur: sin facere recusaveris, dabitur opera ut te facti pœniteat. Regni enim quicquid tibi est, ferro ignique vastabitur, omnia diripientur. Maiobanexius autem, propositione intellecta, illis respondit Guarionexium virum bonum esse, omnique virtute præditum, neminem latet, propterea auxilio præsidioque dignum illum esse iudico: ipsos autem violentos & malos homines, qui aliena tantopere expetant, qui sanguinem innocentum semper exoptent, nolle secum sceleratis hominibus commercia aut amicitiam inire. His auditis, Adelantatus vicum ubi castra metabatur, aliosque vicinos complures cremari iussit. Maiobanexioque propior factus, iterum nuncios mittit, qui cum eo agant, ut ex familiaribus intimis aliquem ad se venire iubeat, quo cum possit de pace tractare. Charissimum quendam ex primoribus, duobus aliis illum comitantibus, rex ire imperat. Huic Adelantatus proponit, suadet que ac monet, ne floridum eius regnum Maiobanexius diripi pro Guarionexio patiatum: ut tradat illum, hortatur, nisi perditum iri se suaque omnia,



simul & incolas in prædam abduci mallet. Nuncio redeunte, populum Maiobanexius conuocat, quæ acta sint, proponit. Populus autem tradi debere Guarionexium proclamat, detestarique & execrari diem, quo Guarionexius turbatum eorum quietem venerat, incipiunt. Maiobanexius autem Guarionexium virum esse bonum & de se benè meritum, quò d regia illi dona, cū ad eū veniret, multa præbuisset, vxorēque suā & ipsū choriZare tripudiarēque docuisset, quod nō paruifaciebat, sibi que curæ esse respondit: propterea se nullo pacto eum, quandoquidem ad se confugerat, & ipse tutandi fidem dederat, deserturum: mallēque se extrema omnia cum eo perpeti, quàm obloquendi causam, quod hospitem tradiderit, detractoribus præbere. Itā populo suspiriis anhelante dimisso, Guarionexium ad se vocat, omnem opem denuò pollicetur, velle se fortunam omnem, quoad vixerit, cum eo expectare: neque ad Adelantatum quicquam referendum censet: immò & eum qui prius ab eo missus fuerat in itinere, quo Adelantati nuncij venire ad se soliti erant, cum fida custodia locat, imperans vt venientes interimat, nec cuiusquam sermones admittat. Mittuntur ab Adelantato duo, vnus ex captiuis Ciguaiensibus, ex amicis insularibus alter: obtruncantur ambo. Sequitur illos Adelantatus cum decem tantum peditibus, equitibus quatuor: mortuos reperit in itinere nuncios. Quare iratus seuire acrius in Maiobanexium constituit. Vadit instructo exercitu ad Capronum regiam. Fugiant reguli per diuersa, imperatorem Maiobanexium deserunt. Ad montes asperos Maiobanexius cum omni familia profugit. Alij vero Guarionexium, quod tanti mali causa fuisset, Ciguani, vt eum perimerent, quaesierunt. Sed pedibus vitam seruauit, intrarupēsque desertorum montium ferè solus delituit. Cum iam longo bello, vigiliisque ac laborib⁹ & fame Adelantati milites



Strata-  
gema.

fatigarentur, (gebatur enim iam tertius mensis, quo inceptū fuerat) veniam multi petunt, & ut redire ad Conceptionem liceat, ubi plurimi ex eis pradia insulari more habebant cultissima: datur commecatus, recedunt multi. Triginta tantum cum Adelantato comites permanent. Id trimestre bellum satis arummo se egerunt, neque enim trimestri toto cibos ullos sunt affecuti, præter ea Xabi, id est, radicalem eorum panem, atque ex eo raro ad saturationem: & de viis, id est, eorum cuniculis, si quos ipsimet cum suis canibus venando capiebant potiusque eorum suaves interdum, interdum cœnosa & palustres aquæ. Inter has delicias sub dio ferè semper, ac in perpetuo motu sic enim belli natura exigebat. Cum his igitur paucis Adelantatus montina scrutari, & latibula queritare, si qua Maiobanexij aut Guarionexij vestigia reperiat, cōstituit. Forte fortuna venatores quidam ipsius Adelantati, quos famæ, ubinam vias venando captare possent, indagare cōegerat, cum cætera deessent, in duos Maiobanexij familiares incidunt, qui ad pagos quosdam ipsius missi, panem ferebant ab incolis datum. Hi, ubinam dominus delitesceret, propalare cōguntur: quibus ducibus, Ciguao more, duodecim ex nostris depictis, per dolum Maiobanexius cum uxore & filiis capitur: ad Conceptionem ad Præfectum ducuntur. Paucos post dies Guarionexium de speluncis exire famæ compulsi, quem insulares, Præfectum veriti, venatoribus quibusdam prodiderunt. Præfectus ubinam versetur, certior fit. Peditum turmam mittit, qui ex insidiis de plano ad montana redire volentem adorianitur. Eunt, capiunt, ducunt. Ita illius regionis conuicina pacata, sed tamen sunt omnia. Maiobanexium cognata quædam alterius reguli, cuius regnum intactum adhuc erat, uxor in his aduersis comitabatur. Eam foeminarum omnium, quas natura in ea insula creauit, formosissimam omnes prædicant. Hanc cum vir ipsius, ut eius forma merebatur, arderet, insa,



mus & mentis inops, vxore capta, per desertam, quid consilij  
caperet ignarus, vagabatur. Ad Praefectum tandem, se sua-  
que omnia ditioni eius, sine vlllo obice, subditurum, si vxore  
redderet, promittens, venit. Vxor redditur, & ex incolis pri-  
marij plures. Iureiurando adstringuntur, se imperata factu-  
ros. Sponte sua regulus hic idem, incolarum quinque millia  
inermium cum agricultorijs instrumentis secum ducens, adiit,  
maximamque Praefecto sementem in conuallis eius amplissi-  
mae fundis sua impensa cultam reliquit. A Praefecto dona-  
tus, letus reuertitur. Hac fama ad Ciguaios delata, regulatoris  
animos ad clementiae spem mouit. Vltro igitur veniunt, se de-  
inceps imperata facturos, fidem praestant: pro rege suo & om-  
ni familia supplicant. Vxor & tota domus eius, regulatorum  
rogatu liberantur: rex vinctus detinetur. Hac in insula a  
Praefecto, quid contra se apud reges aduersarij molirentur in-  
scio, gerebantur. Cum reges tot querelis vndique conflictati,  
& maxime quod ex tanta auri & aliarum rerum ampli-  
tudine parum, ob eorum discordias & seditiones, afferretur,  
gubernatorem instituunt nouum, qui diligenter inquirat haec  
omnia, fontesque deprehensos corrigat, aut ad se mittat. Quid  
in Praefectum & eius fratrem, quid de illis qui eis aduer-  
sati sunt, fuerit perquisitum, non bene percipio. Hoc vnu scio: Pro tot  
capitur vterque frater, in vincula, omnibus bonis spoliatus, co labori-  
iectus ducitur, vti vides illustrissime Princeps. Cum primum bus ex  
tamen reges Gades vinctos adductos esse didicerunt, vtrum- haustis  
que statim per celeres tabellarios solui iubent, utque liberi a indi-  
deant, permittunt, moleste se tulisse eam ipsorum iniuriam o- gna pre-  
stendentes. Nouus ille gubernator ad reges Praefecti dextera mia.  
exaratas, ignotis characteribus scriptas literas misisse dicitur,  
quibus Adlantatum fratrem absentem armata manu, ut  
se, si vim gubernator inferre pararet, ab eius iniuria tutaretur  
venire properè hortabatur, monebatque. Propterea cum



Adelantatus præcessisset armatos, incautos ambos, priusquā multitudo conueniret, gubernator apprehendit. Quid futurum sit, tempus, rerum omnium iudex prudentissimus, aperiet. Vale.

PETRI MARTYRIS MEDIOLANEN. PROTONOTARII APOSTOLICI, Consiliarii que regii, Oceaneꝝ decadis primæ cap. octauum, ad eundem Cardinalem Ludouicum Aragonium.



Primum oceanū hactenus latitantē, à Christophoro Colono Præfecto marino, nostrorū regum auspiciis, repertum, tanquā aureum torquem, etsi malè ob ineptas artificis manus fabrefactum, tuo splendori, illustrissime Princeps, condonauī. Nunc autem gemmatum accipito monile, quod torqui appensum, perpendiculi vicem gerat. Ex ipsius Præfecti nauium gubernatoribus, qui ventorum ductus diligenter annotauerant, plerique à regibus impetrata venia scrutandi vltius propriis impensis, regibus tamen partem daturi illis contingentem, quæ est quinta, prouinciā aggressi sunt.

Petrus. Sed quoniam secundiore fortuna Petrus. Alfonsus quidam, Alfonsus Nignus, ad meridiem nauigauit, ab eo incipiens Nig- dum merito existimauī. Hic, ut reliquum iter omittamus, gnus. Vna tantum nauis suamet impensa instructa, (licet non desint qui aliena dicant) edicto regio sumpto, ne ancoras deiceret ad lequas quinquaginta ab vllō loco, quem Præfectus tetigerit: Pariam, vbi vnionibus torquatos armillatosque tam viros quā fœminas Præfectum reperisse supra memorauimus, profiscitur. Procedensque ex regio edicto per idem litus,



tamen Cumana & Manacapana regionibus postergatis, in regionem incidit, quam Curianam vocari ab incolis ipse refert. In qua portum se reperisse ait, Gaditano portui similitimum: quem ingrediens, casas quasdam in littore videt: adiuit, octo tantum domorum pagum reperit, attamen ex populofo quodam alio vico, tria tantum milliaria distanti, nudi homines quinquaginta, duce primario, prope cucurrerunt, petuntque ab Alfonso Nigno, ut ad eorum littus proficiscatur. Nignus ipse descendens, tintinnabula, aciculas, spinteres, armillas, vitrea calculorum ferta, anulósque, & alias huiusmodi institorum merces secum portauerat, quibus cum eis in horæ momento vnionum, quos collo & brachiis appensos gestabant, vncias quindecim permutat. Tum magis ac magis illi, ut ad suos nauigaret, Nignum amicè amplectentes, institerunt: habituros se ibi de vnionibus copiam quamcunque optarent. Altero die aurora surgente, ad eos mouent: adeunt, ancoras iaciunt, ut ad se descenderet, omnis populus concurrens supplex orabat. Nignus autem cum innumeram eorum esse multitudinem cerneret, ipse verò tres & triginta tantum homines secum haberet, non est ausus sese illis credere, sed per nutus & signa, ut cum suis lintribus ad se nauigarent, significauit. Eorum lintres vniligineæ, sicuti aliorum sunt: sed rudiores ineptioresque, quam Canibalica, aut insulares Hispanica: has Gallitas vocant. Certatim igitur vnionum ferta,strarum mercium cupidissimi, cuncti ferebant. Vniones appellant Tenóras. Mites, simplices, innocentes, & hospitales esse, viginti dierum commercio cognouerunt. Cum eis intra eorum domos versari incipiunt. Domus eorum lignea, palmarum foliis tecta. Cibi maiori ex parte conchylium ex quibus vniones adipiscuntur, quibus habent plena littora: & syluestribus animalibus vescuntur. Cernuos, apros,



cuniculos villos & colore ac magnitudine leporibus similes: palumbes, turtures, vulgò tellus illa parit. Anseres, anatesque in domibus fœminæ, sicuti nostrates, nutriunt. Pavonēsque per nemora (sed non picti aut versicolores: discrepat enim a fœmina parum masculus) & per paludis arbusa phasiani, passim volitabant. Sunt Curianenses callidi venatores: certis que ictibus sagittarum quodcunque quadrupes siue volucrem, facile interficiunt. Lautos ibi dies aliquot nostri egerunt. Pavonem enim ferenti quatuor dabantur aciculæ aut spinteres: Si phasianum quis ferret, duas præbebant: Si palumbem aut turturem, unam: si anserem, totidem, vel vitreum calculum tribuebant. Haud aliter inter eos replicando, arguendo, differendo agebatur in ea permutatione, quâ nostratibus accidit mulieribus, cum sese cum institoribus implicant. Cum nudi ipsi essent quid illis aciculæ prodesse possent, sciscitabantur. Nostri autem callido illis responso satisfecerunt: per signa enim ad spinas, quæ sæpenumero eorum carnibus figuntur, enellēdas, dentēsque purgandos, esse occommodatissimas significarūt: tunc illas magnificere cœperunt. Sed tintinnabuli colore ac sonitu allecti, magna tribuebant, ut tintinnabulum assequerētur. In sylvis, quas ex variis altissimisque arboribus densissimas esse aiunt, animalium grandiorum horrendos mugitus ex incolarum domibus noctu sentiebant, sed minimè noxiorum. Libere enim incolæ nudi cum arcibus & sagittis per illas venatuna continuè vagantur, nec peremptum unquam ab ulla fera quæquam meminerūt. Quotquot ceruos, quotquot apros nostri illos capere iubebant, tot, sagittis peremptos, ad eos afferebant. Bobus, capris, ouibus carent. Pane radicali paniceoque, uti insulares Hispanici, utuntur. Capillos habet hæc gens nigros, crassos, semicrispos, longos tamen: dentes albidos reddunt: herbam quandam ad id aptam toto ferè die inter labia ferunt cum autem illam eyciunt, os lavant. Mulieres rebus familia-



tribus & agricultura magis intendunt, quàm viri: viri autē  
venatu magis, ac rebus bellicis & ducendis chorēis & ludis  
inuigilant. Hydrias, cantharos, ollas, cateraque utensilia varij  
generis fictilia habent, aliundē comparata. Nundinas enim in-  
ter se celebrant, ad quas vicinus quisque incola, ut peregrinū  
aliquid assequatur, de suae regionis prouentibus portant, sed ē  
proximo. Nullus enim est qui parare sibi noui aliquid, quo sua  
tellus careat, non delectetur: cum hominibus cunctis sit à na-  
tura tributum, ut nouis rebus studeant & alliciantur. Aui-  
culas aliāque animalia multa pulchrē formata ex auro, non  
puro tamen, vnionibus annectebant: sed ad eos aliundē per  
permutationem feruntur: est enim aurum illud veluti Germa-  
nicum, quo floreni cuduntur. Ibi homines cucurbitula qua-  
dam, in anterioris bracula caligarum nostrarum similitudinē  
scissa, vel testa marina, mentulam & genitalia includunt:  
funiculo ad lumbos alligatos cucurbitula sustinetur: de cetero  
nudi. Alibi in eo tractu intra vaginam metularem neruum  
reducunt, funiculōque praeputium alligant. Animalias de qui-  
bus supra mentionem fecimus, & multa alia quae in nulla in-  
sularum reperiuntur, continentem terram esse testantur. Sed  
praecipua id ita esse coniectura arguunt, quod per eius telluris  
littora à Paria ad Occidentem, circiter tria millia milliariūm  
adnauigauerint, neque vllum finis signum repererint. Curia-  
nenses, vnde aurum illud assequerentur, interrogati: ex qua-  
dam regione, nomine Cauchietā, quae à se ad Occidentem re-  
cto littore sex soles, id est, sex dierum iter distabat, afferrī, in  
eāsque formas ab ipsius terrae opificibus conflari innuebant.  
Eo tendunt nostri: regionem reperiunt in calendis Nouem-  
bris anni millesimi quingentesimi ancoras in Cauchieto ia-  
ciunt littore. Incolae adueniunt intrepidi, ferunt de auro,  
quod nativum illis erat. Vniones & isti collo gestabant: sed  
ex Curiana per auri mutationem ad eos ferebantur. Nullus



Nouē-  
bri mē-  
se tem-  
peratū  
cælum.

Pugna  
cū Ca-  
nibali-  
bus, hu-  
mana  
carne  
vescen-  
tibus.

ex eis voluit quicquam, quod aliundè assequeretur, permuta-  
re: vtpotà neque Curianenses aurum, neque Cauchietenses v-  
niones: auri tamen parum apud Cauchietenses lectum repe-  
rere. Cercopithecus tulerunt indè pulcherrimos, variorumque  
colorum psittacos plures. Mense Nouembri temperies illic sua-  
uissima, frigus nullum. Custodes arctici poli vtrisque populis  
occidebant, adeo proximi erant æquinoctio. De gradibus po-  
larib<sup>9</sup> nesciunt aliam reddere rationem. Bonæ mentis homines  
& minimè suspiciosi tota fere nocte cum suis cymbis, vii Cu-  
rianenses, ad nostros proficiscebantur, nauimque securi in-  
trabant. Vniones isti vocant corixas. Sunt Zelotypi: nam si quis  
illos peregrinus adierit, mulieres semper à tergo locant, vt  
& ipse noua hæc tanquam prodigia inspectant. Gossipium  
apud Cauchietenses vulgò & suapte natura nascitur, vt a-  
pud nos arbuta syluestria producantur: propterea fiunt apud  
eos femoralia, quibus in plerisque regionibus pudenda con-  
tegunt. Cùm vterius postmodum per idem litus proces-  
sissent, ecce circiter duo millia hominum, suo more armato-  
rum, ad litus ne descendant, prohibitori. Qui adeò agrestes  
adeò efferos sese ostendunt, vt nullum vnquam commercii  
aut consuetudinem cum nostris inire passi sint. Qua venerant  
igitur nostri, suis vnionibus contenti, reuertuntur: apud Cu-  
rianenses, ventres lautis cibis replendo, viginti dies alios de-  
morati sunt. Haud absurdum alienumque ab historia fore mi-  
hi videtur, si quid illis acciderit, cùm Paria litus venientes  
iam cernerent, immiscuero. In Canibaliū, qui venatum ho-  
mines proficiscebantur, octodecim canoarum classē apud Os-  
Draconis & fauces sinus Pariensis, de quo supra mentionem  
fecimus, inciderunt. Canibales nostris visis intrepidi, nauim  
nostrā adoriuntur, & circunsepiunt, undique sagittis & mis-  
silibus nostros infestant. Nostri autem tormentis illos adeò  
detruxerunt, quod in fugam statim versi sint. Insequentes



illos seruitoria cymba, vnam ex eorum canôis affecuti, vnum tantum Canibalem, ceteris natando fugientibus, alterumque hominem vinctum deprehenderunt. Ille quem vinctum seruabant, obortis lachrymis, manuum, oculorum & capitis gestibus, sex eius comites miserè euisceratos & in frustra crudeliter sectos, gentem illam nefandam comedisse: identidemque de se sequenti die futurum significauit. De Canibale igitur homini potestatem fecere. Ille autem in Canibalem fustibus, manibus, pedibus, frendens scire cœpit: nec adhuc satis vliâ suorum comitum necem existimabat, cum exanimem totumque fustibus & calcibus commaculatum cerneret. De natura & moribus Canibalium, cum eo modo per terras peregrinas grassentur, interrogatus, dixit: Canibales ex fustibus aggerem secum, quocunque eant, ferre, quos, descendentes è nauibus, terre infigunt, seque positis castris intra illos sepiunt, ut tuti possint pernoctari. In Curiana caput Canibalis, cuiusdam primarij foribus affixum, quod tanquam vexillum aut galeam ab hostibus creptam, pro summa laude seruatum, repererunt. In ea Paria ora, regio est nouo genere salinarum insignis, nomine Haraia: vi naque ventorum agitata ibi mare aquas impellit in adiacentem latam planitiem, quæ, sole superueniente, pacato aquore, congelantur in candidissimum sal optimum, quò si, priusquam pluat, propere adierint, onerari quirent quotquot nauigia mare sustinet. Illicò nanque cadentibus imbribus, liquefit, & sorbetur arena liquor, reditque per terra meat<sup>9</sup> ad suam originem, vnde fuerat impulsus. Dicunt alij, non è mari, planitiem repleri, sed è quibusdam fontibus salientibus aqua marina amarioribus, qui remouent illas aquas tempestate vigente. Salinas eas magnificiunt incolæ, qui sale non ad vsum modo patrium fruuntur, verum etiam in laterum formam redactum, peregrinis permutatione rerum alienarum venundantur.

Salisco  
pia.



Qua in  
dustria  
prima-  
rum ca-  
dauera  
exiccē-  
tur con-  
seruen-  
turque.

Primatum ibi cadauera super cratibus, igni lento supposito, distendunt, ut paulatim consumptis carnibus, ossa pelle inclusa desiccata detineantur: quæ postmodum in honore habent, seruantque tanquam penates. Virum se vidisse ibi, atque alibi feminam, hoc pacto impositos & seruatos, memorant. Cum verò ex Curiana octauo Idus Februarii, ad Reges redituri, discederent, sex & nonaginta se libras vnionum octunciales precio fortè quinque solidorum comparasse cognouerunt. Discedentes igitur, vnum & sexaginta dies in itinere, licet breuius quàm ex Hispaniola, consumpserunt, propter maris decurrentis ad Occidentem fluctus continuos, qui nauim non modo remorabantur, verum etiam interdum retrahebant. Accedunt tandem nauta vnionibus, vti paleis, onusti. Ast magister ipse nauis Petrus Alfonsus, cognomento Nignus, quod preciosorum vnionum copiam non mediocrem suffragatus fuisset, regioꝝque redditus, qui sunt pars quinta, defraudasset, a comitibus accusatus, a Fernando de Vega, viro literis & rerum experientia pollenti, gubernatore Gallicie, quò appulsi erant, capitur in vinculisque diu detentus, soluitur tandem. Sed habuisse partem vnionum sibi contingentem adhuc negat. Vnionum auellanas multi equant, orientalibus similes: sed quoniam malè perforati, non tanti precii sunt. Me præsentè, cum apud illustrem Methymnæ Sidoniæ ducè inuitatus præderem Hispalis, vnā supra centum vncias venum ad eum tulerunt. Sua profectò pulchritudine ac nitore me delectarunt. Sunt qui Nignum ferant non in Curiana, quæ centum viginti amplius lequas distat ab Ore Draconis, sed in Cumana & Manacapana regiunculis, Ori & Margaritæ insula vicinis, vniones habuisse: negantque Curianam ferocem margaritis. Adhuc sub indice lis est: nos ad alia tendamus. En habes, quid ex his nuper inuentis terris, ex his occidentalibus oris, possit

utilitatis



*utilitatis expectari per annorum circula: quandoquidem hac  
prima fronte talia de se argumenta opulentiæ ostendant.*

PETRI MARTYRIS MEDIOLA-  
NEN. PROTONOTARII APOSTO-  
lici, Consilariiue regii, Oceaneꝝ deca-  
dis primæ cap. nonum, ad eun-  
dem Cardinalem Ludouicum  
Aragonium.



*V*icentius Agnes, cognomento Pinzonus,  
Ariesque Pinzonus, illius ex fratre nepos, Vincen-  
qui Colonum Præfectum marinum prima tii A-  
navigatione fuerant comitati, duarumque gnis Pi-  
minorum nauium illarum, quas supra dixi- zoni na-  
mus carauelas vocitari, domini a Præfe- uigatio  
cto conducti, nouorum tractuum nouarumque terrarum am-  
plitudine pellekti, quatuor impensa propria carauelas in portu  
ipsorum natali solo qui dicitur ab Hispanis Palos in occiduo  
Oceano sito, construunt: & a regibus habita venia, circiter ca-  
lend. Decembris anni noni & nonagesimi a quadringente- 1499.  
simo supra millesimum, è portu soluunt. Est autem is portus  
Palensis à Gadibus millia passuum duo & septuaginta: ab  
Hispani Vero Beticæ emporio, milliaria quatuor & sexaginta.  
Sunt oppidani omnes, nullo excepto, rebus marinis dediti, cō-  
tinuisque navigationibus intenti. Ad Fortunatas & ipsi pri-  
mum tendunt per Hesperides, id est, per insulas Caput Viride  
dictas, quas alij dicunt Gorgodes Medusæas. Ad meridiem  
recta proficiscuntur. Ab ea Hesperidum, quæ sancti Iacobi,  
à Portugallensibus possessoribus appellatur, idibus Ianuarij  
discedentes, Africum, quem Suduestum appellant, qui  
medius inter Austrum est ac Zephyrum, capiunt in proam.



Cum lequas se tercentum nauigasse, ventum illum secuti, arbitrantur, poli arctici, aiunt, se aspectum amisisse: quo illis occidente, ventorum vorticumque atque aestuum fera tempestas continuo oborta est. Vtiterius tamen, licet cum summo discrimine, quadraginta super ducentas lequas, ventum semper eundem per polum iam amissum sequentes, processerunt. Vnde, an habitabilis sit, an inaccessa linea equinoctialis, isti & prisci tam philosophi, quam poëta & cosmographi, discutiant. Hi nanque frequentibus habitata populis contendunt, illi vero inhabitabilem, ob solis perpendicularum, scribunt. Non defuere tamen apud antiquos, qui habitabilem esse probare niterentur. Interrogati à me nautæ hi, an antarcticum viderint polum: stellam se nullam huic arctica similem, quæ discerni circa punctum possit, cognovisse inquirunt. Stellarum tamen aliam, aiunt, se prospexisse faciem, densamque quãdam ab horiZonte vaporosam caliginem, quæ oculos ferè obtenebraret. Tumulum attolli in terræ medio contendunt, qui, à no- tenebraret. Tumulum attolli in terræ medio contendunt, qui, ftis va ne antarcticus videatur, obstat, donec illum penitus traiecerint. At stellarum imagines, ab hemisphaerii nostri stellis valde diuersas, se vidisse credunt. Hæc dederunt, hæc accipito. Dauisunt non Oedipi. Septimo calend. Februarij tandem à longè terram prospiciunt: & cum turbidam esse maris aquã viderent, iacto funiculo plumbato, sexdecim vlnarum, aiunt vulgò brazatas, altitudinem reperiunt. Adeunt, descendunt, biduo ibidem commorati, qui nullum ibi hominem eo tempore viderint, licet vestigia in littore humana compere- rint: sculptis arboribus & saxis littori vicinis, regij suisque nominibus de aduentu suo, discesserunt. Non longè ab ea statione nocturnos ignes secuti, castrensi more gentem reperiunt pernoctantem sub dio. Hanc, donec elucescat, nolle perturbare fuit consilium. Sole autem exorto, armati è nostris quadraginta tendunt ad illos. Ad nostros duo & triginta



Veniunt obuiam, arcibus ac missilibus telis onusti, parati ad  
 certamen: ceteri sequebantur, eodem modo instructi. Ger-  
 manis aut Pannonibus proceriores, aiunt eos esse incolas.  
 Vultu toruo ac minitantibus similes, nostros inspectabant.  
 Non armis esse agendum nostri censuerunt, siue id metu, siue  
 ne aufugerent illi, non habeo compertum. Blanditiis atque o-  
 blatione munerum illos allicere nostri conantur. Illi autem,  
 ut qui commercium inire cum nostris nullum statuerant, om-  
 nem sermonem reiiciunt, parati semper ad pugnam: colloquia  
 & nutus suscipiebant: ita quisque regreditur. Nocte autem in-  
 tempesta illi aufugiunt, vacua relinquunt, quae occupave-  
 rant, loca. Gentem esse vagam, veluti Scythas eos, qui terrae  
 fructus sine certis domibus cum vxoribus & filiis sequan-  
 tur, existimant. Iureiurando asserunt, qui pedum illorum in  
 arena dimensis sunt vestigia, nostrorum pedum mediocris ho-  
 minis fere quantitatem in duplum aequare. Vt lierius ad nau-  
 gantes, flumen aliud reperiunt, sed non ita profundum, ut ca-  
 raelis percurri quiret. Seruitorios igitur lembos quatuor, ar-  
 matis onustos, ad terram vestigatum mittunt. Super eminenti  
 colle littori vicino, incolarum cateruam conspiciunt. Nostri  
 ad commercium per unum peditem praemissum inuitant. Illi  
 ex nostris apprehendere aliquem, abducereque velle visi  
 sunt. Ad nostrum nanque, paxillum cubitalem auratum à  
 longè proijciunt, quia noster prius adiecerat tintinnabulum,  
 ut eos alliceret. Cum pronus iactum paxillum auratum vel-  
 let noster sumere, dicto citius illum incolae circumeunt, ut  
 apprehendant. Is scuto enseque tectus, quibus armatus ve-  
 niebat, se ab eis tuetur, donec cymbis auxilium socij attule-  
 runt. Ut breuibus absoluam (quandoquidem discessum tuum  
 ante oculos mihi tã anxie proponis) sagittis & missilibus sudi-  
 bus è nostris octo peremerunt, plerosque vulnerarunt. Intra flumi-  
 nis sepius ad manus usque temere veniunt, appreheduntque



ex ripa cymbarum spondas: lanceis ensibusque veluti oves,  
quia nudi, trucidantur. Nec eo magis cedunt. Vnam è cymbis  
è nostrorum potestate rapuerunt, vacuam tamen hominibus:  
& illius præfecto sagitta transuerberato ac perempto, reliquæ  
euaserunt. Ita bellaces illos deseruere. Ad occidentem septen-  
trionalem, per idem litus, mœsti ob interfectos, tendunt. Le-  
quas circiter XL. percurrerant, quando in pelagus, incidunt a-  
quarum adeo dulcium, vt implere ibi cados aqua recenti li-  
cuerit. Vestigantes eius rei causam, defluere magno impetu è  
vastis montibus rapidos fluminum concursus reperiunt. In-  
tra id æquor iacere plures insulas, & fortunatas soli vberta-  
te, & populis refertas, aiunt. Huius tractus incolas mites so-  
ciabilesque esse referunt, ast ipsis parum viles, quia nullos  
optabiles nostris prouentus assequantur, auri vtpotè aut lapi-  
lorum. Sex propterea ac triginta indè captiuos abduxerunt.  
Regionem appellant indigenæ Mariatambal. Regio autem, ab  
eius fluminis Oriente, Camomorus dicitur: ab Occidente, Pa-  
ricora. In huius oræ internis non negligendam auri copiam  
iacere innuebant incolæ: huius nanque fluminis septentrionē  
recta captantes, sic exigente littorum inflexu, arcticum recu-  
perarunt polum. Id litus vniuersum, Paria est: quam Colo-  
num ipsum, huius tanti inuenti authorem, reperisse diximus,  
vniionibus ornatam. Contiguum esse aiunt litus ididemque  
cum Ore Draconis, de quo alibi, & reliquis oris, vt Cumana,  
Manacapana, Curiana, Cauchieto, Cuchibachoa: propterea  
Gægetidis Indiæ continentem putant. Nec enim is vastus am-  
bitus, vt insula sit, pati videtur: licet vniuersum terræ orbem,  
large sumptum, insulam dicere fas sit. Ab ea terræ cuspide,  
quæ polum amittit arcticum, lequas circiter tercentum con-  
tinuo tractu venientes ad Occidentem Pariam versus, spatio  
fere medio in fluuium se, inquiunt, incidisse, nomine Maragno-  
num, ideo latum, vt fabulatos suspicer. Interrogati à me post-



modum, mare ne esset terras dirimens: responderunt, esse dulces eius gurgitis haustus, quóque altius tenditur aduerso flumine, eo dulciores ferunt esse: insulisque refertum & piscibus. Ictuas dicere audent triginta amplius latum: rapacique cursu defluere in pelagus, cedens eius furori. Si tamen pensita uerimus, quanta esse ferantur boriosomeas, spireostomeaque Istri oras, quantóque spatio violent maris aquas, & nauigantibus præbeant dulces potus, mirari desinemus, licet hoc flumen maius esse prædicetur. Quis naturæ auferet, quin hoc illo grandius, atque illo hoc flumen potis sit generare? Flumen, de quo Admirantus Colonus, eas oras percurrrens, mentionem fecit, hoc esse arbitror. Aperitiús ista intelligemus aliquando: nunc ad terræ prouentum redeamus. Coccineas in plerisque de Pariansibus insulis syluas reperere: librarium millia allata sunt tria. Verzinum mercatores Itali, Hispani brasillum appellant. Aiunt coccineas Hispaniola arbores, esse his longe meliores ad colorem lanis præbendū. Aquilonem deinde, quem Hispani nautæ Norduestum, Itali Græcum appellant, secuti, multas intertexunt Canibaliū seuitia desertas insulas, ast feraces. Descenderunt nanque pluribus in locis, & vicorum dirutorum multa vestigia ingressi sunt. Viderunt tamen alicubi homines, sed trepidos, adspectu peregrinæ cuiusque nauis aufugientes ad montanas rupes & abstrusa nemora, sine certis iam domibus vagantes ob Canibaliū insidias. Arbores inuenere maximas, quæ cassam fistulam, ut vulgo dicitur, passim & suapte natura producunt. Non ineptiorem esse aiunt hanc illa, quam à pharmacopolis febri laborantes petunt: at nondum maturuerat, cum iam iter facerent. Malo illis aliisque hæc referentibus credere, quàm ea laboriosius scrutari. Arbores ibi esse adeo proceras balbutiunt, ut pleræque sexdecim hominum manu iunctorum in gyrum vix la-certis concludi quirent. Inter eas arbores monstruosum illud



animal vulpino rostro, cercopithecea cauda, vespertilionis auribus, manibus humanis, pedibus simiam emulans: quod natos iam filios alio gestat, quocunque proficiscatur, vtero exteriore in modum magna crumena, repertum est. Id animal licet mortuum, tu ipse mecum vidisti, conuoluisti, crumenamque illam nouum vterum, nouum naturæ remedium, quod venatoribus aut aliis à ceteris violentis & rapacibus animalibus natos liberet, illos secum asportando admiratus es. Experimento esse compertum aiunt, eo semper vtero crumena li animal filios secum portare, nec illos inde vnquam emittere, nisi aut recreandi aut lactandi gratia, donec sibi victum per se queritare didicerint. Cum filiis animal ipsum deprehenderant, ast in nauibus catuli propediem perierunt, mater autem filiis per aliquot menses superstitit: sed & ipsa tandem tantam aëris & ciborum mutationem ferre nequiuit. De hoc animali iam satis multa: redeamus ad rei authores. Hi duo Pinxon, patruus & nepos, horrenda per navigationem hanc passi sunt: per Pariense littus sexcentas iam lequas, atque, ut ipsi putant, ultra urbem Cataij & littus Indicum, ultra Gangem percurrerant, quando in eis oris mense Iulio insperata illis exorta est tempestas adeo feras, ut è quatuor, quas ducebant carauelas, duas ante illorum oculos summerferit: ilico tertiam vi ex ancoris raptam, ab eorum aspectu asportauerit: quartam in ancoris concusserit, ut omnis compago iam solueretur. Vnde ad terram tamen ipsi ex hac vltima descenderunt: de naui penitus omni spe amissa: Quare inito consilio, cum de parandis iam sibi domicilijs in regionibus illis, tum de perimendis omnibus incolis vicinis, cogitabant: ne finitimis reliquis aliquando conuocatis, ad se trucidandum conueniant. Ast melius. Cessit tempestas, rediit, quam raptauerat hyems, carauela: ea octodecim viri vehabantur: & quæ in ancoris in eorum prospectu steterat, seruata est. Is igitur duabus ad Hispaniam iter



capiunt. Palos natale solum ad uxores & filios, concussi fluctibus, & hominibus amicis non paucis amissis, pridie cal. Octobris reuertuntur. Hi ex arboribus pleraque frusta tulerunt, quæ cinamomi & Zingiberis esse putant: ast non vilis, quia non conditi, ut aiunt, in sui excusationem, quod nihil preciosum aliàs repererint. Lapillos tamen se vidisse in eorum manibus inde allatos, ex maritimis illarum orarum littoribus collectos, Baptista tuus Elysus philosophus eximius, & medicus non inferior, quos veros esse topazios prædicat, mihi tibi-que: ut arbitror: enarrauit. Post hos & alij vicinorum æmulatione ad meridiem longissimos tractus percurrere: sed per aliorum inuenta, Colonique Præfecti marini vestigia, per littus, ut puta, Pariense. Casiam & hi fistulam, preciosumque illud ad capitis grauedinem suo suffumigio tollendam, quod Hispani animæ album vocant, reperere. De his nil noui aliud, quod tuo sit dignum ingenio, percepi, finem propterea libello huic, quia me iterum de tuo discessu fatigas, imponam. Ast qui decadem impleat, de Vanis insulæ Hispaniolæ superstitionibus alium libellum accipito. Si non fuerit Liuiana decas, id esse causæ cognoscito, quod tuus hic Martyr Liuiano haud quaquā fuerit pro Pythagoræ intellectus, afflatus spiritu. Si quid ultra montes isti prægnantes parient, habebis. Nunc insulares illusiones accipito, veris Luciani narrationibus tanto superiores, quanto hæc in usu hominum sunt, licet infantilia: illa vero conficta ioci tantum gratia, vel ea credentium irrisui condonata. In Hispaniola insula nostri, priusquam indigenas quicquam aliud quàm cæli lumina colere, aut religionem ullam exercere didicissent, diu versati sunt. Sæpius enim supra memorauim⁹, nihil eos colere præter visibilia cæli lumina. Cū tādē familiari⁹ apud eos cōtuberniū, permixtis vtrique linguis, plerique ex nostris agerēt, varias apud eos ceremonias va-



Cere-  
monia-  
rum ri-  
tus cul-  
tusque  
de orū,  
Hispa-  
niolę  
insulę.

Zemes  
angelo  
rum lo-  
co co-  
lunt: a-  
lias v-  
num  
deum,  
à quo  
omnia  
credūt.

riōsque ritus observari compererunt. Ex cuiusdam eremitarū studio fratris Romani scriptis, qui ex Coloni mandato apud insulares regulos, ut eos Christianē erudiret, diū versatus, de insularium ritibus libellum composuit Hispano idiomate, pauca hæc, leuioribus omīssis, colligere fuit animus: illa igitur accipito. Nocturna insularibus apparere phantasmata, quę in fatuos errores eos inducant, ex simulacris quę palam colunt, apertē cognoscitur. Ex gossampio nanque intexto stipato interius, sedentes imagines formant, quę nocturnos, quo pacto parietibus illos nostri pictores infigunt, emulantur lemures. Cum ex simulachris opera mea ad te missis quatuor tu ipse videris, qualia sint, quā de depictis lemuribus similia, poteris regi serenissimo tibi patruo, melius coram significare, quam ego illa scribere. Hęc simulacra, Zemes appellant indigenę: quorum minora infantulos demones referentia, cum hostibus manus collaturi, frontibus alligant: propterea funiculis quos vidisti, complexa sunt. Ab his pluias, si pluię desint: soles, si sole indigeant, se impetrare arbitrantur. Eius enim quem vnicum, sine carentem, omnipotentem, inuisibilemque esse fatentur, internuncios esse Zemes putant. Quisque regulus suum habet Zemen, quem colat. Cęlesti numini eterno duo hæc nomina, Iocaūna, Guamaōnocon, maiores eorum indiderunt. Numen ipsum habere genitricem, quinque his nominibus appellatam ferunt, Attabeiram scilicet, Mamónam, Guacarapitam, Liellam, GuimaZóam. In terris autem quid pueraſcant de hominis origine, aduertito. Est in insula regio, nomine Caunaná, ubi ex duobus montis cuiusdam specubus prodisse genus hominum garriunt: maiorem hominum partē ex amplioribus faucibus antri, minorem, ex arctioribus exilisse predicant. Rupem ex qua specus aperiuntur, Cautam appellant. Maius antrum, CaZibaxaguá: minus, Amaiauna nominant. Priusquam hominibus inde egredi licuerit, si n-



pliciter inquirunt, per hominem nomine Machóchaël singulis noctibus antri fauces custodiri solitas. Is Machóchaël cum longius ab antro visendi studio perrexisset, a sole deprehensus, cuius adspēctum minimè pati posse dabatur, in lapidem mutatus dicitur. De pluribus item aliis blaterant, quod cum piscandi cupiditate noctū ab antro tantum processerint, ut redire ante solis ortum nequiuerint, quem non licebat intueri, in arbores myrobalanos, quarum sua sponte copiam terra illa producit, fuisse transformatos. Aiunt præterea, Vaguoniōnam primarium, quendam ex antro, clausis familiaribus, piscatū emisisse vnum, quem indè in philomenā eadem causa, quod sol superuenerit, priusquam se reciperet, mutatum, inquirunt, quotannis quo tempore versus est in auiculam, noctū suo cātū & sortem conqueri, & domini Vaguoniōnæ auxilium implorare: hinc noctū cantare lusciniā putant. Vaguoniōna vero, familiaris sui desiderio, quem ardentè amabat, viris in antro relictis, fœminas tantum cum paruulis, quos lactabant, eduxit: è quibus fœminas in vna insularum eius tractus, quam appellant Mathinind, reliquisse fertur: infantulos autem secum asportasse: qui miselli fame oppressi, in cuiusdam fluminis ripa, toa toa, id est, mama mama clamitantes, in ranas conuersi feruntur: indè vocem illam ranis verno tempore dicunt insedisse. Itā in antris illis, è quibus per Hispaniolam sparsi sunt homines, viros tantum sine fœminis permansisse balbutiunt. Referunt insuper Vaguoniōnam ipsum per diuersa vagantem, nec vnquam ex speciali gratia mutatum ad mulierem, quam in fundo maris formosam viderit, descendisse, ab eaque marmoreos calculos, & quos cibas vocāt & tebellas quasdam flauas ex aurichalco, quas guaninos appellant, habuisse dicunt. Hæc monilia pro sacris apud reges habentur in hunc vsque diem. Viros autem illos, quos sine fœminis in antris relictos diximus, lotum se ad pluuiarum



aquarum receptacula noctū referunt exiisse: atque una noctū, animalia quædam fœminas æmulantia, veluti formicarum agmina, reptare per arbores myrobalanos à longè vidisse. Ad fœminea illa animalia procurrunt, capiunt: veluti anguilla de manibus eorum labuntur. Consilium ineunt. Ex senioris consilio, scabiosos leprososque, si qui sint inter eos, conquirunt, qui manus asperas callosasque habeant, ut apprehensa facilius queant retinere. Hos homines ipsi caracaracôles appellant. Venatum proficiscuntur: ex multis quas capiebāt, quatuor tantum retinent: pro fœminis, illis vii admittuntur: carere fœminea natura comperiunt. Iterum accitis senioribus, quid faciendum, consulunt. Ut picus avis admittatur, qui acuto rostro intra ipsorum inguina foramen effodiat, constituerunt: ipsi met caracaracôlibus hominibus callosis, fœminas apertis cruribus tenentibus. Quam pulchrè picus adducitur: picus fœminis sexum aperit. Hinc bellissime habuit insula quas cupiebat fœminas: hinc procreata soboles. Eia mirari iam desinito, quod de Myrmidonibus Græcia verax tot voluminibus descripserit, è formicis vtpotè Myrmidones procreatos. Hæc & alia huiusmodi multa pacato serenoque vultu sapientiores è podijs sug gestiolis que turbæ simplici mirabundæ suadent recitantque pro sacro. Ast de maris origine seuerius: quæ iam re fuisse quondam in insula potentem virum nomine Iaia qui filium vnicum hominem exuentem, intra cucurbitam sepulchri loco condiderit. Is Iaia paucis exactis mensibus, impatiens morte filij, redijt ad cucurbitam: eam cum aperuisset, balena ingentes & grandia cete prodiêrunt: quare inclusum in ea cucurbita mare, conuicinis quibusdā prædicauit. Ea per moti fama quatuor fratres iuuenes, eodem partu geniti ast partu matre perempta, cucurbitam spe habendorum piscium adeunt, manu capiunt. Iaia superueniente, qui crebro nati ossa inclusa reuisebat, perterriti sunt iuuenes. Sacrilegio furti que



suspensione deprahensi, veluti qui Iaia observabant, ut cele-  
 rius fugerent, cucurbitam e manu soluerunt: ea pondere nimio  
 pressa frangitur, per eius rimas effunditur mare, valles impen-  
 ditur: ea vasta planities, quæ uniuersum illum insulare mor-  
 bem sicca occupabat, summergeitur, montesque tantum ob al-  
 titudinem ab ea inundatione euaserunt, qui nunc eas conti-  
 nent insulas, quas licet adspicere. En, illustrissime Princeps, om-  
 ni præconio dignam maris originem. Nec ab eis parui eum fie-  
 ri putes, qui hæc recitare didicerit. Aiunt deinde fratres hos  
 Iaia, metu tandiu per diuersa fuisse vagatos, ut fere iam fa-  
 me perirent, quia nullibi sistere pedem audebant. Hinc quo-  
 niam acius urgerentur, pistoris domum pulsare cæperunt, ca-  
 zabid est, panem petentes. Pistor autem in primo ingredien-  
 tem conspuisse ita acriter fertur, ut illi ex ictu sputi exortu  
 sit turgidissimum intercus, quo fere interierit. Ast fratrum  
 consilio, accepto lapide acuto apertum est: ex cuius ulcere na-  
 tam aiunt feminam, qua mutuo fratres illi omnes vsi sunt:  
 atque ab ea ferunt filios filiasque genuisse. Iucundius aliud  
 aduertito, Princeps illustrissime. Antrum extat, Iouana-  
 bôina nomine, in cuiusdam reguli diæcesi, qui Machinnech  
 vocatur. Id religiosius, quàm Corinthum quondam aut Cyr-  
 rham Nysamque Græci, colunt ac venerantur: millesariis or-  
 natum picturis. In huius antri foribus duos habent sculptos  
 Xemes, quorum vnum Bintahellem, Maróhum alterum vo-  
 cant. Cur tanta specum colerent pietate, interrogati: quia sol  
 indè lunæque lumen orbi præbituri prodiêrunt, grauitè sen-  
 satèque respondent. Concurstationibus antra, veluti nos Urbem  
 & Vaticanum nostræ religionis caput, aut Compostellam &  
 Hierusalē Domini sepulcrum, frequētāt. Subiacēt & alteri su-  
 perstitutionū generi. Mortuos putāt noctū vagari, ac vesci guan-  
 naba fructu nobis incognito, cotono simili: lectisq; inter viuos  
 versari aiunt, ac decipere mulieres: sūpta nāque virili forma, eo

De ma-  
 ris ori-  
 gine, fa-  
 bula.



ire velle videntur: ast cū ad opus peruenitur, evanescent.  
 Si quis autem apud se iacere mortuum aliquando suspicatur,  
 cū quid noui senserit in lecto, vteri attrectatione se dubio  
 solui balbutit. Cuncta nanque aiunt mortuos posse humana  
 membra suscipere, præter Umbilicum: si Umbilico igitur mor-  
 tuum esse dignoscit, tactus ilicò resoluitur. Noctū & sapi-  
 sime in itineribus præcipue viisque publicis mortuos occurrere  
 viuīs, credūt: cōtra quos si viator intrepid⁹ steterit, dissoluitur  
 phantasma: si verò pertimescat, illum ita adoriendo perterret,  
 ut sæpius ea formidine multi debilitentur ac stupeant. Inter-  
 rogati à nostris insulares, vnde sibi eos ritus inanes, tanquam  
 contagionem, comparauerint: à Maioribus hereditarios respo-  
 dent: rhythmisque, aiunt, vltra hominum memoriam ista con-  
 texta, quæ neminem licet præter regulorum filios edoceri. Me-  
 moria illa commendant: neque enim literas vnuquam habue-  
 re. Diebusque festis populo canentes, veluti solennia sacra  
 proponunt. Instrumentum habent vnicum ligneum, conca-  
 uum, reboans tantum, quod concutitur tympani more. His il-  
 los imbuunt superstitionibus eorum augures, quos Boitios vo-  
 cant, sunt & iidem medici, qui plebeculæ rerum insciæ, mille  
 adstruunt fraudes. Credere cogunt plebem hi augures, quia  
 sunt apud eam authoritatis egregia, quod Xemes ipsos alto-  
 quantur, futuræque prædicent. Et si quis aduersa laborans va-  
 letudine conualuerit, se dono Xemis id affecutum persuadet.  
 Ieiunio & purgationi se obligant boitijs, quando curam de  
 primario sumunt aliquo: herbamque vorant inebriantem: quā  
 cum pulueream sorpserint, veluti Menades in furorem versi,  
 multa se à Xemibus audisse immurmurant. Valetudinarium  
 adeunt, osse vel lapillo in os sumpto aut frustulo carnis: ex  
 hemicyclo eiciunt omnes, præter vnum aut duos, quos ipse-  
 met inualidus elegerit. Circuit primarium boitijs ter aut  
 quater, faciem, labia, narēsque extorquens fædis gestibus: in



frontem, in tempora, in collum sufflat, agroti absorbens aërē: post hæc se morbum ex laborantis venis exhaurire dicit. Per humeros deinde ac femora & crura agrotum fricans, connexas à pedibus manus deducit, atque si manibus complexis, ad ostium procurrit apertum, ac manus excutit patentes, sequēque morbum effugasse, futurūque propediē incolumem persuadet. Ast à tergo illum adoriens, carnis frustulum, vti prestigiator, ex ore attollit, agrotōque inclamitat, dicens: En quid ultra necessitatem comederas: valebis, quoniam illud tibi detraxerim. Si verò agrotum fallere grauius intendit, Zemen esse suum iratum suadet, quod vel ei domum non construxerit, aut minus illum religiose coluerit, quod prædium non dicauerit. Si agrotum perire contigerit, affines eius veneficiis cogunt mortuum fateri, fato ne an boitij incuria, quod non integrè ieiunauerit, aut consonum agroto pharmacum nō præbuerit. Si medici boitij culpa diem obierit, de boitio vindictam sumunt. De lapillis aut ossibus quos ore gestasse boitius aliquis putatur, si fœminæ aliquem assequuntur, panniculis religiosissimè inuolutum seruant. Puerperiis enim prodesse plurimum posse credunt: habentque fœminæ lapillos eos loco Zemiū. Zemes autem varios, varij colunt insulares. Ligneos quidam construunt, nocturnis inter arbores umbris moniti. Alij, si responsa intra rupes habuerint, marmoreos insculpunt. In radicibus alij coluntur, reperti inter ages, id est genus edulij, de quo supra. Hos Zemes curam habere, vt panis ille coalescat, arbitrantur. Veluti antiquitas Dryades, Hamadryades ac Satyros & Panes aut Nereides, fontium, sylvarum & pelagi curam habere putabat: suosque rei cuique deos assignauit, vt suum quisque genus tueretur: ita & insulares hi, suos Zemes inuocatos eorum optatis auscultare autumant. Quare cum de belli euentu, de annonā, de incolumitate, Zemes reguli consulunt, domum Zemi dicatam ingrediuntur: ibique



absorpta per nares cohóbbas, sic herbam vocant inebriantem qua & boiij in furorem statim vertuntur: domum ilicò tetis ad fundamenta versis moueri, homines versis vestigiis ambulare, se videre garrunt. Tanta est pulueris illius contusi vis ex cohóbbas, ut censum omnem illico, sumentem eum tollat. Ut primum cessit insania, brachiis, demisso capite, genua complectitur: quo in statu attonitus paulisper immoratus, caput veluti somnolentus eleuat, atque oculos in calum attollens, intra se primum confusa quadam obloquitur. Cui tunc primarii aulici adstantes, (neque enim de populo quisquam ad ea sacra admittitur) sublati vocibus, gratias agunt, quod iam à Xemis colloquio ad eos redierit: & quid viderit percontantur. Ille autem os aperiens, Xemen eo tempore se allocutum fuisse deliratisque aut victoriam, aut perniciem, si cum hostibus manus conseruerint: aut famem vel vbertatem, pestem aut incolumitatem, & quicquid venit in buccam, prædixisse illi Xemen, veluti lymphaticus prædicat. Eia, illustrissime Princeps, quid miraberis post hæc de Apollineo spiritu, suas ingenti rabie Sibyllas concutienti? Putabas supersticiosam illam antiquitatem deperisse. Quandoquidem generalia de Xemibus tot enarrauimus, quid de particularibus quibusdam referatur, silentio prætereundum minime censeo. Regulus quidam Guamaretus habuisse Xemē dicitur, nomine Corochotum. Hunc è supremo domus culmine, ubi vinctum Guamaretus adseruabat, sæpenumero, aiunt, vel coitus aut cibi gratia, vel ut sese absconderet, ruptis vinculis, descendisse: per aliquotque interdum dies latuisse iratum, eò quod in ipsius cultu & sacris Guamaretus rex defecerit. In Guamareti regio vico nasci aliquando infantes, coronas habentes duas, referunt, hos Corochoti Xemi filios esse opinantur. Ferunt & ab hostibus victum fuisse in acie Guamaretū, vicumque ipsius ac regiā ferro ignique vniuersam vastatā. Coro-



chotū autē, incensa domo, exiisse, vinculis ad stadiū vsque fuisse, deinde repertū. Zemen habet aliū, Epileguanitā nomine, ligneū, quadrupedē: qui sēpē ad saluas ē loco vbi colebatur, fertur profugisse. Hunc quoties discessisse sentiebāt, piis factō agmine supplicationibus, solcite quæritabant: inuentum, religiosē ad dicatū ei sacellū hūmēris reportabant. Ast Christianis ad insulā euntibus aufugisse illum, nusquāque fuisse vltra repertum, patria perniciem ob id augurantes, conquerrunt. Hæc à senioribus audita sunt. Marmoreum colebant Zemen, alium sub fæmineo sexu, cui duo masculi proministris adstabant. Horū alter fæminæ iussu, præconis officioungebatur ad reliquos Zemes, qui auxilio adsint fæminæ imperio, ad ventos pluuiāsque ac nubes concitandas. Alius autem dicitur ex fæminæ mandato, aquas in vallibus ex altis montibus collabentes congregare, vt indē, factō impetu more torrentis, solita, vastent agros, si simulacro debitos optatōsque honores indigenæ non præstiterint. Dignum memoratu hoc vnū accipito, Princeps illustrissimè, quod opus iam claudat. Tritissimum apud insulares nostri reperere, duos fuisse quondam regulos, ē quibus vnus Guarionexij, de quo supra mentionem sēpē fecimus, fuit genitor, qui à cibo potūque dies quinque continuos abstinuerint, vt de futuris aliquid à Zemis acciperent. Eo ieiunio grati Zemis, se habuisse in responsis retulerūt, venturā non multos post annos ad eam insulā gentē coopertā vestibus, quæ ritus ac cæremonias omnes insulares esset vastatura, filiosq; omnes ipsorū aut peremptura, aut priuatura libertate. De Canibalib<sup>9</sup> iuniores cōiecturā faciētes, vbi aduētare Canibales sentiebāt, fuga sibi consulere statutū erat: neque vnquā man<sup>9</sup> vltra cū Canibalibus conseruerunt. Cū verò Hispanos insulā ingressos viderunt, collectis de hac re coniecturis inter se hanc esse gentem illam augurati sunt. Nec illos fefellit opinio: submissi Christianis iam sunt omnes, peruicacibus omnibus interfectis: nec vltra de Zemi-



bus extat memoria: ad Hispaniam nanque sunt omnes asportati, ut eorum ludibria & demonum fallacias nosceremus: è quibus tu plures, me tractante, Princeps illustrissime, conspexisti. Multa præterea, quia te cras proculdubio in patriam discessurum, ut reginam tibi maiorem amitā, quam huc es comitatus, ex Frederici regis patru tui mandato, reducas, monuisti. Tu petasatus, ego autem lassus: ergo Vale, memor tui Martyris, quem de grandi rerum aceruo pauca hæc, sub nomine Frederici patru tui, deligere coëgisti.

PETRI MARTYRIS MEDIOLANEN. OCEANEAE DECADIS PRIMÆ Perpendicularis epilogus, ad Inacum Lopez Mendocium Tendillæ comitem, Granatæ proregem, cap. decimum.



*B* origine prima & recenti consilio sumenda à Colono huius prouinciæ Oceaneæ, ab Vrbe Roma literis amicorum & principū stimulabar, ut ea conscriberem quæ acciderant. Admiratione quippe summa musitabant, cum repertas esse nouas terras nouasque gentes, quæ nudæ, natura contentæ, vitam agerent: desiderioque ardenti cognoscendi hæc tenebantur. Detrusit in præceps Ascanium fortuna, fratre Ludouico à Gallis Mediolano eiecto, cuius auctoritas torpescere me non sinebat, quin assidue calamus in dextra haberem. Ad eum, præter alia multa quæ ex meis latentibus adhuc commentariis aliquando videbis, libellos huius decadis præeuntes direxeram duos. Haud secus mihi fortuna detorsit ingenium à scribendo, atque Ascaniū deturbauit à potentia. Cessit à suadendo ille pro cellis agitur, cessis



cessit & mihi feruor ista perquirendi, donec anno quingentesimo supra millesimum, cum Granata curia moraretur, ubi tu prorex, Ludouicus Aragonius Cardinalis, Frederici regis ex fratre nepos, qui Granata erat cum regina Parthenopaea, nostri regis Catholici sorore: Frederici regis ipsius literas ad me directas porrexit, quibus me hortabatur, ut caetera colligerem, quae Ascanianos epistolares duos libellos sequebantur. Ambo nanque fatebantur se ad manus habuisse, quae ad Cardinalem Ascanium scriptitaueram. Laborabam tunc ego, uti nosti, aduersa valetudine, sumpsi tamen onus, & animum impulsi ad scribendum. Pauca haec ex magno cumulo rerum, quae relatu auctororum illas conquirentium accepi, memoratu dignarum delegi. Nunc vero (quandoquidem tu exemplar integrum meorum operum extorquere a me fueris conatus, quo tuae bibliothecae voluminibus, quae habes innumera, nostra commisceres) fuit consilium addere paucis, quae post eum annum quingentesimum a millesimo, ad hunc usque, qui est decimus ab illo, patefacta sunt. Latè aliquando scribentur, si vixerimus. De superstitionibus insularum solutum per se libellum scripseram, ut decadē impleret: nunc placuit perpendiculum ad te directum decimi libelli titulo munire, tanquam huius turmae substem & tergiductorem: priorēque decimum nono connectere: non sublata de ducatu decimi praepositione, ne toties cogerer totum opus transcribere, aut mittere lituratum. Propterea non miraberis, si nonum legens, promissum reperiēs irritum: non semper oportet stare pollicitis. Ad rem veniamus. Varia diuersi nautae hoc decennio littora percurrerunt, secuti tamen Coloni inuenta. Pariae nanque littus tractu continuo lambentes, quod Indicum esse continentem credunt, in plures orientales & occidentales illi regiones nouas inciderunt, auriferas thuriferasque: inde nanque aurea plerique monilia, thurisque copiam, ab incolis partim

1500.



nostrarum rerum permutatione, partim acri bello stratis, tu-  
lerunt. Alibi nostros, licet nudi sint, incolae strauerunt ta-  
men, & acies integras trucidauerunt. Feroces quidem sunt,  
sagittis certant venenatis, & adustis præacutis sudibus. Ani-  
malia reptilia, insecta, quadrupedia etiam, à nostris dissimilia  
reperere, multiformia, varia, innumeræque: noxia tamen mi-  
nimè, præter leones, tigrides, crocodilos. In variis magna il-  
lius telluris Pariensis regionibus dico, in insulis haud quaquã,  
neque vnum quidem: mitia sunt omnia insularia, præter  
homines in plerisque, vti iam diximus, qui humanarum sunt  
carnium heluones, Caribes siue Canibales dictos. Diuersi quo-  
que generis volucres. Plerisque in locis Vespertiones, turturi-  
bus non minores, ad eos acri furore, primo noctis crepusculos  
volitabant, & venenato morsu ad rabiem vsque laesos tra-  
hebant, ita vt aufugere inde, veluti ab harpyiis, fuerint  
coacti. Alibi cum in terra noctu quidam in arena dormirèt,  
è mari monstrum exiens, furtim vnum arripuit medium,  
absternuitq; in conspectu sociorum, nec misero clamanti o-  
pem ferre potuerunt, donec in mare bellua cum præda profi-  
lierit. In his terris figere pedem, arcèsque ibi condere est ani-  
mus regis, nec desunt qui terra illius subdenda pacandæque  
onus sumere desiderant, & regi supplicant, vt ipsis provincia  
demandetur. Magni sunt tractus, vasta terrarum amplitudo.  
Europam, aiunt, vniuersam sui magnitudine has regiones, tñ  
continentes, tum insulares, triplo superare: præter eas quas  
Portugallenses ad meridiem reppererunt, quæ maximæ sunt.  
Magna laude digna est hac nostra tempestate Hispania, quæ  
latentes hætenus tot antipodum myriades, nostris gentibus  
cognitas effecerit, ingenioque pollentibus amplam adeò scri-  
bendi materiam præbuerit: quibus ego iter aperui, cum ista nu-  
dè, vti vides, collegerim: tum quia elegantioribus nequeo ve-  
stibus quicquam ornare, tum etiam quoniam calamum, vt hi-  
storice scriberem, nunquam sumpsi: sed vt per epistolas

A mon  
stro  
mari-  
no rapi  
tur ho-  
mo.



raptim scriptas, his, a quorum mādatis referre pedē non licebat, satisfacere. Iam satis digressus sum, ad Hispaniolā redeamus.

Panem agnoscunt insularem parui esse roboris, nostro iriticoe pani assuetis, hebetantur ob eam causam vires hominum. Propterea nuper rex imperavit, ut diuersis in locis variōque anni tempore seratur. In arundineas nanque paleas inanes cū raris, sed illis crassīs & prægnañtibz, spicis prodibant. Sentiant eandem esse in herbis mollitiem, crescant ad segetum mensuram: armenta mirum in modum impingāt: sed carnes reddunt inspidas, immo & aiunt sine medullis, aut, si insint, aquosis. De porcis econuerso: salubres sapidosque, ob insulares quosdam sylvestres fructus, quibus auidē vescuntur, esse ferunt. In macellis nil secant aliud. Creuit porcorum multitudo & sylvestres effecti sunt, qui ē subulcorum cura euaferunt. Non egent ultra, ut aliundē genus vllum quadrupedum aut alitium ad eos inuehatur. Animalium omnium pulli, propter herbae luxuriem, patribz grandiores euadunt licet solo gramine, sine hordeo aut vllō grano, nutriantur. De Hispaniola satis. Nunc eius viciniam complectamur. Cubam, tellurem illam quam diu, ob eius longitudinem, continentem putauerunt, insulam esse reperiunt. Neque mirum videatur, quod ipsius incolae, dum percurreretur a nostris, sine carere dicerent: quia gens haec nuda, paruo & finibus suis natalibus contenta, quid vicini facerent, minimē erat sollicita. Esset ne aliud quicquam sub calo, nec ne, prater id quod pedibus terebant, haudquaquam sciebant. Est vero Cuba, ab Oriente in Occidentem, multo longior Hispaniola: lata verò, a septentrione in meridiem, contra eorum priorem opinionem, multo minus. Est angustima, si longitudinem respexeris. Terra ferax maiori ex parte atque amœna.

Ab Oriente non longē ab Hispaniola iacet insula, dimidio amplius minor Hispaniola, sancti Ioannis nomine a nostris

Cubę  
insulę  
descrip-  
tio.

Ioāne  
siue S.  
Ioānis  
insula.



dictas quadrata fere. In hac aurifodinas esse ditissimas reperiunt. Sed intenti nunc aurifodinis Hispaniola, nondum opifices in eam insulam miserunt: parare tamen paulatim sese ad id incipiunt. Hispaniola vero prouentus reliqui posthabentur omnes, omnisque ad aurum legendum cura est directæ, cui opificio ordo est datus huiusmodi. Cuique viro industriæ, qui alicuius momenti sit, vnus aut plures cacici, id est, reguli, cum suis quisque subditis assignantur. Cacicus certis anni temporibus ex fœdere cum incolarum turma venit ad eius, cui addictus est, aurifodinam. Ibi instrumenta illis fossoria assignantur. Statutumque est cacico & incolis præmium laboris certum, propter alimoniam. Discedentibus nanque ex aurifodinis ad sementes, quibus suis temporibus inuigilant, ne desint alimonie, reportant thoracem vnus, interiorem textam alius, alius sagulum aut pileum. His nanque iam delectantur, nec ultra nudi incedunt. Ita & auro & agriculturæ incolarum, haud aliter ac seruorum, opera intendunt. Ferunt iniquo animo iugum, ast ferunt. Anaborias vocant hos mercenarios insulares: non tamen rex patitur vt pro seruis habeantur. Dantur & tolluntur ad regis arbitrium. Tempore quo accersuntur à Cacicis eorum regulis, veluti à centurionibus milites, aut calones, incolæ, si queunt, ad syluas & montes euadunt multi: contenti eo tempore syluestribus cibis latitantes, ne laborem illum subeant. Dociles vero sunt, priscorum rituum penitus obliti, pie credunt, & recitant quæ de nostra fide edocentur. Regulorum filios erudiunt domi primarij ex nostris, literasque, ast vulgares, & urbanos mores facile pueri ebibunt. Grædauos ad natales mittunt, si præcipue patres interierint, gubernatum auitos incolas. Hi iam fide valent in Christum, & nostros, incolasque suos in amore retinent, ac blandis suasionibus hilares ducunt ad aurifodinas: quæ duabus in regionibus insula iacent, ad milliare circiter trigesimum ab vrbe



Dominica, sancti Christophori dicta, una: ad milliare Verò circiter nonagesimum altera, quæ dicitur Cibaua: vbi portus regalis. Magni tractus sunt hæ regiones: vbi passim superficialiter interdum, alicubi inter saxa, globi aut laminae reperiuntur aureæ, minutæ interdum, plerisque in locis magni ponderis. Trecentorum pondo globi, interdum amplius. Ast vnus repertus fuit trium millium trecentorum decem auri pondo: qui, vt aliquando audisti, integer ad reges ferebatur in ea nauis, qua Boadilla gubernator in Hispaniam redibat: & præ nimio gentium & auri pondere summersa interiit, cum his qui inerant omnibus. Globum eum mille amplius homines viderunt, atque attrectauerunt. Ponderus autem hoc à me sic appellatum, non libram intelligi volo æquare, sed ducati aurei & trientis summam: vocant ipsi pesum: summamque ponderis eius. Castellani aureum appellant Hispani. Quicquid auri effoditur in montibus Cibauis & portu regalis, ad Conceptionem, oppidum ita appellatum, fertur: ibi officina paratæ aurum suscipiunt, & constant in vectes, dantque accepta parte regia, quæ est quinta, cuique portionem quam attulit ex suo labore. Id verò auri, quod in regione sancti Christophori legitur, ad officinas oppidi Bonauenturæ affertur. Supra tercentum millia auri pondo, quotannis in duabus officinis conflatur. Si quis fraudasse detinendo deprehenditur, vt non magistratibus regis adsignetur, quicquid auri reperitur, lege mulctatur auri dominus. Incidunt inter eos sæpè contentiones quas nisi potis sit insularis magistratus sedare, per appellationem ad curiæ senatum lis defertur: à cuius sententia non licet in omnibus Castelle regnis retrocedere aut diuertere. Sunt autem nostra tempestate senatores insignes, viri nobiles omnes ex sanguine nitido: quos est consilium eo ordine hic nominatim inserere, quo de rebus dubiis iudicaturi, sedent in senatu. Primam sibi sedem legit Antonius Roies archiepiscopus

Auri  
globus  
maxi-  
mi pon-  
deris.



Granatensis, tibi affinis ingenio primas vir Catoniano, qui neque sibi ipsi aut affinibus, si delinquerent, didicit ignoscere: vita interrigimus, literarum & ipse cultor. Princeps hic senatus est: vos Praesidentem dicitis. Ceteri huic adstant ordine, quem tempus instituit: qui namque prior ad senatum accitus fuit, hic prior sedet. Doctores omnes, aut designati aut insignibus decorati. Designatos autem vocat Hispani idioma Licentiatos: ex iure consultis regnorum delecti omnes. Praesidentem assidet Veteranus, nomine Petrus, cognomento Oropeza. Sequitur hunc Ludouicus cognomine Zapata. Ab hoc habet locum Fernandus cognomento Tellus. Quartam sibi sedem habet Garcias, cognomento Moxica. Quinto sedet loco Laurentius cognomento Carauial. Adstat huius lateri Toribius, cognomento Santiago. Sequitur Ioannes Lopez Palacios Ruuios. Dehinc Ludouicus cognomento Polanco. Ab hoc sedem tenet Franciscus cognomento Vargas, qui una est & regius thesaurarius. Ultime occupant stationes duo sacris initiati Sosa & Cabrero, iuris pontificij periti: his non licet in criminali ulla causa suffragari. Horum omnium humeris, quicquid litis aut contentionis exoritur, incumbit. Ad nouas iam terras, a quibus digressi sumus, redeamus. Innumera sunt, variae, fortunatae. Non Saturno, non Herculi, non cuiquam veterum qui nouas oras quaeritarunt, ad cultumque redegerunt, nostri iuniores cedet Hispani. Proh quam late distentam posterum Christianam videbunt religionem! quam late iam peruagari hominibus licebit. Quid de hisce rebus sentiam, nequeo lingua vel calamo ullo pacto promere. Claudio igitur decadis perpendicularem epilogum: animo tamen explorandi colligendique cuncta particulatim, ut mandare literis illa queam, quando per ocium licuerit. Colon<sup>us</sup> namque idem Admirantus, cum quatuor nauigiis & hominibus centum septuaginta a regibus praebitis, percurrit anno

Quarta  
Coloni  
nauiga-  
tio an-  
no  
1502.



M.D. II terram quæ occidentem Cuba Vltimum spectat  
 angulum, ad lequas centum triginta circiter: quo medio spa-  
 tio iacet insula frugibus arboreis fortunatissima, nomine Gua-  
 nassa: vertitque se indè ad Orientem per eius littoris oras,  
 Versis Vestigiis putans se littus Parie reperturum: sed minimè  
 cessit. Percurrisse quoque feruntur ea littora occidentalia Vin-  
 centius Agnes, de quo supra, & Ioannes quidam Diaz  
 Solisius Nebrissensis, multiq[ue] alij: quorum res nondum be-  
 nè didici modò viuam, aliquandò illa videre licebit.  
 Nunc vale.

## OCEANÆ DECADIS PRIMÆ

Capitis decimi finis.

PETRI MARTYRIS MEDIOLA-  
 NEN. PROTONOTARII APOSTO-  
 lici, Regiique Consiliarii, de nouo orbe  
 Decas secunda, ad Leonem decimum  
 pontificem maximum, Crediti  
 continentis Cap. primum.

**E**X QVO, beatissime pater, Galea-  
 cius Butrigarius Bononiensis, & Ioan-  
 nes Cursius Florentinus, ad catholi-  
 cum regem, pro tua sanctitate ille, hic  
 vero pro clarissima Repub. sua, in His-  
 paniam se contulerunt, viris adfuiti semper  
 & ob eorum virtutes & sapientiã obseruavi utrūque. Ij cū  
 assidua variorum authorum lectione delectentur, in libellos

G iij



quosdam ex nostra officina decussos, de vastis hactenus latentibus orbis terrarum regionibus, deque occiduis fere Antipodibus ab Hispanis iam pridem repertis, inciderunt. Nouae narrationis, licet male computae, amore pellecti, rem commendarunt: petieruntque à me, cum suo, tum sanctitatis tuae nomine, ut, quae post ea tempora reperta sunt, scriptis superadderem, eisque exemplar ad beatitudinem tuam mittendum traderem, quò intelligat, quantum nostra tempestate, felicibus Hispanorum regum auspicijs, & humano generi decoris, & militanti ecclesiae augmenti accesserit. Gentes nanque illae nuda, veluti rasa tabella, religionis nostrae ritus faciliè induunt, nostrorumque commercio efferam natiuamque rusticitatem excutiunt. Placuit virorum sapientium, & de tua sanctitate bene meritorum, obtemperare mandatis: quippe qui, audito beatitudinis tuae nomine, nefas inexpressibile fore putasse, nisi illic paruisse. Quae igitur ordine suo littora latentia Hispani discurrerint, quibusve authoribus res actae sint, ubi pedem fixerint, quid etiam spei afferatur, quid illi terrarum tractus polliceantur, breuibus recensebo. In decadis nostrae Oceanae narratione, quae me inconsulto, per Christianum orbem impressa vagatur, Christophorum Colonum Ligurem eas insulas, quarum meminimus, reperisse, in laeuamque dehinc versum ad meridiem in vastas terrarum pelagique regiones, ab aequinoctiali linea à quinto ad decimum gradum tantum discedentes, incidisse, descripsimus: ubi lata flumina, niuales altissimosque montes littoribus imminentes, & placidissimos portus, inuenerat. Colono iam vita functo, regi cura ingens exorta est, ut terrae illae nouae à Christianis habitandae, in religionis nostrae augmentum occuparentur. Propterea facultatem per chirographa regia id aggredi volentibus praeuit honoratam. Sed duobus praecipue viris, Diego Nicuesa Baëcensi Vandalo, & Alphonso Fogeda Conchensi. Quare ex Hispaniola, in qua vr-

Colo-  
n<sup>o</sup> mor-  
tuus est  
mense  
maio  
1506.



bem & colonias construxisse Hispanos diximus, quàmque  
 ipsi incolebant, circiter idus Decembris Alphonsus Fogeda  
 prior cum militibus circiter tercentum discessit: tendensque  
 ferè recta ad meridiem, è portubus iam antea repertis, vnum  
 adiit, cui nomen erat à Colono inditum Carthagini: quoniam  
 & insula venientibus fluctibus opposita, locique amplitudi-  
 ne, & falcatis lateribus, Carthaginensem Hispaniæ portum  
 æmuletur. Insulam vocant incolæ Codego, vti Carthaginen-  
 ses Hispani suam appellant Sombriam. Regio ab incolis Cara-  
 mairi dicitur: in qua viros simul & fœminas aiunt statura  
 pulcherrimos esse, nudos tamen, capillis aure tenus scissis ma-  
 res, fœminas oblongis: quorum vterque sexus sagittis plurimū  
 valet. Arbores in hac prouincia nostri reperere dulcium po-  
 morum feraces, sed maximè noxiorum: in vermes nanque co-  
 mesa conuertuntur. Sed arboris vmbra præcipuè lethalis: nam  
 qui sub ea aliquando dormierunt, turgido capite, & amisso  
 penitus lumine excitati sunt. At si breui tempore somno in-  
 dulserint, post aliquot dies cecitate liberantur. Distat is por-  
 tus ab ea parte Hispaniolæ, quam vocant Hispani Beatam, in  
 qua, ad nouas terras traiekturi, sese apparant, millia passuum  
 sex & quinquaginta supra quadringenta. Portum ingres-  
 sus Fogeda, incolis vim intulit, quos palantes & nudos ador-  
 tus est. Dati erant in prædam ex diplomate regio: quia fue-  
 rant in Christianos olim crudelissimi, nec adduci vnquam  
 potuerant, vt pacatò Christianos suscipere intra ditionis sue  
 terminos vellent. Auri copiam, sed exiguam, apud eos repe-  
 rere, neque id quidem purum erat. Eo sibi laminas & bullas,  
 pectori affigendas ad decorem conflant. Ea tamen grassatione  
 spoliisque non contentus Fogeda, captiuos, quos paulò antè  
 ceperat, ducibus, pagum in internis à littore distantem millia  
 passuum duodecim, in quo fugientes ex vico maritimo su-  
 scepti fuerant, adortus, gentem reperit licet nudā, bello tamen

Arbor  
 mirè  
 noxia.



Nudo-  
rum de  
Hispa-  
nis ar-  
maris  
victo-  
ria.

1508.

aptam. Scutis quippe, ancilibus & ensibus etiam ligneis oblongis, & arcubus certant ac sagittis, cuspidibus aut praeustis, aut offeis. Desperatis animis in nostros cum hospitibus impetum fecerunt: animaduersa praesertim eorundem, qui ad eos aufugerant, calamitate, ex paruulorum & foeminarum raptis & spolijs, strageque in ipsos illata. Strati fuerunt nostri. Proximum a Fogeda praefecto Ioannem de la Cossa, qui primus aurum in Vrabensi arena collegit, cum septuaginta militibus interemere. Sagittas namque liniunt herbae cuiusdam succo lethali. Cateri in fugam versi, ad naues, regente Fogeda duce qui & ipse terga dedit, redierunt. Dum ea strage percussi, mortui viuerent in portu Carthaginis, ecce ducem alium Diegu de Nicuesa, cum quinque nauigijs. In portu namque Beata in Hispaniola & hunc parantem se reliquerant Fogeda & Cossa. Is quinque & octoginta supra septingentos adducebat. Plures namque hunc Nicuesam milites secuti fuerant, cum esset cuique liberum ex ducibus alterutrum eligere, propterea quod maioris esset ob aetatem authoritatis, & quia ferebatur vulgo Beraguam ex regia concessione a Nicuesa colendam, auro ditiores esse, quam Vrabam Alphonso Fogeda destinatam. Appulso igitur Nicuesa, consilium iniere quid facto opus esset. Suffragijs vniuersorum statutum est, ut sociorum ultioni primum studeretur. Noctu agmine composito iter cepere ad eos qui Cossam & septuaginta socios interfecerant. Ultima noctis vigilia imparatos adorti, vicum qui domorum constabat centum amplius, sed vicinorum triplo refertum, incolunt namque gregatim vniuersum in gyrum circunseptum, ne quisquam euaderet, supposito igne, deleuerunt. Sunt domus eorum ligneae, palmarum folijs contegulate. Sex tantum paruulis, ex ingenti virorum ac mulierum multitudine, perpercerunt, ceteris, qui non aufugerint, ferro aut igne consumptis cum suppellectilibus. Aseruatis pueris, Cossam & ceteros



interemptos, ab interfecto-  
ribus in frustra secatos fuisse, & de-  
mum comesos intellexerunt. A Caribibus nanque siue Cani-  
balibus, carniū humanarum edacibus, originem traxisse Ca-  
ramairenses, existimant. Auri aliquid inter cineres repertum  
est. Auri nanque sitis non minus, quā terrarum, ad hos la-  
bores & discrimina subeunda nostros concitat. His actis, &  
Cossæ ac sociorum nece pensitata, ad portum regrediuntur. Post  
hæc Fogeda qui prior venerat, prior cum sua caterua discedēs,  
Vrabam suæ gubernationi addictam quæsiturus, iter fecit per  
insulam, quæ Fortis dicitur. Ea est media inter Vrabam &  
Carthaginensem portum: in qua descendens, truciū esse pa-  
triam Canibalium didicit. Ex incolis mares duos, fœminas se-  
ptem, captiuos abduxit: ceteri euaserunt. Cētum & nonaginta  
drachmas auri, in varia monilia conflati, consecutus est. Indē  
Vrabam ab orientali præhendit ora, quam appellant indigenæ  
Caribanam, vnde Caribes insulares originem habere, nomēn-  
que retinere dicuntur. Ibi arcem & arcis vicinum vicum cœ-  
pit condere, in quod se reciperent. Dehinc à captiuis edoctus,  
esse in internis ad milliaria duodecim pagum nomine Tirusi,  
aurifodina dite nobilem: Consilium sumpsit de pago debellan-  
do. Iti, paratos ad sui iuris defensionem paganos offendit: re-  
pulsus fuit non sine contumelia & damno: sagittis nanque  
venenatis & isti bellum gerunt. Non multos post dies in al-  
terius pagi oppugnationem cum egestate pressus venisset, fuit  
& ipsi sagitta femur transuerberatum. Aiunt è sociis non-  
nulli, ab indigena percussū, cuius vxorem captiuam duce-  
bat. Amicē prius de vxore redimenda, inquiunt, egisse mari-  
tū cū Fogeda, ad certūque diē fuisse pactū id auri pōdus, quod  
Fogeda pro vxore petebat. Statuto autē die rediisse, sed sagittis  
& telis armatū, non auro onustū, cū octo sociis ad mortē para-  
tis animis, illatæ iniuriæ Carthaginensibus & pagi postea



combusti participibus. Trucidatur incola ab Fogeda sociis, nec datur ultra amata coniuge frui. Fogeda atrocitate veneni paulatim desiccatur. Dum hæc ita succederent, ecce Nicuesa ducem alterum, cui Beragua regio Vraba occidentalis assignata est habitanda. Is postridie à Fogeda digressus è portu Carthaginis vela dedit, Beraguam aditurus. Littora semper lambens cum copiis, quas adduxerat, sinum cepit indigenarum, appellatione Coiba, cuius rex erat nomine Careta. Linguam reperit ab Hispaniensi & Carthaginensi longè aliam. Diversa etiam in his tractibus à suis met vicinis sunt idiomata. Regem namque Hispaniola Cacicum vocat: Coiba vero provincia, Chebin, alibi Tiba. Nobilem appellat Hispaniola Taino: Coiba, saccum, alibi Iura. Ex Coiba ad Vrabam, Fogeda socij sui præfecturam, tetendit Nicuesa. Post aliquot inde dies ingressus ipse nauigij genus mercatorium, quod caravelam vocat Hispanus, oneraria naues ab alto ut sequantur, imperat. Secum vero ducit biremes duas, vulgo bergantinos: quos est animus, si nullo & cetera nauigiorum genera, multa etiam alia, vulgaribus eorum nominibus in discursu nostræ narrationis nuncupare, ut apertius, quid velim, intelligatur: neglectis tetricorum, mordendi causas in scriptores querentium, genuinis. Emergunt namque non pauca quotidie, quibus vera nomina relinquere non potuit vetustatis veneranda maiestas. Post Nicuesa discessum, ad Fogedam ex Hispaniola venit una naus, duce Bernardino de Calauera, qui eam fuerat ex Hispaniola suffuratus, cum hominibus sexaginta: Archithalasso, quem ipsi Almirantum appellant, & gubernatoribus aliis inconsultis. Ex alimentis quæ ferebat, perditas egestate vires aliquantulum recrearunt. In Fogedam indies magis ac magis exoriebantur sociorum murmura, quod eos inani spe depasceret. Dicebat enim se in Hispaniola reliquisse Baccalarium Ancisum, iustitiæ prætorem à se electum autoritate



regia, quia sit peritus legibus, ut ad se duceret nauim vnā cō  
meatibus onustā: seque mirari, quod multis antē diebus nō ve  
nerit. Neque id falso aiebat. Discedēs nanque, Ancisū iā semi  
paratū reliquerat. Socij vero se deludi arbitantes, inania esse  
qua de Anciso narraret, suspicati sunt. Taciti secū statuūt ple  
rique, bergātinōs duos furari Fogeda, ac ad Hispaniolā reuerti.  
Re intellecta, Fogeda praoccupare sociorū cogitata constituit: re  
lictō Francisco PiZarro nobili viro, praefecto ad arcis, quam  
condiderat, custodiam. Cum paucis ita saucius nauim, de qua  
ante diximus, conscendit: ad Hispaniolā, tum curatum femur  
si quod remedium inuenerit: tum etiam ut vestiget, quid rei  
Ancisum moretur, profecturus: de reditu suo intra quinquā  
gesimum diem spem sociis relinquens, qui ex circiter tercentiū  
ad numerum sexaginta, ceteris tum fame, tum incolarum te  
lis consumptis, redacti erant: lege PiZarro & sociis conscrip  
ta, ne proditione taxarentur, si intra quinquagesimū diem  
non reuiceretur, commeatuum & recentium sociorum au  
xilia ducens. Pactis igitur diebus exactis, cū fame iam acri  
urgerentur, duos conscendunt relictos bergantinos, & eam  
terram deferunt. Hispaniolam versus altum iam adnauigan  
tibus, exorta tempestas, ē bergantinis vnum cum vniuersis  
qui inerant, absorpsit. E sociis alij referunt, se aperte vidisse  
immanem piscem circumeuntem bergantinum, (Ingentia  
enim monstra maria illa nutriunt) & cauda ictu berganti  
ni temonem confregisse in frusta. Quo deficiente, circūa  
ctus tempestate bergantinus, obrutus est, circa littus insulae,  
quam Fortem appellant, inter Carthaginensem & Vraba  
nam oras sitam. A qua arcubus & sagittis, bergantinus  
superstes accedens, ab incolis feroci congressu barbarorum  
reiecta est. Iter ergo suum prosequens, forte incidit in Bac  
calarium Ancisum, inter Carthaginensem portum & Cu  
chibacóam regionem, in ostio fluminis, & quem nostri Boiū



gatti appellant: quia ibi catum primo viderint. Boius autem Hispaniolensi lingua domus dicitur. Veniebat Ancisus una nauis, onusta comitatibus omnis generis, tam ad victum quam ad vestitum facientibus, et bergantino comite. Is erat, cuius aduentum Fogeda dux auide opperiebatur. Ex Hispaniola idibus Septembris soluerat, et quarto die à discessu, montes altos quosdam recognouit, quos à perpetuis niuibz Serram Neuatam Hispani appellarunt, prateriunte Colono, primo repertore illarum regionum. Quinto autem die per Os Draconis iter fecit. Anciso referunt, qui bergantino vehebantur, Fogedam ad Hispaniolam rediisse. Falso locutos Ancisus existimans, auctoritate pratoria, ut reuertantur, imperat. Ducto parent bergantinei, Ancisum sequuntur, licet ab eo supplices petierint, ut alterutrum illis indulgeret, aut ut bona eius venia liceat ad Hispaniolam regredi, vel eos ipse ducat ad Nicuesam: in gratia premium, sese donaturos ei duo millia drachmarum auri offerunt. Auro nanque dites erant, sed pane egentes. Neutrum Ancisus annuit, seque alio proficisci nullo modo posse testatus est, praterquam in Vrabam Fogeda prouinciam. Illis ergo ducibus, Ancisus prator Vrabam versus tetendit. Sed vnum prius memoratu dignum, non sit molestum, beatissime pater, audire, quod huic pratori accidit venienti. Iecit et iste ancoras in ora Caramairiana, quam diximus Carthaginensium portus, et maritali foeminarum casta venustate, atque vtriusque sexus animi fortitudine, esse illustrem. Aquandi gratia, et scapha naualis, que confracta erat, reficienda causa, nonnullos in littus mittit. Attentos operi nostros, indigenarum multitudo suo more armata circumsessit, triduoque obsessos tenuit: quo tempore neque illi manus conserere, neque nostri illos impetere ausi sunt. Ordinibus seruatis virique toto triduo steterunt, protentis oculis in alteros alteri. Nostri tamen inte-



reâ opus demandatum prosequeretur, fabris nauticis mediû agmen tenentibus. Dum sic hesitarent, ex grege aberrarunt duo, aqualem urnam impleturi ad ostium fluminis utrisque vicini. Dicto citius ex hostibus adest cum decem armatis primarius vnus, & ab utroque latere aquatores circundant: sagittis in eos directis, minime tamen excussis, & trucibus oculis eos inspectabant. Ausugit è duobus alter, manet imperterritus alter, & fugientem socium iurgio reuocauit. Hostes compellat eorum idiomate, quod didicerat ex captiuorum inde alias raptorum commercio. Admirati sermonem patrium in aduena, truculentiam exuunt, blandis inuicem verbis agunt: qui sint eius cateruæ appulsæ duces, interrogant indigena. Peregrinos esse transeuntes respondet pedes: & se mirari ait quod à littore prateriuntes naues conentur deturbare, arguens eos immanitatis, ac simul ruinam enunciat, ni tale consilium abiiciant. Venturos nanque armatos, qui superent maris arenas, in ipsorum perniciem, certiores facit: nisi non modo non arma sumpserint, verumetiam nisi honorifice venientes ad ea littora susceperint. Detineri pedites nunciatur Anciso. Fraudem inesse suspicatus Ancisus, scutatos educit socios omnes, propter sagittas venenatas, & composito agmine pedetentim graditur ad eos qui pedites detinebant: sed dato signo à pedite, indicante vt sisteret: sustinuit gradum, & per reuocatum peditem alterum, intelligit rem esse in tuto. Cupere pacem hostes, inquit pedes, quandoquidem non ipsi sunt, quos arbitrantur, Fagedam & Nicuesam insinuabant, qui pagum in littore illo spoliauerant, captiuis abductis, & in internis alium prostrauerant combusserantque. Vltum eam iniuriam se venisse fatebantur hostes, si quiuissent. At contra insontes minime se velle sua tela exercere. Impium nanque aiunt esse, in quenquam non laceissentem pugnare. Depositis igitur arcub⁹ & sagittis, nostros benignè excipiunt, salsis pisci-



Ancifi  
naufra  
gium.

bus & pane patrio donant. Ceruisia quoque ex fructibus patriis & sementibus, vinum aquante, iisdem Vinarios cados impleuerunt. Ita pace confecta cum Caramairensibus, ab aliis ducibus acriter laceßitis, Ancisus per insulam Fortem, Vrabam proficiscitur. Sua naui Ancisus centum vehebat & quinquaginta viros recentes, qui in demortuorum locum sufficerentur: duodecim etiam equas, & sues fœminas plures, cū suis quodque genus masculis, ad sobolem in ea regione procreandam: & vna tormentorū vasa quinquaginta, cum hastarum, scutorum, ensium, reliquorumque id genus telorum multitudine immensa ad bella gerenda. Sed malè auspiciō cuncta. Iam iam intrare portum volentibus, nauis gubernator, qui temoni inherebat, in breuia & vadosas arenas direxit. Stat misera nauis arenis inuoluta, vndis concutitur, aperitur: quicquid in ea vehebatur, amittitur. Visu miserrimum. De com meatibus duodecim tantum farinae cados, caseosque pauculos, & biscocti panis copiam exiguam seruauerunt: animalia & ipsa suffocata vndis. Per bergantinū & nauis scapham pene nudis ipsi corporibus, cum telorum parte evaserunt. Ita ex calamitate cadunt in calamitates, de vita tantum, de auro iam minimè solliciti. Ecce viuos & incolumes in complexu terræ, quam tota mente petierant. Sustinendis corporibus opera danda est, quia non vescuntur aëreo flatu. De alieno querendum est, proprio deficiente. Vnum tamen illis inter tot aduersa secundum sese obtulit. Palmeta non procul à littore inuenere, inter quæ & palustres vluas, aprorum multitudo libera vagabatur. Aliquot ibi dies aprinis carnibus ad saturitatem vsi sunt. Illos tamen aiunt nostris esse minores, caudis breuissimis, adèd vt abscissas fuisse arbitrentur. Pedibus etiam nostris dissimiles sunt: posteriores quippe aiunt pedes in his apris vno digito, non ungulato, constare. Eorum etiam carnes multo nostrorum carnibus saporosiores & salu-



& salubriores experti sunt. Palmarum fructibus & palmu-  
 lis radicalibus (quibus interior Betica vescitur, & palmitos  
 vocat, ex quorumque foliis Roma scopas habet) necnon prouin-  
 cialibus pomis eo tempore vsi sunt. Sed poma illa, vt praeocia  
 pruna, quae ossata parua etiam & rubentia feruntur. Ar-  
 bitror ego eius generis esse, qualia ipse comedi Aprili mense  
 in Aegyptia Alexandria quorum arborem Iudaei indigenae  
 periti legis Moesae, cedrum Libani asseuerant. Ea sunt esui ap-  
 ta: dulcedinem leni quadam acrimonia mixtam habent, vt  
 in sorbis videmus. Loco persicorum & cerasorum atque  
 huiusmodi aliarum arborum, incolae in hortis arborem hanc  
 plantant, & diligenti cura natriunt, cum peregrina sit. Ea  
 est *Zizifera* arbori & foliis & altitudine, trunco etiam si-  
 milima. Apris iam deficientibus, de futuro consulere cogun-  
 tur. Itur in interna turmatim. Est huius terrae Caribana gens  
 arcubus & sagittis tractandis aptissima. Centuriam An-  
 cistrus ducebat: dico centum pedites: etsi me non lateat consta-  
 re centuriam ex centum viginti octo militibus, vt decuriam  
 ex quindecim. Licet tamen de gente nuda scribenti, nudis vi-  
 verbis interdum. Obuij occurrunt nostris tres tantum incolae  
 nudi, sine formidine vlla nostros adoriuntur, sagittis venena- In cre-  
 tis transfigunt plures, plerosque perimunt, pharetris euacua- dibilis  
 tis, euadunt. Vento celerius, pedibus nanque plurimum va- a nimo-  
 lent: & nostros lacessunt iurgiosis opprobriis. Sagittam in va- rū au-  
 cuum emissam ex arcubus ferunt nullam. Redeunt ergo no- dacia,  
 stri, quae venerant, multis modis infelices, & de relinquenda & sagie  
 terra illa consilium ineunt, praecipue quia diruerant arcem tandi  
 incolae, quam Fogeda condiderat: & vici domos triginta cō- peritia,  
 bufferant, vbi primum terram à Fogeda relictī Pizarus &  
 socij deseruere. Vestigantes igitur, intellexere latus occidentale  
 sinūs illius Vrabae, felicius esse ac feracius. Quare dimidiam  
 cum bergantinus virorum partem transmittunt, reliqua in



Flumē  
Dariē .

orientali littore relicta. Est sinus ille latus millia passuum quatuor & viginti: quoque magis intra continentem prouehit, eò magis angustatur. In sinum *Vraba* diuersa cadunt flumina: sed vnum *Nilo*, vt aiunt, fortunatius, nomine *Darien*: in cuius ripa herbida & arborifera figere pedem statuunt, licet paruo lentoque alueo constet. Accola verò admirati velorum & bergantinorum aduentum, quæ suis lintribus erant grandiores: fœminis maribusque incrimibus & supelletilibus emissis, bello apti animis ac telis parati, nostros in elato quodam tumultu structa expectant acie: quingentos amplius numero illos nostri esse iudicarunt. Instruunt ergo acies, duce *Anticiso* pratore pro *Fogeda*: flexis genibus, prator ipse ac ceteri pro victoria supplices orant superos. Vouent simulacro beatæ Virginis quod *Hispali* sub nomine sanctæ Mariæ Antiquæ colitur, aurea & argentea quædam dona, missurosque se peregrinum pollicentur: & nomen vico habitando imposituros sanctæ Mariæ Antiquæ templumque sub eodem nomine erecturos, vel ad id eius reguli atrium dicaturos. His actis, milites omnes iureiurando adstringit, nè quisquam hostibus terga vertat. Dato signo, letis animis scuta lacertis accingunt, hastas vibrant, & sublato clamore, in hostes ruunt. Impetum nostrorum diu sustinere hostes nudi minimè potuerunt: in fugam vertuntur, duce regulo *Cemaco*. Nostri vicum occupant in quo ciborum copiam more patriæ ad præsentem esuriem propulsandam reperere: panem scilicet radicalem, & ex sementibus quas panico similes diximus in prima decade: cum fructibus à nostris dissimilibus, quos ipsi, vt nos castaneas & similia, seruant ad vsum. Ex gentibus ijs mares nudos penitus, fœminas vero ab umbilico *gossampina* contractas multiitua repererunt. Est ea regio horroris hyberni expers. Distat namquæ *Darienis* fluminis ostium ab æquinoctio



gradus octo tantum, ita quod populus vix diei ac noctis toto anno discrimen sentiat, ut plerique aiunt, neque enim sunt Astronomiae periti. Propterea nil curae nobis sit, an gradus ij ab eorum sententia dissentiant, necne, quandoquidem paruo differunt, licet ipsi arguant se intelligere, quantum à puncto arctico stella polaris distans circumbeat. Postero igitur die, ex quo ad litus appulsi sunt, aduerso flumine tendunt. Canneta fluuialia reperiunt ad vnum milliare desissima: rati, quod accidit, profugos accolae ibi vel latitare, vel suppellectilia abscondisse. Cannetum sagaci indagine, scutis tamen insidiarum metu contecti, perambulant. Desertum hominibus reperere cannetum, sed suppellectilibus & auro refertum. Lodicum ex arboreo serico siue gossipio contextarum (quod vulgus Italum bonbasum, Hispanum vero algodon nuncupant) copiam non exiguam, & utensilium ex ligno, pleraque alia ex fictilibus, reperere: aureos & thoraces inuenere pectorales & monilia eorum more, ad librarum summam duarum supra centum. Auro nanque & ipsi monilia sibi comparant, & miris modis laborata conficiunt. Ea prouentuum suorum permutatione assequuntur. Nam quae regio, pane fortunatur aut gossipio, auro caret: quae vero aurum gignit aut alia metalla, maiori ex parte montana, saxea, minimèque ferax. Sic inuicem commercia peragunt pecunia expertes. Duplici ergò latitua psallentes, quod auri magna cernerent argumenta, & terram fors amœnam ac feracem obtulerit: socios in orientali sinus vrabæ parte relictos aliàs, accersunt. Nonnulli tamen insalubrem esse ibi aërem contendunt, quia in summissa valle iaceat pars illa, montibus & paludibus circumsepta.

PETRI MARTYRIS MEDIOLANEN. OCEANÆ DECADIS SECVNDE; Crediti cōtinentis cap. secundum.

H 4





Abes, beatissime Pater, ubi figere pedem  
 constituent, qui Fogeda duce vastos tra-  
 ctus Vrabenses habitandos sanctione regia  
 sortiti sunt. Sinamus ergo Vrabenses parum-  
 per, & Nicuesam, Beragua amplissima  
 provincia gubernatorem destinatum, repe-  
 tamus. Ex Vraba amici & socij Fogeda iurisdictione,  
 diximus Nicuesam vna carauela & duobus bergantinis  
 ad Occidentem Beraguam versus tetendisse: nauibus grandio-  
 ribus à tergo, ut sequerentur, relictis. Male auspiciato consi-  
 lium sumpsit. Nicuesa noctis amittit socios, procedit ipse, &  
 Beragua fauces, quas optabat, praterit. Ex bergantinis vnum  
 ducebat Lupus quidam de Olano Cantaber, vnius è nauibus  
 grandioribus Praefectus. Is à tergo succedens, ab incolis didicit,  
 quâ iter esset ad Beragua sinum ab Oriente, relictum à Ni-  
 cuesa. Versa igitur ad Orientem prora, procedens Olanus occur-  
 rit alteri bergantino comiti, qui & ipse per noctis tenebras  
 aberrauerat, cuius erat ductor Petrus de Umbria. Latè ambo  
 consulunt quid eligendum, quâ putent Nicuesam guberna-  
 torem suum fecisse iter. Deliberato iudicant, Nicuesa ductori  
 minus defuisse monitores de Beragua, quâ sibi ductis, &  
 spe reperiendi ducis in Beragua. Beraguam versus tendunt:  
 ubi reperere ad millia passuum X V I. vicinum flumen, nomi-  
 ne dato à Colono de Lagartos: quia lagartos Hispana lingua,  
 Latine lacertos, nutriat maximos, hominibus ceterisque ani-  
 malibus noxios, Niliacos crocodilos æmulantes. In eo fluuio er-  
 rorum socios reperere in ancoris cum nauibus grandioribus,  
 quæ ab alto ex ducis mandato processerant. Ibi vniuersa con-  
 cio de gubernatoris errore sollicita, ex ducum bergantinorum  
 consilio: qui proximè Beraguam abraferant, Beraguam pro-  
 ficiscuntur. Est Beragua, incolarum appellatione, fluuius auri-  
 fer, & idem regionis nomen à fluuio sumptum. In eius flu-  
 minis faucibus ancoras iaciunt naues grandiores, & vniuersa

Fluius  
 aurifer.



sos commeatus in terram scaphis seruitoriis deportant: &  
 Lupum de Olano, Nicuesa amissi loco gubernatorem erigunt.  
 Cuius & primorum consilio, ut abeundi a luctis spes omnis  
 tolleretur, sedarentque animos ad eas incolendas, naues illas  
 vetustate corrosas, parumque profuturas, deferunt, & quas-  
 sari ab undis sinunt. Attamen ex eorum recentioribus tabu-  
 lis, & nouis aliis ex regionis arboribus, quas aiunt valde  
 proceras esse & mira altitudinis, sectis, nouam post hæc con-  
 struxere carauelam, qua vterentur ad emergentes necessita-  
 tes. Fato infelici a Petro Vmbria, bergantini vnus ductore, Be-  
 ragua reperta est. Is ingenio celer, tentande terre prouinciam  
 sumpsit, ut quo in loco terra capienda esset, sociis renunciaret.  
 Duodecim nautas elegit: scapham nauium grandiorum mini-  
 stram conscendit: pelagi fluxus ibi mugiebat horrendo quodā  
 murmure, veluti de Scylla legitur Sicula, ob immanes pelago  
 prominentes rupes, ex acri undarum refluxu, quem Hispani  
 vocant resaccam, intra rupes repressarum. Luctatur aliquan-  
 tisper Vmbria: at miserum, reiectus instar montis è rupibus  
 turbo cooperuit, & cum scapha ante sociorum oculos ab-  
 sorptum vorauit. Vnus tantum ex omnibus, quia natator esset  
 egregius, emerit: & apprehenso paruulo inter undas scopu-  
 pulo, turbati maris furorem sustinens, pacato altero die mari,  
 & exiccato ex refluxu littore, euasit ad suos. Vmbria &  
 reliqui undecim deplorati. Cetera multitudo non ausa se cre-  
 dere lintribus, cum bergantinis descendit in terram: vbi pau-  
 cos dies commorata, aduerso flumine ascendens, incolarum  
 pagos reperit, quos ipsi Mumu appellant. Arcem in littore co-  
 dere incipiunt, & in valle quadā vberis soli, cum alioqui sit  
 regio sterilis, sementes more patrio iecerunt. Rebus ita se habē-  
 tibus in Beragua, ecce ab alta speculari rupe vnus è sociis ad  
 occidentem tendens oculos, lintea vela, lintea vela, procla-  
 mat. Quò propius vento appellitur, scapham esse carbasiolo

Miserā  
 dº Vm-  
 brie ca-  
 sus.



erecto venientem cernit. Lati tamen scapham suscipiunt. Ea enim erat carauela Nicuesana piscatoria, quinque virorum tantum capax: qua tum tres vehebantur, Nicuesa inconsulto, scapha suffurata, quia credere illis Nicuesa recusasset, quod Beragua esset ab Oriente à tergo relicta. Hi videntes Nicuesam & socios paulatim esurie consumi, fortunam experiri ea scapha statuerunt, an Beraguam ipsi quirent detegere. In Beraguenses igitur socios incidunt: Nicuesam referunt errare amissa carauela per tempestates, inter paludes maritimas & deserta littora peragraré, omnium rerum egentem, calamitosum, qui septuagesimum amplius iam diem traheret herbarum aut radicum escis, aut patriæ fructibus raro, contentus se calamitas. potibili aqua, sæpè deficiente: quia instaret ad Occidentem pedibus tendere, Beraguam animo gestans. Tractum eum Colonus, eius tam vastæ terre primus repertor, percurrerat, & Gratia Dei nomen indiderat, incolarum appellatione Cera-baro. Interluit regionem fluminis, à nostris sancti Matthæi appellatus, à Beragua occidentali millia passuum circiter centum triginta. Huius fluminis & locorum plurimum patriam prætereo appellationem, quia ignorant eorum nomina, qui ad nos redeunt. Eò trium nautarum relatu Lupus de Olano, vni<sup>9</sup> è duabus Nicuesa nauibus ductor, tunc etiam proprator, vnum misit bergantinum, ducibus nautis aduectis scapha. Nicuesam reperiunt. Aduectus Nicuesa, Olanum electum gubernatorem, donec ipse aduentaret, in carcerem & vincula compegit, proditiōis accusans, quod sibi gubernatoris auctoritatem induisset, & imperandi dulcedine plectus, minime fuerit de ipsius erroribus sollicitus, negligentérque se habuerit, inuestigando quid ipsum tanto tēpore moraretur. Primarios omnes perturbato animo alloquebatur: & intra dies paucos, ut sarcinulas colligerent omnes, si quas habebant, imperat. Expectaret parumper æquo animo, rogant, donec sementes quas ipsi met iecerant, metantur, quæ iam propè maturue-



rant: nam quarto quoque mense à iacto semine maturescut. Se nolle quicquam expectare proclamat. Illico, inquit, à tellure tam male fortunata discedendum fore. Eruit ex sinu Beraguensi quicquid aduectum erat. Ad Orientem vela dirigi iubet. Ad milliaria sexdecim, Gregorius quidam iuuenis Ianuensis, Coloni primi repertoris à teneris famulus, portum ibi esse vicinum recognouit: sociis quibus se vera dicere probabat, signa dedit: in arena semiobrutam ancoram ex naui emissa, subq; arbore portui proxima, fontem liquidum se reperturos enunciat. Terram præhendunt. Ancora & fonte repertis, ab ingenio & memoria Gregorium commendant, quod eius rei solus è multis nautis, qui littora illa cum Colono percurrerant reminisceretur. Portum Bellum Colonus appellauerat. Cum ex itinere plerisque in locis urgente fame descenderent è nauibus, ab incolis malè excipiebantur. Ex egestate tanta nostros inuaserat hebetudo, ut arma capere in quenquam, licet nudum, resistentem nequirent. Viginti homines propterea venenatis percussos sagittis amiserant. In Portu Bello, fuit consilium, dimidiam sociorum partem relinquere: reliquam Nicuesa traducit Orientem versus: ubi ad milliaria octo & viginti à Portu Bello, statuit arcem condere in littore apud promontorium, olim à Colono Marmor appellatum. Sed nemini vires ad laborem illum ob esuriem suppetebant. Turriculam tamen ad primos incolarum impetus sustinendos erexit, quam Nomen Dei appellauit. Ex quo Beraguam reliquit, tum in itinere inter arenosas planities, tum egestate dum turrin edificaret, è paucis superstilibus ducentos amisit. Ità paulatim consumpta est septingentorum octoginta quinque virorum multitudo, ad vix centum iam reducta.

Dum Nicuesa cum paucis illis miseris hominibus viueret exorta est inter Vrabenses de principatu contentio. Vascus Nunne Balboa quidam, omnium iudicio magis armis, quàm con-

H iij

Nomen  
Dei  
Turri-  
cula.



filio confisus, manu promptos in Ancisum prætorem concita-  
 uit, inquit, Ancisum literas regias, prætoria potestatem  
 annuentes, minimè habere: nec satis esse, quod à Fogeda fue-  
 rit autoritate gubernatoria electus. Vetiuit igitur, ne ius præ-  
 torium exerceret Ancisus: & quosdam inter se viros Vra-  
 benses statuerunt, quorum consilio regerentur. Quare in factio-  
 nes diuisi, non redeunte duce suo Fogeda, quem sagittæ ve-  
 neno iam perisse arbitrabantur, an accersendus esset eius lo-  
 co Nicuesa, nec ne, inuicem contendebant. Qui magis consilio  
 valebant, & Nicuesa familiares fuerant, quique Vāschi  
 Nunneꝝ insolentiam ferre nequibant, Nicuesam debere qua-  
 ri per ea vniuersa littora censebant. Intellexerant enim, ex Be-  
 ragua ob terræ sterilitatem discessisse: posseque ipsum Ancisi  
 exemplo, & aliorum qui naufragati fuerant, in secessu ali-  
 quo oberrare: neque esse animo quiescendum, donec aperte in-  
 telligatur, vivat ne cum sociis, an obierit. Vāschi autem  
 Nunneꝝ veritus, ne adueniente Nicuesa, imperio in socios ex-  
 ueretur, insanos appellabat eos, qui putarent Nicuesam vive-  
 re: & si viveret, opera Nicuesa ipsos non indigere. Asserebat  
 enim, neminem ex sociis esse, qui non sit æque imperio aptus,  
 atque Nicuesa. Dum ita in contrariis versaretur studiis, ecce  
 duarum navium grandiorum ductorem Rodericum Enriquẽ  
 Colmenarem cum sexaginta viris recentibus, & commea-  
 tum tam ad victum quàm ad vestitum copia. De  
 huius Colmenaris navigatione, animus est, pleraque  
 referre. Ex Beata portu Hispaniola, vbi ad has terras traie-  
 cturi se instruunt, Colmenares iste desceſsit circiter idus Octo-  
 bris anni millesimi quingentesimi decimi. Præhendit autem  
 terram in Nonis Nouembris in vasta Paria regiuncula à Co-  
 lono reperta, inter portum Carthaginis & regionem Cuchi-  
 bacóam. Passus est inter nauigandum tum ab incolis, tum à  
 maris ira, incommoda non mediocria. Aqua potabili defi-

Colme-  
 naris  
 nauiga-  
 tio.  
 1510.



ciente, naues applicat ad fluminis ostium suscipiendis nauibus aptum, incolarum appellatione Garia. Defluebat autem Garia ex alto niuali monte, quo altiore nemo ex ducis Roderici comitibus aiebat se vidisse vnquam. Neque aliter putandum est, si niuibz albescebat in ea regione, qua intra decimū gradum distat ab æquinoctiali linea. In Garia igitur fluminis ripa ad implendos cados lintrem seruitoriam demittit. Dum haurire aquam inciperent è scapha, ecce regulum vestibus amictum gossimpinis, cum sociis palatinis viginti, insuetum visu, lena illi pendeat ab humeris cubito tenuis, à cingulo vero demissa: vestis alia talaris fæmineum emulabatur ornatū. Vestit<sup>9</sup>.  
 Accedens regulus, amice visus est monere nostros, nè inde a regius.  
 quam sumerent, quod noxia esset hominibus: ostenditque proximè labi fluuium alium, aquæ salubrioris ductorem. Monstratum à regulo fluuium adeunt. Fundum tentare nitentes, tempestate prohibentur: ebullientes etiam arena, vadosum esse ibi mare indicabant. Coacti sunt igitur ad primum redire fluuium, iaciendis ancoris tutum. Struxit Cacicus ille nostris insidias adeuntibus. Attentos nanque cadis implendis, cum armatis more suo, nostrorum iudicio septingentis, licet nudis aliàs, (soli nanque regulus & palatini eius amiciuntur) nostros perturbat: lintrem raptat, & in assulas confringit. Sagittis vno ictu oculi, septem & quadraginta è nostris, priusquam scutis se contegere quiverint, transuerberauerunt, è quibus vnus tantum euasit: ceteri atrocitate veneni pericere ilico. Neque enim remedia contra id veneni genus adhuc intelligebat vti postea ab insularibus Hispaniola didicerunt. Herbam nanque gignit Hispaniola, huius herbe virus extinguentem, modo properè succurratur. Seruati sunt & alij septē, elapsi intra magnæ arboris corrosū vetustate sinum, ad noctem vsque ibi latitantes: sed minime vitauerunt hostium manus. Noctu nanque, illis relictis, naus discessit. De his nulla vltior men-



tio habita est. Ita per multahuiusmodi discrimina, quæ ne sim  
minuta recensendo, tuæ Sanctitati fastidiosus, prætereo. Vra-  
bæ tandem sinum affecutus est. In orientali eius latere sterili  
ie cit ancoras: Unde paucis antè dieb<sup>9</sup> ad occidentale fortunati<sup>9</sup>  
nostri transmigraverant. Admiratus locorū silentium, ibi nā-  
que socios se reperturum putarat: quid rei hoc sit, non intelli-  
git, Vivant ne, an locum mutaverint, ambigens. Salubre  
ad rem consilium amplexus est: ancas balistas & pulueraria  
quacunque tormenta navibus gestabat, globis & pulvere  
farciri, flammāsque per cacumina rupium accendi noctū iu-  
bet. Igne supposito uniuersa simul tormenta quatiunt: toni-  
tribus & mugitu horrendo sinus Vrabensis intremuit: licet  
millia passuum quatuor & viginti distarent, (Ea est enim  
sinus Vrabensis latitudo) exauditur tamen à sociis & flam-  
mis aduentantium sociorum, Darienenses mutuis respondēt  
flammis. Quare flammarum respondentium ductu, ad occiden-  
tale latus Colmenares traducit naues. Aerumnosi Darienen-  
ses, qui iam vix animam egestate lassam dentibus retinebant  
ob Ancisi prætoris naufragium, protentis in calum mani-  
bus, obortis præ letitia simul & mœrore lachrymis, eo plau-  
su, quem tanta necessitas expostulabat, Rodericum & socios  
ad se venientes suscipiunt. Commeatibus & indumentis (e-  
rant enim penè nudi) abundè fruuntur. Restat, beatissime  
Pater, ut, quid Vrabensium disidia de principatus ducibus  
amissis, pepererint, edisseramus.

PETRI MARTYRIS MEDIOLA-  
NEN. OCEANÆ DECADIS SE-  
cundæ, Putati continentis cap. tertium,



**P**rimores Vrabenses omnes, & qui consilia magis pollebant, accersendum esse quoquo modo Nicuesam, sicubi reperiatur, censent. Ab Anciso pratore, renuente aduentum Nicuesa, bergantinum quem ipse propria impensa construi fecerat, abripiunt: & contra ipsius Ancisi voluntatem ac Vaschi Nunne gladiatoris iudicium, statuunt ut Nicuesa queratur, ad inuidiam de principatu inter se tollendam. Colmenari ergo, de quo supra mentionem fecimus, negocium dant, ut Nicuesam queritet per ea littora, ubi suspicabantur, errantem. Audierant nanque deseruisse Beragam, telluris infœcunda regionem. Dantque in mandatis, ut repertum aduehat: spem rei benè gerendæ illi prabeat, si ad tollendas inter eos coalescentes iam seditiones venerit. Prouinciā sumit Colmenares, quia Nicuesa deuinctus esset amicitia: nec se minus, ut Nicuesa succurreret cum suis comitatibus, quàm Vrabensibus, venisse fateretur. Vnam igitur è suis nauibus quas aduexerat, & ablatum Anciso pratori bergantinum, cum parte comitatu, quos importa uerat, instruxit. Vniuersa circum vicina littora peragrans, edificantem turrin ad Mormor promontorium Nicuesam tandem reperit, viuentiū omnium infeliciſsimam, suprema macie confectum, squalore obsitum, vnā cum sexaginta tantummodo socijs, ex septingentorum amplius numero superstitibus: adeo ut nil minus illorum miseretur, quàm si mortuos offendisset. Nicuesam amicum Colmenares recreat, lachrymis & blandis sermonibus solatur: ampla spe melioris successus, & mutandæ fortunæ Nicuesam replet. A bonis omnibus Vrabensibus aduentum eius desiderari arguit: quod sperent eius autoritate sedatum iri discordias inter eos exortas. Colmenari amico Nicuesa gratias agit: quales tanta calamitas exigebat. Mare vnā cōscendunt, Vrabam versus proficiscuntur. Veteri solent homines naturæ instituto, ex letis



fortuna successibus inolescere. Post lachrymas, post fletus, &  
 varios de infelici fato suo conquestus, post gratiarum actio-  
 nes, prostratus ad pedes Roderici Colmenaris seruatoris sui  
 Nicuesa, fame iam domo expulsa, cepit obloqui, priusquam  
 Vrabenses viseret, de mutando rerum statu in Vraba, deque  
 auro demendo cunctis inquit, nequuisse quenquam, se aut  
 Fogeda collega suo inconsultis, auro manum imponere. Hac  
 huiusmodi dicta ad Vrabensium aures delata, Ancisi prae-  
 toris pro Fogeda, & Vaschi Nunneꝝ partis aduersa suscitato-  
 rios animos in Nicuesam concitauerunt. Adeuntem reiciunt,  
 vel, ut alij referunt, posteaquam in terram descenderat cum  
 sexaginta sociis, ut inde abiret, minis etiam additis, coegerunt.  
 Bonis omnibus id minime placuit. Sed populi tumultum veri-  
 ti, quem Vaschus Nunneꝝ excitabat, rem iniquam passi sunt.  
 In bergantinum igitur, quem ipse miser aduexerat, cum se-  
 ptemdecim tantum ex sexaginta superstitibus irudunt. In ca-  
 lendis Martii anni millesimi quingentesimi vndecimi infe-  
 lix Nicuesa mare conscendit, iturus ad Hispaniolam, conque-  
 stum de Vaschi Nunneꝝ temeritate, atque illata vi per An-  
 cisum praetorem in ipsum. Hora infausta bergantinum con-  
 scendit: nusquam apparuit ultra. Summersos omnes & ber-  
 gantinum ipsum, arbitrantur. Id utcumque feratur, Nicuesa  
 ex aerumna praecipit in aerumnam cadens, vitam finiuit aerum-  
 nosus, quam vixerit. Turpiter eiectione Nicuesa, consumptisque  
 quos Colmenares importauerat commeatibus, fame rabidi,  
 uti est syluis lupi rapaces, coguntur viciniam perturbare. Duce  
 Vascho Nunneꝝ circiter centum triginta viri conueniunt.  
 Vaschus aciem suo more gladiatorio instruit: folle tumidior,  
 praestites substituensque sibi ac tergiductores ad libitum elegit.  
 Comitem & collegam ducit secum Colmenarem. Exit, raptu-  
 rus a finitimis regulis quicquid fiet obuium. Regionem per  
 id littus, nomine Coibam, de qua mentionem alias fecimus

1511.



adit. Caretam eius regulum, à quo nil vnquam aduersi passi fuerant transeuntes, appellat: imperiosè trucique vultu petiè præberi aduenientibus cibaria. Careta regulus posse illis aliquid impartiri negat: se transeuntibus Christianis succurrisse sæpenumero, vnde penu habeat exhaustum, docet. Ex disidiis præterea & simultatibus, quas exercuit ab ineunte sua etate cum finitimo regulo, qui Poncha dicitur, laborare domum suã rerum penuria. Nil horum admittit V aschus gladiator: miserum Caretam, spoliato eius vico, vinctum iubet duci ad Darienem cum duabus vxoribus & filiis, vniuersaque familia. Apud Caretã regulũ reppererũt tres è sociis Nicuesæ, qui Nicuesã prætereũte vt Beraguã quæreret, iudiciũ ex malè factis timẽtes, aufugerant è nauibus in ancoris stantibus: classe verò abeunte, Careta regulo se crediderũt. Careta hos tractauit amicissimè. Agebatur iã mēsis duodeuigēsim⁹, propterea & nudos reperere penit⁹, vii reliquos incolas, & saginatos vii capones, manu fæminea domi depastos in obscuro. Obsonia dapēsque regias fuisse sibi illo tempore incolarum cibaria visa sunt: quod sine mei tuique, sine cede, non cedam, contentione vixerint: quæ duo trahunt, cogunt & raptant homines, vt viuendo minimè viuant. Ad pristinas tamen curas redire elegerunt. Ex Caretæ vico ad præsentem famem propulsandam, non autem ad necessitatem penitus tollendam, cibaria detulerunt ad socios in Dariene relictos. An post hæc, an prius id acciderit, non apertè intelligo. Scio tamen post Nicuesam eiectum, in Ancisum prætorem occasiones fuisse per V aschum & factionarios eius quasitas. Captus est Ancisus & coniectus in vincula, bonaque illius fisco addicta: causa suscepta, quod à Foggeda tantum, quem iam vita functum aiebant, non à rege, literas pratorias haberet: seque, inquit, nolle cuiquam parere, qui ab ipso rege per proprium diploma potestatem non habeat. Bonorum tamen rogatu flexit animum, & mitius egit bo-



Discor  
diarum  
incom-  
moda.

nus digladiator, stigmati pepercit. Ancisum solui iussit: qui liber nauim ipse libens conscendit, ut inde abiret ad Hispaniolam. Priusquam vela daret, boni omnes ad eum supplices iuerunt, ut e nauis descenderet, ab eo petunt, seque daturus operam pollicentur, ut Vascho reconciliato, integra illi pratoria authoritas restituatur. Recusasse fertur Ancisus, discessitque. Nec desunt, qui sub lingua immurmurent, voluisse Deum & calites in Ancisum ista patrari, in eiectionis eius consilio Nicuesa vindictam. Vtunque sit, nouarum terrarum vestigatores ruunt in præcepsum, & seipsos conficiunt intestinis odiis, neque inuigilant, ut par esset, tanta rei inuento. Statuunt interea omnes vna sententia, mittendos esse ad Hispaniolam ad Admirantium siue Archithalassum, iuuenem, Coloni primi repertoris heredem filium, in Hispaniola proregem, & ad reliquos insule gubernatores, a quibus nouæ terra auxilia & leges recipiunt, qui significant de statu rerum, & quanta angustia laborent, quid ve repererint, quid speretur, si commeatibus succurrant egentibus. Ad id, volente Vascho Nunne eligitur e factionariis eius Valdiuia quidam nomine, processu in Ancisum suo insultorio iure formato. Additur & illi collega homo Cantaber quidam Zamudius. Ut Valdiuia ex Hispaniola redeat cum commeatibus, expositis mandatis, & Zamudius in Hispaniam ad regem se conferat, edicitur. Descendunt ambo vna cum Anciso, aliter quæ acciderint, regi quam Valdiuia vel Zamudius, relaturus. Et Ancisus & Zamudius, me domi in curia conuenerunt. Quæ mecum egerint, alibi dicentur. Dum in his versantur, miseri Darienenses Caretam regulum Coibensem solvunt, statuto fœdere de bello gerendo, nostris auxiliantibus, contra Ponchiam Careta finitimum hostem intra continentem regulum. Transituris Careta pollicetur se necessaria præbiturum, præsentemque cum sua familia & armis futurum in bello. Sunt autem ipsorum



arma, non arcus, non sagittæ venenatæ, vii habere indigenas illos trans sinum orientales diximus. Cominus hi certant vt plurimum, ensibus oblongis, quos macanas ipsi appellant, ligneis tamen, quia ferrum non assequuntur: & præustis sudi- bus, aut offeis cuspidibus, missilibus etiam ad prælium vtun- tur. Sementibus ergo iactis, quam maximas iacere potuerunt, itur ad Poncham, luce causasque primas agente Careta. Post aliquot à pacto fœdere menses, vt ferendi metendique Caretæ ruricolis copia daretur, Ponchæ regiam adoriuntur, aufugit Poncha: vicum & vniuersa diripiunt: bonis Ponchæ famen propulsant. Sed minime sociis ob locorum distantiam, illis bo- nis, licet multa repererint, succurrere potuerunt. Distabat nan- que regia Ponchæ à Dariene milliapaßuum centum amplius, & humeris portanda erant ad maxime distans littus, vbi na- uigia, quibus aduecti erant ad Caretæ vicum, reliquerāt. Au- ri libras aliquot reperere calatas in diuersa monilia. Rediunt ergo ad naues, deleto Poncha: reges internos relicturi, mariti- mos autem infestare constituunt. Est non longè à Coiba in ea- dem ora regio, cui nomen Comogra, regulisque illius Como- grus. Hunc post Poncham deletum adeunt. Comogri regiam in aduersa montium vicinorum radice sitam, vberi duode- cim lequarum planitie celebrem, reperiunt. Ad Comogrum affinis & primarius Caretæ palatinus, ex dissidio cum Ca- reta, se receperat. Appellat hos lingua eorum Iurá. Sese me- dium dedit Iurá Coibensis, & Comogrum nostris conciliauit quia nostris erat à transitu Nicuesa notissimus: trësque illos transfugas domi Iurá hic habuisse in honore toto eo tempore ferebatur. Pacato igitur nostri Comogri regiam adierunt, quæ distabat ab Dariene lequas triginta itinere peruiro: circui- re nanque montes mediij cogunt euntes. Septem habere fi- lios egregia forma iuuenes & adolescentes ex variis vxo- ribus Comogrum comperere, licet nudos. Atrium autem ex sublicibus trabibus inter se connexis, roborosa miris modis



Religi  
onis er  
go ma  
iorum  
cadaue  
ra exic  
cata in  
ædibus  
conser  
uant.

structura constare aiunt: lapideis mœnibus nihilominus vali  
da. Longitudinem dimensi passuum centum quinquaginta, la  
titudinem vero pedum octoginta, in vacuo dinumerarunt:  
laquearibus & pavimentis arte eximia laboratis. Penuariam  
vero cellam reperere refertam dapibus patriis omnifariam,  
vinariam autem dolus fictilibus & ligneis cupis munitam,  
Hispano vel Italo more, optimisque vinis, licet non ex viuis, re  
pletam. Neque enim vites habent. At ex tribus illis radicum  
& granorum ad conficiendum panem generibus, quæ Iucca,  
Ages, & Mais, diximus in nostra decade appellari: & ex  
palmarum fructibus vina conficiunt: vti Germanos, Belgas,  
Britannos, montanos etiam nostros Hispanos, puta Vascones  
& Astures, & in alpibus Noricos, Sueuos & Heluetios ex  
hordeo, triticoque & pomis alicam conficere audiuimus. Al  
ba, nigra etiam, variorumque saporum, & mulsum pleraque  
imitantia, apud Comogrum se potasse vina dicunt. Audi,  
summe Pontifex, audi aliud monstruosum spectaculum. Hu  
ius reguli penetrabile ingressi, cameram reperiunt pensilibus re  
pletam cadaueribus, gossampinis funibus appensis. Interroga  
ti, quid sibi vellet ea superstitio: parentum esse & auorum  
attauorumque Comogri reguli ea cadauera, inquiunt. De qui  
bus seruandis maximam esse apud eos curam, & pro religio  
ne eam pietatem haberi recensent: pro cuiusque gradu indu  
menta cuique cadaueri imposita, auro gemmisque superin  
texta. Penates sic colebat antiquitas, summe Pontifex. Quo  
vero pacto cadauera illa cratibus desiccant, ita vt sola resset cu  
tis tanquam ossium retinaculum, igne lento supposito, in deca  
de descripsimus. Ex septem Comogri filiis etate grandior, mira  
pollebat natua sapientia. Blandiendum esse hominibus ijs  
vagus intellexit, dandamque operam, ne causas nanciscantur,  
quibus in se domumque suam, vti in ceteros conterminos,  
seuire queant. Ad vasculum & Colmenarem primarios,  
quatuor



quatuor auri affabrè laborati drachmarū millia, septuaginta etiam mancipia dono misit. Se nanque inuicem capiunt, ac vendunt, rerum vsui vel appetitui suo consonarum permutatione: pecunias quidem nesciunt. Aurum illud tantundemque alibi congestum vna librabant in Comogri vestibulo nostri, vt regio fisco quinta pars debita secerneretur. Est nanque id ordinarium in iis regnis decretum, vt ex auro argentō & ac gemmis, quæstoribus regis assignetur quinta. Reliquum inter se ex composito diuidunt. Exorta sunt in auro diuidendo inter nostros rixæ: Aderat Comogri filius prudens ille primarius, qui accedens librales lances pugno excussit rigido, & aurum quodcunque inerat, per vestibulum dispersit: iurgijs nostros insectando, eleganter in hanc sententiam differuit:

Quid hoc rei est, viri Christiani? aded exiguam auri copiam tanti facitis? quam tamen vultis ex pulchre fabrefactis monilibus in rudes vectes conflare. (Secum nanque conflatoria instrumenta portabant.) Si auri est vestra fames tanta, vt illius causa tot quietas gentes perturbetis, calamitates & incommoda perferendo, per vniuersum è patriis regionibus extorres: iuuenis regionem affluentem auro vobis ostendam, ex qua poteritis pruden auri sitim istam explere. Sed maioribus vos oportet copiosissima rem aggre di: vobis nanque necesse est potentes reges, patriæ oratio, ditionis accerrimos defensores, armorum vi debellare. Præter ceteros, sese vobis obiciet Tumanama rex, cuius regnum est auro reliquis fortunatius, à nobis distans soles tantum sex: à sole nanque dies computant. Medios præterea montes Caribes, genus hominum ferox, humanarum carniū edax, sine legibus, sine imperio, vagum, occupant. Oppressis nanque montium habitatoribus, auris odinarum, quæ scatent in iis montibus, cupiditate raptati, proprias & ipsi sedes deferuere. Eo enim auro, quod ipsi miserorum monticolarum lacertis effodiunt, in laboratas laminas & varias imagines has &

Homi-  
nis bar  
bari &  
iuuenis  
pruden  
tissima  
oratio.



huiusmodi alias effigiato, quicquid appetunt, assequuntur. Fabros nāque & ipsi aurarios habent, qui monilibus formādis inuigilant: rude siquidē aurum nos nō maioris facimus, quā luteos globos, priusquam opificum dextra fabrefacti prodeant. **Artem** in fictile vas aliquod, nobis gratum aut necessarium. Fictilia non au & ipsi habent non incultē formata. Hæc nos ab illis nostrorum æstimāt. rum prouentuum (puta mancipiorum in bello, profligatis hostibus, captorum, quæ coëmittunt. edendas, lodicumque & suppellectilium ad domorum ornatum) permutatione comparamus. Esculenta quoque illis nos prebemus, quibus ipsi carent: quippe qui montes incolunt. Armis igitur est hoc montanum iter aperiendum. Hos montes (indice digito montes australes monstrabat) traiciendo, mare aliud è promontoriis despectare licebit, quod nauigiis velificatur nihilo vestris minoribus, (& carauelas insinuabat) licet & illi nudi agant more nostro, velis tamen & remis vtuntur. Ab aquarum è montibus diuortio, latus illud vniuersum ad austrum spectans, aurum gignit affluenter.

Hæc ille, & vna insinuabat escaria vasa, ceteraque vtenilia regem Tumanamam cis montanum & trans montanos omnes ex auro habere formata: aiebātque non minorem esse apud australes illos auri copiam, quā apud nos ferri. Ex qua nanque materia nostri enses & reliqua tela conficiant, intelligebat relatu nostrorum. Duces nostri iuuenis nudi orationem admirati, (interpretes enim habebant tres illos saginatos qui sesquiannum inter Careta familiares versati fuerant) animos ad eius dicta erexerunt: & auri è lancibus libralibus discussi temeritatem, in facetias & vrbanitatem conuertunt, commendantque illius & facta & exposita. Sed quibus argumentis innixus ista ferat, amicè interrogant: quid vefaciendum censeat, si plures copie venerint. Ad hæc iuuenis Comogreus idiomate patrio, in se parū receptus, vti orator



qui se ad aliquid graue differendum accingit, & corpus ad motus persuasioni necessarios disponit, in hanc repetit sententiam:

Attendite viri Christiani: Licet nos homines nudos auri cupiditas haudquaquam exagitet, ambitione tamen imperij causa, nos bellis inuicem conficimus, & vicinis præcellere nostris cupimus. Hinc pullulant inter nos dissidia, hinc nostra perniciēs. Bella gessere maiores nostri, gessit & genitor Comogrus cum finitimis regibus, in quibus & vicimus, & victi fuimus. Sicuti ex stratis hostibus apud nos mancipia cernitis, ex quibus septuaginta vobis dono dedi: haud secus nobis profligatis, & nostris hostes captiuos duxerunt aliquando. Bellorum nanque vices hæ sunt. Ex familiaribus nostris, qui apud eos mancipium egerunt, ecce vnum qui apud transmontanum regulum & eius regionis transmontanae, quæ magis auro scatet, dominum longo tempore victus sub seruili ferula vitam duxit infelicem. Ab hoc, & innumeris aliis huiusmodi, à liberis etiam hominibus ab illis ad nos, & econuersò amicè traiciētibz hæc nobis ab immortalī memoria propriis facultatibus notiora sunt. Attamen quo certius vobis ista referri sciatis, ne falli suspicemini, me duce victo, testēque parato ad supplicium, rem aggrediemini: vt me ex arbore vicina suspendatis, si differre à meis dictis vel puncto intellexeritis. Accite igitur, accite mille Christianos ad bella paratos, quorum robore possimus, vna cum Comogri genitoris mei nostro more bellatoribus, hostium vires confringere. Id vobis auri copiam optatam præbebit. Nos autem in ducatus & auxilij præmium, ab hostium nostrorum iniuriis & formidine perpetua, qua concepta malè pacati viuimus, liberabitis. His dictis, prudens iuuenis Comogreus conticuit: nostri verò saluam deglutire mercurialem, ampla spe auri iteratò cæperunt.



PETRI MARTYRIS MEDIOLA-  
NEN. OCEANÆ DECADIS SECVN-  
dæ, Putati continentis cap. quartum.

**P**aucos indè dies ibi commorati, Comogro sub nomine Caroli, ob Hispaniarum principem, baptizato cum eius familia, redeunt ad socios Darienenses, relictâ Comogro spe de militibus à filio petitis, quibus tuto quæât ad australe pelagus montes superare. Vicum quem habitandum elegerunt, ingressi, rediisse Valdiuiam post semestre à suo discessu, intellexerunt: sed cum parua commeatum copia, quia paruum aduexerat nauigium: spe tamen ampla de mittendis propediem & commeatum & recentium virorum auxiliis. Admirantus prorex & reliqui Hispaniola gubernatores, se nullam habuisse hactenus curam de Darienensibus fatentur, quod Ancisum prætorem cum sua naui onusta incolumem fuisse appulsum arbitrarentur: bono sint animo in posterum, hortantur, se nulla in re defuturos: ad præsens nullam habere nauim, qua plura Valdiuia quæât præbere de necessariis, inquit. Neque erat carauela, quam ipse aduexerat, capacior. Erat nanque licet nomine Carauela ob formam, exiguum tamen nauigium. Quare ad præsentem tantum necessitatem parumper moderandam, non ad egestatem tollendam, commeatus attulit Valdiuia. Post paucos igitur dies à Valdiuia regressu, iisdem angebantur angustius: præsertim quia veniens ex altis montibus turbo cum fulgoribus & tonitruis horrendis, mense Nouembri, tantam aquarum attulit alluuiem, ut segetes omnes, quas in solo bene fortunato, Septembri mense, priusquam ad Comogrum reguli proficisceretur, satas reliquerat, abstulerit partim, partim suffocauerit. Erant sementes illæ paniceæ, quod grani genus



Hispaniola maisum, *Vraba* hobbam appellat: quas diximus Messis  
 quotannis ter maturescere, quia regiones illae horrore hyema- ter in  
 li minime grauantur, ob viciniam ad æquinoctialem lineam. anno.  
 Ex hobba siue maiso panem esse triticeo regiones illas inco-  
 lentibus salubriorem, quod facilius concoquatur, consonat  
 physica rationi. Deficiente nanque frigore, ab extremis ad  
 præcordia calores minimè pelluntur. Frustrati ergò spe suarum  
 segetum, & vicinis Regulis iam & commeatibus & au-  
 ro expilatis, querere cibum à distantibus coguntur: & vna  
 significare gubernatoribus Hispaniola, quanta egestate vr-  
 geantur, quæ ve apud Comogrum de australi plaga intellexe-  
 rint: quò sit regi cura de mittendis mille illis armatis, quorum  
 dextra, si pacatò nequiverint, peruios, liceat facere montes v-  
 trunque mare interfecantes. Mittitur cum mandatis idem  
*Valdiui*, cui præbendas quæstoribus regis in Hispaniola se-  
 dem habentibus, octunciales tercentum libras ex quinta, re-  
 gio fisco debita, crediderunt. Eam libram Hispanus marchū  
 appellat: quam quinquaginta nummi aurei, castellani nuncu-  
 pati, complent. Castellani pondus, pesum dicunt. Quindecim  
 ergo millium castellanorum summam dicimus eam fuisse.  
 Est vero castellanus nummus, paulò minus triente, ducatum  
 aureum superans, prouinciæ peculiaris moneta, quæ nullibi  
 præterquam in Castella cuditur. Constat, ex ea summa libras  
 mille quingentas octunciales à Regulis affecutos fuisse. Quod  
 vniuersum in diuersa conflatum vel diductum monilia, pu-  
 ta torques collis, armillas brachiis, & bullas pectoribus im-  
 ponendas, laminulas etiam auribus & naribus affigendas  
 repererant. Mare igitur *Valdiui* conscendit ea carauelula,  
 qua venerat, redieratque alias, tertio idus Ianuarij, anni iam  
 M.D.XI. ab aduentu Domini, cum mandatis ad *Vaschi*  
 Nunne arbitrium, & ea quam retulimus auri summa re-  
 gis præbenda quæstoribus, & ex amicis portanda in



Hispaniam ad affines & cognatos, quam quisque optauisset. Quid Valdiuia inter nauigandum acciderit, suo loco dicemus: ad permanentes in Vraba redeamus. Hi dimisso Valdiuia, rabida fame stimulati, statuunt eius sinus intima vestigare per diuersa. Est ab ostio sinus eiusdem extremus angulus, distans milliaria circiter octoginta: angulum illum appellarunt Hispani Culatam. Angulum prahendit Vachus ipse cum centum hominibus, vectis per sinum vno bergantino & monoxylis prouincialibus quibusdam, quas diximus Canóas ab insularibus Hispaniolis appellari, ab Vrabensibus Vru. In sinum ex angulo fluuius cadit, ab Oriente labens, Dariene decuplo maior, aduerso fluuiio millia passuum triginta, aiunt nāque ipsi lequas nouem amplius, sed in dextram conuersi ad meridiem, incolarum pagos offendunt, quorum regulus Dabáiba nuncupatur: vti cacicum Hispaniola, y Chebí vltima acuta appellant. Ad Dabáibam se recepisse Cemacchum Darienis regulum, a nostris in praelio profligatum, intellexerunt. Ausugit Dabáiba. Putatur a Cemaccho monitus, ne nostrorū impetum opperiretur. Deserta omnia reliquit. Arcuum tamen & sagittarum acervos, supellectilia etiam & retia, piscatoriāsque scaphas plures repererunt. Lacunosa nanque palustriāque loca illa, neque iaciendis sementibus aut arborum plantationi apta esse cognouerunt. Propterea exiguum eorum quae affectabant, cibariorum scilicet, copiam consecuti sunt: quia piscium permutatione a finitimis panem ad propriam tantum indigentiam y piscatores comparant. Auri autem calati millia castellanorū septem, ex desertis domibus habuerunt. E monoxylis, quadam: ex arcubus, centum: ex sagittis, fascēs aliquot: ex supellectilibus, cuncta. De prouincialibus Vru, id est, lintribus, duas abduxerunt. Ex eius fluminis paludibus vespertilioes inquirunt prodire noctū, turturibus non minores, morsu lethali nostros infestantes. Id aliqui ex ijs, qui morsus



expertii sunt, testantur. Ancisus prator eiectus, interroganti mihi de Vespertilionum venenato morsu, retulit se fuisse inter dormiendum à Vespertilione demorsum in talo pedis, astate ob calorem detecti: nec magis nocuisse, quam si alterius animalis non venenosi dentibus laesus fuisset. Dicunt alij, Venenosum esse morsum: sed aqua marina ilico lotum, curari. Retulit etiam Ancisus, mederi aqua marina & igneis cauteriis, simul vulnerato ab incolis venenata sagitta: seque id in regione Caribana, vbi plures ex suis percussi fuerunt, experimento comperisse. Ex angulo igitur sinuali Vrabæ redeunt parum contenti, quandoquidem non onusti cibariis. Redeuntibus illis exorta est in vasto illo situ tanta tempestas, vt supellectilia omnia, que à miseris piscatoribus afferebant, projicere in pelagus fuerint coacti. Ex vræ etiam, id est, lintribus, quasdam vna cum hominibus absorpsit mare. Eodem vero tempore, quo Vascus Nūne tentare sinūs angulum ad meridiem constituit, ex composito Rodericus Colmenares cum viris sexaginta per alterius gurgitis alueum ab Oriente ad montana carpit iter. Is ab ostio fluminis ad millia passuum circiter quadraginta (inquiunt nanque lequas duodecim) pagos offendit in ripa fluminis sitos: quorum chebi, id est, regulus, Turui appellabatur. Apud hunc regulum adhuc morabatur Colmenares, quando Vascus Nūne post reditū ad Darienē, aduerso & ipse flumine Colmenarem adiit. Indè refecta iam eius Turui cibariis sociorum caterua, statuunt vna conscendere. Ad miliaria totidem ab illis quadraginta, insulam complectitur fluminis piscatorum patriam. Eam, quia natiuas ibi arbores offenderint cassiam fistulam gignentem, Cannafistulam appellarūt. Ficos in eo sexaginta repperunt, gregatim casas decem habitantes. A dextro insule latere labitur alter fluuius, & ipse prouincialibus lintribus & bergantinis sustinendis aptus.

Con-  
tra ve-  
nena-  
tas sa-  
gittas  
reme-  
dium.



Riuum Nigrum fluiuium appellarunt. Ab ostio fluminis eius ad millia passuum quindecim, sparsim reperere vicum domorum quingentarium edificatum: cuius chebin, id est, regulum, Abenamcheium vocari aiunt. Domos deseruere omnes vbi primum nostros aduentare senserunt. Sed cum fugientes insequerentur, mutato consilio, reuertuntur, & irruerunt in nostros atrocibus animis, vt qui è propriis laribus pellebantur. Ensisibus ligneis, sulibus etiam præuulsis & hastis teretibus oblongis, non autem sagittis, nostros impetunt: occidentales namque sinus, haudquaquam arcibus bella gerunt. Facile profligati miseri nudi sunt nostrorum telis. Dum eos insequerentur nostri, regulum Abenamacheium & primarios quosdam capiunt. Capiō regulo, pedes vnus qui vulneratus ab eo fuerat, lacertum abscidit vno ictu gladii, ducibus tamen inuitis. Erat ibi Christianorum numerus circiter centum quinquaginta: horum dimidiam partem ibi duces reliquerunt, ipsi vero cum ceteris aduerso iterum flumine tendunt linitibus patriis nouem, quas diximus appellari Vru. A riuo Nigro & insula Canna fistula millia passuum septuaginta, relictis à dextra leuâque pluribus in id maius cadentibus fluminibus, vnum capiunt duce incola nudo, ducendarum per ea flumina nauium magistro, in cuius ripa, ostio ipsius proxima, Abibeiba regulus incolis imperabat. Loca esse palustria cognouerunt, propterea primarium Abibeiba reguli atrium, in arbore summa edificatum erat. Nouum & insuetum habitandi genus. Sed adeo proceras arbores terra illa nutrit, vt inter earum ramos edificare domos liceat indigenis: vti de aliis arborum pud varios legimus authores, qui aestuante oceano, confugium habebant ad altas arbores: cum resfluente, piscibus vescerentur relictis. Trabibus inter ramos distentis & connexis inuicem, congeriem struunt contra omnem ventorum vim tutam. Putant nostri ob fluuiorum alluuias, quæ ibi crebre sunt

Ingens  
arborum  
magnitudo.



arbores domos incolashabere. Est arborum illarum altitudo tania, quod nulla virilis lacerti vis sit, quæ domum edificatam, iactu lapidis attingere sufficiat. Nec miror quidem, si Plinio & authoribus aliis crediderimus de arboribus Indicis, quas adeò proceras esse tradunt ob soli vbertatem & aquarum abundantiam, ut sagitta nequeant superari. Neque enim eius terra campi, omnium iudicio, cedunt vbertate aut aquarum abundantia ulli telluri, quam sol ambiat. Ex illis arboribus plerasque dimensi, brachiorum ambitu viri septem interdum octo stantes vix complexi sunt. In solo tamen cellas habent vinarias, eo vino, de quo supra diximus, refertas: quia licet ventorum furor minimè potis sit domos illas diruere, aut confringere ramos: conuoluitur tamen quauis integra, quacunque flatus trahat: vnde vina perturbarentur eo motu. Reliqua secum habent in arboribus. Vina per gradus constructos, arbori inherentes, famuli ad regulum & primarios prandentes aut cœnantes recentia supportant, non tardiore gressu, ac pede plano nostri pueri nobis ex abaco mensæ vicino ministrant. Abibeiba arborem nostri adeunt: colloquia ineunt, petunt nostri, ut descendat dato pacis signo: negat Abibeiba, ut se viuere sua sorte sinant, orat. Se post blanditias, diruturos arborem à radice, vel igne supposito crematuros, nisi cum omni familia descendat, nostri minantur. Renuente iterum Abibeiba, securibus impactis arborem quatere incipiunt. Visus ex arbore salientibus assulis ex sectione, mutauit Abibeiba consilium: descendit, sed ipse tantum cum filiis duobus. Agunt de pace, deque auro colligendo. Se aurum non habere, inquit Abibeiba: quod auro non indigeat, & se de auro nunquam fuisse sollicitum dicit. Instantibus, inquit Abibeiba: si tanta est auri vestra cupiditas, aurum in vicinis montibus queritabo, & repertum ad vos feram: gignitur nanque in proximis montibus aurum. Diem statuit quo rediturus esset:



nec statuto die, nec post statutum regressus est. Abibeiba. Discedunt ergo inde benè saturi dapibus & vino Abibeiba, sed minime auro diuites, uti putauerant. Ad Abibeiba tamen & ditionariis eius ac filiis de aurifodinis & Caribibus siue Canibalibus humana carne vesci solitis, de quibus alias latius, illa eadem accèpere, quæ apud Comogrum regulum audiuerant. Ad millia passuum iterum triginta circiter ascendentes, in Canibalium tuguria, sed vacua penitus cuncta, inciderunt. Cum nanque sentirent nostros viciniam perambulare, se fortunâsque suas humeris ad montana intutum receperant.

PETRI MARTYRIS MEDIOLANEN. OCEANÆ DECADIS SECVNDE, Crediti cōtinentis cap. quintum.

**I**Nterea dum per fluuiorum ripas ista geruntur, ex ijs quos Paschus & Colmenares in riuo Nigro Abenamachéij reguli ditione, reliquerant ad terre custodiam, decurio quidam nomine Raia, siue fame compulsus, siue quod fatalis esset ei ille dies, cum sociis nouem viciniam fuit ausus vestigare. Pagum finitimum reguli, nomine Abraiba, adiuit. Raia ipsum & duos è sociis Abraibes trucidauit, ceteri aufugerunt. Post paucos inde dies affinis & vicini Abenamachéij domo expulsi, cui brachium, ut malum malo adderetur, abscidisse peditem in riuo Nigro diximus, Abraibes misertus: profugus nanque ad Abraibem Abenamachéius concesserat, Abibeibam arborem habitatorem conuenit: qui & ipse domo extorris, nostrorum congressum vitans, per deuia montium & sylvarum errabat. Abibeibam compellat Abraibes in hunc



sensum: Quid rei hoc est, Abibeiba infelix? Quæ gens hæc? prohi miseros, quæ nos tranquilla pace fruëtes exagitat? Quousque tandem patiemur horum sauitiam? nonne satius est mori, quam ea ferre, quæ tu, quæ Abenamacheius affinis noster, quæ Cemacchus, quæ Careta, quæ Poncha, & reliqui nostri ordinis principes ab his passi sunt? Vxores, filiosque etiam ditionarios captiuos duci, & fortunas omnes in prædam trahi ante oculos? Me nondum attigerunt, sed exemplo aliorum, non longè abesse meam perniciem æquum est credere. Vires igitur nostras & fortunam experiamur in eos, qui Abenamacheium domo expulerunt, & malè tractarunt. Irruamus: is trucidatis, fortè reliqui nos adoriri ultra verebuntur, & si tentauerint, hos habebimus ex eorum acie detractos. Quicquid euenerit, æquanimius tolerandum erit.

His & huiusmodi auditis, Abibeiba in Abraiba sententiam it pedibus. Diem ad rem gerendam statuunt, sed eis minimè successit ad votum. Ex us nanque, quos diximus ad Canibales vsque ascendisse, redierant ad riuum Nigrum forte fortuna ea nocte, quæ diem insidiarum præcesserat, viri triginta missi in auxilium relictorum, si qua vis ingrueret de qua suspicabantur. Eccè vbi primum eluxit, reguli cum ditionarius, armatis more suo quingentis, pagum sublato ingenti clamore impetunt, de recentibus, qui ea nocte venerat inscii. Nostri scutati ad eos prodeunt: sagittis primo percutiunt dehinc hastis, & comminus ensibus strictis irruunt in aduersos. Gens nuda plures inspectans hostes quam sibi persuaserat, facile profligatur, trucidaturque maiori ex parte, veluti grex incompressus. Reguli euaserunt. Captiuos ad Darienem mittunt, quoscunque viuos affecuti sunt. Horum opera vtuntur ad agros sementesque colendas. His actis, & pacata ea prouincia, redeunt secundo flumine ad Darienem: relictis ibi triginta viris in prouinciæ custodiam, duce Furtado quodam decurione: licet decurioni more Roma-



no non sint addicti præcisè quindecim milites quos regat, centurionique centum vigintiocto: centuriones tamen Vltro citroque centenarium numerum, & Vltro citro quindenum, decurionem est consilium appellare. Nec enim hos seruant ordines Hispani examussum: cogimurque nomina rebus & magistratibus dare. Is ergo Furtadus decurio è riuo Nigro, cui præerat, viginti è suis sociis & vnâ fœminam cum captiuis quatuor & viginti, vna tantum ingenti lintre prouinciali demittebat secundo flumine ad Raschum Præfectum & socios. Ecce illos ex transuerso quatuor vruid est, monoxyla impetunt, prosternunt: neque enim parati descendebant per fluminis alueum, quia nil tale suspicabantur. Lintrem nostrorum inuertunt, trucidant quos assequi possunt. Ceteri obriuntur, duobus exceptis, qui ligna quædam complexi, ad socios vsque, ab hostium furore lignorum fascibus, qui per alueum defluebant, inuoluti, deceptis hostibus, euaserunt. Ab his duobus seruatis moniti, quid rei hoc sit, scrutari omni studio incipiunt: solliciti de seipsis, meditantèsque sociorum in riuo Nigro discrimen, nisi fors recentes illos triginta demissos, nocte insidias præcedente ad vicum appulisset. Concilia frequentant: in re tam dubia musitantes, quid consilij capiant, haudquaquam occurrit. Sagaci tandem indagine vestigando intellexerunt, regulos quinque, putà Abibeibam palustris arboris incolam, Cemacchum vico, quem nostri habitant, spoliatum, Abraibem & Abenamacheium affines, riui Nigri accolæ, & Dabaibam piscatorum anguli sinualis, quem diximus Culatam appellari, dominum, de trucidandis statuto die Christianis cõuenisse. Et quippe cessisset, nisi vetuissent superi. Miraculo ascribitur, & quidem non iniuria, si piè libauerimus, quonam pacto fors regulatorum consilium patefecerit. Auditum dignum est, propterea rem breuibus pandam ordine suo. Raschus ille Nunne, qui magis vi quàm suffragiis



principatum in Darienenses vsurpauerat, egregius digladiator, inter multas quas rapuerat fœminas prouinciales, vnam præter ceteras habebat forma eximia. Ad eam ibat ac redibat frequens germanus eius, qui Cemaccho regulo familiaris erat palatinus: domo & ipse priuatus patria, sororis amore stimulatus, inter loquendum hæc verba protulit: Dilecta mihi soror, dilecta, ausculta meis dictis, & celato, quæ referam, si tibi mihi quæ, vniuerso etiam generi nostro benè consultum iri desideras. Est horum hominum, qui nos auitis laribus propellunt, insolentia tanta, ut nullo pacto eos ferre vlrà constituent terræ principes. Ducibus quinque regulis (regulos ordine suo nominatim enumerauit) ad rem gerendam, centum esse vrus paratas: mari terræque multitudo armatorum ad quinque millia cogetur. Ad exercitum nutriendum commeatus in vico Tichiri coaceruantur. Diuississe etiam regulos inter se ex composito nostrorum & capita & facultates, enarrat sorori bonus frater. Propterea monet, ut statuto die intuitum se recipiat, occasionem naeta aliquam, nè in confuso trucidetur. Nescit nanque victor miles occurrenti cuiquam ignoscere. Et diem cædi addictum, puella sorori patefacit. Puella verò, quia ferrum est quod fœmina obseruant, magis quam Catonianam grauitatem, siue quod Vaschum amaret, siue quod vereretur, parentum & propinquorum omnium & vniuersæ vicinæ oblita, regulorum etiam quibus gladium iugulo tenus imposuit, Vascho rem omnem aperuit, nil eorum prætermisit, quæ imprudens germanus disseruerat. Re intellecta, datur opera per Fuluiam, ut frater reuertatur. Accitus à sorore, ilicò regressus est. Capitur, fateri cogitur: Cemacchum regulum herum suum quatuor illas vrus ad nostrorum perniciem misisse, Cemacchi quæ consilio paratas esse insidias, apertè fatetur. Struxisse etiam Cemacchum particulatim interitum ipsi Vascho, dato in mandatis quadra-



ginta ditionariis suis, quos in amicitia pignus ad Vafchum miserat, ad colendum Vafchi agros, ferendos, more patriæ, ut marris interficerent. Solebat Vafchus adire fossores, uti moris est honorum æconomorum, quo animum praberet ad laborem ferendum. Ditionarii tamen heri reguli mandatum exequi haudquaquam ausi sunt, quia nunquam pedes aut inermis ad eos profectus esset Vafchus. Equam nanque habebat, qua visebat agricolas, & lanceam dextra gestabat semper suo patrio more. Quare frustratus particulari consilio Cemacchus, hoc ultimum ag gressus est, sibi vniuersisque finitimis perniciosum. Coniuratione nanque patefacta, Vafchus ipse septuaginta vocat viros: se sequantur, edicit. Quo tendat, quidve statuerat, nemini palam facit. Ad Cemacchum primò tendit, qui agebat ab ipsis millia passuum decem. Sed esse apud Dabaibam palustrem Culata regulum profugum intellexit. Sacchum eius id est, primarium affinem palatinum (sic enim primarios appellat ut regulos chebi) cum ceteris familiaribus prehendit, captiuos ducit. Aliquot ibi tam mares quam foeminas reperit. Eadem hora qua ipse, Cemacchum quæsiturus pedem è terra mouit, Rodericus Colmenares, aduerso flumine cum vru quatuor & viris sexaginta, duce puella fratre, tetendit: vicum adoritur Tirichi appellatum, in quo diximus cogi commeatus ad alendum exercitum. Vicum occupat: quicquid ibi coacervatum erat, puta vini diuersorum colorum, uti apud Comogrum diximus, & ex omni genere panis, reliquorumque eduliorum prouincialium, in suam potestatem reducit. Sacchum Tirichensem, cuius veluti per prætorem exercitus res patrandæ erat, unâ & quatuor primarios prehendit: imparatos nanque reperit: suspensum ab arbore, quam ipse coluerat, Sacchum sagittis configi ante oculos incolarum, & primarios patibulis colligari, iussit Colmenares, ad aliorum exemplum. Hac pœna

Tirichi



coniuratis illata, formidine tanta repleuit prouinciam vniuersam, quod nullus est iam, qui audeat erigere vel digitum contra torrentem nostrorum iram. Pacatò iam viuunt: subdūt colla libentes ceteri reguli: neque vltra saeuitum est in reliquos. Ex hostium horreis & cellis vinariis refertis in Tiri-chensi vico, geniales egerunt dies aliquot.

PETRI MARTYRIS MEDIOLA-  
NEN. OCEANÆ DECADIS SE-  
cundæ, Crediti continentis  
cap. sextum,

**P**ost hæc vocatis in concionem sociis, omnium suffragiis sancitum est, vt procurator aliquis ad Hispaniolam, vnde ius & auxilia expectant: deindè in Hispaniam ad regem mittendus deligatur: qui seriem rerum omnium Admiranto & gubernatoribus, regi deindè proponat: nitaturque regi persuadere de mittendis mille hominibus illis quos iuuenis Comogreus ad traiciendos montes, australem plagam ab eis dirimentes, opus esse dixerat. Ambiuu sibi Vafchus Nunneꝝ procuratorium id munus, sed minimè sociorum suffragiis id assequi potuit neque factionarii eius assensu sunt, vt inde discederet, cum quia se desertos arbitrarentur, tū etiam quia immurmurabant omnes, Vafchum, si semel inde euaderet, ad eam calamitatum combustionem nunquam rediturum, exemplo Valdiuia ac Zamudii, quos à mense Ianuario miserant, putabantque deliberatò noluisse reuerti. Sed aliter, vti suo loco dicemus, res se habebat: nam perierant. Scrutiniis igitur variis inter se diu contendunt. Deligunt tandem Ioannem quendam Quicedum, virum grauem & maturum etate, fisci regij Quaestorem in illis



terris. In hoc Quicedo fidem habebant summam de re bene gerenda: de reditu etiam quia uxorem ad eas regiones secum duxerat, quam in pignus sui regressus in sociorum potestate relinquebat. Quicedo electo, de collega illi praeendo, diuersa surgunt sententia. Maximo esse discrimini, inquit aliquis, rem tantam locare in vnius viri manibus: non quod Quicedo diffidant, sed quia sit vita hominum fragilis, ipsis praecipue

Cōsue- iam equinoctiali vicina temperiei assuetis, si cogantur ad se-  
tum ac- ptentrionem reuerii ad varias aëris & ciborum mutationes.  
rem mu Dandum ergo esse collegam Quicedo censent, ut vno deficien-  
tare, pe te, quod facile potest accideret, supersit alter: utque duorum  
riculo - relatu, si ambo euaserint, firmiter a rege fides adhibeatur. In  
sum. diuersa studia rem distendunt. Sors tandem in Rodericum  
Colmenarem, de quo saepe mentionem fecimus, cecidit, quia  
polleret rerum experientia. Percurrerat namque ab adolescen-  
tia ac iuuentute mari ac terris Europam vniuersam, & re-  
rum in Italia gestarum in Gallos, fuerat particeps. Non infir-  
mior tamen illis causa visa est, qua sperare deberent Colme-  
narem, si viueret, rediturum, quod in Dariene maxima sibi  
prædia comparasset, maximasque sementes iactas relinqueret,  
quibus vendendis sicco pede speraret se aurum promerciale à  
sociis consecuturum. Reliquit igitur curam rerum suarum  
contubernali cuidam suo Matritensi municipali Alfonso  
mei hostis filio vnico, Nunneꝝ nomine: qui iuris dicendi  
prætor erat, & ferè sociorum suffragiis fuerat procurator ele-  
ctus pro contubernali Colmenare: perfectumque fuisset: nisi  
sponsam Nunneꝝ ipsum habere Matriti, è sociis vnus patefe-  
cisset. Veriti namque sunt, nè sponsa lachrymis deuinceretur,  
& abiret non rediturus. Colmenare igitur libero viro electo  
Quicedi collega, bergantinum ambo, neque enim grandius  
iam vllum nauigium habebant, ingrediuntur quarto calen-  
das Nouembris anni duodecimi supra quingentesimum &  
millesimum



millesimum à nostra redemptione. Ex itinere variis agitati tempestatibus, vi ventorum proiecti sunt ad occidentale litus eius vastæ insulæ diu credita continentis, quam in prima decade Cubam diximus appellari. Egestate iam summa premebantur ob diuturnitatem temporis: agebatur nanque tertius iam mensis à discessu à sociis: terram captare coguntur, ut si qua reperiant, ab indigenis auxilium experiantur. Fortè ad eam eius insulæ oram appulsi sunt, in qua & Valdiuia tempestatibus quassatus terram captauerat. Proh miseri: expectate Darienenses, Valdiuiam ut vestris ærumnis mederetur missum, expectate. Appulsum Cubenses incolæ cum sociis omnibus ad vnum trucidarunt, & discriptam in littore carauelam qua Vehabantur, reliquerunt. Super repertas quasdam carauelæ tabulas arena semiobrutas, Valdiuiam & socios deplorarunt. Cadauer nullum offenderunt: putant vel in mare proiecta, vel Canibalibus edenda præbuisse recentia. Eas nanque regiones Canibales sæpè incuritant edendorum hominum causa. Ab insularibus duobus, quos deprehenderunt Valdiuia intellexerunt perniciem, auri etiam cupiditate, quod habere Valdiuiam incolæ ab loquace è sociis vno cognouerant, pellectos, de patrando tanto scelere cogitasse suos conterraneos, duo illi professi sunt: aureis nanque & isti monilibus oblectantur. Truculenta sorte perculsi, quia præcipuè frustra sociorum ultioni intendissent, aufugere crudeles terras & auaræ nudorum hominum sauitiam constituunt. Iter ergò suum, mæsti ob causam sociorum, penuria rerum laborantes prosequuntur. Priusquam Cubæ latus illud meridionale superarent, mille illis aduersi casus acciderunt: & Fagedam intellexerunt appulsum, & ipsum per ea littora infeliciissimam transegisse vitam tempestatibus quassatum, aiunt: per mille anfractus, ærumnarum mille genera fuisse perpeßum: dehinc penè solum, sociis amissis vel fame anbelantibus in

K



diuersa relictis, vix viuum ad Hispaniolam deuectum, vene-  
 nique tandem atrocitate ex illo vulnere, quo percussus dixi-  
 mus ab incolâ Vrabensi, proieciſſe animam. Ancisus vero  
 prator electus, ſecundiore fortuna terras eaſdem peragrauit.  
 Se optatos Ventos inter ea littora offendiſſe, mihi aſſenſus eſt  
 in curia, & ab incolis Cuba ſe fuiſſe benignè ſuſceptum, ia-  
 etitauit: ſed in Cacici cuiuſdam præcipuè dominatuſ, cui nomē  
 eſt Commendatori. Is cum baptizari à tranſeuntibus Chriſtia-  
 nis peteret, quo nomine Hispaniola vicina inſula guberna-  
 tor appellaretur, interrogans, Commendatorem nominari au-  
 diuit. Erat enim eo tempore, quo is voluit baptizari, guberna-  
 tor quidam egregius vir ordinis equeſtris militiæ Calatrava:  
 cuius institutionis equites, Commendatores appellantur. Op-  
 tauit prætereà cacticus ille, id eſt regulus, appellari Commenda-  
 tor. Commendator igitur iſte inſularis Ancisum ad ſe apul-  
 ſum, benignè ſuſcepit hoſpitiū, & oppleuit neceſſariis ad vi-  
 ctum. Sed quid de religione ſanctimoniâque ibi Ancisus ſer-  
 uari didicerit ab incolis, tu ſanctiſſime Pater, cuius dextra re-  
 ligionem ſanctimoniâque induimus, accipito. Nautam igno-  
 tum malè ſe habentem, per Cubenſia littora faciētes iter e no-  
 ſtris quidam, reliquerant apud Commendatorem regulum.  
 Nauta in honore habitus à regulo & eiſus ditionariis, valetu-  
 dine recuperata, Commendatoris Præfecturam in bellis ge-  
 rendis ſæpè exercuit: mutuis nanque ſeſe inuicem conficiunt  
 præliis: & victor euasit ſemper. Is licet literarum ignarus, bo-  
 no animo vir, beatam Virginem Deiparam pientiſſimè cole-  
 bat, & ſecum perpetuò conſutum in pectore Virginis ipſius  
 in charta pulchrè depictum geſtabat ſimulacrum. Eam pieta-  
 tem victoriam ſibi ſemper peperiffe Commendatori ſignifica-  
 uit: atque vna Commendatori perſuaſit, abiciendos eſſe Xe-  
 mēs omnes, quos ipſi colerent, quia nocturnos lemures anima-



rum nostrarum voratores infensissimos referrent: beatamque Virginem Deiparam patronam sumerent, si felici ductu res suas omnes bello & pace iri gubernatum optarent. De futura nullo tempore Virginem Deiparam, si cor le pio numen eius inuocauerint. Facile nudis gentibus nauta persuasit. Virginis ergo simulacrum regulo roganti dono dedit, cui & ad eum altare dicauit: Lemibus, quos auitos colebant, posthabitis. De Lemibus, Pater beatissime, ex gossampino ad nocturnorum lemorum, quos familiariter passim vident & alloquuntur, similitudinem contextos, & eodem gossampino in miram durtiorem interius constipatos, in decimo nostrae decadis libello latissime. Ex nautae instituto, sole vergente ad occasum, Commendator ille regulus & vniuersi eius ditionarii vtriusque sexus, domum Mariae Virgini dicatam adeunt quotidie. Ingressi flexis genibus, capite reuerenter obstipo & manibus iunctis simulacrum his verbis multiplicato salutant: Ave Maria, ave Maria. Pauci nanque ex eis, plura proferre eius orationis verba didicerunt. Ancisum itaque & socios adeuntes, dextra prehensos ad dicatam domum alacres ducunt: se illis mira ostensuros inquit. Simulacrum digito monstrauerunt, monilibus & fictilibus vasis, edulis & aqua plenis, per podia circumseptum. Hæc nanque simulacro, sacrificij loco, donant ex auita religione erga Lemes. Inquit, ea se simulacro præbere, nè, si fame vrgeatur, defint cibaria. Fame vrgeri posse simulacrum, integro sensu putant. Sed quid auxilij a simulacri numine, hoc est, a beata Virgine, se fateantur habuisse, auditu pulcherrimum est: & mediis fidiis, beatissime Pater, pro certo habendum: iatus est enim, ex nostrorum relatu, pietatis erga Deipara Virginem in his simplicibus incolis feruor, ut ad se laborantes in praelio, precipue contra suos hostes, penè diximus, cogant è caelo descendere: quandoquidem precium, quo

Sic nimirum fit, ut religio alia in aliam mutata, ex priore plurima seruet.



Miracu-  
la pu-  
gnæ te-  
poris.

emere ipsum & suos calites possumus, reliquit hominibus Deus, pium scilicet amorem & charitatem ardentem. Quoniam igitur pacto poterit vlllo tempore deesse beata Virgo, praesidium eius pura fide inuocantibus? Anciso & sociis Commendator & palatini eius omnes asseuerant, conserta manu, nauta duce, simulacrum portante secum, Zemes hostium in conspectu simulacri virginiei, omnibus rem intuentibus, versa facie intremuisse. Zemes enim quique suos ad praelium in auxilium portant. Nec simulachrum modò, sed viuentem fœminam candidis vestibus pulchrè amictam, pugna tempore auxilia ferentem in hostes, se vidisse asseuerant. Fatentur iidem hostes, ex aduerso sceptratam & minacem apparuisse, suis hostibus fauentem, mulierem: cuius adspetu præcordia sibi horrescere sentiebant. Postea verò quam abiit nauta, ab adeuntibus ea littora Christianis susceptus nauigio, seruasse ad vnguem nauta instituta se, Commendator fatetur. Cum finitimis exortam esse diram contentionem de Zemis retulit: puta quinam Zemes esset alio sanctior ac potentior, superque hac disceptatione certatum fuisse aperto Marte sapius cū finitimis: sed beatam Virginem defuisse nunquam, quin ingruente certamine, affuerit, attuleritque contra maximas hostium copias parua manu facilem victoriam. Quibus verbis clamore sublato in hostes irruerent, interrogati: se nil aliud vnquam ex nautæ doctrina protulisse, quam sancta. Maria adiuvata nos: sancta Maria adiuvata nos: idiomate tamen Castellano. Id enim in omnium ore liquidè prolatum nauta reliquerat. Dum ita sese inuicem crudeliter trucidarent, pacto fœdere conuentum est: non vt singulari electorum ex vtroque exercitu certamine, vt sæpe Romanis, multisque aliis contigit apud antiquos: aut sagaci aliquo consilio res decerneretur: sed vt alternè ex vtroque populo manibus post terga ligatis, & ad vincientis arburium post terga innodatis vinculis, in



aperto agro singuli iuuenes sisterentur, cūque meliorem esse  
 Xemen aduersi annuerent, qui suæ partis colligatū iuuenem  
 celerius liberaret. Sancito fœdere, iuuenes alternè vinciunt  
 duos: Commendatoriani aduersum, aduersi vero Commenda-  
 torianum: ter idem tentasse inquirunt, tēque inuocatum sui  
 Xemis demonem, ad ligatum ex aduerso accurrisse, viroque  
 vincto inspectante. Sed proclamante Commendatoriano assue-  
 tam appellationem, sancta Maria adiua me, sancta Maria ad  
 iua me: aduentasse ilicò candidatam Virginem: & fugato  
 demone, imposta virga, quam manu gestabat, in Commenda-  
 toriani vincula, solutum subito fuisse ante alterius oculos  
 Commendatorianum, transisseque in aduersum ea vincula,  
 quibus erat Commendatorianus ab hostibus innodatus, ita  
 quod hostes repererint liberatum aduersa partis iuuenem, suū  
 vero duplicibus adstrictum vinculis. Sed neque his contentos  
 referunt hostes, præstigiis nanque id agi humanis arguunt, nō  
 melioris numinis aduenientis potestate. Vt igitur viri gra-  
 ues ætate ac moribus pollentes, ab utroque populo quatuor ad  
 sint in prospectu ligandorum iuuenum, qui an fraus insit, nec  
 ne, dijudicent, expostulârunt hostes. O simplicem, ô puram ani-  
 morum benignitatem, ô auream, ô beatam simplicitatem.  
 Annuit hostium postulatis cum suis familiaribus Commen-  
 dator, ea fide, qua petiisse salutem sanguinis alluie valetu-  
 dinariam: qua petrum, cuius beatissime Pater vicem geris,  
 siccis pedibus viso Domino fluctus calcasse didicimus. Fœdus  
 igitur, vinciuntur iuuenes, viris grauibz octo adstantibus:  
 statuto limite locantur. Dato signo, suum quisque Xemen ap-  
 pellat, in auxilium vocat. Aduentantem sui Xemis demonē Incre-  
 caudatum, hiatu vasto dentatum, cornutum, Xemen ipsum dibilia  
 manufactum emulantem, & ligati & spectantes cernunt, la. miracu-  
 volentem è vinculis iam soluere sibi dicatum iuuenem. Ad  
 proclamantis Commendatoriani vocem præsto fuit beata Vir-



go, viris grauibus protentis oculis ad rem tendentibus animis: assueta facit virga in aduersum, fugato demone, transilire sui clientis vincula. Perculsi tanto miraculo Commendatoris hostes, Virginis Xemen suo Xeme digniorem esse fatentur. Eius rei argumentum est, quod audito Christianorum appulsu ad eas terras, pagani Commendatori finitimi, qui cum eo capitalia odia exercuerant, & saepe confluxerant, oratores ad Ancisum miserunt, rogatum, ut sacerdotes ire iuberet, qui eos baptizarent. Duos quos secum habebat Ancisus propere mitti. Centum triginta vno die ex Commendatoris quondam hostibus, tunc amicis & affinibus, baptizarunt. Gallinaeum genus apud hos incolae nostrorum industria coaluisse diximus. Quicumque ad baptismum confluxerant, sacerdotibus gallinam offerebant, aut gallum: caponem haudquaquam. Neque enim, ut capones efficiant, castrare pullos adhuc didicerunt. Salsos etiam pisces, & ex pane recentes afferebat quisque placentas, vna cum altilibus. Redeuntes ad littus sacerdotes illos, sex homines ex baptizatis, muneribus onusti, comitati sunt, quibus lautum pascha peregerunt. Ante Lazari nanque Dominicum diem, bi duo tantum ex Dariene discesserant: & vltimum Cuba angulum cuneatum, ab Oriente Hispaniola vicinum, eo tempore abradebant. Commendatoris rogatu, relictus est apud eum vnus e sociis, libens tamen, non alia de causa, quam ut ipsum ditionariosque suos, & finitimos, si accesserint, angelicam salutationem edoceat. Arbitrantur namque se maiori curae fore numini Deiparae Virginis, quo plura eius orationis verba didicerint. Assensus est Ancisus Commendatori: & his actis iter suum ad Hispaniolam, cui iam proximus erat, prosecutus est. Dehinc ad regem in Valladolido morantem, se contulit, vbi mecum versatus est familiariter, & in Vascum Nunne gladiatorem acriter concitauit: promulgataque fuit in eum aduersa sententia. Anciso proci-



rante. Hæc volui, beatissime Pater, de incolarum religione recensuisse: quæ non ab Anciso solum, verumetiam à pluribus aliis autoritate pollentibus viris scrutatus sum: quò intelligat Beatitudo tua, quàm docile sit hoc genus hominum, quàm que facilis pateat eis ad nostræ religionis ritus imbuendos aditus. Nequeunt ista fieri repente. Paulatim ad Christi legem euangelicam, in cuius culmine sedes, trahentur omnes: & tui gregis oves multiplicatas indies magis ac magis, beatissime Pater, intelliges. Iam Darienenses procuratores repetantur.

PETRI MARTYRIS MEDIOLANEN. OCEANEÆ DECADIS SECVNDE, Crediti continentis cap. septimum.



EST ab Dariene ad Hispaniolam octo dierum, & interdum breuior, si flauerint in puppim placidi venti, nauigatio. Eam vix centum diebus procellarum causa procuratores peregerunt. Paucos nanque dies in Hispaniola commorati, mandatis Almiranto & gubernatoribus expositis, paratas ipsis adeuntibus mercatorias naues, quæ frequentes ad Hispaniolam eunt & redeunt, ascenderunt: nec ante calend. Maii alterius anni ab eorū discessu, ex Dariene ad curiā profecti sunt. Duo igitur Darienensiu procuratores Quicedus & Colmenares, mēse Maio anni decimitertij & quingētesimi à millesimo curiā ingres-<sup>1513.</sup> si sunt. Ioānes Vero Fonseca (cui ab initio curiæ negociationis huius fuit onus demādatū: quē ob fida in reges obsequia in Pacensē, dehinc Cordubensē, post Palantiniū & Vnā Rosaniū Antitistem, alij pontifices: nunc tua Sāctitas in Burgensē, erexistis: & quia sit regiæ domūs capellanus maior & con-



siliarius, indulti regij cruciataque regibus contra Mauros concessa generalem commissarium creastis) Venientes Quicedum & Colmenarē ab orbe diuerso, à gentibus nudis, à terris aliās ignotis, suscepit honorificè. Burgenfis ergo antistitis patrocinio Quicedus & Colmenares à catholico rege audiuntur. Quae attulerunt, regi palatinisq; omnibus auditu grata fuerunt, ob rerum nouitatem. Et apud me saepe cōtubernati sūnt. Darienensis aëris inclementiam horum vultus testantur: fluescunt nanque similes ictericis, & turgescunt. Sed ipsi praeterita id ascribunt egestati. Ab iis procuratoribus & Anciso, Zamudioque: altero etiam Baccalario iurisperito, qui Baëcia dicebatur, & terras illas peragrauerat: & à Vincentio Anne Nauium patrono, littorum omnium illorum perito: & Alfonso Nigno, multis praeterea gregariis, qui ductu eorum eas oras adnauigauerant, quaecunque gesta sunt intellexi: nullus nanque ad curiam rediit vquam, qui non fuerit delectatus & voce viua & scriptis mihi, quaecunque ipsi didicissent, patefacere. Ego verò à multis quae quisque mihi recensuit, praetermissis memoratu minimè dignis, illa tantum colligo, quae meo iudicio satisfactura historiae amatoribus arbitror. In tanta quippe rerum magnitudine, multa necessario emergunt, quae, nè nimis longa texatur oratio, praetereunda iudico. Sed ad effectum, quem procuratorum aduentus pepererit veniamus. Priusquam ij procuratores aduentarent, fama relatum erat, primarios illos praefectos Nicuesam & Fogedam, Ioannem etiam à Cossa, tanti momenti virum, vt regio diplomate nauium magister appellatus sit regius, infelici sorte perisse: disiderēque inter se paucos illos superstites in Dariene: ita vt neque trahendis ad fidem nostram simplicibus illis gentibus studeretur, neque de vestiganda natura terrarum curam gererent. Fuit consilium mittere ducem, qui rem deperditam, sublato imperio iis qui iniussu regio imperium vsurpauerāt,



restitueret. Eligitur ad prouinciam hanc capeffendam Petrus Arias Abulensis, cuius autem Segouienfis, cui est inter Hispanos antonomasice nomen inditum lustratori: quia egregius fortè fuerit à iuuentute hastilutor. Vulgato per procuratores Darienenses, in curia, quanti momenti res sit, tollere Petro Arias ducatum è manibus, multi apud regem pertinaciter insisterunt. At capellanus maior Burgenfis antistes, cuià interest, uti iam diximus, huic negotio laboranti præbere remedia: regem adiens, re intellecta, his verbis compellauit: Cum Petrus Arias forti animo, rex catholice, tuæ maiestati sub incerta discrimina trahendam obtulit vitam, sciāmūque longo experimento militibus regendis aptum esse: sed in Africanis certaminibus præcipuè, in quibus se gessit uti strenuū decet militem, & sagacem militiæ Præfectum oportuit: impium fore iudicarem, si cuiusquam alterius auaritia tantum excitati causa, hic exauthoraretur. Eat vir bonus iste dextris auibus, eat tuæ maiestati fidus alumnus, in regia educatus à teneris. Ex Burgenfis igitur episcopi consilio rex, Petri Ariæ cum amplioribus mandatis firmauit electionem. Mille ducentos bello aptos milites stipendio regio Burgenfis episcopus conscribit Petro Ariæ. Ex iis plerosque duxit è curia, discessitque ex Valladoletto circiter calend. Octobris anni tertii decimi supra quingentesimum à millesimo, Hispalim urbem, vulgò Simillam appellatam, multitudinem ciuium & opulentia insignem, profecturus: ubi per regios magistratus, & milium supplementum, & commeatus, reliqua etiam ad rem tantam facientia, sunt illi tribuenda. Habet enim rex in ea vrbe ad oceana tantum negocia domum erectam, ad quam euntes redeuntesque negociatores confluunt, de ijs quæ ad nouas terras important, de quæ auro inde relato rationem præbituri. Domū vocant Indicæ Contractationis. Reperit Petrus Arias Hispalim

Petro  
Ariæ  
1200.  
milites  
conces-  
si.

Dom<sup>o</sup>  
Indicæ  
contra-  
ctatio-  
nis.



Aloisius  
Cadamustus  
carpi-  
tur.

coacta iuuenum duo millia amplius: auarorum etiam senum non exiguum numerum: è quibus multi sese Petrum Ariam propria pecunia sine stipendio regio secuturos obtulerunt. Sed nè nimium destinata nauigia onerarentur, ne de com meatibus aliquando deficerent, trauciendi libertas ablata est. Est praeterea cautum, nè alienigena quisquam iniussu regio commisceatur Hispanis. Propterea fui admiratus, Aloisium quendam Cadamustum Venetum, scriptorem rerum Portugallensium, ita perfricata fronte scripsisse de rebus Castellanis, Fecimus, Vidimus, Iuimus: quae neque fecit unquam, neque Venetus quisquam vidit. Ex tribus meae decadis primis libellis, ad Cardinalem Ascanium & Arcinboldum, quibus eram cōterraneus quando illa fiebant, scriptitata ea excerpfit & suffuratus est, existimans nostra nunquam proditura in publicum. Potuit & fortè apud oratorem aliquem Venetum in eos libellos incidisse. Celebres namque viri ab illustrissimo senatu illo missi sunt ad reges hos catholicos: quibus ego ipse illa ostendebam libens: utque exemplaria ab eis caperent, facile assentiebar. Vt cunque sit, bonus vir Aloisius Cadamustus, alieni laboris fructum sibi studuit vendicare. De Portugallensium inuentis quae quidem admiranda sunt, an visa, ut ait, annotauerit, an ab alterius eodem modo vigiliis subtraxerit, non est meum vestigare. Viat & ipse Marte suo. Nullus ergo mare conscendit in ea militum copia, qui non fuerit à regis magistratibus conscriptus. Censiti tamen sunt extra ordinem plerique, inter quos & iuuenis quidam, nomine Franciscus Cotta, conterraneus meus: sed adepto meo supplicatu diplomate regio, quo ut illum aduenam cum Petro Aria traicere sinerent, magistratibus imperabat: aliter haudquaquam licuisset. Eat ergo Cadamustus Venetus, & se cuncta vidisse scribat: cum sex & viginti annorum, quibus huic catholico regi non malè gratus semper adstiti, autoritas vix va-



luerit ad impetrandum de transitu aduenæ diploma. Ex Genuensibus aliquibus, (sed quidem paucis) ob Admirantium primi earum terrarum repertoris filium, ea impenditur Venia: ceteris minimè. Conscendit igitur mare Petrus Arias per Betim Hispalim interluentem, secundo flumine circiter anni principium millesi ni quingentesimi quartidecimi. Sed malè auspiciò soluit. Tanta classem eam tempestas adorta est, ut naues duas discerperit: & è reliquis decere in mare commeatuum partem ad naues exonerandas fuerint coacti. Superstites ad Hispana litora retroceſerunt. Sed ilicò à regis magistratibus reſecti, remiſſi ſunt. Prætoria nauis, iuſſu regio, magister nauclerus erat Ioannes Vespucius Florentinus, Americi Vespucii, de quo ſupra, nepos: citi patruus hereditariam reliquit artis naucleræ graduūque calculi peritiā. Secundioribus ventis, ex Hispaniola relatum eſt, oceanum illos ſuſcepſiſſe. Veniens nanque nundinaria nauis, iam captare volentes Hispaniola vicinas inſulas, eos offendit. Interea tamen dum ſtimulatores mei Galeacius Butrigarius, & Ioannes Curſius tuæ ſanctitatis ſtudioſiſſimi, paratum ſe habere tabellarium, qui noſtras hæc oceanæas malè comptas Nereides, ſit delaturus ad Beatitudinem tuam, ne tempus teramus incuſſum, pleraque alia poſtergata, memoratu digna tamen iudicio meo, licet non locata ſuis ſedibus, recenſebo. Petrus is Arias ductor uxorem habet, cui nomen eſt Eliſabeth à Boadilla, ex fratre neptem, Boadilla Marchioniſſa à Moia: quæ urbem Segouiam Fernando & Eliſabethæ regibus, Portugallenſibus Caſtellam inuadentibus, tradidit: vnde vires ad reſiſtendum primo, dehinc ad bellū aperto Marte Portugalleſib⁹ inferēdū propulſandosq; ipſos, ſuſperit: ob theſauros quos ibi Henricus rex Eliſabethæ, reginæ frater, coëgerat. Bello & pace Marchioniſſa hæc dum viueret, virilem oſtendit animum, & eius conſilio

1514.



Adiam  
disces-  
surum  
maritū  
vxo-  
ris  
impen-  
se amā-  
tis ora-  
tio.

præclara multa gesta sunt in Castella. Huius est neptis ex fra-  
tre, Petri Ariæ vxor. Amitam magnanimitate neptis æmu-  
lata, discedere ad ignotas orbis oras & vastos terrarum pela-  
gique discursus parantem se, maritum his verbis compellat:  
Dilecte coniunx, maritali iugo nos fuisse à iuuentute nostra  
coniunctos hac lege, arbitror, vt vnâ, non seiunctim, vitam  
ageremus: quacunque te fata trahent, siue per vndosos oceani  
furores, siue per horrenda terrarum discrimina, comitem me  
tibi futuram scito. Nullum mihi potest periculum imminere  
adeo atrox, nullum genus mortis occurrere, quod mihi non sit  
multo leuius perferendum, quàm à te tanta locorum interca-  
pedine me semotam viuere. Emori semel satius est, & in ma-  
re piscibus, aut in terram Canibalibus vorandam projici,  
quam continuo luctu & perpetuo mœrore, non maritum, sed  
mariti literas expectando, contabescere. Mea est hæc non te-  
merariè, non ex tempore, non fœmineo raptu excogitata, sed  
maturè librata sententia. Vtrum malis eligito: vel iugu-  
lum mihi gladio impete, vel meis postulatis assentire. Nec fi-  
liorum quos Deus nobis præstitit, (quatuor enim mares & fœ-  
mellas totidem relinquebant) vel momento me retardabunt.  
Auitas illis & dotales opes, quibus queant inter sui ordinis  
equites vitam agere, relinquemus. De cætero nil mihi cura.  
Hæc vbi virilis animi matrona disseruit, videns maritus fixū  
vxo-  
ris animum ad ea perficienda quæ dixerat, contraire postu-  
latis minimè ausus est, sed vxo-  
ris tanta propositum commen-  
dauit. Secuta est ergò, vt suum Ipsicrateia scissis crinibus  
Mithridatem. Amat viuum hæc, vti mortuum Alicarnas-  
sea Caria, Mausolum suum Artemisia. Intelleximusque  
non infirmiore pectore oceanea murmura Elisabetham Boa-  
dillam generosam, molli pluma (vt est in prouerbio) educa-  
tam, perferre, ac maritum, aut è nautis inter marinos fluctus  
educatis quenquam. Sunt & alia è postergatis quæ referam.



In prima Decade mentio facta est non vulgaris de Vincentio Annez Pinzono. Is Christophoro Colono Genuensi, postea Admiranto, in prima nauigatione fuerat comes. Per se & pecunia sua postmodum, cum diplomate ac venia regia, vii est in Decade, vno tantum nauigio explorauit. Anno priore a discessu ducum Nicuesa & Fogeda, iterum tertio tractus illos percurrit ex Hispaniola. Hic Vincentius Annez meridionale Cuba latus vniuersum ab Oriente perlustrauit ad Occidentem: & Cubam, a multis ad ea vsque tempora, ob suam longitudinem, continentem putatam, circuiuit. Itidem & alij plures se fecisse aiunt. Vincentius Annez cognito iam experimento patenti, Cubam esse insulam, processit vltius, & terras alias ad Occidentem Cubæ offendit: sed tactas prius ab Admiranto. Quare implicite noua terra, in laeuam conuersus, illius terræ litora per Orientem abradens, Beragua, Trabe & Cuchibacoe sinuum fauces transgrediens, ad regionem, quam diximus in Decade Pariam appellari, & Os Draconis, nauim suam qua rehebatur, applicuit: ingressusque est vastum sinum, a Colono tactum, dulcium aquarum & piscium copia insularumque multitudine celebrem, ab Oriente a Curiana distantem milliaria centum triginta circiter: in quo tractu sunt media Cumana & Manacapana: quibus principatum de margaritis plerique donant, non Curiana. Facti certiores de nostrorum aduentu regionis eius reguli, qui Chiacones, ut in Hispaniola cacici, appellantur, exploratum mittunt, quæ ges hæc noua sit, quid de noui afferat, quid velit: atque vna lintres vniligneas (quæ monoxila esse diximus in Decade, uti de canoïs Hispaniola) parari iubent armatas. Lintres isti chiccos appellant. Stupuerunt quippe visis eius naus protentis velis: neque enim ipsi velis vtuntur vllis: & si vterentur, exiguis vii opus esset ob linterium angustiam. Suis ergo monoxylis pluribus ad nauim vectis, sagittis ausu temerario nostros:



adhuc spondarum repagulo uti mœnibus tutos, configere aut perterrefacere existimarunt. Nostri bombardas in illos excutunt, quarum tonitribus & vasta strage quando seriebant, attoniti, sese ipsi profligarunt. Dispersos & fugientes nostri per naus cymbam seruitoriam assequuntur, & trucidant quosdam, plures capiunt. His intellectis, & tormentorum mugitibus auditis, reguli oratores ad Vincentium Annez mittunt, veriti vicorum suorum direptionem, & hominum interniciem, si descenderent irati ex naui. Pacem orant, quantum per signa & nutus colligere possunt. Neque enim verbum ullum nostri se intellexisse fatentur. In pacis optata signum nostros egregiis muneribus donarunt: utpote auri tribus millibus ponderis eius, quod nummum Castellanum vocari diximus, vulgò pesum appellatum: & pleno masculi thuris præstantissimi ligneo dolio librarum octuncialium circiter bis millium sexcentarum: quare thuris feracem esse terram cognouerunt. Neque enim incolis Paria cum Sabæis est quicquā commercij: quippe quibus nihil penitus notum est extra sua littora. Cumque auro & thure & pavonibus patriis, à nostris tamen dissimilibus colorum varietate, fœminas viuas ad sobolem nouarum volucrum procreandam in Hispania, & è masculis numerum ingentem ad præsentem edendi usum præbuerunt. Supellectilia etiam gossampina quedam ad domorum ornatum pro aulais, miris modis & coloribus diuersis laborata, quibus erant pendula sparsim per simbras appensa aurea tintinabula, id genus, quod vulgus Italum vocat sonaglios, Hispanum cascaneles. Loquaces quoque psittacos variis coloribus quotquot placuit, dederunt. Est nanque psittacorum apud Parienses non minor copia, quam apud nos palumbium aut passerulorum. Hos incolas omnes genu tenus mares, fœminas surarum tenuis, gossampinis vestibus amictos simplicibus repperunt: sed viros more Turcarum insuto minu-




tim gossipio ad belli usum duplicibus. Dico gossipium id lanuginis genus, quod alias bombycinum appellatione vulgari Itala dixi: asscripturine sint ignorantia, an incuria, pleraque similia Latiniissimi viri qui Adriaticum incolunt aut Ligusticum, si ad eorum manus nostra deuenerint aliquando, vii primam Decadem vidimus nobis inconsultis, impressorū prelis suppositam: neutro cruciari statuo ad summum: voloque sciant, me Insubrem esse, non Latium, & longè à Latio natum, quia Mediolani: & longissimè vitam egisse, quia in Hispania. Idem velim dictum genuinis Adriaticis siue Ligusticis Latio propioribus de bergantinis, de carauelis, & ammiranto, adelantatoque vulgari appellatione Hispana. Me quippe non latet, Gracissantes architalassum: Latunissantes simul & Gracissantes, nauarchū hos, pontarchum illos, garrire dici debere magistratus eius principem. De cæteris huiusmodi idem, dummodo tue Sanctitati satisfactum iri credam, hac simplici mea de tantis inuentis narratione. His iam omis, ad Paria regulos redeamus. Hos reperit Vincentius Annez esse apud Parienses tanquam annuos rectores vicorum primarios tantum, quos ceteri, siue bello siue pace sit agendum, sequuntur. Vicos habent structos in ambitu sinus illius vasti. Ad nostros cum muneribus venisse è regulis quinque referunt: quorum nomina hic inferere. Statui ad tantæ rei memoriam, Chiaconū Chiauacchā, (Chiaconos namque suos optimates vno nomine appellant) Chiaconū Pintignantū, Chiaconū Chamailaba, Chiaconū Polomū, Chiaconū Pot. Sinus eū ab Almira-ta Colono primò repertū, vocant Baiā natiuitatis, quia natalis Christi die fuerit eū ingressus: prætereundo tamē, sinu non perlustrato. Baiam Hispanus vocat sinum. Icto fœdere cum illis Chiaconis, Vincentius Annez institutum iter suum prosequens, ad Orientem regiones inuenit aquarum crebra illu-



nie desertas, & stagnantia magnis tractibus loca. Nec destitit à propositis, donec terra illius longissimæ cuspide[m] attigit: si cuspides appellare licet cuneos aut frontes acutas, vel promontoria marinas terras terminantia. Ea cuspis Atlantem videtur velle impetere. Illam quippe Africa partem spectat, quæ à Portugallensibus Caput bonæ Sperantiæ dicitur; Atlantici montis squallentia in Oceanum protenta promontoria. Sed Bonæ Sperantiæ Caput, gradus antarctici colligit quatuor & triginta: cuspis autem illa, septem tantum. Puto terram hanc esse, quam apud Cosmographiæ scriptores Atlanticam dici magnam insulam reperio, sine ulteriore de illius aut situ aut rebus exploratu. Et quandoquidem in huius terræ marginem primum ab Herculeo freto incidimus, non erit alienum à re, si pauca disseruero, quæ dissidium fortè parerent, nisi socer & gener essent, inter Fernandum regem catholicum, & Emanuellem Portugallie regem. Dico Portugalliam non Lusitania, vti multos audio literarum non ignaros, qui falluntur non mediocriter. Nam si est Lusitania, quam egregij Cosmographi Tana & Duria fluminibus includunt, quòta est portio Lusitaniæ Portugallia?

PETRI MARTYRIS MEDIOLANEN. OCEANÆ DECADIS SECUNDÆ, Crediti continentis cap. octauum.

luente Ioanne rege Portugallie, Emanuelis impresentiarum regis & sororio & predecessore, exorta est acris inter Castellanos & Portugallenses contentio de iis inuentis. Sibi deberi nauigationes Oceani vniuersas arguebat Portugallensis, quia prior & ferè ab immortalis memoria Oceanum



Oceanum tentare ausus sit. Castellani verò, quacunque Deus ministra natura in terris formauerit, ab initio rerum fuisse hominibus communia proponunt: propterea licere cuique illa occupare, quæ Christianis habitatoribus vacua repererit. Dum ita in confuso res tractaretur, pars utraque pacta est, ut à summo Pontifice decerneretur, quid iuris. Futuros se obtemperantes Pontificia sanctioni, fideiubent utrinque. Res Castellæ tunc regina illa magna Elizabetha cum viro regebat, quia dotalia eius regna Castellæ sint. Erat regina Ioanni regi Portugallie consobrina: propterea facilius res est composita. Ex utriusque partis igitur assensu, lineam ex plumbata bulla summus pontifex Alexander sextus illis à Septentrione ad Meridiem, extra earum insularum, quas vocant de Caboverde pararellas, ad Occidentem lequas centum diametro tetendit, Alexandri namque sexti pontificatu, res hæc in contentionem venerat. Intra iactam lineam, licet negent nonnulli, cadit eius terra cuspis, sancti Augustini Caput appellata. Propterea non licet Castellanis figere pedem in eius terra initio. Regressus ergo inde est Vincentius Anne, habito ab incolis, quod Ciamba provincia ferax auro, ad aliud latus montium altorum, quos ante oculos habebant, ad meridiem iaceret: & è captis in sinu Pario, qui aperte Castellana est ditionis, abduxit quosdam ad Hispaniolam; Almirantoque inueni reliquit, ut nostra discant idiomata: quò interpretum postea loco vii possint ad secreta regionum illarum exploranda: ipseque ad curiam venit, impetraturus à rege, ut bona eius venia, liceat sibi nomen sumere gubernatoris insule sancti Ioannis, quæ ab Hispaniola tractus distat lequarum quinque & viginti tantum: quoniam in ea gigni aurum, primus ipse Vincentius Anne patefecerit. Ab incolis diximus in decade prima Buricchenam hanc appellari insulam. In ea insula gubernator erat Christophorus quidam, comitis Camignæ Portugallensis



filius. Hunc vicinarum insularum Canibales cum Christianis  
 omnibus trucidarunt, prater episcopum & familiares eius,  
 qui sese templo & templi ornatibus derelictis, in tutum re-  
 ceperunt aufugientes. Episcopos nanque iam quinque sup-  
 plicatu regio, tua Sedes apostolica, beatissime Pater, nouos  
 erexit. In Vrbe primaria sancti Dominici in Hispaniola  
 Quin- fratrem Garciam de Padilla, diui Francisci regularem. In Cõ-  
 que E- ceptione oppido, doctorem Petrum Xuarez de Deza: & in in-  
 pisco- sula sancti Ioannis, Licentiatum Alphonsum Mansum, am-  
 pi no- bos diui Petri institutionis obseruatores. Quartum, fratrem  
 ui, in Bernardum de Mes, vtilem, genere Toletanum, concionato-  
 terris rem, Dominicum asseclam, in Cuba insula. Quintum, Ioan-  
 nouis. nem Cabedum, & eundem Franciscæ obseruationis pulpita-  
 rium concionatorem, tua sanctitas vnxit, vt Darienensibus  
 præsint. Rependent propediem Caribes debitas pœnas. In illos  
 ibitur: præcipue quia patrato illo nefario scelerè, post menses  
 aliquot reuerti ex vicina sanctæ Crucis insula Cacicum no-  
 stris amicum, & familiam eius vniuersam trucidarunt, co-  
 mederuntque, vico eius funditus euerso: nati occasionem,  
 quod regulus ille violato iure hospitij, Caribes septem confici-  
 endarum canoarum magistros apud eum relictos, vt canoas  
 quasdam construerent, quia proceriores arbores ad ea monoxy-  
 la formanda insula sancti Ioannis nutriat, quam eorum insu-  
 la, sancta Crux cognominata. Caribibus his adhuc in insula  
 manentibus, è nostris plerique traicientes ex Hispaniola, in  
 eos inciderunt. Re intellecta per interpretes, incipiunt à Cari-  
 bibus velle de tanto facinore rationem exigere. Illi autem ar-  
 cubus & venenatis sagittis in nostros directis, trucidibus &  
 toruis vultibus nostris edicunt, nè vim tentent, ni sinistris a-  
 ribus venisse velint. Nostri venenatas sagittas veriti, ne-  
 que enim parati ad certamen venerant, signa pacis dant. Cur  
 vicum euerterint, & vbinam sint regulus & eius familia,



interrogati Caribes, respondent se vicum deleuisse, regulim-  
que & familiam eius in frustra sectos comedisse, in suorum  
septem opificum vindictam: in compositosque fascēs illorum  
ossa seruari ad opificum uxores & filios deportanda, quō in-  
telligant non iacere inulta maritorum & parentum corpora:  
fascēsque ossium nostris ostenderunt. Stupidi tanto facinore  
nostri, rem dissimulare coacti, conticuerunt, neque incusare  
aut coarguere Canibales ausi sunt. Ex his & huiusmodi  
multa eueniunt quōtidie, quæ ne sacras aures tuas. hisce  
cruentis narrationibus inficiam, prætereo. Satis euagatum  
est, beatissime Pater, extra Beraguensem, & Vrabensem re-  
giones, instituti nostri primarias nutrices. Prætermitemus  
ne quæ sit Vrabensium fluminum amplitudo? quæ profundi-  
tas? quid de ipsa, quidque ablute ab eis terra gignant? de-  
que terra magnitudine ab Oriente in Occidentem, ac latitudi-  
ne à meridie in septentrionem? quid de credatur de ignotis  
adhuc in ea? minimè quidem, beatissime Pater. Vrabam  
igitur repetamus, & a nominibus prouinciarum recenter  
impositis exordiamur: prouinciâsque liceat appellare, quia  
procul victæ Christianis parent.

PETRI MARTYRIS MEDIOLA-  
NEN. OCEANÆ DECADIS SECVN-  
dæ, Crediti continentis  
cap. nonum.





Beraguam, statuerunt Castellam auriferam:  
 Vrabam vero, Andaluziam Nouam ap-  
 pellari: & veluti ex insulis pluribus Hispa-  
 niolam, in quam multa deducta sunt colo-  
 nia, in caput insularum habitandam elege-  
 runt, ita in immensis Paria tractibus, in duabus regionibus  
 Vraba & Beragua, statuta est mansio: Ut ad eas tanquam ad  
 portus vagaturi sese recipiant, fessique & rerum indigentes,  
 sese queant ibi reficere. Sata iam in Vraba & hortensia om-  
 nia, mirifice coalescunt. Non ne hoc admiratione dignum san-  
 ctissime Pater? Omnium rerum sementes, taleas quoque, sur-  
 culos, & calamos, propagines etiam aliquarum arborum ad  
 eas terras, vti de quadrupedibus & altilibus diximus, impor-  
 tant. O mira vbertas. A iacto semine cucumerum & huius-  
 cemodi rerum, ad diem citra vigesimum fructus eorum colligi-  
 unt. Caules, betas, lactucas, boragines, & hortensia his simi-  
 lia, intra decimum. Cucurbitas vero & melones decerpunt  
 intra octauum & vigesimum a sementis satione. De taleis  
 & surculis arborum nostratium per seminaria & scrobes  
 satis, & calamis in ramulis patriarum, qua consonent, inser-  
 tis, eadem referunt celeritate fruticare, qua diximus de His-  
 paniola. Arboreos natiuos fructus habent Darienenses mul-  
 tiiformes, & variorum saporum ad vsum humanum salubres:  
 e quibus est consilium praestantiores describere. Guaianam co-  
 lunt arborem, qua fructum parit citrorum generi, quos vul-  
 gus limones appellat, persimilem, sapore acri, dulci commixto.  
 Nucibus etiam pineis abundant, & palmarum variis cario-  
 tis, iis quae nobis nota sunt, grandioribus, sed minimè aptis ad  
 esum ob austeritatem. Palmulas steriles, quae tamen ipsas  
 eduntur, & folia creant ad scoparum vsum, passim ac sponte  
 sua nasci certum est. Guarauana vero, quae aurea mala feren-  
 te arbore procerior est, fructum gignit magnum, malum ci-

Arbo-  
 rei fru-  
 ctus, va-  
 rietate  
 & utili-  
 rate in-  
 signes.



treum aquantem. Est & alia arbor, castaneæ fermè similis: hæc ficum grandiore fructu suo emulatur, sapore dulci & salubri. Mameis est arbor alia, qua fructum producit aurei mali magnitudine, sapore melone optimo haud insuauior. Guananalá fructum dat ceteris minorem, sed odoriferum aromaticè, & super omnes sapidum. Hónos est alia, quæ prunis persimilem generat fructum & forma & sapore, sed aliquanto grandiore: hanc myrobalanum esse pro certo habent. Est Hispaniola arbor hæc adeo peculiaris, ut eius fructibus porci saginentur: neque cum maturescunt, retinere illos aut regere subulci queunt, quin ex eorum ferula elapsi, sylvas earum arborum altrices sparsim petant: vnde multitudo ingens sylvestris effecta est. Propterea suillas aiunt carnes, arietinis esse in Hispaniola saporosiores salubrioresque: nemini nanque dubium est, quin varia ciborum genera, variam carnibus edendis vim gustumque longè alium ingenerent. Alium fructum se inuictissimus rex Ferdinandus comedisse fatetur ab iisdem terris aduectum, squammosum, pinis nucamentum ad spectum, formam, colore emulatur, sed mollitie par melopeponi, sapore omnem superat hortensem fructum: non enim arbor est, sed herba, carduo persimilis aut acantho. Huic & rex ipse palmam tribuit. Ex iis ego pomis minimè comedi, quia vnum tantum è paucis allatis reperere incorruptum, ceteris ex longa nauigatione putrefactis. Qui in natiuo solo recentia ederunt, illorum cum admiratione suauitatem extollunt. Effodiunt etiam è tellure suapte natura nascentes radices, indigenæ Batatas appellant, quas ut vidi, Insubres napos existimari, aut magna terre tubera. Quocunque modo condiantur assæ vel elixæ, nulli crustulo, aut alio cuius edulio cedunt dulcorata mollitie: cutis aliquanto tenacior quàm tuberibus aut naps, terreique coloris, caro candidissima. Seruntur etiam & coluntur in hortis, vti de iucca diximus in Decade prima. Comeduntur



& cruda. Viridis castanea gustum cruda imitatur, est tamen  
 dulcior. Sed de arboreis & hortensibus vegetatiusque aliis  
 iam satis: ad sensitiua veniamus. Terra illius horrentes saltus  
 depascunt præter tigres & leones, cæteraque nobis iam nota  
 animalia, vel saltem ab egregiis authoribus descripta, mon-  
 strofa plura. Sed animal vnum præcipuè procreat, in quo natu-  
 ra studuit sese miram artificem ostendere. Id est corpore boue  
 æquans: proboscide armatum est elephantina, non elephas bo-  
 uino colore, non bos: equinis ungulis, non equus: auriculis etiã  
 elephantinis, sed minus patentibus & demissis: quàm cæte-  
 rorum tamen animalium, patentioribus. De animali ferente  
 secum natam sobolem in vterali crumena, (scriptorum nulli,  
 meo iudicio, noto) quod serpim arboreis depascitur fructibus  
 in Decade satis, quàm puto ad tuæ Sanctitatis manus, prius-  
 quàm id rerum culmen adipisceretur, deuenisse quandoquidẽ  
 è meis latebris impressa euasi. Quid verò de fluminibus Vra-  
 bensibus restet, referamus. Darien angusto in sinum Vrabensem  
 deuoluitur alueo: monoxylorum provincialium vix pati-  
 ens, & vicum quem habitandum elegerunt, præterlabitur.  
 Sed fluium in angulo sinus, quem diximus à Vascho perna-  
 uigatum, reperere latitudinis esse stadiorum quatuor & vi-  
 ginti, (lequam dicunt) profunditatis etiã immensa, cubito-  
 rum puta ducentorum ampliùs: per diuersa ostia in sinum ca-  
 dere. Hunc, vti legimus Istrum in Ponticum pelagus, & Ni-  
 lum in Aegyptum, defluere in Vrabensem sinum aiunt, an-  
 tonomascè grandem fluium appellant: quem magnorum esse  
 ac multorum crocodilorum nutritorem inquiunt: veluti de  
 Nilo didicimus, ego præcipuè, qui Nilum aduerso secundoque  
 flumine nauigavi, Soldanum petens, & ab eo rediens. Quid  
 propterea queam ex tot insignium doctrina & autoritate  
 virorum scriptis de Nilo colligere, non intelligo: duos namque  
 Nilos, siue à lunæ mōtibus, siue solis, aut è squallidis Aethio-



pum iugis Undecunque fluere velint, aiunt naturam dedisse telluri irriganda: ad septentrionem, in Aegyptium sinum cadere vnum: in Oceanum meridionalem, alterum. Quid hoc loco dicemus? De Aegypto nihil ambigimus. Meridionalem alium Portugallenses, qui per Nigritas & Melindos equinoctialem circulum transmeant, in suis mirabilibus inuentis reppererunt: & è luna montibus ipsi net derivari arguunt. esseque Nili alueum alterum, quia crocodilos generet. neque alibi praterquam in Nili fluentis, crocodilos gigni legerint. Senegā vocant fluvium Portugallenses. Nigritas is interluit, septentrionali ripa Fortunatus: meridionali, arenosus horridus. Crocodilos passim emittit. Quid ergò referemus de hoc tertio, immò & (penè dixerim) quarto? Crocodilos nanque esse puto, quos armatos conchis testudinea duritie, duce Colono, Castellani reperere in flumine, quod dici Delagartos supra memoravimus. Dicemus hos è luna montibus oriri? haud quaquam, beatissime Pater. Crocodilos ergò posse alias, prater Niliacas, aquas producere, iuniores nostri experimento didicere. Non enī hac flumina è luna montibus scatent, neque possunt cum Aegypto Nilo aut Nigrito siue Melindo, quacunque illi deriventur, eandem originem habere, quippe qui ex proximis defluunt montibus, quos diximus à septentrionali Oceano non magno discrimine mare aliud australe dirimere. In Darienis praterea & aliorum fluminum palustribus locis relictis ex alluvie aquosis, phasiani, pavones, sed non picti, & multa volucrum genera à nostris dissimilia, tam ad esum apta, quam ad demulcendum variis concentibus audientium aures, nutriuntur. Sed aucupij imperitia, Castellani nostri negligenter volucres insectantur. Psittacorum etiā sub eodē genere species in stagnatib⁹ illis locis innumera garriunt. Sūt è psittacis, qui capones aequant magnitudine: sunt & qui ne passerulum quidē sit-



perent. De psittacorum varietate, in prima decade satis. In his  
 ius nanque vasta terra discursu Colonus ipse ad curiam &  
 misit, & tulit ex omni specie non paucos, quos omnibus vul-  
 go licuit inspectare, ferunturque quotidie. Vnum restat, beatif-  
 sime Pater, dignissimam historiam, quod mállem in Ciceronianas  
 manus aut Luianas incidisse, quam meas: tanti náque mira-  
 culi est apud me, ut implicatius reperiam in eius descriptione  
 ingenium meum, quam de gallinaceo feratur pulliculo stup-  
 pis inuoluto. Terra illius latitudinem a septentrionali Oceano  
 ad australe pelagus, sex tantum dierum esse diximus, incolarum  
 testimonio. Magnitudo propterea fluviorum & numerus  
 hinc, illinc terra angustia, me trahunt in ambiguum: qui fieri  
 possit, ut intercapedine tam exigua dierum trium, a supremis  
 eorum montium cacuminibus dimetiēdo, tot tamque magna  
 flumina diuertant in hoc septentrionale, non intelligo. Credere  
 nanque licet ad australes incolas totidem destitire. Sunt hæc  
 Vrabensia flumina exigua, si plerisque aliis comparentur.

Inaudi- Auiunt se reperisse Coloni tempore Castellani, & pernaui-  
 ta flu- gasse post illum, flumen, cuius ostium in mare cadens, passuum  
 minis assenerant esse paulò minus centum mille in primis Parie lit-  
 magni- toribus, uti alias diximus: nanque furibundo meatu in Ocea-  
 tudo. num ex altis montibus decidere predicant, ut retrocedere ma-  
 re etiam exastuans, ut ventorum dico impulsus, suo impetu  
 & amplitudine cogat: neque in magno eius spatio amari  
 quicquam sensisse in aquis, sed potui aptas & suaves omnes  
 inquirunt, Maragnonum appellant hunc fluvium incolæ: adia-  
 centes autem regiones, Mariatambal, Camamorum, & Pari-  
 coram. Præter ea flumina quæ supra nominavi, Darienem pu-  
 ta, Grande Dabaiba, Beraguense, Sancti Matthæi, Boj gatti,  
 & Delagartos, & Gairam, passim reperiunt alia multa, qui  
 peragrant ea littora. Deliberanti ergo mecum, vnde sibi spe-  
 cus tanti capaces habeant hi montes, littoribus adeò vicini &

Philo-  
 sophi-  
 cæ de a-  
 quarum  
 genera-  
 tione  
 ratio-  
 nes.



angusti, sententia incolarum, & vnde repleant vt humores  
tantos cogantur euomere, succurrunt varia: Magnitudo primū  
montium: latissimos quippe esse inquit. Aiebat & idem  
primus repertor Colonus: immo & aliud ipse differebat, esse  
deliciarum paradisum in eorum montium culminibus, qui ex  
seu Pario & Ore Draconis apparent: sibi que statuto persua-  
serat. Vastie ergo montium moles, vastos inesse specus multi-  
capaces, arguunt: sed vnde repleantur, pensandum est. Si dul-  
cium aquarum omnium, ex sententia multorum, ita refluunt  
ē mari flumina, maris ipsius ponderosa mole compulsā per ter-  
re meatus, vti ē meatibus ipsis scatentia videmus ad mare  
cursum dirigere: minus hic mirandum est, quam alibi. Quia  
nullibi adhuc legimus duo maria huiusmodi terram vllam  
tam angusto limite, si vera ferunt incola, circumserpere. Ma-  
gnū quippe est a dextro latere Oceanum, in quem sol vergit  
a sinistro, aliū vnde nascitur, forte non cedentem, quia pu-  
tant Indico mixtum, habere cubitantes. Tanta ergo mole gra-  
uata (si valet sententia) tellus ista nimirum cogitur tot aqua-  
rum voratus deglutire: deglutitos, per patulos gurgites emitte-  
re. Sed si ē mari sorbere humores terram negauerimus, fontē-  
que gigni omnes ex aëris conuersione in aquam intra mon-  
tium cauernas stillantem, assentiemur, vti plerique autumant  
authoritati magis eorū qui talibus innituntur rationibus, ca-  
put flectemus, quā quod intellectus noster sit eius sententiae  
capax. Conuerti in aquam, absorptum in cauernis montium  
aliquibus aërem, non quippe recuso: vidi nanque ego ipse in  
Hispania ē pluribus antris guttatim imbres decidere perpetuos  
& inde collectas aquas, per collium latera riuos demittere,  
quibus plantata in cliuis vineta, oliuetāque ac fruteta omnis  
generis, rigabantur. Sed vno in loco praesertim, testes habeo il-  
lustrissimum Ludouicum Aragonium Cardinalem tua San-  
ctitatis obseruantissimum, & Antistites duos Italos,



episcopum Vnum Bouiensem, Siluium Pandonum nomine: archiepiscopum alterum, cuius neque nomen proprium recolo, neque titulum didici. Granata namque, nuper è Maurorum potestate erepta, agebamus: & nos omnes oblectandi animi gratia ad quosdam amœnos tumulos duxit, per quos suauis murmure riuus irrigans defluebat. Interea loci, dum illustrissimus noster Ludouicus salientes per arbusa riuo inherentia, volucres sagittis insectatur, ego & antistes uterque clium ascendere statuiamus, ut, unde riuus oriretur, intelligeremus: eramus namque cacumini montium illorum proximi. Succincti ergo riui vestigia sequentes, antrum reperimus eiusmodi perpetuo imbre vberimum: ex cuius aqua, per frequentes guttas cadente in receptaculum, in subiacentibus saxis manus cauatum, riuus efficitur. Licet vulgò conspiciere & aliud rorans antrum in hoc celebri oppido Valladoleto, vbi nunc agimus, in oppidani egregii viri iurisperiti, cognomine Licentiati de Villena, ab oppidi mœnibus minus stadio distate, Viridario. Fateor igitur ex antrorum roratu per conuersionem aeris, inter pendentium rupium cauernulas absorpti, posse fontes alicubi generari. Sed naturam arbitror de tanta illuue aquarum, hac industria tenui generanda, minimè fuisse sollicitam. Consonant ergo rationes duæ ingenio meo: vna, frequentium pluuiarum casus: altera, ob perpetuum ibi ver vel autumnum: quia sunt ita propinque æquinoctiali circulo terra illa, ut vulgus non aperte dignoscat diei ac noctis discrimen toto anno, sicutque hæc duo tempora gignendis pluuiis aptiora, quam grauis hyems, aut æstas feruida. Altera prioris effectiua, est huiusmodi: si porosum esse mare, perque poros eius, austris illos aperientibus, vapores, quibus aquosæ nubes generentur, eleuari assentiemur, terram hanc oportet crebrioribus pluuiis madefieri, quam terram aliam, si sit (vii aiunt) angusta, duoque teneat im-



mensa maria, quæ illam ita proximè sepiant, collateralia. Vtunque sit, beatissime Pater, nequeo tot Viris eas terras frequentantibus non credere: cogorquæ illa, licet pleraque videantur non verisimilia, referre. Propterea per hæc argumenta fuit consilium discurrere, ne Viri doctrina celebres, hinc illinc querendarum occasionum in aliena scripta studiosi, nos ita hebetes esse diiudicent, vt nulla ratione media, fidem facile præstemus emergenti cuique narrationi. De impetu tamen illo dulcium aquarum, qui obiectus pelago, facit ostium adeò ingens, vti supra diximus, aquas existimo cadentium multorum esse fluuiorum coactas, quæ lacum ingentem efficiant: non autem fluuium vnum, vt ipsi aiunt. Sed quia sint montes ardui, tantam esse puto vim declinantium aquarum vt impulsu stagnantium ea fiat conflictatio, & ne salsa aqua ingrediantur in sinum, resistent. Surgent & fortè alii, qui me tantoperè fuisse admiratum mirabuntur, & subsannabunt, dicentes: En quid pro miraculo hic recitat, magna inesse flumina regionibus illis? Nonne Italia suum creat Eridanum, fluuiorum regem ab authoribus egregiis appellatum? Nonne & regiones aliæ sua ingentia produciunt? Vti de Tanai, Gangéque legimus, atque Istri fluentis, quæ vincere mare ita produntur, vt dulces haustus in XL millia passuum liceat colligere. His satisfactum iri velim hac ratione: Padus alpinos aggeres, Gallias & Germanias Pannoniásque secernentes ab Italia, sibi habet à tergo magna mole succosos, longóque tractu Ticinum, & innumera alia bibens flumina, tendit in Adriaticum. Idem de cæteris. Flumina verò hæc, plenioribus alueis è proximo, vti ex regum dictis nostri referunt, lapsa cadunt in Oceanum. Sunt tamen qui amplissimam esse alibi, licet hic angusta sit, arbitrentur terram. Succurrit & alia causa, quam licet habeam pro inualida, scribere tamen eam statuo.



Longitudo forsā terre ab Oriente protenta per immensum in Occidentem, si angusta est, a liumēto erit. Quia sicuti legimus *Alpheum* ab *Elide* in *Siculā* *Arcthusam* per meatus sub-  
 termarinos oculos scaterē: ita & posse montes illos produ-  
 ctas adēdē cavernas habere, ut longissimē distantibus terrarū  
 cavernis respondeant: augeanturque passim aquae, venientes  
 aëris illa transmutatione, quam diximus. Capiant & qui sa-  
 no pectore aliena interpretatur, & qui subsannationibus inui-  
 gilant, rē vi mālūt. In hac re nescio quid ultra referā in pra-  
 sentiarū: quādo aliter rem esse repererimus, candidē verū profi-  
 tebimur. Quādoquidē de terrae huius latitudine tot tantāque  
 disseruimus: de longitudine formāque ipsius iam tandem ser-  
 mo resurgat.

PETRI MARTYRIS MEDIOLA-  
 NEN. OCEANAE DECADIS SE-  
 cundae, Crediti continentis  
 cap. decimum.

**E**ST in mare protenta terra illa, non secus ac  
 Italia: licet non humano cruri hac, ut illa,  
 similis. Sed pygmaolum giganti comparo. Est  
 nanque pars ea quam à dicta cuspide Orien-  
 tali, quae vergit ad *Atlantem*, Castellani per-  
 currerunt, (sine nondūm raperto ad Occiden-  
 tem) Italia longior octuplo amplius. Qua ratione fretus, octu-  
 plum hoc ausi n promere, vult tua sanctitas intelligere. Ex  
 quo parere statui postulantibus, ut sanctitatis tuae nomine  
 ista redigerem in Latium sermonem, ego non Latius, curavi,  
 ne quid prodeat non ritē exploratum. Burgensem antistitem



huius navigationis confugium, de quo supra lata mentio, adiui. Includi vno cubiculo, multos harum rerum indices habuimus ad manus: solidam vniuersi cum his inuentis spheram & membranas, quas nauta chartas vocant nauigatorias, plures: quarum vna a Portugallensibus depicta erat, in qua manum dicitur imposuisse Americus Vespucius Florentinus, vir in hac arte peritus: qui ad antarcticum & ipse, auspiciis & stipendio Portugallensium, ultra lineam aequinoctialem plures gradus adnauigauit. In hoc indice latiore esse primam huius terra frontem reperimus, quam reguli Vrabenses nostris persuasferint de suis montibus. Alteri Colonus viuens, cum ea perlustraret loca, dedit initium: cui & frater eius Bartholomaeus Colonus, Hispaniola Adelatus, iudicium suum addidit: peragrauit namque & ipse ea littora. Prater ea Castellavorum omnium, quotquot sibi sentire, quid sit metiri terras & littora, persuadent, suam quisque nauigatoriā depinxit membranā. Ex omnibus commendatiores seruant, quos Ioannes ille de la Cossa, Fogeda comes, quem à Camairēsis apud Carthaginis portum, peremptum diximus, ediderat: & gubernator alius nauium, nomine Andreas Morales, cum ob maiorem earum rerum experientiam, (familiares enim notosque habebant ambo tractus illos, non minus iam ac suae domus cubicula) tum etiam quia Cosmographia naualis peritiores haberentur, quam ceteri. Omnibus igitur indicibus allatis, in quorū singulis iacebat linea, quae Hispano more nō millia passuum, sed lequas designabat: circinos afferri iubemus, & hoc ordine cœpimus littora metiri. A cuspide siue fronte illa quam diximus Portugallensium includi lineas, per eos insularum quas vocant de Cabouerde, parallelas deductas, sed lequas centum ulterius ad Occidentem, quam & ipsi vtrō citroque iam explorarunt, reperimus ad Maragnoni fluminis ostiū lequas tercentū. Inde ad Os vsque Draconis lequas septingētas,



in nonnullis paulo minus, neque enim penitus conveniunt  
 Volunt lequam Hispani millia passuum quatuor continere  
 mari præsertim: terra verò, tria. Ex Ore Draconis ad Cuchi-  
 bacoa protentam in mare cuspidem, qua superata, in leuam  
 sinus efficitur, lequas tercentum dimensi sumus in vno, in a-  
 marina liis circiter. Ex Cuchibacoe illo promotorio cuspidali ad Cara-  
 mairiensem regionem, ubi portus est Carthaginis, circiter cen-  
 tum septuaginta. Ex Caramaira ad insulam Fortem: quin-  
 quaginta. Inde ad Vraba fauces, intra quas vicus est san-  
 ctæ Mariæ Antiquæ, ubi sedes posita est, quinque tantum  
 & triginta. Ex Vrabensi Dariene ad Beraguensem fluvium  
 ubi fixurus erat pedem Nicuesa, nisi aliter apud superos sta-  
 tutum reperisset, centum triginta interesse dimensi sumus. Ex  
 Beragua ad eum fluvium, quem diximus sancti Matthæi ap-  
 pellatum à Colono, in quo Nicuesa, caravela amissa, pererra-  
 vit omnium hominum calamitosissimus, lequas in indicibus  
 centum quadraginta tantum reperimus: multo tamen plures  
 in hoc tractu à sancto Matthæo, multi è redeuntibus mihi re-  
 tulerunt: in quo & locant diuersa flumina, puta Aburema  
 cum præiacente insula nomine Scutum Cateba, cuius regulus,  
 Facies combusta, est appellatus: aliud Zobraba, Vrída post illud  
 Durabaque auriferum: & portus etiam egregios, inter quos  
 Cerabarum & Hiebram, incolarum appellatione. Si ritè  
 dinumeraueris, beatissime Pater, lequas inuenies in hoc calcu-  
 lo quinque & viginti post quingentas à mille: quæ ample-  
 etuntur milliaria septuaginta supra quinque millia à cuspidē  
 ad sancti Matthæi, quem Perditorium vocant sinum. Sed non  
 sistit opus. Astur Ouetensis auito genere quidam, nomine Ioā-  
 nes Dias de Solis, qui se Nebrissa, quæ doctos edit viros, natū,  
 inquit, ab eo fluuio ad Occidentem tendens, lequas & ipse per-  
 currit non paucas. Sed littus illud medium ad septentrionem  
 curuatur. Propterea nō examusim locatū inter dimensa: puta-



mus tamen colligere diametro lequas tercentū circiter. Quanta ergo, beatissime Pater, sit terra illius, quæ tuo throno subicienda est, longitudo, ex dictis colligito: de latitudine forte aliter aliquando sentiemus. De polarium nunc graduum varietate pauca referamus. Terra hæc, licet ab Oriente protenta sit in Occidentem, retorta tamen est, & ad meridiem sua cuspi- de tantum incuruatur, ut polum arcticū amittat, æquinoctia- lemque superet lineam ad antarcticum septem gradus. Sed Portugallensium est eius cuspidis iurisdictio, vti iam dixim⁹. Cuspide relicta, Pariam versus, arcticus renisitur polus: & quo magis ad Occidentem regio vergit, eo magis polus eleua- tur. Habent ergo Castellani variam graduum elevationem, do- nec ad Darienem, statutam earum terrarum sedem primariā, veniatur. Beraguensis nanque derelicta est, vbi eleuatum gra- dus octo reperiunt polum. Sed inde tantum terra incuruatur ad septentrionem, ut quasi Herculei freti gradus æquet, si præ- cipue terras dimetiamur quasdam ad latus Hispaniolæ septen- trionale ab iisdem repertas. Inter quas ad lequas ab Hispanio- la quinque ac X. supra tercentum vnā esse insulam fabu- lantur, qui eam explotarunt ad intima, nomine Boiuca, aliās Agnaneo, fonte perenni adeo nobilem, ut eius fontis aqua e- pota senes reuiuenscant. Nec arbitretur Beatitudo tua hoc di- ctum iocosè aut leuiter: ita seriò rem hanc per curiā vniuersā ausi sunt spargere, ut populus omnis, & ex iis, quos viri⁹ aut fortuna secernit à populo, nō pauci rē esse verā arbitrentur. Ego verò, si, quid sentiā, interrogaueris: naturæ rerū genitrici non me tantū tribuere respondebo, sibiq; seruasse Deū hāc præroga- tiuā pro non minus propria, quā scrutari corda hominum, aut priuationi dare accessum ad habitū, existimo. Nisi Colchia for- tē fabulam de renouato Esone, Erythrææ Sibyllæ fuisse folia crediderimus. Hæc de longitudine latitudinēq; ac montibus abruptis, & eorum specubus aquosis, deque variis terræ illius



gradibus, & quidem satis. Sed minimè praterenda puto, quæ miseris inter generales calamitates acciderunt. Horrebant puero mihi viscera, cruciabarque præ miseratione de Achemenide Vergiliano; inter Cyclopum littora ab Ulyssæ relicto, quod baccis lapidosisque cornis ab Ulyssæ transitu ad Aeneæ aduentum dies non multos fuisse depastum Vergilius recenseret. Baccas lapidosaque cornas, pro delicatis epulis infelices habuissent Hispani, qui Nicuesam secuti, Beraguam habitandam elegerant. Quid de asini capite, magno empto, opus est magnificare rem? Quid de huiusmodi multisque obsessos pati oportet? Postquam Nicuesa cōsiliū cepit de Beragua deferenda ob terræ squallorem & sterilitatem, Portum Belli & dehinc promontoriū Marmoris appellati littora tentauit, an ibi fortunatius quiret insidere. Oppressit socios eius egestas tanta, ut neque à scabiosis canibus, quos venatus & tutela causæ secum habebant, (in certaminibus nanque cum nudis incolis, canum opera plurimum utebantur) neque aliquando à pereemptis incolis abstinerent. Non enim ibi fructificantes arbores, aut volucres, quas Darienem alere diximus, procreari, ac proinde terram minimè frequentem habitatoribus, reperiēbāt. Conuenerunt è sociis quidam de cane macerrimo emendo, qui iam ferè & ipse deficiebat ob esuriem: multos præbent canis domino auri pesos, id est, aureos castellanos: canem excoriant comedendum: scabiosam canis pellem, capitis ossibus appensis, inter dumeta proxima proiecerunt: postridie pedes quidam è sociis in abiectam pellem incidit, vermibus iam refertam ac semisætentem, domum abspertauit. Excussis vermibus, pellem in ollam coquendam coniecit, coctam edit. Ad coctæ pellis ius multi cum suis paropsidibus, singulos castellanos aureos pro singulis iuris paropsidibus offerentes, accurrebant. Bufones alius duos reperit, coctos agrotus quidam à bufonum domino emit comedendos: proque illis duas fertur lineas auro intexto subuculas,

Fames  
militū  
incom-  
parabi-  
lis.



subuculas, quæ valorem æquabant castellanorum sex, præbuisse. In campestri via quadam mortuum repperunt plerique incolæ à sociis interfectū, & iā putridū: dimembrarunt secreto: sue aßis sue elixis, carnibus illis tanquam pavonis esca famem tunc pepulerunt. Saburra, inquiunt, contentum palustri per aliquot dies è sociis alium, qui noctū à sociorum cuneo secedens piscatum, inter palustres vluas diuerterat, donec serptim iam semimortuus, viam ad socios reperit. Hæc & huiusmodi multa perpeßi infelices Beraguenses, ex numero militum septingentorum septuaginta amplius, ad vix quadragenarium reducti, Daricenses & ipsi effecti sunt: ab incolis perempti pauci, fame ceteri consumpti, animas euomere anhelantes, aperiendo viam ad nouas terras posteris pacandas suo sanguine. Ad conuiuia ergo posthæc nuptialia ceteri, si quæ hi passi sunt, pensitauerimus, per tuta nouaque itinera, ad tutas nouasque terras, in quibus & habitatores & sata iam reperirent, proficiscuntur. Quò autem Petrus Arrias ductor cum regia classe sit appulsus, ad hanc vsque horam non intelligimus. Quæ successerint, si hoc sanctitati tuæ gratum fore cognouero, vigilantius explorabo. Ex Catholici regis curia, pridie nonas decembris. Anno à Christi natali. M. D. XIIII.

PETRI MARTYRIS MEDIOLANEN. PROTONOTARII APOSTOLICI, Regique Consiliarii, ad Leonem decimum Pontificem maximum, de orbe nouo tertie Decadis caput primum.





L AVSER AM orbi nouo por-  
tas, beatissime Pater, satisque me  
per illius oras vagatum arbitrabar,  
quando noua liera, allata pateface-  
re illas iterum, & repositum sume-  
re calamus coegerunt. AVascho  
Nunneꝛ, quem, cietis Nicuesa duce  
& Anciso pratore ex Dariene, principatum sibi, manu pro-  
ptorum audacia fretum, Vsurpasse memorauimus: à sociis e-  
tiam plerisque literas habemus, suo militari stylo compactas,  
quibus didicimus eum superasse montes illos, oceanum nobis  
notum, ab altero australi aequore adhuc latente, dirimentes.  
Est eius epistola Capreensî Destano grandior. Sed ea tantum  
ab illa ceterisque excerpimus, quæ memoratu esse digna du-  
ximus. Catholici regis animum sibi V aschus non modo iratū  
reconciliauit, verum etiam gratiosum effecit. Donatus est à re-  
ge V aschus, donati & plerique alij præstantibus & hono-  
ratis privilegiis pro talibus ausis. Attentas nobis aures tua  
Sanctitas præbeat: & quæ illis passim in re tanta euenerint,  
serena fronte & gaudenti pectore suscipiat: quandoquidem  
non centurias solum & legiones, sed innumeras hominum,  
natio hæc Hispana per varios labores & multa vite discrimi-  
mina, tuo sacro throno subdendas, domat myriades. V as-  
chus Nunneꝛ (siue impatiens oculi, quia nescit stare loco fortis  
animus, siue ne rem tantam surriperet alter, veritus: putant  
nanque multi V aschum de Petri Arice præfectura intellexis-  
se: siue utraq; motum causa, & quod iratum regem ex an-  
teactis sentiret) agredi prouinciam ipse cum paucis constituit  
quam à Comogri reguli filio etiam mille armatis fore diffici-  
lem audierat. Accitis ergo Darienensibus veteribus aliquot  
& pluribus ex iis qui ab Hispaniola recentes venerant, vbe-  
rioris auri copia fama compulsi, centū nonaginta armatorum



manum comparauit. In calendis Septembris anni superioris M. D. XIII. facturus iter mari dum liceret, ex Dariene cum vno bergantino, & monoxylis, id est, vniligneis, prouincialibus decem cymbis, discessit. Careta littoralis reguli Coibensis amici terram primum capit: relictis ibi nauigiis, vt cæptis Deus faueat, supplex petit: & vna carpit iter terra montes versus. In Poncha reguli ditionem primum incidit. Poncha, vii aliâs ipso adeunte fecerat, aufugit. Per nuncios ducibus Coibensibus Caretanis Poncha tutelam ab omni hostium iniuria, & amicitiam fide præbita multiâque beneficia pollicetur. Promissis ergo & blanditiis tam nostrorum quàm Caretanorum emollitus Poncha, venit ad nostros: libens gaudensque Poncha fœdus suscepit. Nè vltra vereatur, Vachus Ponchæ suadet. Dant dexterâs, & sese inuicem complectuntur, mutuisque se muneribus afficiunt. Auro Poncha, sed modico, centum putâ & decem aureis ponderibus, quæ singula castellanum æquant nummum: fuerat nanque spoliatus anno superiore, vt supra retulimus. Vachus vt dono donum pensaret, Poncham rebus nostris, vitreis scilicet calculorum fertis ad colli & brachiorum gestamen, speculisque ac tintinnabulis orichalceis, & huiusmodi mercibus institoriis, donauit. Has indigenæ magnificiunt, quia id vbiqûe præciose rei loco habetur, quod est peregrinum. Securibus etiam ferreis ad arbores scindendas paucis Poncham ditauit: nil nanque maioris faciunt, quod ferro & metallis omnibus careant, auro excepto: & secare ligni genus vllum, ad construendas domos præcipuè canoâsque cauandas, sine ferreis instrumentis difficilimum sit: fluuiialibus quippe lapidibus, quibusdam præacutis lignariam omnem exercent fabrificinam. Poncha igitur deuincto, vt à tergo tuta relinquat omnia Vachus, ad montana ducit agmen, datis à Poncha ducibus & calonibus, qui viarum angustias sternendo præeant: per saltus



nanque inuios & ferarum latebras atque anfractus montium penetrandum erat. Pauca quippe raraque sunt inter eos commercia: quia paucis nudi homines, & pecunia expertes, indigent: & si qua exercent, è proximo agunt, auri ad ornatum, & supellectilium ad vtilitatem permutatione. Propterea haudquaquam trita sunt inter eos ex minimè frequentibus concursationibus itinera. Notas, tamen occultas, observant semitas eorum exploratores, quarum ductu se per insidias & nocturna latrocinia infestant alternè trucidantes, ac in seruitutem se vicibus redigentes. Ponchensium igitur & carpentariorum nostrorum opera & montes superauit horridos, & per obuia ingentia flumina plura, structis pontibus, aut sublicium trabium congerie connexa, duxit incolumem cateruam. Hic eorum multa prætereo, quæ tum ex rerum penuria tum ex immenso labore passi sunt, ne si in minuta recensendo molestus. Sed quæ cum regulis ex itinere acta sunt, prætermittenda minimè duco. Priusquam alta montium cacumina pertingeret, regionem ingressus nomine Quarèquam, regulum eodem nomine nuncupatum, obuium habuit, armatum eorum more, arcubus putà & sagittis, machanisque, id est, ensibus amplis, ligneis, oblongis, viraque manu agitandis, & sudibus præcussis, missilibus etiam, quæ certissima iaculantur. Is superbe nostros & hostiliter excepit, cum ingenti ditionariorum multitudine transitum prohibiturus: quò irent, quidque peterent interrogans: retrocedant, vultu toruo per internuncios cōmonefacit, nī velint ad vnum trucidari. Hæc dicens, prodiit in apertum vestitus ipse ac palatini, ceteri nudi. & nostros impetit retrocedere recusantes. Breuibus actum est: sclopetarum sclopos (quibus auditis, nostros secum habere fulmina & tonitrua arbitrati sunt) & scorpionum sagittas non diū sustinuerunt. Terga igitur vertunt fugientes. Veluti per macella lanij bouinas arietinasque secant in frustra carnessita huic



nates, illi femur, alteri humeros vno ictu nostri scindebant: veluti animalia bruta, perierunt ex eis vna cum regulo sexcenti homines. Huius reguli domum reperit Vascus nefanda infectam Venere. Fæmineo amictu reguli fratrem, pluresque alios comptos, & vicinorum testimonio pathicos, offendit. Iussit à canibus circiter quadraginta lacerari. Canum opera nostri vtuntur in præliis contra nudas eas gentes: ad quas rabidi insiliunt, haud secus ac in feros apros aut fugaces ceruos: nec minus fidos Hispani suos reperiunt in periculis subeundis quam Colophonij vel Castabalenses, qui ad bella gerenda canum cohortes instituebant, ita quod primam aciem in prælio canes seruarent, nec vnquam detrectarent pugnam. Audita nostrorum in obscænum id genus hominum seueritate, tanquam ad Herculem populi confluebant: quoscunque moribidos ea peste sentirent trahentes, vt è medio tollerentur, expuendo in illos inclamitabant: in palatinos quippe, in populum haudquaquam, contagio fluxerat. In cælum oculos manusque tendentes, Deum insinuabant esse tanto sceleri iratum: inde mitti fulgura, tonitruaque: crebris nanque fulguribus vexatur, & aquarum frequentes alluies, quæ sata omnia raptent, famemque & morbos inde prouenire, conquerebantur: licet nil aliud pro Deo colant, præterquam Solem. Hunc præstare, hunc tollere solum existimant. Dociles tamen sunt: ad nostros ritus facile trahentur, si doctores eos adierint. Nil tetricum, nil prolatis durum in eorum lingua esse, quin Latinis possint literis, vt de Hispaniolis aliquando diximus, eorum vniuersa vocabula scribi & proferri, cognouerunt. Bellicosa gens est hæc, & quæ finitimis molesta fuit hætenus. Sed prouincia non auro aut agrorum vbertate fortunatur: montana est ac sterilis, & ob squallorem montium algens. Propterea vestiuntur ibi, qui vestes assequuntur, palatini: cætera turba nature beneficio contenta viuit. Mancipia ibi nigra repperunt, ex regione

Canū  
vsus in  
prælio.

M ij



Mare  
Austra-  
le à Vas-  
cho Nú-  
ñez pri-  
mo de-  
rectum

distante à Quaréqua dierum spatio tantum duorum, quæ solos gignit Nigritas, & eos feroces atque admodum truces. Ex Aethiopia putant traieciſſe quondam latrocinij causa Nigritas, inque illis montibus naufragatos fixiſſe pedem. Cum his nigris odia exercent intestina Quaréquani, & sese seruitio addicunt viciſſim, aut trucidant. In Quaréqua relictis pluribus è sociis, qui nondum affueti laboribus, & esuriei tanta, deciderant in valetudines, duces capit è Quaréquanis, ad vertices montium tendens. Ex Poncha regia sex breuium dierum spatium ad alterius aquoris prospectum iacet medium: id nequiuit minore, quàm quinque & viginti, variis implicitus casibus & summa rerum egestate, perficere. Septimo tandem calend. Octobris monstrata per Quaréquanos celsa culmina, è quibus optatum mare aliud deſpici poterat, protentis oculis in tuetur. Sistere agmen iubet: prait ipse solus, & Verticem primus occupat. In terram prouolutus, & genibus flexis, manibusque in calum erectis, austrum salutat: & gratias immensas ſcribit ſe Deo calitibusque omnibus perſoluſſe, qui tanta rei palmam ſibi homini non magno ingenio pollenti, non perito, non optimati, aſſeruauerint. Sacris orationibus ſuo militari more peractis, commilitones dextra innuens vocat, deſideratum pelagus oſtedit. Repetito poplitibus deſlexis, orat ſuperos, atque in primis Deiparam Virginem, ut fauſtè feliciterque cæptis faueant: & luſtrare, quas ſub pedibus videant, terras liceat: itidem & ſocij omnes, ſublatis præ latitia vocibus, faciunt: Hannibale, Italiam & alpina promontoria militibus oſtendente ferocior, ingentes opes ſociis pollicetur: Ecce deſideratum pelagus, ecce ô tot laborum ſocij commilitones, de quo nobis tot tantæque Comogri filius, & indigenæ reliqui prædicarunt. His dictis, in poſſeſſionis ſignum, pro aris ſaxorum congerit tumulos. A dextra læuaque, nè poſteritas arguat eos mendacj, declinans è vertice montium, inſcribebat:



passim arboribus, scisso cortice, Castella regis nomen: & saxea erigebat ubique strues, donec ad reguli australis regiam ventum est, qui Chiapes dicebatur. Arma capit Chiapes, proflit cum ingenti multitudine minitabundus, prohibiturus non modo transitum, sed & accessum. Instruunt acies nostri, licet numero pauci: ruunt in aduersos. Sclopettis primum, & molloforum, quos Alanos vulgus vocat, cohorte Chiapem saluant. Audito montium reboatu ex emissis globulis, & puluereo viso flammis euolante fumo, sulphureoque odore naribus percepto, (ad hostes nanque ventus flabat) seipsos profligant: perterriti, fulgura in se projici arbitantes, sternebantur. Ita solo iacentes, aut versos in fugam, nostri adoriuntur: agmine tamen composito & seruatis ordinibus primum, de hinc soluti assequuntur multos, trucidant paucos, capiunt plures. Statuerant nanque amice agere, pacatoque terras explorare illas. Chiapa igitur occupato atrio, soluit e captis in fuga plerosque, qui Chiapem queritent, & hortentur, veniat: ex reditu pacem, beneficentiam, & amorem polliceantur. Si detrectauerit, sibi suisque imminere exitium & regni excidium, enuncient. Quo apertius ista Chiapa patefiant, ex Quarequanos, qui nostris via duces erant, comites dat Chiapais quosdam. Ita & per Quarequanos, qui a se & suo regulo coniecturas Chiapa preposuerunt: & per suos Chiapes persuasus, data fidei se credit. E latebris prodiens, redit ad nostros. Datis acceptisque virique dexteris, amicitiam incunt, & foederibus se inuicem adstringunt: muneribus etiam mutuis se deuinciunt. Quadringentos auri calati pesos (diximus ducatum id pondus ferè triente superare) Vascho Chiapes donat. Ut de merito Vaschus benè mereatur, rebus nostris Chiapem munit. Ita ceteri virique, licet aliquot una comorati sūt, donec relictī à tergo in Quarequa socii aduētarēt. Quib⁹ actis, gratis munusculis donatos dimittit Quarequanos: & Chiapais ipsoq;



Chiapa ducibus, quarto à montium verticibus die ad litus optatum lati procurrunt. Testibus & scribis regis adstantibus, mare illud vniuersum & adiacentes mari terras omnes, imperio addicunt Castellano. Apud Chiapen sociorum partem reliquit, quò liberius explorare quiret vniuersa. Nouem capit è Chiapais monoxylis, quæ ipsi Culchas vocant: & Chiape duce, fluium traicit ingentem cum viris octoginta è suis, ad alterius reguli ditionem, nomine Coquera. Is resistere primò ac reijcere nostros armis certauit, iisdè auspiciis quibus & ceteri. Cogitata perfecit Coquera. Vincitur & ipse, fugaturque. Chiapæorum Coquera suasu regressus est: hi nanque functi oratorio munere pro Vascos, quam inuicti nostri sint, quam mites in supplices, quam truces & seueri in renitentes, enunciant Coquera. Ex nostrorum amicitia, sui reguli & aliorum exemplo, tutelam, patrocinium, & animi tranquillitatem pollicentur. Ex inturia & detrectatu, excidium & interniciem minantur. Latus ergò talibus nunciis rediit Coquera: sexcentum quinquaginta calati auri pesos donat nostris. Contra Vascus donis dona pensat nostratibus: vti apud Poncham diximus. Coquera pacato, redeunt ad Chiapæ regiam. Indè comilitonibus reuissis, vbi paulum quieuit, explorare vicinum statuit sinum ingentem: quem ab vltimo ipsius in terram receptu ad patrias ab æquore faucium porrecturas sexaginta milliarium spatio constare aiunt. Sinui sancto Michaeli nomen indidit, quem aiunt habitatis insulis & squallidis rupibus esse frequentem. E naualibus ergo Chiapæ nouem capit easdem culchas, quibus fluium tranauerat, & cum sociis in columibus octoginta conscendit, Chiape dissuadente, rogantēque ne vllò pacto sinum tentare illo anni tempore vellet: Esse tribus anni mensibus adèò procellosum significat, vt nullo modo sit ibi mare tractabile. Ante ipsius oculos voratas fuisse culchas plures à rabidis vorticibus prædicat. Vascus ta



inē impatiens oculis fore sibi fautores Deum & superos omnes in tali negotio pradicat, rem esse qua Deum tangat, in qua Christiana religio vires protendet, & hauriendi sunt thesauri, quibus nervis bella geri queant, in hostes fidei. Pulpitarij gerit vicem oratoris, & sociis persuasus, clasticulam Chiapaa conscendit. Chiapes verò ne de ipsius fide Vascus dubitaret, quacunq̃ proficiscatur se praesto futurum comitem enūciat: assensurum nullo pacto instat, ut se relicto, Vascus e sua regia pedem moueat. Vbi primum à littore culchas in altum detruserunt, tanta illos vndarum conflictatio adorta est, ut qua se verterent, aut vbi consisterent, consilium deesset. Versi alternè in facies, quisque socios pauidos & perterritos inspectabat: sed praecipue Chiapem & suos, importuni maris illius peritos, res macerabat, qui multa huiuscemodi pericula summersionesque viderant in vicinis: elapsi tamen, culchis alligatis, in proximam se recipiunt insulam. Ibi pernoctando fluxus inclusit, & ferè totam cooperuit. Aiunt id australe pelagus aestuans adeò tumescere, ut multae in eo tunc lateant magna rupes, quae demum refluxente videntur emergere. Contra, septentrionale qui inhabitant, omnes vno ore, vix cubito prodire à littore, asseuerant. Fatentur & iidem qui Hispaniolam & reliquas incolunt conterminas insulas. Desiccato igitur à reflexu littore, ad culchas stupidi redeunt, obrutas omnes & arena repletas repererunt ex illis quassatas nonnullas, & hiscentes rimis, licet vniligneas ac ruptis rudentibus semideperditas. Cingulis & arborum corticibus & tenacibus quibusdam marinis herbis laceratas resarciunt, herbisque stipant ad necessitatem. Regrediuntur ergò naufragis similes, & fame penè consumpti, quia nil penitus eis ad descendendum tempestas reliquerat. Horrendos audiri mugitus aequoris toto anno, quando fluit aut refluit, inter eas insulas indigenae pradicant: sed praecipue tribus illis men



sibus à Chiape nominatis: quos Octobrem, Nouembrem & Decembrem esse, ex illius sermone collegerunt: presentem namque lunam, & subsequentes duas insinuauit: eratque is mensis October. Refectus paululum, vno inutili regulo pretermisso, ad aliud è sinu illius lateribus tendit, cuius regulum Tumaccum à regionis nomine appellant. Is armatus prodit, ut ceteri. Contrahitur & cum Tumacco, vii cum aliis. Vincitur fugaturque, trucidantur obstantes: reliquis ignotum est: intenditur namque pacandis nationibus & amice tractandis. Vulneratus euasit Tumaccus. Per nuncios Chiapeos Tumacco suadetur ut redeat, nil vereatur. Neque pollicitis, neque minis mouetur. Mortem illi, & suo generi exterminium, locorumque sui regni excidium ex peruiticia, differunt. Filium tandem venire iussit. Hunc Vachus vestitum & munusculis donatum remisit, ut genitorem accersat, & illum de nostrorum natura & fortitudine commonefaciat, hortatur. Hac benignitate in filium motus Tumaccus, in diem tertium ab adductu filij venit. Nil tunc attulit, sed missis familiaribus, sex centum quatuordecim auri pesos, & ducentos quadraginta egregios vniones, è minutis autem copiam maiorem afferri iussit. Vniones nostri admirabantur, licet non rite candidos quia è conchis illos minimè eruunt, nisi prius assis, quo facilius sese ipsa aperiant, & caro inclusa sapidius coquatur: sunt namque edulia regum & obsonia carnes eorum, quas maioris pendunt quam margaritas ipsas. Hæc Arbolantius quidam Hispanus Cantaber è Vachi commilitonibus vnus, ab eo missus ad regem cum vnionibus & conchylibus, retulit. Credere oportet rerum participibus. Tumaccus ergò tantum facere vniones nostros inspectans: familiaribus quibusdam suis qui aderant, ut piscationi se accingant, imperat: dicto parent. Quarto ab indè die regrediuntur: libras octunciales vnionum afferunt duodecim. Pars vtraque gaudens, sese mutuis

Cochy  
lie vni-  
onum,  
edulia  
regum.



stringit amplexibus: quod nostros gratis muneribus donauerit, quodque admissus in amicitiam fuerit Tumaccus, se felicem esse arbitratur. Nostri hoc tanto grandium opum argumento se beatos fore, saluam deglutiendo, interloquuntur. Rerum omnium Chiapes regulus & testis & comes erat. Letabatur & ipse, quod suo ductu & nostris satisfactum iri viderat, & vicino regulo, forte non amico, sed potentiori, ostenderet quales sibi viros haberet amicos. Id suae domus authoritati conducere non dubitas: grauius namque inter se odii hi nudi reguli, ambitione sola eos exagitante, fatigantur. Vascius iacet, apud Tumaccum se mira de illius terra opibus secreta didicisse, quae ad praesens velle se reticere, inquit: ad aurem locutum illi Tumaccum insinuat. Ab utroque tamen regulo esse in eo sinis, ceteris grandiorems insulam, aiunt, potente vno rege contentam: & qui sedati maris temporibus ad ipsos tranet magna culcharum classe, in praedamque raptet obuia cuncta. Ea insula distat ab hoc litore millia passuum circiter viginti: apparentque illius promontoria ex continentis elatis collibus. In ea insula conchylii gigni feruntur umbellam aequantia magnitudine: a quibus vniones, conchylium corda, eruuntur, faba & interdum olea grandiores: & quos Cleopatra optare potuisset. Licet adeo proxime ad littus insula se applicet, extra sinus fauces tamen eius initium in amplum aquor porrigitur. His intellectis, Vascius isthac exhilaratur narratione lucratiua: & quod propensores sibi regulos redderet, & arctiore vinculo deuinciret, ferocia in tyrannum verba detorquet, iurgis & contumeliis iniuriam regulum lacerat. Nulla mora interiecta, traiecturum se ad eum debellandum, prostrandum, trucidandumque iureiurando intonat: & vna culchas parari iubet, quibus dictis facta composit. At reguli Chiapes ac Tumaccus amice illum hortatur & comonefaciunt, ut prouinciam in pacatis differat tempus: nulli esse nauigio ea tempestate (erat enim iam



Nouembris Nonæ) mare illud peruium: procellosissimum  
 & tempestuosum atque inhospitale penitus esse repetebant.  
 Vera dicere regulos constabat. Horrendo quippe fremitu inter  
 sinuales eas frequentes insulas, rugitus ex conflictationibus  
 crebris exaudiebantur: & è montibus, relictis alueis, flu-  
 mina saxa secum & magnas arbores trahentia, inaudito stre-  
 pitu defluebant eo tempore: ventorumque vis atrox furiebat  
 non sine domorum iactura. Austri erant & Euronoti tra-  
 ctuum illorum, ea tempestate tonitruis & fulguribus associa-  
 ti, perpetui hospites. Sereno tempore noctu frigore urgeban-  
 tur, die verò molestus illis erat ardor solis. Neque id mirum,  
 cum essent æquinoctio proximi: licet ipsi nullam de polo men-  
 tionem faciant. In tali nanque regione luna, ceterique frigen-  
 tes planetae noctu: die verò sol, & factionis eius errantia side-  
 ra, vim suam exercent. Licet aliter vetustas senserit: quæ ob  
 solis perpendicularum, desertum relinquebat æquinoctialem cir-  
 culum: præter paucos authores, quorum sententiam experimen-  
 to Portugallenses probant haud dubiè. Quotannis quippe ad  
 antarcticos hyperboreorum ferè antipodes tranant, & com-  
 mercia cum eis contrahunt. Antipodes dixi, quanuis me non  
 prætereat, non defuisse viros alioqui ingenio singulari & sum-  
 ma doctrina pollentes, calitibusque ex his admixtos nonnullos  
 qui antipodes negent. Non est cuiquam vni datum omnia sci-  
 re. Asssecuti sunt Portugallenses alterius poli gradum quintum  
 & quinquagesimum amplius: vbi punctum circumeuntes  
 quasdam nubeculas licet intueri, veluti in lactea via sparsos  
 fulgores per vniuersum celi globum intra eius spatij latitu-  
 dinem. Notabilem stellam huic nostræ similem, quam vulgus  
 polum esse arbitratur, & tramontanam Italum, Hispanum  
 nortem appellat: nullam aiunt illi polo vicinam, quæ non ca-  
 dat in oceanum. Ex axe medio Libræ, sole cadente nobis, il-  
 lis ascendit: & ver, quando nobis autumnum: æstatem, quan-



do hyemem ad illos importat. De alienis ab instituto nostro, iam satis: nostros repetamus.

PETRI MARTYRIS MEDIOLANEN. OCEANEÆ DECADIS  
tertiæ, cap. secundum.



Hiapæ ac Tumacci regulorum consilio, differre transitum ad insulam placuit in verum aut æstivum tempus: quo se futurum nostris comitem Chiapes obtulit. Interea retia regulos habere, & piscaria concharum margaritas gignentium littora, pro prædiis, intellexit Vafchus: quas tanquam è viuariis eripiunt regulorum egregii urinatores, ad id exercitium à teneris educati, sed quieto tranquilloque mari littus æstu deserente, quo facilius ad earum stationes submergi queant. Et quo maiores conchæ sunt, eo profundius inhabitant: minores verò, vii filia, propiores aquæ margini: minima autem, vii neptes, supercilio viciniores degunt. Ad ima conchylia staturas viriles tres, quatuor interdum, descendunt. Ad filias aut neptes dimidio femore tenuis, & brevius aliquando, subnatant: quarum etiam post sedatum à feris tempestatibus æquor, multitudinem in arena ab undis diuulsam, proiectamque in littus reperiunt. Quæ in arena leguntur, minutis pollent baccis. Conchyliorum eorum caro esui est, vii nostrarum ostrearum, accommodata: sed laudabilioris esse saporis illa ostrea ferunt. Fames fortè, omnium escarum optimum condimentum, id fateri nostros monet. An concharum sint corda margarita, vii placet Aristoteli, an fætus interaneorum, vii Plinio, & ipsorum sint partus: hereant ne perpetuo scopulis, an gregatim, senioribus ducatum agentibus, pelago vagentur: singulos procreant,

Fames  
escarū  
optimū  
condi-  
mentū.



an plures vniones singula testa, semel an iteratò: lima radatur fixa, an facile diuellantur, & mature prodeant sua sponte molles intra testam, an dura sint margarita: adhuc nostris est incompertum. Certam propediem spero me rationem consecuturum, quandoquidem prae manibus rem nostri habeant. Vbi appulsum Petram Ariam ducem nostrorum sensero, ab eo per literas petam, ut ista diligenti vestiget indagine, mihi-que ad vnguem cuncta significet. Scio daturum operam, est nanque mihi amicus. Absconum quippe videtur, ut de re tanta musitemus, quae promiscuè viros ac faeminas, antiquitatem ac nostra tempora trahit, traxitque praecipites in immoderatum sui desiderium. Cleopatrarum posthac & Asporum hiatus satiare poterit margaritis Hispania. Neque ultra feracibus Stoidi aut Taprobanae vel Oceano Indico Erythraeo de mari assurgetur, aut inuidebitur. Ad institutum redeamus. Tentare per suos natatores Vafchus Chlapa margaritale praedium statuit. Huic ut morem gereret Chiapes, licet aduerso procellosoque tempore, triginta iubet e suis vrinatoribus illi arti assuetis, properare ad vinaria. Comites e suis mittit Vafchus sex tantum, qui rem inspectent e littore, nec se periculo tempestatis credant. Vna profisciscuntur. Distabat ab Chiapa regia piscarium ad littus milliaria fortè decem. Fundum tentare ob maris iram minimè sunt ausi. E conchis superciliaribus, & e reiectis vi procellarum ad littus sex attulerunt sarcinas breui dierum numero. Harum carnibus more heluonum depasti sunt. Baccæ verò lente aut exiguo cicere nihilo grandiores, sed nitore candido, quia e crudis euulsa. Nè mendacii, de concharum magnitudine arguantur, ad regem vna cum margaritis, egregie misse sunt pleraque testa carnibus exesis. Putamus nullibi terrarum reperiri posse grandiores. Conchylia igitur haec, aurumque vbiq; domorum re-  
pertum, naturam habere in illis tractibus reconditas ar-



guunt immensas opes, quia hæc in digitulo pigmeolo tantum. De gigantea manu (Vraba nanque sola est tractata vicinia) quid erit, quando vniuersas eius adeò vastæ telluris oras, pene traliæque illius secretiora explorauerint? Contentus & talibus inuentis gaudens V aschus, regredi ad Darienem ad socios ubi & aurifodinas habent à vico milliaria fortè decem, sed diuersa constituit via. Dat Chiapæ veniam, ne Vltra sequatur: seruet se incolumem, suadet. Mutuis se amplexibus, ferè obortis Chiapæ lachrymis, adstringunt, dexterâsque secedentes dant inuicem: valetudinarios relinquit, cum incolumibus carpit, ducibus Chiapæis nautis, iter. Traducit agmen per fluuium ingentem minimè vadosum, ad reguli ditionem nomine Teaocha. Audito nostrorum aduentu, quia mores eorum iam vestigauerat, summo perè delectatus est regulus. Prodit obuiam libens: nostros honoratè suscipit ac salutat amicè: inque amoris argumentum auri affabrè laborati V ascho libras offert octunciales viginti: praestantes quoque vniones ducentos, licet malè nitidos, quia lesos igne. Datis ergò vtrinque dextris, Teaocha munere benè pensato, Chiapæis dat commeatum, idrogante regulo Teaocha, ne suo & ipse desiderio obsequendi nostris defraudetur. Theaocha igitur nostris ex ipsius regia discedentibus non modò dat viæ comites, sed & obsequiaria mancipia, quæ iumentorum vicem gerant ad comportandum humeris viaticum: quod eundum esset per desertâ sylvarum & steriles ac squallidos montes, feris tigribus & leonibus refertos: datque mancipiis in ducatum regulus chariorem è filiis. Salitis piscibus & pane patrio ex iucca & maiçio confecto, mancipia onerat: filioque imperat, nè à nostris vnquã recedat, aut reuertatur, donec V ascho libeat. Ad regulum, his ducetibus, tēdit V aschus, nomine Pacrā, tyrannū atrocem, finitimorū regulatorum hostem infensum, potentiorē ceteris.



De fe-  
ra tigris  
de.

Is, siue conscientia scelerum territus, siue quod imparem se fore intelligeret, aufugit. Magnos aestus se fuisse passum Nouembri mense lethalemque sitim scribit, quia sit ea pars montium aquis male fortunata. Periissent, nisi ostensum ab incolis in abdito sylvarum secessu fonticulum agiles duo iuuenes e nostris, aquatum cum cucurbitis & vasis aqualibus quae Teochenses gestabant, properè adissent. Ex incolis ausus est nullus e turba secedere, quod nudos obuia fera impetant. In illis praesertim iugis, & fontis illius vicinia, e domibus, in-quiunt, se aliquando noctu raptari, nisi diligenter sollicitaeque vectibus & seris clausis domorum ostius sibi cauerint. Opera-precium erit particularem casum, priusquam ultra progrediamur, recensere. A tigride aiunt infestatum fuisse anno superiore Darienem, iactura non minore quam ab apro quondam rabido Calydoniam, aut à leone fero Nemeam. Integro nan-que semestri noctem aiunt exactam fuisse nullam in-demnem, quin vel iuuentam aut equam, canem aut porcum intra vici ipsius vias interfecerit. Armenta gregesque iam assequuntur: immò & minimè tutò, referunt, domo exisse quenquam eo tempore, quando praecipue catulos alebat: tunc nanque adoriebatur & homines fame urgente catulorum, si homines prius occurrebant, quam brutum animal. Necessitate cogente tandem ars inuenta est, qua tanti sanguinis poenas lueret: exploratis quippe angustis semitarum, quibus e cauer-narum latebris ad praedam noctu prodire solebat, iter scissum est. Excavatam scrobem cratibus & egesta terra, parte super-uacua dispersa, struerunt. Veniens incautus, mas quidem erat, tigris decidit in foueam, & sudibus acutis in scrobis fundo fixis inhaesit. Rancatu suo vniuersam obtundebat vici-nia, & montes illo stridore reboabant. Saxi ingentibus, e fossae superciliis in eum sudibus infixum deiectis, peremptus est. In mille assulas & mille frustula, fixa dextra, directas hastas & ab



Et ab alto iaculatas dirumpebat. Semianimis & exanguis  
formidine replebat intuentes: quid solutus & incolumis fe-  
cisset? Ioannes quidam Ledesma Hispalensis, Vaschi amicus  
& laborum socius, de tigride illo se comedisse fassus est. Bo-  
uina carne nihilo deteriore esse mihi retulit. Vnde tigridem  
esse dicant interrogati, qui nunquam tigridem viderunt: res-  
pondent, à maculis, à feritate, à dexteritate, à signis que aliis  
ab authoribus datis, tigrim arbitrari. Cum & pardos &  
pantheras maculatos ex ipsis plerique se vidisse prædicent. Ti-  
gride mare perempto, montes versus vestigia illius secuti, an-  
trum coniugale ipsius domicilium adeunt: duos, absente ge-  
nitricem, catulos vberibus adhuc matris indigos auferunt. Mu-  
tato consilio, quo grandiusculos effectos in Hispaniam post hæc  
mitterent, ferreis catenis diligenter in colla compositis, ad ma-  
ternum antrum paruulos reportant lactandos. Post paucos in-  
de dies regressi ad speluncam, catenis nil suo loco mutatis,  
vacuam reperere speluncam. Putant à matre in frustra præ ra-  
bie dilaceratos, ablatosque, nè quisquam eis frueretur. Asse-  
uerant namque solui è catenis nullo pacto potuisse vivos. Pel-  
lis perempti tigridis ad Hispaniolam, siccis herbis & culmo  
farcta, missa est ad Admirantium & primores, à quibus hæc  
nouæ terræ leges & auxilia expectant. Et qui à tigride in-  
commoda passi sunt, & qui pellem eius tractarunt, hæc mihi  
differuerunt. Quæ dant, accipimus. Ad Pacram, à quo sumus  
digressi, redeundum est. Desertos Pacræ boios, id est, domos, in-  
gressus Vaschus, Pacram nititur attrahere. Per legatos eadem  
Pacræ significat, quæ cæteris significata memorauimus. Diu  
Pacræ renuit. Detrectanti minæ superadduntur. Venit tandem  
tribus regulis comitatus. Deformem adeo sordidamque scri-  
bit Vaschus ac fœdum esse Pacram, ut non turpius quicquid  
se vidisse unquam fateatur. Humanam tantum illi formam  
tribuisse naturam, inquit: de cætero brutum animal, agrestes



monstruosum. Mores, inquit, habitudini ac lineamentis pares. Quatuor vicinorum regulorum vi raptis filiabus, abutebatur libidine detestanda. De obscenis Pacra moribus, deque iniuriis alteriusmodi multa per finitimos regulos coram Vafcho, vi coram iudice pratorio vel Hercule Ultore, iactata sunt: vi de Pacra supplicium sumeretur, efflagitabant. Belluā immanem cum regulis ipsis tribus, Pacra dicto parentibus, iisdemque morbis laborantibus, in bellatorum canum fauces cōiecit, illorumque lacerata cadauera cremari iussit. De canibus cum quibus praelia ineunt, mira referuntur. Ad indigenas armatos haud secus irruunt precipites, ac in fugaces cervos aut feros apros, si digito monstrentur. Accidit inter lūm non ensibus, aut sagittis vel telis aliis opus fuisse ad profligandos hostes obuios: data quippe tessera canibus solutis praeuntibus agmen, torus molossorum adpectu atque insueto latratu perterriti hesitantes, pugnas ordinēque, stupidi prodigioso inuento, deserunt. Aliter tamen accidit, quando cum Caramairensibus & Caribibus manus conseruntur ferociores namque bellisque gerendis aptiores sunt. Inruentes canes citius fulgure ictō venenatas destinant sagittas, & multos perimunt. Horum verò montium incole non sagittis, bella gerunt: maccanis tantum, id est, ensibus ligneis, laeis, oblongis, & missilibus, hastisque praestis, agunt in hostes. A viiente Pacra, ubi nam aurum familiares eius colligerent, nullis unquam blanditiis: aut minis vel tormentis potuit extorqueri. Vnde autem illud haberet, interrogatus, (ex eius quippe gazophylacio libras auri triginta fuerant affecuti) respondit: mortuos esse familiares, qui parentum suoque tempore aurum ē montibus illis colligerent: nil fuisse sibi cura, ex quo excessit à pubertate, de auro queritando. Diuelli ab hoc proposito instituto nunquam potuit. Ex hac in Pacram seueritate, finitimorum sibi regulorum animos concilauit Vafchus. Hinc exortum est:



ut vocatos ad se valetudinarios, quos à tergo relictos diximus regulus qui medius erat itinere recto, nomine Bononiama, traſeuntē benignè ſuſceperit, & libras auri calati viginti dederit, eſuique apta praeſtuit affluenter: neque deſerere noſtros voluit unquam, donec ex ſua regia in Pacram illos traduxit Vaſchōque omnes tanquam fidele deſcriptum ipſemet dextra tenens quenque tradiderit, inquiens: Ecce commilitones tuos vir fortiffime, ecce quales mea regia ſuſcepit venientes, tales tibi dedo: vellem incolumiores, ſed tibi ſociſque tuis rependet ille, qui tonitrua mittit & fulgura in homines nefarios: & iuccam nobis ac maius ex bonitate ſua praeſtat per temporum clementiam. Hac inquiens, in caelum tendens oculos, ſolem inſinuabat. Tu noſtros hoſtes violentos & ſuperbos perimendo, nobis, domibusque noſtris animi tranquillitatem afferſ. Tu monſtra domas: te, ſociosque tuos praeſtantes virtute viros, ex alto miſſos arbitramur: quo ſub veſtra maccana tutela, nobis liceat impavidis agere vitam. Datori bonorum, ex hac tanta nobis aduecta felicitate, gratias agemus perpetuas. Hac & huiusmodi alia concionatum fuiſſe Bononiama regulum, interpretes aiebant. Cui Vaſchus de comitatu & beneficentia erga noſtros gratias retulit pares: multis quippe gratiſſimis apud ipſos donis ornauit Bononiama. Multa ſcribit ab hoc regulo Vaſchus ſe didiciſſe de illarum partium opulentia: quae ſe velle in praſentiarum praeſtere ait, ad euentumque illa citat. Quid ſibi velit hac hyperbole implicita, nō intelligo. Magna polliceri videtur, neque ab eius promiſſo alienū fore iudicandum eſt, quin ingentes opes ſperari queāt: quandoquidē nullam incolarum domum adiçrunt, in qua thoraces aut pectoralia aurea, vel colli aut lacertorum aurea monilia, non reppererint. E noſtrorum ego domibus facio conſecturam. Si quis ferri cupiditate ſtimulatus, ſeſe manu



forti conferret in Italiam aut in Hispaniam, quidnam ferri reperiret in domibus? ibi ferream sartaginem, ex ferro cacabum alibi, & tripodes igni appositos ac veruum copiam ad coquina necessitatem. Nullibi ex ferro vsui non aptum quicquam inueniet, magnamque ferri copiam assequeretur. Ferrum inesse regionibus ex inuentis coniectabitur. Indigenas illos nihilo maioris facere rude aurum senserunt, quam nostri rude ferrum aestiment. Hac ego, beatissime Pater, ex Vaschi Nunne & commilitonum eius literis & viua voce de rebus illis habeo: tempus autem occulta quaeque detegens, ea clarius patefaciet. Nil egregium in aurifodinis quaritandis potuerunt hi perficere: quoniam e centum nonaginta viris, quos ex Dariene Vaschum eduxisse memorauimus, septuaginta solum, aut quando alius, octoginta vsus est opera in rebus gerendis: ceteris a tergo semper in regulatorum domibus relictis. Sed eos praecipue in varios aut morbos incidisse, qui recenter ex Hispaniola fuerant aduecti. Hi quippe tantam nequiuissent calamitatem tolerare, ut prouinciali pane solum, & herbis agrestibus sine sale, saepius cum fluuiali potu, atque, illo interduum salubri deficiente, contenti, alerent stomachos melioribus escis assuetos: Priores autem Darienenses malis omnibus perfrendis, & esuriei vltima suos indurauerant. Vnde longiorem acrioremque Quadragesimam, quam tua Sanctitas ex Maiorum instituto iubeat obseruari, se egisse facete iactitat. Quadriennium nanque se perpetuum consumpsisse, inquit, terrae frugibus aut arboreis fructibus raro saturos ipsum & socios: piscibus rarissimos, rarissime carnibus: & eorumque deuictum lamentatur, ut scabiosos canes & caenosos bufones, ac huiusmodi alia pro delicatis epulis & lautis obsonis, quando illa assequerentur, edere fuerint coacti. De his latius in superioribus exarauimus. Priores autem appello Darienenses eos, qui Nicuesa & Fogeda ducibus terram primum captarunt



habitandam, è quibus pauci superstites erant. Hac iam missa faciamus, & Vachus per celsa iterum cacumina montium Victor reducatur.

PETRI MARTYRIS MEDIOLANEN. OCEANÆ DECADIS  
tertiæ, cap. tertium.

**I**N Pacra regia triginta dies, incolarum animos concilians, & sociorum egestati consulens, exegit. Inde, Teaochensibus de cibis, ripam fluminis Comogri præhendit, à quo & regio & regulus sibi nomen adepti sunt. Torpentia reperit ea montium latera, horridaque adeo, ut, præter herbas aut radices agrestes, brutorum escas, vel arborum fructus, nil esui aptum inuenerit. Duo reguli contubernales affines terrâ infelicem incolebant. Et hominū & soli malè fortunatâ faciem fugiens properè, fame stimulante, discedit. Cotochum ait alterum è pauperibus regulis, CiuriZam alterum appellari. Ambos trahit viæ duces, Teaochensibus dato commeatu. Per horrentes sylvas & inuios montium anfractus, perque loca palustria postmodum & cœnoscas lamas, quæ impositis cedunt pedibus, & viatorem plerunque absorbent incautum, sociis penè fame cadentibus, dies percurrit tres: perque loca benignitatis naturæ ad humanum vsum expertia: quæ rarò apperta iuina reperiēbat, quia rarò inter se commercia contrahunt indigenæ: bellicis tantum incursionibus se inuicem trucidant, aut raptant in seruitutem: de cætero contenti quique suis limitibus. Ad alterius tandem reguli ditionem appulsi, qui Buchebuëa dicitur, vacua omnia & silentia reperiunt: ad sylvas profugerant & regulus & ditionarij omnes. Missis legatis qui eum adducerent, non modo non iniuriam minantur,

N ij



verum etiam patrociniū pollicentur. Respondit Buchebucæ, non iniuria metu aufugisse: verum præ pudore atque animi tristitia secessisse: quod nostros honorificè, vii merebantur, suscipere nequiret: quia nil eis poterat ad victum impartiri. In obseruantia tamen & amicitia signum, vasa pleraque aurea ad nostros, petita venia de reliquis, libens misit. Visus est miser insinuasse, ab finitimo se hoste aliquo fuisse spoliatus ac superbè crudelitèrque tractatum. Indè igitur hiantes fame ac macilentiores discedunt, quàm eò venerant. Inter eundem ex transuerso nudi quidam incolæ sese offerunt, è cliuo innuètes. Sistere agmen iubet Vascius: expectantur. Quid velint, interrogantur per interpretes quos secum habebat Vascius. Ita sunt affati: Regulus noster Chiorisus vos salutat. Viros vos esse fortes & iniuriantum domitores, malorumque debellatores, intellexit: propterea vos tantum fama notos colit & obseruat. Nil maluisset quàm vos intra regie sue tecta conuiuas habere: beatum se talibus hospitibus fore inquit. Sed quandoquidem fors illi est aduersata, restetque denique a tergo, in amoris argumentum hæc auri frustula vobis dono dat. Patenas è puro auro triginta cum Urbano subrisu Vascio porrigunt. Maiora se præbituros, si aliquando ad eos ierint, pollicentur. Vocat Hispanum vulgus patenas, quas collo gestant bullas: & quibus in sacris cooperiuntur calices admissi altaribus. Propterea, patellas mensales intelligat, an bullas, non percipio. Puto patellas escales, quia ponderis erant librarum quatuordecim octuncialium. Præterea finitimum se habere hostem regulum, & opulentum auro, à quo infestantur quotannis, retulerunt. Quasi inferre volentes, & vos dites efficiet eius reguli excidium, & nos amicos à quotidiana liberabitis molestia. Id facile fore, per interpretes enunciant, nostris auxiliantibus, se ducatum agentibus. Bona spe præbita, nuncios Vascius remisit alacres: ve-



rum ex pensato suo munere beatos, praeiis quibusdam ferreis securibus, quas maioris faciunt, quam grandes auri cumulos. Auro nanque parum indigent, pecuniae expertes mortifera: securibus verò ille se Crasso ditiorē fieri fateatur, qui vnam assequatur. Ad mille usus hominum accommodatas esse secures, nudi homines ferunt. Aurum verò ad inanes quosdam appetitus quaritari, quibus carere haudquaquam est incommodum: neque enim ad eos nostra gula descendit, quae abacos onerare multiplicibus praegnantibus torematis illos vti nostra tempora, cogat. Non mensis, non mappis, non mantilibus utuntur: nisi fortē reguli paucis vasculis aureis mensas ornent: ceteri sumptu dextra pane patrio, & sinistra piscis assi frustulo aut fructu aliquo, famem propellunt: carnes raro adipiscuntur. Si vero tergendis sint aliquo uncti edulio digiti, pedum plantam, aut femoris cutem, vel genitalem interdum crumenam, sibi habent pro linea mappa. Idem de insularibus Hispaniola fertur. Crebrò tamen se fluminibus immergunt, & se totos lauant. Auro igitur onusti nostri progrediuntur, sed afflictissimi, & spiritum vix trahentes praedia. Pocchorrosa reguli ditionem offendunt. Maior pane, qui est vti paniceus Insuber, ibi triginta dierum intercapedine exhaustos repleuerunt ventres. Ausugis Pocchorrosa: blanditiis & promissis pellectus rediit. Mutuis se muneribus afficiunt: solitis Vaschus Pocchorrosam, atque iisdem recipienti gratissimis: Pocchorrosa Vaschum auri constati libris quindecim, & mancipiis paucis. Volens inde discedere, iter sibi fore per vnius reguli ditionem, nomine Tubanama, relatum est. Is est, quē à Comogri filio, potētē esse, atque vniuersae viciniae formidosū, aliās intellexerāt: apud quē è Comogri familiarib⁹ plerique mancipium egerant, bello capti. Tubanama potentia, vti nunc constitit, à seipsis dimensū fuerant: quando illa re-



censebant, quam culices ad elephantem illi sint reguli si sub-  
 strenuo & felici duce militantibus, nostris comparentur, igna-  
 ui. Neque transmontanum esse Tubanamam, uti arbitraban-  
 tur: neque auro adeò fultum, uti Comogreus iuuenis prædica-  
 uerat e proximo cognouerūt. De prostrando tamen cogitatur.  
 Hostis erat Tubanama Pocchorrosa: propterea illi placuit  
 Raschi de hoste suo delendo consilium. In Pocchorrosa valetus  
 dinarios relinquit sexaginta, quos habebat incolumes &  
 animo pollentes, ad se vocat: quid factū sit opus, illis aperit.  
 Tubanamam regulum iactanter superbèque sapius fuisse ip-  
 si & sociis omnibus minitatum: & necessario per eius di-  
 tionem eundum fore, prænunciat. Imparatum censet esse im-  
 petendum. Assentiuntur consilio comites: ut rem aggredia-  
 tur, suadent & hortantur, secuturos se offerunt. Duorum  
 iter dierum vno peragendum esse statuunt, nè cogendi ar-  
 matos Tubanamam copia præbeatur. Ut cogitatum esset, ita eue-  
 nit. Prima noctis vigilia cum Pocchorrosensibus vna Tuba-  
 nama regiam adoriuntur. Palantem & imparatum præhen-  
 dunt: viros apud se duos obsequiarios habebat: scēminas autē  
 per vim & iniuriam à diuersis regulis raptatas octoginta:  
 ditionariis omnibus, & eius dicto parentibus regunculis, per  
 pagos circumuicinos dispersiis: quia sedato ociabatur animo,  
 nil suspicans. Semotis nanque non contiguus, habitant domi-  
 bus, ob furentes ventos: crebris nanque nimboris typhonibus  
 fatigantur ob repentinos motus aeris ex effectibus siderum  
 in æqualitate diei & noctis: quia sunt, uti aliàs diximus, æ-  
 quinotio proximi. Domus autem sunt lignæ, contextæ cir-  
 cumspectæque paleis, aut culmo paniceo patrio, vel herbis pro-  
 uincialibus tenacibus. Tubanamæ atrio domus altera tantum  
 inhærebat non minor primaria: centum & viginti passuum  
 vtriusque domus longitudinem, latitudinem verò passi vni  
 esse quinquaginta, dimensi sunt. Hæ domus ad habendos



militum delectus, si quando bella mouebat Tubanama, parata erant. Capitur Tubanama, capitur & Sardanapalicus eius comitatus vniuersus. Insultabant in vincitum Pocchorrosenses, conterminiq; omnes reguli. Audita Tubanama fortuna psallebat: nihilo naque minus infensū suis finitimis Tubanamā fuisse intellexerūt quā fuisse Pacrā in diuerticulo ad austrū diximus. Vincto Vachus dissimulanter minabatur, re autē nil mali Tubanama cupiebat. Debitas hīc pēnas tyranne luesciebat: te, si huc se conferrent, capillis raptatos Christianos omnes in vicinum flumen obruturum saepe apud tuos iactitasti. In idem flumen raptabere miser & obrueris: & vna iubet hominem attoli, dato tamen sociis venie signo. Ita deterritus infelix Tubanama, serio ista imperari meditatus, veniam, prostratus ad Vachi genua, petit: se nihil horum dixisse vnquam iureiurando asserit. Regulos fortē suos ebriqs ista protulisse: regulosque intemperantes appellans, arguebat procacitatis. Vina quidem illorum, licet non ex viuis, (vt iam significauimus in nostri agelli primitiis ad tuam Sanctitatem) ebrietati tamen apta sunt. Finitimos etiā in se fuisse ista commentos lamentabatur, & ob inuidiam in se conflata, quod potentior esset, talia confinxisse. Auri se copiam ingentem allaturum promittit, modo ignoscatur. Dexteram affigens pectori, ait se amasse timuisseque semper nostros: quōd machanasid est, enses, nostrorum audierit suis machanis esse acutiores, scinderēque acrius quicquid fiat obuium, intellexisset. In Vachū dirigens oculos ait: Quis contra ensē istum tuum, nisi mentis inops, dextram erigere audebit? quo findere potes & soles peruicacem hominem a vertice vno ictu ad vmbilicum? Ne tibi quisquam persuadeat, fortissime viuentium, ex ore meo prodisse quicquam eiusmodi. Hac & multa differuit, nodum mortis iam deglutiens Tubanama, quando ad ipsius lachrymosa postulata se flexisse animum Vach⁹ dissimulat. Placido



Vultu illum alloquitur, & data Venia solui iubet. Afferuntur interea ex duobus atriis libræ triginta puri auri octunciales, in scæminea conflati monilia. In diem vero tertium alie portantur à regulis eius missæ libræ sexaginta in temeritatis mulctam. Sed vnde id aurum assequatur, Tubanama interrogatus, negavit è proximo effodi aurum illud. Fuisse ad suos maiores importatum à flumine Comogro in austrum derivante, insinuabat. Pocchorosenses vero, ceterique illius hostes, metitum fuisse aiebant, diti scerèque auro regnum illius affirmabant. Contra Tubanamam nullam in ditione sua se noscere aurifodinam, perseveranter aiebat: collectos tamen aliquando minutos quosdam alicubi grumulos aureos: sed de his colligendis se minime fuisse unquam sollicitum: quia id fieri sine longo magnoque labore nequeat. Dum hac ita tractarentur, ad Paschum veniunt in Pocchorrosa postergati, appulsi que sunt octavo calend. Ianuarii, calce anni M. D. XIII. perque mancipia à regulis australibus habita fossoria tulerunt instrumenta, auro apta deligendo. Natalem Domini diem ab omni opere immunem exegerunt. Altero autem ab eo, quo beati Stephani protomartyris solenne agimus, in clium parum à regia Tubanamam distantem, quia terra colorem dicit se cognovisse auro gignendo testem, fossores quosdam ducit. Scrobe ad se squipalmum effossa, grumulos lente non grandiores aureos se reperisse, cribrata leuiter terra, scribit: & tominum, ut eius viar vocabulo, qui trapezitarum appellatione, duodecim grana continet, coram notario ac testibus collegisse, quò rei fides præstetur. Vnde arguit, finitimorum dictis quadrare telluris illius opulentiam, licet id minimè potuerit à Tubanamam extorquere. Putant Tubanamam nihili fecisse exiguam adeò campus portiunculam: alij pertinaci aiunt stomacho Tubanamam negasse fortunari auro suam tellurem, ne aliquando ad eam auri cupiditas nostros trahat usurpandam. Sed vates fuit bonus



regulus. Eam quippe ac Pacchorrosensem destinârunt ad habitandum eligendas, deque nouis oppidis in vtraque condendis, modò regi placeat, est consilium: tum vt sint, veluti meritoria tabernæ, transituris ad austrum receptaculum: tum quia sit vtraque tellus quibuscunque frugibus alendis & arboribus suscipiendis aptissima. Indè iam discedere statuens, tentat obiter alibi terram, colorem calculosque monstrantem gignendo auro consonos. Paulò vltra cutem effossa breui scrobe, pesum, quod Castellani aurei pondus esse diximus in primis primis ad Beatitudinẽ tuã: non tamen vno grano, se reperisse perhibet. His rerũ argumentis latus, Tubanama spem felicitis successus pollicetur, modo neminem infestet ex his quos ipse amicos in conterminis linqueret. De auri copia colligenda suadet. Sunt qui ferant abduxisse Tubanama fœminas omnes, spoliatumque, nẽ inolescere queat, reliquisse. Filium illi sua sponte præbuit alendum Tubanama, quò versans inter nostros, linguam & mores nostrorum perdiscat, & religione imbuatur vt aliquando sit eius institutio vtilis genitori ad fauorem conciliandum. Virgebatur acri febre Vachus eo tempore, ex immenso labore vigiliis que & inedia, propterea indè discedens, mancipiorum humeris pensilem portari se iubet. Feruntur & indè pensiles in amachis, id est, gossampinis lodicibus, grauibus confecti agritudinibus. Quibus autem vires aliqua suppetebant, neque incolumes, tamen cruribus hebetibus, dextris incolarum sub alas præhensi subleuabantur. Ad Comogri tandem reguli amici relictĩ, de quo supra lata mentio facta est, ditionem appulsus, mortuum esse reperit senem, filiũque ipsius, quem aliàs a prudentia laudauimus genitoris loco suffectum intellexit, Carolũque vocari baptizatum didicit. Est huius Comogri regia in radicibus cliui bene culti strati: planitiæ habet à meridie lequarum duodecim latam, vberem, hanc Zauanam vocant incolæ. Planitiæ superata, montes occur-



runt altissimi, quos diximus dirimere duo illa maria. A cliuis  
 mitibus fluvius scatet Comogrus, qui planitiem illam inter-  
 luens, montes petit arduos, perque illorum Valles reliqua flu-  
 mina suo alveo sorbendo, viam reperit ad australe pelagus.  
 Distat à Dariene lequas circiter septuaginta Occidentem ver-  
 sus. Nostris igitur aduentantibus psallens alacérque prodit  
 abuiam Carolus regulus: edulis potubúsque suauibus nostros  
 recreat: hospitio suscipit honorificè. Mutuus sese muneribus  
 afficiunt. Laborati auri libras octunciales viginti porrigit  
 Vascio regulus. Vascius non minus grata repensat: secures  
 puta, fabrilíque instrumenta quadam, ad carpentariam artē  
 facientia. Sagulo etiam atque interiore texta linea, pro tempo-  
 ris angustia, Comogrum ornavit. His donis se inter vicinos  
 heroem effectum existimavit Carolus. Comogrum & reliquos  
 omnes commonefactos reliquit, ne unquam ab obseruantia  
 & fide erga Castelle reges discedant, si vivere vitam tran-  
 quillam exoptant. Utque studiosius posthac aurum magno illi  
 Tibi, id est regi, offerendum congerant, hortatus est. Hac via  
 paraturos sibi suisque posteris ab omni hostium insolentia pa-  
 trocinium, & nostratum rerum copiam affluentem, enun-  
 ciat. His ita confectis, iter suum prosequitur ad Poncha regiā:  
 Vbi quatuor è Dariene venisse iuvenes reperit ipsum admo-  
 nituros, appulsa esse nauigia benè fulta commeatibus ex His-  
 paniola. Eo nanque se rediturum, quacunque ab austro regre-  
 difas foret, fuerat pollicitus. Quare sumptis viginti è com-  
 militonibus incolumioribus, longis itineribus ad Darienem  
 ipse proficiscitur: ceteris, ut se pedetentim sequantur, poster-  
 gatis. Quartodecimo Kal. Febr. anni 1514. scribit se deuectū  
 ad socios. Data verò literarum ipsius est: Ex Dariene, quarto  
 Nonarum Martii, prius non licuisse, nulla prius discedente  
 nauis, inquit. Scribit se illinc duo misisse nauigia, quibus poster-  
 gati adueantur. Et iisdem literis multa se inisse certamina



iacet, nunquam verò fuisse percussum, aut è commilitonibus amisisse ullum pugnando. Nulla est propterea magna ipsius epistola pagina, quæ gratiarum actionibus referta nō sit, quod à tantis totque discriminibus & laboribus euaserit. Nullus est eius actus, nulla peregrinatio sine calitibus invocatis, Dei-para Virgine præeunte sepe. E violento igitur Golia in Heliseū, ex Antao in Herculem portentorum domitorē, transforma-  
tus hic noster Vascus Balboa fuisse videtur. Mutatus ergo ex temerario in obsequentem, honoribus & beneficentia dignus est habitus: & in catholici regis gratiam receptus, diplomate regio Praefectus militum eius regionis est creatus. Hæc & literæ Darienensium & vinæ venientium voces retulerunt. Quid autem ego, beatissime Pater, è propinquo de hisce rebus sentiam, forte cupies intelligere. Mea est hæc opinio simplex: & militaris scribendi referendique Vasci & sociorum series, res ita accidisse, testari videtur. Non per effossos ergo cuniculos ad infernos manes, non per milliaria multa, non per intolerandos labores, & varia vitæ discrimina, scindendo montes, descendet Hispanus quasitum opes in viscera terræ: sed ex ipsius cute, vix è solo supercilio scrobibus effosis, vel ex fluminum, ripis æstate siccatis leniter abluta tellure aurum modò perstent inhabitando terram, colligetur: facilique indagine margaritæ reperientur. Tanti muneris expers fuit, uti Cosmetra omnes assentiuntur, veneranda vetustas: quoniam ad has gentes itum est nunquam hætenus structis ordinibus: ipsæ verò nullo indigæ vel paruo, minimè hospites velint: immo, uti late ostendimus, adeuntes feroci congressu excipiunt, nec se, nisi bello superatos, tractari patiuntur: si præcipue in edaces humanarum carniū nouos anthropophagos, quos diximus Caribes, aliàs Canibales, appellari, inciderint: quoniam hi sagaces hominum venatores, nulli alteri exercitio intenti, agunt ætatem, præterquam vel agro-

Vasch<sup>o</sup>  
Balboa



rum cultui suo more, vel rei bellica ad homocupium. Hi ergo venientes nostros, veluti apros aut cervos in eorum venabula vel retia casuros expectant, & secum taciti spe præda labia lambunt. Si profligauerint, epulantur lautissime: si autem se impares fore arbitrantur, fuga saluti consulunt, & elabuntur vento celerius. Si apud aquas res agitur, demersi gurgitibus tam viri quam fœminæ haud segnius adnatant, ac si perpetuò in aquis degerent, & sub aquis victum quaritarent. Non mirum ergo, si tractus hi vastissimi sunt pro ignotis relictis. Per hac inuenta igitur Christiana religio, cuius tu apicem tenes, in immensum brachia protendet. Multas hominum, vii in initio diximus, myriadas, tanquam novum pulliculorum fœtum sub alis, tua Sanctitas fovebit accercitas. Beragua namque à Colono primum reperta, sinistris mox aibus à Diego Nicuesa tractata, nunc deserta repetetur: ac reliquæ illius telluris ample regiones omnes, ex efferis & agrestibus, ad cultum politicum & veram religionem paulatim reducentur.

PETRI MARTYRIS MEDIOLANEN. OCEANEÆ DECADIS TERTIÆ, cap. quartum.

Quarta  
Nauiga-  
tionis  
Coloni  
descrip-  
tio.



**I**nsistere. Pater beatissime, statueram: sed igniculus quidā tortor animi, producere pariter per sermonē hortatur. Beraguā, dixi, primò repertā à Colono. Defraudare virum, & admittere scelus mihi viderer inexprabile, si labores toleratos, si curas eius perpeffas, si denique discrimina quæ subiuit ea navigatione, siletio præterirē. Is a salute nostra 1502. sexto Idus May cū clāssicula navium quatuor, cuparū in singulas quinquaginta & sexagita, cumq; hominibus cētū septuaginta, soluit è Gadibus: & felici cursu Canarias præhendit in diem quintum. Indè appulsus est ad in-



fulā Dominicā, quæ Caribium est patria, die sextodecimo: cap-  
tauit è Dominica Hispaniolā die quinto. Sexto igitur & vi-  
gesimo die, ventis lapsuq; oceanī ab oriente in Occidentem  
fluentis adiuuantibus, ab Hispania nauigauit ad Hispaniolā:  
qui cursus mille ac ducentarum lequarum à nautis esse per-  
hibetur. In Hispaniola, siue libens, siue monente prorege, pa-  
rum moratur. Occidentem rectā secutus, Cuba Iamaicāque  
in sulis à septentrione in dextram relictis, in insulā se incidisse  
meridionaliorem Iamaica scribit, nomine incolarum Guanaf-  
sa, virentem vniuersam, vberēque supra quam credibile  
cuiquam sit. Eius insulæ littora percurrēns, duobus occurrit  
prouincialibus monoxylis: de quibus satis latē diximus in su-  
perioribus. Restibus iugata mancipia nuda trahebant, vti  
aduersis fluminibus solet fieri. Monoxylis primarius insularis  
vehebatur, cum vxore ac liberis nudis omnibus. Nostris,  
qui descenderant in terram, superbē mancipia innuebant, ex  
heri mandato, vt cederent venientibus: minabantur recusā-  
tibus. Tanta est eorū simplicitas, vt nec veriti sint neque ad-  
mirati nostrorum vel nauigia, vel potentiam, aut multitu-  
dinem. Putabant nostros, ea quā ipsi reuerentia colebant heri,  
assurrecturos. Ab alienis terris mercatorem esse redeuntem  
intellexerunt. Nundinas exercent nundinarias merces ille fe-  
rebat, aurichalcea tintinnabula, nouacula, cultellōsque ac se-  
cures è lapide flauo, diaphano, lucido genere quodā ligni tena-  
ci manubriatos: vtesilia etiā, coquinariaq; vasa & fictilia arte  
mira è ligno partim, partim ex eodē marmore laborata: sed lo-  
dices præcipuē supellectiliaq; gossampina variis intexta colori-  
bus, vehebat. Dominum & vniuersam eius familiam, rēq;  
que omnem præhenderunt. Solui tamen mox Præfectus illos  
iussit, & rerum partem maiorem restitui, quo beneuolos red-  
deret, imperauit. De natura terræ vltioris ad Occidentem  
didicit: rectā carpititer ad Occidentem. Ad milliaria decem  
paulo amplius tellurem reperit vastam, nomine inco-



larum Quiriquetanam: ipse verò Ciambam nuncupavit. Rem diuinam in littore iussit celebrari. Habitatribus nudis plenam reperit. Hi mites & simplices, posito timore, ad nostros, ut ad rem mirandam, prouincialibus cibis & aqua recenti onusti, confluebant. Oblato munere, versis vestigys, capite obstipito, reuerenter retrocedebant. Pensauit munera illorum muneribus rerum nostrarum, calculorum puta vitreorum seris, & speculis quibusdam, acubusque ac spinteribus, & huiusmodi mercibus illis peregrinis. In magno illo tractu regiones sunt duæ: Taia hæc, Maia illa appellata. Vniuersam scribit terram illam esse salubrem, amœnam, clementia celi fortunatam optimè: nulli terrarum vbertate agrorum postferendam: temperie mira præditam: & montanam refert partim, partim lata planitie nobilem: arboriferam vbique, herbidamque, ac perpetuo vere autumnoque gaudentem: arboribus toto anno frondentibus & pomiferis. Illicet pinetisquæ ait esse repletam: ac palmarum generibus septem, quarum aliæ dactylifera, steriles aliæ sunt. Pelgoras viuis pendentibus maturis, sed labruscis, terra gignit suapte natura inter arbores. Tantâ refert esse apud hos suauium vtiliumque fructuum natiuorû copiam aliorum, quod de viuis colendis nulla sit cura. Ex palmarum quodam genere machanasid est, sensiles ligneos latos, & iaculares hastas, construunt. Gossampinas arbores nutrit ea tellus vulgò. Myrobolanos etiam diuersarum specierum, emblicos puta & chebulos, medicorum appellatione. Maizium & hæc terra generat ac iuccam, ages & battatas, vti ceteræ regiones illæ. Eadem & leones nutrit ac tigrides, ceruos, capreolósque, & huiusmodi animalia. Volucres etiam diuersas, inter quas pro altilibus habent eas, quas parsonibus fœminis, colore ac magnitudine similes esse, gustu etiam & sapore, diximus aliquando. Proceros esse aiunt, ac pulchre formatos incolas Viriusque sexûs: quos ait pudenda tegere gossampinis



gossampinis velaminibus intextis diuersis coloribus. Ad elegantiam seipsos depingunt, quorundam pomorum succo, ad id in hortis nutritorum, nigris ac rubentibus, vti Agathyrso legimus. Totum, inficiunt, alij corpus, partes alij, plerique autem tractim flores aut rosas effigiant, aut implicitos laqueos, prout cuique sedet appetitu. Idiomata sunt penitus alia ab insularibus conuicinis. More torrentis, aqua fluebant ad Occidentem. Statuit tamen Orientem eius terræ querere, animo vertens Pariam, Osque Draconis, & alias quas iam descripsimus ab Oriente repertas oras, contiguas esse, vii erant, existimans. Ex ampla igitur Quiriquetana decimotertio calēdas Septembris soluit. Ad lequas triginta fluium reperit, extra cuius ostiū dulces haustus sumpsit in mari. Littus erat scopulis & rupibus purgatum: fundo ad iaciendas ancoras vbiq̃ apto. Tāram scribit vim fuisse oppositi torrentis oceanū, quōd diebus quadraginta lequas vix potuerit septuaginta percurrere: claudicando semper & gyris per altum agendo clāsiculam, procedebat: interdūque se repulsum & retro raptum reperiēbat impetu aquarum, terram captare volens ad Vesperum, ne per noctis tenebras in ignotis littoribus naufragarentur. Intercapedine lequarum octo, tria se ingentia flumina nitidarum aquarum scribit reperisse: in quorum marginibus cannæ crassiores humano femore gigneantur: pisciūque ac magnarum testudinum copiam ingentem: & plerisque in locis crocodilorum multitudinem, in arena vasto hiatu solem captantium. Varia etiam animalia, quibus nomen non dedit. Variāque refert eius telluris faciem esse, saxeam alicubi & promontoriis fultam squallidis ac rupibus ambesis: alibi benignitate soli, nulli terræ cedentem. Varia etiam in variis oris regum & primariorum nomina. Vocant regulum Cacicum, vt aliās diximus, alibi Quebi, Tiba verò alicubi. Primarium autem, alicubi Sacchum, alibi Iurá. Eum qui strenuē se gessit



in pugna hostili, & signatam cicatricibus faciem ostendat, cit  
 pram appellant: habentque pro heroe. Vulgum nuncupant  
 chyuis: hominem alicubi dicunt homem. Accipe homo, si quis  
 dicere voluerit, hoppa home, dicet. Alius deinde fluvius  
 grandibus nauigiis aptus occurrit: ante cuius fauces quatuor  
 insulae paruae, floridae atque arboriferae iacebant, quae portum  
 efficiebant. Has Quatuor Tempora vocitauit. Ab his, ad le-  
 quas tredecim, ad Orientem semper contra vim aquarum  
 tendens, duodecim paruas prehendit insulas: has quia prae-  
 ditas nouo genere fructuum, limones nostros æmulantium, Li-  
 monares appellauit. Eadem via pererrans ad lequas duodecim  
 magnum reperit portum, lequarum trium spatio sese in terrā  
 insinuantem, pauloque minus latum: in quem fluvius ingens  
 cadebat. Ibi amissus est postmodum Nicuesa, Beraguam qua-  
 ritans, vii supra diximus: unde Perditorum fluvium recentio-  
 res nuncuparunt. Continuo cursu tendens contra pelagi furo-  
 rem. Admirantus Colonus, varios reperiēbat montes, valles  
 varias, flumināque ac portus: spiritus rerum omnium suaves  
 fuisse atque recreantes naturam refert: Neque incidisse in ad-  
 uersam valetudinem ē sociis quenquam ad regionem vsque,  
 incolarum appellatione, Quicuri, ultima acuta: in qua portus  
 est Cariai: ab ipso Admiranto Myrobalanus appellatus, quia  
 natua sit ibi arbor illa. In hoc portu Cariai sese obiciunt cir-  
 citer ducentum incola, manu gestantes terna quaternāque ia-  
 cula: mites tamen, & hospitales: sed quid sibi gens haec no-  
 ua quæreretur, parati expectantes. Colloquia petunt: dato signo  
 pacis, natando nostros aduēnt, commercia ineunt, permutatio-  
 nem rerum postulant. Dari ē nostratibus rebus, ad eorum be-  
 neuolentiam captandam, Admirantus, sed gratuito, impe-  
 rat. Per signa gratiam recusant: neque enim vllum ex horum  
 idiomate vocabulum perceperunt: fraudem aliquam inesse  
 nostris donis suspicati, quod ipsorum oblata nostri recipere re-



missent. Quicquid fuerat impartitum, in littore liquerunt. Tanta pollent Cariarense urbanitate, atque animi benignitate, ut magis dare, quam accipere, studerent. Puellas ad nostros, virgines formæ elegantis, misere duas: quas abducere liceret, insinuabant. Hæ, ut cetera fœmina, pubetenus fascia tegebantur gossampina. Is enim est fœminarum Cariarensum mos: virorum autem, nudè agere. Scindunt & crines fœminæ: viri nutriunt occipite, à fronte radunt, colliguntque vitis candentibus, & in orbem circumducunt capiti, uti nostrates videmus puellas. Admirantur indutas ac benè donatas, cum rubro laneo pileolo genitori earum præbendo, remisit. Sed cuncta iterum in littore locata sunt, quia ipsorum dona recusassent nostri. Duos tamen viros, & eos non inuitos, secū aduexit, quò vel illi nostram, vel nostri Cariarensem perdiscerent linguam. Maris æstu parum quati tractus illos cognouit quod haud secus littori ac fluuiorum ripis arbores inhererent. Idem aiunt & ceteri oras illas tractantes, exiguo fluxu ac refluxu omnium illarum terrarum, insularum etiam littora madefieri. In huius terræ prospectu, inquit, in mari ipso gigni arbores quæ ramos incurrent, postquam altius emerferint, ad profundum: quo applicatæ cuspides, uti propagines vitium, solo demersæ, radices creant, & in sui generis arbores perpetuo virentes prodeunt. De huiusmodi arboribus, Plinius in duodecimo naturalis historia: sed in arido solo, non autem in mari. Animalia nutriri in ora Cariai eadem, quæ alibi diximus: sed vnum reperere naturæ longè dissona. Id est grandi cercopitheco par, cauda longiore proceriorèque: cauda suspensus & vim, terque quaterque sese deuoluens, capiendo, ex ramo transilit in ramum, & ex arbore sese proicit in arbore, ac si volitaret. Arcuarius è nostris vni sagitta confixit. Vulneratus sese deiecit cercopithecus, hostem vulneratorem rabidus adoritur. Stricto ense agit in pecus venator: lacertum cercopitheco absci-



dit, cepitque mancum ferociter renitentem. Ad classem per-  
ductus, mansuevit inter homines parumper. Dum sic ferreis  
vinctum catenis seruarent, è litoribus trahunt paludibus a-  
prum venatores alij. (Cogebat nanque carniū desiderium  
nemora perlustrare.) Cercopitheco aper & ipse ferox osten-  
ditur: setas excutit uterque: in aprum cercopithecus furibun-  
dus salit: cauda circumligat aprum. Cum seruato à venatore  
victore suo lacerto, guttur apro prahendit: reluctantem aprum  
suffocauit cercopithecus. Hac & huiusmodi monstra nu-  
trit alia tellus illa. Seruant & Cariarenses deficcata cratibus  
procerum & parentum cadauera, folijs arborum inuoluta:  
populo nemora sylueque sunt addicta sepulcris. Procedentes  
ex Cariai ad lequas viginii circiter, sinum reperere amplum  
adeo, ut in gyru putent lequas continere decem. Quatuor insu-  
la parua, feraces, exiguo discreta intervallo, sin<sup>9</sup> faucibus ob-  
iecta, tutum efficiunt portum. Is est portus, quem alias dixi-  
mus appellari ab incolis Cerabaró, vltima acuta: sed vnum e-  
ius litoris latus, tantum ita vocitatum nunc didicere, atque id  
dextrum, ingrediendo: laeuum autem, Aburéma nūcupatur.  
Insulis, inquit, vniuersum feracibus & frequentibus cele-  
brem esse, atque arboriferis: fundo ad ancoras iaciendas vbi-  
que apto nitidoque, ac mira piscium copia pollentem. Vtraque  
terra adiacens, vbertate soli, nulli terrarum eorum iudicio ce-  
dit. Duos incolas ad manus habuere. Colla incola monilibus,  
que appellant guanines, aureis, in aquilas aut leones vel a-  
nimalia huiusmodi affabrè effigiatis, ornant: sed aurum id  
minimè purum esse cognouerunt. A duobus illis Cariaren-  
sibus, quos abductos diximus, nostri didicerunt Cerabaroam  
& Aburemam regiones, auro dites esse, Cariarensesque re-  
rum suarum permutatione vniuersum aurum quo ornantur,  
ab his adeptos fuisse. Quinque pagos auro legendo egregios  
in esse Cerabarois & Aburemanis regionibus à litore in in-



ternis distantibus non longo tractu, Cariaireses nostris aperuerunt: commercia nanque a Maioribus eorum utraque nationes frequentant semper. Pagorum nomina hac esse perhibentur: Chirará, Purén, Chitazá, Iurèche, Atamea. Viri omnes Cerabaroa provincia, nudi sunt penitus, sed variis depicti modis: fertis floridis, & coronis ex leonum & tigrum ungibus contextis oblectantur. Fæminæ angusta gossampina vitta pudenda tantum contegunt. Hinc iam tandem egressi, per idem littus ad lequas octodecim, in fluminis reperti ripa occurrunt viri nudi tercentum, sublati clamoribus minitabundi, expuantes in nostros, aqua sumpta in os, aut littoralibus herbis. Iaculando missilia, vibrandoque hastas & machanas, (enses diximus esse ligneos) a litore arcere nostros conabantur. Depicti variis modis erant: alij, præter faciem, corpus uniuersum, tractim alij. Pacem nolle se, aut commercium vllum cum nostris, insinuant. Solui tormenta quadam in illos sed ab alto, nè perimerent quenquam, imperat. Hoc enim semper sedit Coloni animo, ut pacatò ageret cum nouis gentibus. Fragore discussæ balistæ bombardæ perterriti sternuntur omnes. Pacem optant. Commerciuntur inuicem, guaninorum aureorum, ex aduerso calculorum vitreorum atque huiusmodi rerum permutatione. Tympana hi habent & marina conchylia, quibus ad excitandos animos pugna tempore vtuntur in bellis. In eo tractu flumina sunt, Acatéba, Quaréba, Zobróba, Aiaguitin, Vridá, Duribbá, Beragua: in omnibus aurum colligere licebat. Foliis arborum latis ab aestu pluuiæque, penularum loco, se tuentur. Oras inde perlustrauit Ebeteré & Embigáar. in his flumina labuntur, dulcium aquarum & piscium copia, egregia, Zahorán & Cubbigár. Hic sistit auri vbertas, quinquaginta circiter lequarum tractu. Distat inde lequas tantum tres ea rupes, quam in infausto Nicuesa discursu diximus appellari Pegnomen à nostris: incolarum



autem appellatione, regio dicitur *Vibba*. In quo etiam tractus est portus ad lequas tantum sex, quem Bellum diximus à *Colono* vocitatum: cuius regio *Xaguaguará* dicitur ab incolis. Populis est ea tellus vniuersa frequens, sed nudis. In *Xaguaguará* regulus nigro, populus rubro, coloribus fucantur. Regi & primariis septem, e naribus pendebat aurea lamina, labiorum tenuis. In hoc ornatu summum putant esse decorem. Testa marina viri pudenda includunt, fœminæ gossampina tegunt vitæ. In horiis hi pineæ nuci fructum similem nutriunt, quem diximus aliàs è frutice nasci, veluti carduo, sed mollem & regia dignum esca. Cucurbiteas quoque arbores ad potus ferendi vsum. De his latè aliàs. Vocant arborem *Hibuero*. Crocodilis alicubi occurrebant, qui cum aufugerent aut mergerentur, odorem à tergo musco vel castoreo suauiore relinquebant. Nili accola de crocodilo, fœmipa idem, mihi retulerunt: de abdomine præsertim, quod Arabicos æquet odores quosque. Regressus hinc est *Almirantus* cum sua clâsicula: tum quia nequibat aduersum aquarum cursum sustinere, tum etiam quia magis ac magis indies nauigia putrescebant, atque terebrabantur vermium aculeis, qui ex aquarum tepore in vniuersis tractibus illis, æquinoctio fere suppositis, gignuntur. Bissas vermes illos mercator Venetus appellat. Hos & Alexandrini duo portus Aegypti generant: nauësque labefactât si diu in ancoris morentur. Cubitales sũnt, & interdum longiores: digitiulo nunquam crassiores. Hispanus nauta pestem hanc bromam vocat. Bromam igitur veritus *Colonus Almirantus*, & renitente pelago vexatus, secundo oceano ad Occidentem regreditur. Hiẽbram fluium à Beragua fluuiio duas distantem lequas, quia sit maioribus nauigijs suscipiendis aptior, captat. A Beragua minore, regio nomen tenet: quia Viriisque fluminis possessor regulus Beraguam inhabitat. Quid dextrum, quid de sinistrum hic acciderit, dicamus. Stans



in Hiëbra Colonus, fratrem suum Bartholomæum Colonus Hispaniolæ Adelantatum, cum cymbis seruitoriis & hominibus octo & sexaginta, mittit ad fluvium Beraguam. Obuius fit Adelantato cum patriis monoxylis secundo flumine regius regulus, more patrio depictus, nudus, cum ingenti comitatu, sed inermis. Cum primum ad colloquium deuentum est, reguli familiares de quiete sui heri anxij, & maiestatis regie memores, nè stans regulus negocietur, saxi è proximo sumpti in ripa lauant, confricantque decenter, & reuerenter allatum regulo supponunt. Sedens regulus, per signa visus est annuere ut nostris liceat diuisionis eius flumina percurrere. Sexto Idus Februarij, pedes Adelantatus aduersa tendit Beraguæ fluminis ripa, cymbis relictis. In Durabam fluvium incidit. Hunc Hiëbra & Beragua inquit esse ditiores auro. In omnibus quippe terra illius fluminibus aurum gignitur. Inter arborum radices ripis inhaerentes, interque saxa & lapillos à torrentibus relictos, & ubicunque scrobes ad sesquipalmum effodiebāt egestam reperiebant terram auro mixtam. Propterea figere ibi pedem fuit consilium: sed incolæ futuram perniciem olfacientes, vetuerunt. Facto agmine, cum horrendo clamore ruunt in nostros, qui domus ædificare iam cœperant. Primos impetus vix sustinuerunt nostri. Certantur eminus crebris missilibus primo Barbari nudi: mox cominus strictis ensibus ligneis, quos diximus nuncupari machanas, rabidi pugnare cogitant. Dictu mirandum: tanta erat concepta in eis iam ira, ut neque arcubus aut scorpionibus, & quod maius est, neque bombardarum è paucis iactarum fragore terrerentur. Cesserunt loco semel. Iterato, maiore numero comparato, redeunt ferociiores. Satiùs emori fore iudicant, quam perpeti patriam occupatum iri à peregrinis. Hospites benigne susceperant, habitatores recusant. Quo magis instabant nostri, eo maior finitimorum multitudo confluebat. Nocte dièque à fronte modo,

O iij



modò à lateribus vrgebantur nostri. At tergo stans in littore  
 classis, tutos reddebat. Deseruere igitur terram hanc: & qua  
 venerant, regrediuntur. Iamaicam insulam Hispaniola Cu-  
 baque collateralem à meridie, nauigiis in cribrorum modum  
 pertusatis à broma, vt Hispano vtar vocabulo, vix prahen-  
 dere potuerunt: ferè ex itinere perierunt. Viribus lacertorum,  
 exhaustientium maris aquas per amplas rimas ingredientes,  
 vite discrimen euaserunt tandem, & ad Iamaicam semiani-  
 mes appulsi sunt. Obrutis ibi nauigiis omnibus, intercepti,  
 vitam egere mensibus decem, Vergiliani Acheminidis vi-  
 ta, in nudorum Barbarorum potestate, calamitosiorem: eius  
 terre cibis contenti, si quando Barbaris placebat impartiiri.  
 Profuit nostris odium capitale, quo sese inuicem Barbari regu-  
 li prosequuntur: vt enim nostros fautores haberent, si quando  
 cum finitimis hostibus bella ingruerent, pane aliquandò pa-  
 trio famelicos recreabant. Sed quam miserum & erumno-  
 sum, Pater beatissime, sit, mendicatò panem adipisci, con-  
 iectet tua Sanctitas: vbi præsertim cetera desint, vinum puta  
 carnesque, vel omne pressi lactis genus, quibus Europaorum  
 hominum stomachi, à cunis solent enutrir. Fortunam tentare  
 necessitas coëgit. Per æconomum suum Diecum Mendeꝝ, du-  
 cibus tamen Iamaicensibus, duobus eorum littorum peritis,  
 quid de se Deus cogitet, statuit experiri. Canoam conscendūt  
 mariam vndoso. E scopulo in scopulum, è rupe in rupē quassa-  
 tus vndis, ob nauigioli breuitatem & formam, appulsus est  
 iam tandem Diecus Mendeꝝ ad vltimum Hispaniolæ angu-  
 lum, è Iamaica distantem lequas quadragint. Spe munerum  
 ab Almirato Colono promissorum, Iamaicenses leti reuertū-  
 tur. Ipse pedes ad sanctum Dominicum, vrbem primariam  
 metropolitanam, proficiscitur. Duo nostratia comparat naui-  
 gia, dominum adit. Inualidi omnes, & egestate rerum exte-  
 nuati, veniunt ad Hispaniolam. Quid indè illis successerit,



non intellexi. Ad generalia redeamus. Vniuersos tractus illos, quos percurrisse Colonum diximus, ipse scribit, idemque fatentur omnes laborum socii, toto anno esse frondosos, virentes, amœnos, & quod maius est, salubres, in quibus ex vniuerso comitatu nullus vnquam egrotauerit, neque horrenti frigore vnquam, aut aestu feruido, quinquaginta lequarum interapedine, à Cerabarò magno portu ad vsque Hiebram & Beraguam, vexatum se fuisse iactat. Cerabaroï populi, quique iacent medijs ad Hiebram vsque Beraguam, non nisi certis anni temporibus auro intendunt queritando. Sùntque negotiationis eius opifices exerciti, vti apud nos argenti ferrique fodinatores. Quæ loco magis auro fortunentur, à specie defluxi torrentis, à terra colore, aut huiuscemodi argumentis, longo hicallent experimento. Credunt inesse auro numen, quandoquidem ad id negocii minimè tendunt in expiati, ex priscorum religione: putà qui à coitu & omni oblectamento abstinent, cibisque ac potu parcissimè vtantur, vniuerso legendi auri Reli-  
tempore. Viuere tantum ac mori datum hominibus, vt cate-  
ris animantibus, arbitrantur, propterea nihil colunt aliud. So-  
lem tamen venerantur, & surgentem ab horizonte reuerẽ-  
ter excipiunt. De montibus & terra situ sermo trahatur. Ex  
vniuersis illarum regionum littoribus, vastos attolli montes à  
meridie, sed protentos ab Oriente in Occidentem continuo tra-  
ctu, prospicitur. Quare ita disteminari duo illa magna maria,  
de quibus aliàs late fecimus mentionem, his aggeribus, nè in-  
uicem collidantur, existimamus: veluti Tyrrhenum Italia di-  
rimit ab Adriatico. Quacunque enim profiscantur, ab ea  
cuspide sancti Augustini, quæ ad Portugallenses attinet, ad  
Atlantem spectante, Vrabam vsque ad Cerabaroum portum,  
atque vltimas ad Occidentem terras alias ad hunc vsque diẽ  
repertas, perpetuo tractu eminus cominùsque, sese montes na-



uizantibus offerunt: nunc lenes, elati nunc, modo asperi & petrosi, arboriferi, herbidique atque apti cultura modo: ut accidere solet in Taurò, nostrique Apennini costis variis, reliquis etiam huiusmodi vastis montibus. Vallibus quoque egregiis horum, ut aliorum, montium intersecantur iuga. Ea pars montium, quæ Beraguae fines recipit, superare suis verticibus nubes creditur: raroque cerni eius culmina dicunt, ob nubium & nebularum ferè continuam densitatem. Quinquaginta amplius attolli milliaria Beraguensia cacumina contendit Almirantus ipse, qui ea omnium primus exploravit. In eadem præterea regionem, inquit, ad motum radices iter esse apertum ad australe pelagus: & Venetias comparat cum Genua, siue manus Ianua, ut eius ciues iactitant, qui à Iano eam conditam esse fabulantur: protendique vult terram ad Occidentem usque, & capere hinc initium latì corporis: quæ admodum ab alpihus nostris ex angusto Italia femore videmus amplas eas Galliarum terras, Germaniarumque ac Pannoniarum, distendi ad Sarmatas Scythasque varios, adusque Riphæas rupes, & glaciale pelagus: complecti etiam nexu continuo Thraces & Graciam omnem: & quicquid Malea promontorio & Hellesponto à meridie, à septentrione vero Euxino & Maotide concluditur. Vult ergo Almirantus iste à læua tendentibus ad Occidentem, terram hanc India recipi Gangetide: à septentrione vero in dextram ad glaciale Oceanum, ultra Hyperboreos & arcticum polum distendi: ita ut utrumque mare, australe illud scilicet & nostrum Oceanum in eius telluris angulis sese insinuet: non autem sepiant aquæ terram ipsam, veluti Europa Hellesponto Tanaïque & Oceanum glaciale, tum Hispano ac nostro mari circumambitur. Sed furor delabentis Oceani ad Occidentem vetat, meo iudicio, clausam esse, coniungi que septentrionalibus oris terram



illam, uti supra disputauimus. Sit satis de longitudine tractatum, beatissime Pater. Quid de latitudine sentiatur, intelligamus. Diximus aliquando angustis limitibus dirimi australe pelagus, & hunc nostrum Oceanum: atque ita constitit experimento: quandoquidem. Vasco Nunne & commilitonibus eius iter patuit. Sed quam variè nostræ alpes in Europa exangustantur hic, alibi que latè patefcunt: eodem naturæ consilio tellus hæc modo protenditur & vagatur latè, modò ab utroque mari repertis vallium aditibus perstringitur, & breuibus contenta est interuallis. Vbi Vrabam & Beraguam diximus iacere regiones, parua discluduntur intercapedine maria. Eam autem quam Maragnonus amnis interluit, latè patere regionem credere oportet: si flumen, non mare, Maragnonum esse fatebimur: fateamur verò, suadenz aquarum eius dulces haustus. Neque enim in angustis terræ specubus voragine adeò vastæ considerare, quæ aquarum eam amplitudinè queant enutrire. Idè de flumine magno Dabaiba, què diximus ex angulo sinus Vrabæ vlnarū quadraginta quinquagitaque alibi profunditate, latitudine autem milliariū trium, in mare defluere. Latam ibi terram dare necesse est, quæ ab altis Dabaibæ montibus, non ab austro, sed ab Oriente fluuium demittit. Hunc aiunt constare fluminibus quatuor a Dabaibæ montibus collabentibus: (sancti Ioannis flumen nostri appellant) Indè in sinum, uti Nilum, per septem cadere ostia ferunt. In eadem regione Vrabæ angustias esse alicubi miras, quæ vix lequas colligunt quindecim: at inuias, ob perpetuas paludes medias, frequentēsque lamas, aiunt, quas Hispani tremelales appellant, aliàs trampales, cenegales etiam & sumideros ac Zahondadéros. Priusquam ultra progrediamur, opere precium erit, vnde illi montes nuncupentur, enarrare. Dabaibam ferunt fuisse sceminam, apud Maiores eorum, magni animi & prouidentia, quam viuentem antiquitas obser-



uabat: mortuam, inquit, reuerenter coli ab vniuersis regionum illarum incolis. Ab ea regiones nomen sumpsisse aiunt: & mitti fulgura tonitruaque ac segetum stragem, si quando irascatur. Irasci nanque pueriliter sentiunt Dabaibam, si negligenter sacris eius intendatur. Eam miseris inculcat superstitionem genus hominum fallax, sub nomine religionis, quod frequentia dona portent ad Dabaiba sacra, quibus ipsi fruuntur. De hoc satis. Paludes illas angusta telluris crocodilorum, draconumque ac vespertilionum & culicum valde noxiorum, altrices esse dicunt. Ad montes propterea diuertitur, quando ad austrum carpere iter consilium est, & paludum illarum vicina fugiuntur. Sunt qui putent vallem vnā, qua fluius labitur, Perditorum à nostris dictus, ob Nicuesæ sociorumque infortunium, à Cerabarō non multum distantem, findere montes illos ad austrum. Sed cum potabiles sint eius aquæ, fabulatos eos esse putant qui talibus argumentis innituntur. Hoc perpendiculo perficiamus opus. A dextra laeuāque Darienis prædicant viginti flumina decurrere auri feracia. Quæ dant, accipimus: nemo est qui non id ferat. Sed interrogati, cur parua auri copiam inde absportent: fossoribus opus esse inquit: qui autem eas adire terras, minime sunt assueti laboribus. Propterea dicunt minorem auri copiam inde vehi, quam tellus ipsa sua benignitate polliceatur. Videtur & nitidas promittere gemmas. In cuius rei argumentum est, quod, præter ea quæ dixi in Cariæ & sanctæ Mariæ vicinia reperta, Andreas quidam Morales nauclerus per ea maria, Ioannis Cossæ amicus & socius, dum Cossæ viueret, ad manus habuit adamantem à iuvene Pariensi in Cumana nudo, mirè preciosum, longum, uti signant, duos infamis digiti articulos: magni autem pollicis primum articulum æquantem crassitudine, acutum utrobique: & costis octo pulchrè formatis constantem. Eos inquit, infixisse incudibus vibices, vectesque ac limas



corrosisse, adamante illeso. Collo gestabat pendulum adaman-  
tem iuuenis ille Cumanus, & Andrea ipsi Morali precio  
quinque calculorum vitreorum nostratium viridū & glau-  
corum, varietate colorum delectatus, vendidit. Offenderunt  
& topazios in littore. Sed cum auri faciem animo gestent,  
nulla est his de gemmis cura. Auro tantū inuigilant, aurum  
sectantur. Maior præterea Hispanorum pars annulatos aut  
gemmatos derident, & probro ascribunt gemmarum gesta-  
mina: populares præcipuè. Nobiles autem si quando nuptia-  
les, vel alias regia parentur pompæ celebres, torquibus aureis  
gemmis consutis gaudent, & vestibus margaritas gemmis  
admixtas intertexunt: aliàs minimè. Effæminatorum esse hu-  
iuscemodi ornatus: atque Arabicorum odorum spiritus &  
suffumigationes continuas dijudicant. Obscæna Venere ob-  
uolutum putant, si cui castoreum vel muscum olenti occur-  
rant. Ab vno pomo ab arbore decepto, pomiferam intellige-  
mus eam esse arborem. Ab vno pisce in fluuiio capto, piscium  
esse nutritorem fluuium dignoscemus. A modico igitur auro  
& ab vno lapillo, auri & lapillorum esse genitricem terram  
hanc, assentiari oportet. Quid etiam in portu sanctæ Mariæ  
in regione Cariaei repererint, transeunte classe integra, duce  
Petro Aria, commilitones eius, & è regis magistratibus  
quidam, loco suo diximus. Pullulant, germinantur, coales-  
cunt, maturescunt, legunturque quotidie opimiora præteri-  
tis. Vilescit, quicquid manu Saturni, Herculis, & aliorum  
huiuscemodi heroum, patefecit antiquitas: si quid indefessus  
labor Hispanorum detegat, animaduertemus. Vale ac tua  
sanctitas, & crebrò, quid sentiat de his suæ sedis apostolicæ  
culturis, mihi significet: quò animum subleuet ad laborem  
futurorum subeundum.

Quo  
genere  
ornat?  
Hispa-  
ni potis-  
simū v-  
tantur.





*De Borbe luna, Pater beatissime, quæcūque paruerunt aliquid, ubi primum ediderint, aut claudunt iterum, vel saltem aliqua tēporis intercapedine quiescut. Noster autem nouus orbis recentes quotidie sine intermissione sætus procreat & emittit: quibus continuo tractu queant homines ingenio pollentes, & magnarum rerum nouarum præcipue studiosi, præ manibus habere, vnde pascere animum queant. Quorsum hæc dicet Beatitudo tua. Vix benè redegeram in ordinem, quæ Vasco Nunnez Balboa, & commilitonibus eius in australis pelagi discursu ac ciderunt: (ad Beatitudinem tuam mittenda per Ioannem Rufum Foroliniensem, Cusentinum archipræsulem, & Galeatium ipsum Butrigarium, sacrae tuæ sedis Apostolicae nuncios, mei sopiti ingenii excitatores impræsentiarum) quando, ecce literas à Petro Aria, quem anno superiore cum exercitu & classe Oceanum conscendisse, ad nouas has terras traiecturum, diximus. Classem, seque ac exercitum appulsos incolumes significat. Easdem literas Io. Cabedus à tua Sanctitate, supplicatus regis Catholici, illius provincie Darienensis episcopus creatus: atque vna tres alij, è primarijs illi gubernationi addictis, Alfonsus de Ponte, Diegus Marques, & Ioannes de Taura, suis subscriptis nominibus authorarunt. Hanc ergò nauigationem tua Sanctitas accipiat.*

*Pridie Idus Aprilis anni millesimi quingentesimi decimi quartis, vela dedit Petrus Arias, ex oppido sancti Lucari, de Barrameda dicto: in faucibus Betis fluminis, quem Hispani dicunt Guadalchibir, sito. Distant oceanæ septem insula Ca-*



maria millia passuum circiter quadringenta à Batis lapsu in  
Occanum. Has Fortunatas putant esse, licet alii negent. Harū  
insularum recentia nomina sunt, occurſu primo pares duæ,  
Lançelota & Fortis Ventura. A tergo iacet magna Cana-  
ria. Sequitur illam Tenerife. Gomera tantillo ad ſeptentrionē  
à Tenerife. A tergo videntur agere agmen Palma & Ferrea.  
Gomeram præhendit Petrus Arias intra diem octauum à di-  
ſceſſu, cum claſſe nauium ſeptendecim, & hominibus mille  
quingentis. Licet mille ducentorum tantum illi fuerit aſſigna-  
tus numerus: immò & fertur reliquiſſe à tergo duo millia  
amplius ſuſpirantes & mæſtoſi, qui propria impenſa, auri ſa-  
ma & viſendi res nouas deſiderio ſtimulati, adduci poſtula-  
bant. In Gomera lignandi & aquandi, reficiendarūque  
nauium gratia, quas tempeſtates quaſſauerant, ſed præcipuè  
prætoria, quæ temonem amiſerat, dies moratus eſt ſexdecim:  
commode nanque ſunt inſulæ, vaſtum illud æquor captare  
volentibus. Inde in Nonis Maij capit altum, nec terram vidit  
vltra vſque ad tertias Iunij Nonas: quo die de Canibaliū,  
humanarum carniū edacium, inſulis vnam adiit, quæ dici-  
tur Dominica. Ea diſtat à Gomera lequas octingetas circiter.  
Quatuor ibi dies egit, aqua recenti & lignis ſumendis in-  
ſentus. Neque homini vlli, neque hominis veſtigiiſ occurre-  
runt. Cancrorum littoralium & magnorum lacertorum cò-  
piam reperiunt. Per Matiniam dehinc, Guadalupeam &  
Galantam inſulas (de quibus prima in decade noſtra latè mē-  
tionem fecimus) iter cepit. Mare etiam percurrit herbidū  
longo æquoris ſpatio. Neque Almirantus Colonus, quem di-  
ximus primum has inſulas & mare hoc herbidum perna-  
uiſſe, neque iſti, rationem vllam produnt herbarum. Putāt  
aliqui cœnoſum eſſe ibi mare, & herbas illas in profundo  
gigni, tenderēque ad ſuperna, vt videmus in lacubus, ſæ-  
pe in magnis quoque fluminibus etiam currentibus accidere.



Volunt alii non ibi natas, sed è scopulis frequentibus raptas vi tempestatum enatare per ea maria. Ita rem in dubio relinquunt: quoniam an fixæ cedant nauium proris, an eruta vagentur, nondum habent exploratum. Natas ibi credendū est: aliter impulsu nauium conglobarentur, (sicuti scopæ domorum conglobant scobes) & cursum impedirent. Quarto à discessu à Dominica die qui erat Iunii tertio Idus, niuales illi apparuerunt montes. Decurrere inquit ibi maria, veluti è montibus rapidus torrens, ad Occidentem: licet non Occidentem ipsi recta sequantur, ad meridiem nanque paulò magis tendebant. Quod aliquando demonstratiuè per tabellam huius cosmographiæ nouæ quam animo concepi, si viuere dabitur, colligere licebit. E montibus illis Gaira fluius décidit, strage nostrorum, transeunte Roderico Colmenare, vti aliàs diximus, insignis. Multi præterea defluunt alij. Portibus egregiis duobus nobilitatur ea prouincia, in qua diximus esse Caramairam regionē: Carthaginensi, vtpatā, & sanctæ Marthæ altero, sic à nostris appellato: cuius regiuncula est Saturma incolarum appellatione. Est sanctæ Marthæ portus nivalibus propinquior montibus: in ipsorum nanque montium radicibus iacet. Carthaginensis verò illo est occidentior lequas circiter quinquaginta. De sanctæ Marthæ portu mira scribit: itidem fatentur & qui redierunt: inter quos est Vesputius Americi Vesputij Florentini nepos: cui moriens maritimam & polarem ariem reliquit hereditariam. Is enim iuuenis missus est à rege vnus è prætorie nauis magistrus, quod quadrātibus regere polos cālleat. Temonis nanque gubernandi cura præcipua Ioanni cuidam Serrano Castellano, qui sæpius eas oras permeauerat, credita est. Vesputium ipsum sæpius habeo conuiuiam, quod sui iuuenis ingenio pollens: & qui percurrens eas oras, diligenter annotauerit quæcunque oblata sunt. Scribit Petrus Arias, & hic idem Vesputius disserit, quæ modò referam.



refertam. E genere Caribium siue Canibalium ortos harum regionum incolae volunt: propterea feroces & crudeles admodum esse, reputa qui transeuntes nostros sapius hostiliter a litoribus reiecerunt, & terram prehendere optates male exceperunt. Tanta est his nudis Barbaris innata vis animi, tanta fortitudo, ut integram classem nostram adoriri sint ausi prohibereque a litore tentauerint. Venenatis, vii alias scriptissimus, agunt sagittis. Rabido cursu pectore tenus, neque numero neque magnitudine nauium territi, mare intrabant: atque inde iaculabantur telorum mille genera: sed nostri spōdis nauium & scutis protecti, ictus illorum suscipiebant. Vulnerati tamen duo fuerunt, qui periēre. Excussis tandem in illos puluerariis tormentis, rapuēre fugam Barbari, tonitruis machinarum & furore globorum stupidi, quos fulgura esse arbitrantur: crebro quippe fulguribus ob natiuam regionis & montium altorum viciniam vexantur. Licet palantes & profligatos conspicerent hostes, hesitauerunt tamen, & in ito consilio in diuersa studia vertebantur, descenderent ad hostes necne. Timor hinc, pudor inde trahebant. Venenata sagitta, quas certissimas iaculantur incolae, formidabantur. Cū tanta classe totque militibus sicco pede praeterire, verecundum erat atque indignum & infame. Vicit tandem pudor, fugientes ac dispersos sequuntur. Leuioribus cymbis terram prehendant. Portius circumferentiam, scribit dux ipse classis, & idem Vesputius perhibet, esse lequarum trium, tutum, nitidum adeo ut in fundo cubitorum viginti liceat calculos numerare. Duo in portum descendere inquit dulcium aquarum flumina: sed minimē tam apta maioribus nauigiis sustinendis, quam patriis monoxylis. De copia & varietate saporeque piscium, tam fluuiialium quam marinorum, auditu suaue est. Propterea piscatorias ibi multas reperere naues, id est, lembos patrios, multiāque retia miris modis ex tenacibus herbis confusis, &



neti gossampij fumibus contexta. Piscariam artem callent hi, Caramairenses, Cairensesque ac Saturmani. Piscium nanque permutatione prouentus optatos quibus ipsi carent, assequuntur ab internis populis finitimis. Reiectis á littore Barbaris, boios eorum, id est, domos, ingrediuntur. Iterum atque iterum feroci cursu nostros impetunt, & sagittis venenatis conficere tentant: sed rabidiores iriunt, quando domos occupari spoliarique senserunt: quia precipue fœminas puerosque plerosque duci in prædam cernerent. Supellestilia domorum è littoralibus cannis, & variis herbis, contuso sparto similibus, erant: floræ contextæ variis fucatæ coloribus: è gossampino quoque aulea arte industria laborata, leonibus, aquilis, tigribus, & imaginibus aliis effigiata. Domorum & cubiculorum ostia fornicēsque liminares, putaminibus cochlearum tenuibus funiculis appensarum, quò facilius Vento agitata colliderentur inuicem, quo sono delectantur, ornatos reperiabant. Mira de hisce rebus mihi retulerunt multi. Gonzalus quidam Fernandus Ouiedus præter ceteros, è regis magistratibus is, qui dicitur ab Hispanis Veedor, se longius in terram iactat descendisse. In Saphiri putamen ouo anserino grandius incidit. In collibus ab eo tractatis cum triginta viris, Smaragdinæ plasmas se vidisse ait multas, Calcedoniāsque, & Iaspides ac montani succini magnos globos. Auro intexto admixtas in auleis consutas gemmas: eas à fugientibus Caribibus in domibus relictas, is & ceteri omnes se prædicant reperisse. Est & coccinearum genitrix sylvarum tellus illa: est & auro opima: margaritas auri indices vbiq; littorum & vbiq; riparum inuenerunt. Inquit is Ouiedus, in regione quadam dicta Zenú, ad Orientem à Dariene iacentè milliaria nonaginta, noui mercatura genus exerceri. In incolarum domibus serias cistāsque ingentes & canistros pulchre contextos ex arborum foliis ad id aptis, repererunt: cicadis,



gryllis, cancris, cochleis, locustis agros sternentibus, desiccatis  
& salitis plenos. Ad quem usum illa cogerent interrogati,  
responderunt, ut ad internos populos ea venum portarent: ha-  
rum namque preciosarum volucrum & salitorum piscium  
permutatione, peregrina quæ optant assequuntur harum ter-  
rarum incolæ. Hi sparsim habitant, non contiguas domibus.  
Sed terram incolunt elysiam Caramaïrenses, amœnam, fera-  
cem, acris hyemis & furentis æstis expertem, cum paruo diei  
& noctis discrimine. Vallem ingressi sunt, Barbaris fugatis,  
lequas latam duas, tres longam, ad montes usque quosdam  
herbidos & arboriferos: in quorum radicibus duæ valles aliæ  
iacent dextra lævæque singulis ablutæ fluminibus: quorum  
vñus est Gaira: alteri verò non dedere nomen. In his vallibus  
cultos reperere hortos, agròsque rigari per deductas ordine  
miro fossas: haud secus ac Insulares aut Hetrusci nostri suos  
colunt atque irrigant. Sunt & istorum edulia communia, a-  
ges, iucca, maizum, battata, arboreique fructus, ut reliquis, &  
piscariæ dapes: humanas autem carnes rarò vorant, quia rarò  
peregrinos assequuntur: nisi venatum ipsi exercitus composi-  
to per alienas tendant terras: à seipsis quippe abstinent. Sed  
auditu miserandum, myriadas hominum ad edendi usum cre-  
duntur hi obsceni anthropophagi consumpsisse. In paradiseas  
mille insulas, in regiones mille incidunt elysias nostris, quas ne-  
farii depopulati sunt. Propterea licet amœnas & bene fortu-  
natas, desertas reperiunt plures. Colligat hoc exemplo tua Bea-  
tudo, quam perniciosum sit hoc genus brutorum hominum.  
Sancti Ioannis insulam diximus esse Hispaniolæ proximam:  
quæ ab incolis Burichena dicebatur: ab ea nostra tempestate, ra-  
puisse feruntur ededa quinque millia hominum amplius: ex vici-  
nis tantum insulis, quas hi habitant, puta sanctæ Crucis quæ, Hayhay,  
& Guadalupe, quæ Queraqueira nuncupabatur. Satis vagatio



su per obscenorum edacitatem. De radicibus parumper sermo sit, quandoquidem sunt futura Christianorum esca, panis triticei loco, & raparum aliarumque radicum nostratium. Iuccam radicem esse diximus saepe alias, qua nobilior panis & apud insulares omnes & continentes hos efficitur: sed quomodo colatur, germinetque, quam etiam varia sit, minime adhuc dixi. Quando plantare iuccam statuunt, terram egerunt tenuis genu, & effossam erigunt in tumulos quadratos nouem pedales: duodecimque ex ipsius iuccae truncis sexquipedalibus aut circiter, tumulos ternos cuique lateri praebentes infigunt transuerses, ut ferè in ipsius tumuli centro cuspides eorum conueniant. Ex illorum internodiis & infixa cuspideradicula capillares prodeunt. Haec paulatim aucta in eas conuertuntur, superantque matura lacerti ac saepe femoris humani crassitudinem longitudinemque. Ita cumulata illa terra ferè vniuersa digeritur in radices. Sed maturescere iuccam, inquit, non breuiore spatio quam sesquianno. Inquit quoque, quo ulterius, ad biennium usque, sinatur, eo fieri meliorem, perfectioremque ad panem conficiendum. Euulsam, lapidibus ad id paratis, veluti scalpro nostra femina caseum conterens & premunt demum, aut sacco ex herbis vel caniculis fluuialibus confecto imponunt, ponderoso lapide superiecto, diemque naturalem appensum sinunt, & succum eijciunt: diximus nanque esse apud insulares mortiferum: attamen si coquatur salubris est succus ille, uti è nostro lacte serum. Hoc aduertendum, apud hos continentes minime noxium, inquit, iuccae succum. Multa dicunt esse iuccarum genera. Vnum altero suauius, atque aliud alio preciosius est, quo regulis edulium paratur. Sunt quibus vescantur nobiles, sunt & quibus populus. Exuccatam verò iuccam in tabellas fictiles ad id compactas, veluti pressum nostri caseum, distendunt coquendam. Is est eorum panis primarius, hunc vocant CaZabbi. Agium



similiter & Battatarum varias dicunt esse species. Sed agibus & battatis magis pro ferculis aut fructibus utuntur, quam ad usum conficiendi panis: uti nostri rapis, raphanis, tuberibus, napis, pastinacis, & huiusmodi rebus: sed battatis præcipue, quæ terra tubera egregia superent mira quadam dulci mollitie, si præsertim in nobiliores incidatur. De radicibus iam satis: ad aliud iam panis genus sermo vertatur. Diximus habere frumenti genus quoddam, panico ferè simile, sed grandioribus granis nobilius. Id in farinam contusum, vi lapidum manu actorum pinsunt, iucca deficiente: estque vulgarior panis. Singulis annis ter seritur: modo agri ubertas ferat ob æquitatem temporum: de qua satis multa in superioribus. Et radicum omnium & maij grani cultum hic reperere: arboreorumque fructuum varia genera cultissima. Inter hos Earamaïrenses & Saturmanos itinera inquirunt esse lata rectaque, ita ut distenta rubrica, credi queant notata. Hydrias, cantharos, ollas, orcas, paropsides, patellâsque fictiles, apud hos reppererunt: & variorum colorum aequales urnas, in quibus aquæ servari feruntur frigide. Edicto, ut vel parerent regi Catholico, religionemque nostram induerent, vel terram lincerent, venenatis sagittis respondebant. Ceperunt nonnullos, è quibus plerosque indutos prius, soluerunt ilicò: alios ad naues prius ductos, & rerum nostrarum amplitudine ostentata, quò cæteris illa referrent, ad benevolentiam eorum captandam, postea dimiserunt. In omnibus fluminibus se vidisse aiunt auri argumenta. Recentes in eorum domibus ceruinas & aprinas carnes passim reperiabant, quibus lautè sunt epulati. Volucris & hi abundant, nutriuntque domi volucres, tum ad esum, tum ad delicias. Eius celi spiritum esse benignum hinc arguunt, quod noctu apud flumina in ripis sub dio dormierit, nullusque grauedinem capitis senserit ullam, aut humerem conceperit insalubrem. Magnos etiam neti gossampj glomos,



& fasces diuersarum pennarum, quibus sibi cristas, nostrorum  
 cataphractorum more, contexunt, & sagulos ad decorem  
 formant, passim repererunt Delectantur & hi elegantius eiu-  
 scemodi. Arcuum & sagittarum multitudo fuit innume-  
 ra. Maiorum & ibi calanera combusta, ossibus in collis con-  
 ditis alicubi, alibi integra in sepulchris, in ipsis boiis id est, do-  
 mibus, alibi reuerenter auro gemmisque ornata, seruantur.  
 Habitus eorum bullas pectorales, aliaque monilia, quae vo-  
 cant ipsi guanines, reperere orichalco magis quam auro fa-  
 brefacta esse. Propterea esse his commercia cum vaftris pere-  
 grinis arbitrantur, qui ad eos monilia haec confecta importent  
 ut purum ab eis adipiscantur pro vili metallo. Neque perpen-  
 derunt nostri fraudem, donec ad conflationem ventum est.  
 Architecti plerique pererrantes a littore parumper, in frustra  
 candidi marmoris se incidisse dixerunt. Putant peregrinos ad  
 eas terras venisse quondam, qui marmora e montibus aliquan-  
 do sciderint, & putamina illa in plano reliquerint. Ibi didi-  
 cere Maragonum fluvium e montibus nivalibus descendere,  
 augeri que inter labendum magna fluminum aliorum copia  
 in eum cadente: propterea ingens est, quia e longinquo ad ma-  
 re fluit per terras aquosas. His actis, receptui signa dantur.  
 Noningenti erat ad terram missi: hi omnes sublatis clamoribus  
 praeter latitia, compositis ordinibus, & praeda provincialium re-  
 rum onusti, cristisque & coronis, lenis quoque ac sagulis  
 plumeis militaribus incolarum ornamentis redeunt fulgentes.  
 Ancoras eleuant XVI. calend. Iulij, nauibus resectis, quas  
 tempestates pleraque concusserant: sed praetoria praecipue disci-  
 men ingens subierat, amisso temone, vi iam diximus. Capiunt  
 altum, ut Carthaginensem portum petant, & insulas quas-  
 dam medias, truciū Caribium receptacula, infestant ex re-  
 gio mandato. Sed velox aquarum decursus, & Ioannem  
 Serranum praetoriae navis nauclerum primum, & reli-



quos sefellit, quanuis fluxuum illorum naturam se optime  
callere iactarent. Quadraginta se lequas fuisse vna nocte  
transportatos prater opinionem, conqueruntur.

PETRI MARTYRIS MEDIOLA-  
NEN. OCEANEÆ DECADIS  
tertiæ, cap. sextum.



**H**ic philosophandum est parumper, beatiſſi-  
me Pater, & à cosmographiâ digredien-  
dum ad naturæ arcanorum causas. Decur-  
rere ad Occidentem ibi maria, veluti è mon-  
tibus torrentes delabuntur, omnes vno ore  
prædicat. Propterea trahor ego in ambiguum  
quonam aquæ illæ tendant, quæ rotante ac perpetuo tractu  
ab Oriente fluunt, veluti fugientes, ad Occidentem, inde nun-  
quam reditura: neque Occidens propterea magis repleatur,  
neque Oriens euacuetur. Si ad centrum eas tendere de natu-  
ra grauium, dixerimus, centrumque lineam esse æquinoctia-  
lem voluerimus, vti plerique aiunt, quod centrum dabitur tot  
tantarumque capax aquarum? quæ de circumferentia reperie-  
tur madida? Rationem verisimilem, qui ea littora perlustrâ-  
runt, præbent nullam. Putant plerique vastas esse fauces in  
angulo sinuali magnæ illius telluris, quam diximus Italia o-  
ctuplo maiorem, ab Occidente Cubæ insula, quæ rabidas has  
aquas absorbeant, & inde ad Occidentem illas emittant, quo  
ad Orientem nostrum redeant: alij dicunt, ad septentrionem.  
Volunt nonnulli, clausum esse sinum illum magnæ telluris  
tenderæque ad septentrionem à tergo Cubæ: ita vt septen-  
trionales terras, quas glaciale circumsepit mare, sub ar-

Opini-  
ones  
variæ,  
cur ma-  
re ab O-  
riente in  
Occidē-  
tē tor-  
rentis  
modo  
tendat



Seba-  
stiani  
Caboti  
nauiga-  
tio.

Et complectatur, sintque vniuersa littora illa contigua: vnde credunt eas aquas obiectu magna telluris circumagi: vt in fluminibus licet conspiciere, riparum gyris sese obiectantibus. Sed hoc minime quadrat. Eodem nanque modo, non acri tamen, sed leni, fluere ad Occidentem aquas perpetuo lapsu, inquit, qui glaciales tentarunt oras, & Occidentem postea secuti sunt. Scrutatus est eas Sebastianus quidam Cabotus genere Venetus, sed a parentibus in Britanniam insulam tendentibus (vti moris est Venetorum, qui commercij causa terrarum omnium sunt hospites) transportatus penè infans. Duo is sibi nauigia propria pecunia in Britannia ipsa instruxit, & primo tendens cum hominibus tercentum ad septentrionem, donec etiam Iulio mense vastas repererit glaciales moles pelago natantes: & lucem ferè perpetuam, tellure tamen libera gelu liquefacto. Quare coactus fuit vt ait, vela vertere & Occidentem sequi: tetenditque tantum ad meridiem, littore sese incuruante, vt Herculei freti latitudinis ferè grad<sup>o</sup> æquarit: ad Occidentemque profectus tantum est, vt Cubam insulam à laeuo, longitudine graduum penè parem, habuerit. Is ea littora percurrrens, quæ Bacallâos appellauit, eosdem se reperisse aquarum, sed lenes, delapsus ad Occidentem, ait, quos Castellani, meridionales suas regiones adnauigantes, inueniunt. Ergo non modò verisimilius, sed necessario concludendum est, vastos inter vtranque ignotam hætenus tellurem iacere hiatus, qui viam præbeant aquis ab Oriente cadentibus in Occidentem. Quas arbitror impulsu calorum circulariter agi in gyrum circa terræ globum non autem Demogorgone anhelante vomit, absorberique, vt nonnulli senserunt: quod influxu & refluxu forsam assensire daretur. Bacallâos Cabottus ipse terras illas appellauit, eo quod in earum pelago tantam repererit magnorum quorundam piscium, tynnos æmulantium, sic vocatorum ab indigenis, multitudinem.



ut etiam illi nauigia interdum detardarent. Earum regionum homines pellibus tantum coopertos reperiēbat, rationis haudquaquam expertes. Vrsorum inesse regionibus copiam ingētem refert, qui & ipsi piscibus vescantur. Inter densa namque piscium illorum agmina sese immergunt vrsi, & singulos singuli complexos, vnguibusque inter squamas immixtis in terram raptant & comedunt. Propterea minimè noxios hominibus vrsos esse ait. Orichalcū in plerisque locis se vidisse apud incolas prædicant. Familiarem habeo domi Cabottum ipsum, & contubernalem interdum. Vocatus nanque ex Britania à rege nostro catholico post Henrici maioris Britannia regis mortem, concurialis noster est: expectatque indies, ut nauigia sibi parentur, quibus arcanum hoc natura latens, iam tandem detegatur. Martio mense anni futuri M. D. XV I. puto ad explorandum discessurum. Quæ succedent tua Sanctitas per me intelliget, modo viuere detur. Ex Castellanis non desunt, qui Cabottum primum fuisse Baccalaorum repertorē negent: tantūque ad Occidentem tetendisse minimè assentiuntur. De faucibus & Cabotto iam satis. Ad Castellanos redeamus. Carthaginis portum & adiacentes Caribium insulas, quas appellant sancti Bernardi, præterlapsi sunt, vniuersamque Caramairensē regionem intactam postergarūt. Hic ab exorta tempestate ad insulam, quam diximus aliàs Fortem appellari, ab Vrabensis sinus faucibus distantem lequas circiter quinquaginta, proiecti sunt. In ea insula canistros, ex canis marinis contextos, reperēre in barbarorū tuguriis multos sale plenos. Salinis egregius nobilitatur insula: eius salis permutatione, aliena comparant incola. Ad prætoriam nauem volitauit onocrotalus auis ingens, vulture maior, quæ guttur demittit multiplicapax: paludum Rauennatum quondam domestica, authorum testimonio: nescio an & nostra tempestate: capi facile passus est, & circumductus per vniuersæ clāssis

Cabotus à  
Catholico re-  
ge è  
Britannia vo-  
catus.



naues tandem interiit. Viginti aliorum in littore stantium agmen viderunt procul. Grandiorem nauem pratoriam, putam quassatam & minimè vilem, à tergo reliquerunt, ut paulatim & sedato mari sequeretur. Undecimo calendas Iulij appulsa est classis ad Darienem: in quartum indè diem pratoria nauis, sed vacua, superinducta est. Darienensis populus, duce Vasco Nunne & Balboa Prefecto, de quo aliàs latam fecimus mentionem, cum psalmo, Te Deum laudamus, obuiam tria prodit milliaria. Intra domos, in prouincialium domorum modum edificatas, habitatorum quisque. Venientes suscepit libens. Prouincias has omnes regiones liceat appellare: quandoquidem procul victa sunt, omnibus regulis cictis. Prouincialibus reficiuntur fructibus, & pane recentissimo radicali quam maiore. Cetera secum classis afferebat: salitas puta carnes, salsos etiam pisces, & triticeam in cupis farinam. Ecce regiam in absitis terris classem: ecce non modò intra cancri tropicum, verum etiam ipsi æquinoctiali circulo ferè suppositos Hispanos, contra multorum sapientum sententiam, ut ibi pedem figant, & colonias construant. Postea verò quàm in vnum conuenire, quid consilij ceperint, intelligamus. Altero die ab appulsu classis, quadringentorum quinquaginta hominum Dariensium fit conuentus. Publicè arcanèque, coniunctim simul & viritim, indagatum est de rebus scriptis à Vasco Prefecto australis pelagi. (Is est magistratus, quem diximus ab Hispanis vocari Adelantatum) compertum est, vera fuisse quæcunque de australi pelago terra illius, regi significauerit: debere in Comogri, Pocchorrosa ac Tibanama diuionibus, ex ipsius Vaschi Prefecti iudicio, erigi arces impresentiarum, ut colonie post modum produci queant. Missus est propterea Ioānes. Aiora nobilis Cordubensis prator, cum hominibus quadringentis, quatuor carauelis & vna minore naui aduectis. Is primò Comogrensem captat portum, lequas



ab Dariene distantem fortè quinque ac viginti, vti scribunt literis presentibus. Indè ad austrum ex quadringentis centum quinquaginta missurus est, nouo itinere rectiore reperto: quàm inquirunt sex & viginti tantum lequarum esse intercapedinem ab Comogri regia ad sancti Michaelis sinus fauces. Reliqui è quadringentis, pedem ibi fixuri sunt, & indè auxilia prestaturi euntibus redeuntibusque. Centum verò illi & quinquaginta ituri ad austrum, aptos secum interpretes australium linguarum ducunt è nostris, qui ea didicerunt idiomata à mācipiis habitis à Vafcho, cum eas terras peragraret: & ex ipsis mancipiis, qui linguam iam callent Hispanam. Aiunt hi distare Pocchorrosa portum à Comograeo lequas septem tantum. In Pocchorrosa proprator ex pratoris & aliorum sanctione viros relicturus est quinquaginta, cum naui leuiore, qua fungatur officio cursorum: & veluti terra per equos dispositos fieri solet, ita mari certiores hi faciant prætorem & Darienenses de rebus emergentibus. Locaturi etiam sunt in Tubanama solo domicilia: à Pocchorrosa inquirunt distare Tubanama atria lequas viginti. Ex quadringentis hominibus his, ex priscis Darienensibus rerum experientia pollentibus, quinquaginta, qui decurionum loco nouos dirigant & ducant ad res gerendas, destinati sunt. Ità dispositis rebus, fuit consilium regi hæc significare, atque vna certio rem reddere, esse in illis terris regulum nomine Dabáibam, cuius regnum auro sit opulentum: sed intactum adhuc relictum ob potentiam. Hunc secundo magno flumine illo, de quo aliàs mentionem fecimus, habere regnum, vniuersamque ditionis ipsius tellurem auro vberem, fama est vulgaris. Lequas inquirunt distare ab Dariene Dabáibæ regiam quinquaginta. Indè aiunt incolæ auri copiam per confinia spargi. Licet & ab Dariene, vti aliàs diximus, lequas tantum tres, nostri habeant aurifodinas non ignobiles, quibus impræsentiarum fruantur, multisque in locis effo-



diendo aurum colligunt: feracius tamen esse Dabaiba regnū credunt. In primis nostris ad tuam Sanctitatem primitiis, mentio de hoc Dabaiba facta est: sed errore ducti, cum Dabaiba piscatores reperissent, Dabaibam ipsum inter palustria loca se offendisse arbitrati sunt. Ad Dabaibam igitur tercentum deligere volunt egregios ex vniuerso exercitu bello aptos iuuenes, telorum omnis generis & armorum copia magnifice instructos, qui eum adeant, & detrectantem pacem sternant, & debellant. Iterum atque iterum repetunt, in argumentū opulentiae futurae, se paucis in locis effodere, ubi non commixtis terra grumulis aureis occurrant. Quae scripserint, refero. Consulunt & regi, condendam esse in sancta Mariha portum, in regione, appellatione incolarum, Saturma, coloniam, quae sit futura refugium nauigantibus ex Dominica insula: a qua cursum ferunt esse quatuor aut quinque dierum ad eum Saturma regionis portum: & ex sancta Mariha trium ad Darienem, eundo inquit: reditus nanque illis adeo durus est, ob eum, quem diximus, decursum aquarum, ut arduos videantur montes redeundo conscendere. Non est huius torrentis vis ex Hispaniola & Cuba redeuntibus in Hispaniam tanta quauis & ipsi laborent contra labentem oceanum: quia sit hic pelagi amplitudo ingens, qua vagari queant aquae fluentes. In Paria tractu stringuntur aquae lateribus eius terrae & multarum insularum adiacentium ex aduerso compressae: ut liquet in Siculo freto coniectari, ubi est aquarum impetus is, quem tua Sanctitas nouit, qui Scyllam & Charybdim efficiunt, ob angustias illa maria receptantes, Ionium videlicet ac Libycum & Tyrrhenum. Ex Guanassa insula & Iáia Maiáque & Cerabaróno, regionibus Beraguae occidentalibus, scriptum reliquit Colonius huius inuenti princeps, reperisse furorem tantum in proram, ea littora versis vestigiis Orientem queritando, ut neque licuerit interdum plumbata fundum



tentare, quin illam secum pensilem raptaret aduersus impe-  
tus. Neque ipse quiret aliquando integro die, licet v̄etus ali-  
quis flaret in puppim, vel vnico milliari decursū vincere. Hic  
est quod sep̄ cogantur Cubā, Hispaniolā demum, pr̄hendere  
prius, vt mox lato pelago ad septentrionē captato, cursum di-  
rigant in Hispaniam, quō boreales flatus illis adiumento sint  
ad impellendum naues, quas itinere recto minimē quirent per-  
ducere. De motibus oceani vltro citroque iam satis multa.  
Quid de Dariene & colonia in eius ripa deducta, quam di-  
ximus sanctam Mariam. Antiquam ab ipsis appellari, scribāt  
recensendum est. Loci situs est inualidus, pestifer, sardo calo  
perniciosior. Pallent omnes, ictericis similes. Neque à natura  
regionis id euenit: multis nanque in locis sub iisdem latitudi-  
nis gradibus signorum, salubrem benignamque reperiunt  
aëris clementiam: vbi scilicet nitidos terra fontes gignit, vbi  
ve flumina ripis meant currentibus haudquaquam cœnosis:  
sed præcipuē vbi cliuos, non valles, inhabitant. Locus autem il-  
le, in Darienis fluminis ripa situs, in profunda est valle locatus  
collibus vndiquē arduis circunseptus: quia de causa solares  
radios meridianos suscipit suos in verticem ferē perpendicula-  
res, & à montanis labentibus radiis à fronte tergoque ac la-  
teribus grauius vexatur. Radiorum quippe solarium feruo-  
rem repercussio parit, non accessus ad terram: quia in se mi-  
nimē sint passibiles: quod ex nauibus altorum montium  
colligi potest, vti optimē callet tua Sanctitas. Propterea cadentes  
in montibus radii per obiectum decliuem ad ima rotantur,  
vti saxum ingens rotundum, à culmine montis deiectum.  
Valles ergo & contingentem sibi radiorum partem ex dire-  
cto, & præcipitem cliuorum ac montium ex transuerso, susci-  
piunt. Est ergo Darienis habitatio à natura loci particularis,  
non à regione perniciosa. Est & pestifer à natura soli locus,  
quod cœnosis paludibus fœtidis septus sit. Immo vicus ipse



Ex gut-  
tis bu-  
fones.

palus est, ubi ex guttis mancipiorum dextra cadentibus, dum  
irrigant pavimenta domus, illico bufones gignuntur. Vti alicu-  
bi ego ipse vidi in pulices guttas illas aestate conuerti. Vbi un-  
que præterea effodiunt ad sesquipalium, scaturiunt aquæ  
insulabres omnes & corruptæ a natura fluminis, qui ad mare  
cænofo atque inerti alueo per vallem profundam delabitur.  
Propterea de loco mutando consulunt. Ibi figere pedem pri-  
mos necessitas coëgit: tanta enim urgebantur egestate, qui  
primi ad eas terras appulsi sunt, ut de loco mutando cura de-  
fuerit. Iniqua igitur soli sedes, illos vexat ob solares radios.  
Deterior aquarum & corrupti aëris, ob cænosos vapores, in-  
clementia reddit inualidos. Nec portu nobilitatur illo locus ip-  
se, qui distat à sinu faucibus lequas tres: estque iter arduum  
asperumque ad comportandum commeatus à mari. Ad alia  
contingentia veniamus. Vbi primum appulsi sunt, multa il-  
lis acciderunt hætenus incognita. Medicum quendam eximium  
Hispalensem, quem antistitis autoritas, & auri simul cupidi-  
tas, tranquillam linquere vitam in patria stimularunt, ador-  
ta est dormientem cum vxore vis fulguris: domus cum vi-  
uersa supellectile illi exarsit. Attoniti vir & vxor penè nu-  
di proclamantes & semiuisti vix euaserunt. Stantibus in litto-  
re, molossus sesquianniculum rapuit crocodilus ingens: &  
viti miluus pulliculum solet, miserum canem, domini auxiliū  
vasto latratu implorantem, ante omnium oculos abspertauit.  
Noctū vespertilionum moribus torquebantur: si dormientem  
forte momorderint quempiam, exhausto sanguine, trahunt in  
vita discrimen: & mortuos fuisse nonnullos ea tæbe comper-  
tum est. Si gallum, aut gallinam sub dio noctū vespertilio-  
nes depræhenderint, in cristâ aculeo fixo, interimunt. Crocodilis,  
leonibus ac tigribus & hi aiunt infestari terrâ: sed inuentas  
iam esse artes quibus multi capiuntur. Reperisseque se in socio-  
rum domibus tigrum ac leonum intersectorum pelles, scribunt.



Bovēs, porcos, atque equos, adoleſcere ibi maiorem in modum  
& grandiores fieri genitoribus dicunt, ob vbertatem ſoli. De  
arborum proceritate, deque terra variis, fructibus, de hortensi-  
bus, & ſatis omnibus noſtratibus: de cervis & quadrupedi-  
bus feris, variis etiam generibus avium ac piſcium, eadem re-  
ferunt, quæ ſcripſi alias. Caretam regulum, regionis Coibæ  
principem, triduo habuerunt hoſpitem: & admiratum noſtra  
harmonica inſtrumenta, equorumque phaleras, ac cætera illi  
peregrina, benèque donatum remiſerunt. Is noſtris ſignificavit  
arbores gigni in provincia, quarum tabulis naues conſtructæ,  
tutæ ſunt a corrodentibus marinis vermibus. Eſt nanque di-  
ra hæc peſtis noſtris nauibus in portibus illis. Aut eſſe ama-  
ritudinis tantæ ligni genus illud, ut facilè abſtineant ab eius  
gultu. Eſt & alia peculiaris terra arbor, cuius ſi folia nudè ali-  
cuius corpus tetigerint, vibices elevent ingentes: & niſi illis  
aqua marina vel ſaluina matutina medeatur, ilicò lethalem  
ſuo veneno excitent dolorem. Hanc arborem & Hiſpaniola  
parit. Eius etiam lignum olfactu aiunt eſſe mortiferum, nec  
portari quoquam lignum poſſe ſine vitæ periculo. Cum excu-  
tere à ſe tantæ ſeruitutis iugum ſæpè inſulares Hiſpaniola tē-  
tauerint, nec ceſſerit vnquam aperto Marte vel inſidiis, reper-  
ti ſunt eo ligno voluiſſe primarios noctū dormientes ſuffumi-  
gatos interimere. Sed admirati ligni reperti nouitatem Chri-  
ſtiani, fateri fraudem miſeros coegerunt, & commenti au-  
thores pœnas dcdere. Habent ipſi genus herbe, cuius odore ful-  
ti, remedium ſibi comparant, ab eius ligni veneno, ut portare  
illud queant indemnes. De his leuibus iam ſatis. Sperant ex in-  
ſulis auſtralis pelagi maiorem multo copiā habituros. Parabat e-  
nī Petr<sup>o</sup> Arias (nūcio qui ad nos literas tulit diſcedere) profe-  
ctionē ad eā inſulā quæ prominet medio in ſinu, ſancti Mi-  
chaëlis à noſtris appellato: à Vaſcho intacta relicta, ob pertur-  
batū eo tēpore mare. De qua latè in trāſitu Vaſchi ad auſtrū.



Multa indies maiora praeeritis expectamus. Captae sunt enim & provinciae plures aliae, quas non inutiles aut non parum mirandas fore putamus. Ioannes ille Diaz Solisus Nebrissen- sis, de quo fecimus aliquando mentionem, missus est per Fron- tem illam sancti Augustini, quae lineam superat aequinoctia- lem gradus septem, & ad Portugallenses pertinet, ut latus au- strale à tergo Pariae, Cumanae, Cuquibacôae, portuumque Car- thaginis & sanctae Marthae, Darienis & Beraguae, nostris na- vigiis percurrat, quò apertior & plenior de tractibus illis ha- beatur notitia. Missus est alius navium trium ductor Ioannes Poncius, qui Caribium terras depopuletur, & in servitutem obscenos hominum voratores redigat, quò liberae sint ab ea peste iam tandem adiacentes mittum insulae, & una pro- uentus earum insularum & arcana liceat vestigare. Missi sunt & alii per diuersa. Gaspar Badaocius, ut Occidentem percurrat: Franciscus Bezerrea, ut per sinus ipsius angulum: & Valleius, ut per fauces eius ad orientalem sinus oram tra- hiant, ad arcana telluris eius exploranda: in qua Fogeda nuper sinistris ausibus pedem figere coeperat, arce ac pago æ- dificatis. Cum octoginta prius militibus instructis ex Dariene Badaocius discessit: quem secutus est cum quinquaginta Lu- douicus dictus Mercado: Bezerrea verò addixerunt octogin- ta, Valleio septuaginta. Portus ne tutos capturi sint, an in ma- lefidas stationes casuri, summi rerum artificis providentia mouit. Nos autem homines casuum notitia, postquam emer- serint, includimur. Ad alia veniamus.

PETRI MARTYRIS MEDIOLA-  
NEN. OCEANAE DECADIS TER-  
tiæ, cap. septimum.

¶ I X





*I*X benè domo exierat Petrus Arias putati  
continentis gubernator, appulsus ad Darienē,  
cum plerisque appendicibus: quando ad cu- 1515  
riam, negotiationis gratia, sensi venisse quen-  
dam Andreā Moralem, nauium ea littora  
noua percurrentium nauclerum: qui & crediti continentis  
oras, & insularum adiacentium tractus, & Hispaniola in-  
terna omnia diligenter sollicitèque scrutatus est. Vestigandæ  
Hispaniolæ curam viro huic frater Nicolaus Ouandus, militiæ  
Alcantaræ maior Commendatarius, Hispaniolæ gubernator,  
demandauit: quod ingenio polleret, essetque ad huiusmodi  
rem explorandam ceteris aptior. Super his Andreas hic indi-  
ces & tabellas formauit egregias: quibus præbetur fides à re-  
liquis rem intelligentibus. Is ad me venit, vti solent alij ab  
Oceano redeuntes. Quæ ab eo & plerisque alijs hætenus igno-  
rata didicerim, tractemus. Sit Hispaniolæ particularis des-  
criptio, quæ primam huius narrationis frontem amplectatur:  
quando quodam caput est & emporium vniuersæ liberalita-  
tis Oceani: habetque mille, atque iterum mille, formosas, com-  
ptas, ditēsque Nereides nymphas, quæ ipsam, tanquam Te-  
thym alteram dominam & genitricem, circumsepiant, co-  
māntque, decenter. De Nereidibus ipsis, id est, circumambien-  
tibus insulis, pauca mox differemus. Insula demum Margari-  
tea, Diues à nostris appellata, in australis pelagi sancti Michæ-  
lis sinu iacens iam trita (quæ nobis miranda præbuit impræ-  
sentiarum, & maiora de futuro pollicetur) superueniet: can-  
dentibus armillata, torquata & coronata Cleopatreis vni-  
onibus: de quorum conchyliis in calce narrationis par erit ali-  
qua pertingere. Ad elysiam iam Hispaniolam veniamus: &  
a prima nominum impositione exordiamur: de forma & cæ-  
li clementia mox: de ipsius diuisione demum conferemus. Ex  
insula Matininos de qua in prima decade, cum accentu in



ultima, uti tua Sanctitas noscet per virgulam superimpositam in omnibus eorum vocabulis, ne toties repetendum sit, ubi accentus novorum vocabulorum iaceant: inquit hi transvectos suis monoxylis canois, dico lintribus uniligneis, primos habitatores, e patria per adversa factionis partes eiectiones: ut Dardanum ex Corytho legimus, & ex Creta Teucrum in Asiam, & solum postea Troianum appellatum: Tyriosque ac Sidonios, fabulosa ducente in Libyam Didone, classem appulisse. Extorres igitur Matininosenses e propriis laribus, in Hispaniola & ea insula parte que Cahonao dicitur, ad ripam fluminis appellati Bahaboni, sedem posuere: uti est in Romanis initiis de Aenea Troiano in Italiam ad Latium Tiberim devecto. Intra Bahaboni fluminis ostium iacet insula, ubi dicuntur advenae primam domum crexisse: hanc appellauere Camoteiam. Domum eam sacrarunt postmodum, & reuerenter coluerunt semper, ad aduentum usque nostrorum, & donis perpetuis salutabant: uti nos initialem nostrae religionis Hierosolymam, Mahometei Mecham, & veteres Fortunatarum insularum cultores in magna Canaria Tyrmam super alta rupe structam: unde sese multi letis animis & psallentes precipitabant, a sacrificulis eorum persuasi, animas inde se amore Tyrmae deicientium beari, ad aeternasque delicias perducere. Reperere id observatum ad nostra usque tempora Fortunatarum debellatores: nec decidit hodie a communi sermone sacrificiorum memoria: nomenque rupes ipsa retinet. Didici etiam nuper esse in insulis ipsis, a Betanchoro Gallo, primo Fortunatarum cultore, habita tamen ab Castellanis regibus Venia, uti alias dixi, Betanchoranam, factionem quae adhuc & linguam & mores Gallicos seruet, licet Betanchori heredes, Castellanis viris, uti supra memorauimus, domitas duas insulas precio reliquerint. Habitatores tamen qui Betanchorum secuti fuerant, & sibi domicilia fabricauerant, familiasque ibi au-



xerant, persisterunt: atque una cum Hispanis fortunatè vi-  
 uunt, Gallicorum frigorum expertes. Ad Matininoenses pe-  
 dem referamus. Nomina Hispaniola à primis habitatoribus  
 imposita fuere, primum Quiqueia, dehinc Haïti. Neque hæc  
 ad imponendum voluntatem solum, sed ab effectū credito ab  
 eis. Quiqueiam dicunt rem grandem, qua nulla sit maior.  
 Quiqueiam interpretantur vastitatem, & vniuersum ac  
 totum: vti Græci suum Panem. Quia sunt arbitrati, ob eius  
 magnitudinem, esse vniuersum orbem terrarum, neque sole ca-  
 lesieri quicquam aliud, præter eam insulam cum adiacentibus  
 cæteris: propterea Quiqueiam dici debere statuerunt. Haïti  
 vero dicitur asperitas, eorum Vetere lingua: atque ideò insu-  
 lam appellauere vniuersam Haiti, per metonymiam à parte  
 totum denominantes: quia hæc insula plerisque in locis horref-  
 cat aspera montium facie, ac tetra sylvarum densitate, valli-  
 busque ob altitudinem montium formidolosis & obscuris:  
 licet alibi sit amœnissima. Hic est aliquantisper, beatissime Pa-  
 ter, digrediendum. Mirabitur Beatitudo tua quonam pacto  
 simplices homines recolant huiusmodi principia à distanti-  
 bus, quandoquidem nullum genus literarum assequuntur.  
 Mos est apud eos ab æternis, in regum domibus præcipuè, ut fi-  
 lios eorum boity, id est sapientes, in rerum agnitionem memo-  
 riter erudiant. In ea præceptione duabus maximè rebus inten-  
 dunt: generali alteri, de rerum origine ac successu: particulari  
 alteri, de parentum, auorum, atauorumque ac maiorum om-  
 nium præclarè gestis bello & pace. Quæ duo præcepta rhythmis  
 habent composita eorum lingua. Hos Arcitos appellant. Et,  
 vti citharædus apud nos, cū tympanis illi suo more fabrefa-  
 ctis suos arcitos cōcinnūt, & choreas cantādo dūctitāt. Tym-  
 panū maguëy dicitur. Hæbēt & arcitos amatorios: hæbēt & que-  
 rulos & excitātes ad pugnā, cū suis quæque sonis rei quadrā-

Insula-  
 rium fi-  
 lios in-  
 stituen-  
 di ritus.

Q



tibus. Utuntur & saltationibus, in quibus sunt nostris multo agiliores, quia nulli alieri rei magis inuigilant, suntq; nudi, nec vestibus occupantur. In Arcitis à maioribus habent vaticinatum nostrorum aduentum: quibus gemendo, vti per elegias, perniciem suam detonant. Maguacochios aiunt, id est, vestitos homines, venturos ad insulam, armatos ensibus, hominem scindentibus vno ictu: quorum iugo posteritas eorum subdenda foret. Nec miror quidam vaticinatos eorum maiores seruitutem filiorum: si verum est quod de lemuri familiaritate referunt. De quibus satis latè in primæ nostræ decadis libro nono (vbi de Lemibus, id est, de eorum simulacris, quæ colebant) disseruimus. Nunc autem fatentur, Lemibus sublati, nusquam vltra quenquam apparuisse. Ascribunt nostri signo crucis, quo se omnes muniunt: sunt nanque baptismatis lauacro abluti. Est & vniuersis ingens cura de noscendis finibus & regnorum terminis: sed hæc generalis mitainis omnibus, id est, nobilibus: mitainos enim eppellant nobiles: ita vt sue sint & hî patriæ non inepti cosmetra: Vulgo nulla est cura alia præterquam de sementibus & sationibus. Piscationibus sunt & apissimi: quia toto anno omnib; que diebus sese fluminibus immergunt: neque minus agunt in aquis vitam, quam in terra. Venenatu etiam inuigilant. Habent nanque duo genera quadrupedum, vti aliàs diximus: vtias, hæ sunt cuniculi parui: & serpentes iuanas, de quibus in primâ decade satis, crocodilis asimiles, octipedales, terrestres, suauissimi saporis. Volucres autem innumeras nutriunt omnes insula: putà palumbes, anates, anseres, ardeas: psittacorum præterea non minorem, quam apud nos passerulorum, copiã. Quisque regulos suos habet aitionarios dispartitos, venatui hos, illos piscatui, agricultura alios addictos. Ad nomina redeamus. Qui Xquetam, diximus, & Haitin esse antiqua nomina.



Cipángam etiam à regione montana, auro ferace, plerique vniuersam insulam appellauere: vti poëtas vidimus nostros Italiam appellasse aliquando Latium à parte ipsius. Ecce, vti Ausoniam Hesperiamque maiores Italiam dixere: ita hi Quiçquëiam, Haitin, Cipángam. Nostri autem primò Isabel lam ab Elisabeth regina, quã Hispani idioma nuncupat Isabellam, à prima colonia condita in littore septentrionali insula. De qua satis in prima decade. Ab Hispania postmodum appellant diminutiue Hispaniolam. De nominibus satis, de forma nunc loquamur. Qui primi percurrerant insulam, castanea folio similem cum sinu ad Occidentem, mihi depinxerunt, Cubam insulam prospectantem. Hic autem Andreas Morales nauclerus, aliter depictam, parum tamen differentem, ad me tulit: ab viroque quippe angulo, orientali puta & occidentali, magnis sinubus cauatam esse describit, cornuâque protendere longissimè. Intraque magnum sinum orientalem portus locat amplios tutosque. Dabimus operam, vt aliquando ad Sanctitatem tuam is index particularis Hispaniole mittatur. Eodem nanque modo suum indicem affert, quo Hispaniam & Italiam cum suis quanque montibus, vallibus, fluminibus, vrbibus, & coloniis, arbitror Beatitudinem tuam sæpè conspexisse. Comparemus sine rubore, comparemus beatissime Pater, Italia, regina quondam orbis terrarum, Hispaniolam: quandoquidem si quantitatem dimetiemur, paulo minor reperietur. Est nanque Hispaniola ab Oriente distantia in Occidentem milliaria (viti iuniores volunt) quadraginta supra quingenta. Admirantum diximus in prima decade produxisse mensuram. Lata vero alicubi tercentum ferè, angustior tamen alibi, vbi cornua iactat. Sed Italiâ est hæc multo beatior, beatissime Pater: maiori quippe ex parte sui est adeò temperata & amœna, vt neque frigore vrgeatur molesto, nec calore vexetur immodico. Habet vtrunque

Hispaniola multis nominibus præfertur Italiæ.

Qui



solstitium Hispaniola penè par æquinoctijs. Vix enim horam integram ascendit dies vt noctem superet, aut econuerso, in meridionali latere, in septentrionali aliter. Pleraque regiones in ea iacent, in quibus aliquando frigus viget. Sed id accidere Beatitudo tua intelligat, ex consono ad id obiectu montium, vt infra latius dicemus: neque tamen est atrox adeò, vt habitatores niues molestant vnquam. Perpetuo praterea gaudet vere, perpetuòque autumnus felix hæc insula. Frondescunt ibi toto anno arbores, & prata virescunt. Fortunantur ibi omnia mirificè. Quantum hortensia coalescant intra sextumdecimum diem, caules, lactuca, boragines, raphani, & huiusmodi sata: cucurbita, melones, cucumeres, & similia intra trigesimum, satis latè alibi. De animalibus autem diximus, boves ex Hispania transuectas in multo maiores euadere. Boves elephantis, porcos mulabus, cum de augmento est sermo, comparant, hyperbolicè tamen. Diximus & suillas carnes sapidas esse ac salubres, propter myrobalanos & patrios fructus alios, quibus vescuntur, suapte natura nascentibus: vt apud nos fagineæ sunt, siliceæ, quernæ que glandes. Vites etiam, si curra insit, mira coalescunt vbertate. & si cui animus aliquandò fuit, de ferendo in montibus tritico, vbi parumper frigoris viget: in plano minimè, ob nimiam agrorum pinguedinem. Est incredibile auditu. Spicam superare lacerti crassitudinem, spithana longiorem, granàque nutrire quamlibet duo millia amplius, assèueranter inquit, & iureiurando affirmant. Sed salubriorem insula panem iucca præsertim, aiunt, quem vocant caçabbi: quia sit digestionis aptior: quòdque seratur & colatur facilius atque vberius. Id autem temporis quòd superest, auro intendunt legendo. Est tanta omnium quadrupedum copia, vt iam & equi & coria bouum & pecudum portentur in Hispaniam. Genitrici iam succurrit.

Rara  
terræ  
fecun-  
ditas.



filiola multis in rebus. De coccineis arboribus, de aromatibus, de colore glauco, de mastice, gossampio, de electo, & multis alijs eius promentibus, satis multa alibi. Quid felicius ergò, beatissime Pater, in terris, quàm viuere ubi fas sit, tot tantàque passim videre & frui? quid beatius, quàm agere vitam, ubi non cogaris angustiis includi cubiculis, horrenti gelu, aut anxio calore? neque hyeme oporteat ponderosis vestibus corpus onerare, aut suras perpetuo igne cremare, quæ senesciunt homines in ictu oculis, ac vires labefactant, irabuntque mille morborum genera. Salubrem præterea inquirunt esse aërem, salubres & fluminum aquas, ut puta quæ auro perpetuò superlabuntur. Nullus est nanque fluuius, nulli montes, pauca planities, auro immunes. Ad particularem tandem internam huius beatae insulae cosmographiam deueniamus. Habere Hispaniolam quatuor flumina, quæ ferè portionibus æquis eam diuidant ex altis montibus: vno ad Orientem, hoc Iunna dicitur: ad Occidentem altero, quod Attribunicus: tertio ad meridiem, quod Háiba: ad septentrionem quarto, quod Iáche, aliàs narrauimus. Nouam hic nauclerus affert ab incolis ab eterno obseruatam descriptionem. In quinque partes vniuersam diuidemus: dehinc cuiusque prouinciæ regiunculas veteribus nominibus appellabimus: quòdque memoratu dignum in singulis erit, recensēbimus. Insula initium ab Oriente amplectitur prouincia nomine Caiximú: sic appellatam, quia eorum lingua cimú frontem siue initium significat. Sequitur illam Huhábo, indè Caihabo. Quarta est Bainóa. Angulum occidentalem tenet Guaccaiarima: sed penultima Bainóa latioribus constat terminis, quàm tres eam præcedentes. Caiximú à prima insulae fronte protenditur ad flumen per urbem primariam sancti Dominici labēs, quod est HoZama. Ad septentrionem autem terminatur ad

Q. iij



montes asperos, dictos ob sui horrorem Hatti particulariter. Huhábo montibus Haiti & flumine Iáciga includitur. Caiábo tertia amplectitur quicquid iacet inter Cubáho & Dahátio ad ostium usque fluminis Iácchæ, unus è quatuor aquæ diuidentibus insulam: & ascendit ad montes Cibáos, ubi est maior auri copia. In quibus nascitur fluvius Demáhus, caditque per fontes fluminis Naibæ, alterius è quatuor ad mare australe, ad aliam fluminis sancti Dominici ripam. Bainóa capit initium à finibus Caiábi, ad insulam usque Cahiní: quæ iacet ferè contigua littori septentrionali ipsius insula, ubi primum diximus edificatam fuisse coloniam. Reliquum ad Occidentem occupat Guaccaiarima provincia. Atque ideo Guaccaiarimá appellát, quod sit insulae extrema pars: marimá ipsi appellát podicé: insula podicé vocát. Gua, est apud eos articulus: & pauca sunt regum præcipuè nomina, quæ non incipiant ab hoc articulo gua: ut Guarionexius, Guaccanarillus: & hinc multa etiam locorum nomina. In Caiçimu regiones sunt, Higuéi, Guanamá, Reyre, Xagua, Aramaná, Arabo, Haçóa, Macorix, Caiacóa, Guaiágua, Baguanimáho, & asperi montes Haitienses. Hic de adspiratione pauca referamus quæ aliter se habet, quam apud Latinos. Aduertendum est, nullam inesse adspirationem vocabulis eorum, quæ nõ habeat effectum literæ consonantis: immò grauius adspirationem proferunt, quam nos f, consonantem. Proferendumque est quicquid est adspiratum, eodem halitu quo f, sed minimè admoto ad superiores dentes inferiore labello: ore autem aperto, ha, he, hi, ho, hu, & concusso pectore. Hebræos & Arabicos eodem modo suas proferre adspirationes video. Hispanos etiam in his quæ ab Arabibus diu possessoribus vocabula acceperunt, experior idem seruare multa quippe retinent: ut almohádda, quæ dicitur puluinar: almoház, quæ interpretatur strigilis: & huiusmodi multa, quæ anhelante pectore promunt.

Adspi-  
ratio  
quo-  
modo  
sit pro-  
ferenda  
in his  
insula-  
ribus  
vocu-  
lis.



Placuit hæc recensere, quia apud Latinos accentus plerumque solus aut aspiratio mutant significatum: Vti hora pro parte diei & ora pro plurali huius dictionis os: aut ora pro regione, Vt Troia qui primus ab oris. In accentu autem, accentu mutato, occido vel occido. Ita & in horum simplicium lingua maxime seruandi sunt accentus, & adspiratio promenda. De accētū supra dixim⁹, & articulo gua. In Huhábo prouincia sunt regiones, Xamána, Canabacóá, Cuhábo: multa que alia, quarum nomina nondum didici. Caiábus prouincia regiones habet, Maguá, Cacacubána. Huius regionis incolæ longè aliam habent linguam ab Hispaniolis reliquis, & Macoryxes dicuntur. Cubaná est alia regio: & ipsa lingua differens à cæteris. Baioháigua regio, diuersum & hæc idioma tenet. Alia sunt regiones, Dahabóon, Cybáho, Manabáho. Cotoy est in insula medio: flumen interlabitur NiZaus: montes autem Mahaitin dicti, HaZuá, Neibaymáo. In Bainóá regiones sunt, Maguána, Iagohaiúcho, Baurúco, Dabiágua, Atibuní a nomine fluminis, Caunóá, Buiaicí, Dahabonici, Maiaguarutí, Atiéi, MaccaZina, Guahábba, Anniuici, Marien, Guarícco, Amaguéi, Xarágua, Iaguána, AZuéli, Iácchi, Honorúcco, Diáguo, Camaie, Neibaimáo. In Guaccaiaríma, prouincia Vltima, regiones sunt, Mauicaráo, Guahágua, TaquenaZábo, Nimacá, Bainóá parua, Cahaymi, IamaiZí, Manabaxáo, Zauána, Habacóá, Ayqueróá. Ad particularia nunc de regionibus ipsis quedam descendamus. In prouincia CaiZimu, intra vastum initij sinum est antrum ingens, in rupe caua, sub radice montis altissimi, ad stadia duo circiter à mari: cuius ostium est magni templi foribus aßimile, falcatum, ingens. Tentauit cum nauigijs antrum ex gubernatoris mandato hic nauclerus. Per absorlatentes vias inquit, veluti ad sentinam concurrere ad antrum multa flumina. Et desiére post id nairari, quò tenderent flumina plura delabentia, quæ à nonaginta milliaribus ve-


Flumi-  
na in  
antro  
absor-  
bêtur.



nientia fluendo absorbentur, nec appareant ultra. Per eius saxei montis voragines deglutita, iam arbitrantur ad id antrum proficisci. Ingressus antrum nauclerus ferè absorptus est. Inesse rebullitus & vortices inuicem confluentes & ora hiantia multa, inquit. Veluti pitam, cum horrendo mugitu, naviculam eius vortices hinc, ebullitus inde, modò hac, modo illac, diu iactitarunt. Ingressum fuisse pœnituit: nec quâ regrederetur intelligebat. In obscuro iam vagabantur, tum ob ipsius antri tenebras, quæ longissimè petunt montis specum: tum quia perpetuæ ibi sint nebulae ex salientibus vaporibus humidis in continua conflictatione venientium aquarum. Casui Nili è montibus Aethiopum, strepitum illum comparat. Surduerunt adeo, ut, quid inuicem loquerentur, haudquaquam audirent. Euasit tandem pauidus de antro, veluti de tartaro, putans redisse ad superos. Ad miliaria fortè sexaginta, ab vrbe primaria sancti Dominici, sunt ferè in prospectu montes alti, super quorum vertice stagnum est inaccessibile: à iunioribus nunquam visum ob asperitatem montis, neque quod semita pateat vlla. Per vicinũ tandem regulum ductas nauclerus, ut gubernatoris mandatum expleret, montem ascendit. Stagnum adiit. Vigere ibi frigus ait. In hyemis argumentum, filices & rubeia mora gignentia, quæ duo calidam regionem minimè patiuntur, inuenire. Montes vocant Ymĩzi Hybahaino. Circuit in gyrum lacuna miliaria tria. Dulcium est aquarum: variis piscibus egregia est. Cadunt in eam riui plures: nec habet exitum lacus, quia sit vndique montium verticibus circumseptus. De altero nunc Caspio sive Hyrcano, Mediterraneo mari dico, cum vicinis aliis quibusdam dulcibus lacubus parumper conferamus.



DECAS TERTIA 251  
 PETRI MARTYRIS MEDIOLA-  
 NEN. OCEANEÆ DECADIS  
 tertiæ, cap. octauum.



**B**AINO A provincia, quæ triplo superat  
 tres primas. Caiximu scilicet, & Ca-  
 iabon, vallem includit Caionani: in qua la-  
 rus est salsus, amarus, horridus, uti de Caspio  
 legitur: propterea Caspium est animus vocita-  
 re: licet non sit Hyrcania regio. Voragine habet, è quibus &  
 saluunt aquæ marinae, & venientes è montibus absorbentur.  
 Putant esse amplas adeò, profundasque cauernas eius, ut è ma-  
 ri per eas magni etiam marini pisces emergant: inter quos pi-  
 scis quidam ab eis dictus Tiburonus, qui hominem in ictu  
 dentis secat medium & vorat. In Hozamam vrbis prima-  
 riæ fluuium, è pelago ascendunt tiburoni, & multos dilacerat  
 ex incolis præcipue qui se nullo pacto abstinere, quin quotidie  
 lauandi gratia immergant fluuiio. Flumina in stagnum dela-  
 buntur salsum à septentrione Guaninicabón, à meridie Xac-  
 coei, ab Oriente Guannabo, ab Occidente Occóa. Magna hæc  
 flumina, perpetuæque esse inquiunt: & parua in Caspium  
 cadere viginti amplius. Scatent etiam à septentrione proximi  
 stagno, non amplius stadio: stadiūque occupant in circuitu  
 fontes plusquam ducenti, aquarum æstate frigidarum &  
 dulcium potabilium. Hæ fluuium efficiunt minimè vadosum  
 qui è proximo cum cæteris ad stagnum labitur. Hic est sisten-  
 dum parumper. Regionis regulus, vxorem, in sacello à Chri-  
 stianis in eius ditione structo orantem reperit, concubitum pe-  
 tit: habendam esse rationem loci Deo sacri, vxor arguit. Cu-  
 ius verba hæc fuerunt: Teitoca teitoca: quod sonat, esto  
 quietus: técheta cynato guamechyna: quod sonat, Dominus



multum irascetur. Guamechyna dicitur dominus, técheta multum, cynato iratus. Inquit excusso brachio maritus: Guai b háid est, vade: cynato machabuca guamechyna: interpretatur. Quid ad me quod irascatur Deus? Vim uxori intulit: repēte mutus effectus est, & semimancus. Pœnitentia ductus, & miraculo perculsus, donec vixit, egit vitam religiose: nec passus est ultra sacellum verri aut ornari aliena manu. Eo miraculo & incolæ multi & Christiani omnes cōmoti, sacellum piētiſſime frequentant. Acquiſſimo libentique animo ferunt regulum fuiſſe paſſum eius contumelia vindictam. Ad Caſpium retrocedamus. Is lacus ſalſus procellis agitatur & tempeſtatibus, ita ut piſcatorias ſepē nauiculas in præceps trahat & cum nautis abſorbeat. Neque repertus eſt naufragatus quiſpiam emerſiſſe, aut proiectus ad littus, uti aſſolet de cadaueribus deglutitis in mari. Sunt hæ tempeſtates Tuburonorum lauta conuiuia. Dicitur id Caſpium haguſgabón. Iacet media inſula, in quam ſe piſcaturi recipiunt, minimè tamen culta. Eſt inſulæ nomen Guariſacca. Amplectitur lacus ipſe longitudine millia paſſuum triginta: latitudine, duodecim, alibi quindecim. Eſt alius in eadem planitie lacus huic proximus, aquarum ſalſo dulcium, quæ nec potui ſunt benè aptæ: neque, ſi neceſſitas urgeret, ineptæ. Longitudo eſt eius milliarium quinque & viginti, latitudo octo: nouem & decem alicubi. Fluminum eſt multorum receptor: abſorbentur & ibi aquæ caret exitu. E mari etiam proſiliunt in eum aquæ, ſed paucæ, propterea commixtus. In eadem prouincia lacus alius dulcis, nomine Iainaguá, ad Occidentem, parum diſtans à Caſpio. Habet & alium lateralem idem ſtagnum ſalſum ad ſeptentrionem, ſed paruum, trium & quatuor miliarium in latitudine, in longitudine vnum & paulò ampliùs. Hic eſt potabilis. Dicitur iſ paruus Guaccaa. Ad meridiem lacus eiſdem ſalſi, iacet alius lacus trium milliarium in longitudine ferè circu-



laris, dictus Babbareo. Dulcis est, ut superiores duo. Hic lacus, quia caret exitu, nec voraginibus deglutiatur, ad mare insalsum, si torrentibus augeatur, superfluas mittit aquas. Hic est in Xamana Bainoe provinciae regione. Est alius inter Orientem & meridiem iacens ad latus Caspij, dictus Guanybam, miliarium in longitudine X. est fere rotundus. Sunt praeterea per insulam sparsi lacus alij parvi, quos praetermittimus, ne diu morando in re eadem, fastidium generemus. Hoc unum claudat de lacubus sermonem. In omnibus ingens piscium, ingens & volucrum copia nutritur. Hi omnes lacus iacent in valle amplissima, quae ab Oriente tendit ad Occidentem miliaria centum viginti. Lata vero est miliaria octodecim, ubi angustior: ubi amplior, quinque ac viginti. Collaterales habet montes, ad Occidentem versa facie Daiguani a sinistris: a dextris, ab ipsius Vallis nomine montes Caiguam dictos. Iacet ad radices montium Caiguaniensium ad latus eorum septentrionale Vallis altera, superiore longior, latiorque. Ducenta nante fere miliaria complectitur eius longitudo: latitudo, ubi amplior, triginta: ubi angustior circiter viginti. Dicitur Vallis Maguana hic sibi Iguamus, alibi Hathathiei. Quandoquidem de hac parte Vallis, quae dicitur Aiiei, mentio incidit, diuertendum est ad inauditum de marino pisce miraculum. Huius regionis regulus piscatione delectabatur: Caramatexius dicitur. In eius retia piscis catulus incidit, de genere piscium immanium, qui dicuntur Manati ab incolis. Minimè notum arbitror genus id monstri per nostra maria. Est namque testudineae formae quadrupes: squamis tamen, non concha, munitus: corio durissimo, ita ut neque sagittam vereatur: mille verrucis armatus, tergo autem plano, & capite penitus bouino. Aquatilis est, & terrestris piscis, mitis, iners: uti elephas, utique delphin, hominibus sociabilis, sensu mirabili. Infantulum piscem domi regulus aluit dies aliquot pane patrio, ex iucca



Mon-  
strum  
marinū  
in de-  
liciis  
habitū.

Et panico putā confecto: radicibus etiam aliis quibus homi-  
nes vescuntur. Adhuc paruulum proiecit piscem in lacum  
suis ædibus proximum, tanquam ad vinaria: qui lacus &  
ipse suscipit aquas, nec illas euomit. Est lacui nomen Guau-  
rabo: qui dehinc lacus Manati est appellatus. Liber in aquis  
piscis annos vagatus est quinque ac XX. Adoleuit in immē-  
sum. Quæ de Baiano, quæ de de Arionæo delphinis feruntur,  
distant ab huius piscis gestis. Pesci nomen est impositum Ma-  
tum: quod significat generosum aut nobilem. Quando ergo  
ex reguli familiaribus ei notis præcipuè, quisquā in lacunæ ri-  
pa Matū Matū, hoc est generose, generose proclamabat: huma-  
ni beneficii memor, caput eleuans, ad vocantē pergebat. Pasce-  
batur hominum manu. Si vero quispiam transfretandi cupi-  
dus, signa dabat: prostratu suo traiecturos inuitabat. Decem  
aliquando monstrum conscendisse vno receptu transportatōs-  
que fuisse omnes incolumes psallendo & cantando, comper-  
tum est. Sed si Christianum quenquam erigens caput cerneret,  
summergebatur, & parere recusabat: quia fuerat à Christia-  
no iuvene quodam petulante affectus iniuria. In piscem nan-  
que mitem & domesticum fuerat iaculatus hastam acutam:  
licet haudquaquam latus fuerit ob duritiem corij, quod habet  
verrucosum, asperūque: illatam tamen sensit iniuriam. Et  
si quando vocabatur à notis, ex illo die circumadspēctabat  
prius diligentissimè, nè quis vestitus Christiano more adesset.  
Luctabatur in ripa cum reguli cubicularibus: sed præcipuè  
cum adolescente regulo grato: cum quo domi cibos aliquando  
sumpserat. Cercopitheco lepidior erat. Fuit longo tempore vni-  
uersæ insule singulari solatio: nam & incolarum & Chri-  
stianorum multitudo ingens ad monstri miraculum quotidie  
confluebat. Sapidas inquit esse illius speciei piscium carnes  
multosque maria illa generant. Amissus est tandem facetus  
piscis Matum: ad mare deuectus ab Attibunico, vno è qua-



tuor aequè diuidentibus insulam fluminibus: ex alluuiè inau-  
dita typhonibus horrendis comitata, quam ipsi vocarunt fura-  
canum. Superauit Attibunicus ripas adeo, ut vniuersam im-  
pleuerit vallem, & sese lacubus omnibus immiscuerit. Secu-  
tus ergo Attibunici torrentem bonus matumus, facetus, socia-  
bilis, matrem antiquam & natales aquas repetiuit, nusquā  
aliās visus. Satis digressum. Ad vallis situm veniamus. Ha-  
bet vallis hæc collaterales montes Cibauros & Cayguanien-  
ses: ad mare australe illam deducunt. Est & vallis alia vltra  
Cibauros montes ad septentrionem, quæ dicitur vallis Guario-  
nexij: quia regulus ille Guarionexius ab auis & maioribus  
aliis ab hominum memoria vniuersæ valli semper heredita-  
rio iure imperitauerit. De hoc regulo multa in primis insula  
narrationibus & prima nostra decade. Est vallis centum o-  
ctoginta milliarium longa ab Oriente ad Occidentem: lata ve-  
rò à meridie ad septentrionem, triginta, vbi angusta: vbi la-  
tior, quinquaginta. Initium capit à regione Canabocōa, per  
provincias Huhabum & Caiabum: terminaturque in pro-  
vinciam Bainōam & regionem Marienam. Iacet autem mè-  
dia inter Cibauros montes & Cahonaos & CaZacubunam.  
Nulla est provincia, regio nulla, quæ non sit celebris maiesta-  
te montium, vbertate vallium, amœnitate collium, & flu-  
minum interluentium copia. Nulla montium aut collium la-  
tera, nulla flumina, quæ non abundant auro, & suauium  
piscium dapibus: vno fluuio excepto, qui ab origine sua &  
montanis fontibus eius, salsus egreditur, labiturque salsus  
donec pereat. Is dicitur Bahuan: & regionem Maguanam pro-  
vincia Bainōa interfecat. Existimāt per meat⁹ aliquos gypseos  
aut salinas subterraneas iter sibi fecisse fluuium. Sunt in insu-  
la salinae celebres: de quibus latius infra dicemus. Per quatuor  
ea flumina, p̄rque provincias quinque, diximus insulā diui-  
di. Datur & alia partitio. Constat insula vniuersa quatuor



montium cacuminibus, quæ mediam secant ab Oriente in Occidentem. Succosa cuncta: auro feracia cuncta: è quorum cauernis & faucibus vniuersa aqua fluminum euomuntur. Sunt in eis antra horrenda: sunt & tractim obscuræ valles: sunt saxæ rupes. Nullum animal noxium in ea repertum unquam. Nullum quadrupes rapax, non leo, non ursus, non tigres feroces, non insidiosa vulpes, non lupi voraces: beata omnia: beatiora nunc, quod intra tui gregis oues, beatissime Pater, sint recepta tot hominum millia: Remi-  
bús omnibus, demonum simulacris, eliminatis. Si res huiusmodi aliquandò in discursu nostræ narrationis repetiero, siq. digredior interdum, ut hæc referam, beatissime Pater, nè mihi succenseas. Feruor animi præ latitia, cum audio, cum video, cum scribo ista, me velut Apollineus & Sibyllineus quidam spiritus exagitat, cogitque idem sæpè referre: quando præcipue sentio, quò tendat nostræ religionis amplitudo. Hoc tamen inter sata hæc vberima iacet medium, quod me angit non mediocriter. Simples hi nudi homines, paruo erant assueti labori. Pereunt multi ex immensa fatigatione in aurifodinis, desperantque adeò, ut sibi mortem multi consciscant, nihilque curent de procreatione filiorum. Sumere matres grauidas medicamina, inquinnt, quo immaturos partus edant, cum cernant se parituras Christianorum mancipia. Licet ex regio diplomate liberos esse sancitum sit, seruire tamè coguntur ultra quàm homini libero placeat. Extenuatus est miserorum numerus in immensum. Duodecies centena capitum millia amplius fuisse aliquandò censita multi ferunt. Quis nunc sit, horresco referre. Missa hæc faciamus. Ad oblectamenta mirandæ Hispaniolæ regrediamur. In montibus Cibauis, qui ferè mediam insule sedem in provincia Caiabo, tenent, vbi diximus natiui auri vberiore esse ortum, regio est dicta Cotóhi, in nubibus sita, celsis montium culminibus circumual-



circunvallata, frequens habitatoribus: planitie constat milliarium quinque & viginti longa, lata quindecim. Superat ea planities ceterorum montium cacumina, ita ut reliquorum montium hi montes videantur esse principes & genitores. Planities hac quatuor sentit anni tempora: Ver, æstas, autumnum, & hyemem. Siccescunt ibi herbae, nudantur frondibus arbores prata canescunt: quod minimè diximus accidere ceteris in locis insulae, quæ ver tantum & autumnum hospites habet. Filices nutrit ea tellus & hortos, serpentia rubeta mororum altricia, quæ frigus inesse regioni ostendunt. Amœna tamen regio est: neque horridum est frigus, putà quod rigore niuibùsque haudquaquam incolas premat. Vbertatem eius regionis a filicibus arguunt, quorum frutices inquirunt hasta crassiores generari. Euro ditia sunt eius montana latera. Non itur ad id effodiendum, quia vestitis opus esset fossoribus, ob frigora, & laboribus assuetis. Habitatores autem paruo contenti, molles sunt: propterea minimè ferre quirent hyeme sub dio vitam. Flumina regionem interluunt duo, è cacuminibus presentium montium delabentia. Vnus Comoiaixa, qui tendit ad Occidentem, & in Naiba alueo nomen amittit. Alter Tirecótus dicitur: hic ad Orientem fluens, Iúnna fluminis aquas auget. In insula Creta prætereunti mihi ad Soldanum, retulère Veneti, regionem huiusmodi iacere intra Idaorum montium cacumina, quæ ceteris feracior sit insulae regionibus satione frumentaria. At quoniam ob angustas ad culmina vias, Creteneses illi aliquando defecerint, diuque contra Senatus Veneti auctoritatem regionem armis tutati sint: quando post longa tempora sesiam bello fessi, dederunt, regionem desertam relinquere Senatus voluit, portis angustiarum clausis, nè quisquam, inuissu Veneti Senatus, ad eam conscenderet. Eo autem anno, qui fuit secundus à quingentesimo supra mille-

R



simum, iam venia dabatur agricolis colendi regionem, aptis autem ad arma minimè. Est & alia regio in Hispaniola nominis eiusdem Cotoy. Ea prouincias determinat Vhabum & Caiabum. Montes Vallésque & planities habet: sed quia sterilis, minimè frequens est habitatoribus. Maior est in ea auri copia. Est ibi auri origo: non gramatim, non minutim legitur. Inter tophos & rupium Venas solidum purumque aurum inuenitur: scindendo saxa sequuntur auri vestigia. Esse arbo-rem viam auri venam comperiunt. Quacunque pateat iter è radice per apertas mollésque scatebras, ramos ad superna supercilia montis emittit: neque vnquam datur quiescere, donec cali auram assequatur. Formare ibi, viso aëris fulgore, batras & grumos pro fructu, animaduenterunt. Hæ sunt quæ per vniversam disseminantur insulam per alluuias raptata ad ima, de natura ponderosorum. Non autem illic procreari putant, vbi leguntur, in sicco præsertim in fluminibus aliter. Radicem arboris aureæ tendere ad terræ centrum, inquit, & ibi coalescere. Quo nanque profundius effodiatur, eo truncos reperiunt crassiores, si per montis scatebras liceat. E ramis autem filo subtiliores aliquos captant: digitos æquantes alios, pro scissurarum hiatu. Accidit & incidisse in canernulas

Quanto auri repleti ex substantia trunci serpente ab imo carpit iter ramus vchatur tamen nutritur ex halitu & virtute radicum. Quid ergo auri efferatur, interrogabis, beatissime Pater? Ex sola Hispanio-annis la vehitur in Hispaniam quotannis quadringentorum & ex Hispanio-lingentorum interdum millium ducatorum auri summa. Id panio- ex quinta regia intelligitur, quæ ad fiscum venit: octoginta, la in Hispania nonaginta, & centum millium castellanorum auri, & ali- quando maior. Quid ex Cuba, quid ex insula sancti Ioannis,



fecundis & ipsis auro speretur, infra dicemus. De auro sati dictum. De sale, quo condiamus quæ auro emuntur, fit sermo. In regione Bainóæ provinciæ in montibus Daiagónis a milliaria duodecim à Caspio salso lacu, salinæ sunt montanæ saxeæ, crystallo lucidiores, candidioresque. Sunt & huiusce modi salinæ quæ crescunt mirum in modum in Laletania, quæ Catalonia dicitur, sub duce Cadonæ, regionis illius optimate primario. Sed nobiliores has Bainóas esse asseuerant, qui utrasque noscunt. Sine cuneis & ferreis clavis hoc scindi minimè posse aiunt. Laletanum autem facile frangi, & ego expertus sum. Hoc topheæ, illud marmoreæ comparant duritiei. In provinciâ Caizimû regiunculis Iguanamá, Caiacóæ, Guariáguæ scatent admirabilis naturæ fontes, superficie prima dulces: quæ medium tenent, aquæ salso dulces: quæ fundo iacent, amarae, salseque. Putant salsas maris aquas leniter emanare: in supercilio fluere de montibus per terræ meatus dulces. Hæ sum merguntur, emergunt illæ: nec sufficiunt hæ corrumpere penitus illarum latices. Quæ sunt media, utrasque suscipiunt, & utrarumque fiunt participes. Si autem quis in alicuius fontis margine stratus aurem fixerit, concanam esse adeò ibi terram noscit, ut reboet à milliariibus tribus veniens eques: pedes autem ab vno milliari sentitur. In vltima ad Occidentem regione Guaccaiarimæ in regiuncula Zanána homines vivere aiunt, montium cauernis & syluestribus fructibus contentos, qui nunquam mansueuerint, neque aliorum vnquam hominum commercio vsi sint: sine certis sedibus, sine stationibus aut cultura vlla, vti legitur de aurea etate. Hos certo aiunt idiomate carere. Cernuntur aliquādo. Habuerunt ad manus neminē. Si quādo venientes ad conspectū hominum, quæquā ad se moueri cognouerit, ceruus celerè cōfugiunt. Canib⁹ aiunt Gallicis agiliores esse. Quid ex his solinagis lepidissime



Unus egerit, audi beatissime Pater. Prædia nostri habent in densarum sylvarum & nemorum marginibus. Solatij gratia Christiani quidam Septembri mense anni M. D. XIIII. prædia visunt. E nemore salit insperatus elinguis homo: subridens à Christianorum lateribus puerum rapit, domini possessionis filium, habitum ex insulari fœmina. Ausugit soliuagus: ut sequantur, innuit. E nostris & è nudis insularibus multi currunt ad raptorem: præhenderunt minimè. Vbi vidit facetus soliuagus desisse Christianos à persequendo, puerum reliquit in biuio, quia subulci vagabantur, porcos cogentes ad pascua. In puerum subulcus incidit: in vlnis susceptum ad genitorem, sese torquentem, portat. Esse de genere Caribiū genitor soliuagum arbitratur. Voratum iam filium deflebat. In eadem insula maritimis locis è scopulis picem legunt, arborea pice duriores amarioremque, propterea nauibus fucandis contra vermes corroderes, quos dicunt bromam, de quibus late aliàs, commodior est. Gignit ex duobus arborum generibus picem insula: ex pinu, puta, & arbore dicta copéi. De pinea prætereo, quia vulgo ubique generetur. De copéia arbore dicamus: de pice fructuque pauca, quia pix non aliter ex ea legitur, quam ex pinu: licet dicant plerique stillicidio colligi, comburendo eius lignum. Fructus autem eius parvus est, uti prunum, esui satis aptum. De folio auditu nouum est, pulchrum naturæ consilium. Arborem esse hanc existimandum est, cuius foliis Chaldaei, literarum primi repertores, conceptus mentis absentibus significabant, priusquam usus chartæ reperiretur. Spitameum est latitudine folium, rotundumque ferè. Acu aut spintere vel stylo quouis ferreo siue ligneo inscribunt nostri, non ineptius quam charta, ut libet. Risi dignum est, quæ insularibus nostri de folio persuadeant. Nostrorum imperio folia loqui putant boni homines. Missus est ex vrbe Dominica primaria insula, insularis quidam ad



mittentis amicum, qui distabat in interna colonia, cum vitis  
 (diximus esse cuniculos) assis. Ex itinere, siue fame, siue gula  
 impellente, nuncius tres vitas edit. (Sunt muribus non maio-  
 res.) Folio rescripsit amicus quot receperit. Ad seruum herus  
 inquit: En quid? ubi tua fides fili? potuit ne tantum gula, ut  
 creditas vitas comederis? Tremens miser & admira-  
 tus, fassus est errorem: sed vnde id habuerit, herum rogat. En  
 folium, quod tu ipse offers, mihi recense. Horasque illi acces-  
 sus ad amicum ac discessus, cum regrederetur, edicit. Ita le-  
 pidè fallunt stolidos insulares: & pro diis habent nostros, quo-  
 rum imperio folia promant, quæ ipsi arcana esse putarunt. Spar-  
 so per insulam rumore, quod folia nostrorum nutu loquantur,  
 in fide depositi retinet insulares. Vtraque folij facies literas  
 vit charta nostra suscipit. Membrana duplicata crassius est fo-  
 lium, tenax mirum in modum. Dum est recens, literas osten-  
 dit candidas in suo viridi: quando siccatur, vit tabella lignea  
 candescit durefcitque, sed characteres flauescunt. Minimè au-  
 tem corrumpitur, nec si madefiat: notas dimittit nunquam,  
 nisi comburatur. Arbor est alia, nomine Xagua, cuius pomi Arbo-  
 acerbi succus glauconiger pingit quicquid tetigerit, adèd co- ris foli-  
 hærenter, ut nequeat vlllo lauacro abradi intra dies viginti: um scri-  
 ubi maturuerit pomum, vim eam succus amittit. Comeditur, bēdo a-  
 & sapidum est pomum illud. Est & herba, quæ, vit de ligno ptum.  
 alias memorauimus, suffumigio perimit. De nostris interimē-  
 dis reguli quidam conuenerunt, cum non auderent aperta vi  
 prouinciam sumere, statuerunt locare intra quandam domum  
 multos eius herbe fascēs, ut domum postea succenderent, quò  
 accurrentes nostri ad extinguendum ignem, eo suffumigio le-  
 thalem conciperent morbum. Patefacto consilio, luerunt pæ-  
 nas sceleris authores. Extra ordinem pleraque nūc inseramus,  
 beatissime Pater, quandoquidem tua Sanctitas placere sibi  
 scribit quacunque de nouis oris referantur. De maij, agium,

R. 14



iucca, battatarum & radicum omnium escariarum satione, cultu & usu satis multa haecenus. Vnde autem venerint in hominum commoda, minimè adhuc diximus: id referamus.

PETRI MARTYRIS MEDIOLANEN. OCEANÆ DECADIS  
tertiæ, cap. nonum.

**P**RIMOS aiunt habitatores contentos vixisse diu radicibus his, palmarum puta, maguëiorum, quæ est herba, sed siue aizo, quæ vulgus semperuinam appellat, similis. Guaiëgarum, vti tubera terræ, sunt rotunda radices hæ ac maiores. Guaiëros & edebant, sunt vti pastinaca, Cibaios, vti nuces sunt hæ. Cabaios, vti cepæ, Macoanes idem vti cepæ: multis præterea radicibus aliis. Boitium, id est, sapientem senem, aiunt, post multa annorum curricula in vnius fluminis ripa fruticem vidisse ferula similem: inde euulsam radicem ex agresti fecit hortensem. Et qui primi iucca vescebantur cruda, breui peribant. Cum esset eius gustus suavis, decreuerunt diuersis experiri modis pertinaciter eius usum. Assa elixaque minus nocebat. Deuenere tandem ad agnitionem veneni, succo latentis: & eo modo exiccata conditæque & deducta in cazaby, panem præbet stomachis humanis triticeo saniozem, quod aptior sit digestionem. Idem de cæteris radicibus, & maiëio inter naturæ semina ab ipsis electo. Vti Cererem legimus triticum hordeumque, huiusmodi etiam alia frumenta, quibus humanum genus fruitur, delegisse in Aegypto, ex granis raptatis cum limo è montibus Aethiopum per incrementa Nili, relictæque in Niliaca planitie, Nilo regrediente ad alueum, ad culturam redegeisse. Vnde diuinis Cererem honoribus dignam iudicauit antiquitas, ad

Triticū  
hordeū  
que  
quis pri-  
mo ad  
culturā  
redege-  
rit.



culturam redactis electis seminibus. Agium species innumerae sunt. A foliis & floribus earum varietas dignoscitur: harum species una dicitur guanaguax, haec est intus forisque albidula: alia guaraguéi, colorem habet violaceum foris, intus autem candidum. Appellat alios ages ZaZauéios, hi rubescunt foris, intus candescunt. Alios squinetes, intus forisque albidus sunt. Est tunna ubique violaceus. Lobos flavescit pelle carneque. Est alius dictus atibuniéix pelle violaceus, carne candidus. Aniguá nar cute violaceus est, interius albescit. Guaccarác-ca pelle candescit, violascit carne. Sunt multa praeterea, quae nondum ad nos delata sunt, quibus recitandis scio me nimium excitare inuidorum calcaria, qui ridebunt, si quando ad eorum manus mea scripta deuenient, quod ad supremum occupatum heroem Beatitudinem tuam, cuius humeris vniuersi Christiani orbis onus inheret, minuta mille scripserim. An Plinius, ceterique insignes doctrina viri, quando huiusmodi & ab his diuersa dirigebant ad potentes, principibus, quibuscum differebant, prodesse solum intenderunt, ab inuidis cuperem intelligere. Illustribus obscura, magna paruis, crassis minutata, commiscebant, quod posteritas, principum causa, agnitione rerum vniuersa frueretur: particularibus autem rebus intenti, & nouarum rerum cupidi, particulares oras tractusque ac terrarum prouentus & mores gentium naturasque rerum intelligere quirent. Ridebunt ergo ipsi nostras curas: deridebimus nos eorum, non inscitia, non incuria, non desidia, sed perniciosam solertia: & eorum torturae pectoris miserebimur, colubrisque inuidorum edulis eos commendabimus. Si vera sunt quae de tua sanctitate Galeatus ipse Butrigarius & Ioanes Ruffus, impresetiarum Cusétin<sup>o</sup> archipræsul, nuncij tuæ Sedis apostolicae, retulerunt, placitura omnia non dubitauero: nec incultas vestes nostras, quibus res mirandas texim<sup>o</sup> solum, non ornauim<sup>o</sup>, collegim<sup>o</sup>, non descripsim<sup>o</sup>, abiecturam existimam<sup>o</sup>. Satis de rebus ipsis factum vi-



deatur, quod tua causa inuigilauerimus, ne perirent. Tollas hinc quisque sua crumena quadrantem monetam. De boue veruecēque à laniis secto, propterea nihil ad vesperam superest, quia humerus huic placet, illi femur, alteri collum, nec desunt quibus & ilia satisfaciant, aut crura conducant. Satis euagatum cum liuore rabido. Quibus modis nascentes regulorum filios, reguli salutent: quò ve pacto vita finem principia commodent: cur ve quisque regulus multis nominibus vocitetur, parumper referamus. Nascente alicui regulo proles, finitimi accurrunt, regina cubiculum intrantes. Hic natam sobolem vno nomine salutatur, alius alio. Salue lucida lampas, hic: Relucens, ille: Domitor hostium, alius: Fortis herois at nepos, alius: Auro splendidiorem appellat alius, & inania multa. Propterea vii Adiabenicus, Parthicus, Armenicus, Dacicus, Germanicus, Romanorum quisque dicebatur, pro parentum & maiorum titulis: ita hi à regulorum impositione, utputa Beuchius Anacauchóa, Xaragua regionis dominus. De quo sororeque ipsius Anachaóna prudente scēmina, latē in prima decade. His nominibus appellabatur Turēgua Hóbin, quod sonat, rex resplendens vti orichalcum. Alius solum Starei, id est, relucens. Alius Huího, hoc est, altitudo. Duihey niquem alius, interpretatur diues fluuius. Cum his Beuchius omnibus nominibus, & aliis quadraginta amplius se ornat, quandoque sit aliquid imperaturus, aut per præcones edicturus. Horum si quis incuria vel negligentia vnum prætermitteret, summa se affici contumelia rex iudicaret. Idem de cæteris. In testamentis autem quàm fatuè sese habeant, intelligamus. Ex des in- sorore prima primogenitum, si insit, relinquunt regnorum hæ-  
sularis redem: si minus, ex altera: vel tertia, si ex secunda proles de-  
regni. sit: quia è suo sanguine creatam sobolem eam certum est. Fi-  
lios autem vxorum suarum pro non legitimis habent. Si ex  
sororibus defuerint, fratribus: si fratres, tunc filiis legant. Si



filij desint, ei qui potentior habetur in vniuersa insula, regnū commendant, quo suos ditionarios ab auitis hostibus tueatur. Vxorē ducunt quotquot placet. Ex voribus chariores cum regulo sepeliri patiuntur. Anachaóna soror Beuchij Xaragua regis, qui in componendis areitis, id est, rhytmis, vates habebatur inter egregios, iussit formosiorē ex fratris vxoribus & pellicib⁹, quæ Guanahattabenechéna dicebatur, viuat cū viro sepeliri, duásque comites. Censuerat vtplures, nisi crepidati fratres sui Francisci, qui fortē aderant, precibus obstitissent. Guanahattabenechénam aiunt parem nullam in vniuersa insula habuisse pulchritudine: secum sua monilia sibi que viuenti gratos ornatus sepeliuit. Aquæ phialam & caſáby panis portionem cuique locant in sepulchro. In huius Beuchij reguli regno Xaragua, & in Haſúa Caiábi regionis partes, in valle etiam egregia lacuum salis & dulcium, & in Yáquino Bainóæ prouinciæ regione rarò pluit. Hæ habent omnes auitas fossas, quibus aquas non ineptiore ducunt ordine per campos irriguos, quam nouæ Carthaginis & regni Murcienſis habitatores in Spartaria, ob pluuiidarum aquarum infrequentiam. Maguána verò regio Bainóam à Caiábo dirimit, & Zanána à Gnaccatarima. In profundis etiam vallibus crebrioribus vexantur pluuiis, quam opus esset. Urbis etiam primariæ sancti Dominici circumuicina, plerunquē plus aquo humectantur. In reliquis tēperate pluit. Varj sunt ergo in Hispaniola motus elementorum, vti de alijs multis legimus regionibus. De coloniis in ea positis, satis in prima decade. Villulas postmodum posuere, portum Plata, Portum Regalem, Láres, Villanouam, Azuam, Saluaterram. Nunc iam de adiacentibus insulis innumeris (quas immensa Tethydis Nereides diximus, eam comantes) notas describamus. A viciniori, Arethusa altera nobilitata, licet alias inutilis sit, exordior. Ad miliaria à suæ Tethydis littore sex iacet paruula, à no-



fris Duas Arbores, antiquo nomine pratermisso, appellata: quia duabus polleat arboribus tantum: quibus vicinus est fons, ex Hispaniola subter mare per latentes meatus scatens, ut ex Elide in Arethusam Siculam Alpheus. Ex hōbis id est, myrobalanis, & multis arboribus Hispaniola, folia in fonte salientia, quibus insula caret, rem testantur. Originem capit fons a flumine Yamirōa regionis Guaccaiarima, Zanāna terrae proximo. Piscaria tamen est insula, cuius circumferentia milliare vix complectitur. Recta ab Oriente sancti Ioannis insulam, veluti ianua custodem nostra Tethys habet. De qua multa alias. Auri ferax est, & vbertate soli aequē fortunata ac sua genitrix Hispaniola. Coloniae sunt & in eam iam deductae, aurōque legendo intenditur.

Ab Occidente septentrionali tergum Tethydi seruat ingens Cuba, putata diū continens, ob sui longitudinem: longior namque est ipsa Hispaniola. Secat mediam ab Oriente in Occidentem cancri circulus. Hispaniola verò & reliquae, meridionale ipsius latus seruantes, clauduntur medio ferē spatio à tropico ad aequatorem intra Zonam, quam ardore solis desertam, multi veterum arbitrati sunt. Sua illos opinio, fefellit. In Cuba insula ditiores reperiri auris odinas aiunt, quam in Hispaniola. Hac hora qua haec scribo, coacta esse in Cuba referunt castellanorum auri centum octoginta millia constanda: magnum opulentiae argumentum. Est his australior Iamaica, leta fertilisque insula, benignitate soli fortunatissima: vno tantum monte contenta, sationibus recipiendis aptissima, ac belli studiis aspera. Nequeunt vniuersa quae praemanibus habent complecti paruo tempore. Iamaicam aliquando Colonius huius rei princeps, Sicilia comparauit magnitudine. Minorem esse, non multo tamen, qui eam exactius tractauere, aiunt: de illius felicitate nil negant. Auro & gemmis expers esse creditur. Idē in initio de Cuba existimabant. Guadalupea insula, Caraguē-



ra prius dicta, gradus ab australi latere Hispaniola quatuor propior est æquinoctio. Circuit milliaria quinque ac triginta supra centum. Corrofa duobus sinubus, (vñ de Britannia maiore legimus, & Calydonia, quæ Scotia nunc est) ita ut penè fiant duæ insulæ. Portubus est celebris. Id gummi reperere ibi generari, quod pharmacopola Animen album vocat: ad capitis grauedinem sua suffumigatione tollendam. Cuius arbor fructum producit cariotis similem sputhamalem. Aperta, farinam videtur includere dulcem. Vñ nostri rurales castaneas & huiusmodi pleraque seruant hyemandas, ita huius arboris cariotas. Est arbor ficulnea similis. Pineas hortenses & cætera naturæ edulia cuncta, de quib<sup>9</sup> latè in superiorib<sup>9</sup> & hi assequuntur. Immo & putat, ab hui<sup>9</sup> insula habitatoribus alias insulas tot suauium fructuum semina habuisse. Quia Caribes vagi circumuicina omnia, homocupy causa, pertrine-runt: quicquid vero utile peregrinum vbiq<sup>ue</sup> inueniebant, domum portabant serendum. Intractabiles sunt, non patiuntur hospites, magna vi opus est ad hos debellandos. Sagittis vterque sexus, & his venenatis, valet plurimum. Si quando foras viri profisciscantur, ab iniuria venientium fœminæ ius suum viriliter tuentur. Indè puto creditum, insulas eo esse oceano, quæ solas mulieres ferant: vñ mihi persuasit Almirantus ipse Colonus: & in prima nostra decade diximus. Montes planitiæque assequitur vberes hæc insula, & fluminibus nobilis est. Mella in arboribus & saxorum specubus nutrit: vñ de Palma Fortunatarum insula, quæ mella colligit inter rubeta vepræque. Ad Orientem ab hac insula, iunior vocabulo dicta Desiderata, ad millia passuum octodecim, cõcluditur millibus passuum viginti, & ipsa elegans. Ad milliaria decem ab ipsa Guadalupea ad meridiem, circumferentiæ milliарum triginta, iacet Galanta, plana. A pulchritudine sua, appellata est Galata: quia Hispanum idioma elegâtes, galanes ap-



pellat. Ad milliaria nouem à Guadalupea, sex parue sitae sunt insulae ad Orientem, vocatae Todos, Sanctos, & Barbatæ. Hæ scopulosa sunt ac steriles, sed cognitu necessariae nauigantibus. Ab hac insula Guadalupea ad septentrionem milliaria quinque & triginta, est insula dicta Monserratus. In gyro hæc millia passuum continet quadraginta, altissimo monte celebris. Insula dicta Antiqua, à Guadalupea millia passuum triginta, circuit milliaria circiter quadraginta. Admirantus ipse Diecus Colonus, primi repertoris filius, mihi retulit, uxorem suam, quam, venturus ipse ad Curiam, in Hispaniola reliquit, scripsisse ad eum, repertam esse inter Canibalicas insulam auro feracissimam. Ad eam nondum itum est. Leuo Hispaniola lateri ad meridiem, Portui Beata proxima inhaeret insula, Altus bellus appellata. Mira ferunt de huius insula belluis marinis, sed de testudinibus præsertim. Magno ancili scuto inquirunt esse grandiores. Quo tempore genitalis & improbus eas furor exagitat, è mari prodeunt. Egesta in profundam scrobem arenæ, ter & quater centum oua dicitur in scrobem demittere. Geniali vulua iam exhausta, remittit arenæ tantum quantum ad oua cooperienda sufficiat, reditque ad marina pascua, de sobole nil sollicita. Ad statutos illi belluæ procreandæ à natura dies, pullulat, uti è formicario, testudinum multitudo, solo calore solis sine parentum adminiculo generata. Anserina ferè oua, inquirunt, æquare magnitudinem. Carnem testudineam vitulina comparant sapore. Sunt & innumerae aliæ insulae, quas neque benè tritas habent, neque opus est tam tenuiter farinam hanc cribrare. Satis est intelligere, paratas nobis esse terras immensas, quæ & nostras gentes & linguas & mores ac religionem, aduenientibus annorum curriculum, sint amplexura. Non Teucris Asiam, non Tyrii Libyam, non Græci & Phœnices Hispaniam sic repente impleuerunt. De insulis autem quæ Hispaniola latius



Septentrionale custodiunt, mentionem prætereo: quia licet piscationibus & culturis aptæ sint, relictæ tamen sunt à nostris tanquam pauperes.

Iam valeant annosa Tethys, nymphæque  
madentes

Ipsius comites: veniat coronata superbè,  
Australis pelagi cultrix, re ac nomine diues.

In libello epistolari, ad Beatitudinem tuam anno superiore per proprium meum familiarem misso, quem tua Sanctitas ipsa, audientibus plerisque sacre sedis apostolicæ Cardinalib⁹ & Amata sorore, perlegit, quo die Michaëlis archangelifestum tibi credita celebrat ecclesia, diximus Vafobum Nunne & Balboam, eorum ducem qui montes arduos superauerant ad austrum, fama didicisse, iacere insulam in prospectu litorii margaritis grandioribus opimam: cuius regulus potens esset ac diues, qui bello sæpè littorales regulos infestaret, Chiapen & Tumaccum præsertim. Scripsimus & relictam fuisse intactam ob furentes tempestates, quæ mare illud australe rabi-  
dè tribus anni mensibus infestant. Nunc iam trita habemus. Nunc mitem ex ferocissimo regulum eius effecimus. Hunc cum vniuerso eius dite regno tua Sanctitas amplectatur: quãdoquidem ad baptismatis lauacrum admissus est. Cuius ducis auspiciis, quo ve modo res acta sit, haud alienum erit ab instituto nostro commemorare. Quare, quo res acta sit ordine, tua Beatitudo serena fronte ac placidis auribus intelligat.

PETRI MARTYRIS MEDIOLA-  
NEN. OCEANEÆ DECADIS TER-  
tiæ cap. decimum.





1516.

PPVLSO Petro Aria gubernatore, Gaspari cuidam dicto Morali, Ditem insulam adeundi provincia demandatur. Ad Chiapem, quem alij Chiapeium vocant, & Tumacum, regulos australes, relictos à Vascho amicos, tendit. Amicè magnificèque suscipiuntur nostri. Classem instituunt quæ trajciant ad insulam. Hanc Ditem insulam appellant, non autem Margaritam, licet margaritis abundet, quia Marguaritam vocarunt prius aliam, quæ proxima est Ori Draconis in Paria regione, & ipsam margaritis vberem. Sexaginta tantum traducit Gaspar armatos ad insulam. Non licuit transmittere plures, quod essent nauigia, quæ ipsi culchas appellant, exigua. Ferox horridusque sit nostris obuius regulus. Huius nomen non didici. Minabundus prodit cum armatorum familiarium magno comitatu. Gualtæuaras in pugna tesseram, inclamitant: & vna vibrant missilia. Non arcibus hi pugnant. Gualtæuara sonat idem, quod certamen inimicum. Quatuor inuicem gualtæuaris, id est pugnis, confertum est. Nostri superiores euaserunt, vna cum Chiapais & Tumaccheis insularis reguli hostibus: quia ex insperato regulum adorti sunt. Studebat regulus cogere maiorem exercitum: sed persuasus à vicinis listralibus, ne ultra confligeret, perniciem & florentis regni excidium illi, exemplo sui & aliorum, ostendentibus, monstratibusque nostrorum amicitia, sibi suisque amicis gloria & utilitatem parituram. Quid Poncha, quid Pocchorrosa, Quarequa, Chiappa, Tumacco, & reliquis conferere manu volentibus, accidit anno superiore, recoluit. Cessit ab armis regulus. Nostri venit obuius. In atrium ducit. Id ferunt miris esse modis ornatum & bene regium. Nostri, ubi primum ingressi sunt eius regiam, canistrum arte summa laboratum, margaritis plenum dono dat. Octucentis librarum decem supra centum ea fuit unio summa. Habitis e



nostris rebus, seris vitreis puta, speculisque ac tintinnabulis orichalceis, delectatus est: & sorte securi aliqua ferrea, quas hi multo maioris faciunt, quam auri cumulos. Nostros deridet qui rem adeo grandem & utilem pro vlla auri summa prebeant: cum sit securis ad hominum multa commoda utilis, aurum autem ad lasciuia tantum faciat non necessaria. Alacer ergo letusque nostrorum commercio, manu prehensum praetore, & primarios, ad eminentem atrij turrim, qua dispectare licebat pelagus vniuersum, ducit: & oculos circumuoluens, ait: En apertum mare infinitum, neque sole terminatum: & dextram protendit ad Orientem prius. Versus dehinc ad meridiem & Occidentem, in immensum distendi terras, quarum vastae magnorum montium moles videbantur, insinuabat. Propius demum sese recipiens, inquit: En insulas a dextra laeuaque nostrae huic regiae collaterales, nostro imperio parentes. Omnia optima, beata omnia: si beatas eas vos appellatis terras, quae auro & margaritis abundant. Auri apud nost est parua copia: sed margaritis plena sunt omnium, quae adsunt, insularum profunda litora. Ex his quotquot appetueritis, a me habebitis, modo in amicitia inita mecum persistatis. Prouentibus Vestris magis ego fruar & delectabor, quam margaritis. Propterea haudquaquam me a vestro commercio discessurum dubitatis. Haec & huiusmodi multa inter eos acta sunt. Volentibus iam nostris inde reuerti, pacti sunt, ut quotannis praepararet regi magno Castellae donandas vnionum libras octunciales centum. Postulata suscepit libens: nec magni quidem fecit, nec se vedtigalem propterea effectum putauit. Apud hunc regulum tanta est ceruorum & cuniculorum copia, ut e domibus liceret nostris, quotquot optarent, sagittis transfigere. Laute ibi vita agitur & affluenter. Gradum vix sextum ab aequatore distat ea regia. Radicalis & maior panis ac vini e granis & fructibus eade est ratio, quae Comogro: quae ceteris tam continuis quam



insularibus. Baptizatus, beatissime Pater, hic regulus est cum suis omnibus. Ad tuos ergo greges haec oves additae sunt cum suo pastore. A nomine gubernatoris, Petrus Arias voluit nominari. Amicè conuenerunt, amicius secedunt. Suorum naualium culchis, id est, lintribus monoxylis, aliorum modo fabricatis, nostros iuuit, quò commodius redirent in continentem. Comitatusque nostros est ad littus. Margaritae allatae, quinta parte magistratibus regis praebita, inter se diuiserunt. Mirum in modum preciosas esse aiunt. Ecce vno argumento quanti fiant quae ab insula Dite feruntur. Candidas & pulchrè ornatas, auellanam & aliquid maius equantes, multas tulerunt. Vna praecipue margarita, quam manu Bartholomaei Mediolanensis cuiusdam affinis mei, summus Pontifex Paulus praedecessor tuae Beatitudinis, à Veneto emit mercatores, precio quatuor & quadraginta millium ducatorum, mihi memoriam suscitauit. Inter namque allatas ex insula, vna reperta est mediocrem aequans nucem. Venum sub hasta posita, fuit empti precio mille ac ducentorum castellanorum auri inter Darienenses ipsos. Ad manus tandem Petri Arie gubernatoris aduenit. Hanc eius vxor, de qua discedente cum marito mentionem aliquando fecimus, honoratam apud se habet. Arguimus, preciosam necessario esse debere, quae tanti constitit in ea margaritarum multitudine, ubi non iam singula coëmuntur, sed libratim, & quando tenuius, vnciatim. Neque Venetus ille mercator Paulinam magno emit in Oriente. Incidit demum in tempora huiusmodi lasciuiae, propterea non defuit belluo margariteus. De conchyliis pauca nunc dicamus. Non praeterit beatitudinem tuam, Aristotelem, Pliniumque Aristotelis in hac ratiocinatione sectatorem, varia sensisse de margaritarum generatione. Igitur hi pedes, & vna in re tantum, sistunt, nil assentientes in reliquis: neque quòd pelago vagentur, neque vllò vnquam tempore moueantur.

ex quo



ex quo nata sunt, fateri volunt. Esse in maris fundo prata,  
gramen thymosum quoddam gignentia, volunt: & ea se vi-  
disse affirmant. Generari, ali, coalescereque ibi, & ut in ostreis  
videmus, circum se multiplices natos nepotesque procreare, in-  
quiunt: neque marinorum canum commercio delectari con-  
chylia: neque vno esse aut tribus, & quando numerosius, qua-  
tuor vniionibus contenta pradicant. Centum viginti vniiones  
fuisse vno conchylis repertos in insularis reguli pradiis, quos  
Gaspar ipse Morales dux, & commilitones eius diligenter  
annumerauerunt. Regulo nanque placuit, nostris presentibus,  
piscationem fieri per vrinatores suos. Gallinae oculis quibus  
oua generantur innumera, conchylis matricem comparat: &  
sic eniti conchyle. E labiis prodeuntes margaritas, ut maturas  
& iam genitricis oscitantis aluo egredientes, reperiunt has:  
alias subsequentes, ut paruo successuro intervallo soluerentur  
& ipsa. In ventre medio clausas esse margaritas animad-  
uertebant, quo prius nutrita coalescerent, veluti sugens vbe-  
ra matris in aluo infans, priusquam e latebris uteri vno mo-  
ueatur. Et si qua interdum conchylia, vii ego ipse vidi ostrea  
in diuersis maris oceani littoribus, arena inuoluta in littore  
quis viderit, ea raptata esse tempestatibus e fundo dicunt, non  
ipsa vltro venisse. Quod rore nitido matutino candescant,  
quod turbido flavescant, quod sereno celo gaudeant, quod to-  
nante torpescant, & cetera huiusmodi, non sunt ab his li-  
terarum ignavis ad vnguem queritanda. Pingui res tractan-  
da Minerva. Maiores tamen margaritas iacere profundius,  
mediocres altius, minimas in supercilio, fatentur. Sed a ratio-  
ne reliquorum deuiant. Non esse in insecta bellua torpenti ra-  
tionem hanc arguunt. In animo sic & industria halitusque  
vrinatorum. Grandiores propterea non vagari, sed creari, nu-  
triri que in profundiori loco, quod pauci, quodque raro audeant  
vrinatores ad eas legendas ad ima sese immergere, in polypo-



rum metu, inter conchas venatûs causa vagatium, quia sunt earum concharum avidi: & monstrorum formidine aliorum: tum etiam, ne deficiat in longo tractu halitus. Unde datur conchis profundi maris hospitibus, crescendi copia. Quoque grandior concha est annosiorque, eo ferunt in eius capaciore vulva maiores generari margaritas: propterea è grandioribus paucas adipiscuntur. Emissas in profundo maturas, putant eas fieri piscium: recenter nanque soluta: molles esse creduntur. Differunt hi etiam à maioribus in tympano. Negant esse unionem, qui senescens concha cohereat: sed esse in concha ipsa verrucam, quæ lima rasa, una facie rotunda lucida: que contenta sit: nec preciosam quidem, putà quæ naturā cōchylis habeat, non margarita. Pati appellat Hispanus tympanum. In scopulis se aliquas vidisse conchas fatentur coherentes, sed raras, ac minime viles. Credendum est, Indicas Arabicasque ac Erythreas aut Taprobanicas conchas eo regi ordine, quo scripsere viri adeò celebres. Neque horum sententia penitus abijcienda est: puta qui longo iam tempore in hac agitatione versati sunt. Iam satis de marinis his belluis, & earum ouis, gallinaceis & anserinis, ex humana luxuria inepte carioribus. Particularia quædam extra tesseram memoremus. Descripsimus latè alias Frabæ sinûs fauces, & varias intersectas ipso mari sinuali regiones, esse valde dissonas. De occidentalibus orissin quibus nostri domicilia statuerunt, in Darienis ripa, nil habeo de recenti quod referam: de orientali autem nuper hoc didici. Orientalem sinûs regionem, inquiunt à protento cornu in mare ac labio, venientes maris aquas suscipiente, adûsque Os Draconis & Pariam, generali vocabulo Caribanam appellari terram vniuersam: quia Caribes sic appellatos à regione Caribane, in vniuerso tractu illo reperiantur. Sed unde particularem habeant originem, undeque nata-



tale solum deserentes, sese tam latè diffuderint, vti morbosa  
 contagio, dicendum est. A prima fronte producta in mare, in  
 cuius tractu Fogedam diximus fixisse pedem, angulum ver-  
 sus, iacet Caribanae vicus ad milliaria nouē, nomine Euteracá.  
 Ab eo ad milliaria tria vicus Vrabá, vnde sinus vniuersus  
 nomē sūpsisse creditur, quia fuerit aliquādo vicus is regni ca-  
 put. Ab hoc vico ad milliaria sex est Fetì. A Fetì ad milliaria  
 nouē Zerema. Ad duodecimum ab eo, Soraché. Populis plenos  
 hos vicos nostri reperere, qui omnes homocupis inuigilat: Et si  
 hostes desint, quibuscū bella gerant, in seipso sēuitia cōuertit,  
 Et prostrant aut fugant. Indè tanta labes fluxit in miseros  
 Et continentis Et insularum habitatores. Aliud, meo iudi-  
 cio non magis tacendum, intellexi. Legum peritus quidam,  
 dictus Corrales, Darienensium prator Urbanus, inquit se oc-  
 currisse cuidam fugitiuo ex internis occidentalibus magnis  
 terris, qui ad regulum repertum à se profugerat. Is legentem  
 cernens pratorem, insiliuit admirabundus, aitque per interpre-  
 tes, qui reguli hospitis sui linguam callebant: En quid Et  
 vos libros habetis? en Et vos characteres quibus absentes vos  
 intelligant, assequimini? orauit vnà, vt apertus sibi libellus  
 ostenderetur, putans se literas patrias visurum. Dissimiles re-  
 perit eas esse. Mœnibus septas vrbes, Et vestiri cines aiebat  
 suos, legibusque gubernari. Sed quid colant, non didici. recuti-  
 ti tamen dispreputati que, ab exemplo Et sermone fugitiui  
 compererunt. Quid hīc dices, beatissime Pater? quid sanctissi-  
 mus præsagit animus tuus? sub cuius throno tempus hæc om-  
 nia subiiciet. Immisceamus nunc magnis parua quedam.  
 Pratreunda minimè puto, quæ Ioanni Solisio acciderint, qui  
 tentaturus australe latus putati continentis, ex portu Ioppæ,  
 parùm distanti à Gadibus in Oceano, discessit cum tribus  
 nauigiis, quarto idus Septembris anni superioris M. D. XV.



quæ de Ioanni Pontio, quem diximus electum ad Caribes seu Canibales anthropophagos, humanarum carnum belluones, debellandos. Quæ Ioanni Aiora, quæ etiam Gonsalo Badaioocio duci alteri, & Francisco BeZerra alij, atque iterum alij dicto Valleio. Solisius infauiste prouinciam sumpsit. Caput sue Frontem sancti Augustini, de qua millies traiecit, meridionale latius putati continentis captans trans æquinoctialem circumlum. Diximus nanque septimum antarctici gradum Frontem ipsam pertingere. Sexcentum lequas processit. Reperit sancti Augustini Frontem adeo in latum distendi ad meridiem trans æquinoctium, ut trigessimum amplius gradum antarctici prehenderit. A tergo iam Capitis Draconis & Castellanae Paria, iacentium ad boream & arcticum inspectantium, nauigabat, quando incidit in obscenos & anthropophagos Caribes, de quibus latè alias. Hi tanquam insidiosæ vulpes, signa pacis videbatur innuere, sed animo lautum aliquod conuiuium gestabant: & visis à longè hospitibus, ganeonum more salinam degluire caperunt. Descendit ipse miser Solisius cum sociis quotquot ingredi maioris nauigij scapham potuerunt. Salit ex insidiis incolarum multitudo ingens. Fustibus ante sociorum oculos trucidarunt omnes: scapham raptatam in ictu oculi dilacerarunt. Euasit nemo. Trucidatos & in frustra sectos in ipso eodem littore, sociis è mari horrendum spectaculum prospicientibus, pararunt ad futuras epulas. Cateri atroci exemplo percussi, non ausi sunt descendere, neque de suis ducis & sociorum ultione cogitare. Crudelia hæc littora deserunt. Nauigia coccineis truncis onerant: diximus vocari ab Italis verzinum, ab Hispanis br silum, ligni genus, id ad lanas fucandas aptum. Rediere ceteri in patriam. Hæc breuiter mihi scribenti relata sunt per literas. Quid aliud egerint, aliquando particularius intelligemus. Ioannes autem Pontius fuit & ipse à Caribibus in insula Gadalupea, reliquarumque



insularum Caribium primariis reiectus. Visis namque nostris ab alto mari, latuerunt in insidiis Caribes, unde descendentes quirent inspicere. In terram transmiserunt lotrices feminas, & pedites paucos, ad subuculas & linteamina fricanda (Neque enim ex insula Ferrea Fortunata ad eam usque insulam, spatium milliarium quater mille ac biscentium, terram viderant ullam. Vacuus est eo spatium insulis Oceanus) quod dulces aquas assequerentur. Insiliunt ex insperato Caribes, feminas raptant, pedites disturbant. Trepidi euadunt pauci. Territus Pontius, non ausus est impetere Caribes, venenatas veritus sagittas, quas homocupes hi nudi figunt certissimis iactibus in quencunque locum viderint. Ita re infecta, & sine lotricibus bonus Pontius terga vertit Caribibus: quos, sub tecto in tuto positus, iactanter se deleturum minitabatur. Quod tandem tetenderit, quid de noui repererit, nondum intellexit. Solis vitam, Pontius honorem in sumptis prouinciis amiserunt. Veniat alius qui eodem & ipse anno male rem gessit. Ioannes Aiora ciuis Cordubensis, nobili genere ortus, missus pro praetore, vii alias diximus, auri magis cupidus, quam rei bene gerenda amator aut laudis: nactus occasiones in regulos, spoliavit multos, & contra ius fasque aurum ab eis extorsit, & crudeliter, ut aiunt, tractauit: ita ut ex amicis facti sint hostes insensissimi, & animis desperatis iam quacunque datur vi aut insidiis nostros perimunt. Vbi paccato commercabantur, & volentibus regulis, nunc armis agendum est. Multis auri ponderibus hoc modo coactis, ut fertur, aufugit, sumpto furtim, ut vulgo dicitur, nauigio: neque ad hanc usque horam qua haec scribo, quo sit appulsus, intelligimus. Non desunt, qui Petrum Ariam ipsum gubernatorem, eius fugam assensisse arbitrentur: quia sit hic Ioannes Aiora historici regij frater, Cosali Aiorae viri & eruditae rei bellicae periti, amici gubernatoris adeo, ut fere liceat inter amicorum paria pauca



ipsos numerare. Sum virique deuinctus & ego intima ne-  
 cessitudine: sed ignoscat vterque. Nil mihi aque displicuit in  
 vniuersis oceanicis agitationibus ac istius auaritia, quae paca-  
 tos regulum animos ita perturbauerit. Tragicus veniat Gō-  
 sali Badaiochy ac sociorum casus: quorum prosperis initiis suc-  
 cessus acres subsecuti sunt. Gonsalus mense Martio anni supe-  
 rioris M. D. XV. cum viris armatis octoginta discessit ex  
 Dariene. Recta tetendit ad Occidentem, neque vllibi pedem  
 fixit, donec partem illam praeherit, quam Gratiam Dei dixi-  
 mus alias appellatam a nostris. Haec distat ab Dariene mil-  
 lia passuum circiter centum octoginta: dicunt lequas sexagin-  
 ta. Ociose ibi dies aliquot egit: quia neque precibus, neque pre-  
 cio, aut minis potuit vnquam eius terrae regulum ad se trahere:  
 cui rei auide studuerat. Interea dum sic ociatur, ad eum ve-  
 niunt alij quinquaginta viri ex Dariene missi, duce Ludouico  
 Mercado, qui ex Dariene in Calend. Maij discesserant, ut  
 vna tentent eius terrae interna. Vbi conuenerunt, inito consi-  
 lio, trajcere montes ad meridiem, & australe pelagus iam  
 repertum, captare constituunt. En mirum, in tanta vastitate  
 longitudinis, vnum tantum & quinquaginta milliarum re-  
 pererunt interesse ad australe pelagus. Inquiunt, lequas septem  
 decim. A milliaribus Hispani nunquam computant. Lequam  
 ta non aiunt constare milliaribus tribus, terra dico: mari qua-  
 tuor, inquiunt. In culmine montium & aquarum diuortio  
 regulum reperiunt, nomine Iuanam. Regnum huius & ipse,  
 Coiba dicitur, vti de Caréta diximus. Sed quia Iuana regio  
 sit auro feracior, Coibam ditem eam vocitarunt: vbiunque  
 enim fodiebant, siue in sicco, siue in riuorum alueis aquosis,  
 egestam auro mixtam reperiabant arenam. Aufugit Iuana  
 nostris aduentantibus. Adduci nunquam potuit. Vniuersam ip-  
 sius regie vicinia depopulati sunt. Auri parum habuerunt.  
 Secum nanque suppellectilem omnem abstulerat. Mancipia



ibi adepti sunt, acribus signata stigmatibus. Ex osse siue spina stylo confecto foramina Mancipis in faciem efficiunt: & mox pulueris quodam genere foramina inspergunt, ac nigranti succo vel rubenti madefaciunt. Tenax adeò ea est materia, ut nullo vnquam tempore aboleatur. Secum abduxere Mancipia. Aiunt esse succi eius acrimoniam adeò torquentem, ut præ nimio dolore non liceat Mancipis per dies aliquot comedere. Mancipiorum opera & reguli captores, & nostri utitur ad aurum quaritandum, & sementes curandas. Ex Iuana regia secuti delapsus aquarum ad austrum ad milliaria decem, reguli alterius ditionem intrant. Hunc senem appellarunt nostri, quia senex esset, nil de vetere ipsius nomine curantes. In huius reguli etiam regno, tam fluminalibus quam aridis, ubique aurum reperiebatur. Et flumina celeberrima, & tellurem vberem atque amœnam, regulus hic possidebat. Ab euntibus inde, desertam reperere terram intercapedine dierum quinque. Putant intestinis odiis depopulatos eos agros, eò quod sint maiori ex parte vberes, sine habitatoribus & culturis. Quinto die duos vident ex transuerso venientes à longè incolas onustos: ad eos tendit, capiunt, sacculos ferebant humeris maior pane plenos. Ab his intellexere, duos esse in eis tractibus regulos, littorale vñ, nomine Periquetè, continentè alterum, dictum Totonogà, qui cæcus erat. Duo illi piscatores erant, ad Periquetem à Totonogà rege suo missi cum sarcinis piscium: & ea permutatione panem referebant. Prouentuum nanque permutatione commerciantur, non lethali pecunia. Duobus illis ducentibus, Totonogam littoralem australis pelagi, ad occidentale sancti Michaelis latus, regulum petunt. Ab hoc regulo castellanorum auri millia sex, tum rudis, tum affabrè laborati habuerunt. Inter eos rudes grumos, vnus repertus est duorum ponderis Castellanorum, qui arguit vbertatem auri. Idem littus sequentes ad Occidentem, ad regulum tendunt



qui dicitur Taracuru, à quo pesos habuerunt octies mille. Diximus pesum appellari pondus Castellani non decussi. Ad huius reguli fratris ditionem, qui dicitur Pananomé, transierunt. Ausugit Pananomé, neque usquam apparuit ultra. Diem auro predicant Pananomés regionem. Regiam eius depopulati sunt. Ad sex inde lequas ad aliū, qui dicitur Tabór. Inde ad regulum Cherú. Is amicè suscepit nostros, deditque libens pesos quater mille. Is Cherú salinas possidet egregias: & auro tellus eius abundat. Ad milliaria inde duodecim ad regulum eunt, qui dicitur Anató. Ab eo pesos habuere quindecies mille: quos ipse adeptus fuerat à finitimis regulis bello stratis. Combustumque erat id aurum, quia ex incendiis domorum hostilium ereptum fuerat. Sese inuicem & spoliāt, & trucidant, ac vicos sternunt, & depopulantur vniuersa. Barbarè bella gerunt ad interniciem usque, ad vltimum excidium faciunt, cum vicerint. Vagatus est solutis habenis ad hunc usque regulum bonus Consalus Badaiocius cum sociis, & à regulis auri acervos cumulauit egregios. Octoginta millia castellanorum auri congesserat, in bráculas, vectēsque muliebres pectorales ad mamas sustinendas, si cadant, in elictes ad aures, in galeas etiam ac torques, aliāque monilia, tum rerum nostrarum permutationes, tum vi & armis, quia transitum vetare ac reycere nostros plerique tentarunt. Quadraginta quoque mancipia, quorum opera impresentiarum ad viaticum & reliquarum rerum sarcinas importandas utebantur pro iumentis onerariis. Ad infirmos etiā & longis itineribus atque inedia fatigatos proderant subleuandos. Per Scorie reguli ditionem, ad reguli regiam qui Paríza dicebatur, veniunt. Nil tale timentes nostros Paríza adoritur: circuit cum ingenti bellatorum multitudine. Sternit incautos & palantes. Armorum capiendorum non data est copia. Septuaginta sauciat, aut trucidat, reliquos in fugam vertit.



Quicquid auri, quicquid mancipiorum fuerant affecuti, deserunt. Pauci veniunt ad Darienem. Falsa esset, beatissime Pater, sapientium omnium sententia, de rerum vicibus & inconstantia casuum humanorum, si cuncta secundè feliciterque succederent. Ordo est immutabilis: ut qui radicibus eruendis inuigilant, dulci modo glycyrrhizæ, amarae modo xizaniae occurrant. Væ tamen Parizæ. Non diu securus dormitabit. Sumetur propediem de tanto facinore vindicta. Gubernator ipse cum delectis militibus tercentum quinquaginta ad id proficiscebatur, in aduersam decedit valetudinem. Eius loco progreditur cum potestate prætoria, peritus legibus Licentiatu Gaspar Spinosa, iuris dicundi Darienensibus prætor. Eodè tempore ad insulam Ditem appellatam itum est, ad exigendū margaritarum regulo impositum tributum. Quæ succedent colligemus. Tentarunt alij duo transsinuales incolæ. Per angulum sinus & Dabaibæ fluminis fauces tranans Franciscus Beçerra, cum duobus alijs primarijs, & viris centum quinquaginta, optimè instructis, ad bellum Caribibus in ipsa Caribana gerendum, versus vicum Turusfy: de quo alias in aduētu Fogede mentionem fecimus. Instrumenta etiam bellica secum tulerunt. Tormenta quæ ouo grandiore iactant plumbeum globum tria, sagittarios quadraginta, sclopetarios etiam quinque ac viginti, ut eminus queant Caribes ferire, qui venenatis certant sagittis. De hoc nulla mentio, quò se applicuerit, aut quid egerit: verebantur in Dariene, nè sinistris aurbus iactaretur, quando naues discesserunt in Hispaniam ventura. Alius autem dux, nomine Valleius, anteriorem sinus partem præhendit: sed alia via traiecit à Beçerra. Initium nanque hic sumpsit Caribana, ille calcem. Valleius regressus est: sed è septuaginta viris, quos transuexerat, octo & quadraginta reliquit trucidatos in Caribium potestate. Hæc auunt qui ex Dariene referunt: hæc refero. Pridiè Idus Octobris huius anni,



M. D. XV. I. Rodericus Colmenares, de quo supra, & Franciscus quidā dictus Delapiente, ad me venerunt. Franciscus hic vnus fuit ē decurionibus huius cateriae, cuius erat dux Gonsalus Badaocius, qui ē manibus Parizae reguli profligatoris euasit. Colmenares autem ē Dariene post profligatorum aduentum ad nos venturus, discessit. Ambo referunt, hic audiuisse, ille vidisse, varias esse in australi pelago insulas, sancti Michaelis & Ditis insulae sinui occidentales: in quarum pluribus aiunt, procreari colique arbores, fructus gignentes eosdem quos terra Collocutea gignit. Est Collocuti vna & Cochini, & Camemori, Portugallensium nudinaria aromatum terra. Inde arguunt non longē abesse aromatum omnium initialem tellurem. A littore illo nostro australi, plures ex ijs qui tractus eos percurrerunt, dari solum veniam postulant: impensa propria sese offerunt nauigia paraturos, & prouinciam querendam illius regionis aromataria amplexuros. Nauigia debere fabricari, pararique in ipso sancti Michaelis sinu censent. Non autem per sancti Augustini cuspidem capiendam esse viam, quae longa nimis est ac difficilis, & mille discriminibus plena: protendique dicitur ad gradus antarcticos quadraginta amplius. Dicit idem Franciscus, laborum & periculorum cum Gonsalo particeps, se reperisse, inter discurrendum terras illas, ceruorum & aprorum agmina: cepisseque multos, incolis demonstrantibus artem, per fossas egesta terra in eorum semitis factas, & ramis coopertas. Hoc nanque modo incolae feras quadrupedes fallunt. Volucres autem, uti apud nostros fit, palumbes putat, cum domestico mitique palumbe inter arbores volitante, ligato tamē: ad quē venientes sui generis volucres, sagittis transfiguntur. Aut in purgato arboribus solo cum retibus, esca in gyrum sparsa, palumbe mediū tenente. De psittacis alijsq; volucris idē. Sed psittacos aiunt adeo simplices esse, ut ad crocitantem psittacū ex arbore, in cuius ramis anceps latet, multitudo ingens conuolitet, capique facile patiuntur: Nil enim viso



aucupe terrentur, sed ut laqueo trahantur ad collum coniecto  
 expectant: neque aufugiunt alij, vno raptato, & in mantica  
 qua praeinctus est venator, insis cernentibus, reposito. Aliud  
 est aucupij genus inauditum hactenus, & narratu facetissi-  
 mum. Apud insulares, Hispaniola praesertim, diximus varios  
 esse lacus, variasque stagnantes lacunas vadosas. Per vadosa  
 stagna solet aquaticarum auium multitudo vagari, quia her-  
 bas in fundo gignant, & ex ea humente limositate pisciculi,  
 milleque ranarum, culicum & insectorum genera procreen-  
 tur: solis calore ad ima ad corruptionis & generationis opi-  
 ficium, ex artificis fabricatoris providentia, facile submeante.  
 Volucrum autem per eas stagnantes aquas natantium diuer-  
 sa sunt genera: anates, anseres, cygni, fulicae, gaviae, mergi, &  
 multae huiusmodi. Diximus & in hortis arborem colis, ma-  
 gnarum cucurbitarum altricem. Ex cucurbitis igitur illis per  
 vadosa proiciunt pleraque bene clausas, ne admissa per rimu-  
 lam, aut foramen aqua trahat illas in profundum. Perpetuo  
 vagantes cucurbitae, tutas reddunt volucres. It ergo auceps ma-  
 gna cucurbita, vi galeae iuxta oculos pertusata, contactus fa-  
 ciem, larvatus, & tenus mento stagnum ingreditur (flumini-  
 bus enim assueti a cunabulis, mini ne recusant in aquis versa-  
 ri.) E cucurbitis natantibus putat volucres vnam esse eam, quae  
 insidiantem incolam cooperit. Passim ad volucrum natantium  
 agmen proficiscitur auceps. Cucurbitarum palpitationem capi  
 te imitando, vndulasque vento agitatae sectando, proximè ad  
 volucres tendit. Exerta sensim dextera, volucrem incautam  
 caeco raptu praehendit pedibus, & demersam subtrahit in mā-  
 ticam ad id paratam. Ceterae volucres, sua sponte subnatasse co-  
 mitè arbitratæ, quæredi victu causa, uti solet omnes, nil solici-  
 tæ suū iter prosequuntur, in aucupis & ipsæ insidias cadunt. Au-  
 cupia, venatusque sunt à me tracta in medium, quo stomachi hi-  
 sce mitib<sup>9</sup> sermonib<sup>9</sup> sedemus, à concepto cruentarum narra-

Aucu-  
 pii ge-  
 nus ra-  
 rum.



tionum horrore. Pauca iterum de nouis opinionibus fluentis ad Occidentem pelagi Pariensis. De modo etiam colligendi aurum in aurifodina Dariensis, à me recenter intellecto. Et his duabus minime tragicis rebus, dicemus tua Beatitudini felicissimum vale. Andreas ille nauclerus & Ouiedus, de quibus supra, me domi conuenerunt in oppido Matrito, quod putamus Mantuam esse Carpetanam. De torrente, me adstante, orta est inter eos contentio. Quod se inuicem perpetuo nexu amplectantur hæc terra Castellana cum septentrionalibus, à tergo CUBE atque aliarum insularum, Hispaniola CUBAQUE septentrionalium per Occidentem, ambo assentiuntur: sed aliter hic, ille aliter, contendunt accidere. Nauclerus impetum illud aquarum in gremium terræ putati continentis, quæ sic vergit, uti diximus, ad septentrionem, vult recipi: ut obiectu illo incuruato viam capiant in gyrum, & circumagantur ad CUBA aliarumque insularum latus septentrionale, quæ cancri circulo excluduntur. Vbi amplitudo maris venientes ex angustis gurgitibus aquas absorbeat, petulantemque cursum illum reprimat: est namque spatiosum illic mare ac multicapax. Aquaticis incilibus, quas dicit vulgus canales molarum, re ego comparo. Si ex incili angusto in amplum lacum furentes eas aquas recipi contingat, repente sparguntur aquæ, & impetu sedato, languescunt: quæ paulo prius suo strepitu velle obuia cuncta prostrare videbantur: nec iam, quæ fluant, intelligitur. Interrogatus à me Almirantus ipse Diecus Colonus, primi reperiitoris Coloni hæres filius, qui iam quater ea maria iens ac rediens verrerat, quid senserit inter nauigandum, ait: difficile esse reditum, si via capiatur ea qua itur. Sed quando vastum capitur prius mare septentrionem versus, quam prora in Hispaniam dirigatur, sensisse se, inquit, plerumque parumper trudi ab aqua. Sed putat accidere id ex fluxu & refluxu ordinario, non autem ea circumactione iuari. Apertam esse



terram & portam inter utranque putat, qua torrentes exeant  
 ad Occidentem: quò liceat impulsu calorum ciacumagi per  
 vniuersum. Quiedus verò de clausura idem refert, quod An-  
 dreas naucerus: sed neque concutere terra occidentalis gib-  
 bum, & impelli ad vastum pelagus, arguit: immò ait se di-  
 ligentissimè animaduertisse, quod ab alto mari currat ad Oc-  
 cidentem: proximè verò ad littora velificando cum paruis na-  
 uigiis, asseuerat, cursum dirigere ad Orientem: ita quòd eodè  
 in loco versis concurrant vestigiis. Hoc in fluminibus accide-  
 re sæpè videmus: ex obiectu nanque riparum vortices plerun-  
 que insurgunt varij. Vndè si palea aut lignorum genus ali-  
 quod proyiciatur in fluuium similibus in locis, quæ medio la-  
 buntur alueo, secundo feruntur flumine: quæ verò in o-  
 bliquos incidunt sinus, & riparum incuruos margines, ad-  
 uerso videmus alueo vehi, donèc obuia fiant, quæ sic va-  
 gantur, integro lapsui fluminis. Quæ dant, accipimus: scribi-  
 mus, quæ varij variè sentiunt. Certam rationem tunc am-  
 plectemur, quando certam habuerimus. Opinionibus inhæ-  
 rendum est, dum veniat statuta dies, punctusque polaris, qui  
 secretum hoc natura patefaciat. Satis superque de torren-  
 te pelago. De aurifodinis Darienensium pauca nos ab hoc la-  
 bore liberent. Ab Dariene nouem diximus distare milliaria  
 collium latera, planitiesque aridas, in quibus aurum tum in  
 sicco, tum in fluuiorum alueis ac ripis, legitur. Cuique auri  
 legendi cupido, ex ordinario statuto, quadrata per metatores  
 mensura duodecim passuum destinatur, ad eligentis arbitriū:  
 in solo tamen haudquaquàm occupato, vel iam à sociis deser-  
 to. Sic electa terra parte, veluti in templum ab auguribus  
 lituo designatum, sua in eam includit mancipia. Horum enim  
 opera diximus vti Christianos ad culturam & aurum qua-  
 ritandum. Partem eam retinet, quoad libuerit. Si vero exi-  
 gui aut minuti auri argumenta cernit, alteram sibi assignari



duodecim passuum mensuram postulat. Prima derelicta vertitur in commune. Hunc ordinem in auro legendo Darienenses seruant: puta & alios, sed non ceteros interrogavi. Compertum est, aliquando duodecim passus illos, octoginta Castellanorum summam electori suo tribuisse. Sic viuunt in sacra fame auri explenda: sed quo plus effodiendo manus replent, eo auidiores efficiuntur. Quo plura foco ligna iniiciunt, eo furiosius concrepat ignis. Sitim existimans turgidus hydrops extinguere potando posse, in ardentioris sitim demergitur. Multa prater eo, quae ad tempus citabo, si tua Sanctitatis caelorum pondere pressis auribus, & in supremo humani generis fastigio positus, casura in gratiam cognouero: neque enim ego haec animi causa collegi, sed tua Beatitudinis obseruantia hos amplecti labores me impulit. Felices multos annos fabricatoris vniuersi prouidentia beatitudini tuae impartiat.





AD LEONEM DECIMVM PONTI-  
FICEM MAXIMVM QVARTA DE-  
cas eiusdem Petri Martyris Anglerij  
Mediolanensis, nunc primum &  
nata & excussa.

**B**EATISSIME Pater Aegidius Vi-  
terbiensis Augustiniana professionis  
Eremitarum & sacri ordinis Cardinei  
lucidum exemplar, legatione sua funct<sup>o</sup>  
à latere, discedēs ex Hispania, Sanctitatis  
tua, suoque nomine imperatū mihi reli-  
quit, ut quae praeagnans Oceanus pareret, post tres meas Decades  
iam pridē ad Sanctitatem tuā missas, conscriberē, quae initium  
sumpserunt ab anno millesimo quadringentesimo nonagesimo  
secundo: desierunt autē Anno. M. D. XV I. Disiuli quia Va-  
na referebatur multa, digna memoratu pauca. In nostro rerū  
Indicariū Regio senatu grauida ambagib<sup>o</sup> epistola ab ineptis  
quibusque missa quotidie legebatur, quibus succi parū colli-  
gebam<sup>o</sup>. Digitum de reperta manu se inuenisse hic iactitabat,  
articulū de digito ille, multoque ampullosius ac plenis buccis  
magna se detexisse, ac noua scribebat, qui primi fuerūt vniuer-  
si eius aperiendi autores. Formicā imitati, quae se putat graui  
pondere premi, quādo suffuratum ex area tritici granū, alieno  
labore satū, de magno aceruo ad suffosū gestat cuniculum.



Voco digitum de reperta manu, & grana tritici, quasunque insulas, Hispaniola, Cubaque, ac putato continenti adiacentes alit Oceanus. Sunt nanque à tergo, & à fronte, ab utroque etiam latere, veluti septa pullis gallinae, insulis innumeris circumuallata. Dandum est tamen cuique sui premium laboris. Ad manus Sanctitatis tuæ igitur trahamus, ut cupidas eius aures demulceant, quæ de Iucatana Cozumellâque insulis, & Hacolucana vasta tellure, nondum an insula sit, an continenti annexa, bene cognita. Referantur digna mihi visa memoratu, prætermisissis ambagibus. Erenibus, dehinc aperiâ quæ in credito continenti subsequenti tenore successerunt. Claudet opus Hispaniola.

## CAPVT PRIMVM.



**E**X SUPERIORVM Decadum libellis, Calcographorû opera in vulgus emissis licet colligere, fugitivos quosdam ad vicina Darienis appulso, nostrorum libellos admirantes dixisse terras aliquando incoluisse, quarum habitatores instrumentis uterentur eiusmodi, ac politice legibus parentes viuerent: atriaque, ac templa lapidibus constructa magnifice, plateas etiâ, stratasque vias ordine composito ubi negocietur, haberent. Eas nunc terras nostri reperere. Qui autores fuerint, quomodo res processerit, attente audiat. B.T. quandoquidem tuo throno subdenda in lucem prodeunt hæc omnia. De insula Cuba, quam Diecus Velaque progubernator Coloni Almiranti nomine Fernandinam appellauit, Hispaniola Occidentali, Septentrionaliter tamen adeo, ut cancri Tropicus mediam secet Cubam, Hispaniola verò à Tropico distet ad Aequatorem gradus aliquot, pauca tetigimus hætenus. In hac insula  
Cuba,



Cuba, sex iam sunt oppida erecta. Primarium à diuo Iacobo Hispaniarum patrono nomen sumit. Natiuum est ibi aurum, & montanum, & fluuiiale. Auro suffodiendo inuigilatur. 1517.

Quo anno libelli mei portas clauserunt, tres Hispani viri ex antiquioribus Cuba ciuibus, Franciscus Fernandez Cordubensis, Lupus Ochoa Cai Zedus, & Christophorus Morantes, nouas quæ ere terras instituerunt: pro rege vero Bernardinus Ignigue Calciatensis in magistratu computatorio, & vnus è nauibus Dux. Est inquietus, & magna semper moliens Hispanorum animus. Tria impensis propriis instrunt eius generis nauigia, quas Carauelas Hispanus appellat, ex angulo Cuba Occidentali, qui Sancti Antonii nomen adeptus est, altum capiunt, cum nauclero Antonio Alamino, & bellatoribus centum decem: est is angulus ad reficiendas naues, & lignationis, & aquationi aptissimus. Inter Zephyrum, & Austrum, quem Ventum suduestum Hispani appellant, sex dierum intercapedine terram vident. Quo tempore sex tantum, & sexaginta leucas, se percurrisse aiunt. Stabant quippe in anchoris ubicumque sol cadens illos deprehendebat, ne per ignotum pelagus errantes, scopulis illiderentur, aut arenosis vadis impliciti mergerentur. In terram incidunt amplissimam, descendunt, hospitaliter suscipiuntur ab incolis. Quod sit vniuersæ prouinciæ nomen, per nutus, & signa interrogant nostri. Lucatan responderunt, quod eorum lingua sonat, non vos intelligo. Nostri putarunt Lucatan esse prouinciæ nomen. Inde ab hoc euentu immeditato restitit, restabitque perpetua Lucatana hæc appellatio. Initium tamen eius vocant Ec-campi. Oppidum in littore situm adeunt, ingens adeo, ut Cairum illud dixerint, à Cairo Aegypti regia. Turritas domos, & templa magnifica, vias ordine stratas, ac plateas, & nundinaria ibi agi commercia reppererunt. Lapideæ sunt domus, aut ex lateribus, & calce, arte mira confectæ. Ad prima domorū

Goma  
ra. lib 3.  
cap. 2.

Quare ap-  
pellata sit  
Lucatana.

T



Vestitus  
Iucatano-  
rum.

impluvia, aut primas habitationes, per decem, aut duodecim gradus ascenditur. Non tegulis tamen, sed culmis aut herbarum fruticibus cooperta sunt. Mutuis se muneribus afficiunt. Bullas aureas, & ex auro fabrefacta monilia, perpulchre formata Barbari nostris, nostri autem illis sericeas, ac laneas vestes, vitreos etiam calculos, & auricalchea tintinabula, munera illis grata, quia peregrina, sunt impartiti. Flocificiebant nostra, quoniam lucidiora ipsi ex quibusdam lapidibus assequantur. Vestita est hæc gens, non lana quia pecudes non habent, sed Gosampio mille modis, & variis fucato coloribus. Fæminæ à cingulo ad talum induuntur, velaminibusque diuersis caput & pectora tegunt, & pudice cauent, ne crus, aut pes illis visatur. Templâ frequentant, ad quæ primarii vias ex propriis domibus sternunt lapidibus. Idolorum cultura indulgent. Sunt, sed non omnes, recutiti. Legibus viuunt, & summa fide commerciantur, permutando sine pecuniis. Cruces viderunt. Vnde id habeant interrogati per interpretes, dicunt aliqui: transisse virum quendam formosissimum per eos tractus, qui eis id insigne in sui memoriam reliquerit. Alij obuisse lucidiorem sole hominem quendam in eo opificio. Certe nihil habetur.

### CAPVT SECVNDVM.

**A**LIIQVOTibi commorati diessiam videbantur incolis esse molesti: nullius enim hospitis est grata mora longa. Commeatum capiunt, recta tendunt ad Occidentem. Per prouincias Comi & Maia dictas ab accolis, præterlapsi sunt, aqua tantum, & ligna ex itinere capientes. Barbari littorales nostras admirabatur moles mari natantes, ad quas visendas certatim & fæminæ cum infantibus permixtæ viris, passim prociabant. Nostri ex mari, non sine stupore, illorum ædificia, sed præcipuè tēpla littoribus proxima, in modum arcium erecta, prospectabant. Lacere tandē



anchoras placuit ad leucas centum decem, in prouincia, cui nomen est Campechium, cuius oppidum est domorum trium millium. Amicè se inuicem amplectuntur, nauticam nostrorum artem, nauigiorum magnitudinem, vela, amplustre, resque ceteras Barbari attoniti admirabatur. Vbi excussorū tormentorū tonitrua, fumosūque ac sulphureū odorem ignitum senserunt, à cælo mitti fulgura arbitrabantur. In atrio regulus nostros benigne, magnificèque hospitatus est. Post sumptas more illorum epulas, in quibus & pauones habent, & altilia, volucres etiam montanas, nemorales, & aquaticas, perdices, coturnices, turtures, anates, anseres, & quadrupedes agrestes, ut apros, ceruos, ac lepores: præter hæc lupos, leones, tigrydes, vulpes, ducti sunt nostri cum regio comitatu ad latū cōpitum in oppidi latere situm. Ostendunt nostris quadratum quattuor graduum erectum, marmoreum, partim tenaci ex bitumine, ac lapillis partim, pulpitem, cui hominis inherebat simulachrum supersculptum, adherentibus illi duobus quadrupedibus ignotis, qui marmorei hominis uterum, uti canes rabidi, videbantur velle dilacerare. Serpens bitumine, ac lapillis compactus, pedes longa septem & quadraginta, crassa uti bos magnus, marmoreum leonem vorans, recenti cruore irroratus, simulachro astat, proximi erant solo affixi tres tigni, quos tres alij lapidibus suffulti transversabant. Eo in loco reos puniunt, in cuius rei argumentum stratas viderunt innumeras cruore illitas, & confractas sagittas, & mortuorū ossa in vicinā cortē proiecta. Domus & hic sunt ex calce & lapidibus edificata. Regulo Lazari nomē indiderūt, quia Lazari die terrā captarūt. Abeūt ad leucas inde, ad Occidentē semper, quindecim. Prouinciam captant nomine Aguani. Eius oppidum Moscobo dicitur, regulus Chiapoton vltima acuta. Hostiliter nostros inspectat hic regulus, insidias stratagemate nostris instruit. Petentibus aquam,

Campe-  
chium  
prouin-  
cia.



trans collem proximum fontem esse innuunt, qua iter erat per angustas semitas. Ex mutatis in fronte coloribus, & arcuum, ac telorum gestamine, fraudem sensere. Tendere ultra nostri recusant. Pallantes, & imparatos adoriuntur nostros Barbari, mille amplius sternunt nostros Barbari. Fugientes, cæno in litore, erat ibi mare cœnosum, implicantur, duos & viginti sagittis transuerberatos perimunt, reliquos maiori ex parte vulnerant. Tribus & triginta, inquit, classis ipsum prætorem Franciscum Fernandez fuisse vulneribus percussum, fere nullus euasit incolumis. Si ad monstratos colles processissent, perempti fuissent ad unum. Mæsti ergo redeunt, qui superfuere, ad Fernandinam Insulam, vnde venerant, ac cum fletu & gemitibus ob relictos & præsentis vulneratos à sociis recipiuntur.

## CAPVT TERTIVM.

1518.  
Comara  
lib. 2.  
cap. 16.  
Cozumel  
insula.  
alias Açu  
zamil.



**I**n intellectis Cuba Fernandina Progubernator Diecus Velasquez, quatuor caravelarum classem instruit, cum hominibus circiter trecentis. Huic classicula præfecit nepotem suum Ioannem Grisaluam, additis ei suppretoribus Alfonso Auila, Francisco Montegrio, & Commendatorio Petro Aluarado, nauclero autem eodem Antonio Alamino prioris classicula rectore. Idem iter capiunt, sed Australius aliquando. Ad leucas forte septuaginta, turrim ex alto vident eminentem, terram minimè. Turri duce insulam præhendunt nomine Cosumel, aqua suaves se olfecisse odores spatio trium leucarum, vento inde proflante, inquit. Ambitu reperiunt esse leucarum quinque, & quadraginta, plana est, gleba fortunatissima, aurum habet, sed peregrinum, & aliunde allatum. Melle a-



bundat, & fructibus, ac hortensibus, volucribus etiam & quadrupedibus. Est horum incolarum, ut breuibus absoluam, ea Oeconomica, & Politica, quæ de Iucatana. Domus, templa, via, commercia, virorum ac mulierum gestamina, ex Gosampio, dicit vulgus Italum, Bombasium, Hispanum, Algodon, non lanea vel sericea tela. Domus lateritiæ aut lapideæ, culmo cõtecta, vbi sit lapidū penuria, sed vbi lapidicinariū copia, laminis lapideis conteguntur. Marmoreos postes, veluti apud nos, pleraque domus habent. Turres ibi vetustas, dirutarū etiā vestigia redoletia etiā antiquitatē repperunt: vñā præ ceteris graduū octodecim: vti ad illustria tepla conscenditur. Nostras admirati sunt naues, & nauticam artem. Nolissent hospites primo congressu, benigne postmodum eos admiserunt. Turrim conscendunt duce primario, quem sacerdotem credunt, vexillum in cacumine sistunt. Regi Castella imperium adiudicant. Sancta Crucis nomen insulæ assignant, quia Nonarum Maij quinta solenni sunt insulam ingressi. Cozumellam vero inquitunt appellari à regulo Cozumelao, cuius maiores primos ipse iactat fuisse huius insulæ habitatores. Cameras in turri reperere statuis tum marmoreis, tum fictilibus vrsorum simulachris immixtas, quos vnisono elato cantu inuocant, suffumigisque ac suauibus adolent odoribus, vti penates eas colunt. Res ibi diuina celebrata est. Sunt recutiti. Regulus hic eleganter ex Gosampio velamine indutus, pedis vnus digitos abscissos habebat. Natanti piscis vorax, qui dicitur Tubero, vno morsu digitos raptauerat. Laute, copiosèque nostros depastus est. Post triduum abeunt, rectā tendunt ad Occidentem, vident à longe montes. Iucatana erat terra iam nota, quam à Cozumella quinque maris leucarum spatium dirimit. Iucatanae latus Meridionale capiunt, putato continenti proximum. Circumeunt illam, nequeunt vniuersam ob frequentes scopulos, & arenosa vada. Ad iam notum latus Boreale Alaminus

Vocant  
insulam  
nomine  
sanctæ  
crucis.



Bellum  
inferunt  
nostris  
Barbari.

Portus  
desidera-  
tus.

Naclerus naues reducit. Ad idem oppidum Campechium, & Lazarum regulum, ad quem priores anno superiore, proficiscuntur: placide suscepti, ad oppidum inuitantur. Inuitasse prænitiuit. Ad lapidis iactum ab oppido sistere nostros iubent accolæ, abire imperant. Aquandi copiam petunt priusquam discedant nostri. Puteum à tergo relictum monstrant, licere inde aquam haurire, aliunde non inquirunt. Pernotatum est in vicino puteo campo. Diffidunt Barbari, armatorum milia tria circiter castra locant, non longe à nostris: pars utraque noctem duxit in somnem, illi nostrorum eruptionem in pagum, nostri barbarorum impetum repentinum veriti, tubarum clangoribus, & tympanorum reboatu somnolentos excitabant. Vbi illuxit accedunt Barbari, appellant interpretes Cubenses nostros, quorum idioma si non idem, consanguineum tamen. Face thurca inter utrumque agmen accensa minantur interniciem, ni abire prius properauerint, quam fax extinguatur, nolle se hospites protestantur. Fax extinguitur, aut consumitur, deuenitur ad manus, perimunt è nostris unum, quem sagitta male scutatum reperit, multi feriuntur: ad tormenta quæ apud puteum erant locata, se recipiunt nostri, ut inde globos iaculentur in Barbaros. Retrocedunt ad oppidum Accolæ. Milites feruenti animo cupiebant illos persequi, vetuit Grisalua prætor. Inde procedunt ad Iucatana calcem ultimam, ducentarum reperiunt esse leucarum amplius, productam ab Oriente in Occidentem. Portum petunt, egregium, cui nomē dedere portus Desideratus. Ad terras deinde transfretant alias, & terramprehendunt Iucatana vicinam ab Occidente. Dubitant sit insula, necne. Continenti esse annexam suspicantur. Est ibi sinus quem arbitrantur ambitum utraque terra. Nil certi. Collua alias Oloa, hæc tellus ab Accolis appellatur. Flumen ingens ibi repertum, dat suo furore in pelagus potabiles aquas spatio duarum leucarum. A prætore Grisal-



nam appellarunt flumen. Admirati nauium moles velificantes barbari accola, vtramque fluminis ripam ad sex milia bellatorum scutis auratis, arcubus, & sagittis, ensibus etiam ligneis latis, & hastis adustis armati obsident, prohibitori de-  
scensum, & littus tutaturi. Stat ea nocte pars vtraque in aliis. Prima luce ecce Canoas circiter centum, armatis plenas. Diximus alias, Canoas esse lembos vniligneos. Hic Cubenses interpretes, & hi sat commode conueniebant in lingua. Pax oblata per interpretes admittitur. Accedit vna Canoa, reliquae sistunt. Canoae rector, quid nostri quererent per alienas terras percunctatur. Aurum cupere respondetur, permutatione tamen, non gratuito, aut violenter. Redit Canoa Regulo, quid actum sit referunt nauta. Accersitus Regulus venit libens. O narratus dignum pater Sancte, Cubicularium ad se vocat Regulus, Cubicularia iubet afferri suppellectilia, ut praetorem nostrum Grisaluam ornet imperat: a calceo incipit aureo illum induere, ocreas, thoracem, & quicquid armorum ex ferro, aut chalibe solet cataphraetus proditurus in pugnam sibi sumere, vniuersum id ex auro miris modis formato Regulus Grisaluae impartitur. Compensat Grisalua sericeis, lineisque, ac laneis vestibus, rebusque aliis nostratibus. In huius Iucatanae initio, quando ex Cozumella traiciebant, in Canoam piscatoriam inciderant. Nouem inerant hamis aureis piscantes accola. Inermes capiunt omnes nil timentes. Ex illis vnum agnouit hic Regulus, se tantundem auri missurum in crastinum pollicetur ad Grisaluam, quanti ponderis vir ille reperiretur: Negauit redemptionem Grisalua sociis inuitis, illum retinuit, ac discessit, quid ultra iaceat recogniturus.

Apostrophe.

T iij



DE ORBE NOVO  
CAPVT QVARTVM.

De cru-  
deli im-  
molatio-  
ne quam  
Barbary  
Diis suis  
exhibent

Insula a  
solis mu-  
lieribus  
in habitac-

**A**D LEVCAS cētum circiter, ad Zephi-  
rum semper, sinum ingentem reperiunt, in  
quo tres parue insulae sitae erant: adeunt  
grandiorem. Proh crudele facinus, Pater  
Sancte, Proh truculentas hominum mentes,  
stomacho claudat portas Beatitudo tua ne perturbetur. Pueros  
puellasque ibi suis immolant diis. Sūt recutiti. Simulacra, quae  
colunt, sunt marmorea quaedam, alia fictilia. Marmoreus inter  
imagines extat leo, peritosa ceruice, in quem miserorum sangui-  
nem prouiciunt, ut inde fluat in lacunam marmoream. Qua  
cerimonia miserorum sanguine litent referamus. Non iugulis  
sed pectoribus apertis, ex infausta victima cor eriuunt, ex cuius  
calido cruore idolorum labia illinunt, reliquum perfluere  
patiuntur in lacunam, inde in apertum cor, & exta combu-  
runt, gratum diis fumum illum fore arbiurantes. Ex idolis  
vnum est virile, quod inflexo capite lacunam sanguinariam  
superinspectat, tanquam acceptans hostiarum sacrificium: to-  
rulos brachiorum, scemorum ac surarum pulpas edunt, si pre-  
cipue hostem bello victum sacrificauerint. Riuium concreti  
sanguinis, veluti ē carnificina exeuntem reppererunt. Ex insu-  
lis vicinis ad id facinoris miseros transportant. Capita, cadaue-  
raque truncata ibi videntur innumera, integra etiam plera-  
que velaminibus contecta. & niuersi tractus illi, auro gemmis-  
que abundant. Pererrans insulam vnus ē nostris in duos inci-  
dit semisoffos vrceos alabastrinos, pulchre laboratos, lapillis  
diuersorum colorum plenos. Atiunt lapillum se reperisse, qui  
missus est ad gubernatorem, valoris duorum milium castella-  
norum auri. Sacrificij hanc insulam appellarunt. Extāt & in  
huius Coluacanae lateribus aliae sitae insulae, in quibus solae  
mulieres habitant, sine virorum commercio. Putant aliqui A-  
mazonico viuere more. Qui prudentius rem ponderant, cano-



bitas esse Virgines secessu gaudentes, vii apud nos, & multis in locis apud Veteres, Vestales, aut Bonæ deæ sacra. Certis anni temporibus trajciunt Viri ad eas, non coitus causa, sed moti pietate capos illis, & hortos cōposituri, quo cultu queant vitā ducere. Fama tamen viget esse alias fœminarum sedes, insulas, sed corruptarium, quæ mamillam à teneris scindunt, quo agilius queant sagittariam artem exercere, ad easque transire coitus causa viros, nec retinere mares. Fabulam puto. Ad littus ergo Coluacana terra se applicant nostri, placide negotiantur. Aureum Regulus cacabum, armillas, torques, bullas, multa præterea diuersorum generum monilia nostris est impartitus. Nostri contra nostratibus illum alacrem reddunt. Figere hic pedem, & Coloniam deducere socij cupiebant. Prohibuit prætor. Desperatis animis vixerunt eo tempore commilitones in prætorem. Turritis constat ædificiis hæc prouincia, oppidis amplissimis quindecim, & alicubi viginti milium domorum se oppida vidisse testantur. Sunt non vbiq; connexæ domus, hortis, & coriibus interfecantibus. Multa distant à seipsis, plateas habent mœnibus circumseptas, in quibus fora, nundinasque exercent. Vias stratas, furnos, fornacesque, calcem, ac lateres coctos habent. Figulos, lignariosque fabros, & artifices, mœchanicarumque artium omnium opifices assequuntur egregios. Tauascus hic regulus dicitur. Regio Palmaria. Eius oppidum Regium nomine Pontenohianum, domorum aiunt esse quindecim milium. Quando novos hospites suscipiunt, qui pacem in illis terris admittunt, in amicitia fœdus, sibi ipsis nouacula, vel gladiolo lapideo, sanguinis parumper ex lingua, vel manus, vel lacerto, vel alia corporis parte quauis emungunt, hospite inspectante. Sacerdotes viuunt cœlibes & incorrupti. Quid sit coire nemo intelligit, donec nubat. Nephas, & morte piandum est aliter accidere. In fœminis mira castitas. Licet vnicuique potenti posteaquam

Applicant  
se ad lit-  
tus Colua-  
cana ter-  
ra.

Palmaria  
Regio.

Mira gen-  
tis huius  
consuetu-  
do.



Regulus  
Quand?

Quomo-  
do colli-  
gaturum  
ex flumi-  
bus.

Unam duxerit uxorem pellices habere quotquot libuerit. Sed nupta, adulterio deprehensa venditur à marito, primario tamen principi, à quo licet mulieris propinquis illam redimere. Nemini non coniugato fas est coniugato iungi in mensa, vel eadem lance vesci, aut poculo bibere, parèmq; coniugato se habere. Augusto, Septembriq; mense, quinque ac triginta dies abstinent, non à carnibus modo, quas assequuntur optimas ex alitibus, & venatu, sed neque piscibus vescuntur, aut re aliqua, quæ sanguinem nutriat. Hortēsibus ac leguminibus illos dies peragunt. Aliquot ibi dies lautos egere. Abeunt, littus idem secuti. Regulum conveniunt alium, cui nomen dedere Ouandus. Regulus Vbi nostros aurum cupere intellexit, laminas conflatas attulit aureas. Se copiam eius metalli desiderare Prætor significavit per interpretes. Postero die aureum hominis simulachrum Pygmeum, flabellumque aureum & auream vario artificio larvam, iubet afferri, calculorumque sarta. Pectoralium etiam bullarum copiam, & diversarum generum ornamenta, variorumque colorum gemmas, nostris est impartitus. Dapibus quoque lautissimis, persapidè conditis, saturavit. Inuiatos in littore nostros, properanti cursu, frondentibus ramis ex Reguli mandato, erectis illico scenis, contegebant. Inertes in ramis ferendis familiares, Regulus percutiebat scepro, quod manu gestabat. Servi demisso vultu quæcunque verbera patienter sustinebant. Interrogatus Regulus Vbinā auri tanta colligeretur copia, proximos digito monstravit montes, ac flumina ab illis decurrentia: sunt hi fluminibus, ac lacubus adeo assueti, ut idem illis sit natare, quod terra incedere. Merguntur fluminibus, quando aurū placet colligere, manusque arena efferunt plenas. De manu in manū demū arenam cribrantes, aurum deligunt. Spacio duarum horarum dicuntur auro implere cannulam digitale. De suffumigiis, & odoribus harum terrarum, dulcia, molliaque



verba dici quirent, quæ pretermittimus, quia magis ad effeminandos animos, quam ad bonos mores faciunt. Puerum annorum duodecim oblatum à Regulo recusauit Prætor, puellam admisit pulchre ornatam, sociis inuitis puerum abiecit. Ex lapillis ab hoc Regulo habitis, vñ scribunt esse valoris duorum milium castellanorum auri. Discedunt iam tandem ab hoc Regulo, auro, & gemis onusti. Grisalus Prætor vnā è carauelis ad patrum progubernatorem, destinat ad Fernandinam cum nunciis, & habitis auro, & gemmis. Littus interea sequuntur reliqui Occidentem versus. Vna vero nauis propius fere littus abradebat, qua Franciscus Montegius subprætor vehebatur, duæ per altum tendebant in prospectu. Admirati accolæ rem nouam miraculo adscribunt. Tredecim ad Montegium veniunt Canoæ, per interpretes colloquuntur, benigne se inuicem saluant, supplices orant accolæ vt descendant, magna pollicentur si adierint patriæ regulum. Precibus eorum negat Montegius se posse annuere, quod socii nimis à se distarent, contentos dimisit tamen, datis quibusdam muneribus nostratibus illis gratis. Celebre oppidū aliud adeunt, ad littus applicant vnā tres carauela, prohibentur ab accolis descendere, scutis, arcubus, plenis pharetris, & ligneis latis ensibus atque hastis adustis armati ad nostros prodeunt, sagittas iaculantur eminus illi, tormentorum globulos in Barbaros nostri. Machinarum strepitum admirati, ac furore perterriti aufugiunt. Pacem optant. Iam commeatus nostris deficient, iam quassatæ longis itineribus erant naues. Ad insulam igitur Fernandinam, factis, & repertis contentus Grisalus, socij haudquaquam, reuertuntur.

Redeunt  
ad insulam  
Fernandi  
nam.



Sācta Ma-  
rina.  
Portus  
Carenas.



Dariē Fla-  
uius.

**N**UNC diuertendum est parumper, & alia  
nauigatio pertractanda, dehinc ad has regre-  
diemur nouas terras. Diebus idem Velasque  
pro gubernator, eodem fere tempore, quo clas-  
sem eam quattuor carauelarum parauerat,  
aliam destinauit vnius tantum carauela, Vno bergantino  
comite, cum viris quinque & quadraginta. Violentas in in-  
colas hi manus exercuere. Idolorum sectatores sunt, & recu-  
titi, sunt littori putati continentis proximi. Parua insula  
multa vberitate soli, & fortunatissima gleba beata, Guana-  
xam, Guitillam, Guanaguam. Ex vna istarum trecentum ra-  
piunt vtriusque sexus innocuos accolae. Huic insula posuere  
nomen Sancta Marina. In carauelam hos inculcant & ad  
Fernandinam tendunt. Bergantinum cum sociis quinque ac  
viginti relinquunt, qui det operam venationi hominum vlti-  
riori. Portus quemprehendit carauela portus Carenas dicitur.  
Distat is ab oppido Cuba insula primario diui Iacobi, leucas  
ducentum quadraginta. Est longissima haec insula protracta  
ad Occidentem, quam Cancris tropicus interfecat. Misericordiam  
querente fortuna est captorum custodibus in terram  
descendunt quidam, pauci remanent. Nacti occasionem recu-  
peranda libertatis insulares, raptatis nostrorum telis ruunt in  
custodes, perimunt sex, desiliunt in mare reliqui. Carauela  
potiuntur insulares, regere illam didicerant, redeunt in patriam,  
sed non primo in eandem insulam, in vicinam descendunt.  
Carauelam exiunt, tela secum asportant, lembis ad suos  
traiciunt, relictos nostros cum bergantino adoriuntur, pro-  
strant, perimunt partem. Qui euasere ad bergantinum in-  
faelices profugiunt. Arbor est ingens littori proxima, Cru-  
cem in eius arboris cacumine locant, & superiorem arboris  
corticem, Hispanis litteris inscribunt: Vamos al Darien. Est



Darien stuuus, in cuius ripa situm est oppidum putati continentis primum, sancta Maria Antiqua dictum. Re intellecta gubernator in relictorum auxilium propere duas mittit naues, bellatoribus onustas, sero sapiunt, res acta erat. Crucem sequuti litus adeunt, litteras legunt arbori scalptas. Non ausi sunt fortunam tentare cum desperatis qui aufugerant, egregie armatis precipue, recedunt. Ex insula proxima isti, tanquam lepores abducunt viriusque sexus quingentos. Eadem causa arbitrati posse iure merito id efficere, quia recutiti. Idem his euenit ad Fernandinam applicatis. Ex duabus nauibus vnā ferociter oppugnant, acriter dimicando custodes Hispanos perimunt partim, ceteri sese in mare deliciunt, ad sociam, quae proxima erat, carauelam adnatant. Vna omnes cum superstitē carauela, raptatam adoriuntur. Dubia fuit quatuor horarum spacio victoria. Pro libertate recuperanda tam scemine, quam viri rabide Barbari propugnabant, ne adeptam amitterent pradam Hispani acius dimicabant. Vicerunt Hispani tandem, quia pertractandis armis essent agiliores. In mare sese prouiciunt victi Barbari. Lintribus recolliguntur, tum ferro perempti in certamine, tum aquis suffocati, circiter centum defuere. Ex Hispanis pauci. Ad diui Iacobi oppidum, & aurifodinas mittuntur. Ad aliam dehinc tendunt ē vicinis insulis. Haec sunt ibi, quam in nostro Ionio Simplegades, quarum congeriem vulgus Archipelagus appellat, frequentiores. Hostiliter suscipiuntur, quotquot ē nauibus descenderunt, perempti, aut percussi sunt. Putant hanc esse insulam quam Ioannes quidam Pontius vnius classicula praefectus adiuit, & reliquit perturbatos, fugatus ab accolis, Floridamque appellat: quia resurrectionis festo repererit eā insulam. Vocat Hispanus Pascha floridum resurrectionis diem. Sex & viginti inquit vidiſſe insulas, sed à Colono prius praterlapsas, tanquam Hispaniola, Cubaque filiolas & putati continentis cu-

Prælian-  
tur Hispani cum  
Barbaris.]

Insula vocata à nomine  
floris Florida.



Fernand<sup>9</sup>  
Cortelius  
eligitur  
in classis  
pratorē.

stodes, in quibus venientes Oceani procellæ illidantur. Nativum in plerisque granatum aurum reperiunt. Monilia & hi varia gestant, & larvis utuntur tum ligneis deauratis, tum aureis perpulchre formatis. Opifices sunt ubique argutissimi. Ex larvis una secum attulit Franciscus Chieriegatus tuæ Beatitudinis nuncius apud nostrum Casarem in Hispania, ex ea colligere licebit quali polleant ingenio. Nouacularum structuram, mirum est videre. Ex lapidibus flavis quibusdam diaphonis uti cristallinis eas formant, & eis radunt haud secus ac si ex egregio chalibe factæ essent. Sed quod spectatu dignum est, quando obtusam iam habent ex exercitatione aciem, non cote, non lapide alio, neque pulvere illas aciunt, sed tantum aqua imposita temperantur. Sunt & apud hos instrumentorum, & elegantium rerum mille genera, quæ longum esset narrare, ac forte tuæ Beatitudini gravibus negotiis implicitæ, tediosum. Redeo igitur unde sum digressus, ad Cozumellam, Iucatanamque, ac Coluacanam, siue Olloam, terras dites, & Elisas, recenter repertas, à quibus diuiteram. Vbi quanti sint momenti tractus illi cognitum est.

### CAPVT SEXTVM.

**Q**UAE insule noui habitatores Hispani, Progubernatore annuete, noua classe instruunt, caraelarii decem, cum viris quingentis, additis, uti leuis armatura equis, tribus bergatinis, quorum opera utuntur ad vadosa littora, frequentiusque scopulorum discrimina tentanda. Equos nauibus imponunt sexdecim, bello aptos. Fernandus Cortesius qui tunc prator erat Urbanus in Cuba, generale deligunt classis pratorē, subpratores Alphonsum Fernandez Portucarrerius, Franciscum Motegius, Alphonsum Auila, Aluaradum Comendatariū Spatensem, Ioannē Velasquez, Diecū Ordasū. Ventū sequuntur eundē ab angulo Cubæ ultimo ad Occidentē, quē primò Franciscus



Fernãdez, mox Ioãnes Grisalua, ad prospectum insula sacrificiorum, de qua mentionē feci, deueniunt. Insperatus acer turbo captare terram vetuit, versis illos vestigiis ad Cozumellā Iucatanae Orientalem fera tēpestas transportauit. Portum habet vnicū hac insula, cui nomen Sancti Ioannis portae Latinae indiderunt. Sex oppidis contenta est, & aqua puteali, aut cisternali. Fluminibus caret, & fontibus, quia plana. Quinque tantum, & quadraginta leucarum spatio ambitur. Ausugiuñ incola ad siluas nemorosas, oppida deserunt praetimore, vacuas domos ingrediuntur nostri, patriis fruuntur cibis, domorū ornatus variorū colorū, aulea, vestesque, ac lodices, Amaccas appellant, ex gosampio natiuo reperiunt. En pater Sācte libros etiam innumeros: de his vna cum ceteris ad nouū Caesarem nostrū aduectis, late infra dicemus. Perlustrant vniuersam nostri milites, compositis tamen ordinibus, ne qua vis ingrueret. Paucos reperiunt accolae, vna foemina comite, per interpretē Cubēsem, & Iucatanos tres aliās abductos à primis Hispanis: foeminam hortantur, vt absentes accersat Regulos. Foeminae familiares erant accolae. Cum ea ducti à foemina vocati per nuncios veniunt Reguli, fidem amicitiae praestant, domos patrias alacres repetunt, multa ex raptis supellectilibus illis restituuntur. Idolatras, & recutitos esse reppererunt. Pueros, puellasque Zemibus immolant. Sunt Zemes nocturnorū lemorum simulacra, quae colunt. Interrogati à me Alaminus nauclerus, & Franciscus Montegius, ac Portucarrelius nuncij, qui munera Regi attulerunt, vnde immolandos habeant pueros, puellasque: Ab insulis collateralibus venum duci, permutatione auri, & aliarum mercium responsum est. Nullibi nanque feralis moneta dira sollicitudo in tam vasto terrarum spacio habitatores premit. Idem aiunt de ceteris terris nuper repertis, è quibus duas no-

Zemes  
quid sint.



Canes nu-  
trunt co-  
meden-  
dos.

Recipiūt  
nostrā re-  
ligionem  
Barbari.

minant insulas Biam & Segeſtam. Puerorum inopia cani-  
bus litant. Canes nutriunt comedendos, vii cuniculos alit gens  
noſtra. Non ſunt latrabiles, vulpino roſtro. Quos ad eſum de-  
ſtinant, caſtrant. Ad ſobolem procreandam fœ ninarum co-  
piam, narium exiguum numerum, vii noſtri paſtores de oui-  
bus, ſeruant. Pingueſcunt caſtrati mirum in modum. Ab  
humanis ſacrificiis illos noſtri deterrent, nephas eſſe oſtendit.  
Legem petunt Barbari, quam ſequantur. Eſſe deum vnicum,  
qui cœlum creauit, ac terram, bonorum ominum datorem, ſub  
triplici perſona vnicum in ſubſtantia facile perſuadet. Zemes  
perſringi patiuntur. Beata virginis imaginem depictam à no-  
ſtris præbitam in ſacro templi ſui loco ſiſtunt. Templum, ac ei-  
us pauimenta verrunt, ac abradunt. Crucem in ipſius Dei, at  
que hominis, ob ſalutem humani generis ſuperimpoſiti, recor-  
dationem adorandam ſuſceperunt. In templi culmine vnam  
ingentem ligneam locant. Conueniunt omnes. Deipara virgi-  
nis, cum tremore reuerenti figuram ſuppliciter in templo ve-  
nerantur. Per interpretes hi accolæ noſtris ſignificauit, eſſe in  
Iucatana vicina inſula Chriſtianos captiuos ſeptem, qui ad  
eam tempeſtatibus raptati, appulſi fuerant. Quinque tantum  
leucarum interuallo dirimitur ab Iucatana hæc inſula. Quin-  
quaginta viros cum duobus carauelis prætor Corteſius ad id  
negotij deſtinat. Perquiſitores Cozumellanos tres ſecum ad-  
ueunt, cum litteris à prætore ad Chriſtianos ſi qui reperiātur.  
His præfecit Diecum Ordaffum, virum bello egregium. Quod  
nobile facinus ſint acturi, ſi aliquem adduxerint, oſtendit.  
Rem ardentè commendat, ab illis nanque ſperat ſe tractuum  
illorum omnipium lucem habiturum. Abeunt bonis auibus.  
Sex dies eis aſſignantur ad reditum, octo expectant. Gozumellanos  
nuncios, moram facientes in terra trucidatos, aut  
detectos, ſuſpicati ſunt noſtri. Illis relictis redeunt ad prætorem  
in Gozumellā. Iā de diſceſſu, deſperatus de optatis Chriſtianis

62



Et Cozumellanis relictis, ex Cozumella cogitabat prator, opposita illum vis maris detinuit. Dum morantur, ecce ab Occidente Canoam inspectant venientem ab Iucatana, Cozumellanos, & Christianum è captiuis vnum aduehit. Septennio vitam egerat is apud Iucatanos, Hieronimum Aquilare nomine dicunt, virum Astigitanum Vandalum. Quo gaudio se inuicem fuerint cõplexi casus loquatur. Infelicem sortem suam, & sociorum vnâ amissorum, narrat. Auditur attentis mentibus. Nec dissonum fore arbitror, nec tuæ Beatitudini molestum, si vii horum casus acciderit, recensuero. In superioribus decadibus mentio facta est de nobili quodam Valdiuia, misso ab Darienensibus, sinus Vraba in putato continenti habitatoribus, ad Hispaniolam Almiranto Colono Pro regi, & Senatui regio, ad quos pertinet putati continentis remedium, significatum qua rerum ominum penuria vrgerentur. Sinistris astris miser Valdiuia prouinciam suscepit: in Iamaica insula, Hispaniolaque, Cubaque laterali à Meridie prospectu, repentinus vortex in arenosas detrusit Valdiuiam Syrtes. Ea voracia cacaque vada, Hispani vocat Viperas, & quadranter Viperas, quia ibi multa naues implicantur, vii viperina cauda lacerti, & obruuntur. Discinditur carauela. Vix Valdiuia, & è sociis triginta licuit in carauela scapham descendere. Sine remis, sine velis miseri raptantur à pelago defluenti. Diximus nanque in Decadibus esse ibi maria perpetuo meatu fluentia in Occidentem. Terdecim errarunt dies, in scy quo tenderent. Nil esui aptum reppererunt vnquam. Septem ex eis consumpsit fames. Fuerunt ipsi marinis piscibus esca. In Iucatanam transportantur superstitessiam inedia deficientes. In crudelis Reguli potestatem inciderunt. Valdiuiam Praetorem vna & socios quosdam trucidauit, mox immolauit Zemibus, demum inuitatis amicis comedit. Hostes tantum aut aduentantes hospites bi depascunt, de reliquo à carne his.

Hieronimus Aguilaris liberatus à captiuitate Iucatanorum.



mana abstinent. Hic noster Hieronimus Aquilaris, & socii sex, in tertium diem immolandi seruabantur: noctu ruptis vinculis, truculenti manus tyranni euasere. Ad Regulum huic infensum supplices profugiunt, admittuntur, sed in seruitutem. Miserandum auditu est de huius Aquilaris genitrice. Vbi rem intellexit, illico insaniuit præ dolore, licet in nube tantum filium audiuerit in potestatem carnes humanas edentium incidisse. Hæc si quando carnes assas inspectat, aut verubus affixas, clamoribus domum replet, inquiens: En filij mei frustra, en matrem omnium fecinarum miserrimam. Habita igitur epistola pratoris Aquilaris per Cozumellanos nuncios, coram Regulo hero qui Taxmarus dicitur, quid Cozumellani afferant, enunciat. De potentia Regis eorum, qui ad eas partes appulsi sunt, deque virorum fortitudine, de illorum beneficentia in amicos, de sauitia in detrectantes eorum postulata, vel respuentes, multa edisserit. Trementem reddidit Taxmarum. Det operam ne ut hostes suam ditionem ingrediantur, sed pacato veniant animo seruum rogat. Pollicetur Aquilaris pacem, & si opus fuerit, contra Reguli hostes, auxilium & fauorem. Aquilarem dimittit, tresque illi dat familiares Comites. His ita prospere actis Cortesius ob seruatum Aquilarem latus, cuius opera, ut Interpretis commodissimi erat Vsurus, discedit ex Cozumella. Nunc ergo quo tetenderit ea classis, quidue illi successerit referamus.



DECAS QUARTA.  
CAPVT SEPTIMVM.

307



DE FLUVIUM Alamino nauclero re-  
gente alias repertum sub Grisalua primum  
labuntur. Fauces eius arenis erant con-  
clusas, uti de Nilo Aegypto legitur flanti-  
bus Etesis. Propterea maioribus non licuit  
nauibus, quam bergantinis, aduerso flumine procedere, quam-  
uis alias sui huiusmodi nauibus aptus suscipiendis. In ber-  
gantinos, ac nauium lincres ducentos in litus viros exponit  
Prator. Per Aquilarem pax offertur. Quid sibi velint per-  
cunctantur accole, dapes inquit Hieronimus Aquilaris. Spa-  
cium erat arenosum, ingens ad latus oppidis, illuc tendant, ac-  
cola insinuât. Ent postero die, afferunt gallinas octo eorum more,  
quæ sunt pauonibus neque minores neque inspidiores, suffusci  
coloris, & Maici, quantum vix decem famelicis sufficeret. Prote-  
stantur vna, ut inde discedant properè. Ingens armatorum ad  
nostros discedere renuentes multitudo concurrunt, iterum quid  
sibi velint per alienas terras nauigantes interrogant Barbari.  
Pacem se cupere per Aquilarem inquiunt nostri, & rerum  
permutatione dapes, aurumque, si aurum possident. Nolle se  
pacem, aut bellum cum eis respondent, abeant iterum, ni ma-  
lint ad vnum trucidari. Nolle se nostri abire inquiunt, non habi-  
ta ciborum copia, quæ alendis militibus presentibus sufficiat, re-  
petunt. Crastinũ ad ferenda cibaria signant Barbari, metiti sunt:  
in tertium diem nostris, qui castra locarunt in arenali, & fue-  
rant pernoctati, tãtundẽ afferunt epularum, & sui reguli no-  
mine iubent abire. Cupere se oppidũ videre, & potiores dapes  
nostri dicunt. Illi recusant, & terga vertunt submurm-  
rantes. Inedia nostri vrgebantur, victum querere cogun-  
tur. In terram mittit prator suppretores cum viris centum  
quingenta ad oppidana rura, per diuersa tendunt.

¶ ¶



Aere exo-  
ritur bellū  
cum Bar-  
baris.

Et turmis vnam obuij Barbari male tractabant. Non longe aberant socij, audito strepitu, laborantibus opem ferunt. Alia ex parte prætor tormenta in bergantinos, & scaphas locat. Ad litus se applicat cum reliquis militibus, & equis sexdecim. Litus tutaturi, & prohibitori descensum properanti cursu ad pugnam parati accurrunt Barbari, sagittis, & iaculis eminus nostros impetunt, feriunt imparatos viginti circiter. Tormenta in hostes exonerat Prætor, strage globorum, & stridore, ac flammarum eruptione perturbantur. In pallantes tenus genu in aquis se proyiciunt nostri, & hostes insequuntur fugientes, vna cum perterritis oppidum ingrediuntur. Continuo cursu Barbari transeunt oppidum, & domos deserunt. Ad fluminis ripam protentum dicunt esse oppidum, quantum non ausim dicere. Sesqui leucam ait Alaminus Naclerus, domorum quinque, ac viginti milium. Stringunt magnitudinem ac numerum, socij. Ingens tamen esse fatentur, & celebre. Hortis intersecantur domus, lapidibus, & calce fabrefactæ, industria architectorum arte. Ad quorum sedes habitabiles per decem aut duodecim gradus ascenditur. Nemini quippe licet vicini murum trabibus, aut tignis onerare. Sunt domus omnes trium passuum intercape dine separate, culmis, & paleis, aut vltis palustribus cooperta maiori ex parte. Lapideis laminis plereque. Quadraginta hominum milia Barbari professi sunt eo die pugne interfuisse, victos tamen à paucis ob novum equestre genus pugnandi, cum tormētis. Equites nanque à tergo Barbaros adorti, turmas fundebant perimendo, feriendo à dextris, & à sinistris, vti greges ouium incompósitos. Miraculo perculsi miseri hesitabant, neque exercendi tela locis dabatur. Idem animal arbitrabantur hominem equo annexum, vti de Centauris exorta est fabella. Dies duos, & viginti sunt potiti oppido: laute sub tecto nostri, sub dio Barbari esurientes, neque sunt ausi nostros adoriri. Munitionem oppidi

Potitur  
victoria  
nostrum.



partem, veluti arcem elegerunt, nocturnisque freti custodiis, suspecti semper, & eruptionem timentes summo vacabāt, sub Regulo Tanosco. Potanchanum dicitur ab accolis oppidū, & à Victoria ibi adepta Victoriā nostri appellarūt. Mira etiam narrant de atriorum ruralium ad delitias in prædiis edificatorum magnificentia, magnitudine, atque elegantia, cum solariis impluviis & tabulatis egregiis more nostro. Per interpretes tandem, & captos in prælio, Regulū & primarios eius accersunt, ut inermes & supplices veniant datur opera. Dīcto parent, domos quisque suas repetit, pacem illis præstant, lege proposita, ut ab horrendis humanorum corporum ceremoniis erga manes, & pernitiosos demones, quorum simulacra venerantur, abstinerent, nostroque Deo Christo, cæli terrarumque satori, ex Virgine mundo præstito, & ad humani generis leuamen, cruci affixo, dirigant mentis oculos, & statuas diruant, utque Hispano Regi se subditos fore profiteantur. Pollicentur vtrunque. Quantum breuitas temporis passa est, instruantur. Restitutos nostratibus muneribus contentos reddunt, E cælo missos arbitrantur viros qui adeo pauci numero contra multitudinem ingentem conserere manus ausi fuerint. Nostros & illi aureis quibusdam donis affecerunt, seruas etiam fœminas viginti præbuerunt. His ita relictis, alias eorundem littorum terras quesituri, abeunt. Sinum repetunt sub Grisalua repertum ab Alamino, cui nomen dedere Baiam Sancti Ioannis. Baiam vocat Hispanus sinum. Pacatis animis veniunt accola. Ab littore oppidum erat distans milliare, domorum, ut isti aiunt, quingentarum, super tumulo erectum. Ad oppidi hospitia inuitant nostros, dimidiam oppidi partem offerunt si perpetui secum esse velint habitatores. Putant nostri vel Potenchianensium exemplo perterritos, ad quos iam forte fama peruenerat, vel sub talium se virorum umbra sperasse in vicinos fauorem & auxilium habituros. Perpetuo

Potanchanum  
oppidum  
ex euen-  
tu vocat  
Victoriā.

Baia San-  
cti Ioānis



Ambitio-  
nis mor-  
bus com-  
munis.

namque & isti, naturalique morbo laborant, ut reliquum genus humanum in rabidam ambitionem imperii. Recusant eternam sedem nostri, annuunt temporaneam. Redeunt ad littus nostros sequitur populus. Scæuas illis, & ramata magalia summa cum diligentia erigunt, & tutissimis à pluvia tegminibus cooperiunt. Castra ibi locant. Ne marcescant socij, prætor Alamino Nauclero, & Francisco Montegio negocium dat, ut illius terræ Occidentem vestigare intendat: fessos ipse interea recreaturus, & sauciatos in Potenchiano curaturus. Permanet ergo Prætor cum reliquis. Bergatinos iturris duos præbet, homines quinquaginta. Ad hunc usque sinum lenis erat decursus aquarum. Vbi paulo inferius ad Occidentem adnauigarunt, ac si ex montibus altis à torrente raptarentur, ita impetus æquoris illos breui spacio ad quinquaginta à socijs transportauit leucas. In aquarum concursum incidunt, sese illis vasta maris planities ostendit, quæ descenditibus ad Occidentem vndis obuiabat, uti duo ingentia flumina, quando conueniunt ex aduerso. Ita videbantur à Meridie venientes aquæ, tanquam hostibus in ius alium pedem ferentibus, primis possessoribus inuitis, velle obsistere: ex opposito à longe terram vident, & à leua, dextraque minimè. Fluctuabant inter eos conflictus, vorticibus agitabantur in diuersa, qui fere illos deglutierunt. Sine spe vitæ diu hesitarunt, flectunt proras aduerso torrente qua venerant. Luctantur velis, remisque innixi. Superare vix potuerunt impetum quando se processisse putarunt leucas duas saltem, vna nocturnum quatuor se fuisse retractos inueniunt. Vicerunt tandem graue illud certamen, Deo fauente. Duos & viginti dies in eo paruo maris spacio consumpserunt, ad socios tandem redeunt. Rem aperiunt: finem cum esse terræ Hacoluacanæ, putatique continentis adiudicarunt. Terram à fronte visam



putant, vel continenti nostro annexam, vel Septentrionali-  
 bus coniungi plagis ad Baccalaos, de quibus late in Decadi-  
 bus. Restat adhuc Pater sancte res hæc in dubio, detegetur a-  
 liquando. Hæc dederunt, hæc damus. Dum Alaminus,  
 & Franciscus Montegius hæc secreta vestigarent, a Rege  
 provincia, qui Mutecuma dicitur, per vnum e suis proce-  
 ribus, qui prædicto imperabat oppido, nomine Quitalbitor,  
 multis preciosis, mirisque modis laboratis muneribus aureis,  
 argenteisque & lapillis ornatis, nostri donantur: ea statuunt  
 ad Regem novum Casarem nostrum mittere. De colonia de-  
 ducenda, Progubernatore Cubæ Dieco Velasque in consul-  
 to, consilium ineunt. In diuersa tendunt. Errorem fore propo-  
 nunt aliqui. Pars maior a Cortesio seducta suffragatur.  
 Hic multa contra Cortesium feruntur de infidia, quæ ali-  
 quando aperius intelligentur: missa nunc fiant. De Progu-  
 bernatore non esse curandum aiunt, quãdoquidem res ad ma-  
 ius tribunal id est ad Regem deducitur, vicit populus. A  
 Quitalbitor Rege com meatum petunt, ad leucas inde duode-  
 cim in gleba fortunatissima fundanda Colonie locum desi-  
 gnant. Generalem eligunt gubernatorem ipsum Cortesium.  
 Non desunt qui putent eo inuito. Is magistratus alios creat,  
 ad condende Urbis regimen. Portucarrerium & Monte-  
 gium, de quibus satis aliàs, nuncios ad Regem Casarem cum  
 muneribus mittendis deligunt, eodem Alamino Nau-  
 clero Duce. Quatuor sponte sua primarii, fæminæque  
 duæ viris more patrio obsecuturæ, ducuntur. Suffusca gens  
 est. Auricularum torulos vterque sexus perforat, gem-  
 matosque aureos perpendiculos afferunt. Sed viri quic-  
 quid spaci est inter inferioris labij marginem extre-  
 mum, & dentium inferiorum radices pertusant, vi-

Vertit o-  
 rationem  
 ad papam

Erigitur  
 colonis.



Gentis hu-  
mana ex-  
citas.

nos auro digito gestandas gemmas circunligamus, in eo labiorum foramine, illi ampliore lamina retinente interius prodeuntem, Argenteum Carolenum aequat eius monilis rotunditas, crassitudo digitum. Fœdus nihil unquam me vidisse recorder. Putant tamen illi elegantius nihil esse sub orbe luna. Quo exemplo, quam fatue ruat gens humana in sui ipsius cecitatem, quamque fallamur omnes, edocemur. Existimat Aethiops nigrum colorem esse candido pulchriorem; putat & candidus, aliter. Detonsus capillato, barbatus imberbi se credit esse spectabiliorem. Appetitu ergo urgente, non ratione suadente, tendit genus humanum ad ineptias huiusmodi, regiturque suo sensu quaque provincia, ut inquit ille, vana eligimus, a certis, & commodis abhorremus. Vnde aurum habeant, iam satis dictum, sed unde argentum nostri sunt admirati. Montes altos ostendunt. Horum cacumina perpetuis canescunt niuibus, & paucis anni temporibus vericem ostendunt, ob nubium, & nebularum densitatem. Plana ergo, & mitia montana procreare videntur aurum. Asperi vero montes, & gelida eorum valles, argentum. Auricalcum etiam assequuntur. Secures bellicas nanque ac ligones fossorios apud hos inveniunt. Ferrum aut chalibem minime. Ad munera Regi allata veniamus, & à libris ordiamur.

## CAPVT OCTAVVM.

De libris  
Coluaca-  
norum.



**D**IXIMVS libros habere gentes has. Libros attulerunt una cum ceteris muneribus hi Coluacana noua procuratores nūcy multos. Scriptibilia eorum folia sunt ex interiore arboreo cortice tenui, sub libro superiore creato. Puto dici philiram uti videmus, non in saliceo, aut vlmeo, sed uti cernere fas est in palmularum & sui aptarum tela dura.



folia exteriora intersecante, veluti retia foraminibus, & maculis angustis contexta. Bitumine tenaci retiacula illa compinguntur: ad optatam dehinc formam mollescunt, & extendunt ad libitum, durefacta liniunt, gipso putandum est, aut aliqua gipso consentanea materia. Tabellas vidisse benedictionem tuam credendum est, gipso in farinam cribrato superfultas, in quibus quicquid venit in mentem scribi potest, dehinc spongia, vel pannulo deleri, ut denuo reiteretur. Ex ficum etiam tabellis fabrefiunt libelli, quos magnarum domorum dispensatores, per fora secum deferunt, stiloque metallico merces emptas coaptant, delendas quando iam in computatorios codices traduxerunt. Non foliatim libros quaternant, sed in longum distendunt ad plures cubitos materiam. In quadratas reducunt partes, non solutas, sed tenaci bitumine, flexibili adeo coniunctas, ut ligneis compacta tabellis, arguti compaginatoris videantur manus subisse. Quacumque pateat liber apertus, duae sese facies inscriptae offerunt, duae paginae apparent, totidem sub illis latent, nisi protendantur in longum. Sub vno namque folio, multa coniuncta folia consistunt. Sunt characteres à nostris valde dissimiles, taxillis, hamis, laqueis, limis, stellisque, ac formis alteriusmodi lineatim exarati more nostro. Aegyptias fere formas emulantur, interlineatim hominum, animaliumque species, regum praecipue, ac procerum depingunt. Quare credendum est ibi esse maiorum cuiusque regis gesta conscripta, quomodo nostra fieri tempestate videmus, saepenumero Calcographos generalibus historiis, fabulis etiam codicibus, ipsius rei, quae narratur, ad alliciendos emere cupientium animos, auctorum figuras interserere. Arte quoque grata superiores tabulas ligneas confingunt. Nil differre à nostris libris clausi videntur, legum etiam, & sacrificiorum, ac cerimoniarum ritus, computationes quoque, & Astronomicas annotationes quasdam, seminadique rationes,

Characteres à nostris dissimiles.



Et tempora, libris commendare crebuntur. Annum ab  
 occasu Heliaco vergiliarum incipiunt et mensibus clau-  
 dunt lunaribus. Menses autem à luna nominant, hinc  
 cum menses signare intendunt, lunas inquit. Lunam eorum lin-  
 gua Tonam dicunt: dies autem à sole, vnde tot soles tot dies.  
 Eorum idiomate sol Tanaticus dicitur. Alicubi tamen ali-  
 ter, ubi nulla ratione moti annum distribuunt in menses  
 viginti, menses autem diebus etiam viginti concludunt.  
 Tempia ingentia, quæ frequentant, aureis ornant auleis,  
 et suppellectilibus, gemmis admixtis. Quoto die elucescen-  
 te thurificant templa, piasque spargunt preces ante rerum  
 initia. Horrendum facinus in sacrificiis et istorum tractuum  
 habitatores omnes, pro victimis pueros, puellasque immo-  
 lant, eo modo quo supradictum est. Quo tempore semina  
 iaciuntur in terram, et quando iam spicantur segetes, popu-  
 lus pueris deficientibus, seruos precio emptos, laute depastos,  
 et ornatos preciosis vestibus, suis Zemibus destinant sa-  
 crificandos. Per dies viginti immolandos circuncidunt.  
 Transeuntes per vicus oppidani suppliciter saluant, veluti  
 propediem inter cœlites annumerandos. Acri alia pietate  
 Zemibus litant. Suum ipsorum sanguinem offerunt, è lin-  
 gua hic, è labiis ille, ex auribus aliqui, è pectore, aut foemo-  
 re, vel cruribus multi. Acuta nouacula vulneratim eman-  
 gunt sanguinem, quem manu receptum rotatim alto proie-  
 ctu cœlum versus per templi pavimenta conspergunt. Ita pla-  
 catos reddi deos arbitrantur. A villa ricca noua colonia  
 distat ab Oriente milliaria duodecim, oppidum domorum  
 quinque milium, vetere incolarum nomine Cempoal, nouo  
 Siuillia. Regulum reperere clausos habentem immolandos ser-  
 uos quinque. Abductos à nostris Regulis supplex rebetuit,  
 inquiens, perniciem mihi, regni que vniuerso huic meo.



astruitis, si seruos immolandos nobis auferetis. Irati nostri Zemes, sata omnia sinent à gurgulionibus corrodi, vel grandinibus deturbari, aut siccitate consumi, vel imbribus torrentibus obrui, sacrificiis cessantibus. Ne desperati desiscerent Cempoalani, minus malum elegerunt in presentiarum, rati non esse tempus ipsis inuitis prohibere quin veteres ritus exerceant, seruos restituerunt. Licet illis sacerdotes gloriam eternam, & perpetuas delicias polliceantur, deorumque familiaritatem post huius seculi procellosos dies, mæsti tamen promissa hæc auscultant, maluissentque liberari, quam cædi. Sacerdotes appellant Quines, singulariter Quin, celibes viuunt & incorrupti. Cum timore reuerenti sacerdotes venerantur. Hostium etiam captorum ossa carnibus exesis ab ipsismet in fasciculos ligata ad Zemium pedes suspendunt, veluti victoriæ tropheæ, victorum titulis suppositis. Notandum & aliud sanctitati tuæ gratum futurum, referunt. Pueros iam anniculos puellasque cum piis ceremoniis, sacerdotes in templis, aqua in crucem cum vrceolo capiti super iniecta baptizare videntur, verba non percipiunt, actus & murmura licet animaduvertere, neque enim illi, vti Maumetici, aut Iudei, putant eorum templa violari, si alienæ legis quisquam eorum sacris intererit. De libris, templis, ac sacrorum ritibus satis dictum est, ad reliqua veniamus allata Regi munera.



Munera  
Regi alla  
ta.

**D**AS Attulerant molas vii trusatiles, vnam auream, argenteam alteram, solidas, circumferentia fere pari. Spitamarum octo & viginti. Ponderis castellanorum est aurea trium milium octingentorum. Dixi Castellanium esse monetam auream, quæ Ducatum triente superat. Eius centrum occupat, veluti Regis in throno sedentis cubitalis imago tenus genu vestita, Zemi similis, eo vultu, quo apud nos nocturni lemures depinguntur. Campus ramis, ac floribus, frondibusque effigiatus. Eadem est argenteæ facies, fere idem pondus. Vtrumque metallum purum. Aurea etiam grana, rudia, non conflata in argumentum auri natiui, vii lentes, & ciceres attulere. Torques quoque aureos duos, quorum alter catenulis constat octo, quibus inserti sunt rubri lapilli, non piropi tamen, duo & triginta supra ducentos, virides autem tres, & octuaginta supra centum. Sunt eiusdem æstimationis illi, qua smaragdi apud nos nobiles. Ab eius torquis fimbria tintinabula pendent aurea septem & viginti, figuris quatuor gemmeis, auro circumligatis intersecta. Dependent à singulis aurei perpendiculi. Torquis alter quatuor catenularum aurearum per giros, rubris ornatarum lapillis centum duobus, viridibus autem centum septuaginta duobus perficitur. Sex & viginti aureorum tintinabulorum elegantia comptorum. In ipsius torquis medio, decem sunt insertæ magna gemma, auro circumligata, à quibus centum quinquaginta perpendiculi suspensi sunt aurei, egregie laborati. Coriaceos cothurnos diuersorum colorum afferunt forte duodecim, hos auro, argento illos, gemmis alios fultos, coloribus tum glaucis, tum viridibus. A singulis tintinabula pendent aurea, thiaras, mitras variis gemmis insutis glaucis, saphiros amulatibus, refertas portant. De cristis, & conis, & flabellis



plumeis, quid referre queam non sentio. Si quid vnquam honoris humana ingenia in huiusmodi artibus sunt adepta, principatum iure merito ista consequentur. Aurum, gemmasque non admiror quidem, qua industria, quoue studio superet opus materiam, stupeo. Mille figuras & facies mille prospexi, quæ scribere nequeo. Quid oculos hominum sua pulchritudine æque possit alicere, meo iudicio vidi nunquam. Ignotarium nobis volucrum sunt penna lucidissima. Veluti pannonium, aut phasianorum caudas illi visas admiraretur, ita & nos illorum pennas, quibus & flabella, & cristas conficiunt & elegantia ornant cuncta, glaucos, virides, flauosque ac rubros, candidos, suffuscos etiam colores pennis inesse natuios inspeximus. Ex auro cuncta illa instrumenta confingunt. Galeas attulere duas gemmis glaucis coopertas. Vnam tintinabulis aureis fimbriatam, & aureis pluribus laminis, duobus aureis calculis tintinabula sustentibus. Altera gemmis eisdem sed quinque, ac viginti fimbriata est tintinabulis aureis, cristata viridi volucre conum occupante, cuius pedes, & rostrum, & oculi aurei. Singula vero tintinabula singuli sustentent aurei calculi, fuscinas quatuor tridentes pennatas variis coloribus intextas, quarum dentes sunt gemmei, filis aureis colligati. Eodem ordine sceptrum ingens gemmatum, cum duobus aureis annulis, aureum etiam brachiale, calceos ex corio ceruino, aureo filo confutos, solea candida subiecta, ex lucido lapillo semiglaucos, vna & candido circumseptum auro speculum. Sphæugitem forte lapidē diaphonū attulerunt. Auro circumligati lacertū, & cocleas ingentes duas, anates aureas duas, & variarum volucrum diuersas species aureas, quatuor & pisces cephalos aureos, & ex orichalco virgam. Pennis miris modis insuta omnia, portarūt, bellicas peltas, & ancylia, Scuta quatuor & viginti aurea, & argentea quinque. Ceteram plumis variis cōtextā, in cuius fronte media lamina insculpta

Laudat  
industriā  
artificū  
Indorum



Scaceerū  
ludus a  
pud In-  
dos.

est aurea, effigiata Zeme idolo. Figuram quatuor alie sepiunt in modum crucis aurea lamina variorum animalium, leonū putastygrium, & luporum, capita viminibus, & tabellis formata, animalium ipsorum coriis supersutis, orichalceis tintinabulis ornata, ex diuersorum animalium aliorum coria integra egregie confecta. Lodices magnas gosampias, candido, nigro, & flauo coloribus intextas. Scaccorum ludo, quod argumentum est, & saccorum fritillos habere eos in usu, aliam a fronte, nigro, candido, rubroque coloribus ab intra rasam sine varietate. Aliam eodem modo intextam, aliorum colorum, rota nigra medium tenente radiata, pennis lucentibus intermixtis. Candidas etiam alias lodices duas, peristromatas, aulea, & sagulum patrio more viri gestamen, & textas interiores, & capitis velamina varia tenuissima. Pleraque alia pulchra visu magis, quam preciosa, quae arbitror iam in a Sanctitati tadiosa potius fore, quam delectabilia narratu, praetermitto, & innumeras nauigantium particulas, de laboribus, de egestate, de periculis, de monstris, & aduersis multis, quae in suis annotationibus quisque edisserit, in nostroque Regio rerum Indicarum senatu leguntur. Ex variis, & multis eorum indicibus, & priuatis literis haec pauca collegi. Munerum tamen latores, & Ferdinādus Cortesius prator, condenda nouae Coloniae in extremis terris autor, a Regio Indico senatu, contra rectum, iustumque fecisse iudicantur, quod inconsulto Cuba Progubernatore, qui eos autoritate regia miserat, prouinciam susceperint ab eius mandato alienam, quodque venerint, licet ad Regem, eo in salutato. Per procuratorem fugitivos latrones, & laesa Maiestatis regiae reos Diecus Velasque gubernator appellat, illi autem se maius multo prestitisse Regi obsequium, venisseque ad maius tribunal arguunt, suaeque impensa dicunt classem instruxisse, neque Proguber-



natores ipsam quicquam aliud fuisse impartitum, quam uti  
mercator scēnus accepturus à mercibus, quas arguunt eis mul-  
to grauius vendidisse. Petit capite puniantur Gubernatores,  
petunt magistratus isti, & sumptuorum tot laborum, & pericu-  
lorum premia. Et premium & multa differuntur: ut pars v-  
traque audiatur sancitum est. Iam ad Darienenses Vraba  
sinus in putato continenti habitatores veniamus. Darien-  
nem diximus esse fluuium in latus Occidentale Vraba sinus  
cadentem. In huius ripa Hispani Coloniam, condidere regulo  
Cemmaco vi armorum depulso. Colonia nomen ex voto pu-  
gnae tempore promisso, dixere Sanctam Mariam Antiquam.  
Ad hos diximus in calce Decadum fuisse missos eo anno quo  
scribere desimus, duce Petro Aria Abulensi, mille ac du-  
centos viros, id petente Vascō Nunnez Balboa, qui primus  
Australe pelagus, latens haecenus, detexerat, & Darienensi-  
bus praerat. Appulso ad Dariennem Petro Ariae gubernato-  
re cum ampla Regia potestate, diximus fuisse destinatos per  
diuersa, cum variis peditum turmis, diuersos centuriones.  
Breuibz absoluiam, quia horrida omnia, suauia nulla. Ex quo  
nostra Decades desierunt, nil aliud actum est, nisi perimer, ac  
perimi, trucidare, ac trucidari. Ad elantatum creauerat Rex  
Catholicus Vascum Balboam, nequius diu ferre Petri A-  
riae imperium, dissiderunt animis, confuderunt omnia. In-  
tercessit Episcopus. Ioa. Capedus Franciscæ religionis pulpita-  
rius. Vascō promissit filiam in uxorem Petrus Arias. Ars  
inter rerum duces, qua conueniant, nulla reperitur.  
Dissident multo acrius, & res ad casum talem deducta est,  
ut occasionem nactus in Vascum Petrus Arias, processu per  
pretores vrbānos formato, iugulari Vascum mandauerit, &  
vna primarios quinque alios in quies, Vascū, sociosque defe-  
ctioni studuisse in mari Australi, ubi classica nauigiorum

Conuer-  
tit se ad  
alia autōr

Sācta Ma-  
ria Anti-  
qua.



Perimi-  
tur Vaf-  
chus.

quatuor Vafchus ipse construxerat, ad Australia putati con-  
tinentis littora vestiganda. Dixisse ait Vafchum commilitoni-  
bus trecentum, quos secum habebat. En quid viri, tot laborum  
& periculorum mecum participes, alieno semper imperio sub-  
iecti erimus? quis ferre potest iam huius gubernatoris insolenti-  
am? littora hæc sequamur, quo fors dederit, & inter tot Eli-  
fias provincias tam vastæ telluris, vnam eligamus, in qua no-  
bis ipsis quod vitæ superest, liberi iam tandem vivere possi-  
mus. Quis hominum reperire nos quibit, aut repertis vim in-  
ferre? Res ad gubernatorem delata est. Vafchum ab Austro  
accersit Petrus Aries: paret dicto Vafchus, in catenas coniici-  
tur. Negat Vafchus tale consilium cogitasse. Testes quaeruntur  
malefactorum, quæ patrauerat: ab initio, dicta colliguntur, mor-  
te dignus censetur, perimitur. Ita laboribus, & periculis quæ  
subiuit miser Vafchus, quando maiores se titulos adepturum  
sperabat, finem imposuit. Claviculam Petrus Arias ipsemet,  
uxore in Dariene relictâ, conscendit, scrutaturus littora. Nã-  
dum an redierit intelligimus, neque ipsi deest fortuna. Iam  
alius designatus est gubernator, Dictus Lupus Sosa, ex fortu-  
natis insulis, Vbi diu exiitit Prorex, reuocatus ad Darienem.  
Quid stomachi sit habiturus Petrus Arias, si redierit, boni  
iudicent. Nil vnquam dignum gloria sub eo actum est. Ni-  
mium remissus ab initio fuisse arguitur hinc, illinc autem  
nimis indulgens, & parum seuerus in corrigendis erroribus.  
De hoc satis. Postergata quædam repetamus.

Lupus  
Sosa gu-  
bernator  
designat<sup>9</sup>

#### CAPVT DECIMVM.

**D**E FLVMINE ingenti Dabaiba profun-  
dissimo dicto à nostris Grandi, qui labitur in  
vltimum Vrabæ sinus angulum, per portas,  
vti Nilus Aegyptium in mare, septem, late  
in Decadibus. Eius montana sunt auro  
ditissima ex accolarum relatu. Dabaiba arcana scrutaturi  
Vafchus.



Vaschus, & pratores alij, compositis agminibus aduerso flumine cum nauibus diuersarum specierum, quater conscenderunt. Quadraginta leucas primas, mox quinquaginta, demum octuaginta, ex trāsuerso alias. O ingens facinus. Gens nuda vestitam, inermis armatam profligauit semper, trucidauit ad vnum aliquando, vulneribus confecit omnes. Sagittis bella gerunt venenatis, & quā visu hostium carnes assequantur detectas, ictum figunt certissimum. Habent & iacula, quæ pugna tempore tam crebra iaculantur eminus, ut more nubis solem hostibus arripiant. Habent & ligneos durefactos enses latos, quibus cominus certant ferociter, si ad manus deueniatur, & Vaschum ipsum multis vulneribus confecere aliquando. Ita flumem Dabaiba, & regnum inexploratum relinquitur. Restat, ut de Hispaniola reliquarum insularum genitrice, pauca dicamus. Resarcitus est in ea senatus, quinque sunt additi indices, qui vniuersis illis tractibus leges præbeant, sed propediem colligere aurum in ea, licet auro sit pregnans, desinent, quia fossores deerunt. Ad exiguum miseri accola deducti sunt numerum, opera quorum in auro legendo vsi sunt. Absumpti ab initio bellis acerbis fame multo plures; quo anno Iuccam radicem, qua panem nobilium conficiebant, eruerunt, & à maicio grano seminando, pane populari abstinerunt, reliquos variolarum morbilli eis ignoti hætenus, superiore anno millesimo quingentesimo decimo octauo, qui tanquam morbosas pecudes contagioso halitu eos inuaserunt, & vna, ne mentiamur, auri cupiditas, in quo effodiendo, & cribrando, ac legendo, miseros post iactas sementes, ociosis ludis, ac tripudiis, & piscationi, aut utiarum, (sunt parui cuniculi) venationi assuetos, inhumanè nimis exagitarunt. Iam per regium vniuersam senatum sanctum est, ut liberi reducantur in populos, & agricultura, generationique indulgeant, & inuigilent: serui autem



aliunde empti ad id aurifodinarum opificium trahantur. De auri mortifera fame satis dictū. Auditū est mirādū quātū in hac insula coalescāt omnia. Octo & viginti iā torcularia sunt in ea erecta, quib<sup>9</sup> magna saccari copia extorquetur. Saccarias aiūt cānas altiores, crassioresque in hac insula creari, quā alibi vsquā. Crassitudine lacertalē aiūt, & virilis stature ac semis altitudinem nutriri. Quod maius est, Valentia Hispana, vbi à maioribus nostris ingens copia saccari quotannis elicitur, vel vbicumque saccareis cannis inuigiletur, quūque vel sex, aut quādo copiosius, septem filiales cannas quæque radix parturit: in Hispaniola viginti, ac triginta interdū. Quadrupedū est ea copia immensa. Auri rabida sitis à cultura Hispanos diuertit hactenus. Triticū augetur in immensum. Centesimum amplius aliquādo reddidisse dicitur, vbi cura sit in collibus, aut montanis iugis, ad Boream præcipue versis, tritico ferendo intendere. Sed in planis, & aperto campo in paleas euanescit, ob vbertatem nimiam, & humorem. Coalescunt & vites in iisdem partibus. De arboribus vero cassiam fistulā gignentibus, ex insulis putato continenti vicinis, asportatis, de quibus mentionem fecimus in Decadum libellis, quid dicemus? Tanta est iam copia, vt post paucos annos librā simus vncia loco à pharmacopolis habituri. De siluis coccineis, de quæ reliquis hui<sup>9</sup> beata insula prærogatiuis, & naturæ in illā porrecta beneficentia, satis multa in Decadibus. Placuit pleraque repetere, quia grandīū negotiorū molem arbitror ab huiusmodi rerū recordatione tua Beatitudinis ingenium diuertisse. Nec labra detorquent repetitū quæ sunt sapida, modo materia preciosa preciosis vestibus induatur. Intextas auro vestes, ac gemis fultas, materia merebatur, cucullo cooperuimus. Reuerendissimo Aegidio Viterbiensi, tuæ Sacrae sedis apostolica bene merito cardinali, culpa impingatur, qui me ineptum artificem in ferrariam officinam iussit aurum conflare ad monilia formanda.





AD ADRIANVM SEXTVM  
PONTIFICEM MAXIMVM EIVS-  
dem Petri Martyris Anglerij Me-  
diolanensis, Quinta decas.  
Caput primum.



**Q**UARTAM Decadem rerum  
Indicarum Sanctissime Pater &  
Clementissime Princeps, Leoni Deci-  
mo Pontifici Maximo & Beneficen-  
tissimo Fratri tuo Patrueli dicaui:  
qua, qui homines, quæ ve insula, &  
incognita terra nostris temporibus ad  
annum à partu Virginis vicesimum supra millesimum, &  
quingentesimum in Oceano inuenta fuerint, summa fide, &  
integritate retulimus. Postea vero aliæ à Fernando Cortesio,  
Cæsareæ clâssis præfecto venerunt litteræ ab illis terris, quas  
Hispaniæ tunc ditioni subigebat, in quibus res novæ, & inau-  
ditæ, maximeq; mirabiles continentur. Quæ omnia quàm bre-  
uissime quàmque verissime potui, servato rerû ac temporum  
ordine, in hanc commentariorum meorum quintam Deca-  
dem explicavi, quam Adriano Pontifici Maximo prædeces-  
sori tuo inscripseram: & cum ille fato functus sit ante rece-  
ptionem tuam, ut dignitatis illius, ita meorum laborum heres esto,  
erisque posthac omnium rerum, si quid dignum historica le-  
ctione à me scribetur. Eam igitur clementissimo numini tuo



Narratio-  
nem ordi-  
tur.

Zempoal  
Colonia.

nominatim dico, ut felicissimis tuis auspiciis in publicum prodeat, mortalesque omnes norint, quanta Christiano nomini te catholica fidei habenas moderante, accessio facta fuerit, quam Deus Opt. Maximus, ut spero, & opto, in immensum propter tuam pietatem, clementiamque augebit. Eia ergo age ut ceptis, & inter Christianos Principes, Casarem precipue, Christianissimosque reges dissidentes, perpetuam compone pacem, vexillaque salutifera crucis in impios hostes tolle, & aeterna tui nominis, ac fama apud posteros, quae nulla unquam oblitterabit aetas, relinque monumenta. In calce igitur superioris libri, ut ad rem nostram reuertamur, de potentissimo Rege Muteczuma mentio facta est, qui ex ingenti ciuitate in salustiacus medio sita, nomine Tenustitam, multis Urbibus, & prouinciarum Regulis, longe, lateque imperabat, a quo per Motegium, & Portucarrerium Hispanos viros Carolo Casari in celeberrimo Hispaniarum Vallidoleti oppido commorati, preciosa, & mira elegantiae munera, ut supra memorauimus, missa fuerunt. Interea vero Cortesius dum nuncios ad Casarem missos expectat, ne milites ocio torpescerent, statuit ceptam expeditionem exequi. Pacata igitur maxima illa ciuitate quam in successiuo Decadibus libello dixi sub Regulo Tauasco vocari Potenchiam, mox a nostris ob victoriam ibi contra ingentem Barbarorum multitudinem adeptam, Victoriam appellatam, tetendit Cortesius ad Occidentem ad leucas octoginta, Coloniamque ibi posuit in littore ad leucas ab alia ciuitate terrestri nomine Zempoal in Grisaluæ fluminis vicinia, & ab oppidulo ad dimidiam leucam in elato parumper tumulo, nomine Chianistam: suae autem colonia nomen dedit Vera Cruz, quod Crucis Maij profesto terram ceperit. Deceuit inde Cortesius quae de tanto Rege, quale esse Muteczumam audierat, quae de tam vasta ciuitate ferebantur, praesens cogno-



scere. Cortesii cogitatu intellecto, Zempoalenses finitimi Mutecuma, per vim dediticii, & infensi, concilio inito Cortesium adierunt, veluti Hedui & Sequani post deuictos Heluetios supplices, & flentes apud Casarem de Ariouisti Germanorum Regis superba tyrannide, ita de Mutecuma Zempoalenses, & multo grauius, quod præter aliorum prouentuum prouincialium graua tributa, quæ quottannis præbebant, mancipiorum, & illis deficientibus propriorum filiorum partem vectigalis loco, suis diis immolandos Mutecum præbere cogerentur. Diximus nanque, & id Beatitudini tuæ notissimum est, in omnibus terris illis humano sanguine litari, & latius infra repetemus. Obsides igitur de fide seruanda, militesque auxiliosos virtute bellica pollentes, contra Tyrannum se Cortesio daturus Zempoalenses pollicentur, quia se sperant, eo fauente deo cæli ac terrarum satore, de quo nostri prædicauerant, & impune simulacra parentum quæ ipsi prius colebant, confregissent, à tam truculenta tyrannide ciuitatem, ac vniuersam alioqui fortunatissimam prouinciā in libertatem vendicatuuros, si tantæ illorum calamitati vellet Cortesius misereri, ac atrocibus iniuriis obuiare: neque dubitare se inquit quin victoriam sint consecuturi, quia è cælo missum Cortesium, & comites eius arbitrantur, quum sint erga victos adeo mites, & in detrectantes amicitiam adeo prostratores, qui ve tam numero pauci, tantam vim bellatorum quanta fuit Potenchianensium, ausi fuerint expectare. Quadraginta nanque armatorum milia nostri ea pugna disturbarunt, (vbi sæpius ab ipsismet, qui rei affuerunt, audiuit tua Beatitudo legitque à Ducibus primariis litteras) cum nō amplius quingentis peditibus, equis tamē sexdecim, & tormētis plerisque. Hic est parūper digrediendum in aliud hominum gen<sup>o</sup>, qui sunt animi adeo exilis, vt ea quæ suis viribus inepta fore ipsi sentiant, pro fabulis acci-

Mutecuma  
ma rex po  
tentissi-  
mus.



Redit à  
digressio.  
ne.

piunt. Torquebunt hi nasum, quando à tam exiguo militum numero, tot hostium milia dissecta intellexerint. Duo illorū cauillos interfecent, exemplare vnum, rei nouitas aliud. Nōne Casarem cum minoribus copiis, Heluetiorum, mox Ariouisti, Belgarum demum copias ingentes, debellasse legerunt? Nonne Xersem Persarum Regem, qui tanta multitudine Græciam inuasisse legitur, ut exercitu positis castris, prandere volente, fluminum aquas ad aluei siccitatem traherent potando, cum non maiore, quàm duodecim milium Græcorum manu apud Salaminam Themistocles ad interniciem vsque deleuit, ut vix imperator ipse fugiens, vna solum nauis euaserit? Fuerunt præterea nostris duo pugnandi genera Barbaris illis nunquam visa, vel audita, quæ solo illos prospectu terga vertere coegerunt, tormentorum scilicet strepitus, & flammæ cū odore sulphureo è tormentis prodeuntes, quæ illi tonitruus, & fulgura de cælo à nostris deportata putabant. Nec multo minus equorum accessu perterrebantur, cum vnum esse animal hominem equo annexum, uti de centauris fabella exorta est, arbitrarentur. Neque semper tamen faustè nostris successit, vices easdem sunt experiri sæpenumero, & integras aliquando nostrorum acies deleuerunt Barbari, hospites se velle recusantes. Ad iter à quo diuertere redeundum est. Zempoalenses sua oratione habita, & per Hieronimum Aquilarem, qui fluitibus agitatus, septennio vitam egerat seruilem in vnius Reguli potestate, interpretata, de quo late in successiuo Decadibus libello mentio facta est, mouit Cortesius ex Vera Cruce, relictis ibi centum quinquaginta viris, in eius Colonia præsidium, & cum equitibus tantum quindecim, peditibus tertium, auxiliariis quatuor centum Zempoalensibus. Sed naues prius omnes, quibus exercitum adduxerat, sub occasione quod essent putridæ, summergi iussit Cortesius. Causam fatetur ipsemet, ad tollendam scilicet fugæ spem militibus, cum figere.



pedem statuisset in illis terris, & ibi parare sibi perpetua domicilia. Milites vero aliter sentire maiori ex parte videbantur: timebant namque multorum exemplo, qui strati fuerant consocii à Barbaris sepe, ne id accideret sibi, quod pauci numero ducendi essent ad infinitos, & eos bellaces, armatosque. Erant præterea plerique Iacobi Velasque & Fernandina insule, quæ Cuba est, progubernatoris, familiares, & amici. Veteri domino parere de reditu perlustratis terris hi cupiebant. Ex his cum vno Bergantino abire tentarunt plerique, quo tempore nauim Cortesius mittebat cum muneribus ad Casarem, inconsulto Iacobo Velasque, significatum de illius navis discessu, quo maris, ac terrarum passibus observatis, illam præhenderet. Quatuor Cortesius depræhendit, ac veluti maiestatis læsa reos puniuit. Horum nomina sunt, Ioannes Scutifer, Iacobus Zermegnus, Gonsalvus Umbria, naucleri omnes, & Alphonsus Degnatus. Nauibus igitur summersis, & horum quattuor exemplo cæteris perterritis, ne de abscessu cogitent, Augusti die sextodecimo, Anno. M. D. X I X. profectio nem capit ad lacunarem illam ingentem ciuitatem Tenuistitam ab arce Veræ Crucis distantem leucas circiter centum ad Occidentum. A Zempoalensibus tres eius Urbis Principes Duces habuit, nominibus huiusmodi: Teuchius, Manexus, Tamaius. Ea ciuitas, & eius vicina nomine Zacacami, mille trecentum viros dederunt, quorum opera utebantur nostri ad onera deportanda pro iumentis onerariis, vti moris est earum terrarum. Quæ in eo itinere Cortesio euenerunt, nunc est referendum, ne sicco pede res prætereantur. Proficiscenti renunciatum est clasiculam ignotam per ea littora vagari: Franciscum Garaium Iamaica insula progubernatorem, qui & ipse condendæ nouæ colonie sedem perquirebat, intellexit. Nuncios ad Garaium mittit Cortesius, suæ colonie Veræ Crucis hospitium, & in ea, si quibus rebus indigeret, supple-

1519.  
Gomara  
lib. 2.  
cap. 25.

Nuncios  
mittit ad  
Garaium  
Cortesius



Infelix  
succel-  
sus Io.  
Pontii.

Panucha  
regio.

mentum offert. Arte ne hoc fecerit aliquando sciemus. Recusat Garaius, immo per scribam regium, ac testes Cortesio protestatur Garaius, ut earum omnium terrarum sibi partem equam assentiatur, & limites iurisdictionem dirimentes assignet. Negat Cortesius postulata, missos à Garaio scribam, ac testes in suis spoliari, ablatisque veteribus suorum indumentis, totidem recentes vestes illis tribuit. Non insitit ultra Garaius. Discessit, alias terras eorundem tamen littorum, repetiturus. Ex Iamaica namque sibi credita in gubernatum, tribus & hic nauibus carauelis, anno superiore, eius terræ quam Florida Io. Pontius, de quo late in Decadibus primis, nūcupauit ac putauit esse insulam, lōgos tractus maris discurrebat, sed infelici euentu. Fuit namque bis profligatus ab incolis, suis maiori ex parte trucidatis. Ioanni Pontio, & primo Floridae repertori, cōtigit idem. Sæpe dissectus ab incolis, talibus tandem fuit vulneribus confectus, ut ad Cubam rediens, se suosque saucius curaturus, illico perierit. Garaius autem post Ioannis Pontii obitum, ea littora perlustrans, ait se reperisse Floridam esse non insulam, sed per vastos inflexus huic Tenustitanae terræ coniungi. In flumen incidit Garaius ad nauigans per ea littora, meatu lato fluens in Oceanum, frequentes & prospexit è nauibus, culmis coopertas villas. Eius fluminis ripam possidet vtranque regulus, nomine Panuchus, à quo & regio illa Panucha. Muteo Xuma hic magno Regi parere dicitur, & præbere vectigalia. Non data fuit libera commercii copia vti per indicem membranam à Garai pictoridus allatam colligimus, in arcum tendens, ita ut à Tenustitana discēdens ad Boream semper vergat ad arcus vsque gibbum. Mox iterum eodem ordine flectitur leniter ad meridiem, ita quod si linea porrigatur ex littore Tenustitano, ad eam illius terræ partem, quam Ioannes Pontius primò tractauerat, à latere Fernandinae Septentrionali, cordam arcus quasi efficiet. Parum vtilem tractum illum



fore arbitratur Garaius, quoniam auri exigui, & non pluri  
signa viderit. Condere Coloniam non lōge à Cortesii Colonia,  
dicta Sanctæ Crucis, optasset, prohibuit Cortesius. Eo in loco  
Cortesius aliam ipse deduxit, cui nomen dedit Almeriam, Colonia  
Almeria.  
ab Almeria ciuitate maritima regni Granatensis, paucis an  
te annis de Maurorum manibus virtute bellica liberati. His  
ita actis, Cortesius cōsiliū sumptum prosequitur. Itinere die-  
rum quattuor progressus à Zempoale, in prouinciam venit, no  
mine Sincuchimalarem. Ea est planities vno contenta muni-  
cipio, in monticuli sito latere, arte, ac natura munitissimo.  
Nullus patet ad illud accessus alius, præterquam per scalas  
duas arduo successu, manu locatas. Sedes est ea, domicilium-  
que illius prouinciolæ Reguli Muteczuma regis vectigalis.  
Prouincia est vberima vicis, ac villis in planitie multis ful-  
ta passim: domorum singula trecentarum, quadringentarum-  
que, sed ruralium sunt. Nobilitas, vii vbiq̃ue accidit, apud re-  
gulū inhabitat. In municipio placide nostros regulus susce-  
pit, ac bene depauit. A Muteczuma se id habuisse in man-  
datis ait regulus. Se id Muteczuma relaturum Cortesius,  
& gratias acturum, ad quē visendum ex sui imperio ipse pro-  
ficiscatur, inquit. Ab hoc regulo discedens Cortesius, petiit  
montem altissimum, eius prouinciolæ calcem claudentem.  
Ait Cortesius, fatenturque venientes ab ea, nullius esse mō-  
tis Hispani altiora culmina, in cuius transitu Augusto men-  
se perpeſsi frigora sunt acria, ob concretas nives, & glacies  
perpetuas. In horū mōtiū descēsu, planitiē capiūt aliā, cuius ca-  
put est oppidiū, nomine Texunacum, vberima est, & vicis, ac  
rurib⁹ & ipsa fulta. Muteczuma parēt omnia. Egressi vallē  
eam duorum dierum interuallo, terras aquarum carentia  
steriles, atque hinc desertas, frigoribus, & inedia fracti  
percurrerunt. Ex illa intemperie, ac insperato tur-



**Errigoro** binc nymboſo cum fulguribus, ac tonitruis, periẽre nonnulli.  
**ſa vallis** Montem inde ſubeunt mitiorem, in cuius culmine ſacellum  
**& tempo** erat dicatum Idolis. Ante ſacelli fores lignorum erat conge-  
**ſtatis in-** ries immenſa. Certis anni temporibus ſuis quique diis ligno-  
**temperie** rum ſtrues cum victimis immolandis offerunt: placare ſe deos  
**periere** iratos ea via arbitrantur. Hiſpani montanorum culminum a-  
**nonnulli.** perturas vocant Portus, inde lignorum portum ab eo effectu,  
**Lignoru** traiectum illum appellarunt. Ex eo monte deſcendentes, Vallẽ  
**portus.** captant aliam habitatam, vberem. Eius regulus dicitur Caca-  
**Regulus** taminus. Regis atrium eſt lapideum, ingens, aulis & cubicu-  
**Cacatami** lis noſtro more multis compoſitum: in labentis per eam Vallẽ  
**aus.** fluminis amœni ripa, ſitum eſt: ſuſcepit noſtros honorifice. Is  
interrogatus an Mutecuma dicto pareret, reſpondit, & quis  
non, cum ſit Mutecuma dominus orbis? Sed quid de noſtro  
**magua po** Rege ſentiret percunctatus, maiorem eſſe faſſus eſt, cui & ip-  
**tentia** ſe Mutecuma obtemperaret. Noſtris, an aurũ aſſequeretur,  
**Muteczu** eſſagitantibus, aurum ſe habere faſſus eſt, daturum autem in-  
**mx.** conſulto Mutecuma nemini, dixit. Cogere vt præberet non  
ſunt auſi, ne à longe Mutecumam perturbareẽ. Finitimi duo  
aliy Reguli fama noſtre gentis commoti, ad Cortefium vene-  
runt, ſingulos torques aureos, ſed exigui ponderis, neque pu-  
ri metalli ad eum attulerunt, quorum alter aduerſo flumine  
leucis imperitabat quatuor, flumine ſecundo duabus alter.  
Fluminis illius ripas vtraſque, domibus eſſe paſſim ſultas,  
hortis tamẽ, & prædiolis interiectis, inquiunt. Eius principis,  
qui aduerſo flumine domicilium habet, atrium aiunt, neque  
magnitudine, neque elegantia, vel munimento ignobilis: im-  
mo & arcem hic eſſe atrio imminentem, antemuralibus, &  
turritis mœnibus exactiſſimam, inexpugnabilem. Quinque  
aiunt, addunt ali y ſex milium domorum conſtare huius regu-  
li oppidum, cuius nomen non dedẽre. Fuerunt & ab hoc prin-  
cipe bene ſuſcepti noſtri. Eſt & hic Mutecuma obtemperãs.



Ex huius reguli hospitio quatuor dimiserat nuncios Cortesius ad ciuitatem vicinam, nomine Tascaltecā, incolarum animos tentatum, an illis placeret, ut se adiret, quia Tascaltecanos audierat esse bellacissimos, & Muteczuma hostes capitales. Inde apud hunc regulum biduo moratus est, nuncios expectās. Tascaltecanos adducere Muteczuma nunquam potuit, ut ab eo legem ullam admitterent, aut parerent: immo & perpetuo iuuentutem suam in Muteczuma odium exercuerunt, adeo, ut sale, ac Gosampio ad vestes conficiendas multis annis caruerint, quum sint undique Muteczumanis terris circumsepti, neque aliunde possint ea sibi necessaria comparare. Malle se aiunt à Muteczuma seruitio viuere cū summa rerū egestate liberos, quā Muteczuma dicto esse audietes. In hac vrbe multos inesse proceres aiunt, villarū dominos, quorū, veluti ducū opera, Tascalteca reipublica vititur in re bellica. Dominos recusant. Si cui animo surgeret, velle caput erigere, in deterius exitium conciuem eum traheret, quā Heluetij Origentorigem, de imperio cogitatem, & idem Heduarum & Sequanorum principibus suadentem. Iusti & recti sunt cultores Tascaltecani, uti postea compererunt, quod late infra dicemus. Nuncios igitur expectans Cortesius, nec eorum quisquam reuerteretur, ab eo discessit oppido, sed per vallē illam & diuersos vicos, octo consumpsit dies. Zempoalenses interea Cortesio persuadere nituntur, ut Tascalteca reipublica amicitiam sibi conciliet, grandia in illis auxilia reperturum contra Muteczuma potentiam arguunt: si quid aduersi aliquando moliretur. Mouet inde versus Tascaltecā. In itinere vallem reperit aliam, quam transuersabat ab utraque montium altorum lateralium radice, murus pedes latus viginti, altus vero sesquihumanam staturam. Erat sola in vniuerso muro porta, passuum decem patens, in varios inflexus structa, ne repentinus hostiū incursus palantes & imparatos adoriri

Tlaxcallā  
à Goma.  
ra dicitur  
lib.2.  
cap.27.  
hist. gc.



Tascalete  
cani ho  
stium hel  
luones.

Iter capi  
unt per  
Tascalete  
canosa  
gros.  
Explora  
tores pra  
missi.

posset. Ad Tascaletecanos murus attinebat ad id confectus, ne ipsis inuitis Mutecumani per vallem eam transirent. Postergate Vallis incolae Cortesium comitantes, ut viarum ductores, hortabantur, & monebant Cortesium, ne per Tascaletecanorum fines graderetur, dolosos esse, ac fidi fragos & exterorum omnium inimicos, hospitumque, ac si quos assequantur, hostium belluones aiebant: se ducturos Cortesium, ac socios per continuas Mutecumae terras, in quibus ex Mutecumae mandato, quicquid optarent assequerentur. E contra Zempoalensium duces Teuchius, Manexius, & Thamaius, & ex Zacataminis primariis, qui bellatores habebant mille, idem plerique assentiebantur, ne Mutecumanis dediticiis fideret. Vlo pacto consulunt, trahendos esse nostros Mutecumanis ducentibus per loca discriminibus plena, perque passus insidiis struendis aptissimos. A mutecumanorum fraudibus caueret, enixe instabant. Se fore ductores per Tascaletecanorum terras apertas promittebant. Zempoalensium & Zacataminorum consiliis inherens per Tascaletecanos agros carpit iter. Praecedebat ipse Cortesius gradientes ordines cum equitibus, e quibus duos tractim praemittebat, qui si quid ante oculos ingrueret, uti exploratores cognoscerent & retrocedendo paratos esse oportere significarent. Ad leucas forte quattuor praemissi equites, ex alti collis vertice, delitescentes armatos vident in planitie subsequenti, iam Tascaletecani iuris. Hi visis equis, ut ab horrendo prospectu & tanta nouitate perculsi, idem esse animal hominem equo annexum arbitantes, aufugiunt, vel se aufugere dissimularunt. Nostri dant pacis signa, vocantque per nutus & cum dextrarum motibus fugientes. E multis sistunt pedem quindecim. Insidias habebant paratas, duo prauij reliquos appellant subsequentes equites ut propcrent. Paulo vltcrius prosiliunt, e latebris armatorum milia forte qua-



duor, praelium ineunt cum nostris. Vno ictu oculi duos interficiunt cum sagittis equos. Adit peditatus noster, hostes adoritur, sagittarum & scloporum globulis labefactati, pugna deserunt hostes. Peremerunt ex his plerosque, è nostris autem nullus ultra interfectus fuit, aut vulneratus. Postero die ad Cortesium nuncij de pace petenda mittuntur. Duos è nuncijs, quos diu Cortesius expectauerat, secum adduxerunt. Veniam pro actis petunt, excusationes innectunt. Milites externos eo die se habuisse dixerunt, quos retinere non potuerint. Factum id contra principum eius provinciae potestatem. Se paratos esse ad equorum solutionem, & si quid ultra damni sit illatum, obtulerunt. Excusationes admisit Cortesius. Proce- dens inde ad miliaria tria in vnius fluminis ripa castrametatus est & nocturnas distribuit vigilias, Barbaris male fideus. Elucescente die ad proximam villam contendit. In ea è quatuor suis nuncijs, quos miserat tentatum incolarum animos, duos reperit fuisse ab incolis captos & vinculis astrictos, sed per noctem vinculis ruptis euasisse. Statutum erat ut perimerentur in castrino. Hac ipsi retulerunt. Dum sic moraretur, ecce insperatos forte mille bellatores, clamoribus horrendis aera replentes, pila & iaculorum multa genera proiiciunt in nostros eminus. Blando illos allicere sermone studuit Cortesius, nil proderat. Ne laceessant nostros per interpretes protestatur. Quo placidius agebat, eo insolentius Barbari sauebant. Verterunt terga tandem & insequentes nostros paulatim traxerunt in latentes insidias armatorum, uti Cortesius scribit circiter centum millium. Transiliunt Barbari, circue- ruerunt nostros undique, dubio euento pugnatum est ab hora praemeridiana ad vesperam. Ea pugna Zempoalenses & Zacatamini, Istacmasticani, reliqui etiam incolae Cortesium sequentes, gesserunt se strenue, necessitate coacti extrema: circunseptis namque inter Tascaltecanorum

retunt pa-  
cem Tas-  
caltecani.

Circunue-  
ti à Barba-  
ris nostri  
dubio pu-  
gnant  
Martes.



terras nulla patebat ad fugam via. Vna illis fuit salutis spes  
 desperasse de salute. Si victi fuissent lauta Tascaltecanis conui-  
 uia suis carnibus concinnassent. Victi namque victoribus ver-  
 tuntur in edulia. Vnde lambere iam labra cœperant Tascalte-  
 cani spe obsoniorum, quando gentem exteram suos fines in-  
 gressam fuisse, cum in sua multitudine confiderent, intellexe-  
 runt. Sed aliter illis cessit. Sex habebat Cortesius tormenta  
 campestria, totidēque sclopetarios, sagittarios vero quadragin-  
 ta, & his admixtos equites tredecim, bellica barbaris ignota  
 instrumenta. Quare iam tandem dissipata est ea Barbarorum  
 nubes. Suspensus animo tamen noctem illam egit insomnem  
 & sollicitam, in quodam sacello agresti idolatriæ dicato. Pri-  
 ma vero luce prodit in apertum cum omnibus equitibus, ex  
 peditibus autem suis centum & ex provincialibus Istacma-  
 stitanis tercentum: pacatō nanque & illud oppidum Istacma-  
 stitanum Cortesium receperat, dederatque trecentorum homi-  
 num suppetias in Muteczumam. Sumpsit & ē Zempoalensibus  
 & eorum conuicinis quadringentos, ceteris in inspedi-  
 mētorum, & castrorum custodia relictis, vniuersam hostium  
 planitiem percurrit, vicos combussit quinque, deditque in præ-  
 dam obuia quæque. Captiuos duxit ad castra quadringentos.  
 Sed primo crepusculo, vix bene rubente aurora, ecce ruit ad  
 castra, hostium tam innumerus numerus, ut campos omnes te-  
 gere videretur. Cētum scribunt & quinquaginta millia bel-  
 latorum aduenisse. Ad castrorum munitiones rabide certatū  
 est. Quatuor aiunt horarum spatio pugnatum fuisse, cum sum-  
 mo nostrorum discrimine. Re tamen infecta Barbari abierūt,  
 cum vertere terga nemo quiret. Ex ouibus timidis, leoninos  
 animos sibi quisque tunc assumpsit. Fugatis hostibus  
 Cortesius, veluti fœta tygris, prodit in infidos, qui se  
 iam sparsim in suos lares receperant. Depopulando,  
 sternendoque aut capiendo, vel perimendo quosque ob-

Hostium  
 innume-  
 rus name-  
 rus.



uios, ad oppidum peruenit trium, ut aiunt, millium domorum amplius, igni ferroque vastauit vniuersum. His ita actis, ingē-  
tisque formidine repletis prouincialibus, eius regionis procures  
legatos miserunt ad Cortesium. Præteritorum veniam postu-  
lant, se fore illius dicto post id parentes & leges quasunque  
illius magni Regis nomine, quem Cortesius profiteatur, susce-  
pturos pollicentur. In eius rei argumentum dona attulerunt a-  
pud eos honorifica, conos scilicet, ac cristas, bellorum ornamen-  
ta, arte mira compositas. Ad victum etiam necessaria, rem di-  
co frumentariam & altiliū suo more copiam. Diximus nan-  
que sæpe, audiuitque id tua Beatitudo, volucres apud eos ali,  
gallinarum nostrarum loco, paonibus grandiores, & nihilo  
gustu deteriores.

Simulant  
pacē ho-  
res.

## CAPVT SECVNDVM.



VDITIS quæ legati referre voluerunt, eo-  
rum dominos grauitè incusauit, præterito-  
rum tamen damnorum se veniam illis im-  
pertiturum offert & in amicitiam admissu-  
rum, modo posthac in Hispaniarum regis  
obseruantiam sese fideliter gerant. Postero die, quinquaginta  
è nobilioribus viri ad eum veniunt inermes, sub amicitia ine-  
unde nomine, exploratum castrorum ingressus. Cortesius cum  
vidisset fixo intuitu, ac semiturbido vultu illos inspectare ca-  
strorum situm, incidit in suspicionem. Semotum à sociis vnum  
ex illis, per interpretē fidū seducit, hortaturque ut verū fatea-  
tur. Pollicitis, ac blandimentis pellectus ille, rē aperit. Primariū  
eius prouinciæ inquit, nomine Quesitangal esse in insidiis cum  
maximis armatorum copiis, quo ex insperato adoriatur castra  
nocte sequenti. Ad id missos sub specie pacis consortes suos,  
quo intelligant quā sit oppugnatio sumēda, qui de sit facili-  
ter



Explora-  
toribus  
singulis  
dexteram  
abscindit  
Cortesi-  
us  
suisque  
remit-  
tit  
princi-  
pi-  
bus.

prodeunt  
hostes in  
bellum:  
fugantur  
statim.

aditus ad frodeas casas quas nostri erexerant, ne sub dio age-  
rent noctes, ut ea ingressi, casas incenderent & implicitos  
nostros ad ignem extinguendum adoriretur, ac trucidarent.  
Dolis, artibusque velle tentare fortunam inquit ille, quando-  
quidem virtute bellicastam infœlici euentu profligati semper  
fuerint. His intellectis plenius voluit Cortesius rem cognosce-  
re. Ex iisdem sociis quinque alios in secēssum deduxit, mina-  
tus est mulctam, obtulit beneficentiam, sine discrimine om-  
nes idem fassi sunt, quod primus. Priusquam de inquisitione  
fama vulgaretur, cœpit ad vnum quinquaginta illos. Abscis-  
sis dextris ad dominos remisit, cū his mandatis: Vestris prin-  
cipibus hac referte, non esse virorum fortium, aut virtute belli-  
ca egregiorum, infidis his artibus agere rem. Vos perfidia mi-  
nistri, qui hostes ad nos, pro negotiatoribus venistis, vestre ini-  
quitatis has pœnas luitis, ut abscis sis dextris, ad eos reuertami-  
ni, qui vos auctores tanti facinoris elegerunt. Nos fore para-  
tos quacunque hora venerint, illis dicite, siue noctu nos ado-  
riantur, siue clara luce venerint: qui sint hi pauci, quos pertur-  
bare nituntur, intelligent. Eunt, quæ vident referunt, quæ pas-  
si sunt ostendunt. Venit Barbarorum turbo ingens, bipartitus.  
Hora erat vespertina. Satius putauit Cortesius rem agere in  
aperto, dum per lucem ostendere Barbaris liceat equorum tor-  
uas & ignotas illis facies, furentiumque tormentorum vim,  
quam noctem expectare, quæ secum affert mille discrimina,  
his precipue qui terras calcant alienas, locorum, si quæ sint mu-  
tanda, ignari. Visi equis & tormentorum furore, ac stre-  
pitu percussis, primo congressu terga verterunt hostes per sege-  
tes, quæ in agris eo tempore frequentes erant. Sparsi quæru-  
latibula. Sunt eorum segetes Maïciales, vii saepe dictum est.  
Liberam reliquerunt Cortesio potestatem vagandi. Nihilomi-  
nus non est ausus è castris per dies aliquot caput exerere. Ad  
leucam habebant à castris ciuitatem hostilem, quæ militum  
cogebat



cogebat ad litui sonitum copiam innumeram. Audent enim  
 & Cortesius scribere, & qui veniunt à re ipsa, dicere, vigin-  
 ti millium constare domorum ciuitatem illam Tascaltecam.  
 Tandem per exploratores factus certior illius magnæ ciuitatis  
 incolas imparatos esse, ac nil timentes, ex insperato ciuitatem  
 secunda noctis vigilia inuasit, palantes & sopitos adoritur.  
 Ciuitatis locum munitiorem occupat. Prima luce primarij ve-  
 niunt ad eum, ne damna inferant supplices orant, se obtem-  
 peraturos eius dictis iurant. Commeatum provinciarum co-  
 piam ad Cortesii libitum comportant. Regressus est victor ad  
 castra, vbi socios reperit molesto esse in eum animo, quod eos  
 duxerit, quia non liceat reuerti, nolle vltius cum eo progredi  
 posse nullo pacto euadere, quin propediem trucidentur ad v-  
 num, cum se videant à tam feris bellatoribus septos vndique,  
 fame, aut frigore interituros, quando Barbarorum tela vi-  
 tauerint. Bellorum præterea euentus incertos esse, victoriam  
 non semper esse in manu hominum. Reuertatur ad litus, vbi  
 socii relictæ sunt, hortantur, orantque. Quod si recusauerit, de-  
 ferturos se illum protestantur. Cortesius autem, qui animo fi-  
 xum habebat velle regionum omnium earum ciuitatem pri-  
 mariam adire Tenustitanam, prudenter, blandèque magis a-  
 gendum existimans, quàm seuerè tractandum, ita differuit.  
 Quid rei est hoc Commilitones? Quid veremini? Nonne vobis  
 constat Deum esse vobiscum, qui tot nobis successus præsti-  
 tit fœlices? Putatis ne meliores esse, fortioresque, quos sumus  
 quæsituri? Nonne videtis in manu vestra esse, ut Christi fides  
 amplificetur in immensum? Quæ, qualiaque regna vestro Regi,  
 vobisque ipsis, modo constâtes sitis, cõparabitis? Paruè est quod  
 iam superest. Et si forte, quod minime vereor, succumbendū  
 foret, quid fœlicius? potuit ne quisquam hominum gloriosius  
 vnquam vitâ finiuisse? Memineritis præterea vos esse Hispa-  
 nos qui solent esse imperterriti, neque vitam faciunt assis, vbi

Conque-  
 runtur lo-  
 cij de labo-  
 re & mor-  
 tis pericu-  
 lo.

Oratio  
 Cortesii  
 ad cõmi-  
 litones  
 suos ma-  
 gnifica.



vel Dei omnipotentis obsequium, vel gloriæ adipiscendæ facultas sese offerat. Præterea quo tendemus? quid faciemus ocio marcescentes in littoribus? Sumite animum, sumite, mecumque Barbaras nationes has, Christi legi, ac nostri Regis obseruantia subiicite. Quæ nam fama ex his gestis, quæ nunquam viuentium cuiquâ se obtulerunt, relinquetur posteris? honoratiores erimus inter vicinos nostros in patria, quam fuerit vnquam Hercules in Græcia ex aduentu suo in Hispaniam, de quo adhuc monumenta extant. Sunt nostri labores multo grauiores, erunt & præmia maiora. Expergiscimini ergo & foris animo rem inceptam mecum capeßite, nil de victoria dubitantes. Habita oratione, bene sermocinatum Cortesium Centuriones annuerunt.

populi fa-  
cili & mu-  
tabilitas.

Assensit populus marino fluctu mobilior, qui se quacunque flat ventus eâ tendit, aures & linguam ad quemcumque sensum soluit. Militum animis sedatis, ad Cortesium ab eius regionis Imperatore generali, dicto Zentegal, legati venerunt, veniam de præteritis petunt, de sumptis in nostros armis. Ne mirentur arguunt, se regem nesciuisse vnquâ, aut vlli paruisse, tantique semper fecisse libertatem, quod multa sint incommoda perpeßi à maioribus, ne Muteczuma dicto auscultarent. Sed præcipue vestibis Gosampius & sale ad condiendum fercula caruisse, quod assequi nequeant, Muteczuma vetante. Si tamen nunc in amicitiam admittantur, facturos imperata pollicentur. Ignotum est omnibus, & admissi sunt. Distabat ea ciuitas Tascalteca à castris leucas sex, vt ad se proficiscatur ciues orant. Recusauit aliquandiu Cortesius, Principum ciuitatis tandem victus precibus, accessit. Sed aliud est inferendum, priusquam progrediamur in Tascaltecanis rebus. Ad Cortesium venerant sex Muteczumæ familiares necessarij cum donis præstantibus. Monilia tulerunt va-

iterum na-  
cem offe-  
rent Ter-  
tascatecani.



ria, vestesque varias aureas ad summam Castellanos aureorum mille. Gosampias etiam vestes mille variis fucatas coloribus. Hi cum intellexissent statuisse animo Cortesium, ut Mutezumam & eius civitatem visat, Mutezumam nomine petierunt a Cortesio, ut deponat cogitatum illum, quia sit ea civitas Temustitana in aquis posita, omnium rerum egena suapte natura. Nisi ab exteris coporentur, fore difficile comectus copia tantis viris equam. Auris, argenti, ac gemmarum, aliarumque rerum omnium, quancunque summam Cortesius postulaverit, Mutezumam, ubicunque sedem figat, missurum, legati promittunt. Cortesius ad haec: Nequire se ullo pacto postulatis eorum annuere, quod in mandatis habeat a suo rege, ut & urbem eam & Regem eius visat, vestigetque diligenter omnia, quo per nuncios queat, quid rei sit, suae Maestati significare. Habita ea sententia, petunt, ut de Cortesii voluntate liceat de seipsis unum mittere ad Mutezumam, cum eo responso. Mittendi venia impenditur. E sex collegis unus it. In diem sextum rediit. Aurea tulit a Mutezumam decem, pondere paria, toreumata perpulchre laborata. Attulit & mancipiorum humeris, quod iumenta nulla consequantur alia, vestes mille & quingentas, prioribus mille preciosiores. Mirabuntur & hoc in loco qui angusti sunt spiritus & illa credent esse fabulosa, quae nunquam audierunt alias, aut suis viribus esse imparia. His suo loco satisfaciemus, quando de Mutezumae aconomica tractabitur. Sit satis euagatum a Tascaltcanis. Qualis, quantaque sit Tascalteca referamus. Hoc primum, vii supra tetigi. Democraticè partim, partim vero Aristocraticè vii aliquando res Romana, priusquam ad violentam monarchiam deveniret, patitur proceres (vii iam dixi), dominos fugiunt. Scribit Cortesius, aiuntque venientes, civitatem esse urbe Granata multo maiorem, populisque frequentiore, & rerum om-

Legati à  
Mutezu-  
ma ad  
Cortesiu



nium ad victu abundante. Pane Maucio vititur. Polucris etiam  
 & venatibus, fluuiisque piscationi apta: maritima minime.  
 Distat enim mari nimium, leucas aiunt quinquaginta am-  
 plius. Habent & varia legumina. Intra moenia lapidea la-  
 pideae sunt domus, celsae, munitaeque, ut perpetuo suspectis ob-  
 vicinos & continuos hostes. Fora frequentant, ac nudinas.  
 Induuntur & vtuntur caligis. Monilibus aureis, ac gemmeis  
 delectantur. Conos, cristasque plumeas variorum colorum, ad  
 ornamenta bellica magnificiunt. Intexunt auro cuncta. Ven-  
 duntur & in foris passim ligna humeris hominum allata,  
 igni apta. Venduntur & ad usum fabricationis traves, tigna,  
 tabulae, lateres, saxa, calx: & architectos assequuntur, ac figu-  
 los egregios. Nullum est fictile vas apud nos, quod arte superet  
 ab illis vasa formata. Herbarios, medicinales herbas venden-  
 tes habent. Balneis vtuntur. Ordinem habere, legesque, quibus  
 se gubernent, cognitum est. Eius provincia amplitudo in ro-  
 tundum leucarum est nonaginta, cuius caput est haec ciuitas  
 Tascalteca, oppidis, pagis, vicisque ac montibus & vallibus  
 vberimis referta, populis fulta & his hominibus bellacibus,  
 ob Muteczuma hostis perpetui viciniam. Huic haeret provin-  
 cia alia regio, nomine Guazuzingo. Eodem regitur ordine,  
 quo Tascalteca, sub reipublicae norma. Latronum sunt omnes  
 inimici, deprehensos per fora ducunt victos & fustibus ad  
 animae exhalationem cedunt. Sunt recti observatores. Viginti  
 apud Tascaltecanos egit dies. Quo tempore sex Muteczuma-  
 ni nuntii illius semper lateri adhaeserunt, persuadere Cortesio  
 conantes ne sibi Tascaltecanos conciliaret, ne fideret infidis  
 ac dolosis hominibus. Tascaltecani è contra, Muteczumanos  
 tyrannos esse, ducturosque Cortesium in praecipitium aliquod eru-  
 nosum, si eis crediderit. Hac dissensione tacitus gaudebat Cor-  
 tesius. Alterna illorum odia sibi profutura putauit, placidis  
 orationibus virosque depascebat. Instabant Muteczumani



legati ut se Cortesius à Tascaltecanis exolueret, ciuitatemque adiret, non longius quinque leucarum intervallo distantem, Muteczuma diuionis nomine Chiurutecal. Inde dicebant facilius posse tractari quicquid cum Muteczuma esset agendum. E contra Tascaltecani Cortesio renunciabant insidias esse illi paratas & in vias & in vrbe ipsa Chiurutecala. In via quod pluribus in locis eius ciues absciderint itinera in quibus equi periclitarentur, & alia à veteri cursu deducta itinera significarunt. Intra urbem vero vias esse conclusas plerisque in locis & aggeribus munitas. Coegisseque ciues illos in solariis ac turriculis & fenestris, vicis ac viis publicis imminentibus lapidum magnam congeriem, quibus ex alto adeuntes nostros conficerent. Corrupto viuere contra nostros animo Chiurutecalenses, argumento esse disseruerunt Tascaltecani, quod nunquam, uti ex distantiore ciuitate Guazuzingo fecerant, ad se venerint Chiurutecalenses. Hac re intellecta misit Cortesius ad Chiurutecalenses conquestum de iniuria & negligentia illorum. Mandato Cortesi cognito, legatos miserunt, sed plebeios & nullius momenti homines, qui dicerent se non venisse hactenus, quod per terras inimicorum erat veniendum, bono tamen esse animo erga Cortesium Chiurutecalenses retulerunt. Cognita contumelia, quod primores ad se venire fuerint dignati, minabundus vulgares illos dimisit, cum mandatis, nisi post tertium adessent diem primarii ciuitatis illius, iturum se hostiliter in eos, quid soleat iratus operari se experturos inquit, si distulerint accessum ad praestandam Hispano Regi obseruantiam, cuius est omnium terrarum illarum imperium. Venerunt. Excusationes innexas, admissurum se Cortesius ait, si steterint promissis. Se libenti animo facturos imperata polliciti sunt, seque id cogniturum & Tascaltecanos fuisse mentitos intellecturum & tributa se impartituros ad Cortesi edictum, si ad se ierit, obtulerunt. Ita diu ambiguus in



diuersa trahebatur studia. Statuit tandem experiri fortunam  
 & Mutecumanis morem gerens, iter capit Chiurutecalam  
 versus. Tascaltecani vero sententia eius audita, nil proficere  
 sua consilia cernentes, nullo pacto se passuros inquirunt, ut Cor-  
 tesus Mutecumanorum fidei se libere credat, ita ut in eo-  
 rum sit libera potestate, posse illi obesse. Se gratos fore homini,  
 qui tanta sit usus in eos benignitate, admiseritque Tascalte-  
 canos post innumeros errores in amicitiam, quum delere pe-  
 nitus eos in benemeritam vindictam potuisset. Centum ar-  
 matorum milia prætoria cohortis loco se daturus instans.  
 Venuit Cortesius. Nil vetuisse profuit. Cum ea phalange  
 centum pene millium prima nocte castra locauit, in vnius  
 obiecti fluminis ripa. Duobus inde millibus in sui tutelam  
 retentis, ceteros dimisit, meritis illis, ut par erat, grates a-  
 gens. Accedentes nostros Chiurutecalenses sacerdotes, mo-  
 re suo cum puellarum, puerorumque cantibus, & tympa-  
 norum ac lituorum clangoribus procul prodeuntes suscep-  
 runt. Introeuntes sat commode hospitati sunt, ac depasti,  
 non laute tamen, aut copiose. De viarum clausura & ag-  
 geribus, deque paratis lapidibus aliquid senserunt, ut à  
 Tascaltecanis fuerant moniti. Ecce à Mutecuma nuncios  
 recentes: ciues Chiurutecanos hi sunt allocuti ad aurem, Cor-  
 tesium minime. Quid egerint cum nostris nuncij sciscitati  
 sunt, ciues nil vltra responderunt. Quare motus in suspi-  
 tionem, Tascaltecanorum consilii memor, Cortesius per Hie-  
 ronimum Aquilarem interpretem, qui & harum terrarum  
 idiomata callebat, cum in vicinis terris diu seruierit, inue-  
 nem vnum admissum percontatur. Quæ intellexit, hæc  
 sunt. Chiurutecalenses, inquit ille, pueros omnes, ac senes cum  
 fæminis & facultatibus emisisse nostris adeuntibus. Quid a-  
 liud cogitent se nescire profutetur. Proditio est detecta, sed  
 ordine quo referendum est. Apud fæminam Chiurute-

Proditio  
 detecta.



calensem puella versabatur Zempoalensis, quæ virum,  
vel forte amicum sequuta fuerat. Chiurutecalensis fœmina  
his verbis Zempoalensem aduenam alloquitur. Amice pro-  
ficiscere mecum. Quo tandem, inquit, ille? extra urbem,  
& procul hinc ait. Quid rei moueat illam interrogat ad-  
uena. Venturam ea nocte refert à Muteczuma multitu-  
dinem armatorum innumeram, quotquot intra hæc mœnia  
repererint, trucidabunt. Quod tui miserear hæc tibi aperio: ne  
moreris, ni vna cum ceteris placidos hos tuæ puerilis ætatis  
annos crudeliter finire desideras. Aquilari puella rem de-  
tegit. Vestigaturus negotium, rem Cortesius cognoscit, vera  
esse intellexit. Chiurutecaleses primarios accersit. Suos  
esse paratos in armis imperat. Centurionibus rem aperit,  
ut dato sclopetæ signo, ruant in sceleris autores, quos ipse  
vocatos erat habiturus in sui hospitii aula coniunctos. Ve-  
niunt principes ciuitatis, in vincula, re prius monstrata,  
conicit, in equum salit, exit. Atrij sui fores armatis cir-  
cumspectas reperit. Cuius erat ea multitudo, quæ ventu-  
ros expectabat, armata. Adoritur illos, priusquàm re-  
liqui accederent, pugnatum est diu acriter, ait ipse quin-  
que horarum spacio. Strauit tandem Barbaros infidos. Ad  
atrium redit assignatum. Cives vinctos ad se vocat. Cur  
ita fiat interrogati, responderunt se à Muteczuma fuisse de-  
ceptos. Ipsis inuitis id actum esse. Si pepercerit, se pollicen-  
tur fore perpetuo obnoxios, neque Muteczumæ ultra pari-  
turos. Zempoalenses, ac Tascaltecani auxiliarij, se habue-  
runt eo die strenuis animis, ob conceptum in Muteczumæ  
tyrannidem odium. Pepercit ciuibus Cortesius. Ut mu-  
lieres & pueros, ac reliqua repeterent, reducerent-  
que imperauit. Ita factum est. Repleta est suo popu-  
lo ciuitas. His actis operam dedit, ut Tascalteca-

T iij



Descrip  
tio vrbis  
Chiurutec  
calli.

ni & Chiurutecalenses conciliarentur & conuenirent ani-  
mis, qui prius opera MutecXuma dissidebant, odioque sese in  
uicem capitali prosequabantur. Est ea ciuitas Chiurutecalla  
in vberi planitie, domorum, vti scribunt, intra muros calce, ac  
lapidibus constructos viginti millium, per suburbia totidem.  
Fuerat quondam respublica. Dediticiam fecerat, ac dicto paren-  
tem sibi MutecXuma. Vtraque ciuitas nobis iam parebit li-  
bens. Sunt ditiores, vestesque assequuntur nobiliores hi, quam  
vicini eorum Tascaltecani. Per deductas fossas magnam suae  
planitiei partem irrigat Chiurutecalli. Turritis mœnibus est bene  
munita. Ex vno celso templo scribit Cortesius quadringentas se-  
turres numerasse tracti, per ciuitatis vicos rectas amplius, quae  
omnes templorum fungebantur officio. Habet haec regio terras  
aptas ad pascuas, quod se nullibi haecenus in illis terris reperis-  
se ait quia sint aliae populis adeo refertae ut vix ad serendum  
agri copia suppetat. Quum haec ita successissent, MutecXuma  
legatos ad se vocat, incusat heri sui aries iniquas, dolo agere  
& aliena manu insidiosae moliri, non esse principis egregium,  
qualem esse MutecXumam arbitratur. Datam alias per  
internuncios amicitiae fidem, se non ultra seruaturum ait Cor-  
tesius, quandoquidem ita proditorie MutecXumam contra ius-  
iurandum ea fuerit machinatus. Legati vero semixanimes  
suum heram nil tale cogitasse, aut sciuisse dixerunt, tempus  
ea detecturum, quae ipsi dicant. Fidei seruatores semper  
fuisse MutecXumam, inquit, quo se ab ira Cortesii serua-  
rent Chiurutecalenses ea fuisse commentatos. His dictis petunt  
à Cortesio legati ut cum bona ipsius venia liceat vnum e suo  
collegio mittere ad MutecXumam ea renunciaturum, quae tra-  
ctentur. Datus est commeatus. Intra paucos dies regressus, do-  
na tulit Rege digna. Lances aureas decem, vestes gofampias,  
vti scribit, suo mores mille ac quingentas. Iam dixi alias de  
angustis animis satisfiat, ne apertius haec dicturum, vnde



301 vestes is Rex assequatur in ipsius Regis æconomia. Come-  
 stibilia præterea multa. Sed præcipue Vinum, quo Reges &  
 procures fruuntur à populo diuersum. Multa namque poculo-  
 rum genera conficiunt, ex maucio generale plebeium, è fructi-  
 bus variis meliora. Sed ex amigdalis quibusdam, quibus pe-  
 cunia loco vititur mira. De hac amigdala dicemus infra. Per  
 eum familiarem igitur MutecXuma & recentes alios legatos  
 affirmavit ignota sibi esse, quæ Chiuritecalenses dixerint de  
 se, mentitos in sui excusationem: futurum aliquando ut in-  
 telligat veram esse inter se amicitia, neque fraude media cõ-  
 sueuisse MutecXumam res tentare. Postulat inter hac tamen  
 iterum, ut à sumpto proposito adeundi suam ciuitatem deci-  
 dat, ob rerum carentiam, quia in aquis posita ciuitas illa, re-  
 rum omnium sit indiga sui natura. Suis incolis esse à veteri  
 vicinia commercio satis refertã ait. Sed si hospites accesserint,  
 futuram inopem & egenam. Id se annuere posse Cortesius  
 negauit, quod ita in mandatis habeat à Rege suo. Cognita Cor-  
 tesii sententia, per legatos Cortesio significat, se in ciuitate ex-  
 pectaturum & pro viribus daturum operam, ne quid deficiat.  
 Misitque primarios plerosque, qui eum ad se comitentur. Mo-  
 net igitur versus Tenustitanam ciuitatem, visendi cupidus.  
 Ad leucas octo montem æstate cineribus coopertum, ac bici-  
 pitem reperit vndique liberum, nomine Popocatepeque, quod  
 idem significat, quod mons fumosus, quia eorum lingua Popo-  
 ca dicitur fumus, tepeque mons. A cuius verticibus fumus  
 exit perpetuo flatus, validus, recta tendens ad nubila, uti obscu-  
 ra nubes crasso surgit vapore, adeo ut magnæ domus quanti-  
 tatem æquet fumus, tolliturque in auras tanto furore, ut licet  
 acris ventis aer concutiat, neuiquã tamen detorqueatur  
 fumus. Eam rem admiratus Cortesius, decem viros animo pol-  
 lentes Hispanos ducentibus indigenis misit, qui tantæ rei cau-  
 sam, si possibile fuerit, vestigent. Dicto parent, montem ascendant

Mons Po-  
 catepe-  
 que.



Audacia  
Hispano-  
rum.

quo propius potuere. Non licuit per densos cineres ad extremum apicem accedere, se tamen applicarunt adeo, ut rugitus exeuntis flammæ, fumique strepitum senserint efferum & formidolosum, cum perpetuis turbinibus montem pererrantibus, ita ut mons ipse tremere, ac velle ruere videretur. E nunciis autem duo ceteris audentiores Hispani, culmen præhendere, dissuadentibus incolis statuerunt. Ad prospectu vastæ faucis illius ascenderunt. Hanc sesquileucam esse patentem prædicant. Flammæ sæuiantis stridore perterriti, redierunt, sorte sua fœlices. Enaferunt subcrescentis flammæ impetum, quæ lenius eo tempore scatebat, sed breuissimo interiecto spatio, cum lapidum iactu inaudito, regressa est rabidissima, & nisi forte fortuna locum parumper concauum in via reperissent, qui latibulum illis præbuit, donec lapidum ille delapsus præteriret (neque enim semper lapides iaculatur mons ipse) actum erat de illorum vita. Fuit incolis tanta hæc admirationi, ut ad eos visendos undique concurrerint cum muneribus, veluti ad semideos. Hoc est Pater sancte non prætereundum. Reges arbitrantur incolæ, qui aduersæ gubernauerint viuentes, habere sibi sedem, temporaneam tamē, inter illos ignes, ubi scelerum labes expurgent, cacodæmonibus comites. His perquisitis Mutecumani legati Cortesum ducebant, quæ Tascaltecani eundem dissuaserant. Ea namque via passus incommodos, fossas, ac lacunas angustis pontibus refertas habet, ubi facile profligari quiret exercitus, quia non possint confertim per ea loca traicere. Aliud ergo iter aliquanto lōgins ac difficilius, quia per lapidasas terras, aggressus est. Per imas altorum montium fumigantium valles, unde cum iam exirent & ex collibus montanis à fronte despicerent, vallē prospectant ingentem. Ea est Colua, in qua magna ciuitas Tenuisitana lacunaris iacet. Duobus lacubus est nobilis hæc ingens Vallis, salso vno, in quo ciuitas est sita (is est ambitu leucarum



Ut ipsi aiunt, sexaginta) dulci altero, de quibus latius infra dicemus. Mutecumæ legati, qui nostros comitabantur, cur per aliud iter ducere agmen tentarent, interrogati, responderunt se non negare quin hoc iter sit commodius. Sed quoniam per Guazuzingorum terras hostiles erat eundem, itinere diei vnius, quodque commeatum copia forte defuisset, ea via suasisse illud. Hic aduertendum quod Guazuzingi & Tascaltecani, respublicæ duæ, fœderibus erant, & animis in Mutecumam connexis: inde pauperes esse reppererunt, quod circumsepti ab hoste tanto, nullius alterius nationis commercio fruebantur. Quare provincialibus suis tantum prouentibus usi, calamitose vivebāt, ne Regi cuiquam subderent colla. Cortesio tamē, quod se speraret eius opera posse aliquando libere vagari, amicitia fœdera præstiterunt, & in signum eius rei mancipia quadā & suo more vestes, pauperes tamen, dono dederunt, victuiq; necessaria sat copiose, vno die tantum sunt impartiti. Iam Augustus terga vertebat, quando necdum bene montium illorum fauces egressus, ad atrium campestre, ad delicias æstivas extrinsecum, ductus est, ingens adeo, ut in eo noctem illam vniuersus exercitus sat commode fuerit hospitatus. Reperit namque censu habito, secumē Tempoalensibus, Tascaltecanis, Guazuzingis & Chiurutecallensibus armatorum milia quattuor amplius, ē suis Hispanis vix tercentum. Sed uti iam dictum est, ad sedandos exilium & angustarum mentium sermones, tormentis & equis, generibus ignotis, res agitur, magis quā bellatorum multitudine. Neque victus defuit. Mutecumani quippe oeconomi, quacumque nostri proficiscebantur, satis lautē providebant. Frigore hic tremuerunt, ob altorum montium viciniam, propterea magnis ignibus opus fuit. Ad Cortesium Mutecumæ frater, cum proceribus plerisque venit, eo die. Dona tulere Mutecumæ nomine trium millium



castellanorum auri, monilia egregia, admixtis tamen precibus  
 ut reuertantur, sistantque ubicumque placuerit Tributa præ-  
 biturum Muteczumam quaecumque Cortesius dictauerit,  
 modo ire desinat ad ciuitatem aquis circunseptam, ubi neces-  
 sario cum tanta præcipue multitudine, sit laborandum inopia  
 rerum, quia suapte natura nihil producat, nullo pacto defutu-  
 rum, aut vlllo tempore ab eius Regis, à quo se missum ait, obser-  
 uantia. Repetitis Muteczumæ, quanto lenius potuit Cortesius  
 id se libenter facturum, ut tanto Regi morem gereret, si per  
 sui Regis mandata liceret. Aduentum suum non debere ip-  
 sos arbitrari futurum incommodum, immo vilem, ac honori-  
 ficum. Se iturum quando aliter nequeat efficere. Si vero post-  
 hæc fuerit Muteczumæ sua mora molesta, rediturum se ilico  
 fœderibus ictis & compositis rebus inter vtrūque, quæ mul-  
 to clarius & commodius fient coram, quam per nuncios al-  
 ternos. Dum in his versarentur, non destitisse interea incolas  
 ab insidiis parandis ait Cortesius, syluasque aruo montanas  
 imminentes, ea nocte armatis fuisse refertas. Sed se adeo cau-  
 tum semper fuisse iactat, ut ab eorum artibus, ac dolis, faci-  
 le se exemerit. Mouens inde ciuitatem versus lacunarem, repe-  
 rit terrestrem ciuitatem aliam, domorum, ut aiunt, viginti  
 millium, nomine Amaquemeca, cuius prouincia nomen est  
 Chialco. Eius loci Regulus Muteczuma ditionarius, biduo no-  
 stros laute, copioseque depascuit, deditque hospitibus dono triū  
 millium Castellanorum auri, monilia, uti alius paulo ante:  
 dedit, & quadraginta mancipia. Ad leucas inde quatuor,  
 lacuna inhaesit dulci, ea multo minor salsa est. Vrbs est in eius  
 littore, parte dimidia in aqua, altera in sicco. Adiacet vrbi  
 mons altus. Ad Cortesium illuc venerunt viri duodecim,  
 quorum primas lectica veetus est, humeris hominum. Anno-  
 rum erat quinque ac viginti. Ad huius descensum è lectica  
 celeri cursu properarunt ceteri, sordesque omnes ac lapillos,



Et si palea ibi iacebat, paleam purgando quā iturus erat salutatum Cortesium. Post salutatum Mutecūma nomine Cortesium, ab eo petiit, ne argueretur, rex incuria, vel negligentia, quod non prodierit obviam egrotare illum inquiens, se autem missos, ut eum comitentur. Si tamen propositum adeundū mutare vellet, fore sibi gratissimum. Blandis illos verbis et gratis quibusdā nostratibus munusculis demulsit. Abierūt alacres. Illorum vestigia secutus Cortesius, oppidum aliud in aqua lacunæ dulcis positum, domorum mille et quingentarium inuenit. Lintribus ad illud itur, ac reditur. Sunt eorum cymbæ in lignea vii de Canois insularium sepe dixi, vocant ipsi nauculas eas Acales. Progrediens per eius lacunæ mediū, stratam reperit viam altitudine hastali, quæ ad aliud oppidū ducit egregium, domorum bismille. Fuit hic honorifice susceptus, ut apud se pernoctaret Cortesius oppidani optabant, negarūt Mutecūmani Principes comitantes. Ad ciuitatem multo maiorem eā vespere illum Mutecūmani duxerunt, quæ iam lacunæ salsa littus tangit, nomine Itapalapam. Ea est fratris Mutecūmæ ditioria spacio trium leucarum ab oppido priore, cuius nomen Tacatepla. Ab Itapalapa distat alia ciuitas, nomine Coluacam leucas tres, à qua et provincia Colua, vnde nostri ab initio dedere nomen vniuersæ terræ, quod à longe de illa intellexerant. Itapalapa est domorum, ut aiunt, octo millium, egregiarum maiori ex parte. Coluacana non multo minor. Apud Mutecūma fratrem erat Coluacana regulus, qui et ipse Cortesium preciosis donauit muneribus. Itapalapæ reguli atrium aiunt esse miris modis calce ac lapidibus fabrefactum. Lignariam etiam artem in eo pollere dicūt. Pauimēta esse regalia, penetraliaque et cubicula cum ingentibus aulis, laudant apertis faucibus. Hortos habet ea domus variis arboribus et oleribus, ac floridis herbis, et suauē olentibus cultissimos. Cum multis etiam piscium



generibus stagna ingentia insunt, in quibus adnatant omnium aquaticarum volucrum species varia. Ad lacunarum usque solum profundum descendi potest per gradus marmoreos alatos à longe. Mira vero de ambulatoria cannarum retibus circumsepta, ne quis ad areas, aut arboreos fructus libere possit introire. Mille blandimentis sunt illae sepes constructae, vii apud delicatos cardines purpureos ex myrto, aut ex rore marino, buxo etiam, & multis in locis aliis accidit, pulchra visu omnia. Minuta de his rebus refert multa, quae iam me sua prolixitate fatigant. Cateris omissis in Tenustitanam civitatem, & Muteczuma optatos ab una partium amplexus iam virum istum Cortesium proiciamus.

## CAPVT TERTIVM.

**N**IV R ex Itapalapa ad Tenustitanam magni regis Muteczuma sedem, per manufactum arte, ac impensa incredibili murum lapideum, in aqua ipsa erectum, duarum hastarum latitudine. Is murus pontis officio fungitur. Est namque & Itapalapa ipsa parte aliqua, in salso lacu, reliqua in terra edificata. Lateri uni pontis illius duae civitates inhaerent, partim in aqua fundatae. In altero una, quarum prima obvia gradientibus, dicitur Mesqualingo: secunda est Coluacana, de qua paulo ante: Tertia vero dicitur Huichilabusco. Primam aiunt domorum esse trium millium amplius, sex millium secundam, tertiam quatuor millium, turritis omnes & magnificis fultas Idolorum templis. Civitates haec ponti adherentes sal conficiunt, quo universae illarum terrarum nationes utuntur. Ex aqua lacuna salsa, illud congelant, per fossulas in terram ad id condensandum aptam, deducta. Congelatum concoquunt, in glomos posthac,

Quomo-  
do sal cōfi-  
ciant.



aut paniculos formant, per fora, & nundinas peregrinarum rerum permutatione asportandum. Mutecuma tantū deditū salis illius commoditate participes fiebant. Detrectantes autem illius mandata minime. Sine sale propterea Tascaltecani, & Guazuzingi, plerique etiā alij suas escas condiebant, quia, ut diximus, Mutecuma imperio aduersabantur. Sunt huiusmodi muri, qui pontium à terrestribus locis ad ciuitates aqueas vicem gerunt, plures, seque interdum uti via diuersae coniungunt. Ad hunc murum ab Ixtapalapa discedentem, murus alter ab alio ciuitatis latere occurrit. In obuiio Castellum erectum est turrium duarum inexpugnabilem. Inde vno itinere itur ad ciuitatem. In his muris, seu pontibus, tractim sunt ponticuli trabeales, mobiles, qui quando bellica ingruit aliqua suspicio, eleuantur. Propter portuaria etiam fieri arbitror scissuras illas ne fraudentur, ut multis in locis, quae pace tranquilla fruuntur, videmus ciuitatum claudi noctu portas, non alia de causa. Pontibus eleuatis putei restant aquarū transeuntium. Alitū praebeū aquis, fluūt ibi ac reflūūt aquae, ut aiunt. Hoc est in natura mirū, meo & illorū iudicio, qui credere se nullo pacto aiunt posse id accidere, quod ipsi non aliās legerint, Pater Sancte. Distat à mari ciuitas haec lacunaris, siue lacuna ipsius salis situs, leucas septuaginta amplius. Iacentque mediū montium altorū tractus duo, duaeque valles ingentes inter utrosque montes. Maris tamen fluxum suscipit, ac refluxum lacuna, ni metiuntur. Sed quā sit maris ingressus aut regressus nemini cōstat. Fluctu aduentate, per duorum collium fauces, in dulcis lacuna alueum euomitur salsa, redeunte vero impetu redit ex dulci ad salsam, nec propterea dulcis ita corrūpitur, quin bibi possit, neque salsa dulcescit. Satis de lacunis, muris, pōtibus & castellis. Ad spectaculū tādē Hispanis placidū, quia diu optatum, Tenustiatanis prudentibus forte aliter, quia verentur fore, ut hi hospites quie-



tem suam Elysiam veniant perturbaturi, de populo secus, qui nil sentit aque delectabile, quam res novas ante oculos in praesentiarum habere, de futuro nihil anxius. Ad hoc biuii usque à ciuitate Venerunt obuiam Cortesio mille viri, patrio more ornati. Cortesium, sua quique cerimonia vsi, salutant: Ea est, terram dextra contingere, ex qua parte dextra terram tetigerint, eam osculantur in obseruantiae signum. Nobiles hi curiales omnes erant. At tetgo rex ipse tantopere desideratus, iam tandem aduenit. Est ea via, ut iam dixi sesquileucam, aiunt alii duas leucas, producta, adeo tamen recta, ut rubrica iactata nihil possit deduci rectius. Si oculorum prospiciētis aliquius acies ei seruiuerit, ex ipso castello vnde Cortesius mouit ad Muteczumam ciuitatis ingressum facile percipiet. Per pontis eius medium iter gradiebatur Rex, per pontis latera gēs reliqua subsequenter ordine seruato, æquo inter se distantes intervallo. Nudis pedibus omnes. A lacertis Muteczumam duo Principes, quorum vnus frater eius erat, Itapalapæ dominus, è primoribus alter, regem captum trahebant, non quod indigeret tali auxilio, sed moris est eorum ita obseruare reges, ut procerum viribus sustineri videantur. Accedente Muteczuma, Cortesius ex equo quo portabatur, desiliuit. Amplexurus Regem adit. Collaterales principes prohibuerunt. Nefas apud eos est regem tangere. Qui à lateribus veniebant, agminibus compositis, assignata deserebant loca, ut singuli cum solita cerimonia Cortesium salutarent. Ad locum quisque mox suum regrediebatur, ne ordo confunderetur. Post peractas alacres salutationes, Cortesius ad Regem conuersus, quem collo gestabat exigui precii torquem sibi abstulit, & regi collo imposuit. Vitrei namque variorum colorum erant, Adamantes partim vniones & Pyropi ex vitro partim Muteczuma tamen donum placuit. Duobus aliis torquibus gemmeis, & aureis cocleis, & cæcis aureis appensis cōpensauit Muteczuma.

Susceptis



Susceptis omnibus, qui exierant obuiam, faciem vertunt ad ingentem illam miraculo ascribendam ciuitatem. Eodem ordine, quo venerant, regrediuntur omnes per pontis eius admirandi latera, medio pontis campo Mutecuma Regi, nostrisque solis relicto. Proh facinus spectandum & horrendum dictu. Ab utroque Pontis eius exteriori latere, crebrae turres erant in laetitia sita magnifice, quae omnes templorum vices gerebant. In his passim vel mancipiorum precio emptorum, vel deditionum filij vectigalis loco ad id destinati, corpora pro hostiis immolabantur, horrore quodam non intellecto. Scalpi sibi viscera transeundo plerique rem intelligentes professi sunt. Ad atrium tandem ingens, veterem Mutecuma maiorum sedem, ornatu regio comptum, peruentum est. Ibi locauit Mutecuma Cortesium in Aula regia super throno aureo, reuersusque est ad aliud atrium. Lautis & regalibus iussit omnes Cortesii comites dapibus saturari, hospitibusque cuique ipsorum commodis suscipi. Post paucas horas pransus rediit ad Cortesium Mutecuma. Cubicularios, ac necessarios familiares duxit, vestibibus auro & viuacissimis coloribus intextis, ex Gossampio onustos. Incredible dictus, sed quam credibile sit, infra dicemus. Sex milia vestium aiunt qui eas videre. Scribit idem Cortesius. Ex auro, atque argento una dona multa tulerunt. Erat apud Cortesii tribunal stratum aliud tabulatum, eodem ornatu comptum. In illo Mutecuma vocatis ad se proceribus regnorum omnibus, orationem habuit huiusmodi, vii per interpretes quos Hieronymus Aquilaris intelligebat, perceperunt.

Viri virtute bellica egregij, & in supplices benigni, faelicem opto, speroque fore congressum hunc vestrum. Faustus ad has terras sit vester aduentus. Dehinc ad proceres conuersus suos haec ait. Ex relatu maiorum cognouimus nos esse aduenas. Ad oras magnus quidam princeps post omnium viuentium memoriam, classe vectus, maiores nostros perdis-

Oratio  
Mutecumae  
maz.



xit, an sponte sua, an tempestatibus actus, nō liquet, comitibus relictis discessit in patriam, regressus demum voluisset adductos remeare. Domos iam sibi construxerant, provincialibusque fœminis sociati filios procreauerant, ac fixa domicilia habebant pacatissima. Renuerunt de reditu maiores nostri, neque illius dicto ulterius auscultaunt. Elegerant namque iam sibi de seipsis & senatum, & populi principes, quorum consiliis regerentur, feruntque abiisse minabundum. Nusquam apparuit ad hæc vsque tempora quisquam ius illius ductoris repetens. Vos hortor, moneoque meorum regnorum proceres, ut eadem obseruantia tanti regis ducem hunc, qua me ipsum prosequamini, vectigaliaque mihi debita, illi ad sui libitum præbeat. Ad Cortesium deinde faciem vertens, hæc addidit. Arbitramur ergo ex his, quæ dixi, regem eum, quem vos mississe dicitis, originem ab illo traxisse, quare bonis aurius adstis, quiescite animis à laboribus, quos immanes, ex quo hæc terras estis ingressi, fuisse passos intellexi, languentia iam corpora curate. Vestra sunt omnia quæ possidemus regna. Tibi Primario quicumque sis, duci ad hoc misso, regnis omnibus, quæ mihi fuerunt obnoxia, liceat imperare. Quod autem ad Zempoalensium, Tascaltecanorum, & Guazuzingorū relata, de me attinet, iure merito illa capi debent, ut ea, quæ de hostili animo processerunt, rerū experientia fuisse mentitos ostendet. Domos meas esse aureas, aureas & storeas, ac suppellectilia aurea, meque Deum esse, non hominem, blatterarunt. Lapidæas esse mihi ades, ex fluuiialibus herbis storeas, ex gosampio suppellectilia tu ipse vides. Aurea me habere monilia in thesauros congesta fateor. Ea sunt tua: illius tanti regis nostri nomine vtere pro libito. Quod autem me non esse hominem, ac immortalem tibi dixerint, en brachia, en crura mea, carnea ne sint, atque osseas tu videris. Hæc dices, brachia, cruraque semilachrymas detegebat. Vbi dicendi finē fecit, solatus est eū Cortesius, & rei bene gerenda sp̄e dedit. Discessit his actis Mute-

In pote-  
statē Cor-  
tesii om-  
nia ponit



Zuma, satis vultu læt<sup>us</sup>, an stomacho sedatus, qui aliquādo gustauerit imperium, ne patiatur collegā, iudicet, & an hospites per vim quis vnquam libens susceperit, experti loquantur. In vocatorum principum facie, qui demissis in terram oculis, id audiuerant, quā placidus fuerit ille conuentus, liquet intelligere. Lachrymabundi namque cum suspiriis, ac singultibus quicquid actum est susceperunt, hæsitantque diu silentes. Se tandem Mutec Zuma mandata sequituros sunt polliciti. Nō potuisse tamen tantā tamque repentina rerum permutatione nō perturbari animis. Dimisso consilio ad natales quisque suos perrexit. De hoc iam satis. Quæ successerint ex eo congressu nunc referamus. Mutec Zuma, suisque dediticiis, & necessariis, pessimo quidem successu omnia euenerunt, vt infra dicemus. Sed nostra religionis augmento, egregie speramus namque fore, vt propediē sanguinaria illa libamina tollatur è medio, cum amplexu mandatorum Christi. Ita egerunt dies tranquillos sex. Post vero ærumnosa subsequentes omnes, adeo, vt nihil infœlicius populari cuiquam acciderit, ne modo regi vnquam. Sex namque diebus illis elapsis, siue quod ita euenerit, siue quod ita occasionem nancisci voluerit Cortesius, ab eo arctis præfecto, quem in Colonia Vera Crucis presidio relictū diximus, litteras habuisse paulo ante dixit, quibus præfectus ille renunciabat, Coalcopocam eius provincie regulū, in qua Cortesius coloniam erexerat nomine indito Almeriam, rem fœdam, & nullo pacto ferrndam admisisse. Coalcopocam re-

Littera  
ad Corte  
siū à præ  
fecto Ve  
ra crucis.



mites in sui tutelam. Sperasse quippe se aiebat non ausuros inimicos moliri aduersi quicquam Hispanis comitibus. Credidit nuncio praefectus. Quatuor Hispanos ad Coalcopocam misit, qui eum ad se comitarentur, per amicas ipsi terras, Coalcopoca autem contra. Adeuntes nuncij, intra Coalcopoca fines fuerunt oppressi, duos illico grassatores peremerunt, reliqui duo vulneribus confossi euaserunt. Coalcopoca consilio actum arbitratus praefectus in rei vindictam in Coalcopocam tendit. Equos habebat duos tantum, cum his sclopetarios, & tormentorum vasa quaedam ac pedites. E comitibus quinquaginta secum ducit, auxilio tamen vicinorum Coalcopoca inimicorum accito, ciuitatem Coalcopoca impetuit. Obstiterunt acriter Coalcopocani.

Coalcopoca  
ciuitas  
a nostris  
expugna-  
ta

In oppugnatione septem Hispanos peremerunt, ex auxiliariis & plerosque. Tandem expugnata & in pradam data fuit Coalcopoca sedes, ciuibus multis trucidatis, captisque. Coalcopoca fugiens euasit. Occasionem hanc naetus Cortesius, miserum Muteczumam statuit labefactare, veritus ne forte fortuna mutetur, ne ve aliquando fastiditus Hispanorum insolentia, quos ipse in ocio praesertim & saturitate frenare nequebat, timens etiam ne diuturna hospicii molestia iam hospites suscipientes desperaret, Muteczumam adit. Scriptum ad se fuisse inquit, dictumque, Coalcopocam dediticium suum, ea in praefectum arcis Verae Crucis patrasse, non in scio solum, immo iubente Muteczuma. Se non ea credidisse inquit Cortesius. Ad tollendam tamen omnem suspicionem ab animo regis magni, ad cuius aures rem deuenisse fabulatus est, oportere, ut ad atrium, quod ipse Cortesius inhabitat, profisciscatur Muteczuma, quo scribere queat se habere illum in potestate, licet nihil velit de urbis & regnorum regimine immutari. Muteczuma vero, quamuis intelligat auctoritatem suam paulatim ire precipitem, annuit postulato tamen. Leticam, qua transeat, asferri iubet. Murmur in populo ex tanta nouitate rerum exortum est, ac tumultuari captum. Armerium deiectum, & si-



lentium indixit MutecXuma. Se sua sponte id facere persuasit omnibus. Comitati sunt herum obortis lachrymis proceres, ac familiares. Paucos post dies petit, ut Coalcopocam, & illius facinoris participes accersat puniendos, quo possit ipsius innocentiam apud magnum regem expurgare. Paret MutecXuma. Familiaribus fidei accitis dat sigillum arcanum, in sua ultima voluntatis argumentum, addito in mandatis, ut vicinioribus vocatis populis dediticiis, illata vi conentur illum adducere, si venire recusauerit. Veniunt Coalcopoca, filiusque illius vnus, & primarii quindecim. Se id patrasse cum MutecXuma voluntate negavit primò. Cortesius Coalcopocam & reliquos vna cum filio, structo in ingenti platea magno rogo comburi iussit, MutecXuma, vniuersaque ingenti platea magno rogo comburi iussit, MutecXuma, vniuersaque ingenti eius regia ciuitate inspectante, lata in eos proditionis sententia. Illi verò cum se ad supplicium duci viderent, de MutecXuma imperio confessi sunt. Vnde Cortesius, qui quaesitis occasionibus, MutecXuma imperium sibi vendicare studebat, cōpedibus nequit MutecXumam, quem apud se habebat, minitabundus insuper iecit in illum iurgia. Infelix tunc MutecXuma, re adeo noua percussus, formidine repletur, decidit animo, neque iam erigere caput audet, aut suorum auxilia implorare: soluit illum tamen ilico, incusauitque grauius facti. Ille vero pœnam se meruisse fassus est, uti agnus mitis. Ae quo animo pati videtur has regulas grammaticalibus duriores, imberbis pueris dictatas, omnia placide fert, ne seditio ciuium & procerum oriatur. Quodcunque iugum sibi lenius esse videtur, quàm suorum exagitatio, ac si Diocletiani regeretur exemplo, qui venenum potius statuit sorbere, quàm habenas imperij abiecti resumere. Post id MutecXumã alloquitur Cortesius, sperare se inquit fidem seruaturum, quam prestauit de obseruantia, ceterisque fœderibus ictis illius magni regis

Cortesius  
ad Mutes  
Xumam.



Hispani nomine, propterea ut voluntatem expleat suam, liceat ad atrium in quo prius regio more splendebat regredi, si velit. Offert Cortesius. Renuit ille, inquit, nullo modo fieri posse, quin a suis proceribus stimuletur & mille molestiis torqueretur, ad excitandos tumultus esse paratos eorum animos, quos frendere dentibus intelligere se ait, quod Cortesium & socios cum ea praesertim officialium inferorum caterua suscepit. Quietius tutiusque se apud nostros agere vitam fassus est, quam in tanto suorum turbine versari. Deambulatum tamen interdum ad atria, quae ad delicias mira struxerat, gradiebatur, de quibus infra latius. Ita sub vnis diu vixerunt ambo tectis, Cortesius hospes receptus, & Muteczuma receptor, sed tunc è conuerso. Quandocumque ad vesperam reuertebatur, non ad regiam antiquam maiorum & suam sedem, sed ad Cortesi palatium tendebat. Comites omnes suos & Hispanos vna donis, è lectica descendens, afficiebat, seque ab Hispanis tractari volebat, quos alacri vultu & benignis sermonibus, appellabat & alloquebatur. His ita stantibus petiit à Muteczuma Cortesius, ut aurifodinas, à quibus ipse ac maiores eius aurum assequebantur, ostenderet: placere inquit Muteczuma: iussitque sine mora eius artis experientia pollentes opifices accersiri. Per diuersa diuersi mittuntur cum Hispanis à Cortesio designatis, qui Cortesio reportent quae viderint. Primi ad aurifodinas diriguntur prouinciae vnius nuncupata ZuZulla. Ea distat ab Tenustitana regia leucas octoginta, facili collectu aurum à tribus fluminibus legerunt, neque enim instrumenta secum Hispani tulerunt, ad purgandum apta. Incolae namque non tanti faciunt aurum, ut aliter illud perquirere curent, quam ut egesta arena inter lapillulos auri grana grandiora decerpant. Terram aiunt, quae media est leucarum intervallo, magnificis oppidis fultam. Alios ad regionem misit, nomine Tamaculappa, cuius incolae sunt ditiores, in vestium etiam

zuzulla  
prouincia.



gestamine ornatiores ZuZullanis, quod tellure gaudeant v-  
beriore. Ad aliam nomine Malinaltepech alios destinavit,  
quæ mari propior est, leucas distans à Regia lacuna sexagin-  
ta. Ex magno ibi flumine aurum collegerunt. Ad mon-  
tanam alij regionem tetenderunt, nomine Tenis. Hic sunt  
feri bellatores, hastas habent certatui aptas spittamarum tri-  
ginta. Eius regulus Coatelimaccus nomine, à MutecZuma  
legibus liber est. Hispanis licere suos fines pedibus terere,  
MutecZumanis minime dixit. Ita placide suscepit Coateli-  
maccus Hispanos & laute cibavit. Hæc regio Tenis octo est  
fluminibus aurum gignentibus omnibus, celebris. Misit ad Tachinte  
Cortesium nuncios hic Regulus, se suaque oblatum. bech.  
Destinati sunt alij ad provinciam nomine Tachintebech, duos in  
hac provincia fluuios aurum gignentes & ducendæ colonie  
regionem aptam inuenerunt. De huius terræ Tachinte-  
beche benignitate factus certior Cortesius, postulavit à Mu-  
tecZuma, ut magni Regis nostri nomine, domum in ea pro-  
uincia erigeret, in quam ituri ad aurum legendum se qui-  
rent recipere. Placuit. Imperavit architectis regiis, ut  
præsto essent. Fuit ministrorum eius diligentia tanta, ut  
duorum vix mensium interuallo, atrium struxerint, cu-  
iusque magni principis & vniuersæ regie familiæ capax, ne  
quid deficeret. Dum interea domus edificabatur sata sunt  
in ictu oculis, ut vulgo loquar, panicij grani, quo panem confi-  
ciunt, hemina innumera, fæseolique multi & leguminum va-  
ria genera, duoque illorum arborum milia, quæ pecuniariam  
amigdalam procreant, de quibus aliàs latius. Pro phantasma-  
te habebunt exiles ingenio, quod ex arboribus moneta colliga-  
tur. Condite fuerunt extra eadem grandiore tres aliæ domus  
atrii ministeriis addictæ. Lacunas etiam dulcium aqua-  
rum ingentes, in quibus & piscium & aquaticarum vo-  
lucrum copia nutriantur, sed anserum præcipue.

Z iij



Sumptuo  
sum atriū

Quingentas namque primo ictu iniici precepit, quia illis magis utantur ob plumas, quibus velamina conficiunt multimoda. Eas enim singulis annis expilant primo vere. Addidit & gallinas, quae sunt pavonibus nostris maiores & nihilo, ut alias dixi, deteriores, mille & quingentas ad esum praesentem & sobolem futuram. Quaecunque praeterea faciunt ad cultum agrorum & rem rusticam exercendam, instrumenta omnia. Scribit Cortesius atrium illud tam paruo erectum tempore, si vendi quiret, valoris esse Castellanorum viginti millium amplius, neque par illi esse in Hispania ullum. Damus quae dant. Interrogatus dehinc Muteczuma ubinā esset portus aliquis, nostris nauibus recipiendis aptus, respondit se nescire, quod rei maritimae sibi nunquam fuerit cura. Daturum se tamē litus omne depictum, quo locum ipsemet eligeret ad libitum. Eorum littorū gnaros cum Hispanis misit magistros, diuersas peragrarunt partes. In prouincia Guazacalco, cuius regulus est Muteczuma infensus, Hispanos admisit regulus, Muteczumanos minime. De nostrorum praestantia & virtute bellica se audiuisse regulus ait, ex quo Potencianenses subdidere, ex illōque tempore nostrorum amicitiam concupisse, fauste venisse se optare inquit, & fluminis fauces ingentes illis monstrauit, fluiuiumque aiunt esse profundum, hinc grandiorum nauium receptiuum. Condenda Colonia ibi sumpsit initium, ita rogante regulo, qui more patriae illius sex à suis dediti cius domos in huius fluminis ripa crexere. Plures promisit, ubi fuerit opus. Inuitauitque Hispanos ad aeternum domicilium, si voluerint pedem figere intra suos fines, immo & intra ciuitatem suam si maluerint. In amicitiae optatae signū dona misit, licet non magnifica, nunciosque ad Cortesium oblatū obseruantiam. Ad res Muteczumanas redeamus. Detento Muteczuma, vel ut liberi loquamur, in seruitutē honestā reducto, Catamazinus Hacoluacana prouincia possessor, cuius caput



est Tesucco, Muteczuma subiectus & affinis, calces excussit: se neque Cortesio nunc, neque Muteczuma paritutum vlierius professus est. Superbe cristas erexit in virumque. Hic quatuor ciuitatib<sup>9</sup> dominatur (inde dicitur Nahautechal, quia Nahau dicitur quatuor, Tecal dominus) sub Muteczuma tamen imperia: Vti tua Beatitudo nouit accidere in regnis nostris Europeis, sub Imperatoribus in Germania, sub regibus in Hispania & Gallia principes esse potentes, Caesaribus tamen & Regibus obtemperantes, cum terris ipsis, quibus imperitat. Ciuitatum earum primaria, nomine Tesucco, triginta millia aiunt esse domorum egregiis mœnibus & magnificis templis ac adibus insignem. Reliquas trium & quatuor millium esse focorum dicunt, cum villis ac vicis & pagis ditibus & vberre gleba fortunatis. Nunciis, Cortesi nomine, inuitatibus ad pacem, respondit elato supercilio. Ecquid? animo nos putatis esse ita strato ut vobis aduenis subiicere colla velimus? Et Muteczumam Regem acriter incussauit, quod ita languide se dediderit in nostrorum potestatem: Intellecturos quisnam ipse sit, si accesserint. Veniant quandocumque voluerint, excusso la certo edixit. Cortesius, his renunciatis, bello impetere Catamazinum optabat. Aliter agendum esse consuluit Muteczuma. Stragem fore paratam, si ad manus res deueniret, quia potens Catamazinus sit & egregiorum bello virorum dominus. Victoriā fore dubiam, & si vicerit, cruentam: artubus censuit atque astu agendum. Sibi eam relinqui curam dixit. Cristas abscissurum se Catamazino paruo negocio inquit. Stipendiariis nobilibus ducibus suis accersitis, velle se Catamazini temerariam insolentiam deprimere inquit. His ducibus neccesitudo erat apud Muteczumam cum Catamazino & familiaribus eius, quibus subornatis Catamazini capture operam impendant & ad se trahant renitentem, & si viderint opus esse trucidens, imperat. Longa sunt ambages, longa & historia. Quonam pacto res acta sit satis

Superbis.  
sima ref  
ponso  
Catamazi  
ni.



est. Hæc mandati dextro pede peregerunt duces. Catamazinum raptarunt noctu imparatum nil timentem, per lintres in propriis ædibus, quæ in salsi lacus margine sitæ sunt ductum in Tenustitanam lacunarem Regiæ. Cortesio dedit Catamazinum, quo in vincula & compedes coniecto, fratrem eius Cacuscaxinum Mutecuma obsequentem in regnum suffecit. Optabant id earum ciuitatum populi, quia superbe nimis à Catamazino gubernabantur, neque audebat frater apud fratrem vitam agere, quod esset nimis peruicax & capitosus. Paucos post dies Cortesius Mutecuma suasisit, ad proceres, qui audita sui Regis oratione de obseruantia magno Hispaniarum Regi præstanda, natales terras repetierant, nuncios esse mittendos, qui ab ipsorum singulis petant earum rerum, quas quisque possideat partem, ad magnum Hispaniarum Regem mittendam, quod sit implicitus inexhausta cuidam magna moli fabricanda, sitque ob eam sumptam constructuram anxius. Annuuit postulato Mutecuma. E suis familiaribus proceribus notis, uti accidit in regum dominus ex commercio in regum penetralibus, binos misit aut ternos, totidemque cum eis Hispanos comites Cortesius ad procerum singulos. Tanta est iam inter illos concepta formido, ut solo audito Hispanorum nomine, nemo sciat emutire, aut aliter cogitare, quam ut imperetur. Leucas quinquaginta, sexaginta, octoginta & centum amplius per diuersa diuersi tetederunt, petierunt, ampla dona tulerunt. Tanta fuit auri copia, ut ex costato scribat Cortesius, quintam Regi debitam partem summam ascendisse Castellanos aureorum quatuor & triginta milium. Castellanos vero nummum nouit Beatitudo tua ducatum superare triente. Præter conflandum aurum, monilia portarunt preciosa multa, magni etiam ponderis & valoris, perpulchre formata, in quibus ars materiam vincebat. Habet namque argutissimos omnium artium opifices, auraria, argentariaque precipue, quod Beatitudinem tuam minime later. Vidit namque non paucas, fabrefacturam quoque aliquando fuit ad

Iugens auri  
si copia  
conflata.



mirata, cū apud nos esset, ante sublimis throni adeptionē. Lappillorū quoque preciosorū ait Cortesius allatā esse copiam non continendā. Sed ex argento allato scribit Cortesius Regiā partē quintam centum amplius fuisse librarum octuncialium, quas Hispanus marcos nūcupat. Ego sampius verò suppellectilibus, auleis, vestibus, lectorum ornatibus, referunt non credēda. Credenda tamen, quando vir talis ad Casarem & nostri collegii Indici senatores audeat ea scribere. Adde insuper se multa pratermittere, ne tanta recensendo sit molestus. Idem affirmant qui ad nos inde regrediuntur. Quæ vero à Rege ipso Muteczuma receperit, adeo sunt & precio & arte admiranda, ut praterenda esse censeam, donec illa videamus. Præmissa cū Beatitudine tua vilius in oppido celebri Valdoletto, quæ in quartā Decade descripsimus. Propediem ex illis multa semissarum scribit. Priora dicunt, qui veniunt ad nos, esse numerosa, qualitate, ac precio multo inferiora. Ociabatur Cortesius, neque in tantis, tamque felicibus successibus quid facere quereret, intelligebat. Muteczumæ potentiam, Imperij amplitudinē & æconomice ordinem ac elegantiam & copiam contemplans, nescire quæ se vertat, vndeque initium narrandi capiat, profitetur. De provinciā tamen eā, in qua lacuna illa, ac Tenustitana ciuitas immensa, multæque aliæ iacent, exordiri se velle differit, de cæteris postmodū. Provinciā appellari Mēssicā dicit, altis mōtib⁹ circūseptā. In ea planitiæ lacuna sunt illæ duæ, dulcis una, falsa altera, vti iā dictū est. Planitiæ illā leucarū esse aiunt ambitu septuaginta, quā lacuna maiori ex parte occupat. Cū sit Tenustitana ciuitas magni Regis Muteczumæ domiciliū, in falsitac⁹ cetro posita. Quacūque sit ad eā eūdū, sesquileuca, vel duarū alicubi leucarū est à cōtinenti interval-lū, die noctuq; feruet cymbis eūtib⁹ ac redeūtib⁹ lacuna. Itur etiā per manufactos pōtes lapideos quatuor, vti à quatuor laterib⁹, maiori ex parte perpetuos, solidosque, tracti tamen apertos & cencisos, traiectis per portas illas irabibus sublicibus, quo

Descri-  
ptio Te-  
nustitanæ  
ciuitatis  
elegans &  
copiosa.



fluentes ac refluentes aqua liberum habeant transitum, quodque leuari facile possint, si aduersi aliquid emergeret. Latocaiunt esse pontes illos duarum hastarum mensura. Ex illis vnum descripsimus in congressu Mutecuma cum Cortesio. Inde aliorum forma capiat. Per vnum e pontibus ad urbem aqua ductus trahitur, ponte tamen non impedito. Vniuersa ciuitas inde potum sumit. Tractim loca sunt designata quae storiibus regis seruantibus lintres, venum aquam per ciuitatem portantes: ab aquatoribus ibi exigunt vectigalia. Duos habet alueos is aqua ductus. Quando ex meantis aqua muscoso situ sordescit vnus, in alterum labentem aquam dirigunt, donec tergatur alter, ita vicissim deterfis in vniuersa ciuitate purificata bibunt aquam. Bonis corp<sup>o</sup> aiunt aqua duct<sup>o</sup> illi<sup>o</sup> crassius adaequare. De frequentibus vero per urbem ipsam pontibus, quibus vicini traiciunt ad vicinos, quid referam? Lignei sunt, lati omnes ita ut decem vna viri pares possint deambulare, innumeros die antesse, neque minus putandum est. Sunt namque via maiori ex parte aquae. Sunt tamen & aliae terrestres, ut liquet videre in insigni nostra Venetiarum Rep. Alias praeterea dicunt esse in vtraque lacuna, tum in ripa, tum in aquis ipsis fundatas ciuitates, ad Venetiarum similitudinem. Tenustitanam ipsam inquit sexaginta circiter esse milium domorum, neque, si vera sunt caetera quae narrantur, abiiciendum est, quin fieri possit. Sunt in ea ingentes plateae, sed vna praecipue porticibus undique circumuallata. Receptrix est omnium mercatorum, negociatorumque alteriusmodi. Tabernae ibi sunt meritoriae rerum omnium vendibilium, vestitui, esuique, ac ornatui, tam bellico, quam ciuili commodissima. Numerare posse in foris & nundinis quoto die vendentium & euentium hominum sexaginta millia, qui cymbis vehunt ad ciuitatem de suae patriae prouentibus, & peregrinum aliquid secum reucentes. Ut apud nostrates omnes cum asellis, aut alias onerariis iumentis

Tenustita  
na sexagi  
ta milium  
domorum.



vel curribus, rustica gens ex pagis & ruribus ad oppida vicina, vel ciuitates, quæ suo labore, curâ ve coëgerunt: ligna dico, paleam, vinum, triticum, ordeum, altiliaque & huiusmodi, quo vel necessitati, vel appetitui suo satisfaciunt, in regressu ad vesperam reportat. Sed est aliud ibi commertiantibus & peregrinis omnibus maxime commodum. Nulla est platea, biuium aut triuium vel quadriuium nullum, in quibus desint caupones. Singulis horarum momentis assæ, elixæque ibi reperiuntur edulia volucrum & quadrupedû. Boues autem, capras, ouesque non assequuntur. Carnes in eorum usu sunt catellorum, ut iam dixi, quos pinguefaciunt castratos ad obsonia, ceruorumque & aprorum assequuntur copiam, & sunt egregij venatores: lepores & cuniculos, turtures etiam, ac turdos & ficedulas, perdices, atagenes, fasianos quoque alit ea tellus. Inter altilia domestica anseres, anates, Pauonum autem, quos nostri gallinas nuncupant, sicuti nostrates rurales fœminæ pullos, alunt quique domi copiam. Pauonibus fœminis illos dixi aliquando similes esse magnitudine & pennarum colore. Sed mores illorum descripsi nunquam. Viginti, trigintaque aliquando pariunt fœminæ oua, ita quod multiplicans semper est grex. Mares amore semper esse captos, propterea cibi illos leuissimi esse aiunt. Coram fœminis perpetuo seipsos spectant, & uti mares nostri pauones, integro die caudis eleuatis in rota modum coram amatis fœminis deambulant transuersæ gradientes, uti etiâ nostri pauones efficiunt, & tractim singulo quique momento post passus ductos quatuor, aut paulo plures, strident, veluti pressus alta febris cum frendet præ frigore dentibus ager. Diuersos ad sui libitum inter colli plumas colores ostentant, glauco nunc, mox viridi, purpureo demum, pro vario pennarum motu nitent, uti cupiens amica captus amore iuuenis elegans placere. Sed vnum mihi retulit, quod experimento se didicisse ait sacerdos quidam Benedictus Martinus earum terrarum ma-



Mirabile  
de coltu  
Indicoiū  
pauonum

ximus indagator, meo spiritui creditu difficile. Ex his pauonibus ait se agmina multa nutriuiffe, generationique illorum vehementi studio indulsiffe. Marem ait impedimentis quibusdam cruralibus esse implicitum, adeo ut captare fœminam ad coitum vix queat, nisi notus aliquis fœminā manu captam teneat, neque fœminā inquit à captu abhorrere, neque mare ab accessu deterreri. Vbi primum teneri amatam cernit, adit illico, remque suam in detinentis manibus peragit. Hæc ille, raro tamen id accidere fatentur socii. Quorum habent ex pauonibus illis, anseribus & anatibus copiam ingentem, siue cruda, siue diuersis condita modis ea voluerint, aut in offas educta parata sunt. Piscium etiam est apud eos tum fluuialiū, tum lacunarium copia, maritimorū minimè, distant à mari namque magna intercapedine, & illos crudos, assos & elixos assequuntur negotiatores ad sui voluntatē. De fructib⁹ autē nostratib⁹ assequiuiur cerasa, pruna, & poma variarū specierū, nobis autem ignota genera multa. Ad appetitum vero sensualem, vine venduntur cuiusque generis rapaces volucres & illarioria integra farcita gosampio, ita ut viuas aditrentur esse, qui eas inspectant. Quæque viæ diuissim suos tenent opifices. Herbarios & pharmacopolas ad valetudinem curandam in precio habent. Olerum etiam multa genera, lactucas, rafanos, nasturciū, allia, cepas, ac multa præterea. Mella cerasque colligunt ex arboribus quadam. Ex apibus & nostratis. De altilibus, quadrupedibusque, ac piscibus, escariisque rebus aliis, & sensualibus iam satis: quibus pecuniis agantur hæc, auditu est pulcherrimum. Audiuisti Beatitudo tua id, scripsi & ego aliàs.





**A**rboreis quibusdam fructibus, nostris  
amigdalis similibus, quos Cachaos nuncu-  
pant, eorum esse currentem dixi monetam.

De pecu-  
nii findo  
um.

Eius est utilitas duplex: monetæ officio fun-  
gitur, & potui conficiendo apta est amigda-  
la, per se non est comestibilis, quoniam ama-  
riuscula, licet tenera, ut amigdala spoliata. Sed trita seruatur  
ad potum, & pulueris illius portione coniecta in aquam, mox  
reuoluta parumper, poculum efficitur rege dignum. O fœlicem  
monetam, quæ suauem, vtilemque præbet humano generi po-  
tum, & a tartarea peste auaritiæ suos immunes seruat pos-  
sessores, quod suffodi, aut diu seruari nequeat. Sunt & alia po-  
cula multiplicia, ut vulgo accidit in tuæ Beatitudinis natali  
solo de ceruisis & sistræ, contuso concocto que in cupis, aut  
hydriis maucio grano & fructibus, herbis etiam aliquibus,  
quorum potuum sunt mercatoriis proxima cauponales taber-  
næ, ubi edulia parantur. Inauditum alias nouum illud de mo-  
neta Beatitudo tua, priusquam ex hispania discederet, intelle-  
xit. Sed quo modo arbor illa plâtetur, nutriatur & coalescat,  
nondum habueramus: nunc vero notiora sunt omnia. Arbo-  
res illæ paucis in locis creantur: opus enim est calida, humida-  
que regione, quadam cœli benignitate donata. Sunt reguli, quo-  
rum vectigalia prouentusque illarum arborum soli sunt fru-  
ctus. Earum permutatione necessaria sibi comparant, mœcipia  
dico, vestesque & ad ornatû & ad cætera facientia. Ad eos  
mercatores, variarum rerum merces important. Efferunt fru-  
ctuum illorum copiam, quæ prouinciæ reliquæ fruuntur. Ita  
versatiles amigdale sunt illæ, ut eo modo finitimi omnes  
fiant eius rei participes. Idem accidit vbi cumque terra-  
rum: qui namque aromata, aurum, argentum, chalybem,  
aut ferrum, vel plumbum & metallum de aliud habent



natiuum, ex ea sua patriæ beneficentia, quod optant peregrinum assequuntur. Eunt quippe per aliorum terras, quæ mercibus illis indigent, aut ex humana mollicie indigere se arbitrantur, ac referant quæ vicinis grata fore cognouerint, ut naturam adornent hac rerum varietate. Sic viuunt in orbe, sic loquendum est. Quæ vero arte arbores illæ nutriantur, referendum est. Sub alterius cuiusvis arboris tenella plantantur, quo veluti nutricis in sinu fœtus infans, à solis ardoribus & nimborum rabie sit secunda. Postea vero quàm adoleuit, ut suas queat protendere radices & iam durefacta possit aëris ac solis frui spiritibus, nutrix arbor scinditur, aut eruitur. De mone ta satis. Quod nisi vulgares & angustæ animæ credere voluerint, ne credere cogantur efflagito. Venduntur & in Tenustitanis plateis, ac foris venalibus quæcumque faciunt ad domorum structuram & ornatum, trabes, tigna, combustibilia ligna, calx, gipsusque, ac lateres, & formati ad præsentem usum lapides. Venduntur & fictilia vasa multimoda, hydria, cathartilances, crateres, patellæ, paropsides, pelues, sartagine, catini, vrcei, cuncta fabre laborata vasa omnia. Chalybe, ac ferro carent. Auro, argento, stanno, plumbo, orichalco abundant. Siue rude metallum omne siue conflatum, aut decussum & fabrefactum in monilia quæque optauerit quis, parata reperiet. Visum quicquid sese oculis artificum offerat, tanta est in illis argutia, ut cudant & scalpant illud, ita pulchre, ut naturam æmulentur. Nullius est aspectus volucris, quadrupedis nullius facies, aut forma, cuius Mutecuma non habeat viuis similimas imagines, & viuere illas putat quicunque procul eas inspeçant. Nec longe abest à tuæ Beatitudinis noticia. Vidit non pauca in allato munere, priusquam ex Hispania iter caperet ad urbem. Aliud est non prætereundum. Domus est in maioris plateæ lato campo senatoria ingens. Ibi perpetuò sedent auctorati longæui decem aut duodecim viri, ut iure consuli

senatoria  
domus.



sulii de rebus emergentibus iudicaturi. Astant illis sceptrati  
 lictores ministri, qui iussa illorum exequantur. Adsunt & a-  
 diles, qui numeris & mensuris presint. An ponderibus utā-  
 tur adhuc nesciuerunt. Est aliud quippe admirandum. Dixi  
 esse rerum omnium copiam in ea circumuallata falso lacu ciui-  
 tate, cum neque oneraria iumenta, mulos, aut asinos, neque  
 boues, quibus plaustra vel currus exerceant, assequantur. Qua  
 industria illa portetur, percunctabuntur iure merito multi, tra-  
 bes precipue ingentes & saxa edificiis condendis apta, hu-  
 iusmodi & reliqua. Mancipiorum humeris sciant omnia Omnia la-  
pidibus  
fabrefa-  
ciunt.  
 comportari: nec ab admiratione alienum est, quod cum ferro  
 careant & chalybe, tam perpollite, tamque eleganter cuncta  
 fabrefaciant. Ex lapidibus intelligant omnia formari, ac didu-  
 ci. In initio huius tantæ inuentionis ab ipso Christophoro Co-  
 lono prefecto maritimo, Hispanice Almiranto appellato, la-  
 pidem ex illis unum ab eo ipso Almiranto condonatum mi-  
 hi sui assequutus. Is erat Smaragdini obscuri coloris in ligno  
 circumligatus & manubriatus tenacissimo. Totis viribus in-  
 nixus concussus ego ipse vectes ferreas, vectem vibicibus infe-  
 ci, lapide incorrupto, aut laso nulla ex parte. His ergo lapidibus  
 sua conficiunt instrumenta & ad lapidicinam & ad ligna-  
 riam, argentariamque aut aurariam artes exercēdas. Posthac  
 veritus Cortesius quod euenire solet in rerum humanarū flu-  
 xu, ac fragilitate, ut scilicet vagæ mentes hominum mutentur,  
 & accidere posse ratus, ut tenustitani, etiam Muteczuma  
 prohibere nitente, vel diuturna hospitii molestia fractis, vel a-  
 lia quacunque occasione sumpta, insurgerent & arma cape-  
 rent, cum se videret aquis & pontibus intercisis circumseptū,  
 quatuor construxit in salsa lacuna paruas biremes, dictos ber-  
 gantinos, ut ingruente aliqua necessitate posset una viginti  
 comites, in terram cum equis demittere. Bergantinis peractis,  
 quum per illorum comoditatem se iam tutū esse arbitraretur,

A 2



Descrip-  
tio tēpli  
maioris  
in Tenu-  
sticana.

statuit arcana ciuitatis illius, quæ momenti sunt alicuius, in-  
dagare. Tēpla primo peruisit, Mutecuma comitate: Vbi apud  
nos sunt quaque in Tribu dicta parrochias, sive cuique cœlii  
ecclesiæ assignatae, ita sunt apud illos vicariis suis idolis tēpla  
dicata. Sed quæ de maiori tēplo, de quæ trimoribus idolis refe-  
ratur, audiat tua Beatitudo. Tēplū ait illi strius quadratū esse.  
Cuique lateri porta inest, ingens, cui recta respondet quatuor  
admiranda illa via strata, quæ pontiū funguntur cōmodo ex  
continenti. Oppidanorū quingentorū municipiū illius tēpli am-  
plitudo coæquat sitū: muris lapideis altis & apprime fabrefa-  
ctis munitum est, multis etiam turribus circumuallatum &  
in valida arcis modum erectum. E turribus multis quatuor  
ait esse ceteris grādiore multoque capaciores, quia sint in eis  
aulæ cubiculaque sacerdotibus antistitibus addicta. Ad ha-  
bitacula prima per gradus ascenditur marmoreos quinquā-  
ginta: sacerdotum, vii dixi, hæc sunt domicilia, qui sacrificio-  
rum curā gerunt. Septēnes includuntur illic principum ciui-  
tatis filii: neque inde prodeunt vnquā aut caput exerunt, donec  
nubiles effecti ad matrimonii vinculi educantur. Eo tēpore  
scindunt capillos nūquā, ab omni luxu semper, a cibis sangui-  
nē gignentibus certis anni temporibus abstinent & crebris  
ieiuniis corpus macerant, ne insolescat calcibusque dominam  
rationē seruus concutiat. Nigro induuntur. Turrim ex illis a-  
liquam scribit esse turri Hispalēsi cāpanaria, quæ altissima est,  
altiorē: nullibi terrarū cōcludit se vidisse maiora, meliora, aut  
arte acutiorē laborata ædificia: extra Hispaniam an quid vide-  
rit, curiosiores me percunctentur. De idolis vero quid referat  
narrentque veniētes, est tremebūdū dictū. Posthabito Vnichila  
buchichi deorū ipsorū maximi simulacro marmoreo, viriliū sta-  
tuarū triū, quod Rodio nō inuidet colosso, quando quis pietate  
motus erga numē aliquod, dicare illi simulacrū instituit ex omni  
genere seminū esui aptarū, eā coaceruare studet cōgeriē, quæ ad  
imaginis à se meditata proceritatem sufficiat, seminibus illis

Idolum  
Vnichila-  
buchichi.



contusis & in farinam redactis. Proh crudele facinus, proh barbarie horrenda: tot pueros puellasque vel mancipia tot corra farina pinsenda dilacerant, donec tantum sanguinis exhauriatur, quantum loco tepentis aquae sufficiat ad massam componendam, qua per eius artis lanios tartareos, dum vda est & mollis, sine ulla stomachi perturbatione satis compacta, veluti figulus è luto, vel è cera cerarius, suum fingit idolum imaginarius & nefandi opificis magister ascitus. Dixi alias, si bene memor sum, non aperto iugulo victimas mactari, sed gladio per costulas cordi viciniores tracto, à viuis & suam ærumnosam sortem inspectantibus, cor erutum litari: sanguine cordi proximo deorum labra liniunt, cor autem ipsum comburunt, ita placatum iri deorum odium arbitrantur. Est à sacerdotibus persuasum populis id prodigium. De miserarum autem hostiarum membris & carnibus quid operentur interrogabunt, & rite quidem, multi. O nefandam oscitationem, O nauseam fastidientem: vii agnos immolatos Iudæi quondam ex lege veteri mandebant, ita illi carnes humanas, pedibus manibusque solum & visceribus proiectis, edunt. Ad varios autem effectus varia deorum formant simulacra, pro victoria si praelio sit decertandum, pro incolumitate, pro frugum copia & huiusmodi pro cuiusque arbitrio. Ad Cortesii templum illud maximū perambulante regrediamur. In aulis, quas supra diximus templis inesse, magnæ erant magnorum deorum simulacra, aulis inerant penetralia obscura, ad quæ per angustia intrabatur ostia, solis accessu sacerdotibus. Magnæ aula simulacris magnis fulta, principibus erant dicata in sepulchrum: quæ in penetralibus minora, nobilibus honesto loco natis assignata erant in tumulos: vii cuiusque facultas suppetebat, ita singulis annis immolandis humanis victimis impartiebatur. Candelulam apud nos pauper, magnam facem diues cœlitibus offert, solo thure multi sacra fe-

Modus sacrificandi  
execrabilis.

Na ij



Factum  
Cortesi  
iubilo di-  
gnum.

ciunt, ecclesiis cōdendis inuigilāt alii, vti nos thure nostro cera  
que Christum cumque sanctos pacatos reddimus, pectoris tamē  
oblato feruore. Accidit vti dum per apertas magni templi au-  
las Rex & Cortesius pergerent, ē Cortesi familiaribus qui-  
dam angusta illa sacella & obscuras, nec libentibus custodi-  
bus sunt ingressi, muros vidēre cum accensi fascibus rubro  
illitos colore, pugionum cuspidibus: quid sit tentant, muros con-  
fricant. Proh ferinas mentes, victimarum humanarū sangui-  
ne irrorati non erant solum parietes, sed cruorem reppererunt  
cruori superadditum ad duorum vsque digitorum altitudi-  
nem: proh nauseam stomachosam, ē pugionum scalptis forami-  
nibus, tartareum aiunt prodisse fœtorem intollerādum, a pu-  
trido sanguine latente sub recenti. Sed inter horrida tanta v-  
num occurrit iubilo dignum. Simulacra quaecunque inerant  
aulis Cortesius deiici, mox confringi, per altos demum scala-  
rum gradus in frusta concisa detrudi iussit, marmoreum reli-  
quit vnum colossū quod nimis ingens esset neque facile di-  
uelli poterat. Ea re vehementer perturbatus est præsens Mutec-  
Zuma, perturbati & procures aulici omnes, conqueſtique sunt  
dicētes: En nos infœlices, en miseros, irati dii fruges nobis tol-  
lent, quibus vescimur & fame peribimus, superuenientque  
nobis vti aliās accidit, diis non placatis, omnia morborum ge-  
nera & ab hostibus si bello tentabimur non erimus tuti, ne-  
que à populi tumultu satis securi, qui si hoc intellexerit furi-  
bundus insurget. Cortesius ad hæc: En quid facinorosius? en  
quid ineptius? deos vos esse arbitramini eos qui vestrorum de-  
ditiorum manibus sunt formati? ministeria igitur vestrorū  
hominum digniora sunt ipsis hominibus? quod tuus opifex,  
ô MutecZuma & forte sordidum mancipiū suis manibus  
conſingit, tua dignius est maiestate? quæ cecitas vestra hæc est?  
aut quæ insana crudelitas? vti horū simulacrorum insensibiliū  
causa, tot humana corpora quotānis interficiatis? quid hæc sen-



tiunt, quæ neque vident neque audiunt? illum, illum, qui cælum fecit ac terram, illum colere oportet. Is est à quo bona ciuita procedunt, cui sunt hæc vestra sacrificia molestissima. Legge prætera sancitum est à nostro rege quem ab illo trahere originē fateamini, qui maiores vestros ad has terras perduxit, ut quicumque marē aut fœminā gladio ferierit, gladio moriatur. Hæc ubi Cortesius differuit per suos interpretes, cū palore vultu & corde trementi Muteczuma repetuit: attende Cortesius, quæ nobis à maioribus relictæ sunt sacrorum cerimoniae, has obseruauimus & exercuimus hætenus, quam vero tu nos dicis tantopere errasse, idque nostro regi minime placiturum inquis, delectamur audire, modo populis id persuadere queamus. Hos forte ritus nostri maiores derelicti ab incolis eorum temporū seruari reppererunt, socerorum & vxorum secuti sumus consuetudinem, neque mirari debes in hos errores, si errores sunt, nos incidisse: legē præbeto, eā totis viribus amplecti nitentur. His auditis Cortesius repetuit vnum esse deum, trinum in personis, vnum in essentia, qui cælōs creauit ac terras, solemque ac lunam, cū stellarum ornamentis vniuersis terrā circueūtibz ad vsum hominum, hinc necare homines odiosum illi est, qui ex eadem materia mancipium formauit & quoscumque faciem humanam habentes, quæ me, quæ te, quæ istos. Ex Virgine muliere is natus inter nos, passusque fuit ad humani generis salutem, quod aliquando latius tibi atque istis per vêturos sapientes ostendetur. Eius dei vexillum & victoria signum est crucis huius simulacrum, crucem habere oportet reum ducem & matris illius virginis imaginem, quæ sinu gestat infanť. Hæc dicens ex iurecōsulto Cortesius theologus effectus, crucem & virginis imaginem adorandam ostendit. Ita laruis disruptis monstrorum operam dedit Muteczuma, ut ipso præsentē tēpla ministri verrerent & confricatim detergerent, ne tāta labis sanguinea signa vlla remanerent. De

A a ij



Ardens  
studium  
edificandi  
egregias  
structuras

sordida religione Tenustitana iā satis. De procerum atrius & diuitum aliorū & domibus egregiis referamus. Nullum ait Cortesius se vidisse atrium in Hispania siue regum siue principis sit alicuius, quod non aquet ē septuaginta aedibus humilior lapideis marmoresque structas aedificiis arte architectica laboratas esse omnes illas ades inquit, cum pauimentis multiplicibus & ex Iaspide parioque ac diaphono marmore postibus impluua circumambientibus, ingentes solariis suppositas porticus. Addit, debere credi quacunque de his dicantur, inquiens a miraculo procul esse, quia sint Mutecūmā regna potentia multa, in quibus magna procerū multitudo variis imperat regionibus, uti sub Casarea corona, ducum comitū & marchionum aliorumque titulorum nobiles multi adambrentur. Illi omnes certis anni temporibus Mutecūmā curiā, ex veteri consuetudine, frequentant, nec licet aliter efficere. Sedet iis animos, ut certatim quisque studeat in aedium structura socios superare: moras Cardinalium apud Pontifices in Vrbe Romae illorum astantie compararem, sed multo aliter hoc sibi namque Cardinales in aedificando prospectant, solis de successu nihil curantes. Hi vero Mutecūmā dicto parentes, longissime consulunt posteritati: proprios quippe filios apud Mutecūmā, primarios praesertim mittunt educandos, quorum est copia ingens adeo, ut quouis elucescente die cernere liceat per Mutecūmanas aedulas & aperta solaria deambulantes quingentos amplius huiusmodi nobilium iuuenes, quorum familiaribus & affectis clientibus plena sunt eo tempore ad prandii horam usque, ingentia impluua tria & plateae antiporiales palatinae. Iis omnibus de Mutecūmā peni praebetur esca, claudi toto die cellas dicit nūquā, licere cuicunque a cellariis potū exigere. Regem tamen nemo videt, donec pransum aut cenatum exeat ē cubiculis penetrabilibus in aulā ingentē, cuiusquam magnitudine ait Cortesius se nescire ullam. Ad eundem sedentē iuuenes tercetum ornati palatino more, singulas aff-



runt dapium variarum lances, suppositis, ne gelascent hiberno tempore dapes, prunariis: hi minime se applicant ad mensam, septo mensa circumducta est, unus tantum intra septum stat, qui singulas tollit ab illorum manibus lances, porrigitque principi pranderi. E ferculis Mutec Zuma dat manu propria stantibus in eius dextera semibus auctoritate pollentibus sex, de more antiquo, eo pranderente nudis pedibus stant omnes. Stolis sunt paupercula cooperta. Si forte accidit ut quenkū vocet, adit vocatus corpore demisso, facie prona in terrā: neque caput eleuat unquam, donec procul discesserit septum retrocedens, tergo nunquam verso licet regredi. Recto vultu regem inspicere nemo solet, deiectis oculis & facie in laevā vel dexterā versa, quae respondeat rex auscultant eius familiares & necessarii, nec minus principes: inde Cortesum incusarūt quod accersitos ab eo Hispanos recta facie in eum patiatur intueri. Non esse id moris apud nos respondit, neque tanti facere Regē nostrum, licet maximus sit, suam mortalitatem, ut tanta velit adorari reuerentia: placuit responsum. Est praeterea Mutec Zuma praesente, quocumque in statu appareat, in tanta multitudine silentium immensum, ut neminem illorum habere spiritum anhelantem putaret quis. Lauat quoto prandio quotāve cēna in utroque margine manus, linteis tergit candidissimis, quo semel usus est linteo nusquā aliās manu capit, intacta oportet esse omnia instrumēta. De vestibus idē, de lecto surgēs induitur vno modo quo visendus prodit, in cubiculū regredies praesus vestē mutat: quū cēnaturus iterum exit, sumit aliā, quartā reuertēs, quā ad cubitum vsque gerit. De tribus tamē vestibus quoto die mutatis plerique mihi viua voce retulerunt ex his qui redeūt: utēque sit, omnes in vestīū mutatus conveniunt, ut in gazophylacium vestes illae semel sumptae farciantur. Mutec Zuma faciem non ultra visura: sed quales vestes illae sint aliās dicemus, sunt namque leuissimae.

Aa iiij

De reuerentia exhibita regi.

De vestitu Regis



His animaduersis, non erit mirandū si de tot donatis vestibus mentio supra facta est. Annis namque & annorum diebus computatis, quibus pace fruitur praesertim Mutecuma, & quoties die quoto mutet vestes, cedit omnis admiratio. Sed cur eam aceruet vestium congeriem interrogabunt lectores, & rite quidem. Sciant Mutecumam solitum esse familiaribus & bene meritis militibus ad bellum euntibus vel è victoria redeuntibus vestium portionem praebere donatiui vel stipendij adaugendi loco, ut Augustus Caesar orbis dominus, hoc Mutecuma potentior, pudendam panis tantum mercedē praeclari aliquid gerentibus superaddi iubebat, donec à Marone monitus eam panis largitionem exiguam argumento esse, quod pinsoris filius esset, tunc licet placuisse Caesari facetiam scribatur, erubuisse tamen illum ea diuinatione credendum est, quia mores mutaturum se ac rege magno non pinsoris filio digna se Vergilio post id praebiturum munera pollicitus fuit. Fictilibus comedit bibitque Mutecuma, licet aurea argenteaque ac gemmata torremata consequatur innumera: quae semel allata sunt fictilia, lances, patellae, paropsides, vrcei, ac id genus vasa regrediuntur nunquam. De atris domibusque campestribus nunc aliquid. Procerum quisque praeter urbanas ad delitias habet in agro aperto erectas domos non vulgares & illis adherentes hortos ac viridaria, fructetaque variorum generum, herbarum & rosarum ac florum suauolentium: nec ars deest in areis curandis & sepibus canēis circumtexendis, ne repente quis ad earum cultas delitias sternendas aut expilandas introeat: stagna quoque in hortis quisque suis habet, piscium diuersorum ibi agmen adnatat, volucrum aquaticarum supernatium est in eis multitudo. Si procerum ergo quisque domos habet singulas eiusmodi, equum est ut Mutecuma illorum Imperator non retrocedat. Tres habet in secessu aedes magnas Mutecuma ad aestiuarum molestiarum solatium: in una mostro-

Hortorum  
cultura.



forum hominum copia, nanorum, gibbosorum, canorū à natu-  
 ra vnicurui aut bicipitium: horū cura sunt addicti ministri.  
 Rapacibus est volucris designata secunda, in qua & vultu-  
 res & aquila ceteraque omnia accipitris & carnificū gene-  
 ra insunt. Cuique volucrum est cellula sua super impluvio  
 magno aperta, cum duabus hastis infixis, vna exterius ad solē  
 captandum, intra est ad cubitandum altera: suis quæque care-  
 ctis sunt interiectis separatim cellæ. Impluvium vero est vni-  
 versum ligneis retibus alte coopertum, ita ut cælo fruatur &  
 tuto volitet, in sua quæque volucris parte assignata: iis addi-  
 cti ministri sunt non ad cibos præbendos solum, sed chirurgo-  
 rum est stipendiatorum numerus, qui sciant varia in auiibus  
 morborum genera nascentia arte medica curare. De aquati-  
 cis auiibus est quid mirum: pelago quæcunque sedem habent,  
 salis stagnis includuntur: quæ vero dulcium aquarum sunt  
 hospites, dulcibus, & certis anni temporibus, veteribus aquis  
 exiccatis & deterfis diligenter piscinis, recentes mittuntur a-  
 quæ: cuique volucrum generi, piscium, herbarum maiicque  
 grani pro cuiusque natura suas ministri præbent escas, ab œ-  
 conomis Mutecumanis & dispensatoribus porrectas. Circū  
 ea stagna sunt porticus amplæ, superque illis postibus marmo-  
 reis & alabastrinis ac iaspidinis sustentibus. Sunt alia sola-  
 ria, è quibus despicere queat veniens Mutecuma omnium  
 volucrum actus & certamina, quando præcipue cibantur. Ter-  
 tia domus est leonibus, tygribus, lupis, vulpibus & huius ge-  
 neris addicta rapacibus, suis quoque cubiculis & septis con-  
 clusis panonibus, de quibus supra satis: hac depascuntur ani-  
 malia ferocia. Domiciliis pollent atria illa, ut si pernoctare in  
 eis cū sua familia statuerit rex, commode facere id possit. Hæc  
 aiunt, hæc dicimus. Nos, quæcunque scribunt aut enarrāt co-  
 rā, credimus, quia putamus non ausuros temere quicquam à  
 vero alienum significare, & quia didicimus credere ea posse

Mirum  
 de aquati-  
 cis auiibus



fieri quæ sunt possibilia nec miraculosa, præterireque se animi multa ne nimis longius narrationibus fastidio grauet Caesaris & curialium aures. De hac ita nostri vestigarēt, ad varias Muteczumana ditionis regiones missi fuerāt nūcij comitatibus Hispaniis, qui terrarum proceribus sui regis nomine renūciarēt magno Hispaniarum regi esse parēdū, illiusque nomine ducibus ab eo missis. Ab oriente ad ultimos usque illarum terrarum limites, quæ eas a Iucatana distēmināt (putat namque Iucatana, quæ primo obiicitur ex Cuba venientibus, esse insulam, neque adhuc liquide constat) terræ tantū aut intercedere, ut ferè ter Hispania magnitudine æquet: ex Potēchiana quippè, alio nomine Victoria, ciuitate diximus leucarum cētū amplius distare Tenustitana, & Potēchiani fines ulterius ad Iucatana & sinū dictū Figueras iadudū repertū protēduntur. Ad occidentē verò missi ciuitatē reppererūt & ipsā ingētē nomine Cumatana, ab Tenustitana, ut aiunt, leucas distantē ducētas circiter, & huius ciuitatis Regulus, cuius nomē ignoro, qui que mediū iacent, Orientales etiā ad Potēchianos usque, qui, præter paucas respublicas illas, de quibus satis latè, Muteczuma dicto parebāt, nūc: utrique colla nostris subdidere. Muteczuma sæpenumero Cortesius hortatus est, ut regiā veterē repeteret: recusauit inquiens, neui expediret ut dissociemur: proceres enim mei, uti aliās dixi, sui cōmodi magis quàm nostræ quietis amatores, instāter efflagitabunt, ut populo cōcitato in te bellum inferatur, erimus propterea cōnexi ab illorum insolēti ambitione tutiores. Ad eas tamē demos animi causa profectus est aliquādo, uti paulo ante memorauimus, & ad vespēram apud Cortesium ē lectica descendebat. Euntē aut regredientē rectis oculis inspectabat nemo: tanta est erga illum concepta reuerentia, ut minimè dignos eius intuitu arbitrarentur se. A maioribus ea est populis illis instā superstitio. Sed quid? sed quid? iterum tertio, sed quid? Blanda genitricis fortuna illecebra in colaphos noxercales

Cumatana ingens ciuitas.



affuetos in ipsius rotā rotante conuersae sunt. In eam ciuitatem lacunarem ingressum fuisse inquit Cortesius octauo die Septembris, anni. M. D. XIX. ibique placidissimam egisse hyemen, verisque partem maiorem ad Maium vsque, anni alterius mensem: quo tempore Diecus Velaqueque Cuba aut fernandinae progubernator, classē in Cortesium venturam instituebat, quod se inconsulto & inuito, vti supra retuli, statuerit pedem figere, coloniasque in illis terris deducere. De classe paulo post, de Cortesio nunc. Dum sic sese haberet apud Mutecumam indies expectans apertis faucibus nunciorum reditum, quos ad Casarem cum donis miserat, Montegium & Portucarrerium, ecce renunciatum est ab incolis Mutecumanis littoralibus, visas esse in alto mari naues: putauit suorum esse nunciorum nauim & letatus est, sed leticia in tristitiam ilico est transmutata. Minuta hic praeteribo multa, quae Graeci, quae Iudaei, quia semper intra fines angustos versati sunt, suis innecterent historiis, si concinibus eorum accidissent: nos autē in tanta rerum vastitate non pauca praetermittimus. Ad summam. Ea erat Iacobi Velaquequeque classis nauium tum rostratarum carauelarum, tum biremibus regantinorū octodecim, viris instructa, peditibus octingentis, equitibus octoginta, vasis tormentariis septemdecim, vti infra patebit. Praesenti classi praefecit Velaquequeque iuuenem Pamphilum Naruacii appellatum. Misit ad Pamphilum Cortesius nuncios, qui ab eo poscerent vti amice veniret, ne inceptis tam faelicibus periurbandis intendat. Respondit Pamphilus, habere se in mandatis à Cesare, vti earum ipse terrarum generalis armorum ducis fungatur officio, Cortesioque dici iubet, vti imperio cedat, ad seque supplex & inermis veniat, quo habita ratione suorum operum, iudicio subeat suo, vbi Iacobi Velaquequeque mittentis. Obtemperaturum se Cortesius ait regiis patentibus literis, si patientes



regias litteras magistratui relicto in colonia Vera crucis ostenderit. Sed si litteras eas se habere mētiatur, exeat ē prouincia, in qua ipse pedem figere statuit, non cursim raptare quæ inuenierit, quia id conducere regi sentiat, ne ingentia cœpta suo aduentu perturbet: cristas erecturos & contra Christianos defecturos omnes Barbaros iam victos, qui ductu ipsius Casari parent, & eius obseruant nomen, si discordes esse ac tendere in diuersa Hispanos intellexerint.

## CAPVT QVINTVM.



ULT A huiusmodi per legatos ultro citroque discussa sunt, nil actum, stabat proposito Pāphilus. Ad Muteczumā in corticea quadam tabella sunt allata interim a deditis quibusdam pictæ naues illæ cum suis quæque tormētis & equis, sclopetariis octo & viginti, sagittariis centum viginti, quæ omnia in terram erant exposita. Cortesius, ergo re cognita, ignarus primo quid cōsiliū capiat, animo cruciabatur. Si rē despiceret, fore videbat, ut noui hostis aperti autoritas, & apud Hispanos & Barbaros vires colligat. Parte alia durū erat rem tantā deserre, quia timebat id quod euenit, Barbarorum scilicet eruptionē in suos. Satius tādē esse putauit ad Pāphilū tendere, autoritate sua confisus, quia in insula Cuba, cum iusticiæ præfectus esset, inter venientes cum Pamphilo pollebat. Præsidis in atrio, ubi Muteczumā habebat, relictis, Muteczumā his verbis alloquitur. Muteczuma mi rex, tuæ fœlicitatis futura nūc occasio sese offert, si fidū rex tali tēpore te repererit, fore ut omnia tibi fauste fœliciterque sint successura. Eo, quid hoc rei sit, vestigatū, ne me absente quid noui exoriat operam dato. Hispanos quos in tui obsequiū relinquo, tuæ fidei cōmendo. Pollicitus est omnē opē Muteczuma, Hispanosque se habiturū loco affiniū dixit. Ito bonis auius, & si animo non amico mēos fines illi

Cortesius  
ad Mutec  
zumam.



tulerint, mihi renunciato: ut debellantur & à meis terris  
 ciatur imperabo. Praesidiis ergo relictis & Mutecuma fi-  
 que ipsius quibusdam gratis muneribus donatis, iter capit  
 amphylum versus, is in Zempoallè pedè fixerat: ciuesque illos  
 Cortesii seduxerat. Eo animo gradiebatur ut obuia pertur-  
 ret. Tetendit ad illum Cortesius. Pratermissis ambagibus,  
 ceresi Alguazillu suu (is est iustitiæ executor, quem latin⁹  
 militē appellat: ut, rarus venit in cœnacula miles.) cum octo  
 inta peditibus præmittit, iure pratorio usus Paphiū præhen-  
 lat præcepit. Subsequitur subsidio ipse cum centum septua-  
 inta reliquis. Cum viris ergo ducentis quinquaginta Paphi-  
 u nō imparatum, quia per exploratores erat monit⁹, adoritur.  
 in altam templi eius ciuitatis turrim se Paphilus munierat:  
 octoque tormentorum vasa in scalarum gradibus locauerat.  
 Paphilus hic magis Teretianus, quam Hector Troianus cum  
 octingētis militibus sepitur, oppugnatur, capitur. Putamus Pā-  
 philanos milites non ausos fuisse contra Cortesium, qui prator  
 Urbanus in Cuba illos aliquādo perterruerat, erigere frōtem;  
 putamus & seductos prius astu Cortesii primarios: quō tempo-  
 re rei gerendæ, relinquerent in suis vaginis hospites enses. Hic  
 multa in Cortesium submurmurantur, quæ aliquādo patebūt:  
 utcunque sit, Pamphilo resistenti parumper oculus fuit erutus.  
 Ita paulo ante duobus oculis nitentem Pamphilum, luscū ab-  
 duxit cum primariis eius consortibus centurionibus suo duci fi-  
 dis: qui pauci fuisse arguuntur. Sequutus Pamphilum fuerat  
 licenciatus quidam Aiglionus iureconsultus egregius, è sena-  
 toribus Hispaniolæ vnus. Is Hispaniolæ senatus nomine, a quo  
 iura dantur partibus illis omnibus, Iacobo Velazquez impe-  
 rauerat, ne classem illam in Cortesium mitteret, tanto malo ne  
 causam daret: rem hanc regia dixit autoritate non armis de-  
 cernendam: idem Pamphilo dicturus aduenerat: totis viribus  
 innixus fuit diuertere classem autores ab eo instituto. Non

Licencia-  
 tus Aiglio-  
 nus.



paruit modo Paphilus Tretianus, sed senatore ipsum in vincula coniectum una naui mittebat in Cuba ad Diecum Velazque classem eius inuentorem. Fuit eius licentia prudentia talis, ut seductis nautis custodes ipse suos vinctos duxerit eadem naui ad Hispaniolam. Ita sunt offa in fortuna gremio. Hac minuta sunt: ad graua veniamus. Quicumque Paphilum sequuti sunt, Cortesio noto Pratori Urbano adhaeserunt. Naues misit ad Veram crucem illius coloniae praesidijs de victoria significatum: cum reliquis iter capit versus Tenustitanam: & praemittit nuncium qui Mutezum ceterosque relictos certiores faciat de rerum successibus. Is nuncijs fuit in via multis vulneribus confossus, & vix gemens euasit: perturbata esse omnia in Tenustitana ciuitate, Barbaros defecisse, combustisse bergatinos quatuor illos, de quibus supra mentionem fecimus, ad nostrorum tutelam fabricatos, nostraque praesidia obsessa in extremis angustijs laborare, ferro & igne arctissime premi, comatus interceptos omnes renunciauit. Actum fuisse de omnibus dixit, ni Mutezuma obstiteret, cuius & iam dicto ciues non auscultare inquit. Ad lacunae salsa marginem se applicat Cortesius, cum suo comitatu canoam viligneam mittit exploratum, quid rei hoc sit. Occurrit alia, qua Mutezuma nuncius vnus & praesidiarius obsessi Hispanis alter, vehebatur, Cortesio significatum de nostrorum calamitate. Fieri hac inuito Mutezuma copertum est: hortatur nuncij ut properet, ex eius accessu dicit nuncius sperare Mutezuma, ut exorta seditio cadat in tranquillum: celeri properatu cum canoas quibusdam se coniicit in atrium ad praesidia & Mutezuma eo tumultu anxium, octauo Kalendas Iulij. Pontes ligneos qui tractim lapideos intersecant, sublatis, ac vias aggeribus munitas reperit: praetimore arbitratus est primo, sed longe aliter: emori statuerat malle, quam diutius ferre tales hospites, qui regem suum sub tutoris vitae specie detineant, ciuitatem occupet, antiquos hostes Tascaltecanos, Guazulingos, & alios praeterea in

Tumultus  
exortus in  
Tenustita  
na ciuitate  
absente  
Cortesio.

3520



ontumeliā ante illorum oculos ipsorum impēsa cōseruent: cō-  
 neatus cōsequutu difficiles, quod aquis circumsepti rerum om-  
 nium à natura sint indigi, absumāt, ab iniurijs uon abstineāt,  
 tributa imponāt, si quid preciosum apud eos intellexerint con-  
 upiscunt, & vi vel artibus extorquere nituntur, qui demum  
 simulachra deorum cōfregerint, & ritus veteres ac ceremonias  
 antiquas illis abstulerint. His de causis perturbati ciuitatis prin-  
 cipes, & cum illis externi proceres qui familiariter suo rege  
 fruebatur, apudque regē natos & propinquos à pueris educa-  
 bant, gentē hanc eruere, vii carduos agricola solēt à segetibus,  
 rabido spiritu decreuerūt. Regis iniussu, immo & pro viribus  
 renitēte, debellādi atrium, & presidia trucidādi aut rerum  
 egestate cōsumendi sumpserē prouinciā. Vnde iam ad extre-  
 mum vitæ marginē reducti erāt nostri, nisi Cortesius aduenis-  
 set, cuius accessu resumpserē parūper animas iam anhelantes,  
 quum spei nihil superesset. Atrium in modū arcis munierāt,  
 arcis tēplaria celsa turris pinis circūamicta imminebat. E pinis  
 & propugnaculis saxorum & telorum iactu damna nostris  
 inferebāt grāua. Vbi aduenisse Cortesiū cum auxiliariis co-  
 pijs & ingressum ad suos intellexerunt Barbari, ferocius ac ra-  
 bidius certare cōeperunt, lapidum & iaculorū atra nubes, sa-  
 gittarumque ac missilium omne genus dēstitas cōelum nostris  
 auferebat. Clamores dati ad sydera confundebant aërem,  
 quod bellatorum peruicacium numerus esset innumerus. Ad-  
 pugnātes in plano, cum Hispanis bis centum emisit ducē vnū  
 Cortesius ex arce, stragem fecit in Barbaris aliquam, sed circū-  
 septus ab ingenti multitudine findere nequiuit agmen illo-  
 rum. Reditus ad arcem fuit eis difficilis, egressus tamen  
 est, ferro sibi viam aperiens: inter confectos vulneratus ip-  
 se fuit grauitē, & trucidatos reliquit è comitibus qua-  
 tuor: parte altera Cortesius ruit in aduersos, parum illis ob-  
 erat, quia vbi iā lapides & iacula emisērāt, ad turriculas ab

Fideliter  
 egit rex se-  
 ditione  
 exorta.



Atrox cer  
tamen.

Hispanis dictas Azoteas, quae frequentes per vniuersam ciuitatem structae sunt, se recipiebant: atrox fuit certamen diu, coactus fuit Cortesius è praelio se in arcem recipere, quod non sine periculo vix efficit, multis è sociis vi lapidum & variū generis telorum interfectis. Cortesio in arcem reducto, redintegrarunt oppugnationem Barbari, ab omni latere quæriunt adiutū & ruinam; portis innixi conātur igne supposito illas cōburere, propugnatores cum tormentariis globis, cum sclopetariis cumque sagittariis ex oppugnationibus multos transuerberaui, peruicaci tamen animo superstitēs per sociorum cadauera, si opus erat, procedebant, praelium renouando: ab Aurora vsque ad vesperam aiunt fuisse certatum. nostris erat is labor intollerabilis, quod omnes cogerentur toto die in armis esse, illis vero multo leuior, quod singulis horis quater fessorum & interemptorum aut vulneratorum loco recētes incolumes sufficiebantur in stationibus, nec minus alacres veniebant ad periculum, quā à periculo lassī discederent: tanta iam est odii concepti perturbatio. Alterne se hortabantur, ut forti animo studeant hospites huiusmodi è propriis laribus eicere, pulchrius posse neminem viuere, quam tale iugum pugnando è cervicibus excutere, vel pro patria libertate spiritum emittere. Ita toto die, veluti circum ouile rabidi lupi praelio insisterant, ad vespērā pugna cessabat. Sed noctē integri clamorib⁹ adeo validis exagitabāt, ut eo strepitu surdesceret vicinia. Nec intra arcē ipsi alterne se poterāt audire stātus erat vocū reboatus. Barbaris eo die discedētibus, cē su habito Cortesius octoginta è suis sensit vulneratos. Postero die qui fuit Iulii Kalēdarū octauus, solito grauius accurrīs, atrox certamen exoritur. Terdecim in hostes dirigit tormēta cā pedestris, sclopetariosque ac sagittarios locat in frontem: proh mirum facinus, licet à singulis tormentorum globis decem, duodecim interdum ex eis transuerberarentur



uerberarentur & membratim per aëra rapiarentur, nil minus instabant: Germanorum aut Heluetiorum more strangebant illico phalangem, quacunque parte globi discerperat. Aliero die summa coactus egestate rerum, tentare in aperto fortunam statuit. Exeunt vii rabidi leones Hispani, quos atra fames urgebat. In hostes ruunt, trucidant multos, domos arci contiguas quasdam debellarunt. E pontibus ligneis vias transuersantibus superarunt quosdam. Sed ad vesperam non minus famelici redierunt nostri, Cortesio & socijs quinquaginta vulneratis. Urgente indies magis ac magis necessitate, rei frumentariae praecipue penuria, coacti sunt artes inuenire, quibus damna hostibus grauiora inferendo, ad pacem illos quirent trahere. Per noctem tria construxit instrumenta bellica, lignea, contexta tabulis in modum casulae quadratae, testudines appellat ars militaris, instrumentum viginii erat capax bellatorum, suppositis rotis instrumenta exeunt: sclopetarii erant & sagittarii testudinem replentes. Calones cum securibus & ligonibus ducebant à tergo, putantes posse diruere domos & aggeres insensos. Fuit lapidum & telorum è turriculis vijs imminuentibus in testudines iactus talis, ut tecta illarum confregerint: ita redire scriptum ad arcem fuit opus.

Quum hæc ita gererentur, Muteçuma rex infelix, quem secum nostri habebant, postulauit ut ad conspectum duceretur praellantium, se operam daturum ut ab oppugnatione desistant. Ad tabulatum quoddam apertum, ab ea parte qua confertiores erant oppugnantes, fato iniquo ductus est. Ruit in pugnatore lapidum adeo ingens turbo, ut nemo faciem exeruerit qui non abierit concussus. Ibi Muteçuma rex potentissimus, vir bonus à natura & satis prudens, suae magnitudinis & deliciarum infelicem adeptus est exitum, lapide percussus à suis in tertium diem animam illam tot regnorum dominam, tot nationibus & populis formidolosam ex-

Profilium  
in Barba,  
ios Hispani.

Trucidatur potentissimus rex Muteçuma.



halauit. Corpus humandum ciuibus tradiderunt nostri. Quid ultra nesciunt. Neque enim relictum illis est arbitrium ut quicquam aliud possent, quam de vita seruanda cogitare.

## CAPVT SEXTVM,

Alloqui-  
tur proce-  
res Tenu-  
stianos  
Cortesijs



OSTRIDIE accitos ad eum locum, ubi Mutecuma calamitosus euenit casus, bellorum duces ciuitatis principes & regis affines. (inter quos frater eius erat Astapalappæ dominus) allocutus est Cortesius. Ut pacem quâ bellum malint suadet, hortatur, monet: deleturum radicibus eam adeo clarem & illustrem ciuitatem primariam ipsorum sedem & natale solum, ni destiterint ad inceptis. Misereri se illorum futura calamitatis, quos in amicos admiserit semel. Verba esse inania quæ Cortesius ferat, responderunt. Pro non amico, sed hoste in senso habere se illum velle dixerunt. Pacem oblata non admissuros aiunt se, nisi liberam eorum patriam, extra suos fines discedens cum suis copijs, relinquat. Ut à futuris damnis & grauibz iacturis caueant Cortesius iterum recenset. Se potius morituros ad vnum constantibus animis, quam tale iugum perpeti differuerunt. Propterea ut de recessu cogitet, non spem ponat in fragilibus. Verbis, enunciant. Mortem fore sibi placidissimam aiunt, modo eam seruitutem à filiorum & reliquæ posteritatis. cervicibus excusserint. Contra, quæ cæteræ nationes detrectantes suam amicitiam passæ fuerint, Cortesius iterum preponit. Ignotum se præteritis erratis pollicetur. Nolle suam amicitiam, nolle veniam repetunt. Immo se non dubitare inquiunt, quin aut ferro aut fame sint ipsos cõsumpturi ad vnum, facileque id fore ostendunt, quia tanta sit multitudo desperatorum mortem optantium, ut nihili faciât mille hominum interniciem: modo cuique milleno vnus è nostris compensetur. Fixam omnibus sedere hanc sententiã affirmât. Propterea ut eat bonis auibz qua venerat, sibi suisque cum tempore consulat, minabundi monent: ut patiatur eos libere frui



moribus & dietatis à maioribus rogant, & obtestantur. Cortesius, ut qui propediem cū vniuerso cōmitatu fame periturus erat, ni barbarorum vim sterneret (vrgebatur enim iam inedia extrema) ex necessitate coactus fuit animi virtutem alii fabricare. Suspiciabatur etiam, ne si discedere tentaret, vii postulabatur, intra pontes abscessos interciperetur, quod facile factu erat pōtibz ligneis interiectis aut eleuatis aut sublatiis. Addebat suspicionem, quod minimè latebat ciuitatis principes, cōgestos habere thesauros ingentes Cortesium, quorū cupiditate trahebātur, nec immerito quidem: septingentorū nāque millium ducatorum, tū ex auro, tū argento ac gemmis, tunc secū habuisse summam, nostri fatentur, ex vniuersis terris illis cōgestam. Inde preparare se ad pugnam, & quid belli fortuna decreuerit, ea nocte periclitari statuit. Testudines illas, de quibus fecimus mentionem, refarcinuit. Elucescente die prodiit, turriculas è quibus damna nostris lapidum & similium deiectu inferebātur, diraturus primo: dehinc potens occupaturus, si quiret. Suppositis rotis machinæ ab internis trahebantur: pone tormentaria vasa succedebant tria, quorū latera scutati sclopetarii que plerique vii tutores seruabant, cōmitantibus vna. Tascaltecanorum & Guazūzingorū triū millia cāteruis. E prima turricula, quā sunt adorti, tāta telorū & saxorū nubes in nostros demissa est, ut exercere tormenta non licuerit. Vno è nostris interfecto & multis vulneratis mœsti ad arcē regressi sunt. Ex alta quoque tēplaria turre, quæ imminebat arcī, danis afficiebātur innumeris. Eā oppugnare tētarūt nostri, per gradus marmoreos cētū ampli⁹ ascenditur ad ei⁹ verticem. Turris illius præsidiarii Barbari rotare nostros per grad⁹ fecerūt. Inde nostri deciderūt animis, hostes autem elati multo grāuius premebant obsidionem, & pugnam redintegrabant. Cortesius tanta circumdatus calamitate mortem videns præsenteam, ni turrin expugnauerit, quis

Septingē  
torū mil-  
liū ducā  
torum sū-  
ma apud  
Cortesiu  
collecta.



Magnani-  
ma Hispa-  
norum au-  
dacia.

Pacem si-  
mulant  
fictio timo-  
re.

neque digitum exerere, turri stante, pro hostibus poterant: ex arce scutum ipse arripit, sequuntur animo pollentiores, scutis & ipsi contecti. Turrim adoriuntur: vel turrim expugnare, vel in eo congressu vitam finire decreuerunt. Licet cum aperto vite discrimine prouinciam sumpserint, audacia tamen profuit. Gradus tutari nituntur hostes, gradus conscendere cupiunt nostri, certatum est acriter. Desiderij sui facti sunt iam tandem nostri compotes. Turrim expugnarunt, desilire propugnatores, e primis coegerunt. In ea turre deiectis idolis, Beata Virginis imaginem locauerant: eam hostes abstulerant. Turrim illam ac tres alias incendi iussit: ne ulterius inde arci iactura inferetur. Turribus illis amissis Barbari languerunt. Sequenti nocte nostri erumpentes in vna viarum arci vicina, domos conbussere tercentum: in altera plerasque e quibus arci molestia fiebat. Ita nunc trucidando, nunc diruendo, & interdum vulnera recipiendo, in pontibus & in vijs, diebus noctibusque multis laboratum est virinque. Ciuitatis tandem procures, ficto timore ad Cortesium de pace tractatum nuncios mittunt, modo prateritorum veniam impartiat, obtemperaturos aiunt se. Placere inquit Cortesius. Habebat Cortesius in arce detentum e sacerdotibus autoritate pollente vnu. Vt sacerdotem illum quo medio res agatur, efflagitant, liberet: soluitur sacerdos, credulus Cortesius curam dimittit. sedet pransurus Cortesius, ex insperato procurrunt nuncij frequentes, pontes interceptos ab armatis hostibus referunt. Impleuerat Cortesius spacia quedam, quae lignei pontes cooperire solebant, quo si pontes tolleretur, per id solidum possent equi libere discurrere: spaciorum illorum lateres, terramque ac materias omnes egestas esse, ac denno factos inuios pontes & purgata spacia, ita ut neque peditibus, ne modo equis detur traectus, enunciant. Exilit e mensa, soluit equites in barbaros, ruitque per medios hostes, virinque feriendo, ac trucidando ad longum intervallum.



Sed pœnituit ita latè fuisse vagatum. Rediens è pugna cuncta reperit à tergo refertissima bellatoribus, ab aqua cum linctibus, ab viroque latere & à fronte confertos, & pontis omne intervallum occupantes reperit, à tergo qui fugiendo superstiterant infestissime instant: premebatur etiam à turriculis, Virinque multi resisterunt lapidibus & iaculis confossi, fuit & Cortesius graviter percussus in caput, pauci evaserunt incolumes, & hi adeò languidi, ut neque lacertos erigere quirent. Postquam vero se in arcem receperunt, non commodè satis conditas dapes, quibus reficerentur, inuenerunt, nec fortè asperi maicij panis bucellas, aut aquam potabilem, de vino aut carnibus sublata erat cura. Ita mœsti omnes à Cortesio postularunt, ut eos inde reducat, fore propediem, ut vel barbarorum gladijs occumbant, vel fame tabescant. Auscultavit commilitonum efflagitationibus, & re ipsa ad extremum redacta motus, annuit de discessu: trabes preparavit quasdam ad iaciendos pontes, quia lapidei deficiebant. Vna noctium secretò proditurus, thesauros ad summam septingentorum millium ducatorum disparuit. Regis computatori & thesaurario, ceterisque ministris Regiam assignat partem quintam, quam ut ipsi current edicit. Ad equorum clunes cetera dividit exportanda. Mutecuma filium secum habebat marem & femellas duas obsides, primariosque plures alios captos incertaminibus, quorum causa, & ob Deorum simulachra dissecta, popularis ille tumultus erat exortus. Ordines instruit, prestites & substitutes deligit, agmina componit, carpit iter sub nocte silenti. Per civitatem vniuersam fama in ictu oculi vagatur, Cortesium & socios eius aufugere. Peruolat ingens numerus bellatorum, clamores tolluntur ad astra, iaculis & lapidibus concutiuntur vndique miseri nostri. Acies prima evasit, qui medij, quique ultimi subsequebantur male percussi fuerunt. Longa sunt de his conflictibus narrationes.

Bb iij



Misere  
profligati  
nostri.

Stratage-  
ma belli-  
cū.

Multa scripta breuibus accipiat tua. Beatitudo: ex hominibus  
& equis multos peremerunt Barbari, quod sui Regis filios ciui-  
tatisque principes abducerent, quodque thesauros asportarent  
rabidis pectoribus decertabant: quicquid opū, quicquid ve su-  
pellectiliū auferebat nostri, datum est in prædā, præter parum id  
quod aciei primæ sorte obtigerat: erat certādi furor tantus, ut  
promiscue Muteczuma filios & primarios Vrbi una cū mā-  
cipiis, quæ multa nostri assequebatur, permixtim cū nostris in-  
terfecerint: & si aliquādo equites, qui supererant, ad sequen-  
tes regrediebatur, cōcitato cursu obuij primi ad aquas salie-  
bat, cū illis natāre tātundē sit, ac terras, uti crocodilis aut vitu-  
lis marinis, deābulare, dehinc ex aqua serpti per pontiū muros  
egressi ingrediebatur. Ita penitus profligati & dispersi nostri  
lacunā vniuersā deseruerunt. Quibus datū fuit euadere, in cā-  
po. ciuitatis terrestris vnius, nomine Tacuna, pedē fixerunt. In  
eius planicie elato cliuo, Cortesius profligati sui exercitus re-  
liquias collecturus, permāsit, & sub dio pernoctauit: neque e-  
nim ausus est fidere Tacunensibus, quos audiuat susurris &  
conuenticulis remorderi. Censu habito post susceptas reliquias  
infelices, relictos à tergo trucidatos reperit, ex Hispanis centū  
quingenta, ex auxiliariis Tascaltecanis, & Guazūtingis,  
ceterisque illorū finitimis circiter duo millia, ex equis duos a-  
misit & quadraginta: neque de Muteczuma filiis aut primo-  
ribus, qui capti ducebantur, superfuit quisquam. De mancipiis  
idē: ante nostrorū oculos occubuerunt omnes. Tenustiani victo-  
res nostrorum vestigia pugnando semper secuti fuerunt, ad hu-  
ius ciuitatis Tacuna prospectum: erat lata ibi planicies, imple-  
ta est ea nocte finitimis à Tenustianis accitis, nō ausi sunt per  
noctis tenebras adoriri. nostros: diē expectarunt. Per explorato-  
res certior factus est Cortesius quid animi haberent, quanta-  
que multitudo in ipsum esset coacta, stratagemate usus est. Di-  
uersis in partibus iussit ignes accendi, quo arbitrentur hor



stes fixo pede nostros diē expectaturos. De secunda vigilia tolli  
 signa iubet, ut quoquo modo possent milites sequatur edicit: ē  
 Tascaltecanis auxiliariis euasit vnus, anxio Cortesio, quod  
 qua tendere oportebat & tendere cogerentur, ignoraret: du-  
 catus offert operam, quod se terras illas percurrisse aliās  
 profiteretur. Tascaltecano duce mouet, grauiter saucios equo-  
 rum clunibus aut caudis adiutos educunt: reliquos bello inu-  
 tiles, qui stare pedibus quirent, vel saucios vel aliquo morbo  
 languidos premitit. Vix bene vltimum agmen, quod ipse cū  
 equitibus & incolumibus paucis seruabat, a nocturna sede  
 aberat mille passus, quando primo crepuscula exoriente multi-  
 tudo aduenit hostiū innumera: longis passibus nostrū agmē vl-  
 timū assequuntur barbari. Ita nostros a tergo stimulabat, tracti  
 in eos ruebant equites, & plerosque trucidabat, & ad agmē  
 incedens regrediebatur. Ita pugnando semper ad duas vsque  
 leucas nostros insectati sunt, neque licuit longius iter efficere  
 per hostium molestias: nec minus illis erat graue, quod omniū  
 rerū egestate premerentur, quia neque a Tenustitana quic-  
 quam aptam esui exportauerant, neque tuti gradiebantur ab  
 oppidanis: qui erant itineribus proximis, elatis clamoribus ē do-  
 mibus prorumpebant, veluti ad lupum deprehensum apud oui-  
 le pastores efficere solēt, donec longe a septis lupū senserint ab-  
 scēssisse. Cū his difficultatibus ad amicos Tascaltecanos tandē  
 peruentū est. In secūdo cōgressu ab exitu a Tenustitana ciuita-  
 te quatuor equos sagittis hostes vulnerarūt, ē quibus vnū per-  
 ēptū ait Cortesius lautā sibi & cōmilitonibus dedisse cēnā,  
 quod equum auide comederint: quinque se diebus, inquiunt,  
 cū solo maūci tosto grano, neque ad saturitatē vitā egisse cala-  
 mitosā. Particularia hic multa prætereo, quæ faciunt, ut neque  
 fabulosos duodecim Hercules Græcanicos, aut viuentium  
 quenquam talia fuisse passum vita superstite crediderim,  
 tot ærumnas, pugnarum tot discrimina, talem esuriem

Barbari a  
 tergo no-  
 stros se-  
 quuntur.



perueniūt  
Guazilipā

Vindictæ  
spem ostē-  
dunt.

arbitror neminē viuetium, qui non sit Hispanus, ferre potuis-  
se. Ad hoc natum est genus hoc hominū, ut tolerare facilius  
queat quoscunque labores famēque ac sitim, aestus & frigora,  
diuturnioresque vigilias, & sub dio, si necessitas exigat, quā  
alia meo iudicio gens vlla. Sexto tandē die a profectione illa,  
quæ fugæ similis fuit, ad oppidum Tascaltecani iuris, nomine  
Guazilipam peruenit: domorum id est quatuor millium, uti  
referunt. Semisuspectus id oppidum ingressus est, quia timuit,  
quod fieri solet in rebus humanis, ne cum fortuna mutati es-  
sent illorum animi, & ex amicis facti essent inimici, fidem  
seruatam reperit. Distabat ad oppidum à Tascalteca leucas  
quatuor. Audita per Tascaltecanos suorum & nostrorum  
strage, accessūque ad se: legatos è ciuitatis principibus duos mi-  
serunt, quorum vnus magistrarius, Secutengel alter. Vene-  
runt & è GuazuZingo, republica Tascaltecanis amica, nun-  
cij, afflictos solati sunt nostros, bono sint animo suadent, fu-  
tura vindictæ spem præbent, vires omnes ad id negotij offe-  
runt suas. Quiescant à tot languoribus in presentiarum, &  
socios curent hortantur: de Hispanorum stragē suorumque  
ciuium sub ipsorum vmbra interemptorum iactura, pœnas  
non multo post luituros Tenustitanos promittunt. Animum  
confirmavit dubium his dictis Cortesius, contendit rogatu le-  
gatorum Tascaltecam. GuazuZingorum vero legatos rebus  
quibusdam nostratibus illis gratis, quia peregrinis, donatos  
remisit alacres. Placide suscepti sunt nostri, lectis que mollibus  
& victui necessarijs adiuti. Reliquerat ad Muteczumam  
profiscens Cortesius apud Tascaltecanos auri & argenti non  
nihil. Integra reperit omnia, ac fidem seruatam. Sed quid pro-  
fuit: in capsis quibusdam facultates illas, quæ summā aqua-  
bant vnum & viginti millium castellanorum auri, præter  
gemmas, mittebat ad coloniam Vera Crucis: comitabantur  
opes illas equites quinque, pedites autem quatuor & qua-



draginta per Coluæ prouinciæ fines hostiles, quia Tenustitanis amici sunt: capti ad unum fuerunt, immolatique omnes eorum dijs, & deuorati à Coluanis, & thesauros inter se diuiserunt Coluani. Viginti dierum intercapedine moratus apud Tascalticanos, saucios curauit, languidos recreauit. Posthac ad coloniam Verae crucis iterum misit: regrediens nuncius bene valere illa præsidia dixit, eo nuncio lætatus est Cortesius, sed commilitonum erat sententia, ut ad eam coloniam reduceretur, quo simul iuncti quirent barbarorum insidijs & perfidia facilius obuiare. Referre se nolle pedem Cortesius ait, quandoquidem in Tascalticanis & Guazuizingis tantam fidem repererit, ut promi sint ad sumendam de tam atrocibus facinoribus in Tenustitanos vindictam suadet. Circiter Kalendas Iulij anni. M. D. XX. prodiit agminibus compositis. Est ciuitas ingens nomine Tepeaca non longè distans à Tascalteca: hostili se animo hæc ciuitates insectantur. Tepeacenses duodecim Hispanos transeuntes in suis finibus deprehensos immolarunt & comederunt. Ad eos retendit Cortesius cum ingentibus Tascaltecanorum, Chiurutecalorum & Guazuizingorum copijs: per exploratores renunciatum est Tepeacenses a Tenustitana ciuitate militares hospites suscepisse contra nostros. Et breuibus absoluam, prætermisissis ambagibus, & hospites suscipientes & suscepti victi fuerunt. Ciuitatem habuit in deditionem. Iure se iurando parituros Cortesij mandatis polliciti sunt, & in obseruantia pignus obsides dederunt. Tormentaria nostra instrumenta bellica & una equi, res ab eis nunquam vise aut audite, prostrant ilico illorum animos: maximo tamen adiumento fuit trium illorum populorum collecta manus. In hac prouincia Tepeaca locum elegit nouæ colonie condendæ, arcemque ibi instruxit, cui nomen dedit Sugura la Frontera. Tepeacensibus statuit non fidere, quod facili suasu Tenustitanorum principum consilia sint resumptu-

Tepeaca  
ingens ci-  
uitas.



ri, quodque sit Tepeaca medium iter intercipientes à Vera cruce ad hos populos amicos. Dum hæc ita gererentur, nuncios habuit Cortesius à Vera cruce qui retulerunt, à Panuco regulo Garaij copias ad id flumen ingens missas, ut coloniam erigeret, fuisse profligatas denuo, stratosque ac euasos à Panuci reguli manibus, ad Veram crucem esse appulsos. Post Tepeacenses debellatos per ceteras nationes finitimas fama vagans populorum animos exagitabat. Montana est ciuitas alia nomine Guaccachiulla, ea legatos latenter misit ad Cortesium, se suaque oblatu in Coluæ prouinciæ incolæ Tenustitanorum amicos, à quibus iacturas & contumelias se recepisse innumeras conquesti sunt, ad mulierum usque raptus. Cismontani sunt Guaccachiulli, transmontani in Coluæ regione sitis incolis inimici. Cortesio nunciarunt in transmontanis Mesfingæ finibus latere in insidijs armatorum triginta millia, quod audierint nostros hoc animo esse montibus proximos, ut in Coluam transeant. Cum Hispanis peditibus ducentum, equitibus solum terdecim, auxiliariis tribus millibus, tormentarijs vasis additis, ad Guaccachiullos tendit: insidiarum præfecti protentis cruribus in ciuitate Guaccachiulla ociabantur. Prehendit aut interfecit ad vnum. Est Guaccachiulla ciuitas

**Descriptio**  
**ciuitatis.** validis mœnibus turrilis munita, circumuallata montibus, ubere glebæ fortunata, domorum, uti aiunt, lapidibus & calce erectarum circiter sex millium, duobus fluminibus eius planiciem irrigantibus nobilitata. Ciuitas est alia distans à Guaccachiulla quatuor tantum leucas. Misit hæc legatos oblatum deditionem. Eius regulus cum euasis Coluanis aufugit, vocatus ad imperium, recusauit. Exilium perpeti maluit quam nostris subesse. Fratrem illius, populis idpetentibus, promisso addito ciuibus, se non mutaturum sententiam, suffecit in regnum. Post paucos inde dies,



ad ciuitatem aliam, nomine Ixxucam, ad leucas easdem  
 quatuor a Guaccachiulla, sed alia via profectus est. Ex  
 tinere sensit Coluanorum esse in illius ciuitatis finibus  
 copias maximas. Centum viginti millium scribunt. Ter-  
 ram ne ingrederentur nostri, arbitrabantur se posse tue-  
 ri. Intra urbem erant propugnatorum sex millia, cate-  
 ri per stationes erant in vicis & pagis dispersi. Fœminas  
 & bello inutiles quosque ad siluas & montana cum su-  
 pellectilibus emiseraunt. Est ciuitas hæc arte ac natura val-  
 de munita. Sumfessus munita quæque recensendo. Ergo sic.  
 Expugnata est demum: è mœnibus ad fluiuium vicinum  
 maior pars propugnatorum desiliuit, quia se fuisse adortos à  
 tergo seferunt. Urbe capta ignouit populo Cortesius, ut familias  
 cum facultatibus reducat imperat. Domos repetit alacres quis-  
 que suas. Impletur illico ciuitas. Per duos nuncios Urbanos, re-  
 gulum qui cum Tenustitanis Coluanisque cæteris abierat,  
 iubet acciri. Renuit. Maluit exilium. Frater huic erat spurius  
 ætate grandior, erat & ex filio mortuo nepos decennis,  
 tantum nepotem, quia legitimus erat, locauit in regnum,  
 patruo in tutorem electo, sed additis illi tutela collegis  
 tribus autoritate ac fide pollentibus Guaccachiullanis fi-  
 nitimis, qui pupilli rem curent, donec ætate prouectus  
 gubernare ipse sciat. Ixxucam hanc urbem trium aiunt  
 esse millium domorum, centum amplius templarias tur-  
 res suis dijs dicatas, in quibus humano sanguine lita-  
 tur, se numerasse inquit Cortesius ex alto quodam lo-  
 co. Turres eas omnes cum suis quasque simulachris  
 comburi fecit: imperans, ne ultra cerimoniae eiusmodi  
 studerent. Deum cæli & terre satorem dixit homicidas  
 odio habere. Ut homo hominem interficiat alienum esse  
 à dei & nature institutio. Arcem habet imminentem

Expugna-  
 ta Guacca-  
 chiulla.

Ixxuca ci-  
 uitas des-  
 cribitur.



Vrbi hæc ciuitas, septa montibus, qui eam ab acribus ventorum flatibus tutantur ob calorem, propterea gosampij generat quantitatem ingentem. Irrigua est eius planicies. Per deductas fossas vniuersus ipsius campus humectatur æstate. Fructuum est ibi copia multimoda, neque deest olerum satio. Vicis & pagis est referta planicies. Guaccachiullis occupatis & Ixcucanis domitis, fama per nationes longinquas delata, rapacis fortuna vultum esse mutatum & ex nouerca in blandam matrem esse conuersam patefecit. Animi gentium à Tenustitanis ad nostros, vii fieri solet in rota rotante, precipites ierunt. Legati vndique deditum se certatim concurrunt: metu Coluanorum & eius prouincia principum Tenustitanorum, non ausos hætenus fuisse obseruantiam tanto Regi, quantum Hispani esse profiteantur, debitam offerre: Nunc vero, quum se sperent fore tutos nostrorum favore à tyrannide vicinorum regum, ciuitatum suarum detecturos voluntatem aduenisse inquiunt. Vt iam tandem huic narrationi, quæ sæpe longa serie relata est, finem imponamus: A captiuis quibusdam Cortesius intellexit, in Tenustitana ciuitate post Muteczuma obitum effectum esse regem fratrem eius Hastapallappa dominum. Is post tres menses à regno capto, Variolarum morbo interiit, cui Muteczuma nepos ex sorore suffectus est nomine Catamazinus, quod è tribus Muteczuma filiis vnica inter nostrorum stragem in pontibus interfecerint ipsi. E superstitibus verò vnus erat morio: paralticus alter. Is Catamazinus generibus armorum quotquot assequi potest comparandis intendit. Hastis præcipue longis: quibus sperat equos procul posse ferire: quia solo equorum occursum perturbantur. Veretur namque Cortesium ad se in admissorum vindictam, rediturum. Quia præcipue intelligat circumuicinas regiones à se deficere, nostrisque in sui perniciem auxilia polliceri. Nec fallitur quidem: terdecim quippe birèmes dictos bergan-

Catamazi  
nus post  
mortem  
Muteczu-  
ma in re-  
gem  
suffectus.



nos aut Cortesius paraturum se ad salci lacus vastitatem il-  
 um deuastandam: quo tanta ciuitas com meatibus ablatis, &  
 queductibus contractis, tali necessitate urgeatur, ut subde-  
 e colla Hispani Regis iugo cogi possit. Ad Hispaniolam in-  
 erea quatuor misit naues, quæ aduehant equos & vna sco-  
 etariorum commodum numerum, cum tormentarij pulue-  
 is copia. Scribit Cortesius terras illas Hispanis in fluuiorum,  
 montium, & vallium arboriferarum benignitate similes  
 esse. Propterea petit à Casare, ut nomen à se illis terris indi-  
 um confirmet. Hispaniam nouam Oceani maris id vniuer-  
 um, quod descriptum est, nuncupauit. Supplicat vna in sui  
 voluminis ingentis calces, ut placeat suæ Maiestati, virum  
 aliquem virtute ac rerum experientia pollentem ad se mitte-  
 re, qui terrarum à se subditarum perlustret oras, ac referat  
 quæ viderit. Sub data diei Octobris trigesimæ ex arce quam  
 appellauit ipse Seguram Frontetæ. Anni. M. D. XX.

Noua His-  
 pania O-  
 ceani.

## ADRIANO PONTIFICI MAXIMO DE ORBE AMBITO.

### CAPVT SEPTIMVM.



**D**um hac in meo pluteo scripta morarentur,  
 deficientibus ob locorum longam intercape-  
 dinem & nō tuta itinera tabellarijs, ecce ab  
 Oceano pregnantis nouos fœtus, ecce recentes  
 partus. Per pēdiculis duob⁹ claudetur hoc opus  
 qui primariam precio superabunt narrationem: inaudito  
 & creditu difficili, de orbe ambito & repertis aromatum  
 altricibus insulis, vno. Quibus artibus, astus, animi feruore,  
 vi armorum Tascaltecanis Guaxi Xingis & finitimis Mutec-  
 Xuma hostibus auxiliantibus, Fernandus Cortesius ingentem



Altius re  
repetit.

illam ciuitatem lacunarem Tenustitanam & eius potentiam  
vniuersam recuperauerit, strauerit, ac ferè deleuerit funditus,  
altero: vnde beatitudinis tuæ sceptro & magna Castella  
Regno accenso facta est non exigua. Ad ambitum para-  
lelum & aromatariam negotiationem veniamus, quæ pau-  
lo longius captanda est. Ex Vrbe Barchinona, cum Caesar  
illic Laletanis intenderet comitijs, tua beatitudine in nostro  
rerum Indicarum Casareo senatu presidente: data fuit, vi  
meminisse oportet, Fernando Magagliano Portugalsensi suo  
rege transfuga, de Maluchis insulis aromatum nutrice-  
bus perquirendis cura, quod is in Cochineis, Cananoreis,  
Colocuteis, Chersonesis, aliâs Malacheis nundinis, septen-  
nio versatus, vbinam iacerent insula sciebat. Ab au-  
rea Chersoneso vulgo Malacha, ceterisque illis emporijs  
non lōgo maris tractu distant. Dimissus Magaglianus à nostro  
Senatu ipso, cuius erat princeps tua Beatitudo, ex Barrameda  
Bethis ostio in Oceanū, vigesimo Septēbris anni millesimi qui-  
ngiesimi decimi noni vela fecit, cum nauibus quinque nomi-  
nibus impositis prætoria, Trinitatis, ceteris sanctus Antonius,  
Victoria, Conceptio, sanctus Iacobus, in quibus viros vehebat  
ducentum triginta septem, è nauibus duæ tantum redierunt.  
Quarum vna, prætoria nauis derelicta, regressa est inutilis:  
altera post triennium ferè ab egressu ex Hispania (sexto nam-  
que Septembris anni. M. D. XXII. ad eundem appulsa est  
portum, à quo discedens exierat) gariofolijs & alijs aroma-  
tibus quibusdam onusta. E viris pauci euaserunt. Perstitit &  
prætor ipse Magaglianus in vna insularum dicta Matam ab  
incolis trucidatus exiit, ut infra dicemus. Est inter Ca-  
stellanos & Portugalsenses à maioribus innata similitudo  
quædam: è Castellanis Magaglianus, diuersis occasionibus  
quæ suis multos sub iusticiæ prætextu consumpsit, quod in-  
uiti illius dictis auscultarent. Hoc suis locis. Ad iter ab



eis sumptum veniamus. Ad fortunatas primo, dehinc ad Gorgodum insularum prospectum, quas Bortugalicus earum dominus Capitis nuncupat viridis, appulsi: verterunt proras in dexteram a tergo nostri putati continentis, per eius terra porrecturam quæ dicitur sancti Augustini, Castellana impositione pauloque ulterius à Portugalesibus sanctæ Mariæ, quæ ultra lineam æquinoxiale protendiur gradus quinque, decesseruntque ad antarcticum, ad signum usque: ubi diximus in vna decadum fuisse trucidatum solisum classis nostræ litora illa percurrentis ducem, cum sociis quibusdam, atque ab incolis comestum. Eum sinum aiunt habere gradus octo & triginta trans æquinoctialem ad antarcticum. Huic loco nomen est impositum Baia sanctæ Mariæ: dixi alias Baiã dici sinum. Missi à Magagliano nuncij aduerso flumine in sinu cadente, cum vna e nauibus & cimba alterius tres viderunt semisyluestres ac nudos homines spitamibus duabus humanam superantes staturam. Ex illis fides vnus cimba est ingressus. Arbitrati sunt nostri tracturum ad naues socios, si habitum ad manus benè tractarent. Benè pastum ac potum & indutum remiserunt. Nullus aduenit, neque ulterius ille. Repererunt tamen arbores cum nostris securibus scissas, in cacumine quoque arboris alterius crucem erectam. Hominis e nostris nullius repperunt vestigia. Mira de huius fluminis amplitudine referunt vii de Maragnono in Paria regione ad septentrionem alias dixi. In viginti se leucas aduerso flumine ascendisse aiunt, ubi latum esse dicunt leucas septedecim. Fauces autem eius, quod multa in illud ex itinere defluere perceperint alia flumina, latas esse dicunt in immensum: bibique dulces aquas per spatium inges in pelago: quo sinu derelicto, ad antarcticum paucis gradibus, quia curuabatur iam ad occidentem terram, magnū repperunt alium sinum, cui nomen imposuere sancti Iuliani. Portus erat in eo tutissimus, propterea tacere anchoras prætor iussit.

Baia sanctæ  
 Mariæ.

Portus S.  
 Iuliani.



Ira Maga-  
gliani in  
Ioannem  
Cartage-  
nam.

Patagones

Iam sol ad nos ascendens, terras illas deserebat: frigore premebantur, posteaquam sol arietem transegerat medium, ut apud septentrionales nostros, dimidiam libræ partem sole transeunte. In eo portu sub tugurijs & magalibus in littore, menses æstiuos nostri quatuor amplius à frigore detenti & tempestatibus inclusi egerunt. In Kalendis namque Aprilis portum captarunt illum, exierunt vero nono calendas Septembris. Hic sæviuit Magaglianus Portugalsis in Virum quendam nomine Ioannem Carthagenam, Episcopi Burgenensis familiarem: qui ex regia sanctione datus erat Magagliano collega, secundusque clāssis dux. Illum & sacerdotem vnum sub structarum insidiarum ad eum perimendum occasione dimisit in terram, cum biscocti panis pera, singulisque ensibus: voluisset cogitatus eorum, si fortè cogitauerant de eo perimendo, morte mulctare: sed veritus Castellanorum odia in eum iam concepta, non est ausus. Varij variè rem hanc, reliquas etiam huic similes referunt. Magaglianum iure quæ fecerit egisse, dicunt hi, taxant alij, veterique simultati generali Castellanos inter & Portugalses, executiones illas ascribunt. Incolarum illic videre tuguria: sed est gens inculta, inermis, tantum pellibus contexta, vaga, sine certis sedibus, exlex, statura grandiore, Patagones appellantur. E portu illo sancti Iuliani iam sole ad eas oras redeunte: Kalendas nono Septembris anni. M. D. XXI. anchoris erutis descendunt ad antarcticum, aiunt ipsi gradus alios quatuordecim. Hic est pede plano ambulandum parum per. Audiuisse sub nube se in actionibus Portugalsibus, cum puer esset hic Magaglianus, fretum iacere in illis terris varijs tractibus implicium: sed qua esset illud quæsiturus non intelligebat. Sors obtulit quod ratio non direxit: exorta est illi adeò fera tempestat, ut vnam è nauibus raptauerit, proieceritque pensilem integram super proximis quibusdam saxis.



saxis. Seruati sunt homines: sed nauis in frustra ex ictu procellae perstitit. Ecce Vnam è quinque iam postergatam. Paulo longius habebat à leua ingens Oceani pelagus. Ad dextris, inaccessos montes niuales: e nauibus Vna quæ minore indigebat fundo, receptum quærens, à furore Vndarum propius ad terram se applicat. Fretum forte vidit angustum, paulo interiorius procedens in sinum incidit latum quatuor leucas Hispanas, longum sex, regressa nauis dat de freto nuncium. Hic prætereo minuta multa, sequuntur reliquæ aiunt alicubi fundà iaci potuisse lapides ad Vtrunque montem. Deserta est terra, cedrinis arboribus dicunt cõsitos esse mōtes ambos laterales freto. Eo sinu præterlapso, fretum aliud obuium habuerunt, aliquando latius, angustum tamen. Dehinc sinum alium. Post fretum aliud, Vltra quem sinus erat alius, Vti duas videlicet in tabulis indicibus Europæ angustas fauces, amplum quoddam spaciū amplectentes ad Helespontum: ita in hoc freto tres cum spaciis grandioribus totidem. Freta hæc in insulis plena sunt paruis, Vnde suspecti semper vada timentes, per ea loca nauigabant. Ubique profundissima repperunt maria. Tendeat iam ad Occidentem æstiuum tractus ille, quem centum decem leucas protentum designant. Dum in medio ferè tractu illo iecissent in quodam quadrato maris spacio anchoras, nil memoratu dignum inuenerunt, iter sequuntur suum è quatuor nauibus tres. Restat in eo quadrato intervallo quarta sancti Antonij titulo nuncupata: putauerūt socij secuturam. Restitit, & terga vertit ceteris, regressaque iam diu est blasphemij insectans Magaglianum. Non impune talem in obseruantiam admisisse nauis duces arbitramur. Cum solis ergo tribus nauibus procedunt ceteri. E fretis illis exeunt tandem, quæ Octobris die primo & Vigesimo sunt ingressi: Egressi autem quinto Kalèdas Decembris. Longissimos se dies eo tempore, noctes vero breuissimas, habuisse dicunt: nec à sphaera

Cc.



ratione alienum est. Vastum, eo tractu superato, captarunt Oceanum aliud mare. Id est nostri putati continentis à tergo, marique illi iungitur, quod Australe in decadibus appello, à Vasco Nunne & primum reperto ex Dariene, dirigentibus illi Comogri regis filius: per id pelagus immensum, aiunt tres semenses ac viginti dies egisse, cœli tantum & aquæ salis prospectu contentos. De summa rerum egestate, deque insensibilis caloribus miseranda referunt. Ori&æ quantum pugno capi queat, portionem quotidianam multis diebus fuisse solam, sine alterius ullius cibi mica, profitentur. Potabilis aquæ penuria erat tanta, ut cogerentur salis maris aquæ tertiam partem ad Ori&am coquendam iungere, & si forte puram quis bibere tentaret, claudere oculos præ viridi situ, & nares præ foetore cogebatur. Per mare illud ingens tendentes ad occidentem & septentrionem resumpsere denuo lineam æquinoctialem, cui proximas reperere duas incertis insulas, quas appellauere infortunatas, eo quod penitus inutiles ac desertas. Dehinc insularum multitudinē Archipelagus nūcupauere, à nostrarum Cycladum in Ionio mari similitudinē: in initio quarum descendere in insulis plerisque ab exitu angusti freti leucarum spacio quingentarii, eas Latrones appellauere, veteri nomine non expresso, quod, licet pacatis animis nostros admiserint, quicquid assē qui poterant furabantur: uti vagum genus illud furum quod Italus Xingaros appellat, & se mentiuntur Aegyptios esse: inter ablata furtiuē, cymbā, qua inter rā ē nauibus nostri descēderāt, vix terga vertentibus, abduxerāt eā tamē: sed multis prius interemptis reuexerūt. Nuda est gēs & semibruta: est ibi arbor quæ cocos creat. Ex illis maior est insula Burneia, quā sine hesitatione scribūt ambitu esse leucarum ducentarum quinquaginta quatuor. In huius insule portu aiunt arborem creati, cuius folia cadentia gradientur

Insulae  
Infortu-  
natae.

Archipe-  
lagus.



serptim vii vermis: Vitale n spiritum puto aliquem inter v-  
 tranque folii faciem tumescere, qui quasi Ventosus halitus  
 paruo duraturus folia moueat. Duo ibi religionum genera es-  
 se intellexerunt, idolatris & Mahometanos, inuicem satis cō-  
 cordes. Armenta bouum & bubalorum nutriuntur in ea.  
 Greges etiam caprarum, & altilium nostratium copia passim  
 ibi alitur, ouium minime. Tritico & hordeo carēt ac vino, abū-  
 dant Orizae est eorum panis, & ex Oriza dapes condiunt  
 Varias. Vltro citroque Burnei regulus & nostri gratis mu-  
 neribus se salutarunt. Ad nostros regulus sua misit munera  
 super elephantibus duobus, & altero die dapium genera duo  
 & triginta humeris nobilium allata: quinque ac viginti mil-  
 lium domorum aiunt huius principis esse ciuitatem: sed lignea-  
 rum, praeter regis atrium, quod esse dicunt lapideum. Circū-  
 eunt Burneam insulae multae paruae: inter quas duae, qua-  
 rum altera Zubo, Matan, ab oppido primario nomine Matan,  
 altera. Zubi regulum sibi Magaglianus conciliauit, datis  
 illi regi muneribus ē nostratibus ipsi gratis, quia nouis & alie-  
 nis ab eorum cognitione. Baptismatis lauacro regulū & Ce-  
 saris obseruantiae subiecit. Dehinc relictis in portu Zubensi  
 nauibus, cum illarum scaphis & prouincialibus cymbis vni-  
 ligneis & miliibus Zubensibus, traiecit in insulam Matan  
 ab oppido Matan dictam, quae in prospectu est ad leucas tantū  
 quatuor. Matano regi persuadere conatus est per interpretes,  
 vt Hispano regi magno vellet ac Zubensi subdere se, pende-  
 reque tributa Hispano magno regi: se illi obtemperaturū res-  
 pondit, Zubensi minime. Dedit oppidum regiae sedi vicinum  
 in praedam, & combussit vniuersum Magaglianus, domorū  
 forte quinquaginta: in Zubum regressus est cum praeda rerum  
 comestibilium, quarū erat in Zubo aliqua penuria & supelle-  
 ctiliū variorū. Sed maiorū illorū partē Zubenses Matanorum

Oriza.  
 Burnei  
 regulas.

Cc 9



Magaglia-  
aimois.

inimici rapuerunt sibi. In octauum inde diem reuersus Magaglianus eodem modo, relictis nauibus, armis tentauit oppidum ipsum regium Matanum expugnare. Detrectauit Magagliani, fato aduerso huc aduecti, mandata regulus. Exiuit obuiam armatus cum oppidanis. Præter tela provincialia ex cannis & lignis adustis, hastas hic regulus longas & ferratas assequitur, quia Serica & Sienarum regionum mercatores has petraherent insulas. Fuit à regulo cum septem socijs trucidatus, vulnerati duo & viginti. Ita bonus Portugalensis Magaglianus suæ cupiditati aromataria finem imposuit. Regressi superstites ad socios in Zubum, fuerunt à Zubenfi regulo inuitati. Conuiuio affuerunt Ioannes Serranus nauclerorū Oceani princeps, de quo in decadibus primis, nunc Vnius nauis præfectus, & alterius nauis præfectus alius, cum forte decem comitibus. Vagabantur interea per insulam alij è nauis forte quadraginta. Salit ex insidijs in prandentes regia cohors, armata trucidauit alios, præfectos seruant, & nudatos ad litus trahunt palam, existimantes venturos è nauibus cum scaphis alios, ut eos præhenderent. Non ausi sunt qui naues custodiebant accedere. Ita socijs derelictis vela fecerunt infelices. Scrutatus sum à regressis inter ceteros à iuvene Genuensi Martino de Iudicibus, qui omnibus rebus interfuit, quod crimen admissum Zubensem regem ad patrandum impulerit tam crudele facinus. Fœminarum supra causam perturbationi dedisse arbitrantur. Sunt namque Zelotypi. Hæ sunt, meo iudicio insula, de quibus autores multi multa referunt. Millia insularum, tria dicunt plerique, augent alij, non longe ab Indicis littoribus distare. E circumeuntibus Burneiam insulam, una est in qua sunt oppida duo Buturan & Calegam: placidè ibi sunt suscepti. Ex eadem insula viderunt aliam, à Calaganensibus digito monstratam, in qua Buturanenses & Calaganenses dixerunt, auri esse in arenis maris tantam.



copiā, ut cribro solum arena discissa, auri grana deligāt, quæ  
 auelanā vel paulo minorem fructum aquent: cetera veluti  
 vilia despiciunt. Est huic in prospectu alia duobus oppidis no-  
 bilibus insignis. Vindanao & Chipico, quorum alterum ad  
 austrum spectat, ad septentrionem alterum. Australis terra  
 cinamomum, aurum altera gignit. Ex utroque nostris rerum  
 permutatione tribuerunt aliquid. Ad has insulas vi iam di-  
 xi, ex Seribus & Sienensibus aliisque Indicis regionibus  
 frequenter solent commeari mercatores, auri & gemmarum  
 permutatione, aliarumque rerum: ipsi telas, pannos, ac cetera  
 faciētia ad ornatum & cultum humanum, ad bellum etiam.  
 Ab horum insularum prospectu abesse tantopere desideratas  
 Maluchas insulas, ad æquinoxium leucas centum septuagin-  
 ta quinque, gradus ipsi computant decem: vnde, figant inge-  
 niū in his computationibus non intelligo. Gradum præsci  
 philosophi sexaginta miliaribus Italis, quæ mille passus di-  
 mensos includant singula, constare volunt. Leucam isti dicunt  
 miliaria ex illis continere quatuor mari, terra vero tria. Si  
 computationem leucarum sumpserimus, nautarum Hispanorū  
 more, quindecim cōtinet quisque gradus leucas: ipsi vero con-  
 tra omnium opinionem, aut gradum cōtinere leucas septem  
 decim cum dimidia. Intelligant ipsi se, quia illos ego non intel-  
 ligo. Ad Maluchas veniamus: captarunt tandem illas. Quin-  
 que sunt primaria, linea æquinoctiali vel supposita vel pro-  
 xima, ambitu ferè equali: quatuor vel quinque, aut quando  
 plenius, sex leucis ipsarum quælibet continetur. Eminent, quo-  
 dam naturæ instincto, in singulis elatus collis. In illis gariofi-  
 lum & suapte oritur natura & coalescit. Quinque illas ab  
 latere antarctico videtur ingens terra nomine Gilolo include-  
 re. Nascuntur & in Gilolo gariofila sed acris & semisylue-  
 striæ: vii accidit de castaneis aut oleastrorum oliuis non infer-  
 tis, in paruis vero insulis illis omnibus sunt aromatica. Sed

Quot leu-  
 cæ efficiāt  
 gradum.

Maluchas  
 insulæ.



De vigo-  
re gariofi-  
lorum.

auditu pulcherrimum est, unde aromaticus ille vigor in gariofila eorum iudicio infigatur. Aiunt incolae singulis diebus ter eleuari nubem quandam, dicunt ipsi miti e caelo, summo mane, in meridie, & ad vesperam, quae collium gariofila gignentium culmina tegat, ita ut eo tempore videri verices ne queant: atque post breve tempus dissolui nubem illam. Gariofilorumque arbores, quae sunt lauro pares ac ferè similes, eo spiritu gravidare, argumento esse dicunt, quod ea nubes ad insularum plana descendat nunquam: neque ab collibus transplatas arbores bene coalescere, aut fructus gignere sapidos. Planiciem quaque insula oriæ sationi seruat edendam. In una illarum descenderunt, à cuius regulo fuerunt placide ac honorifice suscepti, sed cum duabus tantum nauibus: tertiam namque, quod iam deficerent homines, qui gubernare plures quirent, post prætoris & sociorum necem & letale conuiuium, dissoluerunt. Quæ Trinitatis & quæ Victoria nomen habebant, remanserunt incolumes. Gens hæc ferè nuda est, subligaribus ex arborum philiris ad pudendorum tantum velamen utuntur. Regulus vero ille nostris retulit, propterea lato se animo nostros in hospites suscepisse, quod paucis ante mensibus in orbe lunæ viderit gentem exteram aduentare pelago, neque nostros differre ab eo simulachro vel puncto professus est. Ab his insulis arbitrari se aiunt distasse ab Hispaniola leucas quinque mille, quæ milliarium continent Italarum millia viginti: falli arbitror. Aiunt nostri insulas eas esse sælices, licet nostro pane vinoque careant & carnibus boninis, arietinisque, quia contenti sint sua oriæ, ex qua mille ciborum genera conficiunt. Popularem habent alium panem ex quarundam palmarum veterum lapsarum interiore medulla iam confecta vetustate, uti accidere solet in montanis densis nemoribus ab hominum commercio semotis, in quibus decidunt magnæ arbores vel vi tiphonum perculsæ, vel deficiente in radi-



eibus substantia terrestri, ex longa intercapedine annorum  
 crescenteque arborum proceritate, quæ maiore indigeat radi-  
 cum vigore, quam tellus ipsa queat radicibus porrigere ad ar-  
 borem sustinendam. Vtunque sit, iacent in siluis multæ, pro-  
 trescuntque ibi & canescunt cariæque corroduntur. Eiusmo-  
 di est ea palmaris medulla ex qua illi vulgarem conficiunt  
 panem. In quadratas medullam scindunt formas, mox in sa-  
 rinam conterunt & desiccant, pinsunt demum & coquunt:  
 frustra tulerunt in cocti lateris formam compacta. Volo gusta-  
 re, nil asperius, nil insipidius: miserorū inopum esse debet id a-  
 limentum, quibus orizæ deest facultas, quod agrorum cultus  
 sint expertes. Vidi ego & in montanis ruribus ac pagis ve-  
 sci monticolas pane paulo sapidiores, coloris fere nigri, ex gra-  
 no tiphæ, vulgo Hispano centeno, vel millio aut panico, vel  
 his deterioribus aliquibus. Regula est in rotæ rotantis arbi-  
 trario, ut saturentur pauci, famescant plures, delicias assequā-  
 tur quidam, epulum non multi. Viuitur tamen undique, quia  
 natura paruo est contenta, modo paruo simus assueti. Capraris  
 est apud eos alendarum & altilium omnium cura. Cannas  
 habent dulces, uti è quibus extorquetur saccarum. Mala ce-  
 tiā punica, quæ granata dicunt Italus & Hispanus, mala medi-  
 ca & citria omnis generis. In his pomis dicit Hispanus, limas,  
 limones, narangias, torongias, cidras, cidrones, quæ inter se dif-  
 ferunt. In herbis etiam cur nasturcium aquaticum vocabo,  
 herbas in fontium rinulis nascentes: si vulgus Hispanum Ber-  
 ros, Italum cresones liquide ac sine circuitione nominat vno  
 vocabulo? Et quod magis nauseam incitat, inter eas herbas  
 venenosum perimens nascitur nescio quid, ab Hispanis ana-  
 pelum appellatum. Interrogatus, qui nihil in thesau-  
 ros animæ suæ curet acervare præterquam esse lati-  
 num, etiam quod illo careat vocabulo: lingua lati-  
 na, possetque aliunde sumi perpulchre, an liceat

Ex quo  
 conficiat  
 panem.

Mala pu-  
 nica.

C c iij



anapelum dicere? torquebit nares, & insufflans lupi strangulatore[m] dici rem illam debere graui quodam elato supercilio immurmurabit. Ergo sic meo arbitrio, cum nasutorum bona Venia, Malucea insula, narangiis, limis, limonibus, torongis & cidris, cidronibus, granatis pomis, oleribusque abundant. Non sine causa subiit de cressonibus vel berris, & anapelo mentio: quia cum in primo margine cœna paucis ante diebus herbam illam cum suis aceto sale ac oleo ederemus: Fernādu[s] Rodericus meus, cuius opera vsa est aliquando tuæ beatitudinis suāsu Casarea maiestas, in anapelum incidit, quo sumptor, ac si cicutam vel aconitum comedisset, ita stratus decedit, tirica & mitridatico fuit obuiatum illico: diu tamen semi-attonitus vixit. Nonne sapidum & bene sonans verbum est anapelum, cum lupi strangulatore[m] fœda illi circuitione dici debere blatterabunt? Vina non ex vuis, quas nō habent Maluceæ, insula sed ex varijs fructuum generibus sapida, ex vno præsertim conficiunt. Est apud eos & apud nostri putati continētis incolæ arbor ferè palma in similiudine formæ: in modo procreandi valde dissimilis. Arbor hæc racemos generat duodecim, plures interdū, ad vigesimum vsque: in quolibet racemo, botros vti ex vuis, sed mille tegminibus vestitos: botrus quisque denudatus paruo meloni valde rotundo est similis, sed cortice testudinea ferè concham æquans duriciæ. Cocos appellant fructus illos, textis exterioribus est pluribus tunicatus coccus, quàm palmula cōmestibilis cum iisdem costulis, retibus interligantibus illas: nec minore labore purgari tunicas illas oportet, quàm palmule denudentur. Aperti cocci potū præbent & escam, liquore suauis plenum esse reperiunt. Intra corticem nutritur spongiosa quædam altitudine duorum digitorum, inherens cortici massa, butyro vel abdomini candore molliciēque similis, gustu suauior: Massa illa de interno cortice abrasa est esui aptissima. Si paucis diebus conuo-

Anapelū.

Arbor fi.  
milis pal  
mæ.



luta parumper in ipso vase perstiterit, dicitur liquefieri, con-  
uertiturque in oleum olinarum oleo suauius, & agrotis valde  
salubre. Aliud nature ministerium vtile recipitur ex hac  
arbore. Perforant arboris lateras, qua folia ex arbore pro-  
deunt. Stillare guttatim aiunt in supposita vascula liquo-  
rem potabilem, gustui aptissimum, & valetudini con-  
sonum. Piscibus intendunt capiendis, quorum illa maria  
creant passim multa genera, interque vnum monstruosum non  
mediocriter, cubito aliquanto minore, ventrosus, tergo fulto,  
non squamis, sed corio durissimo, rostro porcino, fronte duo-  
bus rectis cornibus ossis armata, dorso bicipite, eleuato, osseo.  
Regulus, apud quem nostri descenderunt, ope diuina illuc ad-  
uectos credens: nostros quid optet, quid ve queritet interrogat.  
Aromata inquit. Quae nos habemus ait, assequemini. His di-  
ctis insulares suos dedititios ad se vocat: ut nostris gariofilorum  
quisque suorum acervos ostendat edicit. Sinatque pro arbitrio  
honeste tamen compensando, nostris auferre: matura nam-  
que in acervos domi congerunt, mercatores expectantes, ut  
de omnibus alijs mercibus accidit. Hic ad Collociteas, Co-  
chineas, Canenoreas, & Malacheas nundinas, cum nauibus  
quibusdam magnis, quas ipsi vocant iuncos, asportantur.  
Idem de pipere, gingibere, cynamomo, ceterisque animos ho-  
minum effeminantibus, parum necessarijs blandimentis: sed  
in his quinque insulis Maluchis, nil aliorum generatur aro-  
matum praeterquam gariofilorum, non tamen longè distant  
ab his illae lasciuiae gignantibus alias, id ab incolis Malucheis  
renunciatum est, & experimento pyratice didicerunt. Quum  
namque à Burneia insula grandi, ac ceteris circumadiacenti-  
bus insulis, in vna quarum praefectum Magaglianum truci-  
darunt, ad Maluchas tenderent ex insperato inter nauigan-  
dum in nauim vnā ex prouincialibus ingentem, imparā-  
tam, dictam iuncum inciderunt, onustam mercibus, inter

Monstro-  
sum gen-  
piscium.



quas omnium aliorum aromatum inuenire copiam, sed exiguam, ea sunt perfectissima, quia de recenti collecta: neque naues illae longos audent maris tractus percurrere, quia non sunt illorum naues arte tanta compositae, ut ferre queant eas maris procellas, quas nostrae perpetuuntur: neque illarum nauitae sint ita periti, ut nauigare sciant qua ventus non flet recta in puppim. Commeatum provinciarum illa naus in proximam aliam insulam vehebat pondus suum: Orizam, coccos, de quibus paulo ante, gallinas, anseres, & commestibilia multa, auri etiam granati copiam aliquam: laeta sibi ex illis prouentibus parare prandia, innocentium, sine suspitione transeuntium, impensa. Gariofilis ergo duas naues superstites onerare statuerunt: & quoniam non reperta fuit apud eum regulum tanta copia, ut impleri naues ambae possent, regulus ipsemet percurrit finitimas, quae sunt in prospectu. De quinque namque, alterne quatuor se inuicem vident. Quinta longius parumper abest ab alijs, quantum oculus non attingit hominis, sed paulo plus. Ecce repletas gariofilis naues duas ex decerptis recenter ab ipsis arboribus, e quibus & ramos cum suis quemque gariofilis tulere: delectabile fuit curialibus omnibus ramos illos videre, olfacereque in suis matricibus ramis bacculas illas. Differt non mediocriter odor ille ab odore veterum gariofilorum quae venduntur a pharmacopolis. Ex alatis habui ramos plerosque: multis sum multos impartitus, ad varias terras mittendos. Adhuc restant apud me pauculi, quos asseruabo donec intelligam an ad tuae sanctitatis manus aliquis ex illis peruenierit. Ecce naues duas gariofilis onustas. Quid subsequutum sit, enarremus. Erat e duabus una, dicta Trinitas, carie confecta, corrosa, putrida vermicibus, quos Venetus vocat bissas, Hispanus bromam, adeo tenebrata, ut nil minus per eius latera & sentinam aqua percurreret, ac per cribri foramina. Quare non ausa est credere

Naues  
duae reple-  
tae gario-  
filis.



e tam vasta navigationi, donec reficeretur. Perstitit ergo Tri-  
 itas ad hunc usque diem, incolun. is ne sit ignoramus. E quin-  
 ue igitur dua tantum redierunt. Hac qua Victoria dicitur  
 n presentiarum: Anno superiore altera sancti Antony, ex  
 ominibus pauci. Restat ut qua redierit Victoria referamus:  
 Alia namque via post triennium paucis diebus exceptis, a  
 discessu reueta est, primarijs omnibus infelici euentu pone re-  
 ictis. Sed hoc inauditum haftenus, tentatum nunquam ab  
 initio mundi parallelum integrum, terram vniuersam cir-  
 cuinit hac naus. Quid super hac incredibili nouitate cofin-  
 xisset Gracia, si Graco alicui accidisset? N. uis Argonautica di-  
 cat, (quam sine rubore ac derisu suspitiose fabulantur in coe-  
 lum esse relatum) quidnam effecti. Si quid ista egerit persita-  
 uerimus, ex Vrbe Argo in Pontum ad Oeten & Medeam  
 progressa, cu suis heroibus, Hercule, Theseo, Iasone nescio quid  
 egerit: adhuc ignotum gentibus est, quid fuerit vellus illud au-  
 reum, qua vero sit ex Gracia in Pontum itineris intercapedo  
 apud grammaticulos pueri didicerunt. Vrgue gignanteo  
 multo minor est ea distantia. Sed quonam id pacto queat, ut  
 mundum cinxerit, hominibus persuadere, elaborandum est.  
 Creditu quippe durum. Hinc argumentum capiamus. Af-  
 ferri inbeat Beatitudo tua solidam spheram rotundam, in qua  
 sit orbis totius depicta figura. Ibi ducem accipiat fre-  
 tum Herculeum, Gibraltari strictum appellatum. Exeun-  
 do ad laeuam occurrunt primo fortunata insula, Cana-  
 ria dicta vulgo. Inter eas, & Affrica litora recta ten-  
 dentibus ad meridiem, obuia fiunt alie insulae a Por-  
 tugalsibus dominis earu Capitis Viridis insula nuncupata,  
 Latine Gorgodes Medusea. Hic animaduertendu est atteta me-  
 te, quia hinc sumitur huius admirationis initium. Portugaleses  
 ex Hesperidibus in laeuam prorsus conuertunt proras, & linea  
 traseunt aequinoxiale, tropicu etia capricorni traiciunt, us-  
 que ad lunae motu porrectura vltima: Caput Bona Sperantia

Naus ar.  
 gonautica



dictam: ut vulgo loquar: ab aequatore gradus quatuor & triginta, minuunt duos alij. Ex eius promontorii cuspide regrediuntur ad orientem, & Erythrei maris Persicique sinus fauces, Indique ac Gangis vasta ora pernavigant, ad auream usque Chersonesum, quam ab ipsis Malacham nuncupatam diximus. Ecce dimidiam circuli orbicularis partem. Duodecim horarum quas sol percurrit, è quatuor & viginti perpetuo computo cosmographi omnes id esse spacium scriptum reliquerunt: dimidiam, quæ restat, nunc dimetiamur. Ad Gorgodes redeundum est. Illis insulis in laeuam relictis hæc nostra clasicula nauium quinque, recta tetendit ad dexteram, puppim vertens Portugalensibus puppibus, à tergo eius nostræ terræ, quæ dicimus putatū continentem, cuius initium est sub Portugalensium diuisione, ac tantū progressa est classis hæc ut ea via gradus antarctici fuerit assequuta, uti iam, diximus quinquaginta amplius: non signo numerum particularem, quia differunt in relatu graduum, licet parum. Solè sequuti cadentē, uti Portugalenses orientem, præhenderunt à tergo eas insulas Maluchas, quæ non magno tractu distant ab eo in quo Gatigaram Ptolomæus & sinum magnum locat: regioni Sinarum patentem portam. Quid dicam de sinu magno, & de Gatigara, (quæ non reperisse aiunt eo esse habitū quo describuntur à Ptolomæo:) prætereo in præsentiarum, aliàs forte latius. Ad ambitum parallelum redeamus: en alia via versis vestigijs repertā Chersonesum aureā, quā à Portugalensibus: eadem via per aureæ Chersonesi prospectum, perque Portugalensium semitas omnes reducit ista nauis, argonauticæ regionis: ad Hesperides Gorgodes applicata hæc nauis, omnium rerum egena, scapham dimittit cum terdecim hominibus, portabilem aquam & comestibile aliquid, non gratuito tamen postulatū. Ibi Portugalenses sui regis ministri, qui oculum sibi dextrum erutum iri arbitrantur, si aromatum

Aurea:  
Cherso-  
nesus.



princeps alius prouentus assequatur, scapham & ministros contra fœdera inita ab initio diuisionis, ab Alexandro Pontifice sexto sancitæ, præhenderunt: tentasseque regios Hesperidum magistratus, nauim ipsam capere, quod factu facile fuisset. Sed intellecto sociorum euentu, nautæ priusquam suas Portugaleses prepararet naues cõgressiuas, erutis anchoris, aufugisse aiunt se, relictis in Portugalesium potestate terdecim sociis, ex vno & triginta quos aduehebāt de sexaginta ex Maluchis nauim ingressis, dimissos tamen remisert. Portugaleses ex sui regis mādato. Si cõquestus, si sua discrimina, si famem, sitim, vigilias & ærumnolos labores in exhauriendo ingrediētem per apertas rimas & foramina maris aquā die noctuque recitare vellem, lōgā nimis intexere orationē, hoc satis, in illam cribro pertusatissimo pertusatiorem nauem, in aduectos octodecim, equo strigoso strigosiores. Tot erroribus actos se inquirunt, ut millia leucarum quatuordecim percurrisse, nunc hac, modo illac nauigando se prædicent, licet terræ ambitū minus octo millibus constare fateantur, quia qua via querenda forent optata insula ab itinere Portugalesium alieno ignorabant. Datur opera ne à talibus inceptis decidatur: quid statuatur, quo pacto cum Portugalsibus concludatur, qui se iacturam ingentē perpeßuros ex hoc negotio cõqueruntur, significabimus. Arguunt illi Maluchas esse intra limites assignatos ab Alexandro sexto Pontifice maximo cuique regi, castella dico & Portugalia: esse pagos aiunt illi & rura villulasque, suos prouentus ad Malacheas, Colocuteas, Cochineasque nundinas afferentes, ut accidit in vniuerso, rusticis ad vrbes, & oppida venum necessaria comportantibus, quæ domi colunt & nutriunt rustici. Nos verò è contra reperimus Malucham ab ipsis vsurpatam, quod sit extra lineā illam, diuidentem ab oriente in occidentem ab viroque polo. Id tua Beatitudini est notissimum, quia coram eā discussa



De die  
perdito.

fuit non semel ista quaestio. Vnum restat quod summa replebit admiratione legentes, eos precipue qui se putant vagos caelorum cursus habere praemanibus familiares. Quando ad Gorgodes naus haec regressa fuit, diem fuisse Mercurij arbitrabatur nauta, Iouis esse reppererunt. Vnde diem vnum in eo discursu aiunt sibi ablatum, ea trium annorum intercapedine. Ad illos ego: En vestri forte sacerdotes vos fefellerunt, diem illum in suis aut celebrationibus, aut horis recitandis remittendo. Ad me ipsi: En quid? nam forte omnes? corlato precipue ac rerum experientia pollentes in errorem tantum decidere potuisse suspicaris? casus communis est, ut dierum ac mensum ratio habeatur in promptu, praesertim quia multi horarios habebant secum libellos, & quid esset quotidie recitandum optime callebant. In horis praesertim Beatae Virginis, cui nos singulis momentis prosternebamur, patrocinium eius implorantes: in his & defunctorum commemorationibus tempus illud ociosum multi conterebant. Dirigiti igitur cogitatum alio: dies ablati est nobis vnus proculdubio. Hi haec, alij alia, ac varij varia commemorant, de sublato die conueniunt omnes. Addidi ego, amici memores estote annum sequentem a discessu vestro, qui fuit vigesimus a quingentesimo, bissextilem fuisse, ne inde forte sit error sumptus. Pigmeo Februario dedisse illo anno se nouem & viginti dies, & bissextis bissexta Kalendas Martii illius anni non fuisse oblitos, affirmarunt. Sunt hi octodecim superstites litterarii penitus expertes. Ita successiue inquirunt. Agitatus ea cura conueni Gasparem Contarinum, oratorem apud Caesarem pro sua Illustri Republica Veneta, quoniam litterarum genere non mediocriter eruditum. Nouam hanc inauditam hactenus narrationem variis argumentis discutendo accidere posse cognouimus hoc pacto. Soluit haec naus Castellana ab Gorgodibus insulis occidentem versus, quo etiam sol tendit. Inde effectum est ut sequuta sole, vnum.



quemque diem longiorē habuerit pro quantitate itineris confecti, quamobrem perfectō circulo, quem sol viginti quatuor horis peragit versus occasum, integrum diem consumpsit, itaque vno pauciores dies habuit, quam illi qui certam quandā sedem eo temporis spacio tenuēre. Quod si classis Portugalesium quæ versus orientem nauigat, cōtinuato itinere versus orientem hac nauigatione & via, nunc primum inuenta ac mortalibus patefacta, iterum ad Gorgodes reuenteretur, nulli dubium quin cū breuiore dies habitura fuerit peractō circulo illi superfutura fuerit viginti quatuor integræ horæ, ac ita vn<sup>o</sup> integer dies, quare vno plures numeratura esset: sicque, si vtraque classis Castellana inquā & Portugolica eodē die ab Gorgodib<sup>us</sup> soluissent, & Castellana occidentē, Portugaleses vero orientē versus, puppibus inuicem versis nauigassent, & eodem temporis spacio eodem momento diuersis his viis ad Gorgodes reuertissent, si dies ea fuisset Gorgodibus dies Iouis, Castellanis quibus dies integra cōsumpta fuisset in dies longiores, dies Mercurij illuxisset. Portugalesibus autem, quibus ob dies breuiore factos, dies vna superesset, eadem dies Veneris. Philosophi rem philosophicam altius discutiant. Nos hac damus in presentiarum. Satis iam de peragrato parallelo deque aromatum nutricibus insulis ac die consumpto & nouis terris. Nunc tādē ad res Tenustitanas deueniamus, quas

Redit ad  
res Tenu  
stianas.

perstringam quanto breuius potero, quia sum mihi iam ipsi tanto labore grauis & molestus, ob senectam fugientem, in cuius rapacibus vnguibus me tua Beatitudo ferē labantem reliquit: ea me properanti volatu, ad sororis suæ decrepitæ rapaciores deuoratus detrudere conatur, ac si per huius luci semitas placidius esset deambulandum.



## CAPVT OCTAVVM.

1521



**D**E Disiectis ex lacunari Tenustitana ciuitate nostris, quo de pacto cum finitumorum Tenustitanis inimicorum auxiliis incæperint coalescere à tãta strage, dictu satis. Vno iactu ad lacunæ viciniam, medijs actibus prætermisissis, transiliamus. In ciuitate millium domorum octo, sed quæ suburbis cõstat immensis, ad lacunam vsque protentis à Tascaltēca leucas octodecim, nomine Taſcucuo, cum exercitui numero pedem fixit Cortesius. Non ausi sunt ciues Tascucani deirectare, ne darentur in prædam exemplo vicinorum edocti. In Tascaltēca construendarum nantium magistrōs reliquerat Cortesius, qui dum ipse belligerendo circumuicina hostilia premeret, bergantinos, vii mentionem fecimus, componeret terdecim. Vbi primum in Taſcucuo sedem exercitui dedit, afferri iussu bergantinorum cõposituras, quæ Tascaltēcanorum & Guazuzingorum humeris tabulatim allata sunt, neque laborem illum inuiti sumpserunt: atrox adeo est in Tenustitanos odium, ut pro delicijs habeant quoscunque labores ad Tenustitanorum perniciem directos. En rem Romano populo, quando illustrius res illorum vigeant, non facilem. Ex Taſcucuo labitur in lacunam fluuius non ingens, cuius utraque ripa domibus, hortis interiacentibus, perpetuis fulta est. Interea dum bergantinorum construeretur compago, dum & remi & amplustre vniuersum componerentur, fossam duci iussit ex Taſcucuo ad lacunam spacio milliarium Italarum trium, staturarumque virilium quatuor profundam alicubi, suis lateralibus aggeribus munitissimam, in qua stagnare fluuius posset: ad Bergantinorum deuectum ad lacunam, quinquaginta dierum interuallo cum fossoribus perpetuis octo millibus provincialibus perfecit opus. Sed utrumque vna & naues



& naues & fossa formarentur, plerasque ciuitates, tum terre-  
 res tum lacunares, a quibus fuerat aufugiens infestatus, de-  
 cuit, & combussit: neque iam Tenustitani audebant prodire,  
 ut aperto Marte contenderent cum nostris. Terdecim bergan-  
 tinis per admirandum opus illud deductæ fossæ in lacunam  
 proiectis, Tenustitani suam videre præsentaneam perniciem:  
 ex necessitate tamen animos sumpserunt. Intellecto berganti-  
 norum in lacunam accessu, paruo temporis interuallo conuo-  
 auit ad bergantinos cum armatis bellatoribus ingens multi-  
 tudo cymbarum, aiunt affuisse illico quinque millia, ex relatu  
 iniun, post habitam victoriam: accedentes cymbæ vi tormen-  
 torum quæ in proris & spondis bergantinorum erant locata,  
 dissipgebantur, veluti ab atrocibus ventis nubecula. Ita iam  
 vagantibus, aperto lacunæ campo, bergantinis ciuitatem acri-  
 ler infestant. Paucorum dierum spacio abstulit illi ciuitati  
 Cortesius dulces aquas fluuiales, aquæ ductibus discriptis per  
 Christophorum de Olit: & ne ab vlla parte comeatus vllus  
 ad obseßos duci quiret, tribus exercitibus ciuitatem circum-  
 sepsit: a Tañu vno, per Astapalappam, quam labefactauit  
 ad vnguem, eo quod esset ceteris potentior, & Muteczumæ  
 fratris eo tempore Regis antiqua sedes. Huic ipse Cortesius præ-  
 fuit cum sexaginta millibus bellatorum amplius, ut ipsi aiunt:  
 ex omnibus namque iam provinciis multo plures quam ipse  
 peteret, tum spe prædæ, tum libertatis, confluebant: pontem il-  
 lum, de quo supra facta est mentio, ex Astapalappa directum  
 ad ciuitatem regiam, occupauit Cortesius. Et paulatim pugna  
 do retractis hostibus, tum lacertorum viribus, tum equorum  
 ac tormentorum impetu à fronte & à lateribus, cum bergan-  
 tinorum fauore pontem adeptus est ad castellum vsque, de quo  
 diximus in occurssu Muteczumæ regis cum nostris, vbi castel-  
 lum illud descripsimus turribus duabus fultum, duos pontes  
 amplectens, qui sub illius fornicibus iunguntur. In eo loco

tenusti-  
 tana vndi  
 quaque  
 obseßa.

D d



Acrius  
infectata  
ciuitas.

castra posuit Cortesius & viriusque pontis fauces ea via possidebat. E contra locari in sit alia castra in tutelam alterius magni pontis à septentriene, cui praefecit Consalum Sandoualum iustitiæ exequenda militem, quem dicit Hispanus *Alguazilum*. Exercitui tertio ad latus aliud ciuitatis posito praefecit Petrum Aluaradum. Aiunt tres illos exercitus centum viginti millium constare bellatoribus. Ita vndique vallata hostibus misera ciuitas, laborat extrema egestate rerum omnium: nec minus paucorum ambitione conteritur (quorum auuiditas imperij traxit ad eam calamitatem infœlicem populum) quàm ab hostibus torqueatur. Subiiceret nostro iugo colla populus facili suasu, ni regis nepos ex sorore vsurpator imperij, & ipsius procerum elatio animorum obstaret. Septuaginta continuis diebus est ab omnibus lateribus, à tergo & à fronte infectata. Intra ciuitatis ipsius vias, redeuntibus nostris ad vesperam in castra, quingentos, mille, interdum & eo amplius scribunt quoto congressu fuisse interemptos: quo strages erat crudelior, eo magis copiose ac oppipare cœnabant *GuaXuXingui* & *Tascaltecanis*, ceterique prouinciales auxiliarij, qui soliti sunt hostes in praelio cadentes intra suos ventres sepelire: nec vetare ausus fuisset Cortesius. E nostris paucos aiunt semper periisse. Ergo tum gladio, tum rerum penuria consumpta est ciuium pars maior: mortuorum acervos plerumque in vijs nostri ciuitatem pugnando ingredienti, reperiebant, quos fame sitique dicebant exhalasse animas. Ex egregijs domibus multas diruerunt passim, quando hostes detrucebant. Fuit semel Cortesius in vno pontium ab hostibus circumuentus & captus, à familiare quodam suo, nomine Francisco Olea, qui ense vibrato in hostes ambas abscidit vno ictu gladij eius manus, qui herum Cortesium prehensum premebat, seruatus est. Sed iniquo seruatoris fato, qui occubuit equo prabito. Renunciatum



est iam tandem nostris, quam in parte cum necessarijs & principibus lateret rex. Re cognita Cortesius cum bergantinis, cymbarum classiculam ab exploratoribus patefactam, qua rex vagabatur in quibusdam abditis lacunæ angulis, adoritur capitque omnes. In Cortesij potestatem adductus rex, pugione, quo erat Cortesius accinctus, contacto ait, en ferrum quo me potes & debes ingulare, quod in me fuit peregi, exosum & molestum mihi iam erit vivere. Solatus est eum Cortesius, quod magnanimo regi conveniat, ipsum fecisse dixit. Secum tamen eum duxit in continentem, subque fida custodia servandum suis tradidit. His actis debellata ciuitate tanta, fereque discerpto illius populo, nationes omnes illas Casareo subdidit iugo. Ad me venerunt duo viri ex his quos fidalgos dicit Hispania, qui fuerunt rerum omnium non exigua pars, tum in percurrendis prouinciis arcanis, tum in omnibus certaminibus, nomine Diecus Ordasius vnus, Beneuides alter. Aiunt ad suum arbitrium creasse Cortesium in Tenuisitana regem, e regio sanguine orbis iussisque ibi pedem figere, quo ciuitas populi frequentia denudata sub regis vmbra resarciatur, aliter enim deserta penitus & inculta tanta moles permansisset. Ipse vero statuit per nuncios nouas alias terras perquirere, impatiens otij. Erant in prospectu ad austrum alii montes, quid trans illos iaceat vestigare iubet: mare aliud ad eorum motum australia iacere latera renuntiati est, vti scripsi in decadibus de mari Australi ex Dariene à Vasco Nunnes patefacto. Sex illic esse ciuitates, quarum minorem aiunt esse Valledoleto nostro celebri municipio multo maiorem. Quarum vna dicitur Teph, Mechucam alia, Guaxaca tertia, quarta Fueco, Tequatebech quinta, sexta non dat nomen: scribitur in epistola particulari extra voluminerum Tenuisitana, in mari Australi intellexisse non distare ab illo littore insulas aromatum & auris ac gemmarum altrices.

D dii

Tenuistica  
na capta  
13. Angu  
sti 1521.



Hispanica  
arroua  
quanta.

Quæ vero in lacunis & lacunarum marginibus vrbes iacēt, his nominibus nuncupantur. Saltucar, Tenaica, Tenistitan, Scapuzalco, Tacuba, Chapultepech, Culhuacan duplex, Guichilobusco, Suchimilco, Quitagua, Astapalappa, Mesechiche, Coluacan, Tezuco. E duobus iis Benenides de recēti rediit ē socius duarum nauium à Cortesio missarum vnus. In illis vehunt à Cortesio missa dona quæ preciosiora elegantioraque multo esse aiunt, quam aduecta & à sua Casarea maiestate asportata, quo anno ex Hispania profecta est ad Belgas, à tua Beatitudine conspecta: circiter ducentum millium ducatorum precio æstimant opes illas, sed nōdum ad nos venerunt illæ naues. In insulis Cassiteridibus, dictis à Portugalsibus earum dominis delos Azores, fixere pedem, ne ad Gallorum pyratarum manus deueniant, vt anno superiore altera ex Hispaniola & Cuba veniens cum auri pondere duorum & septuaginta millium ducatorum, librarum autem octuncialium vniouum preciosorum sexcentarum, & cum duobus millibus rubis sacchari: est rubus ab Hispanis dictus arroua, quinque ac viginti librarum sextuncialium. Multa præterea particulariter multum ferebant: quæ omnia in prædam pyraticam ierunt. Missa est armata classis quæ duas illas ex Cassiteridibus tuto adducat. Quo tempore hoc scribo nondum sunt aduecta. Trahebant illæ naues, vt Benenides inquit, tres tygres à paruulis educatas in singulis caueis, proceribus tignis compactis, in vna nauium duas, in altera tertiam: in ea quæ duæ ferebantur ex concussu nauis à tempestatibus, è cauearum vna parumper discussa est, ita vt tygridi iter fecerit ad exitum. Non minus rabida transiuit per nauim noctu euadens tygris, ac si nunquam hominem quenquam conspexisset: fuit vtroque, septem viros labefecit, raptauit vni lacertum, crus alteri, alii humeros, duos peremit, ex nauis malo vnum fugientem insiliens prahendit. Semimortuus à sociis adiutus non periit: cum hastis, ensibus



Et omnis generis telorum quicūque inerant accurrūt, multis vulneribus confectam in mare desilire coegerunt: sociam, ne idem accideret, in ipsa cauea trucidarunt. Alterius nauis tertiam ait Beneuides adduci. Est in illorum mōtium nemoribus tygrium & leonum ferorumque animalium aliorum multitudo. Quibus alantur cibus interrogatus, ceruis ait, capreolis, damis, leporibusque, ac cuniculis multisque aliis mitibus animalibus, quæ ibi nutriuntur. Nauium illarum permansere custodes duo viri è duobus bellorum in illis terris, *Alfonsus Auila*, & *Antonius Quignonus*: hi partem regi donatam à populo ferunt præbendam: Cortesii vero partem curat *Ioannes Ribera* ipsius Cortesii secretarius & laborum omnium comes ab initio: ex nostri regii senatus Indici consilio *Cæsar Cortesio* nouæ Hispaniæ ab eo ita nuncupatæ gubernationem cōprobanit. Diebus vero *Velasque* à magistratu Cubæ aut est abdicatus, aut circiter, quia non rite fecisse in mittendis contra Cortesium copiis, prohibente Hispaniolæ senatu, decretum est. De recenti allatum est Gallorum pyratarum visas fuisse in Oceano pererrantes naues quindecim, sub spe habendarum & istarum nauium, vti aliam apprehenderunt: Sed in Affricam fuisse tempestatibus transportatas, summersasque plerasque.

D. Velas-  
ques ma-  
gistratu  
Cubensi  
abdicatus.

## CAPVT NONVM.



D hanc vsque metam quæ Cortesius, quæ Cortesii commilitones, & regionum magistratum ministri, thesaurarius, computator & distributor, quem factorem Hispanus appellat, tum scripserunt manentes, tum viva voce redeuntes retulerūt, enarraui: multis ambagibus prætermiſſis, ne minuta recensendo fastidirem. Pauca nunc ab *Dariene* per literas *Petri Ariæ* putati continētis gubernatoris

D d ij



S. Maria  
Oppidum  
Acla  
Nomen  
Dei,  
Panamā  
Natan.

perque filium eius primogenitum à patre regressum Diecum  
Ariam, mox de Hispaniola Cubaque Fernandina rebus pla-  
raque recenter intellecta referamus: hoc primum. In putato  
continente quinque sunt deducta Colonia. In septentrionalis  
terra littoribus sancta Maria antiqua, quod oppidum Dari-  
nem nuncupamus: quod sit, uti late in primis decadibus dixi,  
situm id oppidum in Darienis fluminis ripa: cur ibi locum ele-  
gerint, cur id nomen loco imposuerint, qui Zemacus à suo re-  
ge Zemaco dicebatur, tum satis. Ab Dariene secunda est  
colonia sedes leucas. xxx. distans nomine Acla versus oc-  
cidentem. Ab Acla. xl. leucas domicilium est in littore situm  
ad occidentem Nomen dei appellatum, à portu, à Colono pri-  
mo earum regionum detectore, sic nuncupato. Ad litus Au-  
strale sunt nil mutatis nominibus patrijs, Panamā & Na-  
tān, ultimis productis. Terra est alicubi latissima: sed præci-  
pue in eo tractu, per quem ingens flumen labitur Maragno-  
nus, de quo satis diffuse in decadibus primis, ubi causas in-  
serens, cur credi posset tantam vim aquarum in unum alveum  
potuisse coniungi, dicebam inter alias, terram forte illic esse  
latissimam ab arctico ad antarcticum, unde fieret ex magno  
intervallo fluminum multorum generatio, quæ in hoc unum  
deciderent ad mare Oceanum septentrionale ducenda. Ita re-  
pertum est, Pater sancte, fuisse me vaticinatum eo passu in-  
uento. Ab illis littoribus septentrionalibus, quæ Maragno-  
ni delapsus nobilitat, (ubi Regulos appellari Chacones dixi)  
protenditur ad antarcticum terra, usque ad fretum illud vl-  
tra æquinoctialem, gradus quatuor & quinquaginta: de-  
munt aliqui duos, de quo in discursu querendarum insula-  
rum aromatum altricium satis. In eius freti vicinia tenuit  
hyems inclusam classem illam quinque navium præ frigore  
quinque fere mensibus æstivis nostris, (uti suo loco diximus)  
quæ ab eis sol ad nos discessisset. Inde tollitur Maragno-



nitam prodigiosi fluminis admiratio. Quomodo ergo sit ibi latissima tellus, est alibi angustis isthmis contenta. Sed præcipue ab colonia quæ dicitur Nomen dei, ad Australe litus & portum Pannamæ leuæ intersunt septemdecim: per montes tamen inuios, & ob vastas ripes, ac densissima nemora, ab æterno intacta, inaccessos: pardorum, tygrum, leonum, ursorum, & simiarum multiformium, monstrorumque aliorum domicilia sunt illa deserta loca. Mira de feris illis animalibus referuntur. Nil magis timere viatorum occur-  
sus tygres inquit, ac si catellus obuius efficeretur: si solum repererint quenquam, nullum est remedium, quin in mille frustra dilaceratus commedatur. A tygribus præcipue ca-  
uent, quas leone multo sauiiores esse comperiunt. Multæ  
sunt valles terrarum fortunatissimarum, eorum montium multa latera, ob ferarum sententiam deserta, quæ aliter frequentibus populis elucescerent. Sed de simiis variis est narratu iocundum, periculosum etiam. Per eos montes quos iam Petrus Arias gubernator scribit se fecisse facereque peruios indies magis ac magis in rupibus saxa frangendo & comburendo sinuas condensas, simiarum duces quædo agmen nostrorum aliquod incedere sentiunt, (neque enim pauci, ne modo soli auderent) multitudine variarum specierum plebeia conuocata, procurrunt obuiam & clamoribus horrendis ex arbore in arborem transiliendo, nostros quacunque gradientur insecutæ, mille scurrilitatibus, & gestibus mille deridet, caudata præsertim: finguntque sæpius velle turmatim nostros impetere. Sed ubi ad arborum iam truncos demissa, vident sagittas aut sclopetas, quas expertæ sunt aliquando, aptari ac in se dirigi, ueto velocius ad arborum culmina reserpunt, inde conquestibus rabidis emissis, dentibus frendent minabundæ. Tantam esse illarum dexteritatem inquitunt ut discussas

Tygrum  
ferocia in  
his terris,

D d iij



Horribi-  
lis Hæpi-  
tus simia-  
rum.

in earum corpora sagittas euitare sciant & manu prehendere, ac si sponte porrectas acciperent. Sclopetarum tamen globulos non ita disicere didicerunt, cum quibus plerasque, iuniores forte non ita sagaces, peremerunt: tum vero quando sociam vident aliquam de suo grege præcipitem ruerè vulneratam, à nostrisque tolli è terra, tanto fremitu ac strepitu tonant & replent æthera, ut mille leonum rugitus & tygrum totidem superent rancatus. Sed vnum est auditu gratiosum. Quæque simia quando iam captant arbores ascensu suo, lapides quotquot vna manu gestare potest, ore etiam aliquot supportat, indeque lapidibus certant in transeuntes, quando aut sagittas aut sclopetas in eas iaculaturi sistunt nostri. In vetulam melampo maiorem caudatam simiam sagittarius è nostris tetendit scorpionem, expectaturam se dissimulauit simia, sed ubi iam dirigi oculo clauso sagittam vidit, iaculato in sagittariū lapide faciem acriter contudit, & dentes illi dicitur confregisse. De nouo tamen stratagemate pœnas cercopihecus dedit: quo enim tempore lapis ad sagittarium decidebat, sagitta in simiam ascendebat, interfectam comederunt in deliciis, comedissent & buffones aut si quid deterius, tanta illos fames urgebat. De brutis quadrupedibus animalibus iam satis. De bipedibus aliquid: est namque gens illa bipes, pene par quadrupedi. In finibus coloniæ Natanae ad austrum Regulus potens est ac magnanimus nomine Vrracus. Hunc Petrus Arias gubernator adducere nunquam potuit ad amicitiam. Præparasse ait res bellicas ad eum debellandum. Is autem Regulus suæ auctoritati ac potentia fidens, dicitur superbe nuncius de tractanda pace respondisse, audetque incursionibus, Christianorum, qui Natanam incolunt coloniam, fines armatus more suo infestare. Iaculorum enim habent in illis terris multa genera, quibus eminus, & latos enses ligneos adustos, quibus comminus certant. Habet arcus etiam cum sagittarum cuspidibus



osseis aut adustis. In illis terris est coccorum fructuum, de quibus supra memoravi, copia ingens. Vbi præcipue in Australi plaga mare fluens latas planicies vicinas abluir: è quib<sup>9</sup> aiunt vnam duarum leucarum spacio fluxu madefieri, & refluxu exiccari. In illis partibus nasci, coalescereque suapte natura illas arbores inquit: alibi minime nisi teneræ transportentur. Sunt qui putent fluxus marinos ab ignotis regionibus illarum arborum semina illuc aduehere, ex Indicis aliis regionibus, vbi nativæ sunt: asportatas esse dicunt ad Hispaniam & Cubam, vti de arboribus casia fistulam gignentibus dixi aliquando, & ex insulis ad continentem, donec ad eas Austri partes ventum est. Sed in insulis admirando naturæ consilio arbor alia quam nondum intellexi an in continenti, foliorum scriptibilium, præter eam de qua in decadibus feci mentionem, nascitur. Huic illa comparata longe distat. Eam, quando de insulis erit sermo, describemus. Nunc ad res putati continentis redeamus. Ab Australis pelagi colonia Panama cum navibus in eo mari constructis, descenderunt ad Occidentem adeo, ut Iucatana tergum se fuisse affecutos arbitrentur. Argumeto sibi esse aiunt Gil Gonzalus eius classis præfectus & eius comites, quod in homines inciderint eo more vestitos & pertusatis labiis, aurea vel argentea gemmata ferentes monilia, vti quos in quarta decade ad Leonem Pontificem enarraui, cum de rebus Iucatanis & allatis muneribus fieret mentio. Scribunt se reperisse à dextris tantum pelagi furorem, ut arbitrentur fretum ibi esse inter continentem & Iucatanam nondum detectum: sed ausos non fuisse tanto impetui fidere, quod naues iam longo temporis spacio, quo per ea littora nauigabant, essent semiputridæ vermibusque terebratæ. Redituros resarcitis navibus pollicentur. In eo itinere Petro Arice dixit Gil Gonzalus, dixerunt & comites, ad leucas à colonia Panama circiter centum, inuenisse pelagi vastitatem



Mare ru-  
brum.

Crocodi-  
lorum co-  
pia.

nigri coloris, in qua pisces adnatabant magnitudine Delphina-  
li harmonice cantantes, Vti de Syrenibus est narratio, similique  
modo soporem attrahentes. Hic angusti animi homines mira-  
buntur, dicent rem esse impossibilem: hos ego parumper affa-  
bor. Nonne legimus Erythreum sinum esse rubrum, unde ru-  
bri maris affectus est nomen. Sine id sit ex aque natura, siue  
à rubris arenis saxisque littoralibus reuerberantibus rubris id  
eueniat, rubrum apparet mare: quis ergo naturam hebetat tan-  
topere, ut ei tollat quin & nigras genuerit arenas & saxa  
nigra quæ nigras videri faciat aquas alibi? De cantu vero fa-  
bulam & ego ipse arbitror, licet à viris referatur cordatis: at-  
tamen in illorum excusationem, nonne tritones cognitum est  
esse vocales? auditi fuerunt aliquando & reperti exanimis, pro-  
iecti ad littus in occiduo mari Hispano: nonne sub aquis & rana  
coaxat? Quid ergo erit mirandum si vocales & alii pisces, nū-  
quam alias auditi, reperiantur? Credat hominum quisque ad  
sui libitum: ego naturam esse magnipotentem existimo. Cro-  
codilis plena sunt putati continentis omnia flumina. In flu-  
minibus sunt noxii, in terra minime, ut sunt Niliaci. Vnum  
reperere mortuum, duorum & quadraginta pedum: In faucibus  
latitudine septem. Petri Ariæ filius a patre regressus inquit,  
reperitas iam esse arbores, è quarum tabulis confectæ naues tuta  
sint ab illa peste vermium naues corrodentium. At etiam  
ligna in coquinas allata, vix posse incendi, ob maximam hu-  
miditatem. Nunc ad commodum feramus pedem. Aurifodi-  
nas habet ea tellus multas: sed ignoscat Petrus Arias, ignos-  
cant & ceteri, qui miserorum incolarum sudoribus aurum  
affecuti sunt. Id quod tua Beatitudine assistente sæpenumero  
tætatum est, in nostro rerum Indicarum consilio, nunc est san-  
ctum: ut liberi sint ubique Indi, dentque operam & agrorum  
cultura ac disciplina Christiana. Si qui autem, spe adipiscen-



di aliquid è nostris rebus sua sponte sese obtulerint, liceat eos habere mercenarios. De putato continenti iam satis. Pauca de de insulis. In Hispaniola nil est immutatum. Senatus idem est, à quo leges capiunt vniuersi tractus illi: coalescunt indies magis ac magis in ea quaecunque coluntur: equorum, porcorum & armentorum est in ea ingens multitudo. Idem est in ceteris. Mense decimo ab ortu suo concipit & pulla equina, vixque partum emisit quando marem optat ac sustinet. Pane patrio ex iucca & majicio viuunt contenti, vna ex Vandalia importantur ad illos, licet habeant vineas plerisque in locis: eas crescere mirum in modum aiunt: sed luxuriare adeo ut in pampinos & frondes vigorem suum expendant, in racemos parum, inter reque post paucos annos à satione. De tritico idem dicunt, quod crescat ad cannarum altitudinem & & spicarum immensam proceritatem, euanesce tamen grana priusquam maturescant maiori ex parte: ceterarum rerum vberior est in illis copia, quam alibi. Saccarea torcularia quoto anno augentur. De arbore præbente pergamenum in

Arbor per  
gamenife-  
ra.

utraq; insula nunc dicamus: ea est palma persimilis, folia illius sunt adeo grandia, ut à pluuia tutetur quodque folium in caput protentum hominem totum, ac si laneam sibi penulam tergo iniecerit. Hoc parum, quod vero mirandum sit dicamus: folia illa qua arbori inhaerent haud secus ac sua in arbore palma, folio à radice, qua est arbori compacta, eruto (facile namque per demissam cuspidem captum folium detrahatur ab arbore) in interiore illius tergo philira complectenti albuminis oui pellicula similis reperitur candida: ea vii ex arietis iugulati corpore pellis, excoriatur: tolliturque à suo cortice integra, nihilo minor arietina vel caprina membrana: cuius opera vtuntur omnes, ac si membranas ipsas assequerentur: neque minus tena-



Yagua ar-  
bor.

Mameia.

[ Piper.

cem esse inquit: ea philira forcipibus tantum scindunt, quā-  
tum ad presentem scribendi necessitatem sufficiat. Hæc arbor  
Yagua nuncupatur: fructus eius est oliuæ similis, porcos pin-  
guefacit, hominibus non ita congruit. Quo vero pacto folii al-  
terius scriptilis utantur commodò, ab hac pellicula dissono, suo  
loco satis. Est arbor alia quæ in saxorum scissuris nascitur, in  
pingui solo minime, dicitur Pythahaya, fructus acrodulci mix-  
tus, sapidus uti de malo punico, quod granata dicitur, acrodul-  
ci videmus: malum aureum æquat eius fructus magnitudo,  
rubri coloris intus extrâque. Mameia vero arboris, de qua in  
decadibus, est in insulis fructus paruo melone non grādiore, in  
continenti nihilominus magno. Animulas nutrit hic fructus  
tres tantum nuce grandiores, ad sui generis conseruationem.  
De pipere insulari continentique nunc parum. Nemora fru-  
etibus fulta piper gignentibus habent: dico piper quum non  
sit piper, quia piperis habeat vim & aroma, nec pipere vilius  
granum illud, vocant ipsi axi vltima acuta, papaueris supe-  
rat altitudinem. Colliguntur ex illis grana uti ex iunipero  
aut sapina, non ita grādia penitus: duæ sunt illius grani species,  
quinque aiunt alii: sesquidigito humano longum est vnum,  
pipere mordentius & acutius, rotundum aliud, non maius  
pipere. Sed hoc pellicula, carniculis, & animulis constat, quæ  
tria calidam habent acrimoniam. Est tertium non acre, aroma-  
ticum tamen, quo si vteremur, caucasco pipere non indigere-  
mus: dulce appellant boniatum, acre nuncupant caribe, quod  
asperum & forte, inde Caribes appellant Canibales, quia  
fortes illos & acres esse fateantur. Est alia in his insu-  
lis nomine Gucho, cuius rore tacto inficitur homo, uti ex sū-  
pto veneno. Eam arborem si quis fixo intuitu inspexerit, lumē  
oculorum amittit, & efficitur turgidus uti hydropicus. Aliæ  
sunt duæ, quarum ligna vel folia incensa solo suffimigio peri-  
munt, si lignum vnius parumper accensum in hospitio vage-



tur. Alterius est Venenum, si quis per nares sorbeat folii suffu-  
migium. Crudele facinus mihi narrauit sacerdos vn<sup>9</sup> qui sex-  
cies ex continenti, Cuba, & Hispaniola vastum illud iter O-  
ceani adnauigauit, eūdo ter ac redeundo toties, nomine Benedi-  
ctus Martineꝝ satis compositus vir. Is est qui primus Barchi-  
nonam de Iucatana ac ceteris finitimis illis terris nunciatum  
venit. Madronum ait virum quendam Albaꝝ et oppidi in  
Spartaria regione ciuem habuisse more veteri sub serula effo-  
diendi aurum, regulum vnum cum subiectis obtemperanti-  
bus, in sancti Iacobi loco, breui tempore ea auri fodina sorte in-  
uenta, hero tēporaneo collegit regulus cum suis fossoribus mil-  
lia castellanorum auri nouem. Est in regio senatu nostro ab ini-  
tio sancitum, vt cuique illorum iam à labore discedenti,  
donatiuum aliquod tribuatur è nostris rebus, pileus quip-  
pe vel ihorax, aut texta interior, vel sagulum aut  
speculum & huiusmodi. Putauit regulus donatiuum  
se habiturum ab hero pinguius aliquanto, quod breui tempo-  
re tantam auri summam reperisset. Strictius egit Mandronus  
rem quam debuisset: tanta fuit Regulo concepta bilis, vt voca-  
tis intra domicilium fossoribus illis, ad numerum quinque ac  
nonaginta, ita differuit. Viri socii, quid vltra viuere optamus  
sub tam atroci seruitute? eundum est iam tandem ad maio-  
rum nostrorum perpetuas sedes: ibi nāque ab his arumnis, quas  
intollerabiles in ingratorum potestate perpetimur, quiescemus.  
præite, subsequar vos illico. His dictis paratos tenebat eorum  
foliorum, quæ odorata vitam scindunt, manipulos: è succensis  
cuique tribuit portionem absorbendam: dicto paruerunt. Regu-  
lus & affinis eius primarius vir sagax, vltimum sibi sumen-  
di fumi locum seruauerunt. Cadaueribus iam erat tabernaculi  
pauimentum coopertum: certamen inter viuentes duos exor-  
tum est, vternā prius sibi necem concisceret. Vt socius prius,



instituit regulus. Subsecuturum se inquit socius, praiturum minime. Iam tandem regulus antecessit. Socius dulcis vita amore regulum & fatuos alios deridens, subsequi recusavit, exiens inde, nostris quod acciderit renuntiavit. Iisdem fere diebus ait aliud horridius in provincia Principis dicta accidisse. Puellam Cubensem habebat reguli filiam è pratoribus Urbanis unus nomine Olandus, suspicatus est prator, licet ab eò gravida esset, coisse foris non ut eam necaret, sed ut tantum timeret, verubus duobus ligneis colligatam ad ignem applicavit, in sibi à satellitibus cõvolui: rei atrocitate nouoque genere tormenti percussa puella spiritum emisit. Regulus genitor intellecta re triginta secum viros è suis coegit. Absentis pratoris domum adiuit, uxorem eius, quam post id facinus duxerat, fæminasque uxoris comites, ac famulos trucidavit ad unum: clauso mox ostio domus, igne supposito seipsum ac socios omnes auxilios cum pratoris familia mortuam & facultatibus combussit. De puellâ refert aliâ rem stupore dignam. Hæc à Mulione Hispano violata domum adiit, quod acciderit enarrat: Velle ob id se perimere parentibus dixit, solari nil profuit. Iucca succû, qui pro veneno si crudus, si vero coctus pro lacte habetur, sumpsit: non fuit eius veneni vis tanta, ut eam necaret: finire tamen vitam statuit quoquo modo. Postero die lotum se ad fluvium propinquum ituram dixit. Est enim moris apud illos quoto die bis lavare se: crudelem vindictæ viam invenit sibi: arborem parvam in ripa fluminis astantem deflexit ac perfregit ad sui verticis usque altitudinem: & quo melius, potuit modo, arboris cuspidem acuit. Mox in vicinam arborem grandiore sublenata, cuspidem arboris infixit sibi, qua fuerat violata, permansitque inserta veluti assandus edus in coquinali foco. Puella post paucos dies alia finire statuit & ipsa vitæ incommoda, sociam duxit secum huius sacerdotis aucillam coetaneam, illique facile persuasit ut exemplo sui ad matres

Res stupore  
re digna  
de quadâ  
puella.



Vna secum proficisceretur, Vbi tranquillâ actura sint vitam: cingulis, quibus erant accincta, ad arboris Vnius ramos alligatis & in collum nodatis se deiecerunt ab arbore: & ita suspēdio sunt facta votorum compotes. Ex rebus huiusmodi referunt multa. Vno giganteo sermone, qui harum significationū, veluti formidabilis substes Athlas, terga tueatur, extremum statuo marginem hunc fulcire. Diecus Ordacius, de quo supra feci mentionem, multos earum terrarum secessus perlustravit, & pacatos reddidit regulos: illum præcipue cuius monetaliū arborum est prouincia, Vbi quenam pacta arbor monetalis illa feratur ac nutriatur edidit, sicuti suo loco disserui. Gigantis reperit in templi Vnius fornice scē morale cscum frustum abrasum & longa vetustate semicorrosū: ad Urbem Victoriā paulo post tuæ Beatitudinis ab ea discissum Romam versus, licenciatus Aglionus ē senatoribus Hispaniolæ Vnus iurisperitus, id scēmur attulit. Id ego habui domi dies aliquot: à nodo coxendicæ ad gentialem quinque spithamis est lōgum, in proceritate proportio est. Post hoc missi à Cortesio ad Australia montana; regionem se inuenisse renunciauerunt hisce hominibus habitatam, & ex vita functorum costis, in rei argumentum, tulisse dicuntur plarasque. De cæteris quæ apud nos accidunt, per Casareos a manibus crebro fit certior tua Beatitudo: à me nihil eorum est exigendum, quæ calamitosos versant Christi vnorū principum animos, in Mahometcorum commodum & nostræ religionis iacturam simultatibus implicitos. Ergo iam valeat fœliciter tua Beatitudo, ante cuius pedes prostratus humillimam dico seruitutem.

Famora.  
le gigantis



## CAPVT DECIMVM.

1522.



Ioannes  
Ribera fa-  
miliatis  
Cortesi.

**V**ELVT Hydra Capita concissa septuplican-  
tur, ita mihi reponenti narrationem vnam  
plures aliae reserpunt De rebus Tenustita-  
nis me iam tandem portam clausisse puta-  
am: quando ecce nouo nuncio superuenie-  
te, patefacere illam denuo sum coactus. In  
vna e duabus nauibus dona ferentibus ex Cassiteribns adue-  
ctus est Cortesii familiaris a manibus Ioannes Ribera nuncu-  
patus: altera nauis praetimore pyratarum Gallorum, subsidia-  
rias naues expectante cum thesauro, cuius praeter quintam re-  
gio fisco debita, Cortesius dat partem libens e suo labore partis  
opibus: aliam ceteri comilitones eius primarii. Affert  
Ioannes hic Ribera in mandatis, ut a Cortesio de-  
signata porrigat Caesari, heri sui nomine dona, pro  
reliquis duo illi, quos supra dixi cum nauibus in Cas-  
siteridibus perstuisse, sua offerent. Callet hic Ribera Tenustita-  
nam linguam, & nihil actum est vniuerso bellorum tempore,  
cui non interfuerit, hero perpetuus collateralis: dimissus ab he-  
ro hic fuit, post multos dies a sociorum discessu. Inde possumus  
ab eo rerum omnium rationem habere dilucidiorum. Interro-  
gatus primo de Tenustitana ciuitatis origine ac nominis eius  
diffinitione, mox de ruina, & statu presenti, quibusque viri-  
bus rem sustineat Cortesius: de multis praeterea similibus: Ciui-  
tatem ait in eius lacuna salsa medio, in reperto ibi scopulo,  
(vnde de Illustrissima ciuitate Venetiarum legitur, ad tumu-  
lum in ea sinus Adriatici parte visum, fuisse constructam:  
quo se tutos redderent ab hostium incursionibus: nomen vero  
ex tribus concisis vocabulis compositum. Rem quae diuina vi-  
detur, dicunt tenufructum nucilitan rem appellant in aqua  
sitam:







intra urbem & in aqua ipsa structas esse cum amœnis viridariis hic ait, non in continenti, ut alii dixerant. De leonum tygriumque ac urforum & luporum hiatu querulo, quando cum domibus ipsis comburebatur, deque omnium illarum rerum miseranda direptione narrat multa. Sero domus illæ reficientur: erant à fundamentis totæ lapideæ, pinuis circumambientibus, arcis modo comptæ. Populares vero domus cingulo virili tenus lapideæ sunt & ipsæ, ob lacunæ incrementum per fluxum aut fluviorum in ea labentium alluies. Super fundamentis illis magnis, lateribus tum coctis, tum æstivo sole siccatis, immixtis trabibus reliquâ molē construunt: vno sunt communes domus contenta tabulato. In solo parum hospitantur propter humiditatem, tectæ non tegulis sed bitumine quodam terreo vestiunt: ad solem captandum commodior est ille modus, brevius tempore consumi debere credendum est. Quo autem pacto ingentes trahant trabes & contignationes, quibus in edificandis domibus indigent, referamus. Sunt montium illorum latera arboribus citreis, è quibus Romani voluptarii, postquam ad luxum à continentia transilierunt, mensas & lectorum spondas conficiebant, quod æternum seruet arbor citrea quicquid in ea contabuletur à tinea & carie, sintque illius arboris tabulæ variis à natura pictæ coloribus. Pineta sunt citreis consocia in ipsis nemoribus. Cum oricalcheis suis securibus & dolabris argute temperatis, arbores sternunt, & dolant, demptis assulis, quo lenius trahi queant. Non desunt illis herbae, quibus sparti vel canabi loco funes ac restes & rudentes componant: trabe in altera frontiū terebrata restem inserunt, mox veluti iuga boum mancipia subiiciunt, suppositis demum rotarum loco rotundis truncis, siue per acclive siue decline sit iter trahenda moles, fabris lignariis opus



regentibus, mancipiorum cernicibus res agitur. Materias omnes ad edificandum aptas, & cetera vsui hominum accommodata, eodem modo assequuntur, cum non habeant boues aut asinos vel animal vllum quadrupes onerarium. De trabibus non credenda referuntur, neque auderem ego ea recensere, nisi autoritate pollentes viri se plerasque fuisse dimensos attestati apud nos coactos in senatu, & multi quidem fuissent: centum viginti pedum longitudinem magno boue quadratura ortogonia crassiore vidisse vnam in Taxuco ciuitate, quæ atrium fere totum sustinebat, se inspectasse affirmant: contradicit nemo: hinc potest colligi quanta sit horum industria. De moneta vero dicta cacao, deque Cortesii viribus ad sustinendum tantæ vastitatis imperium, neque mutatam esse monetam, neque ut mutetur expedire inquit. Vires autem Cortesii consistere in vasis tormentariis quadraginta, equitibus ducentum, peditibus vero mille tercentum refert, e quibus bis centum quinquaginta presto esse vult in regendis bergantinis terdecim, cum suo pratore designato per lacunam die noctuque pererrantibus. Aliorum vitur opera in percurrendis nouis terris. Montes medios ab Tenustitana planicie ad Austrum perlustrarunt plerique: ab Oriente ad Occidentem reperiunt productissimos esse. Quingentas leucas peragrasse aiunt se qui eos tentarunt: Bene fortunatos commeatibus, & amœnos esse dicunt, ciuitatibus egregiis nobiles. Ab illis montibus & à labentibus per Tenustitanos agros fluminibus diuersis, Ioannes hic Ribera signa portat auri multimoda, lentè ac pisu legumè aquatia, vniones vero ab Australi plaga varios: sed apud MutecZuam & eius deliciosos procures, aut hostes alios in bellorum exuias repertos affert. Quum haberem domi Riberam

In quibus  
consistat  
vires Cor  
tesii.



hunc Reuerendus Protonotarius Caracciolus tua Beatitudinis legatus, cum oratore Veneto Gaspare Contarino, & Thoma Maino iuvene, magni Iasonis Maini nepote, pro duce Mediolani, ad me Venerunt, audiendi videndique res novas cupidi. Admirati sunt non auri copiam, neque quod ita purum esset ab origine sua (purum est nanque ita ut possint aurei ducati nil mutado ab eo cudi) Mirati sunt primo numerum & formam Vasculorum auro refertorum, quae ab diuersis nationibus diuersa portabat, missa in tributum: & in argumentum quod apud se id aurum colligeretur, in quoque Vasculo aut cannula sua erant cuiusque regionis stigmata: ceto vel noue aut decem dragmarum auri pondere constabat ipsorum quodque. Id nobis monstratum, indicium est, quale conuenit esse proprium vnius viri, ex his qui participes rerum fuerunt: est enim Ribera ipse rerum illarum omnium quas monstrauit, dominus: quod autem in faciente moram naui affertur, aceruus est ingens Caesari praebendus: duorum & triginta millium ducatorum est summa conflati & redacti in vetes auri: sed quod ex anulis, monilibus, scutis, galeis que ac rebus aliis, quae afferuntur, haberi poterit, si conflaretur, summam ait esse centum ac quinquaginta ducatorum millia: sed pyratas Gallos olfecisse iam naues illas sub nescio quo murmure recutitur aer, deus bene vertat. Ad perticularia istius Ribera veniam qua sunt afferendorum tenuia simulacra. Vnicus ostendit nobis nihilo deteriores illis, quos humana lasciuia vocat orientales, auelanam iugentem superant multi, sed maiori ex parte non bene candidi, quoniam ex conchilibus asis, vniuersos gignentibus, illos cruunt: nitidos tamen aliquos vidimus. Hoc parum est. Pulchrum fuit videre monilium & annulorum varietatem: nullum est animal quadrupes, nulla volucris, piscis nullus, ab eorum artificibus semel visus, cuius imaginem non diducant ad viuum. Viuos cernere videbimur

Ingeniosi  
artifices  
apud In  
dos.



vultus, vascula, perpendiculos auriculares, torques, armillas, ex auro cuncta mirabamur, in quibus labor erat materiam longe superans, conos, cristas, scutaque & galeas arte ac punctis adeo minutis tractim laboratas, ut sua tenuitate fallerent oculos: duorum speculorum precipue pulchritudine fuimus delectati, unum erat aureo semiglobo circumdatum, eius erat spitamalis circumferentia, ligno insertum viridi: alterum non aque magnum. At hic Ribera, lapidicinam esse in illis terris eiusmodi, ut detergendo egregia queant formari specula: nullum e nostris naturales magis ostendere vultus humanos fassi sumus omnes. Larvam vidimus perpulchre formatam, ea in interiori parte sui est contexta tabella, de super minutissimis confecta lapillis, tali iunctura compactis, ut fallere vngues possint, & unus ac idem esse lapillus videatur oculis lucidis, ex ea, qua diximus specula fieri, materia: auribusque aureis faciem illius duae ab utroque tempore transversant Zona virides smaragdinae, crocea totidem semihiantibus ore dentibus offeis, e quibus duo ab utraque maxilla in mentum demissi genuini extra labia exerebantur: larvas illas locant suis diis in faciem quando princeps aegrotat, neque tollitur quoad velevadat incolumis vel moriatur. Varias post haec eduxit ex ingenti capsula vestes: tres habent solas ad indumenta omnia materias, ex gosampio primam, ex plumis avium post id, ex cuniculorum villis tertiam compactant: plumas illas & concinnant inter cuniculorum villos, interque gosampij stamina ordiuntur, & intexunt operose adeo, ut quo pacto id faciant non bene intellexerimus. De gosompiis nil mirum: quo lineas modo, aut laneas, sericeas etiam ordimur & inteximus telas, suas ipsi gosampias. De vestium vero forma ridiculum est visu: vestem appellant, eo quod se illis cooperiunt, sed nullam sibi habet cum ulliusmodi veste similitudinem:

Larva e-  
gregie  
formata.

Ee iij



est quadratum velamen tantum, illi persimile quod in humeris iniiciebat sibi tua Beatitudo, me presente aliquando, caput pexura, ad vestium custodiam, ne à capite capillus aut aliqua sordes alia caderet in vestem. Id velamen sibi proiciunt in collum, dehinc nodatis ipsius velaminis ad guttur duobus è quatuor angulis, demittunt velamen, quod vix tenuis crurum corpus tegit. Vestibus his visis desui admirari, quod vestium numerus ad Cortesium tantus mitteretur, uti supra memoravi: parui namque sunt momenti parumque occupant ex illis multæ. Habent & subligaria à quibus ad elegantiam plumæ quadam variorum colorum pendent ineptie: tenus genu stant pedibus. Calligis plerique utuntur maiori ex parte plumis, inserunt gosampiis staminibus plumas, cuniculorumque villos argutissime in cunctis rebus, & ex illis hyemales construunt suas vestes & lodices nocturnas. De cædero nudi, & nisi frigus vigeat, unum semper è lacertis exertum tenent. Sunt propterea suffusci omnes terra vero, licet aliquando frigus sentiât, necessario parum urgetur frigore, cum dicant planiciem eam à gradu nono decimo tantum ad vigesimum usque secundum ab arctico distare polo: sed unum aduerti depictum in mappis quas attulit hic plures. A Borea sunt montes alicubi distantes inuicem, vallibus vberimis illos dirimentibus, per quarum fauces vis ventorum septentrionalium est in ea planicie valida, propterea latus illud civitatis Tenustitana, quod tendit ad Boream, est fixarum trabium & saxorum ingentium latis aggeribus munitum, quod ab impetu turbinis civitas tuta sit. Id idem vidi ego Venetiis ad furorè Adriatici maris sustinendum, ne domos quasset, inuictum: littus dicunt eam struem Veneti, vulgo El lio. Ab meridie contra sunt contigui montes, alti adeo ut non detur Austriis posse planiciem illam perflare ad calorem præbere.

Parui momenti vestes.



dum: veniunt ab aethere praeterea Boreales venti & ab alto magis feriunt, quam Austri, qui ab imo ascendunt ad summum, habetque planicies ipsa non procul perpetuo niviales montes, habet & ignitos. E mappis vero terrarum earum unam inspeximus longitudine pedum triginta, latitudine paulo pauciorum, ex gosampio candido intextam, in qua late scripta erat uniuersa planicies cum provinciis, tam amicis Mutecumae quam hostilibus. Sunt vna montes vasti ab omni parte planiciem circumsepientes. Sūt quoque meridionales ora littorales figurata, à quorum incolis audisse inquirunt propinquas esse littoribus illis insulas, in quibus supradiximus aromata & auri ac gemmarum copia oriri. Hic est parumper egrediendum Pater sancte. Cum hic punctus lectus inter nos fuisset, plerique torserunt nares & fabulosum esse putarunt, quia de futuro ancipiti litera loquerentur, sicuti accidit in multis, quae de Barbarorum relatu habentur, donec in apertum illa prodirent: nec immerito quidē ambigebant, trium rerum exemplo, quae in putato continenti nostro acciderunt, à primis praepositionibus non consona, de quibus ego in decadibus primis feci mentionem, in ambiguo semper tamen ea relinquens. A Comogri reguli filio, principe è septem, incusatos fuisse Hispanos dixi, quod aurum tanti facerent, cuius ipse copiam satiabilem ostensurum se obtulerit, modo armatorum arcesserent manum, qua duce monstratos montes à regulis bellatoribus, sui iuris magnanimis defensoribus possessos, traicere auderent: quoniam ea illorum montium latera, quae Austrum spectant, aliud assequebantur mare ad antarcticū, & illorū laterum habitatores essent ditissimi: montes traiecerunt, australe pelagus pertractatum: multo minores esse res illorum regum quam fama ferebat cognouerunt: de flumine Dabaiba idem, de quo etiam satis late illic. Quae duo renunciata Catholico regi stimulos

Egressio.

Ee iij



Petrus  
Arias.

illis inuenerunt ad mittendum Petrum Ariam cum mille  
ducentis militibus ad carnificinam. Mortui namque sunt fere  
omnes cum exigua utilitate, uti satis late alias. Tertium est il-  
los trahens, ut minus credant quae ferantur, neque alienum  
a ratione. Longa iam experientia compertum est, Incolas om-  
nes earum terrarum, quo a suis finibus nostros abigant, scruta-  
ri quidnam cupiant: quando aurum vel escas optare intelli-  
gebant, distantiora signabant loca & admirabundi, multo  
maiores apud quosdam regulos, & illos nominant, quam a-  
pud se rerum quaesitarum abundantiam reperturos, predicant.  
Quando vero ad regulos designatos commearunt, deceptos  
se fuisse intellexerunt. Ergo non iniuria idem iudicant posse  
accidere de his quae a longe referuntur. Ego autem casum am-  
plectens hunc, in tanti viri fauorem rationes mihi videor re-  
perisse probabiles & persuasivas. Magno Cancellario Mercu-  
rino a Gattinera, commendatore maiore Fernando a Vega, do-  
ctore domino de la Rochia Belga viro, Caesari grato, Magni  
Cancellarii Philippi filio, & magno thesaurario Licenciato  
Vargas in senatu rerum Indicarum post tuae Beatitudinis di-  
scessum admissio, praesentibus, haec differui. Inter naturae mira-  
cula aut inter difficultia rem hanc connumerare ego erubescere-  
m. Maluca insula aromatum altrices, sub aequinoctio partim  
sunt: uti supra memoravi. Spacium haec terra, si uniuersum  
pensitauerimus, occupant exiguum. Quum vero circulus equi-  
noctialis uniuersum ambiat orbem, quis tollet, quin alibi, sicut  
& ibi, cum eadem caeli clementia reperiri queant aliae terrae,  
quas aromatico illa vigore solaris virtus ingrauidet, ignotas  
que diuina providentia usque ad nostram tempestatem esse  
voluerit: uti & Oceani & regionum terrestrium tanta ua-  
stitate latuisse hactenus videmus. Littora quippe illa Tenu-  
sitana australia, vix ab aequinoctio distant gradus duodecim.

Maluca  
insula  
bi sita.



Quid mirum ergo erit, si vii cetera demersa prius, nunc esse patefacta videmus, & hoc nunc eueniat ad nostri Caesaris, & tuae Beatitudinis discipuli felicitatem augendam. Idem dictum velim his qui statuunt ea solum velle credere, quae sui ingenij viribus assequantur, tuae Beatitudinis nomine, quae non tantum omnium genitricis arcanorum natura, sed & diuinorum sagacissima semper fuit indagatrix. Alio praeterea moueor argumento. Cortesius qui tanta peregit, non esset meo iudicio rationis expers adeo, ut sua impensa clausis oculis in australi pelago talem sumpserit prouinciam, qualem amplexum fuisse scimus, construendarum quatuor nauium ad eas terras perquirendas, nisi quid certi aut verisimilis saltem intellexisset. Iam satis. Ad Riberam eius familiarem regrediamur. In illis montibus ait ex incolarum relatu syluestres esse homines, hispidos uti villosos vrsos, montanis antris & nativis terrae foetibus aut venatu contentos. Post grandio-rem mappam paulo minorem vidimus aliam: sed non minus alliciētem animos nostros, cum suis templis ac pontibus ciuitatem ipsam Tenustitanam ea incolarum manu cum lacu-  
nis depictam complectebatur. Puerum post haec indigenam, quem ipse aduexit famulum, è meo cubiculo instructum bellico more, nobis in aperto solario sedentibus, ad luci feci. Dextera ensē gestauit ligneum simplicem, sine lapillis assuetis apud eos: (ensis namque bellici aciem utramque effodiunt, lapillisque acutis vacuum illud implent, tenacissimo bitumine, ita ut in pugna ferè nostros in scindendo aequent enses.) sunt lapilli ex eo lapide quo nouaculae, de quibus aliàs dixi, confingunt. Scutum extulit suo more compactum. Id est ex viminibus contextum tenacibus auro superposito, à cuius mediis inferioribus circumferentiis fimbriae pendent volatiles plumae, ad ornatum insertae spithama longiores: scuti pars interior, pelle tigridis erat contexta: exterius aureo constabat

Puer Ind<sup>us</sup>  
more bel-  
lico orna-  
tus.



Belligerā-  
di simula-  
chrū exer-  
cet.

Umbilico, plumeo variorum colorum campo, parum à nostro serico villoso differente. Prodit armatus ense puer, & glauca partim, rubra partim contextus veste stricta plumea, cum subligari gosampino, inter fœmora mapula pendet, contextis cum ea veste calligis ac si thoracem quis exuat, ligulis nō solutis à calligis, perpulchre indutus soleis, belligerandi simulachrum exercuit puer, in hostes nunc ruens, ab hostibus mox fugiens, demum cœpisse confingit pugnando puerum alium, ad id instructum & ipsius conseruum, illum vii raptare solent bello captos hostes, capillis arreptum trahit ad immolandum, stratum videbatur primò per costulas cultro, quā cor iacet, aperire: mox eruto corde, sanguinem cordi proximum manibus ambabus emungere fingeat: eoque ensem & scutum irrorando madefaciebat. Id esse moris aiunt in captos hostes. Cor autem ipsum, accenso cum duobus confricatis lignis, ad id ministerium aptis, igne (virgineum recenter excussum oportet esse ignem,) comburit: cuius fumum gratum esse arbitratur suis bellorum fautoribus diis: corpus reliquum secant membra tum, vii pueri actus demonstrabant, ventre cum popa integro relicto, ne sordes labantur. Caput vero hostis immolati carne nudatum auro insertum pro trophæo quisque interemptor habet, torque sibi aurea confici curat capita hyantia parua, quot hostes interfecisse ac immolasse probabitur: eaque pendula collo gestat, opinio est vi membris pascatur. At Riberā hic scisse se principes omnes Mutecumanos carnibus & ipsos humanis vesci solitos, unde suspicatur quod & Mutecuma, licet ab eis cauerit semper in eo casu, postquam edixerint quā fœdū sit quāque deo male gratū occidere hominē, quāto magis hominē comedere. Post exacta sacrorū à puero ficta solēnia, dū interea de terrarū illarum moribus & amplitudine Riberā percunctādo lassaremus, puerū in cubiculum introductū festiuo induerunt more: aliter indutus ad nos



prodiit, cum iocali aureo mille modis ornato in laeuā sumpto, in dextrā vero tintinabulorū attulit sertū excutiendo & iocali leniter in gyrū eleuato, mox demisso, cū cātu patrio tripudis tabulatum, in quo sedebamus spectantes, implebat: pulchrum fuit videre ad honoratiore accidentē, quo modo reges offerēdo munera salutāt, voce tremula, vultu demisso, eleuato in regis faciē nunquā, alloquitur accedēs, & corpore prosti-  
to in hūc sensum verba promit: Regē regū appellat, cœlorum ac terrarū dominū, suæ ciuitatis aut oppidi nomine offert obsequiū, ē duobus virū malit, eligat: an vī domū aliquā ei construunt, saxa, trabes, & cōtignationes trahēdo: an colēdis agris intēdat. Mācipia se esse regia dicunt, ab hostibus finitimis iacturas ingētes se fuisse perpeffos eius causa differūt, omnia tamen libetī animo incōmoda suscepisse, propter obseruantia & fidelitatē erga illū: & hinc inscitias multas. Tercio, nobis in Ribera colloquiis implicitis, ē cubiculo prodiit puer ebrīū agēs: nullū vidimus spectaculū ebriosi similis: quando à diis impetraturos se putāt aliquid optatū, duo ac tria millia cōuenire ac ex herba cuiusdam inebriantis replere succo ait, ita nudos per vicos vrbis & plateas discurrere, parietes querendo pro sustentaculis, & obuios interrogando, quanam sit iter ad propriū contubernium, modō spuendo, vomendo modō, & cadendo sepius: de puero satis. Nescio quid ait audiuisse Ribera de regione à solis mulieribus habitata, in montibus illis ad Boream tendentibus, sed certi nihil. Hoc argumento aiunt posse credi, quod regio dicatur Iguatlam, quia Iguat illorum lingua dicitur mulier: & lan dominus: inde putās feminariū esse regionē. Interea dū puer pararetur ad spectacula diuersa, inter cetera de potētia MutecZurnæ argumenta, diuersarum prouinciariū apud se habuisse interpretes & legatos innumeros, curiam ipsius fixo pede dominorum nomine nobi-

Quis mo-  
dus salutā  
di Reges.

Spectacu-  
lum ebrio-  
rum.



de ludis  
ludorum.

litantes, vti apud nos sunt Comites, Marchiones, Duces, Caesaris observatores. Non est alienum à re licet ludricum, quibus ludis vtantur dicere: scacorum fritillos habere notum est, per scacos in lodicibus contextos: sed pilæ ludus & apud eos, & in insulis nostris pro primario habetur. Sunt eorum pilæ ex cuiusdam serpentis per arbores herba succo, vti per sepes lupuli serpunt: succum coquunt, is durefcit feruendo, & in massam vertitur, ex qua confricata pilam ad suum quisque libitum format, ex earum herbarum radicibus dicunt alij cōfictis ponderosæ sunt: sed nescio quomodo in solido ventosæ, vt paulo ictu concussæ in terram exiliant in æthera, saltu non credibili. Sunt in eo ludo dexterrimi: humeris, cubitis, & capitibus, manibus raro, pilam feriunt, cum natibus aliquādo (tergo dato dum pila concutitur ab aduersario) quia nudi exercent ludum vti palestritæ. Cadelarum & facum loco pineas vrunt medullas, neque seuum aut abdomen aliud aut oleum habent: neque ad id ministerium cera vtebantur (licet ceram assequantur & mella) vsque ad nostrorum accessum ad eos. In regis & procerum atrijs, tres ignes accensos nocte tota seruant, ex illis assulis pineis instructos, ministris ad id opus vicissim designatis, qui perpetuo lignorum iactu ad focum, super alto candelabro, ex oricalco fabrefacto, fouent lumen. In atrij vestibulo candelabrum est vnum: in aula primaria in qua familiares mandata expectantes deambulant, alterum: intra principis cubiculum tertium. Si quo particulariter sit eundum, suam quisque tedam gestat manu, vti nostri candelam. In insulis vero testudinis adipe ad lucernæ fomentum vtuntur, vt nostri sepo. Populares dicit vnā esse vxore contentos: cuique vero principi licet ad libitum suum alere pellices: inquit etiam solos principes lectis procumbere, ceteros in stratis super pauimento storeis, aut tapetibus gosampijs, lodicibus tantum gosampijs quibusdam contentos:



quarum partem dimidiam subtendunt, altera se cooperiunt. Harum lodicum multas Ribera nobis ostendit. Viuunt præterea numero & mensura contenti, pondus est illis ignotum. Dixi alias habere libros, è quibus multos attulerunt: hic autem Ribera inquit, non ad usum legendi esse compactos, sed tantum characteres illos imaginibus variis munitos, esse rerum exempla, à quibus opifices exemplaria ad monilia vel lodices vestesque formandas & figuris illis ornandas excerpant, uti video passim in Hispania sutrices, & eas quæ linteis sericeos insuunt acutus subtilitus laqueos, rosas, floresque ac multa formarum genera, quæ oblectant suo aspectu, habere apud se laborum omnium illorum in linteis particularibus formas, quibus ducibus tirones puellas instituunt. Quid credam in hac varietate non intelligo. Libros esse puto, characteresque illos ac imagines aliud aliquid significare, cū Roma viderim in obeliscis eiusmodi res quæ pro literis habebantur, legamusque Chaldeorum fuisse quondam eum scribendi modum. Memini me supra scripsisse quod Mutecuma ab sua regia leucās sexaginta, mari vicinum Cortesio petenti construxerit per architectos atrium, ubi monetarium arborum duo millia plantari, & maicij grani heminas seri multas, anseresque ac anates, & pavones natiuos iusserit iniici, cum tribus aliis domibus ad atrij obsequium: interfecisse nostros ibi relictos, & omnia rapuisse Barbaros finitimos ait, quo tempore ciuitate fuerunt expulsi. De commodo cibali lacunarum salsa ac potabilis refert: salsa minores esse minusque sapidos pisces, & quando fluentis salsa in potabilem aqua labitur, nutritos in salsa pisces à dulcis aquæ gustu retrofugere ad refluentis aqua meatum. E conuerso ubi salsam gustare incipiunt potabilis habitatores eodem retrocedunt modo. Quid fiat in rituum forma veteri, quoue modo capiant tam repentinam sacrorum mutationem interregatus dicit, quæque simulachra bello victorum esse di-

De libris  
eorum.



ruta: vetitumque ne humano sanguine ulterius litet. Amicos autem relictos persuasos ne homines perimant, si cælorum satari gratos fore se cupiant: non esse tamen tempus ratus est, ut ita repente cogat mutare imbutos à maioribus mores, in hoc vno satisfecisse putatur, quod neque Tascaltecani aut Guazuingi vel alij quique amici publice audeant ulterius eam carnificinam exercere, secreto dubitare se ait an penitus abstineant. Paulatim aboliturum veteres illorum ceremonias sperandum. Sacerdotes postulat, petit & campanas cum ornamentis: mittetur omnia, & tua Beatitudinis throno multa centena millia populorum noua subiicientur.

ARCHIEPISCOPO CONSENTINO  
PRAEBENDA PONTIFICI, PETRI  
Martyris Anglerij Mediolanensis,  
Sexta decas.

## CAPVT PRIMVM.

1523.



**P**RIVS QVAM tua legatione functus Hispanica duobus Pontificibus utili & honorifica, carente regibus Hispania, ob regis Caesaris discessum ad oblatam Imperialem coronam capeffendam, regredereris ad urbem, scisse te arbitror, inter nobiles Hispanos, nostri putati continentis in orbe nouo latus australe per nauigantes, non fuisse vulgares Aegidium Gonsalum vulgo Gil Gonzale & Licentiatum Spinosam iuriconsultum. De Spinosa te presente multa in tertia mearum decadum ad Leonem Pontificem Maximum, ipso petente, scripta. Nunc ab Aegidio Gōsalo literas habemus post biennium sub data ex Hispaniola, illorum tractuum regia, pridie nonas Martij. M.D.XXIII.

Literæ ab  
Aegidio  
Gonsalo.



Ad quam se inquit appulsum fuisse cum centum ac duodecim auri millibus pensis. Rediisse autem Pānaman alterius anni. M.D.XXIII. Iulij die. xxv. Ingens est cartarum Volumen, quod minuta quaecunque longo temporis ac terrarum intervallo sibi acciderunt, enarret. Sunt & diffusa eius à Cesare postulata, pro laboribus & periculis, arummosa etiam egestate in eo discursu perpeſſis. Neque de Petro Aria generali gubernatore illarum terrarum, quas sub vna denominatione Castellam auriferam appellamus, desunt conquestus & Verba, stricte libertatem ab eius arbitrio afflagitantia: inter quæ nobiliori se ait esse ortum sanguine, ac si ab ignavo caupone aut ab Hectoreo viro natos esse interesset, qui ad huiuscemodi laboriosa & grandia negocia deliguntur à regibus, in Hispania precipue, vbi maiori ex parte nobilium specialem esse prerogatiuam arbitrantur, vt ociosi ac sine vlla exercitatione, præterquam bellica, & ea imperatoria, non ministratoria, viuant. Habui abs te literas manu tui Ioannis Pauli Oliuerij mihi redditas, datas in vrbe nonis May: quibus inter cetera inquis Summum Pontificem Clementem his significationibus nō minus delectari, quā Leonē patruelem, aut Adriani prædecesores, per suas breues mēbranas imperātes mihi vt ea conscriberem. Collegi ad te pauca è multis, nō ad suam Beatitudinē dirigenda, quæ, si vti Leo patruelem, si vti successor eius Adrianus fecere, suis me imperijs impulerit ad scribendum, parebo libens, aliter ab eo labore abstinebo, ne in temeritatis notam à labijs iniquis iudicer incidisse. More igitur nostro seruatō, posthabitis scribentium minutis affectibus, quæ necessaria cognitu fore arbitramur, perstringemus. Nec puncto me ab hoc instituto caput illud epistolæ tuæ mouebit, quo ais in Germania de verbo ad verbum ab Hispano idiomate in latinum fuisse traductum, Ioannis Granatensis electi episcopi Vienensis hortatu, quicquid Fernāndus Cortesius Iucatana-

De natura  
Hispano-  
rum.



Amplitu-  
do terræ  
super in  
ueniæ.

rum & Tenuſtitanarum ingentium regionum proſtrac-  
ad Caſareum rerum Indicarum noſtrum ſenatum, & ip-  
ſum Caſarem ſcriptitauit: ex illis namque & aliorum rela-  
tu (vñ noſti) excerpti ego quæ digna notatis viſa fuerunt.  
Ad rem iam tandem veniamus, & à coloniis erectis ca-  
piamus initium, quo facilius geographia veteri perceptas,  
quos Aegidius iſte tractus peragrauerit, capiat intellectus.  
De amplitudine illarum terrarum, quæ ferè ter ſua longitu-  
dine, nec fine reperto, Europam ſuperat vniuerſam, in pri-  
mis decadibus meis, preliſ impreſſorum ſubiectis, & per Chri-  
ſtianum orbem vagantibus, ſatis latè, ſub putati continen-  
tis nomine, mentio facta eſt. Iacentia ſcripſimus in probatio-  
ne latitudinis Maragnoni fluminis, huic terræ duo eſſe ma-  
ria ingentia: Occidentale hoc noſtrum, illi terræ ſeptentrici-  
nale, anſtrale aliud. His ſuppoſitis intelligat ſua Beatitu-  
do conditas eſſe in eius terræ lateribus colonias ad Hiſpanis  
ſex: in ſeptentrionali tres, ad fluminis Darienis ripas in Vra-  
bæ ſinu, nomine ſancta Maria antiqua, vnam: ab Dari-  
ne leucas viginti Aclam: ſub Dei Nomine, in reguli Ca-  
reta diocèſi ab Acla. xxxvii. leucas tertiam. In anſtrali  
vero littore totidem erexerunt, quarum vnam patrio no-  
mine relicto, Pannamán vltima producta vocauere: à Pan-  
nama vero ad leucas. xxxi. Natam ſecundam, à Natam ad  
leucas. lxxxv. condidère tertiam, dictam Chiriqui.

E P O R T V



## CAPVT SECVNDVM.



**P**ORTV colonia Septentrionalis Nomen dei appellata, montes densis nemoribus ab aeterno intactis, & rupibus arduis inuios, cælo equatos ad Pannam australem, cum Petro Aria gubernatore sternere iter statuerunt habitatores. Est namque inter Virumque mare septēdecim tātum leucarum, qua milliaria claudunt circiter quinquaginta, intercapedo illa terrarum, licet alibi sit latissima tellus, & adeo lata quod à faucibus Maragnoni fluminis in Oceanum à septentrione cadentis ad antarcticum, Ultra æquatorens gradus quatuor & quinquaginta sese protendat, Vti vidisse te arbitror in ea decade ad Adrianum, qui nuper obiit, directā, quam successor eius præbendam ad te misi, licet alieno nomine nuncupatam, quandoquidem ille fato interceptus est decade non recepta: in qua de insulis aromatum altricibus, ea via repertis, sit lata mentio. Per Isthmū ergo hunc, tum regiatum incolarum summā impensa iter illud rupibus confractis & variarum ferarum stratis nemoralibus cubiculis, faciunt binis curribus peruium, quo facili traiectu queant Vtriusque maris immensis secreta vestigare, non perfecere tamē adhuc. Ex insula igitur, quam Ditem in decadibus primis appellatam dixi, nunc Vnionum insulam, quod Vnionum sit illic ingens copia, in colonia Pannama prospectu sita, Aegidius Gonsalus die primo ac vicesimo Ianuarij anni à salute nostra secundi & vicesimi à quingentesimo & Millesimo, cum quatuor nauium ferè inermi classicula, se ait ad Occidentem vela fecisse, quod iussu Caesaris, nostri regis senatus consilio pareret, à quibus habuit in mandatis vt occidentales nondum tractatas oras per-

E f



Quid pē-  
sum.

lustrās diligenti studio perquireret, an inter vltimos ipsius prā-  
tati continentis terminos iam pridē notos. & Iucatānarum  
terrarum initia, fretum aliquod eas dirimens vestitates in-  
ueniatur: Vt paucis absoluerim fictum minime repererunt,  
quæ vero perfecit, multis circuitionibus à tergo re-  
lictis & plerisque notatis habeto. Sexcentas & quadragin-  
ta se leucas, quæ sunt milliaria circiter bis mille, mensium  
spacio ferè decem & septem, nouorum tractuum oras & re-  
gularum imperia penetrasse ad Occidentem scribit. Quo tem-  
pore dum confracta naues & colubrulis maritimis, ab His-  
panis bromā dictis, terebrata reficerentur, deficientibus &  
victui necessariis, terra percurrere coactus fuit. Quatuor &  
quadraginta post ducentas leucas in internis peragrauit cum  
hominibus circiter centum, à plerisque regulis panem sibi &  
comitionibus mendicans, à quibus dicit se habuisse dono  
pensorum aureorum centum duodecim millia: (Est pensum  
dragma quadrantem superans, vii te didicisse, quatuordecim  
annorum apud Hispanos egregio commercio, est opus:) aitque  
baptismatis lauacro inuncta, nec inuita, per initiatos quos se-  
cum habebat, incolarum duo ac triginta hominum amplius  
vtriusque sexus millia: adnauigasseque tantum se inquit, ut  
à tergo Iucatanae provincia mores eosdem & idiomata repe-  
rerit, quibus Iucatani pollent habitatores. Ex centum duo-  
decim millibus allatis per thesaurariū Cerezedam ab eo mis-  
sum pensis, pro regia portione ait mittere se Casari, parte vna  
pensorum millia septemdecim, auri semipuri quod gradus at-  
tingat duodecimum & tredecimum, parte altera pensorum  
millia quindecim & trecentum sexaginta pensa: in secures  
quibus loco ferrearum & calibe inaptiarum ad lignariam ar-  
tem exercendam vtuntur, deducta securium persa paulo  
plus dimidio aureo ducato valorem singula contingere, pro-  
bantium auri gradus magistrorum, ad id designatorum, test-  
imonio scribit. Quod nos magni facim⁹ est, repertas esse terras



in quibus fabrilis, rustica etiam instrumenta omnia ex auro, licet non puro conficiantur. In tintinabula quoque ex auro conflata, quibus maxime delectatur, misisse inquit sex & octoginta supra sexties mille pensa, quae fere nullum, ex magistrorum calculo, gradum assequuntur: ut lenius atque acutius tintinabula resonent agitata, credunt nostri tam sine lege fabrefieri: auri namque tinnitus, ut scire te oportet, quanto purioris auri, eo est hebetior. Particularius autem pleraque recensens ait, ex fluviorum transitu & pluviarum frequentia, quod hyemis, essent nostrae menses, licet aequinoctio proximi frigoribus non ita urgerentur, sibi & consociis tamen varios laguores exortos fuisse, qui ne magna efficerent iniura eos deturbabant: ad novam insulam cum provincialibus vnilignis linitibus traiciens, cuius, & consociis testibus, decem est leucarum longitudo, latitudo vero sex, ab insula regulo benigne susceptus fuit. eius atrium ait in edito parumper colle sublicibus trabibus constructum, & culmis herbisque iuentibus a pluvia contextum, in castrensis papilionis formam erectum. In hac insula & regia vicinia bipartitus labitur ingens fluuius: hunc ait, eo tempore quo ipse aquarum alluviebus interceptus apud eum Regulum permansit, fere tota insula adeo inundasse, & regiam ipsam domum virili cingulo tenus ita perliuisse, ut eius incrementi furore possit regiam sustineri iudamētis emolitis, domus ipsa corruerit. Sed ait trabium cuspides inuicem connexas mole sustinuisse coniunctam, ne penitus laboretur in eos: securibus impactis portam sibi, qua exire posset, effecere. Ad arborum altarium ramos habuere refugium, ubi ait se atque una socios & hospites biuui egisse, donec ad alueos pluuiis cessantibus, aqua redierit. Particulares casus, hic refert varios. Sed tibi satis, si praecipue harum fortuna nugarum Beatissimum Clementem facturum es participem, quem ingens ea pontificia moles tenere semper magnis negociis implicitum debet. Ablatis ab alluvie commearibus omnibus, egestate coactus, iungere adhuc

Rustica  
instrumē  
ta ex auro  
facta.



terrestri victum quaesiturus, progreditur ad occidentem, luto-  
reo tamen prospectu nunquam relicto, ad portum vsque iam  
notum, & à nostris sancti Vincentij portum appellatum per-  
uenit. Socios appulsos esse reperit, cum quibus discedens ab  
eis dum naues & aquatilia vasa reficerent, ita conuenerat.

## CAPVT TERTIVM.



**H**ic pro temporis exigentia salutatis, & ma-  
ture quid cuique faciendum esset deliberato:  
quatuor equis, quos aduexerant, è nauibus  
eductis, classiarius imperat, vt recta ipsi ad  
Occidentem paulatim adnauigent. Vt ob sco-  
pulos, vt ob vadofas arenas à noctium velificatu caueant,  
quod per incognitos iam pelagi tractus sit labendum edicit,  
ipse vero quatuor illis equis & peditibus circiter cētum ter-  
restre iter capiens, in regulum incidit nomine Nicoianum: be-  
nigne suscepto Nicoianus millia pēforum auri, quatuordecim  
dono dedit: persuasus à nostris esse supra solem alium quā  
ipsi arbitretur, cœli ac terrarum satorem, qui solem ipsum ac  
lunam ceteraque visibilia sydera ex nihilo formauit, & sua  
sapientia gubernet, qui & cuique hominum pro meritis præ-  
mia impartiat, voluit cum vniuersa familia baptizari, &  
ex eius regno abluti sunt lauacro baptismatis reguli exemplo  
millia hominum viriusque sexus. Circiter septendecim die-  
rum spacio apud Nicoianum versatus ita instructum reliquit  
vt discedenti hac idiomate suo per interpretes conuicinos in-  
tellecto protulerit. Quandoquidem hac auita deorum simu-  
lachra nunquam vltra sum allocuturus, nec ab eis quicquam  
petiturus, ea tecum auferto: hac dicēs Aegidio Gōsalo spita-  
malis altitudinis præbuit sex aurea simulachra, maiorū suorū  
vetera monumēta. A Nicoiani regia intellexit habere regnū

Nicoian<sup>o</sup>  
Regulus.



ad leucas quinquaginta Regulum nomine Nicoraguam: a Nicoragua sede regia vnius itinere diei sistēs, nuncios misit qui Regulo idem renunciarent, quod ceteris nostri solent regulis, priusquam eis instent, ut scilicet Christiani efficiantur, utque magni regis Hispaniarum iugum ac leges admittant: si detrectauerit, bellum & vim in illum excitaturos. Postero die Nicoraguani nobiles obuiam prodeunt quatuor, pacem & baptismum se velle Reguli nomine inquirunt. Nicoraguam adeunt nostri, cum familia vniuersa, & paulo plus nouem millibus aliis sacro addicunt baptismati. Pensorum auri Nicoragua dedit Aegidio Gonsalo millia quindecim variis cōfecta monilibus. Pensauit Aegidius munera muneribus, sericeam Nicoragua vestem & interiorem lineam textā, purpureumque pileum praeuit: duabus crucibus ibi erectis, in eorum templo vna, & extra pagi domos altera, discessit: petijt regionem alteram ad leucas sex, ad Occidentem semper tendens. Vbi ait vicos reperisse sex, duorum millium domorum circiter singulos. Audita nostrorum fama, visendi studio dum inter eos sex pagos morarentur, occidentalior alter venit ad nostros regulus nomine Diriangen, quingentis hominibus & viginti fœminis comitatus, vexillis decem & cubicinibus quinque praeuentibus more suo. Accedens Regulus ad Gonsalum, in solio apparatu regio compto expectantem, clangere tubas, mox desinere, vexillaque praecedentia demitti praecepit: virorū quilibet vnā hic, duas alius similes pavonib<sup>9</sup> volucres afferebat, nec magnitudine aut gustu inferiores. Sunt illa volucres eorum altilia domestica, vti apud nos gallina. Digredior parumper cum tua venia. Particularia huiusmodi repeto multa, & Aesculapio tibi pharmacum instruo ineptus ego agricola: sunt nanque tibi multa ex his notissima, & in meis decadibus late notata. Sed existimans haec ad manus hominum studiosorum posse peruenire, quibus

Regulus  
Diriāgen.

Ff iij



ea sint ignota, nec tuam assequentur interpretationem, ea repeto, ut causa tua voti fiant compotes: ne me igitur accuses in qui natus es ad multorum utilitatem. Attulit hic Regulus Diriangenus per ministros aureas ducentum amplius secures, quæ singula ponderis erant pensorum octodecim, aut paulo amplius. Interrogatus per interpretes, quos Aegidius habebat conuicinos, qui nostros intelligebant, quid causa illum ad veniendum impulisset: respondisse dicitur, ut nouam gentem, quam eas regiones peragrarè audierat, cōspicere daretur, & quid a se optarent, se dictis eorum pariturum offerens. Ut Christiani efficiantur, isdem rationibus adductis quibus catechos monuerunt, utque Hispani magni regis obseruantia captarent. Vtrumque placere inquit, seque ad nostros in diem tertium, ut mandata suscipiat, rediturum pollicitus est. Abiit ille.

## CAPVT QVARTVM.



**I**NTEREA loci dum apud Nicoraguam nostri morarentur, non indigna relatu intercesserunt multa. Ea mihi, præter ab Aegidii litteris excerpta, regius apud eum quæstor, vulgo thesaurarius, laborum omnium non exigua pars, nomine Andreas Cerezedas, narrauit, scriptaque discedens reliquit. In sermones varios animi causa incidentes ociosi, Aegidius nostrorum dux militum & Nicoragua regulus, per interpretem, quem educauerat Aegidius non longe natum ab Nicoragua regno, nec ineptè viriusque idioma promentem, percunctatus est Aegidii Nicoragua, quid apud potentem eum Regem, cuius ipse seruum se fatetur, de præterito cataclismo, quem vniuersam cum hominibus & brutis omnibus obruisse terram, ipse à maioribus audierat, sentiasur. Idem credi ait Aegidius: an

Sermo de  
cataclis-  
mo inter  
Nicora-  
guam &  
nostrates  
ortus.



aliās venturum arbitretur percunctanti respondit minime: sed vii semel per aquarum alluies propter hominum scelerata facinora, non licitum coitum præcipue, animalia cuncta paucis exceptis interierunt, ita post annorum ab hominibus non intellecta curricula, fore vi igne flammati è cælo deiecto in cinerem cuncta reuertantur: obstupere omnes hac admirati narratione. Versus ad interpretem Nicoragua, vultu semiturbido interrogauit: An è cælo gens hæc adeo sagax deueniat, è cælo demissam ait interpretes. An recta descendit, an per gyros, aut arcuatim, simplici quadam innocentia delibutus percunctatus est, ad hoc nescire se inquit interpretes, cui sit eadem terra natalis, quæ & ipsi Nicoragua, vel proxima. Dein, vt ab hero Aegidio peteret, esset ne aliquando resupino motu tellus ipsa vertenda dixit. In sola cæli ac terrarum hominum, quæ satoris mente, id arcanum esse professus est Aegidius. De humani generis vniuersali consumptione, deque animarum è corporeo carcere discedentium locis designatis, de statuto illius ignis demittendi tempore, quando sol ac luna cæteraque sydera præstare lucem desinent, de astrorum motu, quantitate, distantia & effectibus, poscenti, de multis præterea, Aegidius, licet ingenio pollens, librosque versare vulgares è latino sermone versos delectetur, non eam tamen affectus est eruditione, vt respondere ad hoc aliter quiverit, quàm in diuinæ prouidentie pectore rerum illarum seruata esse cognitionem. De ventorum autem flatibus & calorum ac frigori causis, deque dierum ac noctium varietate, licet apud eos exigua sit, quod ab æquinoctio parum distent, multis etià huiusmodi percunctanti Nicoragua, pro sui iudicii viribus plarisque satisfaciens, diuinæ cætera intelligentiæ commendans, respondit Aegidius. Ad terrena post hæc descendens Nicoragua & axilici familiares eius, an comedere, bibere, coire, ludere, cantare, ac ducere choreas, armorum

Ff iiii



exercitiis indulgere, sine crimine liceat sciscitantibus, in hunc modum effatus est. Cibis potibusque vacare opus esse ait, sed vitandam in his crapulam: quicquid namque præter naturæ necessitatem sumitur, contra & animi præstantiam & corporum valetudinem recipitur, excitarique inde vicio- rum & rixarum ac simultatum semina inquit: coire quoque fas esse, sed cū vna tantū fœmina & ea iugali vinculo astringa- tur. Ab alio quouis genere libidinis, si deo illi qui cuncta crea- vit, placere studuerint, abstinendū: cantibus etiā ac ludis hone- stis, & choreis intendere suis temporibus non esse vetitum. De cerimoniis & humanarum victimarum carnificina, quum nihil interrogassent, movit ipse colloquutionem, aitque sacrificiorum eas oblationes deo esse ingratiſſimas, legeque apud magnum regem herum suum cautum esse, ut gladio pe- reat, quicumque hominem gladio ferierit ad necem. Et simu- lachra illa, quibus ipsi humano sanguine litant, præstigiato- rum demonum imagines esse, qui ob superbiam e sedibus æ- thereis disiecti, ad antra sunt tartarea detrusi. Vnde noctu exe- untes, innocentibus plerumque sese hominibus ostentant, suis- que fallacibus persuadent artibus, ea esse facienda, qua vi- tari debeant in omnium genere rerum, quo animas nostras ab illius amore deturbent qui eas creavit, & per charitatem ceterosque honestos vitæ actus, ad se illas reducere optat, ne à paratis post obitum corporis æternis delitiis, ad perpetuas tor- turas & miseras ærumnas à lemuribus illis raptata, comites eorum efficiantur.



## CAPVT QVINTVM.

**P**OSTQVAM in hunc vel similem sensum, tanquam pulpitarius concionator, Aegidius differuit per interpretē, quo melius potuit modo Nicoragua significauit. Assensit Aegidij dictis Nicoragua, & vna quid sibi faciendum foret, quo grati deo illi quem ipse prædicat, rerum auctori esse possint, interrogauit. In hunc sensum Nicoragua, respondisse Aegidium Cerezedæ regius apud eum quæstor testatur: non hominibus mactatis, aut vlllo sanguine sparso is delectatur qui nos cunctaque creauit, solo animi nostri erga se amore feruido gaudet, nostri cordis arcana illi patent, cordis ipsius meditata solum exoptat, non carne aut sanguine depascitur, nil est quo magis excandescat quam hominum, a quibus ipse laudari & glorificari cupit, interitu. Vestris suisque hostibus ad profunda tartari proiectis, quorum hic vos imagines obseruatis, grata sunt hæc abominanda sacrificia, grata & scelera cuncta, quo animas vestras hinc abeuntes secum trahant in æternam ruinam. Vana hæc immo perniciofa simulachra, de vestris laribus & templis eliminate: crucem hanc amplexamini, cuius imaginem suo sanguine Christus deus ad generis humani deperditi salutem irrorauit: & felices vobis annos ac beatam vestris animabus æternitatem polliceri poteritis. Bella quoque sunt rerū creatori odiosa, pax inter vicinos amica, quos vt amemus ac nosmet ipsos imperat, si tamen vos tranquillam agentes vitam quis laceßierit, propulsare iniuriam ac se resque suas tueri cuique hominum fas est. Prouocare vero ambitionis vel avaritiæ studio quenquam, vetitum: contraque bonos mores & ipsius Dei voluntatem fieri hæc. His ita disertis, Nicoragua sui que aulici qui aderant, ore aperto ab Aegidii vultu pendentes assenserunt cæteris omnibus præpositionibus, huic vni de re bellica



labra torserunt: quo tela, quo galeas aureas, quoue arcus & sagittas, ornatusque suos bellicos & militaria inclita vexilla proiecaturi essent, percunctati sunt, fœminisne ista tractanda præbebimus? nos illarum fusos & colos exercebimus, terramque nos rustico more coleamus? Non ausus est ad hæc Aegidius quicquam repetere, quod semiturbatos illa retulisse cognouert. De crucis autem adoranda mysterio & utilitate interrogantibus inquit, si corde puro ac sincero quicquam illam inspectantes & Christi in ea passi pie memores postulaueritis, id assequemini, modo iusta petatis: si pacem, si contra superbos hostes victoriam, si fructuum vbertatem, si temperiem aeris & incolumitatem, si huiusmodi reliqua optata preposueritis, voti compotes efficiemini. Craces Aegidium erexisse illis duas memorauit, sub tegmine vnam, sub dio in celso manufacto latericio tumulo alteram: quo tempore sistenda super tumulo portabatur, præiisse pompam sacerdotes ait Cere Zeda, subsecutum cum suis Aegidium, regulo comitante, ceterisque eius subditis. Quo tempore crux sistebatur, canere tubis & tympanis ceptum est. Cruce firmata, per gradus depositos basim prior conscendit Aegidius, detecto capite genuque flexo, suas ibi tacitus fudit preces, crucis demum vestigia complectens osculatus est. Regulus, & eius exemplo ceteri omnes idem effecere. Ita nostris ritibus imbutos constituit. De dierum vero distributione inquit, perpetuis diebus sex culturis ac reliquis laboribus artibusque inuigilandum, septimo quieti & sacris intendere oportere, diemque illis septimum assignauit dominicum, nec, si ulterius dierum festorum longa serie grauarentur, vtile fore ratus est. Vnum addam ab Aegidio ipso in sua narrationis discursu prætermissum, à Cere Zeda recitatum. Sunt imberbes illarum nationum barbari omnes, barbato horrent ac formidat: iccirco Aegidius quinque ac viginti iuuenes ob ætatem imberbes cum ipsorum tonsura

Imberbes  
Indi.



baros compositis crinibus effecit, quo maior barbatorum nu-  
 merus appareret, ad eorum terrorem si bellum ingrederet, uti  
 postea euenit. Aegidium addidit Cere Zeda scripsisse ad se,  
 cum coactis in Hispaniola pedibus. ccl. equitibus septua-  
 ginta, vela fecisse circiter Idus Martii huius anni. M. D.  
 XXIIII. ad desideratam querendi fretum provinciam. 1542.  
 Sed res hec ad nostrum nondum est senatum delata, quando  
 habebitur, habebitis. Hec iam tandem missa faciamus, &  
 ad Lestrigonicam illarum nationum horridam consuetudi-  
 nem, ac domorum templorumque situs & structuras parum-  
 per deueniamus. Regulorum atriorum longitudo centum, la-  
 titudo quindecim passibus constat, à fronte aperta, à tergo  
 clausa sunt omnia. Sunt ab humo semistatura humana re-  
 giarum parua erecta, cetera nil surgunt à tellure. domus  
 trabibus omnes confectæ ac paleis cooperta, vnoque tegmine  
 siue tabulato contentæ sunt. De templis idem: ampla sunt &  
 sacellis penetrabilibus obscuris humilibus fulta, in quibus pe-  
 nates quisque nobilium suos humat, habentque pro arma-  
 mentariis: ibi namque cum vexillis lemuribus inscriptis in-  
 strumenta bellica, arcus, pharetras, thoraces aureos, aureasque  
 galeas & latos enses ligneos, quibus certant cominus, missi-  
 lia etiam quibus eminus, & bellicos ornatus varios pace du-  
 rante seruant, ac propriis à maioribus relictis deorum imagi-  
 nibus pro facultatibus humanas mactant particulares victi-  
 mas, votorum affectatis orationibus, eorum more à sacerdoti-  
 bus compositis adorant.

Qualia sunt  
 ædificia.



## CAPVT SEXTVM.



REGVLORVM atriorum frontes pro  
sui pagi dispositione ac magnitudine gran-  
des platea custodiunt. Si multis constet pa-  
gus domibus, & paruas habent, in quibus  
ab aula distates vicini commerciarum que-  
ant conuenire. Plateam regalem circundat  
vndique nobiliorum domus: in eius medio situ vna erecta  
est, quam opifces habitant aurarii. Aurum ibi in diuersa  
formandum monilia constatur, mox in paruas reductum la-  
minas aut vectes cuditur pro dominorum arbitrio, demum in  
optatas deducitur formas, nec inepte quidem. In templorum  
vero conspectu varia sunt erecta in capo ex crudis lateribus  
& bitumine quodam terreo ad varios effectus bases pulpitorum  
more, octo constant gradibus, alicubi duodecim et quindecim  
alibi, summi verticis spaciū varium est pro designati mysterii  
qualitate, virorum decem capax est. vnu, in cuius medio spacio  
lapis eminet marmoreus, humana statura iacentis longitudi-  
ne ac latitudinem aquans: miserarum est ara victimarum in  
faustus lapis: statuto ad immolandum die, populi corona spectate,  
regulus pulpitorum conscendit aliud in prospectu, carnificinam  
inspecturus. Sacrificulus, audientibus cunctis, ex lapide illo  
eminentem stans pedibus praconis officio fungitur, & cultro  
lapideo acuto, quem manu gestat, vibrato (lapidicinas quippe  
in terris omnibus illis habent, aptas ad secures gladiosque ac  
nouaculae conficiendas, ex quibus nos quotquot volumus  
assequimur, neque huius rei expers fuit Ascanius Cardina-  
lis) mactandas esse victimas & an hostiles an domi nutritas  
edicit. Duo namque apud illos genera sunt humanarum hostiarum: ex  
hostibus bello captis vnu, ex domi altis alterum: quisque namque

Duo ho-  
stiarum  
genera.



Regulus aut nobilis ab infantia domi nutrit mactandas victi-  
 mas pro suis opibus, & his non ignaris ad quid seruentur &  
 lautius quā ceteri pascatur, neque ob id mœstis, quod à teneris  
 persuasi viuant, fore ut in cœlites eo vita exitu cōuertantur.  
 Hinc per pagos liberi deambulantes, ab obuiis quibusque pro-  
 iā heroibus reuerēter suscipiuntur, & postulatis omnibus, siue  
 ad esum, siue ad ornatum quid petant, onusti dimittuntur: ne-  
 que sibi parum fauste die illo successisse apud superos donans  
 arbitrat, quo fuerit aliquid impartitus. Varia igitur hac hosti-  
 arū genera, variis in immolando tractant modis: Vtranque su-  
 per eo lapide resupinā distendunt hostiam, parique modo per  
 costulas euulso corde aperiunt, & Vtriusque sanguine, regu-  
 la eadem seruata, labra barbasque liniunt, sed hostilem victi-  
 mam praeo sacrificulus gladium manu tenens & cantibus  
 quibusdam tristibus circumdans, super lapide stratam, ter lu-  
 strat, mox aperit, dehinc in frustra secat, sectam hoc pacto e-  
 dendum diuidit: Regulo manus pedesque condonantur, corda  
 sacerdotibus, eorum vxoribus ac natis, quos habere fas est, pra-  
 bentur, scemora nobilibus, cetera populo per frustula diuidun-  
 tur: caput vero trophæi loco in quarūdā arborum paruarum  
 à carnificina parum distantium, ad id nutritarum ramis ap-  
 penduntur. Quisque Regulus designatas nutrit in agro vicino  
 arbores, cuiusque regionis hostilis nomina seruantes, in quibus  
 captorum bello capita immolata suspendant, uti nostri duces  
 insanæ suæ scuitiæ testes, quam victoriam appellant, galeas et  
 vexilla huiusmodique insignia infigunt templorum parietibus.  
 Male gratum se illo anno futurum arbitraretur, qui ex-  
 pers victimæ hostilis portiuncula relinqueretur. Domesticam  
 vero victimam, licet eodem lacerent ordine, mortuam aliter  
 tractant: quasque illius partes venerantur, & ante fores tēplo-  
 rum partim, ut pedes manusque ac viscera in cucurbitam cō-  
 iecta tumulat, ceteras vna et corda in illarū arborū hostilium

Quibus  
 cetimo-  
 nia ma-  
 ctent diis  
 suis hu-  
 manas vi-  
 ctimas.



prospectu, structo grandi rogo, inter priorum victimarum cineres, nunquam inde amatos in eo campo iacentes, cum sacerdotum applausibus & hymnis canoris comburunt.

## CAPVT SEPTIMVM.



QVANDO vero populus cum assue-  
to sacerdotum murmure Deorum la-  
bia fricari cernit, vota precesque ape-  
rit suas, poscitque agrorum ceterarū-  
que frugum vbertatem, aeris salubri-  
tatem, pacem, aut si certandum sit, vi-  
etoriam, utque brucos & locustas,  
alluvies & siccitatem ac ferarum vim & aduersa quaeque  
deturbent, pro cruciatu animi quisque sui efflagitat. Non his  
contenti sacris, Regulus ac sacerdotes nobilesque suo, & ipsi  
sanguine, sed vni tantum litant simulacro. Id superne infi-  
xum hasta tricornitali, cum summa pompa ad cœli aspectum  
seniores auctorati exportant e templo, vbi toto anno religiose  
custoditur: infernis & id est numinibus simile, quo pacto ad  
homines deterrendos in parietibus depinguntur. Præeunt sa-  
cerdotes infulati, populi agmen ince lens vexilla gestat quis-  
que mille coloribus inscripta, ex gosampio intexta, cū suis le-  
murum imaginibus. Ab sacerdotum huius neris, velatis variis  
linteis, baltei digito crassiores pendent ad suras vsque, in quo-  
rū fimbriatis vltimis capitibus sunt annexa crumena singu-  
la, in quibus lapideas acutas nouaculae, confectorumque  
puluerum ex desiccatis herbis quibusdam saculos gestant. Sa-  
cerdotes ordine suo regulus & nobiles pone se quuntur, con-  
fusa dein multitudo populi ad vnum: nemini, qui stare pedib⁹  
quæat, abesse licet ab hac superstitione. Ad designatum ap-  
plicati locum, suppositis prius odoratis herbis, aut pictis lodi-



cibus, ne terram hasta contingat, sistunt, sacerdotibus eam  
sustinentibus, suis assuetis cantibus & hymnis demoniolum  
salutant: circumfiliunt iuvenes tripudiis & choreis ac mille  
generibus ludorum, telorum, & scutorum agitatione agilita-  
tem ostentantes. Dato à sacerdotibus signo nouaculas quisque  
sumit & sulcatim ipsi sibi linguas, versis ad simulachrum  
oculis, vulnerant, perfodiunt alii, scindunt plarique ad non  
exiguum sanguinis profluvium: omnes sanguine, uti in prio-  
ribus sacris diximus, eius fatui fricant simulachri labra bar-  
bamque: pulvere mox illo herbido superiniecto replent vul-  
nera. Eam esse illius pulveris vim aiunt, ut paucas intra ho-  
ras vlcera curentur, ita ut scissa fuisse nusquam videantur.  
His peractis hastam sacerdotes parumper dimittunt, ad aures  
primo Regulus, mox nobiles, populares demum simulacrum  
alloquuntur, turbidas quisque suas animi procellas aperit, ut  
optatis fauste feliciterque faueat, cum reuerenti tremore ac  
murmure capite obstipo supplicant. Ita decepti à sacerdotibus  
domum rogređiuntur. Dum his & ociosis rebus aliis in-  
dagandis intenderent, ecce unum, post alterum, deinde plures  
exploratores, qui Diriangenem venire armatum nunciarent:  
animo quippe non solum resumendi quod ipse fuerat impari-  
tus, veniebat, verum etiam interimendi nostros, confisus pau-  
citate virorum, quos explorauerat, & spe possidendi, quæ no-  
stri secum habebant: (amant & ipsi aurum, licet non ut mo-  
netam, sed ad monilia diducenda, ornatus causa:) Venit er-  
go magna comitante armatorum suo more caterua, adoritur  
nostros, quos si reperisset imparatos, ad unum trucidasset. Cer-  
tatum est grauitè ad noctem vsque.

O iasanā  
cæcitare  
hominū.



## CAPVT OCTAVVM.



*H*C multa refert, quæ prætermitto, ne finis tibi ego, tuque Pontifici & amicis tuis molesti collige. Vicit parua manus nostra copias ingentes. Pie deum, qui dominus est exercituum, affuisse contemiscens & ab eo discrimine sese incolumes eduxisse, recitat.

Mutatam sequutus fortunam à tergo relictus Nicoritanus regulus, ad quem regredi fuerat coactus, idem de ipsis, ob auricopiam quam ferebant adimendam, interficiendis cogitavit. Id suspicatus Aegidius Gonzalus, minime se Nicoritano credidit. In ordine structis & seruatis militibus, infirmisque & auro in cunei medio locatis, cum equitibus illis quatuor & arcuariis ac sclopetariis septendecim bellatorum sustinuit furorem, & multos trucidauit. Eam noctem egit in somnem, primo diluculo pacem petunt, pax annuitur. Ad sancti Vincenij portum, vnde discesserant, reuerterunt. Naues regressas esse reppererunt, quæ iam ad occidentem tercetum leucas maris ignoti circiter percurrerant, interea dum ipse prætor Aegidius in internis peruestigaret. Redierat vero, ut in eo portu naues iterum, post aliquot mensium errores quassatas, reficerent, ut ipse ait. Describit autem Nicoragua viciniam hoc pacto. Ad ipsius Nicoragua atrij latus internum ait reperisse aquarum dulcium lacum, adeo protentum, ut eius finem scrutari nequiverint, dicique fluxu & refluxu agitari aquas eius, vnde appellatum esse mare dulcium aquarum censet ob eas causas. Insulis ait esse refertum. Interrogati accolæ, quo defluat, & an in vicinum pelagus, leucas tres distans, euacuentur aquæ illæ, nullum exitum habere professi sunt. ad id australe vicinum præcipue mare, an alia parte labatur, reliquisse illos ait in ambiguo. Propterea profitetur ipse, ut ex nauclerorum opinione refert habere

Descrip-  
tio laci a  
pud Nico-  
raguam.



habere ipsos pro certo, eam esse aquarum congeriem quæ septentrionali pelago respondeat, ibique reperiri posse fretum tantopere desideratum. Si quid in hoc ego casu sentiam scire voles, inquit dictum ad sui excusationem, quod fretum non repererit: tum ex aquarum potabilium natura, tum etiam quod accolæ an exitum habeant aquæ illæ ignorent, oportet nos eodem desiderio torqueri, an fretum aliquod vastitates illas intersecet.

## CAPVT NONVM.



ISTE Parumper post hæc scripta, tabellario fere petasato morante, venit ad me Diecus Arias Petri Ariæ gubernatoris filius, secumque duxit Licenciatum illum Spinosam, de quo alias. Defraudatos ab hoc Aegidio Gonzalo aut Spinosæ Petrum Ariam gubernatorem, ac se, qui tractus illos ab ambobus fuisse multo ante detectos affirmat, pacatosque Regulos incolas in suis progressibus reliquisse. Audietur utraque pars. Quid in senatu nostro à Cæsare sancendum indicabitur, viri harum rerum intactarum studiosi, tua causa intelligent aliquando: nunc satis. Meo nomine dices oscula pedum, si occasio locum præbuerit, Beatissimo nostro Clementi. Hispani tantum esse Beatitudinem suam valoris & precij pensitabunt, quanti te faciet, quem longo apud eos commercio maximi esse à maximis iure merito faciendum, censent. A principum electionibus in ministris iudicia sæpe liberantur.

Accipe tertium quod emerfit, morante iterum cursore, sua Beatitudini ut arbitror gratum cognitu futurum. In ea decade ad Adrianum directæ, Vbi Malucharum aromata



producentium insularum descriptio patet, de exorta inter  
 Castellanos repertores & Portugaleses controuersia super his  
 inuentis, est sermo. Adeo certam esse rem illam intra no-  
 stros limites ab Alexandro Pontifice assignatos arbitramur,  
 ut ad nouam profectionem preparandam, cum impensa non  
 vulgari, recentes in Cantabrico Bilbani portu naues sex, ne-  
 cessariis com meatibus comparatis, construxerimus. Statue-  
 ramusque, ut circiter vernum equinoctium vela facerent ex  
 portu Clunio Galleco tibi noto, ad aromatum ea commercia  
 tractanda destinato, quod sit ab omnibus oris septentrionali-  
 bus mercatoribus venientibus multo propior, & commodior  
 itinereque tutiori, quam si ad Hispalensem rebus Indicis desi-  
 gnatam contractionis domum appellatam, aut in Portuga-  
 lia per varios ac longos litorum inflexus tendere cogerem-  
 ur. Portugaleses suis rebus presentaneam ferè ruinam si res  
 procederet spectantes, toto conatu efflagitarunt, ne tanta ia-  
 ctura, suo prius iure non intellecto, afficerentur, quod sibi  
 persuadeant eas Maluchas insulas à suis nautis fuisse hacten-  
 nus reperiatis & tractatas, iacereque intra suos, non Casareos  
 assignatos tercentum septuaginta leucarum terminos, extra  
 insulas Caput Viride dictas spectantes, quod à Ptolomeo Risar-  
 dinum dicitur promontorium, à nobis Gorgones putatas. Cæ-  
 sar ut is qui iusti est & recti magis amator, quam fortuna-  
 rum, cum propinquo rege precipue qui consobrinus est, &  
 forte si vulgatus valet rumor, sororius propediem futurus,  
 eorum annuit postulatis, ut quid iuris insti deliberetur. Na-  
 ues subsistunt, apparatus nil lucrentur, viri & ministri ad  
 id negocij electi musitant. Statutum fuit ut astronomia,  
 cosmographia, ac maritimæ artis, iuris etiam periti ab viris-  
 que ad rei discussionem, in ciuitate Pace Augusta, quam  
 Hispanus vulgo appellat Badaiozum, conueniant, quod is

Conuen-  
 tus in Ba-  
 daiozo.



locus Portugalia meta sit cum Castella. Ierunt nostri. Venerunt illi. A Kalendis Aprilis vel circiter, de proprietate ventilari, discuti que coeptum est. Portugaleses, ut quibus assentiri vel puncto nusquam expedit, rationes admittunt à nostris adductas in medium nullas. Tercentum septuaginta leucarum designationem incipi debere ab insula Gorgonum ad occidentem Ultima, quae sancti Antonii dicitur, volunt Castellani: eamque à noto meridiano fortunatarum longitudinis gradus novem & dimidium aiunt distare: e contra Portugaleses à prima insularum, quae salis insula nuncupatur pertinaciter instant, quae distantia gradus longitudinis occupat quinque, calculari debere. Hoc pacto Castellani suam rem probant. Si quis arbitrarius inter certantes de finibus vicinos ad lites dirimendas electus ita censuerit, ab Ioannis praedio noto, ac diu possessio, Franciscus eius vicinus habeat centum passus, ab ultimo Ioannis praedii limite incipiendam esse mensuram, nullus est qui ambigat. Si enim ab initio praedii captanda est mensura, ut praedii possessum soluat Ioannes necesse est, quoniam ea ratione suum includit in pacto praedium. Aiunt ergo Castellani, vel Gorgonum vestrarum hactenus insularum imperium soluite, vel ab ultimo illarum littore quaestionem hanc esse dimetiendam, assentiamini oportet. Institerunt diu: Conclufum nihil: quoniam si Portugaleses Castellanoꝝ iudicium sententiis assentirentur, non Maluchas modo insulas Sinensibus & magno sinui ac promontorio Satyrorum & Gillola (de qua in decade ad Adrianum, à Ptolomeo, uti arbitrantur plerique, ex his Catigara à fortunatis gradus centum septuaginta quinque, à linea terminos utriusque regis dirimente. C. L.) finitimas: sed Malacham ipsam longo iam tempore ab eis, ut Castellani dicunt, usurpatam fuisse, fateantur, necesse est. A Ptolomei namque ac reliquorum autorum, de longitudine graduum differentiis, autoritatibus coniectos fuisse

Nihil con-  
clufum.



Portugaleses, Castellani predicant. Caput excutiunt ad hac audita Portugaleses: afferunt etiam nauta nostri, ab ea tam vasta nauigatione regressi, ab illarum insularum primario regulo, apud quem gariophilis nauim Victoriam appellatam onerarunt, literas & egregia dona, in oblata obseruantia clarum argumentum. Portugaleses vero foedus ictum cum quoque illarum insularum regulo, nullum ostendunt. Aiunt tamen, Portugalesium nomen ad eas insulas deuenisse, Portugalesesque viros in eis fuisse visos. Ad id, nostri Portugalem vnum se reperisse fatentur, sed fugitiuum, ob commissa scelera iudicium timentem, neminem prater ea, nec alteriusmodi commercii vllum signum. Quid à Cesare in senatu nostro consultum prius statuetur, adhuc est in pera. Portugalesibus erit assuetas sibi actiones intercidi durissimum, nobis tanti occasionem inuenti amittere, non erit placidum: Deus intersit. Tu iam vale. Burgis decimo quarto Iulij. M. D. X X I I I I.

## CAPVT DECIMVM.



**B** Varios Pyratas & ob hostilitatem cum rege Gallorum, itinera nobis, tam terrestria, quam mariima conculsi in iuria temporum. Duplicato propterea mitto ad te posulantiem, quae de orbe nouo, paucis adiectis noua emerferunt. Quatuor & viginti ad praedicta controuersae cum Portugalesibus deliberationem missi fuerant probati viri, ex quaque facultate sex, a sironica puta, & legali, cosmographaque artibus & nautica. Horum tibi noti sunt pauci: Beatitudini vero Pontificis nulli. Redierunt omnes: Senatui nostro, mox Casari, aliorum nomine latam



præbuerunt de actis in eo conuentu rationem. Don Fernandus Colonus, Christophori Coloni horum tractuum primi Vestigatoris filius secundo natus, vir eruditus, & iurisperiti tres, ceteris audientibus, Licenciatus à Cunna, & Licenciatus Emanuelus, Regij senatus ille, Valledoletane Cancellariae hic, auditores, & vna Licenciatus Perisa in Granatēsi Cancellaria primas causarum, vti fama est, aduocatas retulerunt. Qua supra memorauī ea sunt acta, neque vltra quicquam. Statuto à Casare die, qui fuit Maii vltimus, in vnius fluminis ponte, Castella terminum dirimente cura Portugalia, nomine Caia, suam protulere Castellani iudices arbitrarij ad id destinati sententiam, (neque vti diem aut horam differrent à proferenda, potuerunt assequi Portugaleses, quibus quæque dilatio erat commoda): vti Malucha insula, ex veterum & iuniorum iudicio gradus viginti amplius intra Castellanos limites sita intelligantur, sancitum est. Neque Malacham excludunt aut Taprobannam, si ea est, quam Portugaleses Zamatram appellant. Redierunt ergo Portugaleses, quacunque acta sunt taxando facie demissa, pristinas actiones minime deserturi. Audiuimusque missam iam esse ab illo rege iam iuvene classem ingentem: submurmurant nostram, si accesserit, se obruturos. Nos vero pridie Kalendas Iulij censuimus in senatu nostro rerum Indicarum, à Casare decernendum esse, vti priusquā proximis veniens Augustus mensis euadat è manibus, nostra sex nauium clas̃is vela faciat, neque imperabitur vti confligant, si potentior Portugalesis audebit laceessere: erit in manu Caesaris vindicta terrestris, si mari tentauerit inobseruatia. Est nāque Portugalia, vti optime calles, Castella angulus, & quota portio Lusitania, cū in Lusitania egregia sint

Ciuitates  
Lusitan. x

G g iij



Vna cum Abula, Segouia, Zamora, Tauro, & fortunato Toletano regno, & multa praterea, qua Ana & Doria fluminibus includuntur, vti saepe in priscis meis decadibus enarraui: quondam fuit Castella ea regio comitatus, à benigno rege sub regio nomine in nepotem libere transmissus.

Stephan<sup>9</sup>  
Gomez.

Decretum quoque est, vt Stephanus quidam Gomez, artis & ipse maritima peritus, alia via tendat, qua se inquit reperturum inter Baccalaos & Floridasiam diu nostras terras, iter ad Cataium: instruitur ei vna tantum nauis carauela, neque enim aliud habebit in mandatis, quàm vt inquirat, an exitus ad magnum vulgo Canem, ex Oceani huius nostri variis inflexibus, & vastis ambagibus reperiatur.





FRANCISCO MARIAE SFOR-  
TIAE VICECOMITI, DVCI ME-  
diolanensi, Eiusdem Petri Mar-  
tyris Septima Decas.

**M**EARVM DECADEVM DE OR-  
be Nouo Primam frontem Excellētia tuae Laus Af-  
patruus *Ascanius Vicecancellarius, inter canii.*  
cardineos quondam Princeps clarissimus,  
& nemini secundus, affecutus est, quoniā  
efflagitatione repetita imperabat mihi, ut  
qua in his occidentalibus oris essent excellētia suae signi-  
ficarem. Huius rei testem offero insignem istum, omni virtu-  
te ac rerum experientia praeditum, Marinum Caraciolum Laus Ma-  
protonotarium Apostolicum, Catinensem electum, Caroli Ca tini Cara-  
saris in praesentiarum apud te legatum, qui tunc patruo ipse cioli.  
aderat a secretis, quando clausas ab orbis initio, ad nostra us-  
que tempora suas nobis portas oceanus aperiebat. Meas ea tē-  
pestate suscepisse inquit heri nomine, ac responsa hero dictan-  
te composuisse. Ascanio vita functo, ac me in desidiā, ne-  
mine stimulante, prolapsa, Rex Federicus, priusquam ex blan-  
da matre in seuam nouercam fortuna eius mutaretur, per  
Cardinalem Aragonium patrualem secundas aditiones ha-  
buit, mox Leo. X. deinde successor ipsius Adrianus. V I. Pon-  
tifices maximi, suis me literis ac diplomatibus membrancis  
excitantes, decadam quae vagantur corpus usurparunt, ut

G g iij



rem tantam ab obliuionis iniuria vendicarem, suadentes. Tu princeps Illustriss. sero nate, ac sero ad auitum regnum eue-  
 cte, quæ sero acciderunt habeto. Camillo Gilino excellentiæ  
 tuæ secretario apud Cæsarem petente, à reliquis principibus  
 has narrationes ad excellentiā tuam, mei natalis dominam,  
 diueto. Inter tot rerum procellas, quibus excellentia tua  
 concutitur, fore gratissimum leuamen curarum semel atque  
 iterum iureiurando professus est. Ab Oceani primā largi-  
 que beneficentia, per Christophorum Colonum excitata, præ-  
 euntia cuncta vsque ad has narrationes vno fasce Iacobus  
 Picrius, hero suo protonotario, electo Catinense, ad vos nomi-  
 ne Cæsaris ab hac legatione discedente, asportauit. Adriano  
 Pontifici offerenda: quæ partim opera calchographorum erāt  
 in vulgus emissa, partim sua manu à meis archetypis scri-  
 pta. Apud excellentiam tuam sub eodem hero is est. De  
 præteritis ab eo exigatur ratio, eam nisi reddiderit, in malis  
 erit. Quæ noua prægnans Oceanus pepererit, breui de præteri-  
 tis epilogo præeunte, nunc percurramus. Est nanque Alba-  
 na sue, quæ triginta vno partu dicitur fœtus ædidisse, noster  
 hic Oceanus fœcundior, & munifico principe munificentior.  
 Nouas quippe nobis terras & nouas nationes & ingentes  
 opes quoto anno patefacit. De Hispaniola immensæ vastitatis  
 illius regina, vbi senatus astat iura cæteris præbens, deque Ia-  
 maica & Cuba nouo nomine Fernandina, reliquis etiam in-  
 sulis Elisius, intra cancri tropicum latera porrigentibus ad æ-  
 quinoctium, iam satis: vbi nemo popularium noctis & diei  
 toto anno discrimen intelligit, vbi non dura æstas, nec hyems  
 viget rigida, vbi toto anno frondescent suntque onusta flori-  
 bus & vna fructibus arbores, neque desunt anno toto legu-  
 mina, cucurbita, melones, cucumeres, & hortensia cætera, vbi  
 armæta gregesque hinc aduectæ (nullū est nāque in insulis na-  
 tiuū quadrupes) fœcundiore partu, & procerioribus coalescunt,

Albana  
 sue fœcun-  
 dior O-  
 ceanus.



corporeis: deque putato continenti, qui Europam sua longi-  
tudine ab Oriente in Occidentem ter superat uniuersam, nec  
minus alicubi protento à Septentrione in Meridiem, licet Ist-  
mis alibi perstringatur angustis. Est ea putati cōtinētis tellus à  
quingagesimo quinto gradu arctici poli disteta, utruque tro-  
picum & equatorem findens, ad antarctici poli gradus qua-  
tuor & quinquaginta. Vbi, quo tempore Orcades aestate frui-  
tur, illi concreto gelu tremunt, & e contra. Hæc per significa-  
tionem ad Adrianum Pontificem à me compactam, & cum  
ceteris allatam ad Urbem, perque breuem mappam membra-  
neam à me traditam oratori tuo. Thoma Maino hinc disce-  
denti colligere poterit excellentia tua. In ea situm illorum tra-  
ctuum omnium cum suis adiacentibus insulis inueniet. Nunc  
ad recentiora curramus. Hispaniola Cubaque, aliàs Fernan-  
dina à Fernando rege, lateribus septentrionalibus nobilium  
& ignobilium iacet insularum copia tanta, ut ego ipse, ad  
cuius manus quæcunque emergunt afferuntur, de illarum nu-  
mero vix ausim credere quæ prædicantur. Ex illis sex &  
quadringentis ab annis viginti amplius, quibus Hispaniola  
Cubaque habitatores Hispani eas pertractarunt, percurrisse  
inquiunt, & quadraginta utriusque sexus millia in seruitu-  
tem ad inexhaustam auri famem explendam, ut infra latius  
dicemus, abduxerunt: has vna denominatione Iucaias appel-  
lant, & incolas Iucaios. Ex his insulis pleraque suapte na-  
tura natis arboribus miris modis utilibus constant. His folia  
nunquam decidunt, aut si vetustate pleraque collabantur, nu-  
datur tamen arbor nunquam recentia nanque prius repullu-  
lant, quam languescant vetera. Duas præ ceteris natura illis  
præstitit arbores celeberrimas & memoratu dignissimas,  
Iarumam vocant vnam, alteri non dedere nomen. Est Ia-  
ruma ficui similis, eo modo frondosa, & populi altitu-  
dinem superat, nec solida quidem more aliarum arbo-  
rum, nec inanis tamen ut arundo: uti ferula potius aut

Brenis  
mappa  
membra-  
nea.

Iucaia in  
sua.



sambucus. Fructum creat sesquispitamalem, mollicie ficius, sapidum & salubre sanandis vulneribus, folia miro vigent effectu. Vno id probant exemplo viri auctorati quidam. Rixantes Hispani duo inter se inuicem digladiabantur, humerū vna & lacertum vno ictu gladii fere dissecit hosti alter, subalari pellicula vix membrum sustinente, qua ilibus connexa. Accurrit vetula Iucaia, delapsū suo loco membrum sistit, eius arboris, nec alio medicamenti genere adhibito, folia contusa superimponit, paucos post dies se vidisse virum incolūmem attestantur. Qui nodos in scirpo querunt, irruminent ad libitum: nos hæc & maiora posse in natura fieri credere constituimus. Huius arboris corticem aiunt esse lubricum & leuigatum, quæ cū non sit solida sed medullosa, facili scalpitu euacuatur. Vnde casum audiat excellentia tua narratu dignissimum, sed artificii suo infaustum. Iucæi à suis sedibus abrepti desperatis viuunt animis: dimisere spiritus incres multi, à cibis abhorrendo, per valles inuias & deserta nemo rarusque abstrusas latitantes: alij vitam exosam finierūt. Sed qui fortiore pectore constabant, sub spe recuperandæ libertatis viuere mallebant. Ex his plerique non ineptiores forte, si fugæ locus dabatur, partes Hispaniolæ petebant septentrionales, vnde ab eorum patria venti flabant, & prospectare arcton licebat: ibi protētis lacertis & ore aperto, halitus patrios anhelando absorbere velle videbantur, & plerique spiritu deficiente languidi præ inedia corruiebant exanimis. Ex his vnus vitæ amantior, domorum construendarum in patria lignariam artem exercuerat (licet ferro careant & calibe, secures tamen, sed lapideas & ad ministerium cetera instrumenta assequuntur,) difficilem creditu prouinciam amplexus est. Iarumæ arboris trabem abscidit, medulla eius scalpita vacuauit, Maiorino grano & cucurbitis aqua repletis farciuit, retinuit foris pusillum pro viatico, viranque arboris frontē

Mirum in  
gentum  
cuiusdā  
insularis.



supavit, trabem in mare proiectam conscendit, virum alium  
 & foeminam affines nandi peritos admittit, remis patriam  
 versus trabem impellunt. Egregium id inuentum infelicibus  
 auspiciis miser inchoauit, ad milliaria circiter ducentum, in re  
 deuntem à Chichora nauim, de qua suo loco dicemus, incide-  
 runt: prædam in nauim Hispani trahunt lugentē, trabem ad De alia ar-  
bore.  
 Hispaniolam, rei tanta testem adduxerunt, misero penū con-  
 gesto vsi sunt: vidisse trabem & eius fabricæ architectum al-  
 locutos fuisse aiunt se viri auctorati plures: de arbore iaruma  
 & eius circumstantiis iam satis. Est arbor alia malo punico  
 persimilis, neque maior, sed frondosior, de fructu rationē præ-  
 bent nullam, de cortice qui ab arbore tollitur sua, vti ad cre-  
 pidas formandas quotannis excoariatur suber, nec propterea in-  
 terit, aut gignere glandes desinit, vti etiam de cynamomi ar-  
 bore dicitur, pene non credenda feruntur: credo ego, qui corti-  
 cē momordi ab Hispaniola latum, vbi & arbor hæc passim  
 nascitur, de qua fructum Ascanio Sfortie patruo misi, quan-  
 do Colonus primus reperiatur horum tractuum, a prima sua na-  
 uigatione regressus multarum rerum nouarum fecit me par-  
 ticipem. In secundi capitis primæ decadis mea calce reperiet  
 factā esse de his mentionem: cortex ille cynamomi sapore, gin-  
 giberis amaritudinem & gariophili suauem odorem præ se Ignoran-  
tia huma-  
na.  
 fert. Ex ignauia nostra querimus aromata peregrina, quibus  
 non indigeremus, si quæ apud nostras insulas vulgo nascun-  
 tur, in vsu forent: erunt aliquando proculdubio. Curi dira fa-  
 mes ad sui solius amorem animos Hispanorum raptauit: cete-  
 ra postergata, iure merito preciosa & vtilia, pro vilibus re-  
 linquuntur. En quid de pipere nostro, à me vna misso ad As-  
 canium vbiq; ad fastidium vsque, maluarum & vriticarū  
 apud nos more nascente, quo contuso insulares omnes & a-  
 qua conuoluto infuso pane vescuntur, eius aiunt esse species  
 quinque: Malabario & Caucaseo hic est pipere calidior, & vbi



grana Malabarū & Caucasei viginti non sufficerēt, quinque  
 sat sunt; & suauiora reddunt iura carniū ex his quinque  
 quā ex illis viginti. Est humani generis insania tanta, ut quae  
 difficilius assequitur pertinaciter ea censeat esse suauiora, uti-  
 lioraque. Cortice tantū illustris haec arbor est, ad stadia plu-  
 ra sapidos emittit odores & spiritus recreantes, patulos inten-  
 dit ramos, in Iucais insulis est vulgarissima. Columbarum in-  
 ter eius ramos tanta nidificat multitudo, ut ex proximis Bi-  
 mini magna insula, & Florida tellure habitatores, ad colum-  
 barum capturam traicientes onustas naues earum pullis ab-  
 ducant: labruscis per arbores serpentibus sunt eorum nemora,  
 uti de Hispaniolis aliquando diximus, referta. Iucaias fœmi-  
 nas aiunt adeo formosas fuisse, quod illarum pulchritudine al-  
 lecti vicinarum terrarum incolae multi, propriis laribus dere-  
 lictis, illarum amore eam sibi patriam elegerint. Quare mul-  
 tas ex Iucais insulis politioribus viuere moribus inquirunt,  
 quā in eis, quae longius ab Florida & Bimini cultioribus ter-  
 ris, distent. Lepidum est auditu, quonam pacto se gerant in ve-  
 stiendo fœmine: (viri namque nudi agunt, nisi cum bella ge-  
 runt, aut festis diebus tripudiis & choreis intenti vestes plu-  
 meas variorū sibi coloris & cristas imponunt, ad elegantiam.)  
 Fœmine dum puellares trahunt annos, ante menstrui pollutio-  
 nē nil gestant penitus. Prudenda post id cum reticulis bonbici-  
 nis, herbarum quibusdam foliis immixtis, contegunt. Aduen-  
 tante menstruo parentes ac si ad virū esset nuptū ducēda, vici-  
 nos ad cōuiuiū vocant, & cuncta laetitia signa exercent, nec  
 aliū quicquā cooperiant, dum nubiles sunt. Viciata vero for-  
 moralibus vtuntur tenuis generis, ex variis herbis tenacibus, aut  
 ex gosampio confectis, quod si apte natura ibi nascitur, ex qui-  
 bus stamina diducunt, & nent, ac suunt, & intexunt: licet  
 nudi sint, ad cubiliū tamen ornatū, & lectorum pens-  
 lism necessitate lodices, quas amacas ipsi vocant, conficiunt.

Iucaia  
 foeminae  
 formosa.



Regulos habent, his parent adeo reuerenter, ut si cuiquā rex  
 precipitium ex alta rupe aut vertice quouis imperauerit, nul-  
 la ratione adducta in medium alia, praterquam, impero ut  
 deiciat te, sine mora reguli dictum exequitur: sed quo fine in-  
 cludatur regia potestas, sanctum est auditu. Nulla est regi a-  
 lia cura praterquam de sementibus & venatu ac piscatio-  
 ne. Quicquid seritur, quicquid plantatur, aut piscatur, & ve-  
 natui indulgetur, quicquid per alias artes efficitur, ad regis im-  
 perium fit. Viriim exercitia diuidit ad libitum Collectæ fru-  
 ges in regis gregantur horreis: Inde ad vsum populi toto an-  
 no pro cuiusque familia diuiduntur. Est ergo Regulus, vii rex  
 apum, sui gregis æconomus & distributor. Aurea erat il-  
 lis etas, meum ac tuum, semina discordiarum, aberant: pile lis-  
 dis & choreis ac venatus & piscationi, reliquo à sementi-  
 bus & messibus anni tempore, indulgebant: de foris iudicia-  
 libus, de litibus, de iurgiis aut rixis inter vicinos nulla men-  
 tio. Regis arbitrium pro lege habebatur. Idem in ceteris ser-  
 uabatur insulis, in omnibus erant paruo contenti: gemmeū  
 quoddam genus ab ipsis magnifacitum sub aquis reperiūt,  
 per conchilia rubra, quod auribus appensum afferunt. Sed  
 aliud preciosius ex cocleis limacibus ingentibus, quarum car-  
 nes sunt edulia lauta, in cuiusque cocleæ cerebro lapillos repe-  
 riunt diaphonos rubros, & flammantes: qui ex illis viderunt  
 aliquos, nihilo esse pyropo rubenti, quem vulgus rubinum di-  
 cit, viliores affirmant: cocleam ipsam cohobum vocant, lapil-  
 lum ex cohobo appellant cohibici. Terreſtres etiam lapillos le-  
 gunt lucidos, flauī nigrique coloris, ex his torques moniliaque  
 afferunt ad lacertorum & gutturum ac etiam tibiārum or-  
 natum, licet nudi ambulent quando Iucai fuerunt. De ſitu  
 mox, de ruina ipſorum pauliſſer.

Diuinum  
 Regulorū  
 regimen.



## CAPVT SECVNDVM.

**I**UCAIAS à coniecturis iunctas fuisse quodam reliquis magnis insulis nostri arbitrantur, & ita fuisse à suis maioribus creditum, incolæ fatentur. Sed vi tempestatum paulatim absorpta tellure alterne secessisse, pelago interiecto, vi de Messanensi freto est autorum opinio, Siciliam ab Italia dirimente, quod una esset quondam contigua. Videmus & passim multis in locis creuisse tellurem, crescereque quotidie ac impellere mare, vi ex Urbibus Rauenna & Patauio, quæ vicinum habebant mare, nunc valde reductum: ita nunc esse mare multis in locis ubi terra solebat. & simili ergo præsentī licebit facere de absentibus coniecturas. Variis fuisse quondam prouentibus fortunatissimas harum insularum plerasque ferunt, dico fuisse, quod in præsentiarum sint deserta, ut suo loco commemorabitur. Ambitu autem esse miliarium singulas Iucaias à duodecimo ad quadragesimum, neque maiorem ullam, vi legitur de nostri maris Strophadibus & Symplegadibus, exulibus Romanis assignatis, Giara, Scripho & multis præterea exiguis insulis. Sed has fatentur habitatoribus quondam fuisse refertas, nunc vero desertas, quod ab earum densa congerie perductos fuisse miseros insulares, ad Hispaniola Ferdinandinaque aurifodinarum triste ministerium inquirunt, deficientibus ipsarum incolis, tum variis morbis & inedia, tum præ nimio labore, ad duodecies centena millia consumptis. Piget hæc referre, sed oportet esse veridicum: sui tamen exitii vindictam aliquando sumpsere Iucaii, raptoribus interfectis, vi late in primis decadibus memorauimus. Cupiditate igitur habendi Iucaios, more venato-



rum qui per nemora montana perque palustria loca feras insectatur, ita quidam Hispani duobus nauigijs septem virorum impensa constructis, ex oppido Portus plate dicto, in Hispaniola sito latere, qua septentrionem spectat, ad Lucaias, homocypii causa, anno ab hinc tertio transfretarunt, licet ea nunc ego scribam, per Camillum Gillinum efflagitatus, vi è scriptis archetyporum aliqua nondum emissâ, de his inuentis ad excellentiam tuam dirigenda perquirerem. Ierunt ergo illi, vestigarunt vniuersas has insulas, praeda non reperta, quod eorum conuicini iandiu ex amussim exploratas depopulati fuerant. Ne consociis irrisui forent si vacui ad Hispaniolam reuerterentur, direxere proras ad Arctoon boctem. Aiunt plarique mentitos, qui sua sponte dixerint elegisse illud iter, sed inquit ab exorta & biduo persequerata repentina tempestate fuisse raptatos, ad eius terra, quam describemus, prospectum, viso à longe celfo promontorio. Quum se ad litus nostri applicarent, miraculo stupidi monstrum aliquod ad se venire putarunt incolae, quod Visu nauium ipsi careant: visendi studio primum ad litus certatim concurrunt, mox à descendentibus cum scaphis aura velocius aufugerunt omnes, litusque relinquere desertum: sequuntur abeuntes nostri. Praeunt agmen agiliores quidam iuuenes, citatiore cursu properant, duos ignauius currentes virum & faeminâ prahendunt, ad naues perductos vestibis ornant, soluant. Moti ea liberalitate litora complent iterum incolae. Rex eorum intellecta nostrorum beneficentia, visisque nouis & preciosis vestibis nunquâ aliâs inspectis, quod leoninis ipsi aut ferarum aliarum tantum sese pellibus maiori ex parte cooperiant, è familiaribus quinquaginta misit ad nostros commeatibus patriis onustos. In terram vero egressos amice ac reuerenter suscepit, deditque illis Vicina videndi



cupidis comites & duces. Quacunque proficiscebantur, admirabundi regnicolæ cum muneribus ad illos tanquam ad adoranda numina prodibant, cum barbatos præcipue ac laneis & sericeis vestibus indutos cernerent. Sed quid? Hostitii fidem violant Hispani tandem. Astu nanque artibusque variis, post cuncta diligenter vestigata, operam dederunt ut una dierum ad naues visendi causa multi concurrerent, implerentur naues inspectantibus: ubi refertas viris ac scæminis habuere, anchoris euulsis, velis protectis, lugentes abduxerunt in seruitutem. Ita regiones eas vniuersas ex amicis reliquerunt inimicas, & ex pacatis perturbatas, filios à parentibus ablati, ab vxoribus maritis. Sed è duabus nauibus una tantum euasit, altera nusquam vltius visa est: submersam fuisse cum fontibus & infontibus, quod esset vetusta, coniectantur. Id spoliū fuit Hispaniolæ senatui molestissimum: impunitos tamen reliquerunt. Cum de præda remittenda consultassent, nil executioni mandatum est, rei difficultate animaduersa, deperdita præcipue vnâ. Particularia quedam ex his à sapiente viro iurisperito sacerdote, qui dicitur Baccalarus Aluarus à Castro, ea didici. Es ob litteras & morum honestatem decanus est effectus antislee conceptionis in Hispaniola, & idem Vicarius ac vna hereseos inquisitor, cui præstada est super his fides liberior. Vti Plinius in descriptione Taprobane Claudii principatu ait, audita Romanorum fama oratori ab eo rege misso nomine Rhachia cum tribus comitibus fidem esse adhibendam, ita & ego in his, quæ me versant in ambiguo, auctoratis viris præsto fidem. Ait hic idem post varios conquestus de illis raptoribus, scæminas inde aduectas leonum, homines vero quarumcunque ferarum pellibus vestites. Genus id hominum candidum esse, communiumque hominum superare ait magnitudinem. Solutos dici fuisse repertos per sterquilinias, catellorum, asinorum cada-

uera



sera putrida inter fossas antemurales perquirentes ad esum,  
interuisse tandem maiori ex parte animi angere confectos: qui  
superfuerunt inter Hispaniolæ ciues distributi sunt, ut illis ad  
habitum, siue domi, vel in aurifodinis, aut agricultura utan-  
tur. Ad eorum patriam, unde sumus digressi, reuertamur:  
vel Bacchalaos anno abhinc vigesimo sexto ex Anglia per  
Cabotum repertos, aut Bacchalaos, de quibus late alias, conti-  
guas, arbitror esse terras illas. De illarum cœlesti situ, ritibus-  
que ac prouentibus & moribus nunc dicendum est. Sub alti-  
tudine graduum eorundem & sub iisdem iacere parallelis  
affirmant, sub quibus Hispana iacet Vandalia, vulgo An-  
daluſia. Regiones perlustrarunt paucorum dierum intercape-  
dine, plerasque simul longe protento in terram adherentes,  
ubi anchoras iecere, Chicoram & Dubare primarias. Chico-  
ranos aiunt semisuscos esse, ut nostri sunt agricolæ sole adu-  
sti aestiuo. Capillos nigros cingulo tenuis viri nutriunt, fœmina  
longiores in giros: uterque sexus nectis comam. Sunt imber-  
bes: sit ne id a natura, vel ab arte, medicamenti aliquo gene-  
re adhibitò, vel pilos euellant more Tenuſtitana gentis, est in  
ambiguo: utcunque sit ostendere se leuigatos delectantur.  
Testem alium cito non minoris inter laicos autoritatis, quàm  
decanus ille sit inter initiatos: Is Lucas Vazquez Aiglioni-  
licenciatus dicitur, ciuis Toletanus, & ex Hispaniola senatori-  
bus vnus, eius impense duorum nauigiorum particeps: ad no-  
strum rerum Indicarum senatum ab Hispaniola missus procu-  
rator, venit & diu efflagitauit dari sibi veniam repetendi ter-  
ras illas, condendæ in eis coloniae causa. Ex Chicoranis adue-  
tis vnum adduxit secum, qui ei famuletur, baptizatum ap-  
pellat Franciscum, ab suo natali Chicora cognomen induit.  
Dum negociis intendens moraretur, habui aliquando conui-  
uas & Aiglionum herum & Franciscum Chicoranum fa-  
mulantem. Non est hebes ingenio is Chicoranus, nec inepte

Baccalai  
per Cabo  
tum reper  
ti.

Chicota-  
ni quales  
sint.

Francis-  
cus Chi-  
cotanus.

h



Iau'd a  
natura.

Dathare  
gulus gi  
ganteus.

Ceruosa  
bent loco  
boum.

sapit, idiomaque sat commode didicit Hispanum. Quae igitur Aiglionus ipse licenciatus ex sociorum relatu literis mandata mihi ostendit, & quae Chicoranus viua voce fassus est miranda quidem, ea recensebo. Demat addatque fidei rerum, quas recitabo, ex ingenio quisque suo. Est natua generi humano pestis inuidia, quae scalpere nunquam desinit, & vepres in alienis agris, licet purgatissimi sint, quaritare impellit. In his praecipue viget ea pestis, qui sunt hebetes ingenio, aut qui pollentes, vitam sine literarum cultu ignauam tanquam inutilia pondera terra transfegerunt. Chicora ergo relictas, latus aliud sinus eius adierunt & regionem captarunt dicta Duharhe: hos incolae esse candidos ait Aiglionus, affirmante Francisco Chicorano suffusco, sed flauis demissisque ad talum usque crinibus. Regem habent hi gigantea proceritatis, huic nomen est Datha, neque illo multo breuiorem esse uxorem Reginam dicunt. Quinque geniti ab utroque nati: equorum loco proceris iuuenibus rex vitur, qui cursim ad optata illum diuerticula ferant humeris, ac reportent. Hic haesitare me recitatores varii coegerunt, Decanus praecipue & Aiglionus: cum namque alter dixisset de iuuenibus, equos esse contendit alter: neminem se allocutum qui equos viderit ait Decanus, à plerisque id audiuisse ait Aiglionus, neque praesens Franciscus Chicoranus ab ea nos controuersia liberauit. Si, quid ego arbitrer, percunctatus fuero, gentem eam adeo Barbaram & incultam equos habere minime crediderim. Regio est alia huic propinqua nomine Xapida. Hanc aiunt nutrire vniones, genusque aliud gemmeum, quod ipsi magnificiunt terrestre, vnioni simile. In omnibus, quas percurrerunt, terris ceruorum sunt armenta, uti apud nos boues domi pariunt, domique nutriunt, soluti per nemora pastum querendo luce durante vagantur, ad vesperam pullos domi retentos reniunt, & intra cortem claudi se, ac natis depastis, mulceri patiuntur. Nullum aliud lac



ant ex alio lacte caseum assequuntur. Altilia multimoda nutriunt, gallinas, anates, anseres, & huiusmodi. Panis eorum est maucius vti apud insulares: iuccam radicem, ex qua fit caza bi, qui est cibus nobilium, non habent. Maucium granum nostro est panico Insubriae persimile, sed pisum legumen aequat magnitudine frumenti & genus aliud ferunt, nomine Xathi, milium arbitrantur esse: neque pro certo recitant, quia praecipue pauci e Castellanis, quid sit milium intelligunt, cum nusquam in Castella seratur. Batatarum assequuntur aliqua genera, sed exigua. Sunt Batata radices comestibiles, vti apud nos rafani, cariotae, pastinacae, napi & rapae: de his & iucca, & ceteris edulis plus satis in decadibus primis. Regiones alias plures nominant, quas sub eodem rege gubernari putant. Hitha, Xamunambe, Tibe. In hac sacerdotale ferunt indumentum à populo discretum, & pro sacerdotibus habentur, & venerantur ab aliis vicinis regionibus. Huius incolae comam scindunt, duos tantum à temporibus pendentes cirros relinquunt, quos sub mento alligant. Quando, vti est pestiferi moris inter humanos, ad bellum in vicinos proficiscuntur, hos utraque pars ad castra accersit, non ut certent ipsi, sed assint pugnae. Quando iam ad manus est proxime deueniendum, sedentes omnes aut solo stratos circumueunt, & quarundam herbarum dentibus contusarum succo irrorant: (ut ad rem diuinam tendentes nostri sacerdotes madido ramo aspergunt) qua cerimonia peracta, repentino saltu irruunt in hostes. Illi vero ad castrorum custodiam relinquuntur. Pugna dissoluta, vulneratos tam hostes, quam amicos sine discrimine curant, & humare peremptorum cadauera studet. Non vescuntur humanis carnibus hi: captos in praelio pars vitrix pro maciis habet. Proincia illi magnae regniuculas percurrerunt Hispani multas, e quibus has nominauerunt: Arabe, Guacaia, Quohathe, Tazacca, Pahor, sunt hi suffusci habitatores. Nulla illarum literas assequitur, sed hereditariam à

Ex lacte  
ceruorum  
caseus.

Granum  
maucium  
quale.

Incolae  
Tibae, pro  
sacerdoti  
bus habi  
ti.

H b ij



Gentes  
caudatæ.

maioribus relictam antiquitatum memoriam, quam ritibus celebrant & cantibus. Choreas & tripudia exercent, ludo pile delectantur, sunt in eo dexterrimi. Nent suuntque fœminæ: licet maiori ex parte ferinis pellibus induantur, gosampiū tamen, quod noster Insuber Bonbasum appellat, assequuntur, & ex quarundam herbarum tenacium philiris stamina diducunt, ut apud nos est linum aut canabe. Est alia regio dicta Inſignanin. Ad hanc aiunt incolæ quondam appulsas ex maiorum relatu pelago aduectas gentes caudatas, ad spitamæ longitudinem, & laceri proceritatem, cauda non mobili, ut in quadrupedibus, sed solida in turbinem, ut in piscibus & Crocodilis videmus, & in osseam duriciem protenta. Vnde quando sedere cupiebant, sedilibus perforatis utebantur, aut illis deficientibus, effossa tellure ad spitamalem & paulo amplius scrobem, cauda immissa opus erat quiescere, digitos habuisse gentem illam latos non minus ac longos, pellem asperam pene squameam fabulantur. Solo crudorum piscium esu vesci solitam, quibus deficientibus aiunt ad vnum interiisse, neque de se prolem reliquisse ullam. Hæc & huiuscemodi multa inania relictæ sibi fuisse ab auis & parentibus prædicant. Ad eorum ceremonias & ritus veniamus.

## CAPVT TERTIVM.

**T**EMPLIS Carent, Regum domos pro templis venerantur: huius rei exemplum afferunt vnum: diximus in provincia Duhare giganteū esse regē, nomine Datha. In huius atrio lapideo quum cetera domus sint ex sublicibus erecta trabibus, & culmis aut herbis cooperta, pueri triennis magnitudine, maris & fœminæ duo reperere simulachra, hæc vno vocabulo appellant Inamahari. In re-



gia est imaginibus receptus. Bis quoto anno conspiciuntur, se-  
 mentis tempore semel, ut bene fausteque sata inchoentur, &  
 succedant, oratur. (De messis frugibus aliâs) in gratiarum a-  
 ctione si rite cessit, si aliter, ut in melius vertantur, & ira  
 deposita, placabilius anno altero se habeant dii. Cum solenni  
 pompa & frequenti concursu populi exportantur simulachra:  
 sed quo pacto non erit ineptum audire. Nocte diem festum a-  
 dorationis præeunte, Rex ipse, strato in imaginum cubiculo le-  
 ctus, coram imaginibus dormit. Elucescente die, accurrit popu-  
 lus. Rex ipse in suis vlnis adhesas pectori affert imagines:  
 Ex alto populo illas ostendat. Eas una & regem cum reue-  
 renti tremore genu flexus aut prostratus vocibus elatis populus  
 salutat. Mox descendens rex, ad pectus duorum (enescentium  
 probata autoritatis virorum, cum linteis more suo pulchre la-  
 boratis ex gosampio, alligat. Vestitu plumbeo diuersorum colo-  
 rum ornatas efferunt, easque cum hymnis & canticis, puel-  
 larum de choreis, & tripudiis iuuenum, ad campum aper-  
 tum comitantur. Nec fas cuiquam eo tempore manere domi,  
 aut alibi esse. Hæreseos labe taxaretur non modo qui abesset,  
 verumetiam qui tepide aut incompotè ritum exerceret. Die  
 totum viri comitantur, noctem vniuersam fœmina apud ima-  
 gines, cuncta letisia signa & adorationis argumenta præstā-  
 tes, in somnem agunt. Postero die demum eodem ordine, quo  
 fuerunt educta, ad regiam deportantur. Hoc de simulachris,  
 à quibus agrorum fœcunditatem, incolumitatem corporum,  
 & pacem, vel in pugna victoriam se putant assecuturos, si re-  
 uerenter illis ac rite sacrificauerint. Litant hi, uti ex farre ve-  
 nustas libis compactis: de agrorum prouentibus putant exaudi-  
 ri preces si præcipue lachrymis admisceantur. Dies est a-  
 liis singulis annis festus, quo ligneam semirudem statuam  
 in campo, super celsa trabe terræ fixam, & eodem comitatu  
 quo superiores locant, circumueunt tignis minoribus infixis

Quibus  
 festiuita-  
 tibus &  
 cetero-  
 nis simul-  
 achra sua  
 effertant.

H h iij



priorem trabem. Ad tigna suspendit populus, pro suis quisque facultatibus multiplicia numini dona, quæ ad noctem inter se primarii diuidunt, uti sacerdotes nostri oblatas à fœminis placentas, vel alia quæque munera. Qui præstantioribus numen ornat oblationibus, is honoratior habetur. Astant recipiendis testes, loco tabellionum, qui sacris peractis recitent quæ quisque donauerit. Ea impulsæ ambitione, superare vicinum certatim student vicini. Ab ortu solis ad vespërâ, multisono plausu statuat circumsiliunt, primo noctis crepusculo demissam è trabe, si maris accolæ sint, in mare præcipitem tridunt, si fluuiorum, in flumina demergunt, nec vlra conficitur: quoto anno reficiunt nouam. Tertius est illis dies festus, quo detumulatis cuiusdam veteris cadaueris ossibus papilionem ligneum, castrensi more, in agro erigunt. Sed aperio vertice quo cœlum inspicere queat, superstrato in papilionis medio spacio tabulato, sistunt exhumata ossa. Solæ fœminæ lugentes circumstant, & pro suis quæque opibus quadrantia dona offerunt. Die altero ad sepulchrum deportantur & pro sacro habentur: ossibus reconditis, vel ad recondendum paratis, è suggestu sacerdos Antistes oratorio munere functus, in media populi corona concionatur, de mortui laudibus pleraque, de immortalitate mox animæ plura, demum quò tendant. Ad gelidas arctos & concretas niuib. regiones primum aiunt illas proficisci, expiarique apud regem terrarum dominum, nomine Matec Zunguæ: dein ad australes plagas diuertere, ad alterius magni principis potestatem, nomine Quexuga, qui mitis ac munificus, claudus tamen, mille illis blandimenta porrigit: populo persuadent animas illic æternis frui delitiis inter puellarum choreas, & cantus, & inter filiorum ac amatæ quondam cuiusque rei amplexus, reiuuenescereque senescentes ibi blatterant, ita ut æqua sit omnibus ætas plena gaudiis & letitia. Hac à maioribus ad iuniores pro sacratissima

Quo ani  
mas profi  
cisci opi  
ætur post  
hanc vitâ.



Veraque historia, viua voce transmittuntur. abiiceretur ab hominum commercio, qui aliter sentire videretur. Putant etiam viuere homines super rota cælorum, & de antipodibus nil dubitat. Credunt in mare esse numina, & vti Græcia mædæ de Nereidibus & diis marinis, Glauco, Phorco, cæterisque, audacter pueraſcunt. His ita per concionem absolutis, populum discedentem, applicato ad nares quarundam herbarum fumo, halitu & afflatu immurmurans expiare videtur, & ab erroribus absolueret. Hinc latus domum it populus, non ad animæ leuamen solum, verum & ad corporalem salutem attinere præſtigiatoris illius commenta credens. Fallunt & alia deceptione vulgus ignauum: principe illorum primario moriente, amotis ab exhalante animam arbitris omnibus, aſtæ ipſi, & ſuis artibus latenter conſingunt, ab euomente ſpiritū ſcintillas fauillasque prodiſſe veluti ab igne ardenti excuſſis titiſionibus, vel a ſulphureis cartis iactatis in altum ioci cauſa. Hæ ſaltantes capreas, quas populus cadentes eſſe ſtellas arbitrat, per aerem diſcurrentes parumper emulantur, & mox reſoluuntur: quo namque momento eſſat ille animam, ad triū lacertorum altitudinem ſcintilloſa illa flamma cum horrendo ſclopō erigitur, & ibidem reſoluitur: eam flammam pro de mortui animæ ſalutant, & extremum illi dicunt vale, placentibusque ac lachrymis & vlulatibus illam comitantur, ita perſuaſi, ad cælos elapſam putant. Lugentes demū & flentes ad ſepulchra deportant cadauer. Viduus nō licet vltra viro miſceri, ſi naturali morte perierit maritus, ſi vero ſub iudicium ſententia eſſuderit animam, datur nubendi venia. Caſtitaſtem amat in fæminis gens hæc, impudicas oderunt, & à caſtarū cōmercio propellūt. Principib⁹ duas habere vxores permiſſum, populari vnam ſolam. Mechanicis inuigilant artibus viri, lignariæ præcipue ac ferinarum pellium condimentis: fæminis colos, fuſos, & acus exercere datum eſt

H b iij

Antipodas eſſe credunt.

Pæſtigiæ ſacerdotum.



Innum in duodecim diuidunt lunas: exequenda iustitia  
 praetores habent in his terris. Seuero iudico scelestos & faci-  
 norosos puniunt, latrones praecipue. Sunt eorum reges gigan-  
 tes, de quo mentio facta est: vectigales sunt illae regiones om-  
 nes. Tributa pendent e suis quisque prouentibus, quod  
 mortifera minime implicentur pecunia, permutatione rerum  
 comertiantur. Ludis & hi oblectantur pilarum praesertim,  
 trocis etiam super mensis agitatibus, & cum sagittis ad scopu.  
 Nocturna sunt eorum lumina tede, ac oleum ex variis fru-  
 ctibus, licet oleas serant. Conuiuuiis alternis delectantur. Diu  
 viuunt. Robusta est in eis senectus. Febres facili cura cum  
 herbarum succis pellunt, vulneribusque facile medentur,  
 modo sint curabiles. Salubria herbarum habent & noscunt  
 multa genera: si acri bile grauatum se quisquam senserit, epoto  
 cuiusdam vulgaris herbae succo, guahi dicta, vel ipsamet  
 herba manducata, bilem euomit & breui conualet. Nec vlllo  
 medicamento alio genere vtuntur aut medicos volunt alios  
 praeter vetulas exercitatas, aut sacerdotes arcanarum vir-  
 tutum herbarum peritos. Carent & nostris lasciuis. Arabi-  
 corum odorum aut suffumigiorum & aromatum peregrin-  
 orum expertes, natui patriae contenti prouentibus alacrius  
 & incolumius ac viridior senecta viuunt. Per edulia varia  
 vel diuersas dapes gula parum indulgent, pauca satisfaciunt.  
 Sua illi numina, qualiacumque elegerint, feruentius adorant,  
 Quo gestu suos principes populus salutet, quo de princeps sa-  
 lutatus excipiat, proceres praesertim, ridiculum est auditu. Sa-  
 lutator in obseruantia signum manus eleuat ambas ad nares  
 vsque, vocali mox quodam strepenti mugitu fere taurino, ad  
 frontem & sinciput manus protendit. Princeps vero nullo  
 signo popularem excipit, primarij salutationi, ad leuum hu-  
 meru demisso capite respondet tacitus. Sed vix credibile quod-  
 dam inuentum audiat excellentia tua. Gigantea magnitudi-

Durabilis  
 sunt vitæ.  
 Remedia  
 praesentia  
 noanorū  
 contra  
 morbos.

Luxui nō  
 sunt ob-  
 noxi.



nis primarium illarum regionum tyrannum esse memorari:  
 cur solus ille ac vna vxor eius corporum eam proceritatem  
 assequantur, non e populo quisquam, interrogati licenciatus  
 Aiglionus, de quo supra, vir grauis & auctoratus, ex auditu  
 a participibus impense naualis, & Franciscus eius fami-  
 liaris ex vicinorum relatu inquit, non esse illis a natura vel  
 ab ortu id munus hereditarium, vt præcellant ceteris ea præ-  
 rogatiua: sed ab arte datum violenta, hoc pacto. Dum cuna-  
 bulis & nutricum mammis infantes subsunt, accersuntur  
 eius artis magistri, medicamentis herbarum quarundam emol-  
 lientium ossa tenella, per aliquot hi dies infantuli membra  
 inungunt, mox ossula in tepida cera molliciem versa, semel  
 atque iterum distendunt adeo, vt exanimè ferè misellum re-  
 linquant, dein nutricem edulis quibusdam potentè vim ha-  
 bentibus depascunt. Nutrix demum mammas illi, sub calidis  
 tegminibus cooperto porrigit, & lacte cibis substantialibus  
 coacto infantem recreat: post interpolatos dies aliquot ad tri-  
 ste torquendorum osium redeunt ministerium. Hoc Aigli-  
 onus & familiaris eius Franciscus Chicoranus. Decanus vero  
 conceptionis, de quo mentio facta est, aliter ab raptatis cum  
 nauis euasa se audiuisse, quam Aigliono socii dixerint, de me-  
 dicamentis, & arte corpus augente mihi retulit: ait namque  
 non per osium torturam id fieri, sed per esum farcimenti cis-  
 iusdam maxime nutriētis, ex variis herbis ad id aptis cōtusi,  
 cum adlescere incipiunt præsertim, quo tempore natura ten-  
 dit ad incrementū, & in carnem & ossa cibi conuertuntur.  
 Mirandum quippe, his ponderatis tamen, quæ de virtutibus  
 herbarum narrantur, si rite latens earum vis intelligeretur,  
 putarem ego posse cōtingere. Quod autem solis regibus liceat,  
 est in promptu ratio. Lasa Maiestatis reus haberetur, qui da-  
 pes illas auderet degustare, vel ab artificibus regulam condi-  
 menti pscere, quia videretur is velle se regibus equare, quā-

Cur soli  
 rex & re-  
 gina cæ-  
 teros alti-  
 tudine  
 præcellāt



doquidem apud eos est indecens & inauكتورatum, quod rex  
nil præ se ferat à communi statura, quem oporteat ex alto ad-  
euntes despicere supereminendo. Hæc dederunt, hæc damus.  
Excellentiæ tuæ liberum sit arbitrium credendo. De ritibus  
& moribus iam satis. Ad naturæ agrestis dona veniamus:  
de pane carnibusque dictum est, de arboribus pauca.

## CAPVT QVARTVM.

De arbo-  
ribus Chi-  
coræ.



Corito ar-  
bor.

Denatura  
Hispano-  
rum.

**M**ULICE AS, pineas, cupressinasque siluas  
& auellanas, agmydalas & serpentes per  
arborum ramos labruscas nigras albasque  
sine vsu vini ab eis extorti (ex variis fru-  
ctibus potum conficiunt,) suapte natura  
creari repperunt. Fert quoque ficus & va-  
riarum specierum oleas terra illa. Mansuescunt insertæ, vti  
apud nos, quæ naturæ tantum ruditatem saperent sine cultu:  
Hortos colunt & oleribus multimodis abundant, cultisque  
viridariis delectantur. Arbores & ipsi nutriunt in hortis.  
Peculiaris est arbor dicta corito, fructum gignit sapidum par-  
uo meloni par magnitudine: est & alia dicta guacomine, fru-  
ctum fert malo cotone grandiolem, grati aiunt esse odoris &  
egregii, ac salubrem. Multas præterea plantat & curant alias,  
multaque rerum alia genera: de quibus, ne cuncta vno hali-  
tu referendo saturitatem pariamus, alias dicemus. Licenciati  
ipsum Aglionum senatorem sui voti compotem effecimus.  
A nobis & à Cesarea Maiestate, nostro suassu, iam dimissus  
est. In Hispaniola noua est constructurus classem, qua traiciat  
in eas oras, coloniam deducturus. Nec sectatores deerunt: est  
quippe natio hæc omnis Hispana rerum nouarum adeo cupida,  
vt quacumque ad emergens aliquid solo nutu aut sibilo vocetur,  
propere se apparet ad volatum, certa deserit sub spe gradus



altioris, ut incerta sequatur: id ex præteritis colligere fas est. Quo stomacho ab incolis tantopere labefactatis ex natorum & propinquorum rapina recipientur, tempus erit iudex. Similis extra ordinem occurrit casus non omittendus, de Lucais insularibus; ab Hispanis Cuba ac Hispaniola colonis perquisitis, ad aurifodinarum triste ipsis ministerium aduectis.

Cum Hispani simplices eorum opiniones de animabus, post expiatis labes in gelidis montibus arctois ad meridiem transituris intellexissent, quo sua sponte natali relicto solo, ad Hispaniolam & Cubam illis insulis meridionales se perducere paterentur, suadere miseris nitebantur, & persuadebant, se ab locis venisse illis, in quibus vita functos parentes ac natos, propinquorum genus omne, amicos etiam visuri essent: & una inter amatarum rerum amplexus blandimentorum omni genere fruituri essent. His technis imbuti prius a suis præstigiatoribus, ut supra memoravi, dein ab Hispanis, psallentes, relicta patria, spem inanem sequebantur. Quando vero se deceptos fuisse conspexerunt, nec parentibus aut optatorum cuiquã occurrerent, sed grauius imperia & insuetos ac sæuos labores subire cogerentur, in desperationem versi, aut seipsos necabāt, aut electa inedia languidos emittebāt spiritus, nulla ratione aut vi persuasi, ut cibum sumere vellent, uti aliàs dixi. Ita miseris Lucais est finis impositus: quorum est iam exiguus apud Hispanos, ut ipsorummet incolarū, numerus. Sed arbitror ad miserorū innocentium querelas & gemitus, numen aliquod excitatum vindictam tantæ stragis, & perturbatæ quietis tot nationum, astruxisse, quod sub prætextu augendæ religionis moueri se fateantur, nullaque habitata ratione, ad ambitiosam auaritiam & vim se conuertant. Mortui quippe sunt vel ab ipsismet oppressis trucidati, aut percussi venenatis arundinibus, vel pelago meri, aut in varios delapsi morbos afflicti, quicunque primi fuerunt

Seductia  
nostris  
miseri  
Insulares  
mortem  
malunt  
quã vitã



Legum  
erga no  
uos inu  
lares vsur  
pandarū  
pia sancti  
ones.

aggressores, alia via tendentes quam sibi fuerit à regibus im-  
peratum: legum namque illis præbitarum sanctiones, (me te-  
ste, qui eas quotidie cum reliquis collegis versaui) sunt ad in-  
stum & æquum a leo formatae, ut nil sanctius esse queat. Con-  
stitutum est quippe ab annis pluribus, ut benigne, ut pie, ut pa-  
catò cum nouis illis nationibus sub ætatis splendore natis ag-  
tur, utque reguli cum suis ditionariis & regia beneficentia  
cuique assignatis, more vectigaliorum subditorum, & ditio-  
nariarum, non seruili modo tractentur, ut carniū & panis  
debita portione præbita ad laborem sustinendum bene depas-  
cantur, ut necessaria cuncta & diurnæ fossionis premium in-  
dumentorum aut destinatarum ornatuum veluti mercenariis  
præbeantur, ne ad nocturnam quietem cubicula desint, ne an-  
te solis exortum excitentur, & ante vesperam reducantur,  
ut quibusdam anni temporibus, ab aurifodinis liberi, ad lusc-  
cæ radicis & maicū frumenti sationes intendant, ut festis  
diebus ab omni opere cessent, templis assistant, peractis mox  
sacris, assuetis eos incumbere ludis & choreis permittant, &  
hinc cetera prudenti humanaque rationibus per iureconsul-  
tos, perque religiosos viros compacta. Sed quid? ad orbes tam  
peregrinos, tam exteros, tamque longinquos, per decadentem  
Oceanum, qui cælorum rotatos cursus imitatur, delapsi, præ-  
toribus distantes, auri cæca raptati cupiditate, qui mitiores a-  
gnis hinc abeunt, applicati rapaces in lupos commutantur, re-  
giorum omnium mandatorum immemores. Et redarguantur  
& mulctantur & plectuntur multi: quanto diligentius hy-  
dra capita scinduntur, eò plura pullulare videmus. Prouerbio  
illi, quicquid multis peccatur inultum restat, inhæreo. Nouas  
nunc iterum constitutiones ordimur & novos mittere recto-  
res cogitamus: experiemur quid fors velit in relictis. An  
ut liberi esse debeant, nec ab inuitis labor ullus, aut sine pre-  
cio exigatur, hæsitamus. Inter varias namque virorum græ-

Vatiz opi  
niones de  
modo tra-  
ctandi  
insular es.



uium opiniones trahimur in ambiguum. Religiosorum precipue professionis Dominica sententiis, qui suis nos chirographis monent in aduersum: Multo satius fore, illisque securius, ac ad viranque corporis & animarum salutem vtilius, si ad perpetuum hereditarium obsequium designentur arguentes, quam si temporaneis addicantur ministeriis, quoniam hi quibus haecenus fuere commendati ad regis arbitrium & alterius absentis nomine vii mercenarii rem tractabant. Quum ne a se tollantur post aliquot annos, vii fieri solet, vereantur, nullam, contra sanctarum legum capita de miserorum comodis curam gerentes, in auris odinis ad necem vsque sexum vtrumque, nec aetatis respectu habito, dum auri situm suam herique explerent, macerabant. His neque ad dictum necessaria praebebant, neque illorum saluti, si praesens insueto ac nimio labore cadere contingeret, consulebant. E conuerso aiunt eum qui suo heredi designatos Indos transmittendos intelligit, tanquam in re propria, non modo ut incolumes seruentur operam dabit, sed ut augeatur eorum numerus per vxorum & natorum recepta blandimenta, studebit. De libertate vero illis eroganda pluribus exemplis, in medium adductis, insciantur. Quod nusquam potuisse Christianis barbaros illos interniciem machinari, quin sua fuerint executi cogitata, & quum saepe tentatum sit, an libertas esset profutura, perniciem illis peperisse comperit fuit. Vagantur enim desides & ignaui ad veteresque suos ritus & fœda facinora reuertuntur. Tertia particularis horrida causa est, qua probatur, in putato continenti precipue non esse dignos libertate. In quadam parte magnae putati continentis prouinciae regione dicta Chiribichi, Dominicae professionis fratres templum ab hinc anno forte duodecimo erexerant. Per mille laborum & esurie arumnas regulorum & primariorum filios nutriebant, ipsosque grandiores aetate ad religionem hortando, monendo, docendo, blanditiis admixtis per-

Quare non  
donentur  
libertate.



Facinus  
in quam  
ab Indis  
commisum

ducere nitebatur. E pueris plerosque ita erudierant, ut initiatis sacra tractantibus ministrarent altaribus, non inculte aut inepte, Hispanumque idioma perbelle callerent: sed audi facinus horrendum. Puerilibus annis exactis & vix primæ luginis ætate captata, duo primarii ex eruditis quos à ferina maiorum suorum natura ad Christi dogmata & ad humanos iam traxisse ritus arbitrabantur, electo profugio, more luporum veteri pelle resumpta, priscos natiuosque sibi labes rebiberunt, & vicinorum grandi manu armatorum comparata, ipsis ducum opera ventibus, facto impetu cœnobium in quo paternæ fuerant educati charitate, petierunt. Cœnobio expugnato ac funditus euerso, educatores & famulantes ad vnum trucidarunt. Ambagibus posthabitis, ut post acres meas accusationes excusatione aliqua dignos esse Hispanos cognoscas, si libertatem illis abnegent esse præstandam, ex chirographis in nostro Indico senatu porrectis à quibusdam fratribus euasis, (quod eo tempore abessent victum cæteris queritando) vnum perlegat excellentia tua. Cum essemus coacti apud nostri senatus principem Garsiam Loaiam in Italia eruditum, Osomensen antistitem, & Cesaris, ut vulgò loquar, confessorem, ordinis prædicatorum, ob sua merita Romæ magistrum generalem electum, cui excellentia tua neque est ignota nec male grata, oblatum nobis fuerat: idiomate suomet Hispano id habeto, (Latino quippe vel Italo cuique ob linguarum propinquitatem facile intellectu est): ne de sensu rei & mittentis intentu in traductu quicquam mutatum esse quis me arguat, id efficere fuit consilium. Fratrem ipsum, qui frater Thomas Ortizius appellatur, coram senatu viua voce loquentem & aliorum nomine scribentem audiamus.



Estas son las propiedades de los Indios por donde  
no crecen libertades.

**C**omen carne humana en la tierra firme: son sodomiti-  
cos mas que generacion alguna: ninguna iusticia ay en-  
tre ellos: andan desnudos, no tienen amor ni virgüenza: son  
estolidos, alocados: no guardan verdad si no es a su prouecho:  
son inconstantes: no saben que cosa sea conseio: son ingratisi-  
mos, y amigos de nouedades. Se precian de embeudarse que  
tienen vinos de diuersas yerbas, y fructos, y granos come Xer-  
ueza y sidras, y con tomar fumos tambien de otras yerbas que  
emborrachen, y con comerlas. Son bestiales, y precian se de  
ser abominables en vicios: ninguna obediencia ni cortesia  
tienen moços a vieios, ni hijos a padres. No son capaces de  
doctrina ni castigo: son traydores, crueles y vengatiuos, que nū-  
ca perdonan, inimicisimos de religion. Son haraganes, ladro-  
nes, son de iuyxios muy terrestres y baxos: no guardan fee ni or-  
den. No se guardan lealtad maridos a mugeres, ni mugeres a  
maridos. Son echizeros y augureros y couardes como liebres.  
Son suxios: comen pioios y arannas y gusanos crudos, do quie-  
ra que los hallan: no tienen arte ni manna de hombres. Quan-  
do an aprendida las cosas de la fee, dizen, que essas cosas son  
para Castilla, que para ellos no valen nada, y que no quieren  
mudar costumbres: son sin barbas, y si algunos les nascen pe-  
lan-las y arrincan-las. Con los enfermos no tienen piedad nin-  
guna: esta graue el enfermo, a vn que sea su pariente o ve-  
xino le desamparan, o lleuan a los montes a morir, y dexan  
cabe el vn poco de pan y agua, y vanse: quanto mas crescen  
se hazen peores: hasta diez o doze annos parece que an de sa-  
lir cō alguna criaga y virtud, passando adelante se tornan como  
bestias brutas. En fin digo que nunca crio Dios tan coxida gente  
en vicios y bestialidades sin mistura alguna de bōdad o policia.



Agora inſguen las gētes para que pueda ſer cepa de tan malas mānas y artes: los que los auemos tractado eſto auemos experimentado dellos. Mayormente el padre fray Pedro de Cordoua, de cuya mano yo tengo eſcripto todo eſto, y lo plaucamos en vno con otras coſas que me callo, hallamos à oios viſtas: ſon inſenſatos como aſnos, y no tienen en nada matarſe.

HÆC & alia ſingulis diebus ſeſe offerunt in controuerſiam, quæ licet varie differantur, in opprimentium tamen capita pene cruenta, vti ſupra diximus, deciderūt. Neque paucos inter ipſosmet Hiſpanos exorta ſimilitates imperandi cauſa ſuſtulerunt, de quibus in prioribus meis decadibus multis, vbi de Pinſoribus, duorum oppidorum Palos & Moguer in Oceano littore habitatoribus, in Andaluſia, per putati continētis vaſta littora & miraculoſi fluminis Maragnoni ripas diſcurrentibus, & ab incolis Canibalibus ſenenatis ſagittis tranſuerberatis & peremptis, mox in varia fercula conditis: ſunt enim antropophagi Canibales, alio nomine Caribes. de Soliſſo, cui à tergo putati continentis idem cōtingit, à cuius horrido caſu nomen eſt marino ſinui datum, in quo Magaglianus diu cum ſua claſſe ex itinere moratus eſt. Poſthæc de Alphonſo Fogieda & Ioanne Coſſa, Cumana, Cuqui, Bachoha, ac Cauchiæti ac Vraba regiones, cū valida manu militum perquirētibus & vita male ſunctis. De Dieco Nicueſa octingentorum circiter virorum præfecto, poſt hos deperditos, dum Beragua ab Vraba ſinu occidentali oras vagans queritaret. De Ioanne Pontio in Florida regione primum ab eo reſerta ſtrato à barbaris nudis, ad mortemque vulnerato, dein ex vulnere languido in Cuba inſula mortuo, de multis præterea ducibus & copiis aliis Canibalium fortitudine trucidatis, quibus lauta ſtruxere ſuis corporibus conuiuia, cum claſſe Canoarum reperti ſunt Caribes, homocupii cauſa plura è ſuis finibus



finibus millia passuum compositis ordinibus, ad nauigasse: canoæ sunt eorum vniligneæ scaphæ (græcè monoxylon) octoginta aliquando remigum capaces. De Dieco Velaque demum, Cuba, quæ Fernandina dicitur, pro gubernatore, ex immensis opibus ad pauperiem deuecto, nunc tandem vita functo, ac Fernando Cortesio capitali odio inter se dissidentibus, late differui. Ex his omnibus solus Cortesius adhuc viget, qui congestos in lacunari magna illa vrbe Tenustitana deuicta vastataque, creditur habere thesauros ad tricenas centena millia pensorum auri congesta: (est pensum hoc Hispanum quadrante superans ducatum, ) Imperat namque multis vrbibus & principibus, apud quos est & fluminalis & montani auri copia, nec desunt argentis odinarum dites cauerna, sed forte in eius causa generale prouerbum illud vulgare valebit, de nummis, fide, ac sensu. multo minus in secessu reperitur, quam fama ferat: tempus loquetur. Ioannes Ribera, Thomæ Maino oratori & Guillino notus, Cortesii apud Casarem procurator educatus ab adolescentia & gestorum omnium particeps parata dicit habere Cortesium herum suum ter centena millia pensorum Casari mittenda. Sed edoctus tot nauium onustarum captura per Gallos pyratas, minime audet ea dimittere. Sunt & in putato continenti, & Hispaniola, Cubaque ac Iamaica parata opes ingentes auri, vniouum, saccari, & castæ fistulæ in insulis nutritæ, corini siue cocci etiam ligni, fucandis lanis accommodati, quod veruminum Italus, brasillum Hispanus appellat, parati prouentus. Arborum earum sunt in Hispaniola densa nemora, vti apud nos pineta vel querceta. Super harum nauium tutela, dum in nostro senatu rerum Indicarum, quid consilii capiendum esset ad remedium, consultaretur, statutum est, & per Casarem nostro suasu prouisum, imperatum, quæ, vt quilibet eorum cum rebus congestis, ad Hispaniolam, eorum tractuum caput conueniant. Vnde ab omnibus terris

F. Cortesius solus ex multis restat. Pensum quid.

Proverbum generale



illis, coactis nauibus, valida classis iungatur, qua tuti à pyra-  
tarum iniuria, si occurrerint, queant se defendere. Quid fors la-  
tura sit est in diuina prouidentia armamentario reſeruatum.

Duo tor-  
mentaria  
vafa auro  
conſtata.

Non deſunt qui Cortesium inſuam aurea vafa duo tormen-  
taria globorum capacia ferreorum luſoriam minorem faci-  
tam pilam æquantium conſtaſſe. Ad oſtentationē forte, quod  
auri mollicies meo iudicio non tanto furori ſuſtinendo apta  
ſit, vel ob inuidiam conſectum. Inclita enim eius geſta liuidis  
ictibus quoſque contorquentur.

## CAPVT QVINTVM.



**M** in his Verſarier ſcriptis, appuſas ad  
noſtra Hiſpana littora naues quatuor ab In-  
dis allatum eſt, quid opum afferant, nondū  
intelligimus. Ab Hiſpaniorū ſenatu allata  
ſunt litteræ ad Caſarem, de crudeli ac faci-  
noroso caſu nuper emerso, timeturque deterius aliquid ex cō-  
iecturis futurum. De Francisco Garaio Iamaicæ gubernatore,  
multa in libellis ad Adrianum Pontificem, per Iacobum Pi-  
erium ad Urbem allatis. Franciſcus Garaius deducturus co-  
loniam in flumine Panuco, à quo & regio & Regulus nomi-  
na trahunt, & eius vicinia, quæ Tenuſtitana iuriſdictioni eſt  
contigua, bis rem tentauerat, ac toties fuerat ab incolis ferè  
nudis proſtigatus: anno ſuperiore prouinciam iſ eandem reite-  
ratò cum nauibus vndecim & hominibus ſeptingentis am-  
plius & equitibus plariſque, regiarum litterarum autoritate  
fretus, complexus eſt, quibus conſtruendi, optatam in eius flu-  
minis ripa coloniam, facultas præbebatur. Eſt iſ fluuius al-  
ueo grandiorum nauium capace nobilis, gerit & portus vi-  
cem, quod prouincia illa Tenuſtitana ditioni ſubiecta, impor-

De Fran-  
ciſco Ga-  
raio.



rñosa & male fida statio sit. En appulsos Garaium & so-  
 cios incolumes. Valida illos tempestas perturbavit in mari, &  
 fortuna belli prostituit in terra, duas è nauibus naufragio ap-  
 plicans amisit, occupatas à Cortesii militibus ripas fluminis,  
 erecta ibi colonia & formatis magistratibus, qui populum  
 regant, cum Panuci-Reguli assensu reperit, ( quod sui iuris  
 Tenustitani terras dicat esse illas, & Panucum fluvium in-  
 cludi sub noua Hispania nomine, dato illis terris à se, confir-  
 matoque à Cesare, ) comprouinciales suos, loci habitatores  
 Hispanos, Garaius adit, compellat. Regias ostendit patentes  
 litteras, quibus eas Panuci ripas sibi designat habitandas, se  
 ad id venisse. Regio pareant imperio, cedantque hortatur &  
 monet, vel suos non Cortesii nomine, prætoria sceptrà retineât,  
 cæterasque leges & constitutiones ad bonum & tranquil-  
 lum regimen necessarias accipiant à se, ac obseruent: frustra  
 omnia. His pro concione auditis, non ultra præmeditato sermo-  
 ne, sed omni hæsitazione posthabita respondent: A Cortesio de-  
 stinatum & erectam in Tenustitana quondam obseruantia  
 solo eam Coloniam, quæ intra Hispania noua terminos à Cæ-  
 sare designatos iaceat: propterea inremerito fore, ut proditio-  
 nis nota taxentur si desciscerent, Garaique postulatis auscul-  
 tarent. Regias iterum citat & ostendit litteras Garaius. Sur-  
 repticias esse, ac non rite persuaso Cesare, impetratas: cum e-  
 piscopi Burgenfis Indici senatus præsentis fauore, aiunt, ha-  
 bitas contra Cortesium, cui est episcopus offensus ob Iacobum  
 Vela & que Cuba pro gubernatorem amicum & sui fratris  
 Fonseca quondam familiarem, Cortesio infensissimum  
 hostem: ( De horum simultatibus satis late in rebus ad  
 Vtrumque attinentibus, quæ per se volumen occupant  
 non exiguum. ) Renitentibus Garaius læsa Maiesta-  
 tis crimen edicit, si non pareant regis mandatis.

Simultas  
 inter episc.  
 copum  
 Burgensē  
 & Cortes-  
 ium.



Litteras in caput, Hispano more, se locaturos aiunt, & in quā-  
 tum debent, mandatum acceptaturos: quō ad executionem, se  
 regem, aut senatum Indicum dicunt consulturos, ut parte au-  
 dita utraque censeat Rex Caesar quid obsequio suo magis cō-  
 ducat, arbitrari se aiunt aliter imperaturum Caesarem, si quan-  
 to discrimini res tāta subiiciatur, ex hac nouitate intellexerit:  
 nā si Barbari nuper victi, vigere dissidia senserint inter Chri-  
 stianos, excutere iugū nitentur. Decretum inter eos tandē est,  
 ut ad Cortesium nuncii mittantur. Datur opera, eunt, Corte-  
 sio res significatur. Duos ē centurionibus suis, qui Garaio acces-  
 sum ad se studeant persuadere, destinat, in lacunari ciuitate  
 ingenti Tenustitana, quae potentis imperii caput est, à Panuco  
 fluuio distante leucas sexaginta circiter. Veniunt ad Garaium  
 nuncii, persuadent. It Garaio: Cortesio namque se inferiorem  
 esse fatebatur. generum sibi asciscit, ex transuerso nata filias  
 Garaii filium Cortesius. Dum haec ita geruntur, an Cortesii se-  
 creto consilio id actum sit, an spōte sua incola moti Garaii co-  
 pias adorti fuerint, ac prostiuerint, in ambiguo relinquunt  
 Hispaniola senatores, quicunque ad particulares amicos parti-  
 culatim ista scripserunt, hac ne vel illac refert parum in re ip-  
 sa. Profligata est manus omnis virorum septingentorum, &  
 ducentum quinquaginta ex his trucidata fuisse ferūtur, scri-  
 biturque Garaium ipsum perisse, an apud Cortesium obie-  
 rit, an alibi, & an grauatius febris, aut adiutus Cortesii beni-  
 gna & clementi prouidentia, qui ab angustiis humanarum  
 solitudinum liberauit hominem, ut solus ipse tyrannicae pro-  
 fessionis dulcedine frueretur, pro incerto significatum est. Ne-  
 que enim à Cortesio, aut à magistratibus ad eas terras missis  
 litteras habemus, neque ab ullo de Garaii comitibus, sed ab  
 senatu tantum Hispaniolae Caesari & nostro senatui scriben-  
 te, appulsum fuisse ad Cuba angulum vltimum occidentalem  
 qua Iucatanam spectat ea insula frontem, Christophorum

Profliga-  
 ta copia  
 Garaii.



quendam Olitum, Cortesi ducem, cum viris tercentum & equitibus centum quinquaginta in classe non contemnenda, stude-  
dereque aiunt centum alios recentes ab ipsa Cuba seducere, quibus comitibus se terras exploraturum eas prædicat, quæ  
iacent mediæ inter Iucatanam nondum scitam, an insula sit, &  
putatum continentem, ibique deducturum se Coloniam dixisse fertur. A Cubensi aiunt senatores tabellione factos de hac re se certiores, una cum casu vario Garaii. Inquiunt  
una senatores ipsi arbitrari se per falsos rumores proiecta in vulgus ista fuisse ab Olito seducente, quo sublata spe transi-  
tus ad Garaium, facilius ad eum diuertant vagi, quos optat habere. Alio epistola capite aiunt paratum esse in Hispaniola  
portus Aegidium Gonzalez, ut ad eundem locum profici- scatur, de cuius navigatione per australem Oceanum, Thomas  
Mainus orator secum attulit narrationis exemplar, ad Archiepiscopum Cusentinum Summo Pontifici Clementi præben-  
dum: est directæ navigatione, eam est opus inspicere, quo possit intelligi, quisnam sit horum ducum, terras illas permissu &  
imperio Caesaris querentium intentus: ab Australi oceano namque regressus Aegidius, ubi dulcium aquarum ingens  
pelagus, insulis fultum, inuenit, à septentrione statuit vestigare, quid de freto tantopere desiderato latura sit sors. Ad Hispani-  
olam cum thesauris suo loco nominatis propterea peruenit, Australi classe relicta, ut nouam construat in septentrionali.  
Per fluuium quippe aliquem, nauibus recipiendis aptum, Iucatanâ inter & cōtinentem, eius congeriei aquarum fluxum erumpere credit,  
veluti ex Verbano lacu Ticinus, ex Benaco Mincius, ex Lario Abdua, ex Lemano Rhodanus prodire conspiciuntur, ut absorptas ad mare vehant aquas. His intel-  
lectis, & quod Petrus Arias putati continentis gubernator, eandem sumpturus prouinciâ, equitum & peditum non

Christo-  
phorus.  
Olitus  
Cortesi  
dux.



paruifaciendo numero exercitus coacto, viam eandē sumpse-  
 rit. Petuit senatus Aegidii Gonzaleꝝ profectionem, ne si  
 Olitus & Petrus Arias Aegidiusque ipse concurrerint, al-  
 ternē se conficiant: per celeres etiā nuncios & citata nauigia,  
 Petrum Ariam, Fernandum Cortesium & Olitum monue-  
 runt, lesa Maiestatis pœna preposita, ne quisquam in alte-  
 rum, si occurrerint, arma sumat, deiciendos a magistratibus  
 cum ignominia, qui contra fecerint, protestati sunt. Hoc se-  
 natus illius iudicium probauit senatus noster: quæ succedent  
 scribemus. Est huius freti quærendi rabies tanta, vt mille se  
 discriminibus obiciant: nam quicumque illud repererit, si re-  
 periri potest, summam Cæsaris gratiam cum autoritate ma-  
 gna consequetur, quia si ab australi oceano ad septentriona-  
 lem transitus inueniretur, facilius esset ad insulas aromatuū &  
 gemmarum altrices via. Neque valeret cum rege Portuga-  
 liæ cœpta controuersia de qua satis in prioribus meis: de freto  
 vero exigua spes est. Ab Aegidii opinione non decidimus ta-  
 men, quin absorptor dulcium aquarum fluuius possit reperiri,  
 ad septentrionem labens, quandoquidem illis constitit, ad au-  
 stralem oram nullum eas aquas defluuium habere. Id si eue-  
 nerit, fore commodum satis iter ab utroque mari monstratur,  
 quum ab aquarum dulcium ripis, quæ ad Austrum vergunt,  
 ad ipsius australis oceani littora trium tantum sit leucarum  
 per latam planiciem intercapedo: qua inquit Aegidius lenē  
 iter futurum plaustris & curribus quibusuis, & ad circu-  
 lum æquinoctialem breuissimum.



## CAPVT SEXTVM.



ARBITRAMUR Etiam, illustrissime princeps, certissimis innixi argumentis, fore ut non multos post annos noua reperiantur alie insulae, tum aequatori subiectae, tum citra vltraque proxima, vti iam reperta Malucha, ceteraque in superioribus meis descriptae. Si namque a virtute solari circum aequinoctia sub disposita terrestri materia, receptura caeleste munus oblatum, gustus ille aromaticus in eas arbores infunditur, proximaque sint illis alie insulae, arenali auro dites: quis naturam magnipotentem audebit tanta labe inficere, iniuriaque tali commaculare, ut in breuissimo Malucharum spacio, veluti in gigantis digitulo, (si totum ambitum pensitauerimus,) vim suam expleuisse contendat, exhaustisque vterum egregia prole grauidum in partum adeo tenuem? Ex mea officina ratio hac in senatu Indico apud collegas, vno exemplo addito, quod res facilis intelligatur, emanauit. Ad Adrianum Pontificem me scripsisse rationem hanc suspicor, sed non bene memini, quod septuagenario proximo memoriam mihi atas & cura hebetauerint, neque huiusmodi repetita displicere tamen solent, licet extra sui agri limites ea visa fuerint alibi. Romam ego, cum sua vicinia, Sixti quarti & Innocentii octauo temporibus, decennio gustavi. Bellorum Granatensium fama excitatus, in Hispania me contuli: venies ab vrbe, quod reliquum est Italiae, percurrere Galliae partem eam quae post Alpes nostro mari alluitur, transiui: in his septimo & trigesimo anno, quibus Catholicorum Ferdinandi & Elisabethae Regum beneuolis pollicitis & honorato susceptu in familiaritatem me tenuit Hispania, vniuersam perlustravi. Quorsum haec tam longe

Spes de  
ditibus in  
falis.

Magna  
potentia  
naturae.

I i iij



repetita inquires illustrissime Princeps. Ista peragrans, in illi-  
ceta, mox pineta, montanis tamen aut campestribus locis &  
fluminibus aut paludibus utrasque silvas intersecantibus, in-  
cidebam, diuersarum dein arborum suapte natura magnas  
terras occupantium solitudines occurrebat iterum, & huius-  
cemodi pinetis aut illicetis & fluminibus aut lacubus ob-  
uiabam, planiciesque superioribus non dissimiles, subiecta  
terrarum materia varietates eas suscipiente, pertransibam.  
Ita princeps Illustrissime, citra ultra & sub æquinoctiali cir-  
culo, cancri tropico ad capricornium (quam intercapedinem  
philosophorum pars maior solis perpendicularis ardore infe-  
statam, falso desertam sunt arbitrati) iacent maris ac terra-  
rum vastitates immensa, quod huius circumferentia spaciū  
sit maximum, cum vniuersum orbem, qua latius patet, sua  
longitudine circumbeat. Circulus igitur ille circulorum omnium  
est latissimus. Si ergo tā breui terrarū intervallo, vti dixi, tāta  
est potētis nature ars, ut quod vna in parte regionis eiusdem  
prodiit & in altera eundē influxū hauriente reperiatur, in eo  
genere rerū quas ea tellus parturiera, quis dubitat quā & in  
hoc aromatico genere, sub tāta mole cælesti, possint plures alie  
terra virtutis eiusdē receptrices inueniri, quæ insulis Maluchis  
& vicinis est condonata, sub ipso æquatore parim, ad virū  
que latus eius partim iacentibus? Refricuit humeros è collegio  
quidam, ut argumentum infringendo sapientior haberetur.  
En inquit, de hisce rebus nulla mentio facta est à maioribus,  
si hæc in re starent, nota vel nobis essent, vel alicui nationum  
essent non ignota. Ab ignorantia literarum, philosophiæ præ-  
sertim, & ab experientia tenui, obiectio eius, magno Cancellario  
excellentiæ tuæ obseruantissimo, & reliquis consortibus  
annuētibus, facile prostrata est. Dixi enim alienum esse ab om-  
ni admiratione, quod de Maluchis & vicinis lata sit noticia,  
de cæteris vero nulla. Quia sint Maluchæ in Indiæ vltra

Circulus  
equino-  
ctialis.

Cur de  
Maluchis  
sit noti-  
cia.



Gangē penē prospectu, Sinariūque regionibus & magno sinui  
 catigaraque notis terris, fere suburbanae, nec à sinu Persico &  
 Arabia, falso dicta foelice, multū distātes, vnde paulatim ad  
 eos mox (ex quo Romana luxuries coalescere cœpit) ad nos ser-  
 pserūt, in nostrā nō exiguā iacturā. Elāguescūt enī & effœmi-  
 nātur hominum animi & extenuatur virtus, eiuscemodi o-  
 dorū, suffumigiorū, & aromatum blādimētis. De reliquis ve-  
 ro ignotis insulis in prōptu ratio est, cur latuerint hactenus,  
 quoniā proxime illis terrae cōtinentes eodem diuinā providen-  
 tia consilio, ad nostra vsque tempora iacuerūt ignota. His ru-  
 minatis, quae sunt verissima, si magna sunt orbis atria illae ter-  
 ra, si adherentes insulae aut conuiciniae sunt atriorū, aulas de  
 ambulare aut penetralia vestigare quis potuit, atris adhuc  
 latentibus? Inuenimus ergo atria cū tractus ignotos reperimus  
 adeo vastos, vt Europam ter amplius superet vniuersa, si vii  
 alias probauimus ab sancti Augustini dicta nostri putati cō-  
 tinentis cuspide, quae nostra tempestate prodierunt ad homi-  
 num noticiam, dimentiemur ad Panucum vsque fluium ab  
 Tenustitana magna lacunari ciuitate distante leucas sexa-  
 ginta circiter: late alias haec. Inueniemus & atriorum reli-  
 qua membra. Nec longe sumus ab huius desiderii explendi fi-  
 ducia. Speramus namque fore vt Sebastianus Cabotus Baccalorum  
 repertor, cui circiter Kal. Septembris supplicanti, ex  
 nostri senatus autoritate permissa est eius nauigationis per-  
 quirendae potestas, breuiore tempore, ac foeliciores auius sit  
 rediturus, quam Victoria navis, quae vna ē quinque sociis  
 euasa, circuiuit vniuersum, & gariophilis regressa est onusta.  
 De hoc suo loco late. Quatuor nauium clāsiculam, omni-  
 bus ad rē maritimam facientibus & commodis tormento-  
 rum vasis paratam, ab Caesareo arario Cabotus poposcit, socios  
 ait se reperisse Hispali, quae Sebilla dicitur, commerciorum

Cabotus  
 Baccalao-  
 rum re-  
 pector.



omnium Indicorum emporio, qui sub spe magni lucri, ad  
 clasicula com meatum & cetera necessaria, ducatorum de-  
 cem millium sua sponte summam obtulerint. Ad offerendam  
 participum sociorum obligationem circiter idus Septembris à  
 nobis dimissus est Cabotus. Contribuentium pecunias pro sua  
 quisque rata, si bene cesserit, uti speratur, lucri portionem ha-  
 bebit. Restat, illustrissime Princeps, ut verisimili aliquo argu-  
 mento monstretur, cur breviori tempore, quam Victoria navis,  
 dixerim, curque feliciore sorte putemus rem hanc successu-  
 ram, ne moti ventoso halitu de futuris velle rationem redde-  
 re videamur. Est Cabotus Augusto mense proximo anni.  
 M. D. XXV. discessurus, nec citius quidem, quia nec prius  
 queunt ad rem tantam necessaria parari, nec per cælorum cur-  
 sus debet prius illud iter inchoari: oportet quippe tunc ver-  
 sus æquinoctium vela dirigere, quando sol æstatem nobis &  
 diern longitudinem ablaturus, ad Anticthones penetrare in-  
 cipiat. Est namque non solum cancri tropicum & æquatorem,  
 Verum etiam capricorni metam ad antarcticum, gradus qua-  
 tuor & quinquaginta, sub quibus freti Magagliani fauces  
 iacent, recta via profecturus, per iter aliena impensa & mul-  
 torum virorum nece detritum, non per diuerticula & varias  
 moras & circumflexus, uti Magaglianum oportuit, qui per  
 ærumnolos labores & varias durasque calamitates triennium  
 in ea navigatione vagans consumpsit, & è quinque navium  
 clasicula, una cum maiore parte sociorum, quatuor & pro-  
 priam tandem vitam amisit. Hæc satis late in ambito paralle-  
 lo ad Adrianum Pontificem destinato. Hinc igitur breviori  
 tempore, quod per ignotos hætenus sibi tractus nunc notissi-  
 mos est navigaturus. Quod vero felicioribus auspiciis &  
 prosperiore fortuna fore arbitremur, hinc est colligendum.  
 Quo tempore brevissimi sunt apud populos Arcteos dies,  
 longissimos Cabotus assequetur. Comode propterea littora



percurreret illa donec flexuoso Magagliano freto, canopeo syderi proximo, traiecto, in dextram a tergo nostri putati continentis, de quo fulta sunt nostra prima Decades ad Ascannium patrum tuum & Leonem Pontificem ac Adrianum, proras dirigit, perque capricorni Zonam ad equatorem regredietur, in quo spacio insularum numerum reperiet innumerum, sitarum in ea pelagi vastitate. Vnde vero magnarum opum spes nobis exoritur, audito. Magagliana classis, transmissa cum tanta virorum calamitate quæsito freto, dextra leuaque relictis obuiis & à longe visis omnibus insulis, oculos & proras semper ad Maluchas dirigebat, de Maluchis captandis omnis cura erat. Quid aliarum insularum quæque produceret obiter explorans, agitato cursu transibat: quanquam in plerisque lignandi aut aquandi gratia vel permutatione rerum ob victum necessaria, captaret terram, parum tamen morabatur, eaque breui mora, quam melius poterat, per signa & nutus de cuiusque aditu insule prouentibus vestigabat, multo auro mixtas arenas alicubi esse intelligebat. Cinami præstantissimi arbuta, quæ malo punico similia sunt, de quibus ego præciosis corticibus, testibus Mayno & Guillino, frustra sum assecutus, alibi creari disciebat. De vnionibus magnis ac gemmis aliis audiuit non abiicienda. In aliud commodius tempus harum insularum perquisitionem differre statuebat, ore aperto & anhelo spiritu in solas Maluchas inhians: sed magna molientem animo fors improba illum ad barbara gentis fere nudæ manus trucidandum impulit, vti in suo loco dictum est. Si ergo ex itinere citataque navigatione, nulli hominum generi antehac peruia, de illarum insularum excellentia talia colligebant, quid non sperandum de captando, fixo pede, cum illis insularibus commercio?

Cut fœli-  
cius quâ  
Magagli-  
anus sic  
nauigata-  
rus.

Arenæ  
auræ.



Comentū  
perbelle  
excogita-  
tum.

beneuole namque agendum est, ac sine vi, aut iniuria vlla tra-  
ctandum, & blanditijs muneribusque allicientur. Decem nā-  
que ducatorum millia illa quæ Cabotus à socijs est habiturus  
ad id negotiū sunt expendenda, vt commeatus ad biennium cō-  
parentur, & stipendia viris centum quinquaginta præbean-  
tur, reliqua pars in mercimonijs quæ grata insularibus fore  
cognouerint, exhibebitur, vt quæ suapte natura apud eos par-  
uo æstimata creantur, nostrarum rerum illis ignotarum per  
mutatione, libentes exhibeant, pecuniarum quippe pestiferum  
minime norunt vsum, & cuique nationi præciosa rei loco ha-  
betur, quicquid est peregrinum. His perlustratis & prudenti  
diligentia pertractatis, nostri putati continentis latus australe  
vniuersum abradent, applicabuntque se ad colonias Pana-  
mam & Natam, in littoribus illis erectas, aureæ Castellæ ter-  
minos: dein quicumque illo tempore, continentis eius prouinciæ  
aureæ Castellæ nuncupata, gubernator erit, de successibus nos  
certiores efficiet. (De mutandis namque plerisque gubernato-  
ribus, ne longa nimis imperij assuetudine insolescant, cogi-  
tatur, qui præcipue non fuerint prouinciarum domitores, de  
hisce ducibus namque alia ratio ponderatur) orabimus vt  
fauste feliciterque secundetur, quando vela fecisse classem  
intelligemus.

## CAPVT SEPTIMVM.

**P**RIVS tamen alia classis ad Maluchas itu-  
ra discedet, vt possessio capta sustineatur, nec  
obstabit Portugalicum regem in sororium ad-  
misisse, cui Catherinam ex vtroque parente  
sororem posthumam, elegantissimam, septem-  
decennem, puellarum & pulcherrimam & sapientissimam, Cæ-  
sar dedit in vxorē. Vana est vulgi fama, quod Cæsar cū Por-



jugalico rege conuenerit de soluendo è manibus sub dotis occasione, tam immenso ac tam pingui prædio, quamuis fore sibi perniciosum, & suo tenui regno quondam Castella comitatus exitiale conqueratur, si commercio eo priuabitur. Cauendum præterea Caesar, qui est prudentissimus, existimat, ne tanta Castella regnis, cuius res interest, iniuria fiat, quæ sunt vniuersæ ipsius potentia nerui præstantiores. Satis euagatum sit de Lucais, Chicora, Duharea, tropicis & æquinoctio & similibus. Extra ordinem nunc pauca referantur, quæ Gillinus grata fore testatus est. Ab illustriore naturæ miraculo incipiamus, in quo prius quid feratur, mox quæ sit super his philosophorum sententia, quid nostro demum iudicio hebeti occurrat, ut in quibuscunque rebus creditu duris nostri est moris, differemus. In primis Decadibus meis, quæ per orbem typis impressorum credita vagantur, de fama vnius fontis mentio facta est, & huius latentem tantam esse vim aiunt, ut per potum & balnea reuirescere senescētes eius aquæ usus faciat: innixus ego Aristotelis Pliniique nostri exemplis, ausim ea recensere ac literis mandare, quæ viri autoritate summa pollentes, audent mittere ab ore. Neque enim de naturis animalium scripsit ille, quæ viderit, sed eorum, quos Alexander Macedo ad id vestigandum, cum summa impensa destinauit solo relatu, aut hic, duo & viginti millia rerum notatu dignarum annotauit, nisi aliorum dictis aut scriptis inherens. Sunt autem quos ego in meis cito, præter absentium literas & viuas eorum voces, qui eunt redeuntque frequentes, decanus ille, Aiglinus senator iureconsultus memorati & vna tertius Licenciatius Figueroa missus ad Hispaniolam, ut senatui præesset, à magistratibusque omnibus rationem administrationis exigere & arbitrio suo retorta dirigeret, directa foueret, bonis adesset, malos puniret. Tres hi conueniunt de fonte restaurate vir-

De fite  
quod m  
mirabili



Florida  
habitatores  
acutos  
habent  
ungues.

tutem audiuisset, & referentibus partim credidisset: Vidisset autem, vel experimento probasse minime, quoniam eius terra Florida habitatores, acutos habeant Ungues, & suis iuris sint acerrimi defensores. Hospites velle recusant, precipue tales, qui ad libertatem illis tollendam & patrum solum occupandum student. Ex Hispaniola classibus aduecti, & breuiore traiectu à Cuba, subucere illos & in eorum litoribus figere pedem saepe statuerunt Hispani: sed quoties aggressi sunt provinciam, toties reiecti, profligati, ac trucidati fuerunt ab incolis, qui miscilium multis generibus, & quamuis nudi, venenatis certant sagittis. De re hac vnum dedit exemplum decanus. Iucaium habet familiarem, Andream cognomine barbatum, quod barbatus ipse inter suos imberbes euaserit. Patrem hic habuisse dicitur senecta grauiam pressum. Ex propinqua Florida regioni sibi natali insula, fontis eius fama impulsus, & longioris vitæ captus amore, preparatis viatico necessariis, uti ad Puteolana balnea ex Vrbe, vel Neapoli solent nostri valetudinis recuperanda gratia, profectus est ad eius fontis optatos haustus. Iuit, moratus est, lotus & epotus per plures dies, cum statutis per balnearios remediis, viriles tulisse domum vires, & virilia quæque exercuisse fertur, nupsisseque iterum & filios genuisse. Huius rei testes præstat filius è trāsuectis ab eius patria Iucania, plures, qui virum decrepita fere ætate grauatum, dein florentem & viribus ac robore corporis pollentem se vidisse asserunt. Quin contra philosophorum omnium opinionem precipue medicorum, hæc ferantur, non me latet, qui ad habitum à priuatione nullo pacto regressum posse fieri existimant: explosi vel diminuti saltem in senescente sunt radicalis humoris aquosus & æreus vapores, fateor, terrestri vero qui dominatur, frigidus sicco, datum est sibi & potus cu-

Contra  
opinionē  
philoso-  
phorum  
omnium.



iuscunque substantiam in sui naturam tetricam & tristem  
conuertere, non ego quod indies magis vsque ad sui corrup-  
tionem, hebetudo illa pessundata, calore naturali languescen-  
te coalescat, assentior. Propterea qui nil audet prater proba-  
bile aut vsitatum credere, quomodo fieri hoc possit, quod  
illi dicunt, percunctabitur. Inter horum assertiones igitur  
& veterum sapientum argumenta valida, an fieri queat  
ut vis tanta diuinis exceptis miraculis, natura tribuatur hæ-  
sitantibus nobis: non Medea medicaminibus, quibus Esonem  
socerum ad iuuentam reuocatum Græci fabulantur. Non  
carminibus Circes, de mutatis in belluas reductisque sociis  
Ulixis, moti: sed brutorum animalium exemplis edocti, ar-  
gumentari super hac tam insolita ac iudicio multorum im-  
possibili re statuimus, ne viros tanta pollentes autoritate  
frustra penitus fuisse locutos iudicemus. Primo de aquila  
renouante se, mox de colubra, vetere, legimus, exuta pelle  
interque dumeta vel angustas rupium aut saxorum scissu-  
ras spolio relicto reiuuenescere. De ceruo, quod absorpto  
aspide per naves inter maceries aut sepum limites brumali  
tempore latente, diu quasi, in decocta carnis molliciem  
ob vim veneni tenerescat, & corio penitus mutato vete-  
ri, nouam carnem nouumque sanguinem resumat: (si ve-  
ra est narratio) idem sit dictum: De cornicibus & cornis  
ab æstiuo potu circa solsticiū, durantibus rabiose afflati-  
bus canicula, abstinentibus: (cum illis diebus insalubres esse  
fontium, dein fluuiorum aquas, ab utero terre tunc menstruo  
se scatentes, natura instinctu edoceantur,) quid dicemus? De  
quibusdam aliis praterea, de quorum prouidentia non inepti  
autores posteritati legenda tradiderunt multa. Si  
hæc vera sunt, si mira opifex natura in mutis eius ex-  
cellentiam non intelligentibus, ingratis perinde



animalibus, ostendere se munificam ac tanti potentem delectatur: quid mirum si & in eo quod præstantius est, simile aliquid in suo sinu tanta varietate sæcundo generet enutriaque? Ex aquarum per varios terre meatus labentium, & inde varios colores, odores, sapores, & qualitates, varia etiam pondera extrahentium proprietate varios effectus parturiri videmus. Nec minus ex arborum radicibus, truncis, foliis, floribus, & fructibus varios curari morbos passim compertum est. Eneëtaque, vel ut correctius loquar, exuberante pituita, prostrata bilis resurgit: & econverso sanguinis etiam benignitati corrupta, per eius ipsius diminutionem, florum dein aut herbarum succus, aut earum cibus superadditis aut ad id coaptatis balneis & pharmacis, purificatio inuenitur. Vnde percutiendo depressis humoribus egroto salus præbatur. Si ergo vi patet, in his hæc eueniunt, cur mirabimur, quin & prouida mater natura, ad terrestrem illam partem, quæque radicalis humoris cõprimendam aliquid foneat, ita ut aquoso & aëreo vaporibus restitutis renouetur in sanguine calor naturalis hebetatus, quo resurgente torpens græuedo & ipsa temperetur, & his omnibus restauratis, vetusta domus talibus adminiculis adiuta resarciatur. Fontis ergo eius tantopere ventilati aquas non mirarer ego si nobis ignotam vim aliquã tetricitatis illius moderanda, aëream & aquosam virtutes restaurando, secum afferant. Nec existimet excellentia tua tamen hoc leniter acquiri, aut sine tortoribus & intercapedine temporis, sine ieiuniis & gratarum dapium & potus abstinentia, & gustui malesapidorum liquorum sorbitionibus hæc fieri debere: suas & ipsi longæ vitæ cupidi patiuntur difficultates ut qui balnea quærant, & qui à molesto puparum morbo, quem elephanciam esse putant aliqui, lenari exoptant. Hic nanque sub occasione sumendi vulgaris in Hispaniola ligni nomine guaiacani, triginta diebus abstinent ab omni cibo



cibo & potu solito, vino præcipue, ad tantamque illos medici trahunt eo ieiunio hebetudinem, ut ego mille morborum genera sine decocti guaiacani potu, quo solo vniuerso illius temporis interuallo vtuntur, abscindi posse arbitrer. Tacita nunc obiectioni, quæ prima fronte legitima esse videtur, respondemus. Dixerunt aliqui: ne modo virorum quenquam vidimus aut audiimus vquam, qui eam nature dotem sit adeptus, sed & ceruos & angues aquilasque ac cætera huius generis animalia, iudicio sapientum senectam reparantium, post paucos ætatis annos cernimus passim interire: nec inepto quidem argumento inherent. His ego, sicuti paucis hominibus datum est perspicacis esse ingenij, aut sentire quid sit sapientia, ita non omnibus aquilis, ceruis & cornicibus permissum est huius arcani scientiam penetrare. Varius nanque in brutis est rerum sensus, veluti in hominibus, & si senserint arcanum, non datur illo posse frui, cum præteritorum cruciatuum & longæ vitæ incommodorum memores, exterreatur. Illius mercis emenda causa, redire sapius ad eam tabernam minime curant. Quadrupedibus & volacribus huiusmodi tot hyberna frigora, tot æstiuæ solis ardores, crebrasque pabulorum carentias reiterato perferre, durum esse debet. Sed hominibus horridius ob commixtas animi molestias, quibus vacant animalia muta, & ob mille casus in rerum humanarum vicissitudinibus variis, quibus est obnoxius, & quorum causa sæpe multos pœnitet ab utero matrum prodisse, quanto magis longiores annos per ignis & aquæ angustias expetere. Qui sibi blimiores in fortuna rota gradus exoptant, amarior has escas corrodunt: prouida igitur natura pro speciali munere terminum vitæ constituit hominibus, ne vel longo æuo nimis insolecant, aut in aduersa collabentes desperent, & maledictis ob id ipsam insectentur. Sed si qui artibus huiusmodi

Obiectio-  
ni occur-  
rit.

KK



forte naturam in arcanis eius indagandis exercendisque se fel-  
 lerunt, ut producere vitam scierint, paucis id accidere creden-  
 dum est, neque his paucis ita praestanter, ut immortales effici-  
 queant, vel diutius tam insolita prerogativa frui permittan-  
 tur. Iam satis superque vagatum sit in his argumentis. Colli-  
 gat abiiciatque ab his ad arbitrium quisque suum. Sunt nan-  
 que scripta haec mea qualiacunque, sub tua tamen excellen-  
 tia nomine ad urbem illico profectura, ut efflagitantibus ea  
 viris insignibus morem geram. Quedam alia quamvis non  
 impossibilia creditu, miranda tamen, quia nulli Europeo aut  
 noti haecenus orbis incolae scita, referamus. In Fernandina  
 insula, quae Cuba est, aqua picea fons scates, vidimus picem  
 ad Caesarem allatam, ea mollior est arborea pice, respergendis  
 tamen & fucandis navium carinis ceterisque solitis usibus  
 apta: super rei & ego novitate parumper haesitans, quando in  
 re diversa praemanibus passim euentum similem habemus, de-  
 sino mirari. Montano, aut puteali maritimoque sale omisso, si  
 defluentes alicubi, ut in vniuersis Castella regnis accidit, per  
 cliuos aqua in arcis retenta, solis ardentis fervore in concretu  
 sal conuertuntur, quis mirabitur quin & eodem natura co-  
 silio, de illius fontis aquis per alluies ad fossulas & ima re-  
 ceptacula extra ipsius riuus defluentis alueum, vel ad plani-  
 ciem reductis, idem fieri possit, ut sole superueniente rigido  
 in picem condensentur & durecant? Est aliud non omitten-  
 dum. In eadem insula Fernandina mons extat globorum nu-  
 tritor lapideorum, rotundi sunt adeo, ut ab artifice quouis ro-  
 tundiores formari nequirent, metalli pondus aequant globi,  
 apti ad principum insanam rabiem explendam in re bellica.  
 Licenciatus ille Figueroa, quem dixi cunctis Hispaniola magi-  
 stratibus fuisse praepositum, ut ab eis administrati iuris ratio-  
 nem exigeret, tulit plerosque, hos Caesari oblatos omnes vidi-  
 mus, a sclopetario globulo ad consonos canonibus & colubri-

Font a-  
 quae pi-  
 cea,

De monte  
 quigignit  
 globos sa-  
 xeos ap-  
 tos ad tor-  
 menta bel-  
 lica.



nis mons ille procreat globos. Vulgaribus utor vocabulis, quando illis caret vetus lingua latina, & liceat qua de nouo emergunt, nouis induere tegminibus, cum id negantium bona venia, volo intelligi. Quos ipse attulit & nos vidimus, neque auelana sunt minores, neque lusoria parua pila maiores. Minores tamen ac maiores suapte ibi natura nasci asserit: ut an metallo sit alicui sociata materia illa saxeae sciretur, fabro ferrario frangendum praeuimus vnum: est tanta eius duricies, ut fere malleum vna & incudem fabro labefactauerit, priusquam in frustra secaretur, inesse venas metallarias secto adiudicarunt, sed cuius natura, non scrutati sunt vltra. In Caesareo & hi globi seruantur gazophilatio. Quaedam alia non incunda in mentem mihi exilierunt. Arbitror nec excellentia tua, aut suis aulicis legendi cupidis, ociosis praecipue, fore ingrata.

## CAPVT OCTAVVM.

**I**N DECADIBVS primis de vasto marino antro in Hispaniola & regione Guacciarima, per stadia quadam intra cellos montes protento, qua spectat occidentem, est facta mentio: per antri eius vterum nauigatur. In eius ultimo sinu tenebroso, quod radii solares vix in solis occasu tamen intra fauces eius penetrant, horrore dicunt ingressi, scalpi sibi viscera ex formidoloso aquarum labentium ab alto in specum strepitu. Quid de antri mysterio credant incolae, ab atavis memoria relictum, lepidum est auditu. Insulam putant spiritum habere vitalem, reflareque inde ac absorbere, & cibari ac digerere, uti viuentem foemineae naturae beluam mēstruosam. Huius antri caueriam foemineam esse insula naturam, & antrum qua purges

De antro  
Guacciarima.

kk ij



excrementa, sordesque suas egerat arbitrantur: est argumento, nomen regioni datū ab antro, Guacca enim regio dicitur vel propinquitas, larima vero podex vel purgamenti locus. Dum hac audio quod de fabuloso Demogorgone, in mundi vtero spirante, vnde maris fluxum & refluxum causari arbitrabatur rudis antiquitas in mentem subit. Fabulosis vera quaedam misceamus. Quam beata sit multis in rebus Hispaniola, quamque preciosarum rerum multarum sit ferax, dixi saepe in superioribus meis ad Ascanium, & pontifices Leonem & Adrianum. Medicinales reperiunt in ea multimodas materias indies magis. De arbore, ab cuius truncis sectis & in puluerem redactis, decocta conficitur ad puparum infelicem morbum ex ossibus & medullis eruendum, aqua potabilis, & satis ego, & iam per vniuersam Europam vagantia eius ligni frustra iudicium faciunt. Generat quoque odoratarum rerum species innumeras tam herbidas quam arboreas, & stillantis gummi multiplicis copiam, in cuius numero est quod a pharmacopolis anima albu dicitur, grauedini capitis & vertigini sedanda commodum. Manat etiam ex quibusdam arboribus liquor pene oleaceus. Hunc Italus eruditus quidam nomine Codrus, rerum naturas vestigandi gratia ea loca cum impetrata venia peragrans, (neque enim alienigenae cuiquam aliter licet,) balsami vim habere persuasum Hispanis reliquit. Nunc de pisce venatore pauca repetamus. Is bilem mihi excitauit aliquando parumper. In primis decadam libellis ad Ascanium, si bene memini, inter cetera miranda, quia noua & ab usu aliena, piscem habere incolae aliorum piscium venatorem dixi. Veluti nos cum quadrupede quadrupedem, cum volucribus volucres capimus, ita & illi cum piscibus pisces prehendere consueuerunt. Subsannarunt Romae in hoc & plerisque aliis huiusmodi, ad maledicta prouisi, Leonis Papae tempestate, donec a sua quatuordecenne legatione Hispanica,

De pisce  
venatore.  
re.



pro Iulio mox Leone Pontificibus regressus ad urbē. Io. Rufus Foroliuensis Archiepiscopus Cusentinus, cui nota erant quaecunque scribebā, fauces multorū suo testimonio in mea fama subsidium occlusit. Creditu & mihi durum à primordio visum fuit. Hinc à prædictis viris auctoratis & multis præterea scrutatus sum quid rei sit de hoc pisce: se apud piscatores vidisse aiunt rem eam non minus vulgarem quam nos cum cane gallica leporem, aut cum molosso aprum inter septa reductum insectamur, eumque piscem esse esui sapidum, & sub anguillæ forma, neque maiorem audere grandiores pisces, aut scuto maiores testudines, impetere, vii mustella palumbem, & maius animal, si assequi datur illud, aggreditur, & in ceruicem eius insiliens ad necem vsque reducit. Piscis vero hic à quoquo piscatore in suæ cymbæ sponda ligatus, funiculo tenetur: vinctus, à carina statio piscis parum distat, ne sentiat aeris fulgorem, quem nullo modo patitur. Sed quod mirabilius est in occipite crumenā habet tenacissimā, qua post visum apud se natantem aliū piscem, dat prædæ captāda suo motu signum, laxato funiculo, vii de catena solutus canis, prædam aggreditur, & vertens occiput crumenali pelle illa iniecta in ceruicem insilit prædæ, si magnus sit piscis, si vero ingēs testudo, qua patet à conchili, neque soluit vnquam, donec paulatim tracto funiculo, ad cymbæ spondam se applicat. Tunc à piscatoribus, si piscis grandior extet (neque enim de paruis est venatori cura) proiectis in eū vncis tenacibus perimitur, dein trahitur ad aeris vsque prospectum, tunc venator prædam soluit: si vero testudo sit, in mare saliant piscatores, & suppositis humeris testudinem eleuant, donec à sociis manus capiatur. Præda soluta, piscis ad signatum sibi locum reuertitur, ibique fixus inhaeret, donec de prædā, veluti de capta coturnice accipiter, cibetur, aut reiterato venatum remittatur. De illius herili educatione

Kk iij.



DeMatini  
aoinsula.Insula  
Margarita.

suo loco satis. Reuersum appellant Hispani piscem quod vertēdo se crumenali sua pelle pradam adoriatur & prehendas. De insula vero Matinino, quam solas incolere more Amazonum foeminas non dixi, sed audiuisse me retuli, in ambiguo relinquunt, vti tunc ego, hi testes. Alfonsus tamen Argoglius Caesaris à secretis in rebus Castella, & Illustrissima Margarita Caesaris amita reditus hic colligendorum quaestor, qui eas percurrit oras, historiam esse non fabulam assueerat. Do qua dant. Decanus idem quaedam scitu non indigna, probantibus multis, mihi retulit alia. Est insula distans ab Hispaniola milliaria forte septingenta, continenti proxima, nomine Margarita, quod ibi vnionum colligatur è conchilibus numerus ingens: distat à Margarita in continenti milliaria triginta sinus in arcum dispositus, vti luna recenter euasa, vel ferrea mularum solea. (Vocat Hispanus huiusmodi sinum anchonem.) Ambitu est milliarium triginta circiter: duabus est prerogatiuis nobilissimus. Quicquid aut fluxu vel procellosis tempestatibus in eius littore alluitur, sale refertum est: exigui tamen in vniuersis illis tractibus, quæ septentrionem spectant, fluxus & refluxus sunt: in meridionalibus oris e contra. Alia est piscium, cefalorum præcipue, ac mugilum dos tanta in eo sinu & coaceruata multitudo, vt ne queant sine difficili lapsu naues pernauigare sinum ob eorum frequentiam, in quam pro re incidentes detardantur piscatores: proiecto rete gregem adigunt ad littus impulsu facili. Ibi est ministrorum triplex ordo: qui pedibus stant in littoreis aquis tenus genu pisces manu captos, laniis intra nauim stantibus porrigunt, hi euisceratos in sociorum tertii ordinis manus proiciunt, qui parato ad id collecto ex littore ipso sale pisces condiunt. Ita salitos per arenosam planitiem ad solem distendunt, vnius tantum diei spacio curantur, quod ibi feruēt radii solares non leuiter, tum quod sint æquinoctio proximi



montibusque sit circumsepta planities, in quam rotantes radij delabuntur, tum quod de natura sui percussam calefaciat sol acrius arenam, quam glebosam tellurem. Exiccatos colligunt ad nauium vsque implementum. De sale idē idem, libere cuique licet naues onerare vtroque prouentu. Vicinias omnes illis piscibus saturant: neque Hispaniola ipsa, generalis illarum terrarum mater, salitis ferē alius piscibus fruitur, eius præsertim speciei. De vnionibus vero quomodo generentur, coalescant, & habeantur, in primis decadibus latissime. Inquiunt eīdem autorati viri, quos habeo sepe domi ob eorum negotia, quæ in senatu tractant nostro, duo esse in Hispaniola & Conceptionis Antistea exigua flumina, citra insolitarū pluuiarū repentinas alluuias vadosa, quorum vni nomen est Baho, alteri Zate patriis veteribus appellationibus seruatis. Nunc Hispani ob eas, quas referam dotes, Conualentiam vbi iunguntur, appellant. Ex tanta maris intercapedine, quod ab freto Gaditano ad Hispaniolæ vsque initium paulo minus quinque millibus milliariis per oceanum, solo cæli & aquarū prospectu nauigetur, ex ciborum etiam & potuum mutatione, sed æris præcipue, quod sint Hispaniola & Iamaica trans cæcri tropicum plures gradus ad æquinoctium sitæ, Cuba vero in ipsius tropici linea sedeant, quam putarūt philosophi, paucis exceptis, torrore solis adustam inhabitabile fuisse, inquiunt hi, adēntes de recenti vt plurimum in varios morbos cadere, & qui Bahi & Zatti fluuiorum adierint iam cōmixtas vno alueo aquas, cum illarum potu & lotionē dierum spacio quindecim tantum expurgari, & infra dies totidem curari ab neruorum & medullarum doloribus, sanatos etiam febribus exustos, & pulmonum tumore laborantes, sed si diutius lauari aut illis vi niterentur, in disenteria fluxum caderent. Inde qui aurū ex illorum arenis colligere student, (nullus est enim fluuius nō aurifer, neque pars telluris vlla est auri expers,) in illorum

Situs insu-  
larum His-  
paniolæ  
& Iamai-  
cæ.

nulla pars  
huius ter-  
ræ expers  
auri.



Iabbaque  
insula.

De onocrotalis  
audivi iucū  
da.

fluviorum alveos, non audent citra meridiem fossore immittere, neque ut eas potent aquas patiuntur, quāvis dulces & sapida sint, quod fluxum faciliter in incolumibus precipue moveant. Aiunt idem in angulo septentrionali Guaiacarrimæ regionis Hispaniola, breui tractu iacere plures exigui orbis insulas, quas iunctas fuisse quondam putant. Harum una præstat cæteris egregia piscatione, nomine Iabbaque penultima longa. Vadosum est inter eas insulas alicubi mare, sed tractim interiacent profundi putei, vastæque ac frequentes voragine. Variis aiunt puteos toto anno esse piscibus repletos, tanquam in tutum receptum aggregatos: veluti ex area coacturatum domino licet verrere frumentum, ita usque ad navium impleturam parvo negotio de piscibus fieri per adeuntes posse assertunt. Est auditu lepidum quid de maritimis quibusdam volucribus, aquilis & vulturibus gradioribus referant, onocrotalos voraces esse ab eorum sermonibus coniecto. Dicunt enim guttur habere magni capax, adeo ut dimidiam endromedem, qua tegebatur miles unus, in volucrem rabido hiatu in eum irruentem, cunctis inspectantibus proiectam, absorpserit integram, & ex gutture interfecta, sine iactura euulsam dicunt. Quinquilbres viuos vorasse pisces uno sorptu, & maiores fertur. Sed cum pascantur piscibus, non est ineptum dictum quo pacto prædam sub aquis in mari natantem assequantur, quando ipsæ non submergunt se, uti cætera maritimæ, anseres, anates, & mergi. More miluorum & petulantum in sublimem eleuata ærem circumrotat, quando ad fulgorem æris aquæ marginem piscis capiet, expectant. Est enim grande circumvolantium agmen, ad prædam una plures interdum furibundo se delapsu demittunt, adeo ut mare ipsum per sesquilacerti spacium aperiatur. Eo fragore stupidus hæret piscis, & capi se patitur. Eundem plerumque præhædunt ma-



gnum piscem sociæ duæ: tunc visu placidum est certamen earum à nauibus, si forte intersint, aut à litore inspectare: prædam neutra deserit, donec in frustra sectam, suam quæque partem afferat. Sesequispitamali rostro & magis quam cuiquā sit volucris rapaci adunco, colloque longissimo & alis multo patientioribus quàm aquilæ aut vulturis esse dicunt auem, sed macilentam ita ut vix palumbis pulpam æquet. Ad vasti gutturi ergo pondus sustinendum prouida natura grandes illi præstitit alas, quandoquidem ad leue corpus ferendum non oportuit: volucres hæc Hispani vocant alcattræ. Multarum præterea volucrum aliarum nobis ignotarum regiones abundant illæ: sed præcipue variorum colorum & corporum psittaci, qui gallos æquet & superent magnitudine corporum, & qui vix passerulum inueniuntur: neque minus vulgo apud eos psittacorum agmina generantur, quàm apud nos cornicum & graculorum: est & illis generalis esca vti apud nos turdorum & turturum, nutriuntque domi ad delicias psittacos, carduelium aut picarum loco. Est & aliud naturæ donum non tacendum.

Alcatra  
zæ aucs.

## CAPVT NONVM.



**I**N HISPANIOLA portuosa extat colonia, nomine Zanana, quod in Zanana, id est palustri herbida planicie, bobus & equis alendis commoda, sita sit, Zanana quippe similem appellat Hispanus planiciem: celebri gaudet flumine Colonia.

Zanana  
colonia.

Quibusdam anni temporibus pluuiales tot in alueum admittit aquas, ut planicie tota, licet amplissima sit, repleat, obicibus collium aut limitum obstaculis, ne libero cursu aqua defluat in portum:



Anguilla  
rum copia

De anima  
lium fecu  
ditate.

tanta secum trahit anguillarum copiam alluuias illa, ut ad al  
ueum redeunte flumine, inter palustres vluas & canarū ibi  
suapte natura nascentium densitatem, velut irretita prostant  
in sicco anguilla. Ad eius rei famam nauta cum vicinorum  
consensu, si opportune ierunt aliquando, & si placuit naues  
ea piscatione licuit onerare: sed si altiuie precedere, vti ex va-  
ria calorum dispositione saepe contingit, anguillarum quæsi-  
tores accessum distulerint, aut si mora impatientes, quod ipsi  
præcesserint, abire fuit consilium, ne fœtore suo exuberans co-  
lonis anguillarum copia putrefacta, corrumpat aërem, porco-  
rum greges in planicie agunt, & lauta subibus conuiuia præ-  
stāt, quorum est in insulis multitudo incredibilis, è paucis hinc  
aduectis. Cœli natura vel gestat vtero, aut lactant prolem toto  
anno quadrupedes omnes, & virunque non raro: vitulas &  
equarum pullas mense decimo cōcipere ac geminos edere vno  
partu sæpenumero, viuereque diutius quam alibi sub nostro-  
rum climatū spiritus, affirmant. Exemplo id probant vno.  
Vaccam decanus, de quo iam saepe, anno ab hinc sexto & vi-  
gesimo ad Hispaniolam transuexit viuum adhuc & parere  
quotannis vicinorum testimonio dicitur, iactauitque me co-  
ram (est nāque adhuc apud nos) per illius vacca solius, nato-  
rum natos & successusam sobolem, capitum octingentorum  
amplius armenta fuisse consecutum. De omnibus idem ferūt  
volucris, quod vix è nido abactis adultis, ad nouam ten-  
dant gignendam prolem. Est aliā laude dignus apud Anti-  
stea conceptionis colonos, sui decanatus sedis, quod è primis cas-  
sia fistula arborū satoribus is fuerit, per animulas tamē prior  
alter, mox ipse per plantationem: vnde in tantum ferunt, cre-  
uisse iam vbertatem earum arborum moros æquantium ma-  
gnitudine, in Hispaniola, Cuba & Iamaica, (cuius abbati-  
lem ditē Anti-steam clementissimus mihi Cæsar nuper est  
impartitus,) ut arbitremur post paucos annos, eodem aestima-



tum iri precio libram, quo nunc à pharmacopolis uncia venditur. Sed nil in rebus humanis liquoricium emergit, quin Zi Zanie aliquid secum ferat. Ad harum arborum olfactum formicarum accurrit copia tanta, ut quicquid apud illas aut in earum vicinia feratur, à formicis exedatur, gravemque iā inferunt incolis molestiam. De huius arboris siliquis, & ob longitudinem vaginis, auditu sapida narrant. Flantibus ventis, quando maturescunt presertim, est tantus earum vicissim conflictus, ut obstrepere inter eas anserum atque anatum agmina mille videantur. Ab eo concursu, pro succi acerbi vel maturi qualitate, pro ve animularum & medullæ pondere in siliqua, variarum causari vocum modulos non insuaves inquitunt. De arbore, quam potius caulem appellauerim, quod sit uti carduus, medullosa non solida, quamvis ad lauri celsitudinem surgat, multa sunt repetenda: facta est mentio brevis de hac in primis decadibus. Qui ea fruantur platanum appellant, cum longissime distet à platano, nec ullam habet cum platano propinquitatem. Est namque platanus arbor solida, ramosa, ceteris arboribus frondosior, sterilis, alta, procera, vniux, uti audiuisse aliquando excellentiam tuam credendum est. Hæc uti dixi fere inanis, fructifera tamen, parum frondēs, hebes, fragilis, vno tantum vimine, sine ramis, paucis contenta foliis sesquilacertalibus longitudine ab summo, latitudine bipitamali constant, ab imo acutis arundineis que foliis persimilibus, cum languida per hyemis rigorem fiunt, caput demittit, & terram spectant suo pondere tracta, vegete suæ vitæ adeo est prodiga, ut nono, vel quando diutius decimo, ab ortu mense deficiat, senescat, intereatque. Repente crescit, adulta racemos enutrit paucos ab utero. Racemus quisque triginta fœtus, interdum paulo plures procreat. Hi ad hortensis cucumeris & formam præcisi ac magnitudinem in insulis, in continenti gradiores nascuntur in racemo, & crescunt: acerbi sunt virides

Arbor falso putata  
platanus.



maturi candescunt. Pulpa butyro est recenti mollicie ac sapore  
 persimilis, nec primo gustanti gratus, assuetis est gratissi-  
 mus. Protoplasti primi parentis nostri Adā pomum, quo ge-  
 nus humanum labefactauit, vniuersum esse vulgus Aegyp-  
 tium blaterat. Peregrini aromatum inutilium & suffumigio-  
 rum Arabicorumque odorum effæminantium ac futilium gē-  
 marum emptores, ad eas terras lucri causa proficiscētes, mu-  
 sas nuncupant eos fructus. Mihi vero, quo nomine arborem  
 illam, siue caulem, latine queam appellare, non occurrit.  
 Versam autem quosdam latinos & è iunioribus eos qui  
 se latinissimos esse profitentur percunctatus sum, nemo diri-  
 git. De mixa fructu quodam facit mentionem Plinius. Non i-  
 gnarus literarum quidam mixā dici debere, quod a musa par-  
 uo discrimine vocis distare videatur, inquit. Non sum assen-  
 sus, quod ex mixa Plinius vinum fieri dicat. Ex hoc autem  
 vinum confici posse absurdum est. Plures ex his ego vidi, co-  
 medi non paucos, in Alexandria Aegyptia, quando pro Ca-  
 tholicis meis Regibus Fernando & Elisabetha Soldanica fun-  
 gebar legatione. Abest à meo iudicio, ut vinum inde queat  
 extorqueri. Nunc vnde ad Hispanos, earum terrarum colonos  
 hac insilierit, & cur iam ingrata sit referamus. Ab ea Ae-  
 thiopie parte, quæ vulgò Guinea dicitur, vbi est familiaris  
 & sua sponte nascitur, primum aduectam ferunt: sata in tan-  
 tum protenditur augmentum, ut multos pæniteat in suis præ-  
 diis illam plantasse ac fouisse: vbiunque semel seratur, inuti-  
 lem ad reliquos prouentus tellurem reddit (contra lupinorum  
 liberalitatem, qui campos pinguefaciunt gramine complicato)  
 aut montano filice fœcundius nutrit distenditque radices, ita  
 ut neque vomere vllò aut ligone purgari vltius ager eius  
 receptor queat, quin perpetuo exortu, ab quacunque tenui vel  
 capillari radícula, inter glebas latente, repullulent nati nouel-  
 li, qui matrem viuentem, quando ab eius imo trunco prodeunt,



adeo sugunt, ut vim eius omnem emungant & ad intempestuum exitum trahant. Idem natis ipsis dein, tanquam in materna impietatis vindictam accidunt, ut fructu præbito statim intereat: est fragilis adeo, ut quamvis ad humani scæmoris intumescat proceritatem, & lauri altitudinem, vii est dictum, emicet, facili tamen gladii aut baculi percussu, uti ferula vel cardui planta, sternatur. Est arbor in Hispaniola & in veteris reguli diocesi nomine Mocarix, a quo adhuc regio nomen retinet, morum æquans patulam, ea gosampium in ramorum cuspidibus creat, fructico quod seritur quotannis non minus vile. Lanam fert alia, vii apud Seress, filatui & intextui apta. Arbor sed ea minime fruuntur, quod anietina illis lana iam superet lanigera in immensum, neque opifices habeant lanificio deditos, ad hunc usque diem. Mechanicas paulatim artes augebunt, populis crescentibus. Neque prætereundum est quonam pacto natura illis sua sponte funes ac restes tribuat. Nulla ferè arbor est ab cuius radicibus non pullulet herba quadam Verbena similis, bexucum appellant, more lupulorum serpit per matris truncum, hedera tenacius, ad supremos applicata vertices, voluit se ac matrem circuit caullorum multitudine tanta, ut eam, veluti lena, vel umbecula contegat, tutamque reddat ab aestu. Ad quoscunque magnos fascis colligandos, aut pondera sustinenda, ad trabes etiam & domorum contignationes connectendas nata: compactas bexuco commissuras aiunt perstringi tutius quam quæ infiguntur clavis ferreis: quod neque putrescat unquam imbris, aut solibus are scat, cedatque parumper infracta, si per tiphonum furorem domus concutiatur, quæ lignæ sunt omnes. (Furacanes vocat incolæ rabidos ventorum illos turbines, qui radicitus eruere grandes arbores & sæpe disicere domos solebant): quæ clavis erant compactæ, clavis erutis dissoluebantur, quas vero bexuci nodosa vincula complectebant, concussa vacillabant tantum, ad locum dein suum redibant, compagine inuicta.

Arbor  
lanigera  
Bexucū.



Euchari-  
stia digi-  
tas.

His furacibus nostro more iophonibus a primordiis occupata Hispaniola a nostris maxime vexabantur, quibus flatibus infernos saepe daemones fuisse visos asserunt. Cessasse vero calamitatem illam horrendam aiunt, ex quo frequentatum est Eucharistia sacramentum in insula, neque daemones. Ultra visos, qui familiariter antiquis noctu solebant sese ostendere: idcirco Zemes ipsi suos, id est adoranda simulachra, ex ligno vel ex gosampio ipso farcita usque ad lapideam duriciem, ad lemurem similitudinem conficiebant, quo pacto ad homines deterrendos ab erroribus, pictores lemures depingunt parietibus. E Zemibus ab Colono primo arcanorum oceani detectore asportatis, duos ad patruum tuum Ascanium cum ceteris rebus misisti, dum eius fortuna mater erat. E bexuco quotquot cubitis ad presentis ministerii necessitatem cuique opus est, diuellere vino veluti continuo filo licet. De bexuco satis. Alteri mirando natura beneficio nauemus operam. In Hispaniola ceterisque insulis oceanicis loca sunt palustria, pabulandis armentis aptissima. Sitas in marginibus eorum colonias, diuersarum specierum culices ex humenti illo calore creati, acriter infestant, nec noctu solum, ut ceteris regionibus. propterea humiles aedificant incola domus, & paruas sinunt in eis ianuas, domini vix capaces, ac sine foraminibus, ne culicibus pateat aditus. Abstinent etiam ob id ab accendendis tectis, quod natiuus culicum instinctus lumen sequi sit, ingressus tamen saepe reperiunt. Dedit pestem illam natura, dedit & remedium, vti nobis cattos ad foetidam murium progeniem extirpandam praeiungit: culicum dedit illis lepidos & multis modis commodos venatores, Cucuios appellant. Hi sunt alati vermes innoxii, vesperilionibus paulo minores, scarabei genus dixerim ego potius, quod eodem ordine sub alari dura vagina alias habeat alas, quas intra vaginam reducat quiescens a volatu. Huic animantis, veluti noctu splendescere noctilucas videmus muscas, & inter

Cucuii  
lati ver-  
mes.



sepium densitatem vermes quosdam inertes prouida mater  
 natura quatuor prestitit lucidissima specula: in oculorum se-  
 de duo, in ilibus sub vagina latentia duo, quae tunc ostendit  
 quando more scarabei euaginati tenuibus alis aërem captat,  
 unde quatuor Cucuius quisque secū affert lucernas. Sed quo  
 pacto sint medela tanti mali, quantum est à culicum aculeis  
 infestari, qui sunt alicubi apibus paulo minores, gratiosum au-  
 ditum est. Qui vel culices domi habere hospites infensos intelli-  
 git, vel qui ne ingrediantur timet, Cucuiorum inuigilat vena-  
 tus, quos fallit hac industria, quam opifex mira necessitas ex-  
 quisit. Primo noctis crepusculo exit domo Cucuiorum indi-  
 gus, ticionem manu gestat ignitum, tumulū, unde queat à Cu-  
 cuiis prospici, ascendit vicinum, elatis vocibus Cucuium appel-  
 lando circumrotat ticionem, Cucue cucue inclamitando aëre  
 obtundit. Ad vocantis reboatum simplices putant nonnulli  
 Cucuios eo delectatos strepitu conuolare, veniunt nāque pro-  
 peranti ac precipiti accessu: ego vero accurrere arbitror ad ti-  
 cionis fulgorem Cucuios, quod ad lucem quamcunque agmi-  
 na culicum aduolant, quibus Cucuij vescuntur in aere ipso  
 vii cipselli & hirundines. En Cucuiorum numerum optatum,  
 ticionem venator manu proiicit. Ticionem aliquando sequi-  
 tur Cucuius aliquis, & solo se dimittit, captu facilis tunc est;  
 vii scarabeum ambulantiem vagina clausa, licet viatoribus, si  
 quis eo indigeret, capere. Negant alii hoc pacto solere capi Cu-  
 cuios, immo aiunt paratos habere venatores frondosos maxi-  
 me ramos, aut lata lintea quibus alto circumuolantem per-  
 cutiunt Cucuium, in terramque impellant, ubi iacens torpes-  
 cit, & capi se patitur, vel ut alii dicunt, secuti volucris lapsu  
 frondoso eodem ramo vel linteo proiecto super eum, prædam  
 assequuntur: utcumque sit, venator venatore Cucuius apprehen-  
 so, domum reuertitur, ostiolo domus clauso, prædam soluit. To-  
 tam circuit precipiti volatu domum, queritando Cucuius



Magnæ  
modita  
tes Cucu  
iorum.

culices. Sub lectis pensilibus & circum facies dormientium, quas impetere culices assueverunt, custodum officio, ut quiescere queant inclusi, fungi videntur. Faceta utilisque ab Cucuius manat alia utilitas. Quot oculos quisque Cucuius pandit, tot candelarum lumine fruitur hospes. Ad volitantis Cucuii lucernas nent, suunt, texunt incola, ductantque choreas. Putant incolæ cantantium concentibus oblectatum Cucuium ad tripudiantium actus, suos & ipsum in aëre motus exercere. Ipse autem pro variis culicum circuituionibus Varias necessario cibi causa vias circumambit raptim volitando: legunt etiam nostri ac scribunt ad eam lucem, quæ semper viget in Cucuiio, donec habeat unde bene pascatur. Culicibus vero iam expurgatis aut explosis, eo famefcente lumen deficere incipit: idcirco ubi languescere vident eius lucem, ostiolo aperto dant operam ut liberetur & escam quærat. Loci causa, vel quo umbras quasunque formidantibus terrorem incutiant petulantes, plerosque aiunt perempti Cucuii carnicula noctu aliquando faciem confricasse, obuiam ituri flammanti vultu vicinis exploratis quæ erant profecturi, uti apud nos interdum lasciuui iuvenes sumpta in faciem hiante larua dentata, pueros aut paruo negotio pauentes mulierculas deterrere student: resplendent enim Cucuii massa facies illinita, more flammæ ignita, breui tamen tempore ignea virtus ea languescit, ac extinguitur, cum sit lucidus quidam humor in tenui substantia receptus. Est à Cucuiio mira commoditas alia: noctu gradiuntur insulares à nostris destinati libentius, duobus Cucuiis ad pedum pollices alligatis non ineptius pergit viator luminibus Cucuiiorum ducibus, quam si totidem secum afferret candelas, quot lumina Cucuiis patent: Gestat & manu alium quo vias noctis queritet. Sunt vitæ cuniculi quoddam genus, paulo maiorem superantes magnitudine corporis. Quem solum quadrupedem, ad nostrorum usque accessum, morant, & eo vescebantur.

Cucuijs  
ducibus  
cunt iter  
incolæ.  
Vitæ  
quid.

Piscationi



Piscationi etiam, Cucutis lumen praebeantibus, intendunt, cui  
arii sunt maxime dediti, & in ea ab cunabulis exerciti, quod  
tantundem sit viriusque illorum sexui natate, quod in sicco  
proficisci: neque mirum, foeminarum partu considerato, quae  
dum emittendi maturi foetus tempus esse cognoscunt, ad vici-  
num exeunt nemus, ibique arboris alicuius ramis ambabus  
manibus prehensis, sine ullius obstetricis auxilio pariunt, &  
foetum celeri cursu ipsa ipsa mater vlnis raptatum ad propin-  
quum portat fluvium. Ibi seipsam, & natum iterum atque i-  
terum lauat, fricat, mergit, domumque sine questu, sine strepi-  
tu redit, & lactat, singulis dein diebus de more, se partumque  
saepe lauat. Id idem vno ordine cuncti faciunt. Non desunt  
qui ferant prodire alibi parituras ad aquas ipsas. Vbi aiunt  
cruribus apertis partum ut in aquam decidat, expectare: varij  
varia ferunt in hisce rebus. Dum hac paulo ante meridiem  
de lepido Cucutio scriberem, insperatus venit ad me & cum  
Camillo Gilino, (quem habeo, tum quod sit excellentiae tuae  
minister, tum ob eius mores mihi gratos, perpetuum contuber-  
nalem,) cubiculi Caesaris ianitor. Iacobus Cani Zares, qui &  
ipse a primis harum rerum initiis vna cum Palatinis catholi-  
corum Fernandi & Elisabethae regum non paucis necessariis,  
rerum novarum studiosis iuuenibus, cum Colono ipso profe-  
ctus fuerat, quando secunda septendecim navium classe habi-  
ta, prouinciam oceanicam amplexus est: de qua satis late ad  
Ascanium. Is inter prandendum Gilino praesente multa nar-  
rauit: cum de Cucutio mentionem me fecisse cerneret, inquit,  
primum se vidisse in insula quadam Canibalica, per teterrimae  
noctis tenebras, dum egressi ad terram in arena iacerent,  
solum Cucutium, qui super eorum capita prodiens ex vicino  
nemore adeo reluxisset, ut cernere cognoscereque ad vn-  
guem se inuicem socii quiuerint: iureiurandoque ait lit-  
teras facile ad illius lumen legi potuisse. Fatetur



idem vir autoratus cuius Hispanensis nomine. P. Fernandez de las Varas, è primis habitatoribus Hispaniola, qui-  
 que primus lapideam domum à fundamentis erexit in Hispaniola, legisse literas latissimas ad Cucuii lumen. Nec prater  
 mittam quæ hic de colubrulis paruis tenuibus viridibus quibusdam infensissimis retulerit. Hæc inquit, ad arbores itineribus  
 vicinas properanter serpere, quando viatorem sentiunt aliquem eà transiturum, cauda ramum apprehendunt pensiles,  
 & incautum soluentes à ramo se, viatorem adoriuntur, saluuntque in faciem eius, ut oculum illi feriant, neque aliò  
 tendere ingenium ait, praterquam ad oculi fulgorem: sed paucos cadere in eam pestem, quòd longa experientia cantos reddiderit,  
 ut ab arborum suspectarum vicinia transeundo caueant: desiliisse in se vnā semistupidus prædicat hic vir egregius, lesissetque, ni monitus ab insulari comite laeuam in descendētem  
 extendisset. Durum aiunt esse spiculum eius. Addunt & hi vera esse quæ de insula solis fœminis arcuariis & suorum littorum acribus tutricibus referta, narrantur, certisque  
 anni temporibus ad eas traicere Canibales generationis causa, neque virum ultra pati ab utero grauido, & remittere mares, fœminasque retinere: de qua re in primis decadibus  
 mentionem feci, & pro semifabula creditum reliqui. Paulò superius dixisse Alphonsum Argoglium secretarium idem quod Canizares retuli, punctum hic didici egregiū, tunc, quoniam  
 facta fuit de sacris insularium lata mentio, prætermis- sum: neque enim vno saltu metam cursor equi transiliuit, aut vno ventorum spiritu naues vniuersum traiciunt mare.



## CAPVT DECIMVM.



QVAM Regulorum fortuna vigeat, per nuncios & praecones suae ditionis subditos certis diebus Regulus ad sacra celebranda imperabat asciri. Compti more suo, pictique Variis herbarum coloribus, uti Agathyrso legimus quondam fecisse, veniebant. Viri omnes iuvenes praesertim: feminae vero sine ullius generis fucis aut pictura nuda, si incorruptae, quae virum admiserant, femoralibus tantum pudenda tegebant. Sexus uterque lacertos, femora, suras, ac talos pro tintinnabulis quarundam coctearum conchilibus insertis, suaue inter se per quemvis motum crepitantibus, complebat. Florum & Variarum herbarum sertis capita ornabant, de caetero & ipsi nudi. Ita onusti cocteis terram pedibus concutiendo, tripudiando, cantando, & ductando choreas Regulum reuerenter saluabant, qui sedens in limine porta vno concuties plectro tympanum venientes suscipiebat. Quum essent suo Zemi, simulachro dicos infernis manibus vi pinguntur simili, sacra laturos, quo purgati numini essent gratiores, bacillum quem quisque semper hisce diebus manu gerit, in guttur usque ad epiglottym manus vnam demittens, euomebant ac pompam euacuabant ad exinanitionem. Reguli dein atrium inibant, sedebantque omnes coram Zeme regio, per gyros theatriali modo, tanquam in ambagibus Labyrinthi, reductis sub se sutoris more pedibus, Zemem obstipo capite ferè tremebundi praepietate metuque spectabant, ne ingrata sint numini futura sacrificia orabant. Assueto mox suo murmure vota numini promunt. Zemi astant Bouiti, hi sunt sacerdotes & medici, habitum à ceteris dissono. Dum haec ita in Reguli tympanistriae atrio gerebantur, feminae alibi placentis offerendis intendebant.

Ornatus  
fclliui.

Reueren  
tia simu  
lachro ex  
hibita.  
Bouiti  
qui.



dato per Bouitos signo, choriꝫantes hymnosque suos, quos dicunt areites, cantando cum canistris perpulchrè intextis placentas offerunt variis floribus seriatæ fœmina. Ingressu circumambire sedentes incipiebant, hi ut repentino saltu eleuati, unâ cum fœminis per suos areites Zemen laudibus extollebāt miris, & Reguli præclara gesta maiorum cantando recitabant. Zemi dehinc agebant pro praterita beneficentia gratias, supplicesque petebant ut fausta faceret futura, genu flexus demum vterque sexus placentas numini offerebant, susceptas Bouiti sanctificabant, in totidemque frustula scindebant, quot ibi capita hominum reperirentur. Portiunculam quisque suam intactam afferebat domum, totoque anno pro re sacra seruabat. Male faustum multisque ignium & furacæ norum turbinum periculis obnoxiam fore domum, illam ex Bouiti persuasum opinabantur, quæ simili frustulo careret. Sed audi aliud non leue ridiculum: à numine ligneo vel gosampino farcito (vbi ab Apollinis oraculo simplex antiquitas) ore aperto pendentes responsa post oblationes spectabant. Si vel spiritu forte incluso, vel à Bouitis delusi, vocem prædiſſe ab Zeme sibi persuaſerant, quam pro libito Bouiti interpretabantur allatis in laudē vocibus, alacres cātando psallendoque exhibāt: diem totum ludos & choreas exercendo in aperto consumebant. Sin autem, demisso capite mœsti, Zemem esse iratum arbitantes prodibant, & pro graui portento silentium id suscipiebant, morbos inde ac iacturas formidabant alias, & si bellum ingrueret, infœlices tremebant euentus. Cum sparsis vterque sexus criminibus ac suspiriis, largo etiam lachrymarum lapsu, abiectis ornatibus, prodeuntes ieiuniis & rerum dulcium abstinentia se vsque ad extremum langorem macerabant, donec Zemi reconciliatos esse sentirent se. Hæc Iacobus Caniꝫares & laborum socii. Si quid ego existimem, illustrissime princeps, percunctaberis, deceptos à Bouitis dico sacerdotibus &

Tristes  
efficiun-  
tur tacē-  
te Ze-  
me.



medicis fallaci arte aliqua magica vel praestigiatoria iudica-  
 rem. Sunt enim augurus maxime dediti à maioribus, quibus Fallaciae  
Bouico-  
rum.  
 noctu inferna sese numina frequenter ostentabant, dictabant-  
 que mandata, uti latè in primis decadibus. Sunt & in putato  
 continenti cerimonia inanis alicubi merito referendis im-  
 pliciti. Ingens flumen Dabaiba, quod uti Nilus per ostia plu-  
 ra in mare dicitur Aegyptium defluere, ita & in vrba  
 aurea Castellæ sinum & Nilo maior delabitur, qui colant  
 incolæ suo loco satis. Ritus ignotos mihi hactenus, per Dari-  
 enis colonos nuper delatos, referamus. Dabaibe, uti & flumini,  
 simulachro nomen est, huius sacellum ab Dariene distat leu-  
 cas quadraginta circiter, ab distantibus maxime regionibus  
 immolanda certis anni temporibus reguli mancipia mittunt  
 frequentibus etiam concursibus populi adorant locum. Coram  
 numine suo mancipia iugulant, mox comburunt, gratū fore s-  
 mulachro flammantem illum odorem arbitrantur, uti nostris  
 coeliis cera lumen, aut thuris fumum. Ab irato illo numi-  
 ne citra proagorum memoriam flumina cuncta fontesque in-  
 quiunt defecisse: partemque maiorem hominum illarum regio-  
 num præ sati & inedia interuisse, qui superfuerunt montanis  
 omnibus locis derelictis, ad propinqua mari aquora descen-  
 dendo, puteis in littore effosis pro fontibus vsos fuisse. Idcirco  
 reguli quique tanta labis memores præ timore pio suos habēs  
 domi sacerdotes, ac sacella antemuralibus circundata, quæ sin-  
 gulis verrunt & abstergunt diebus, studentque ne in eis mu-  
 cor aliquis, aut situs nec herba quidem, aut sordes alia insint.  
 Quando à suo regulus simulachro particulari, soles vel plu-  
 uias, aut simile aliud, quo indigeat vicinia, cogitat exposcere,  
 cum suis sacerdotibus pulpitem in sacello domestico si-  
 tum conscendit, inde non discessuri, donec à nu-  
 mine exorato postulata impetrarint, precibus effica-  
 cibus: & ieiuniis acribus instant, efflagitant, ut



Crēatorē  
rerum fa-  
rentur &  
colunt.

Vehemēs  
ieiuniū.

Voti compotes efficiantur, ne deferantur, orant supplices. Cui deo fundant suas preces interrogati, ei qui cælos solemque ac lunam & inuisibilia cuncta creauit, & à quo bona cuncta procedunt, respondisse prædicant Hispani præsentēs. Eius creatoris, Dabaibam generale in illis regionibus numen, genitricē fuisse inquirunt. Interea dum regulus & comites templo astāt orantes, populus quatruiduanis sese, ita persuasus, macerat grauius ieiuniis, nihil enim cibi aut potus eo tēpore sumit. Quinto vero die, ne stomachus tanta esurie angustatus grauetur, solam ex maicia farina liquida pultis sorbitionem ventri porrigit, quo paulatim defectas resumat vires. Sed auditu non ineptum est quo ad sacra vocentur modo, quibus de instrumentis vtantur. Auri sacra sui vrgente, ierunt vna dierum Hispani coacta valida manu armatorum, ad eius Dabaiba fluminis ripas percurrentas. Ab regulo in quem inciderunt profligato, auri pensorū habuēre millia circiter quatuordecim in varias deductorum formas, perpulchrē laboratas, inter quas tres tubas aureas, totidemque aureas repererunt campanas, campanarū vna pensorum erat ponderis sexcētorum, minores aliæ. Interrogati ad quid ministerii tubarū & campanarum opera vterentur, ad festorum dierum & ludorum laticiam excitandam tubarum concentibus vti solere respondisse ferunt, campanarū verò strepitu ad populum ad sacra vocandum. Campanarum lingua more nostro fabrefactæ videbantur, sed candida adeo lucidaque vt primo aspectu, nisi longitudo obstitisset, ex vnionibus aut vnionum conchilibus factas fuisse putassent nostri, ex piscium ossibus formatas intellexerunt. Suauitatem ac dulci sonitu mulceri audientium aures, licet auri tinnitus hebes esse soleat. Labra campanarum agitata lingua lambunt, vti videmus in nostris. Aurea mille tercentum, more nostrorum, tintinabula sapide resonantia, braculaque aurea quibus includunt nobiles virilia, funiculo post tergum ligata



go sampino, inerant prædæ. Sacerdotibus eorum expedit ab omni luxu canere, si quis à casto consilio polutus reperiretur, vel obrutus lapidibus interiret, vel cōbureretur, deo illi satori placere pudicitiam arbitrantur. Quo tempore ieiunatur & orationibus intenditur, lota fricataque facie, cum aliis pieti semper ambulent, manibus atque oculis in cælum erectis viuunt, & non à pellicibus modo aut aliis actu venereos, sed ab vxoribus ipsis abstinent. Viri sunt adeo simplices, ut anima nomē imponere nullum sciant, neque vim eius intelligāt: vnde quidnam id inuisibile sit ac non intelligibile, à quo membra hominum ac brutorum moueantur admirati musitat: nescio quid arcanum post vitam corporalem victurum esse aiunt. Id nescio quid credunt post peregrinationem hanc, si sine labe vixerit, creditamque sibi massam ab iniuria in quenquam reseruauerit, ad æternam fœlicitatem quandam iturum: e contra si de trudi aliqua cœnosa libidine, aut violenta rapina vel ex candescenti furore illam patietur, paratas mille torturas aiunt in tetricis locis, sub centro reperturum: & hæc dicēdo manibus eleuatis cælos ostendunt, dein demissa dextra terræ vterum signant. Condunt sepulchris cadauera. Sequuntur viri bustum viuæ ex vxoribus pleraque. His habere licet quotquot libet, affinis & propinquis exceptis, nisi vidua sint, vnde superstitione quadam ridicula imbutos esse repperūt. Crassam, quæ in plenilunio in globo lunari spectatur, maculam, hominem esse puerascunt, & credunt ad humentem ac gelidum lune orbem proiectum, quo ibi perpetuo inter duas passiones eas, frigidam & humidam torqueatur, ob incestum admissum cum sorore. In sepulchris supernè fossulas relinquunt, in quas fundūt quotannis maicij grani pusillum, & vini suo more confecti sorbitiones, profutura hæc suorum vita functorum manibus arbitrantur. Sed barbara quaque barbarie crudelius audi facinus. Si lactantē contigerit matrem aliquam interire, ad motum

Sacerdotum abstinentia grauis.

Ridiculū delunz globo nigro.



Vberibus factum vna viuum sepeliunt. Vidua vero fratri  
 prioris mariti vel propinquo alicubi nubit, si precipue libe-  
 ros reliquerit. Sacerdotum fallaciis decipiuntur facile, inde mihi  
 le ineptiarum genera religiose observant. Hæc in magni flu-  
 minis Dabaiba latis regionibus. Sed audi huiusmodi alia,  
 mihi proxime relata per auctoratos viros, qui australia illius  
 terra perlustrarunt littoras ab Aegidio Gonzalo & ab eius  
 consociis prætermissa, scitis tamen digna: præter Aegidium  
 namque ipsum & alii varias earum vastitatum oras & na-  
 tiones cum classibus, uti sæpe dixi, vestigarunt. Apud earum  
 partium regulos præter ceteros errores fatuos vno nusquam  
 lecto vel audito hætenus contactos esse cognouerunt. Reges  
 & optimates habere animas immortales edocti sunt alicubi,  
 ceterorum animas cum corporibus credunt interire, familia-  
 rium necessariorum ipsorum principum exceptis, & eorum  
 tantum qui heris obeuntibus, tumulari se viuos vna cum do-  
 minorum bustis patiuntur: persuasos nanque maiores eorum  
 reliquerunt, quod regum animæ, veste corporea exuta, ad per-  
 petuas delicias per amœna semper vireta læta, comedendo, bi-  
 bendoque ac ludis & choreis puellaribus, more prisco  
 dum viuerent vacando, deambulent, ac pro certo habent. Inde  
 certatim sese dedunt in dominorum sepulchra multi præcipi-  
 tes, quod si facere, veluti de regum vxoribus aliquando dixi-  
 mus in regionibus aliis, distulerint familiares, ex æternis tem-  
 poraneas fieri suas animas arbitrantur. Regum & primatum  
 heredes in regionibus illis funeralem renouant quotannis  
 ex veteri consuetudine pompam: ea hoc pacto instruitur &  
 exercetur. Cum populo & vicinia regulus, vel e primatibus  
 quicunque sit, ad busti locum conueniunt, vini suo more confecti,  
 & escarum omnium copiam ingentem pompæ structor affert.  
 Ibi sexus uterque, sed precipue fœmineus, noctem illam in-  
 somnem totam agit, modo rithmis tristibus & naniis de-

Fatua su-  
 perstitio  
 de ani-  
 mabus.

Quo pa-  
 cta re-  
 nouent  
 quotan-  
 nis fune-  
 rales exe-  
 quias.



mortui casus infelices deplorando, si obierit in bello praesertim ab hostibus peremptus (perpetuis nanque sese inuicem odii capitalibus conficiunt, licet paruo contenti uiuant.) Tunc victoris hostis vitam & mores lacerant iurgiis & contumeliis rabiosis, tyrannum, crudelem, & proditorem appellat, qui per insidias, non per virtutem animi aut viribus corporis dominum ipsorum superauerit, dioecesimque depopulatus fuerit.

(Is est enim illorum barbarus mos.) Hostis mox afferunt sinis lacrum, & confecta pugna in statuam sauiunt variis incursionibus: demum in frustra secant, in sui Domini vita functi inanem vindictam. Ad esum & potum hinc se ad ebrietatem & crapulam usque conuertunt. (Ex granis & herbis quippe inebriantibus varias confingunt potiones, uti apud Belgas ceruisia ex lupulis & frugibus, & apud Cantabros sidra ex pomis conficitur.) Ad choreas & latos cantus post haec deueniunt ad lassitudinem extremam, sui domini virtutes miris laudibus extollendo, quod bonus fuerit, quod liberalis, & sui populi amantiissimus, quod sationum, segetum, & frugum omnium distribuendarum ad populi commodum, studiosus fuerit. (Ea est enim regum primaria cura,) quod in re bellica strenuus miles & sagax imperator. Ad luctus iterum reuersi, ab exordiariis rithmis deplorant mortuum vocibus elatis dicendo: quis te nobis, inclite princeps, eripuit? proh diem infaustum qui tanta nos felicitate priuauit, proh nos miseros, qui talem patriae patrem amisimus: his & similibus proclamatis, ad presentem versi principem mira de illius meritis & bonitate ceterisque virtutibus promunt, & vagis salubus ac tripudiis, uti Bacchanales furiae, circumueiunt regem, inspiciuntque reuerenter & adorant, int malorum praeteritorum praesens & futurum in eo se intueri remedium & solamen afflictionum inquiunt: adulato- rum more, illum appellant elegantissimorum elegant- iorem, formosorum formosissimum, liberalium & li- beralissimum, pium, benignum, omnes una voce



cōcinnantes esse illum præconantur, & similia multa. Elucescente vero die prodeunt è tectis, paratam ibi cum defuncti simulachro reperiunt nauim vniligineam, sexaginta remigum amplius capacem. Sunt nanque illic arbores valde procerae, citreae præsertim earum terrarum familiares, de quarum excellentibus prerogatiuis nuper vnā didici hætenus ignotam mihi. Citreas aiunt tabulas, præter ceteras earum vetustas laudes, esse tutas, quod amari sint gustus, ab infesta colubricularum peste, quæ nauium sentinas, vbicunque sit mare cœnosum, corrodunt & terebrant cribro terebrato infœlicius. Has colubrulas vocat Hispanus bromam. Dictam defuncti nauim potibus herbisque ac fructibus viuenti gratis, piscibus & carnibus ac pane refertam, regis æconomi & dispensatores tenent foris paratam, interea dum exit pompæ constructor: exeuntes inuitatis humeris nauim circumportant circumueundo atrium. Mox in loco eodem à quo nauim gestandam eleuarunt supposito igni cum inclusis rebus comburunt, fumum putant eisdem mortui animæ gratissimū fore. Tūc fœminæ omnes vino repletæ immodico, sparsis crinibus & pudendis penitus detectis intemperatè lento gradu modo, properatū modo despumantes, tremulo crure, interdū parietibus inharētes, cadentes aliquādo lapsu impudenti debacchantes, sumptis demum virorum telis obstrepentes vibrant excutiantque hastas, missiliaque ac sagittas tractant, insano discursu nunc hac nunc illac atrium quatiant: posthæc lassæ pudendis minime contactis prostrant se, & dormiunt ad saturitatem. Hæc præcipue in insula maris australis dicta Cesuaco, quam obiter adierunt nostri duce Spinosæ. Sed ommissum aliud, licet non sat candidum non est tacendum. In his intenti dementiis iuuenes, areites, hi sunt ludi, cum cantibus exercendo, virile sibi membrum, cum vnius piscis nomine Hispano latinoque raia, græce bitis, acuta spina perforant medium, saltibusque ac tripudiis sese agitādo sanguine

Incipit  
gestus mulierum.

In insula  
cesuaco.



fluenti, atrii pavimenta irrorant. Pulvere demum superimposito, ad id remedium reperto à bantis, qui chirurgorum, medicorum, & sacerdotum officijs funguntur, citra quatrimum allata sibi vulnera curant. Sunt in illis terris callidi magi, auguresque, neque rei cuiquam initia præstant inaugurati: siue venatui aut piscationi auroque ex aurifodinis legendo, siue in untonum conchilibus quarendis cogitatum dirigant, pedem mouere minime audebunt, nisi artis eius magister Tequeningna (est nomen dignitatis) prius nutu suo tempus adesse significauerit. Nullus affinitatis aut propinquitatis alterius modi gradus est apud hos vetitus, licet alibi abstineant, & cocunt cum filiabus parentes, cum sororibus germani (parentum uxores, etiam si matres sint, hereditario iure cum cæteris facultatibus heredes assequuntur,) Obscenos tamen & palam pathricos esse aiunt. Est & alius alibi mos, qui & in insulis nostris, Hispaniola, Cuba, Iamaica, viget. Ea liberalior & honoratior habetur, quæ viri potens plures in coitum admiserit, profususque sese prostituerit. Dant exempla non pauca, sed vnum est gratiosum. Ab Iamaica in Hispaniolam quidam Hispani admixti barbaris Iamaicanis, transfretabatur, & feminis erat vna formosissima, quæ se ad eum usque diem intactam seruauerat, eratque castitatis amatrix. Ex composito in illam conuersi Hispani auaram ac sui honoris male cupidam appellare cæperunt. Fuit petulantium iuuenum lascinia & scurrilitas ea, ut in rabie fere puellam verterint, statuit inde suo prostratu quotquot coire vellent expectare. Ab illo dimicatu renitens primò puella munificentissime sese habuit cum efflagitantibus amplexus. Est in utroque sexu auaritiæ nomen infame in his insulis. In continenti vero pluribus in locis è conuerso. Sunt castitatis vxoriam amantes. Hinc Zelotypi adeo ut peccantes vxores iugulo pœnas luant.

Prodigioso monstro portionem tuam Illustrissime Princeps

Nullum  
obseruât  
gradum  
affinitatis,

Mulieres  
laudem ex  
effusa iam  
pudicitia  
venantur.



De dua-  
bus aui-  
bus pro-  
digioſe  
immani-  
tatis.

claudimus. Quae supersunt, aut inter scribendum se emerse-  
runt aliqua, dicari sibi pontifex maximus, suo membraneo di-  
plomate nuper ad me delato imperat. Est fonti Dabaiba am-  
nis proxima regio, nomine Camará vltima producta. Memo-  
ria viuentium proditum est maximam ventorum & turbi-  
num ab Oriente vim exortam in ea regione repente, quae arbo-  
res quasunque obuias radicibus euelleret, domos multas, li-  
gneas praecipue per aëra raptaret. Ea vi, deportatas ferunt in  
regionem volucres duas, decātatīs strophadum harpiis fere si-  
miles, quod virgineo vultu, mento, ore, naso, dentibus & leui  
supercilio, oculis, quae venerandis & facie constarent. Tāta mo-  
lis fuisse vnam inquiunt, ut nullius arboris ramus potis esset  
accedentem sustinere, quin frangeretur: immo & aiunt il-  
lius pondere in rupium saxi quo pernoctatura se conferebat,  
extare vnguuium vestigia. Sed quid haec recolere non difficilis  
viatorem prehendebat vnguibus hominem, ad celsaque mon-  
tium culmina comedendum ferebat, ac milui solent raptare  
pulliculum. Alteram, quod minor esset, maioris fuisse prolem  
arbitrantur. Hispani qui regiones illas ad quadringentas vs-  
que leucas ab ostio huius fluminis classibus vecti peragrarūt,  
allocutos fuisse multos, qui peremptam viderint maiorem pro-  
fitentur, probati praecipue viri quos saepe memoravi, iurecon-  
sultus Corrales & cantor Osorius ac Spinosus. Quomodo au-  
tem a tali tantaque se peste Camarani Dabaibenses liberaue-  
rint, non ineptum est auditu. Quum sit excitatrix ingeniorum  
necessitas, perimende rapacis volucris, historiā dignissimam  
inuenerunt Camarani viam. Celsam scindunt trabem, in vna  
eius cuspidum virilem sculpunt effigiem, sunt nanque artis  
imaginaria cuiusque periti) trabem in via proxima itineris,  
quo praedim quaesitura ex vertice montium se prodigiosa di-  
mittebat a vis, effusa scrobe per lucidam sub clara luna noctē  
figunt, solo virile n formā supereminere permittunt. Alterat



silua densa via proxima, latent ipsi arcubus & missilibus  
paratis ad ictum in insidiis. Ecce sub exortu solis monstrum  
horrendum: ruit ab alto æthere ad prædam inanem: simula-  
chrum adoritur, præbendit, stringit, ungues ita infixit ut euo-  
luere sese nequiverit, donec ab latebris insilientes barbari, tot  
illam sagittarum ictibus confixerint, ut cribro terebratior eva-  
serit. Exoluta tandem in vicino cecidit exanimis: rudentibus  
colligatam & longis hastis appensam, portarunt humeris occi-  
sores per viciniam vniuersam, quo à concepta formidine ani-  
mos liberarent, sciantque tuta esse itinera, quæ rabida volu-  
cris fecerat inuia: pro diis habiti sunt interfectores, fueruntque  
ab populi illis honorifice, nec sine oblatiis muneribus suscep-  
ti, vti apud gentes accidit multas, vbi leonis, vrsi, aut lupi  
alicuius interfecti signa gerenti dona præbentur ab vicinis,  
qui ab ea fera iacturas expectabant. Magno virili fœmori  
aiunt ei fuisse crassiora crura, sed breuia, ut in aquilis & ra-  
pacibus reliquis. Iunior matre perempta nusquam visa fuit.  
Iam valeat excellentia tua, cui opto vitam in auito regno  
tranquillam.





CLEMENTI SEPTIMO PON-  
TIFICI MAXIMO PETRI  
Martyris Anglerii Mediolanensis  
Protonotarii, Cæsarei Se-  
natoris, Octaua Decas.

CAPVT PRIMVM.

Breue pa-  
pale.

Excusatio  
de kilo.

**B**EATISSIME pater, ab anulo pesca-  
toris de more Pontificum habui membra-  
neum à Beatitudine tua diploma: duobus id  
concluditur capitibus: de rebus ex orbe no-  
uo ad suos prædecessores à me directo vno  
laudatino, imperatino altero, ne patiar ab  
obliuionis vasto hiatu cetera quæ successerunt absorberi. Ab  
obsequendi desiderio laude me dignum esse non inficiabor,  
ab inornato dicendi modo si non laudem, veniam tamen pro-  
merebor. Ciceronianos optassent hæc talia tantaque spiritus,  
vbi sæpe in priorum discursu protestatus sum, vulgaribus ego  
tegminibus, quod sericea vel auro intexta non assequar, venis-  
sissimas amicitii Nereides, Oceani dico gemmatas insulas ab  
orbis initio latentes. Priusquam id Beatitudinis tuæ man-  
datum ad manus meas peruenisset, ad Franciscum Sfortiam  
Vicecomitem, mei natalis ducem (quando eius fortuna liberum  
à Christianissimi Regis animo indefesso sinebat,) illius apud



Casarem negotiatoribus exigentibus, plerasque significatio-  
 nes, quæ Adrianicas subsequebantur, à Beatitudine tua le-  
 ctas direxeram. Nunc vero meas vigilias ad Beatitudinem  
 tuam destinaturus, opera precium fore ratus sum, si hæc præ-  
 sentia præteritorum exemplaribus, licet alteri dicatis, muniero:  
 Vti solet antistitum & purpuratorum ecclesiæ principum ca-  
 terua gradientem anteire pontificem, ita ducalis hæc viam  
 aperiet. Quæ post illas à diuersis rerum participibus, de virorū  
 casibus enarrata, de quadrupedibus, auibus, insectis, arboribus,  
 herbis, gentium ritibus & moribus, & arte magica, præsentī-  
 que nouæ Hispania statu, & variis classibus, percipiat tua  
 Beatitudo; ab cuius imperio nulli viuentium licet impune re-  
 trocedere. Citemus primo quid Francisco Garaio, Iamaicæ in-  
 sula, quæ nouo nomine sancti Iacobi dicitur, gubernatori, (cu-  
 ius abbatialem Antistea Casaris benignitas mihi nuper im-  
 partita est,) ad Panicum fluuium contra Fernandi Cortesii  
 voluntatem deducere coloniam cogitanti acciderit, tandem-  
 que ad necem traxerit: Mox quo Aegidius Gonsalus, à Septen-  
 trione desideratum tantopere fretum queritans, & Christo-  
 phorus Olitus, de quibus pauca tetigimus in ducali præeunte,  
 appulsi fuerint. Dein de Petro Aria putati continentis guber-  
 natore idem querente, aliquid dicemus. Citabimus mox Licen-  
 tium Marcellum Villalobos in Hispaniola senatus Indici In-  
 dicem, & familiarem eius Iacobum Garciam Barramedam,  
 qui ab Fernando Cortesio Hispaniæ nouæ gubernatore nuper  
 veniens, magna quadam retulit. Vocabuntur in hanc arcem  
 alii multi, quos inter proferetur frater Thomas Horti<sup>xi</sup> bico-  
 lorum fratrum dominicorum vnus, egregia probitate vir, qui  
 apud Chiribichenses putati continentis incolas diu versatus  
 est. Nec omittetur Iacobus Aluarez Osorius genere clarus,  
 antistea Darienensis sacerdos & dignitate cantor, qui & ip-  
 se duce Spinosa per vastitatem illā australis pelagi cū summis

Octaua  
 Decadis  
 summa.



rerum & discriminum angustiis & in Dabaiba regionibus indagandis non paucos consumpsit annos. Ab horum & huiusmodi auctoratorum virorum absentium nō breuibus voluminibus, & viua voce ad negocia venientium ea colligo, quae mihi tres Pontifices & principes alii ut ea vobis significem imperatis. Garaii ergo vitam & obitum infelicem i fronte narrationis locemus. In libellis praecedentibus ad Adrianum arbitror Pontificem tuae beatitudinis praedecessorem directis, pluribus in locis dictum est inter Fernandum Cortesum Hispania noua magnarumque in ea prouinciarum amitorem, & Garaium hunc occulta intercessisse odia, quod Garaius vicinas Cortesii ditioni terras Panucas occupare velle videretur. Diximus etiam Garaium ipsum cum summa iactura fuisse bis ab incolis Panuci magni fluminis habitatoribus fere nudis profligatum, appulsumque toties profugum ad Fernandi Cortesii potestatem, & rebus necessariis cum egeret ab eo fuisse recreatum, ut ex meis & ipsius Cortesii scriptis, quae per Christianū orbem vagantur, late patet. Quatuor ab Indis appulsa sunt naues, & ab laborū ac erumnarū participibus literas, & ab redeuntium viuis vocibus, Garaii discursum habemus. Is octauo decimo Kalendas Iunii Panuci magni fluminis iam noti ripas, ex Caesaris permissis occupaturus, ut diu versatam animo coloniā ibi deduceret, discessit ex Iamaica nouo nomine sancti Iacobi insula ab eo diu recta, cum classe nauium undecim, quarum sex centum viginti & centum quinquaginta cuparum erant capaces, eius generis quae Hispanus vocat Carauelas duae inerant, bergantini biremes totidem: militum vero numerus, equitum quatuor & quadraginta supra centum, sagittariorum peditum tercentum, sclopetariorum ducentum, scuta cum ensibus gestantium ducetum, Cubam versus quae Fernandina dicitur tetendit. Cubam cantri tropicus scindit. Iamaica est illi australior intra falso



Calso torridam, à maioribus appellatā. Est Cuba duplo fere longior Italia, ultimum eius angulum portuosum occidentalem nomine Caput currentium captavit Garaius, aquam recentem & ligna herbamque ad alēdos equos sumpturus, sibi dies aliquot moratus est. Non longo nimis tractu distat angulus ille ab noua Hispaniæ primis limitibus, quibus nomine Caesaris imperat Cortesius, vnde intellexit in Panuci ripa coloniā Cortesium crexisse. Centuriones accersit Garaius, consilium ineunt, quid facto sit opus deliberant. Querendas novas terras, quandoquidem multæ patent, timendamque Cortesii fortunam censuerunt quidam, cæptam prouinciā non esse defendendam cum diplomaibus præcipue Caesaris, quibus Garaianam assentitur vocari debere prouinciā, consuluerunt alij. Vicerunt eorum suffragia qui deteriori adhæserunt parti: placuit Garaio perniciofa sociorum sententia. Centurionum animis indagatis condenda reipublicæ inane simulachrum exercuit, magistratus diuisit, quo primarios promptiores oblati honoribus efficeret. Umbratilis coloniæ rectores creat Alphōsum Mendotam don Alfonsi Pachieci Spatensium quondam magistri nepotem, & collegam illi tradidit Fernandum Figueroam Castri Caesaris ciuem non humili cōditione ortum duosque alios ex Cuba insula seductos. Praetorem vero Urbanum erexit Gonsalum Ouaglium nobilem Salamantinum ducis Albæ propinquum, & Villagranum regia domus veterē familiarem, & Iacobum Cifonteum è plebe virum, sed industrium & prudentem. Creauit è populo & milites executores, quos Hispanus aliqua illos nūcupat, ac ponderum & mensurarū correctores ediles. Iureiurando sibi hos omnes astrinxit Garaius in Cortesium, si forte armis agendum foret, aut vi alia. Ita spe vana decepti, fortunæ, casuum, & artium Cortesii non bene gnari, vela faciunt: si oblatam sortem cognouissent, beatam illis fortuna frontem obtulit.

Gradus  
Cubæ &  
Iamaicæ.

Pernitio-  
sa senten-  
tia pla-  
cuit.

Centra  
Cortesii  
consulta-  
tio.



Palmarū  
fluvios.

Fluvius  
Montal-  
lus.

Exorta est ab Austro tempestas quæ naucleros fefellit, applica-  
tis nauibus ad terram in fluuium incidunt Panuco paulo mi-  
norem, Panucum esse arbitrantur. Distabat is à Panuco ad Sep-  
tentrionem, quo illos vis ventorum transportauerat, leucas for-  
te septuaginta versus Floridam tellurem notam iam dudum.  
Die vigesimo quinto Iunii, quo sui protectoris apud superos  
dñi Iacobi solemne celebrat Hispania, fluminis eius fauces ca-  
ptarunt, anchoras iaciunt, palmas in litore reperiunt, palma-  
rium fluuium appellant. Consalo Docampo Garai sororio ve-  
stigandi vicina negotium datur, separant à classe biremen  
paruo egentem fundo. It aduerso flumine Docampus spacio  
quindecim leucarum, triduum consumpsit, paulatim ascendens  
multos reperit in id maius flumen recipi alios amnes, incultam  
ac inutilem & desertam esse terram, vt qui oculos fixos ha-  
bebat in Panucum, mētutus est. Populis quippe refertam, amœ-  
nam ac bene fortunatam eam esse prouinciam postea didice-  
rūt. Fides est mendaci præstita, Panucum versus profectio sta-  
tuitur. Equi fame languidi erant, è nauibus extrahuntur cū  
plarisque peditibus. Nautis mandatur vt in prospectu litto-  
ris velificent semper, ac si super vndis imperiū haberent. Ter-  
restre iter capit ipse Garaius Panucum versus ordinibus stru-  
ctis, ne, si qua vis incolarum repente insiliat, imparati reperiā-  
tur. Tribus primis diebus nil cultum reperere quā proficiscebā-  
tur, horrida erant omnia, quia palustria cœnosaque. Nai-  
gabilis alius amnis efficitur obuius, celsis montibus circum-  
uallatus, inde Montaltum dixere fluuium. Natando partim,  
coniunctis & colligatis inuicem trabibus partim traiecerūt,  
tandem cum summo discrimine ac labore, trans flumen id a-  
longe pagum ingentem cernunt, componunt acies, prodeunt-  
que gradatim, sclopetariis & reliquis militibus eminus feri-  
turi, in fronte locatis. Nostri accedentibus pagani domibus  
relictis aufugiunt, commeatibus patriis repletas inuenerunt



domos, fame iam languidos & labore itineris fessos milites  
& equos recreat Garaius. Ex reliquis Viatica secum portat.

## CAPVT SECVNDVM.

**D**VOBVSEscarum generibus sua fulciunt horrea barbari, frumentario patrio quod maiicium saepe diximus appellari, panicio insubri simile, ac pomis odoris nobis ignoti acro-  
dulci sapore, vtilibus & fluxui restringendo aptis, vti de sorbis & baccis corneis legimus & experimur, sunt malo aureo aut cotono nil minora, Guaianas vocat incola genus id fructuum. Trans fluvium Montanum per incultas gradientes terras in lacum inciderunt magnum, qui per profundum gurgitem necubi vadosum demittit in vicinum pelagus aquas. Aduersis lacus eius ripis conscendum ad leu-  
tas triginta ab ostio fluminis, tentant vada quia nouerant in lacum flumina inferius labi plura, eum summo labore ac periculo seminando transseunt. Lata planicies offert sese. Cernunt alonge pagum ingentem. Ne vii priores formidine tacti aufugerant, sistere agmen iubet Garaius, figunt sub dio vexillas praemittit interpretes Garaius quos anno superiore his terris vicinos habuerat, idioma iam Hispanicum callentes. Eius pagi habitatores in amicitiam oblata pace trahit. Maiicio pane ac volucris provincialibus & fructibus onerant nostros incola. Obiter in pagum incidunt alium, vulgata fama quod ab iniuria nostri abstineant, securi expectant, praebentque non ad saturitatem commeatus. Contra Garaium praetorem fere tumultus exortus est quod in praedam pagum dari non pateretur. Tertio flumini gradientes occurrunt, in eius transitu o-  
cto amiserunt equos vi torrentis raptatos. Inde vastas inueniunt paludes coenosas noxiis culicibus, variis refertas bexucis.

M m ij



Verba v-  
ni<sup>o</sup> ex Ga  
raij primo  
ribus.

etiam herbis tenacibus implicantibus & irretientibus crura viatorum. De hac bexucorum natura providentia in ducali progressu late. Cingulo tenus mersi pedites, equites ad vterū, semilanguidi transferunt. Vbere gleba fortunatas iam terras incunt, frequentibus ob id cultas pagis. Nemini passus est Garaius damnum inferri. Garaij famulus à manibus quidā, evasus à tanta strage, quantam infra describemus ad Petrum Spinosam Garaij æconomum & filiorum eius vita functi nunc procuratorem apud Casarem, latam scribit epistolam, in qua dolore plena, sed more faceto verba hæc de illius itineris difficultatibus alludentia, latine profert. Venimus ad terram miseria vbi nullus ordo, sed sempiternus labor & calamitates omnes inhabitant, vbi fames, æstus, & culices infestis, cimices fætidis, diri vespertiliones, sagittæ, bexuci laqueantes, lamæ voraces, limosque lacus nos crudeliter tractarunt. Panuci tandem fluminis infausto puncto captarunt viciniam, sistit Garaius naues spectans, nibe sui aptum inuenit. Abduxisse commeatus omnes Cortesium suspicantur, quo sibi aut equis nil inuenientes, aut retrocederent, aut fame perirent. Classis accessum distulit qua necessaria vehebantur. Per barbarorum oppida pagosque sparguntur Garaiani ut victum assequatur, suspicari Garaius cepit aduerso viuere erga se animo Cortesii: Gonsalum Docampo sororum quid animi habeant erga se coloni Cortesii tentatum mittit, seductus vel deceptus rediit Gonsalus, tuta omnia & ad obsequium Garaii parata mentitus est. Sororii & comitum cum eo missorum relatu, fato aduerso Panuco propius se applicat. Hic digrediamur parumper quo melius hæc & subsequencia intelligantur. In Panuci huius magni fluminis ripa, non procul ab ipsius faucibus aquas in mare ferentibus, erat oppidum eiusdem nominis ingens, quatuordecim millium domorum lapidearum, maiori ex parte cum atris regalibus & templis magnificis,



vi est vulgata fama. Id oppidum quod eius mandata detra-  
hasset funditus euerterat Cortesius, combusseratque vniuer-  
sum, neque passus vltra est quicquam in eo solo edificari.

Eadem lege oppidum aliud tractauerat aduerso flumine sit-  
tum ab hoc miliaria circiter quinque & viginti, Panuco grā-  
dius, aiunt domorum viginti millium, solo & id equauit  
combussitque, causam nactus eandem. Nomen fuit huic Chi-  
glia. Ab diruta Chiglia superne coloniam Cortesius struxit.

Oppida a-  
liquot in-  
gentia eo-  
busta.

suam ad miliaria tria in egregia planicie, sed in colle parum  
edito, sancti Stephani villam hanc appellauit. Nauibus o-  
nerariis licet per huius amnis alueum per miliaria multa con-  
scendere. Garaium provinciales hi bis profligauerant, vi-  
satis late dictum est in precedentiibus, Cortesio autem, cui ob-  
uia cuncta sternuntur, obistere nequiverunt. Regiones eas  
fortunatissimas esse predicant, nec sationibus solum & arbo-  
rum prouentibus nutriendis aptas, ceruorum, leporum, cuni-  
culorumque & aprorum, aliarumque ferarum multarum al-  
trices dicunt esse, nec minus volucrum aquaticarum & sil-  
uestrium genitrices: montes habent in prospectum altissimos,  
nivales alicubi. Trans eos fama est cultas iacere ciuitates &  
egregia oppida in vasta planicie, quam montes illi ab his ma-  
ritimis dirimunt, subdentur & ipsa ni ebullientia Hispano-  
rum ingenia obfiterint, qui raro conueniunt animis ob elatio-  
nem ad proprios honores. Quantum sibi quisque studeat in  
hac obocante ambitionis farina, in qua pacato spiritu nemo  
fert alterius imperium, late satis in his quæ præcesserunt, ubi  
de simultatibus exortis inter Iacobum Velasque & Fernādina  
quæ Cuba est, progubernatorem, & Fernandum Corte-  
sium, mox inter Cortesium ipsum & Pamphilum Nar-  
baezum & Grisaluam, à quo flumen accepit no-  
men, in Iucatana prouincia, de Christophori deinde  
olui defectione à Cortesio, post inter Petrum Ariam

Villa san-  
cti Stepha-  
ni in Pa-  
nuci ripa



putati continentis moderatorem & Aegidium Gonsalum,  
 ultimo loco de cupiditate generali quærendi freti ab Septen-  
 trionali pelago ad australe concurrunt enim undique qui ter-  
 ras incolunt eas regio nomine duces. Hæc suis locis dicta par-  
 tim, & quæ ab his procellis emerferint referetur. Ad Garaiū  
 à quo sumus digressi, reuertamur. Appulsus vicina reperit  
 depauperata omnia, mentitumque sororium de colonis villæ  
 sancti Stephani fuisse comperit, quia nil amicū viderit. Ga-  
 raiani sectatores inquirunt Cortesi ministros de barbarorū pa-  
 gis commeatus omnes abduxisse, quo fame urgente vel abiret  
 vel per vicinos pagos spargere copias cogerentur victum quæ-  
 suri, vti accidit, neque naues aduerso mari detēta veniebāt.  
 Est in ea regione pagus ingēs domorū circiter quindecim mil-  
 lium nomine Naciapala, in eo pago pabulantem equos Alua-  
 radum, quadraginta equitum Garai ductorem, Cortesiani  
 tanquam alieni soli usurpatore cum sociis prahenderūt, vin-  
 ctosque duxerunt ad sancti Stephani coloniam, ab ipsis Corte-  
 si nomine conditam. Inter Scyllam ergo & Caribdim miser  
 Garaius sistit pedem, classē spectaturus. Iam tandem classia-  
 riū se applicant ad Panuci fauces, ex undecim tres, quatuor alii  
 aiunt, naufragio periisse. Prætoriam eius classis nauim, duo  
 ex eius prouincia rectoribus Cortesianis, Iacobus Docampo præ-  
 tor Urbanus & Valegius ductor militum ingrediuntur scaphis  
 aduecti, paruo negotio classarios seducunt, ex prætoria reli-  
 quas facile trahunt in Cortesi potestate, aduerso flumine sub-  
 uehuntur naues ad sancti Stephani coloniam. Dum in his ver-  
 saretur Garaius, fluminis Palmarum viciniam intellexit esse  
 bene fortunatam, contra Gonsali Docampo sororii sui fallax  
 dictum, immo & Panuceis terminis alicubi beatiorē. Illic  
 suam deduxisset, Cortesi fortunam tremiscens, Garaius colo-  
 niā, ni sororii perniciacia fefellisset. His angustiis Garaius cir-  
 cumseptus quid consilii capiant non intelligit, quo magis re-

Mala fors  
Garaij.

Iacobus  
Docampo  
& Valegi-  
us.

Flumen  
palmarū  
fortuna-  
tum.



petit eam sibi à Cesare designatam esse, patentibus literis ostensis, provinciam, eo infelicius res agitur sua. Suasum gubernatoris Iacobi Docampo nuncios mittit ad Cortesum Garaius, Petrus Canus est nomen vni, Iohannes Ochoa alter, ex veteribus Garaii familiaribus ille, hic notius Cortesum quondam necessarium earum terrarum experientia gnarus ab Cortesio se ducitur uterque, vi ferunt Garaians conquerebant. Rediit Petrus Canus, restat Ochoa, ut Cortesum adeat Garaius conuentum est. Dixi alias quando per famam incertam Hispaniola senatus ad Casarem & nostrum collegium rerum Indicarum illa scripsit. Miser Garaius licet presentaneam suam perniciem semicerneret, se iturum animo libenti dissimulavit, quandoquidem vel inuito erat eundem ex tanta vi stomachum delinivit, annuit Cortesum postulatis quæ vim imperii secum ferebant. Ad Cortesum tendit Iacobo Docampo comitante, qui sedem in lacunari elegerat vasta ciuitate Tenuistiana, alias Mexico, regnorum multorum capite. Lata fronte suscipitur Garaius, an animo paricui corda scrutari proprium est iudicet. Audita Garaii calamitate ac discessu gubernatoris, sparsos per eorum domos barbari adoriuntur milites, palantes reperiuntur: necant circiter ducentum quinquaginta, addunt aliqui numero. Laeta sibi struxerunt prandia, sunt & illi anthropophagi. Strage intellecta Cortesius Sandomalam è suis ducibus egregium ad tanti facinoris vindictam cum equibus quadraginta, pedibus ad rem necessariis misit: Numeris ingentem trucidatorum secuisse in frustra Sandomalus dicitur, neque enim iam audebant in Cortesum aut ducum eius potentiam, quorum nomina formidabant, exere digitum. Regulos fertur misisse ad Cortesum sexaginta, (pagus enim quisque suum habet regulum,) ut heredem quisque suum accersat Cortesius imperat, dicto parent. Haredibus inspectantibus structo ingenti rogo combussit regulos omnes. Mox vocatio

Tenuistiana  
na alias  
Mexico  
ciuitas.

M m iij



heredibus, an lata sententia in parentes interfectores viderint effectum interrogat. Dein vultu severo ut edocti exemplo ab omni suspitione inobservantiae caueant, edicit. Ita deterritos ad sua quemque avita dimisit patrimonia, tributis tamen obnoxios. Hac hi, paulo aliter alii referunt. Fama namque ab vicino variatur, quanto magis ab orbe altero. Garaium vero Alphonso cognomine Villanova Garai quondam famulo a pedibus. Et ob herilis ancillae stuprum eiecto tunc Cortesi cubiculario dedit hospitem Cortesius, iussitque honorifice tractari, et quo firmitus esset amicitiae vinculum, legitimum Garai filium ex transversò nata Cortesius in generum assumpsit. Ecce Christi natalis noctem, ad matutinos cantus audiendos de more nostro una Cortesius et Garaius proficiscuntur. In exortu solis re divina peracta redeunt, non illantum reperere paratum ientaculum, Garaius exiens de templo, ventoso quodam frigore se pressum primo conquestus est, cibum ramen cum sodalibus licet tenuem sumpsit, rediens ad hospitium designatum procubuit, morbus adauctus est, in diem tertium, dicunt alii quartum, suo factori mutuatum reddit spiritum. Non desunt, vii alias dixi, qui suspicentur an charitatis opus intercesserit, quo tantis calamitatibus obnoxium a tetro turarii carcere liberaret, ne adagium illud, Regnum non capit duos, aut, Nulla fides regni socius, frustra dictum iudicemus. Dicunt alii costarum dolore confectum, qui pleuresis a medicis nuncupatur, obisse: Vtunque sit, obiit Garaius inter earum terrarum gubernatores optimus, hac an illac res acciderit, filiis eius, propinquis et amicis è diuitibus in pauperiem delapsis, parum refert. Obiit miser qui tranquillam potuisset transigere vitam et forte longam, si Elisae Iamaica nouo nomine Sancti Iacobi insula gubernatione vetere contentus vixisset, ubi summa erat eius autoritas et amor populorum (peruicaci quodam spiritu in vetitum tetendit

Garaij fili<sup>o</sup>  
Cortesi  
gener.

Mors Ga-  
rai.



qui perbelle callebat suam viciniam fore Cortesio molestissi-  
nam) aut si alibi stuppa ipse ab igne flammanti figere pedem  
longe voluisset in Palmarum flumine, quo Vis Ventorum fa-  
licibus auspiciis illum impulerat, si occasionis eius crinitum  
incipit apprehendisset, aut in distantiore alias inuento flumi-  
ne Floridam versus dicto flumine Sancti Spiritus, qui amnes  
regiones amplectuntur immensas, vberes & populus refertas.  
Sic erat in fatis, sic fieri oportuit. Sed quandoquidem Elisam  
ausus sum appellare Iamaicā, cui Garaius annos praefuit plu-  
res, æquum est ut huius decentis nymphæ maritus ego venu-  
stæ bonitatis eius rationem reddam. En prepositionis exemplum.

De flumi-  
ne sancti  
Spiritus.

## CAPVT TERTIVM.



EMOTAM ORBIS illam partē ab-  
strusam, in qua rerum creatorem deum ex  
limo terræ primum hominem formasse cre-  
dimus, Mosæ veteris ac novæ nostræ legis  
sapientes heroës paradisum nuncupant ter-  
restrem, quod nullum ibi, aut fere nullum

Iamaicæ  
insulam  
placuisse  
ptio.

sit diei ac noctis toto anno discrimen. Non horridus æstus, non  
hyems rigida, salubris aër, nitidi fontes, clara flumina. Orna-  
mentis his omnibus benigna mater natura sponsam hanc  
meam decoravit. Variæ præter allatas nostrates sunt ibi fami-  
liares arbores fructiferae, quæ perpetuo gaudent vere ac au-  
tumno perpetuo, frondescent una & florescunt anno toto ar-  
bores, fructusque gignunt & ostendunt acerbos & unamatis  
ros. Ibi semper est herbida tellus & florētia semper prata: nul-  
la terrarum tandem est quæ benigniore fruatur cælorum cle-  
mentia: Ergo ceteris beator sponsa mea Iamaica. Longitudi-  
ne ab Oriente in Occidentem leucarum est sexaginta, decem  
addunt alij, latitudine verò ubi latior triginta.



De satis autem atque hominum industria cultis sementibus miranda feruntur: licet in primis decadibus late sit, quum d Hispaniola similis esset sermo narratum, & de hortensibus idem, repetere tamen ex his pleraque non excitabit nauseam pontificibus precipue, sub quorum thronis cuncta hac indie magis coalescunt, sapidius est omni tempore rerum preciosarum gustus, quia praesertim ad Beatitudinis tuae manus loca illa priorum decadum forte non deferentur. Panis, sine quo caetera vilescunt dapes, duas habent species, frumentarium unum, radicale alterum, his & plerumque ter colligitur quorundam annis frumentarium, triticeo carent. Ab hemina illius grani quod maiicium appellant, ducentum amplius aliquando leguntur. Radicalis est nobilior panis, qui ex iucca radice contrita exiccataque conficitur, ac in placentas, quas vocant canabib, reductus ad biennium servari potest incorruptus. In huius iuccae radice usu mira quaedam industria naturae latet.

Duo panis genera  
apud Indos.

Ad succum eius extorquendum in sacco posita magnis ponderibus impositis more torcularis comprimuntur. Est succus ille, si crudus bibatur, aconito venenosior, & procius perimit, coctus lacteo est sero sapidior & innoxius. Radicum & habent aliarum multa genera, batatas vno vocabulo nuncupant, octo ego descripsi alias eius generis esse species, quae flore, folio, frutice noscuntur. Elixae valent nec minus assae, nec male sapiunt cruda: sunt nostris nabis, rapis, raphanis, pastinacis, carionis, aspectu & illae similes, gustu dissono ac substantia. Quo tempore scribo haec, batatarum est mihi dono data copia quaedam, Beatitudinem tuam, ni locorum distantia obesset, participem effecissem, tua Beatitudinis apud Caesarem orator portionem eam voravit. Vir iste inter viros heroes omnium bonorum Hispanorum opinione rarus archiepiscopus Cusentinus, cui sunt haec quatuordecenne commercio notissima, vna voce, si tua Beatitudini libet, poterit aliquando recedere. Magnis

De batatis.

Huius archiepiscopi Cusentini.



tanque principibus solēt isthac colloquia cœnarium sape mar-  
 ines extremos reddere gratiores. De cœli temperie, de arbori-  
 bus & fructibus, de satis, de pane ac radicibus, sat multa.  
 sed de hortensibus esui aptis quoto anni tempore licet melo-  
 nes, cucurbitas, cucumeres, & huiusmodi reliqua humi ia-  
 centia consequi, frequenter dictum est. Amatorio nimis affe-  
 ctu, vero tamen, protendi fimbrias de mea sponsa ornamē-  
 tis: ergo iam valeat ipsa, postergati veniant alii. Accessit nu-  
 per & alius vir egregius, cui nomen est Christophorus Perez  
 Herenensis, in Iamaica diu executor iusticie miles sub Gara-  
 io, *Alga Zillum* vocat Hispanus magistratus, Garaio semper  
 hic fuit comes, & morienti affuit. Quæ ab alijs relata sunt de  
 Garaio totiusque exercitus successibus vera esse fatetur. Re-  
 gressus hic ab ea strage in Iamaicam à Petro Cano Garaio à se  
 cretis literas attulit ad Petrum Spinosam Garaio & filiorum  
 actorem apud Cæsarem, in quarum calce Spinosam hortatur  
 monetque ac instat, ut Europeas has omnes terras relinquat,  
 ut negocia quæque deferat, redeatque in fœlicē eam patriam,  
 ac si ut aufugiat ab infaustis arenis ad fortunatissima præ-  
 dia suaderet: ditē propediem futurum, si dicto suo parere  
 velit, repetens. Addit pleraque *Alga Zillus* hic non præter-  
 mittenda. Panucum & Palmarum amnes fere pari lapsu  
 in Oceanum prorumpere, colligereque nautas potabiles vtri-  
 usque aquas in mari ad milliaria novem. Tertium amnem,  
 qui Sancti spiritus à nostris nuncupatur, Florida telluri vici-  
 niorem angustioris esse alvei, fortunatas tamen circumadiacē-  
 tes regiones & populis refertas. An casu, an vi tempestatum,  
 an consilio ad Palmarum flumen Garaiana classis appulsa fue-  
 rit interrogatus, Austris lenibus respondit impellentibus,  
 delapsu etiam Oceani, quem dixi alias acri defluxu tendere  
 semper ad Occidentem cœlorum rotatus imitando. At ergo  
 is *Alga Zillus*, ut Hispanum inseram vocabulum, naucleros

Spiritus  
 Sancti  
 Fluvius.



ipso regenda classis magistros superioribus causis decepto  
 Palmarum flumē pro Panuco captasse, donec eius fauces ingres-  
 se riparum discrimen intellexerunt, neque defuisse Garaii  
 consilium sistendi, coloniamque ibi deducendi, ni comites ob-  
 stitissent, affirmat: Panuci fluminis ripas exploratas & re-  
 giones eius vberes ac notas esse amplectendas instituerunt  
 Prasagio tactus infausto Garaius consociis sed male liben-  
 assensus est, cum precipue adderent regiones illas Panuceas &  
 Casare sibi designatas, ac regio diplomate Garaianas debere  
 dici nomine eterno permissum esse. Dum in Palmarum flu-  
 minis faucibus sisterent in anchoris, & Garaii sororium ad-  
 uerso flumine spectarent, per fluminis ripas interea ē nau-  
 bus egressi plerique vagabantur, quæ sit natura terrarum  
 explorando, in noua pleraque incidebant, parui tamen momē-  
 ti. Sed vnum inferam: Alguazillus hic in parum distanti a-  
 gro pabulantem reperit quadrupedem, cato paulo maiorem,  
 vulpino rostro argenteo colore, semisquammeum, eo modo pha-  
 leratum quo pugnaturus cataphractus armiger equum exor-  
 nat suum, est iners bellua, viso prociū homine hericiū aut testu-  
 dinis more se recondebat & capi passa est, ad naues portata  
 domestice inter homines pascebatur, sed grauioribus succedē-  
 tibus curis herba deficiente desertum animal interiit. Corte-  
 sum hic alguazillus sed vultu mæsto, quod tantarum & ip-  
 se fuerit calamitatum particeps, a veneni suspitione in Gara-  
 ium liberat, lateris ait morbo, quē pleuresim appellant medici,  
 correptum obuisse. Dum Garaius & erumnost eius comites  
 regiones eas peragraret, quæ inter Panucum & palmarum  
 ingentia flumina iacent media, quid esset trans celsos montes  
 illos qui erant in prospectu, terrasque suas vnā & mare cir-  
 cumsepiebant, interrogati accola, amplissimas iacere illic pla-  
 nitias, & magnarum ciuitatum bellaces regulos illic imperi-  
 are retulerunt. Quum vero essemus in Mantua Carpentanas

De ani.  
 mali pha-  
 lerato,



ua vulgo dicitur Madrid, comparatiue dixit alquaZillus, quo  
 acto montes hi vicini provincias has Carpentanam & Ore-  
 anā regiones à Valledoletana Burgensi que regionibus diri-  
 munt, in quibus, vti nosti, sunt vrbes insignes & illustra op-  
 pida: vti sunt Segouia, Methimna Campi, Abula, Salmantica  
 & multa praterea, ita ingentia regna ab littoralibus his an-  
 gustius disterrinari. Italia quoque hic alquaZillus se noscere  
 fines profitetur, propterea Insubriam dixit eo pacto ab Hetru-  
 ria Apenninis montibus separari. Quonam vero se habitu ve-  
 stiat Cortesius, quibus ve cerimoniis velit à presentibus tracta-  
 ri, & quo titulo nuncupari, ac tributa exigere soleat, quos ve  
 thesauros putet habere congestos, & an machinam illam au-  
 ream colubrinam appellatam viderit, de qua est fama iā vul-  
 gata, in hac verba respondit. Familiari habitu nigro, sericeo ta-  
 men indui, nec superbum quicquam ostendere prater numero-  
 sa familiae spectaculum. Multorum dico & conomorum, dispen-  
 satorum, chironomorum, cubiculariorum, portarum custodū,  
 capilatorum, archimensariorum, & hinc cetera magno regi  
 quadratā. Quatuor secum regulos Cortesius semper quacun-  
 que tendat ducit, quibus equos impartitus est, vrbani tamen  
 pratoribus, & exercenda iustitia militibus sceptratis praeun-  
 tibus, eo praterente de more antiquo prostrant se obuii  
 quique. Placide quoque ait eum suscipere salutantes, Adelan-  
 tati magis titulo quam gubernatoris, cum vtroque sit à Ca-  
 sare donatus magistratu, gaudet. Populārē curialium nostrorū  
 suspicionem inobseruantia in Caesarem inanem dicit esse hic  
 alquaZillus. Nullum se aut quenquam vidisse proditiōis in  
 eo signum, immo & paratas reliquisse tres carauelas, cū the-  
 sauris ad Caesarem mittendas, vna cum eo tormēto dicto colu-  
 brina, quā se diligenter inspexisse fatetur aurei mali capacem,  
 sed arbitrari se non tanto esse fultam auro, quanto fama est.

Cortesi  
mores.Prostran-  
tur viso  
Corteseo.



## CAPVT QVARTVM.



**A**DITV iocosum est quod nunc refer  
 Ridiculo quodam ac simplici more incolae  
 barbari transeuntes nostros ad itinera ex  
 gis prodeunt; afferuntque secum totide  
 altilia, quae sunt nostris pavonibus non in  
 nora, quot sunt viatores, si vero equis insideant carnibus di  
 pasci equos arbitantes totidem afferunt pro equis altilia. Se  
 audiat beatitudo tua quā arguti sint opifices illi barbari, qui  
 ditioni Caesaris Cortesius subegit. Quicquid oculis assequan  
 tur ita depingunt; constant, & fingunt, ut Corinthiis veteri  
 bus, qui viuos ex marmore aut ebore alia de quaque materi  
 deducere vultus sciebant, nihilo cedere videantur. Cortesi v  
 ro thesauros dicit esse non modicos, arbitrari tamen se minore  
 esse quā fama feratur, quia multos alat centuriones aut mi  
 lites, quorum est ordinarius equitum numerus mille amplius  
 peditum vero quater mille, quorum opera utitur cum ad nu  
 per victos sub freno retinendos, tum ad nouas semper terras  
 vestigandas. In australi etiam pelago immensa illius vastita  
 tis construxisse naues dixit, ut inde lineam tentet aequinoctia  
 lem duodecim tantum gradus ab littoribus illis distātem, quo  
 linea proximās & subiectas insulas perlustret, ubi se sperat  
 auri & gemmarum, aromatum quoque nauorum copiam re  
 perturum. Tentauerat & id alias, sed à suis competitoribus,  
 Iacobo Velasque & Cuba gubernatore, mox Pamphilo Narbae  
 Zo, Garaio demum perturbatus cœptam dicitur deseruisse pro  
 uinciam. Tributorum autem exigendorum modus hic est, ex  
 vno exemplo cetera colligentur. Diximus in discursu narratio  
 num Tenustitanarum ad Leonem decimum Pontificem ma  
 ximū tuæ sanctitatis patruelem, & successorem Adrianum

Industria  
incolarū.

Numerus  
militum  
apud Cor  
thium.



magnipotentem illum regem MutecXumam multos variosque habuisse principes sub ditione sua obsequentes, ingentium & ipsos ciuitatum dominos, hos Cortesius maiori ex parte debellauit, quod parere recusarent, in regnis tamen eorum è filiis & fratribus aut alias propinquis humilioribus suffecit, quo populi veteris dominorum simulachra cernendo placidius iuga tolleraret. Ex illis ciuitatibus falsa lacuna propior est ciuitas dicta Tescucus, quæ viginti circiter millium domorum conuentus est, candido est cigno candidior, quia domus omnes calceo sunt vel gipseo bitumine linitæ, foris adeo lucidæ, ut alonge spectantes qui rem nesciant ninales ibi existiment iacere parui elatos colles. Quadratam fere aiunt esse ciuitatem hanc, tribus passuum millibus longitudine, latitudine parum dispari consistare. Huic è proprio veterum procerum sanguine iuuenem præfecit. Otumba paulo cedit Tescuco magnitudine. Dedit & huic ciuitati suum rectorem, natura mitem & dicto parentem, baptizatum à suo nomine Fernandum Cortesium appellat. Harum ciuitatum magna sunt dioceses gleba feraces & auratis fluminiotum arenis nobiles. Quique regulorum ne Hispani suos terminos ingrediantur, quod sine iniuria vix fieri potest, Cortesio prebet ex composito auri pensa quotannis milia sexaginta. Pensum saepe diximus ducatum quadrante superare. Prebent & de cæteris terra prouentibus maijcio grano & altilibus ac ferinis dapibus, quibus abundant vicini montes, hoc ordine cuncti tractantur principes, pro sui quisque regni prouentibus sua mittit vectigalia. Libertate quoque sua vere frui prouincias plerasque, sine regibus, & auitis viuere legibus, exceptis humanarum victimarum consuetudinibus permittit, à quibus contra MutecXumam suppetias habuit non mediocres. Hæ tamen regiones & ipsa sua præstant Cortesio vectigalia. Guaxaca regio libera est, auro abundans, ab regia lœ. inari l. lucas distans septuaginta. Est & alia huiusmodi.

De principibus debellatis.

Laus Tescuci ciuitatis.

Quæritur ta dent reguli Cortesio?



Locpoteca nomine, pleraque & alia quæ aurea pendent tributa. Habet & ipse Cortesius suo fisco assignatas aurifodinas, has mancipiorum lacertis exhaustis, liberos ad terræ cultum exercendum, aut artibus mechanicis incumbendum soluit. Sed particulare vnum est dictu gratiosum. Guacinalgo provincia est & suo regi nomen est idem: Cortesium hic venit cum solo matris comitatu salutatum, nec vacuus quidem. Pessorum auri attulit mancipiorum humeris portata millia triginta, quæ Cortesio dono dedit. Sed, quid in obseruantia signū fecerit non est ineptum audire. Fere nudus accessit, cum alias preciosis more suo vestibus abundet, id esse consuetudinis apud eos intelleximus, ut in humilitatis argumentum impotēs potētē incultus adeat, & capite ad terrā inclinato genuque flexus, semitremul<sup>o</sup> loquatur. Sed opere præciū est audire quā felici moneta vtiatur, monetā enim habet quam appello fœlicē, quod eius adipiscendæ cupido hiatu terræ viscera minime discerpantur, neque per auarorum ingluuiem aut ingruentium bellorum terrorem ad latibula ipsius terræ reuertitur, vti aurea & argentea. Est namque arborea hæc, de qua late alias & quomodo seratur, transplantetur, cureturque sub nutricis alterius magnæ arboris vmbra, donec adulta ferre æstiuos calores & turbinum impetus sustinere queat. Gignit arbor hæc fructus paruis amigdalæ similes, integræ amari sunt gustus, propterea non comestibiles, sed poculum ex ipsis fit diuitum ac nobilium: siccata ad farinæ speciem conteruntur, prandiorum vel cœnarum temporibus metretas vel hydrias aut cantaros capiunt ministri, aquā sumunt necessariam, pulueris pro quantitate potus parandi superiniiciunt mensuram, ex vase mox in vas mixturam deuoluunt ab alto quantum eleuare lacertos datur, deiciuntque more cadentis ab imbris pluuiæ, totiesque pacto eodem concutitur donec spumam emittat, & quo spumiosior fit eo lauiozem dicunt euadere potum. Ita

vnius

Felix moneta.

Monetæ  
vſus.



Vnius fere horæ spatio potu illo conuoluto finitur parumper  
 quiescere, quo fex & crassior materia in fundo patera aut  
 metreta sedeat: potus est suavis nec multum inebrians, licet  
 qui intemperanter biberit sensus eum turbare percipiant, ut  
 fumosa nostra vina. Cacahum, arborem & fructum appel-  
 lant, vii nos auellanam & amigdalam pro utroque nuncu-  
 pamus: spumam eam quasi pingui lactis escam Hispanus na-  
 tam appellat, quam cibi & potus habere vim prædicant. Ha-  
 rum arborum & monetae particulares regiones sunt altrices:  
 neque enim ubique nascuntur aut satæ vel transportatæ coa-  
 lescent, vii de nostratibus videmus fructibus. Mala enim ci-  
 trea vel medica, quæ vulgo toronias & limones, appellamus,  
 cæteraque huiusmodi paucis in locis procreare fructus aut pro-  
 ficere queunt. A regulis igitur & eorum feracibus terris ca-  
 cahum est vectigal Cortesio, quo stipendia militibus soluit &  
 pocula conficit ac necessaria comparat. Sed apta huic dono tel-  
 lus, frumentaria rei minime confert. Commeat inuicem mer-  
 catores, & rerum permutatione agunt sua negocia. Ad eas  
 terras maïcium granum & gosampium ad vestes conficien-  
 das & vestes ipsas important, redeuntque cacaho permutato.  
 De moneta iā satis. Repeto ex his pleraque beatissime pater-  
 ne qui tuo hæc nomine nuncupata conspexerit, Leoninis vel  
 Adrianicis libellis non lectis harum rerum ieiunus euadat.  
 Sunt & qui argentifodinis polleant reguli: Argentea sunt  
 horum vectigalia, e quibus habet Cortesius abbacos onustos,  
 & perpulchre laborata tum ex argēto tum ex auro toreuma-  
 ta. Horum exemplis intelligat beatitudo tua, quid de Corte-  
 sio nostro sentiatur. Mæstū aut viusere Cortesiu ob thesauros  
 ingētes à pyratīs Gallicis ab hinc anno tercio raptatos, quos ipse  
 ad Casarē mittebat, inter quæ mira erāt tēplorum ornamenta,  
 quæ suis illi diis vnā cum victimis humanis sacrificabant.  
 Sed de gemmis & preciosis lapidibus quid dicimus?

Argenti  
fodina.



Alphon-  
sus Abulē  
sis.

Ceteris omīssis inerat smaragdus pyramidalis in ima sede hu-  
mana ferè dextera palmam æquans amplitudine, qualem, vii  
nobis in senatu regio & Casari relatum est, visus humanus  
nunquam est assequutus. Admirantus Gallicus eam dicitur à  
prædæ raptore incredibili precio comparasse. Sed in miserum  
raptæ navis prætorē Alphonsum Abulensem scuitur in hu-  
manè inuenis est nobili genere ortus, sed minime diues, captū  
retinent tetro carcere clausum, vno innixi argumēto, quod il-  
lius fidei talem gemmam & reliquos thesauros crediderint.  
Ab eo putāt, si redimi velit, viginti se millia ducatorum exi-  
gere posse. Qui gemmam norunt nullo auri pondere posse con-  
parari existimant, diaphonam, nitidam & mirè lucidā esse  
dicunt. In his Tenuitana regionibus, quod illic frigus vigeat  
ob distantiam à mari & altorum montium vicinā, licet in-  
tra torridā iaceat ad gradus octodecim, nostrum triticū si serā-  
tur coalescit, & crassiores generatur spica, grana quoque. Sed  
cum habeāt tria maiici grani genera, candidum, flauum, ru-  
brum, ex plerisque speciebus amantior est apud eos farina &  
salubrior quàm triticea. Labruscas etiam habet in siluis fami-  
liares, quæ racemos gignant grādes & sapos, sed ex eis non-  
dum vina confecerunt. Plantasse vineas Cortesium fama est,  
quid succedet tempus loquetur.

## CAPVT QVINTVM.

Iacobus  
Garsias.



DIETETER Alguazillum hūc prædictum  
qui partem satis amplam in hac trutina con-  
sequutus est, venit & nuper ab eisdem nouæ  
Hispaniæ à Cortesio domita partibus alter Ia-  
cobus Garsias Sancti Lucaris Barrameda op-  
pidanus. Ex portu Veræ crucis discessisse ait se circiter Ka-  
lendas Aprilis anni millesimi quingentesimi vigesimi quar-



ii, quo tempore iam Garaius satis concesserat. Liberat & hic Cortesium a suspicionē veneni: eodem dicit laterali morbo siue pleuresi peruisse. Cortesium & hic nullum inobseruantia signum in Casarem ostendere affirmat, ut multi prae inuidia submurmurant. Sed nihil esse Cortesio humiliter erga Regem suum ex huius & aliorum relatu habemus, tendere animum ad ruinas resarciendas in magna lacunari ciuitate tempore bellorum factas, aqua ductus tunc, quo siti vrgerentur peruicaces ciues obsesti, interruptos refecisse, ac pontes dirutos iam compositos esse, domosque multas ē disiectis reformatas, pristinamque ciuitatis faciem paulatim resumī, neque nundinas aut fora cessare, cymbarum euntium ac redeuntium eam quae prior erat esse frequentiam. Negociatorum multitudo iam ingens, ut cum Mutecuma regeret fere par esse videatur. E regio sanguine virum populi causas suscipere permittit, pratorioque sceptro vii, sed inermem. Quando inter nostros vel apud Cortesium vir iste versatur, vestibus Hispanis a Cortesio donatis induitur: dum apud suos domi, solito natali suo more vestes sumit. Pratoriam Cortesii cohortem ad sui corporis custodiam & sedandos tumultus, si exoriantur, designatam quingentorum equitum & peditum quadringentorum constare dicit, centuriones vero plures mari ac terris ad diuersa sparsos negocia cum suis quemque copiis absentes esse, inter quos Christophorus est Olitus, de quo alias, & paulo post reliqua eius facta dicemus. Quid vero parte alia missus centurio alter Aluaradus nomine egerit, pulchrum est & illustre auditu. Diximus aliquando inter Iucatanam, quae initium est nouae Hispaniae a Cortesio sic nominatae, Casare confirmante, ac vastitatem putati continentis iacere sinum ingentem, quem aliquando arbitrati sumus exitum habere ad Australes oras eius terra: in quo etiam sinu Aegidius Gonsalus Abulensis ad hanc vsque diem putat posse reperiri latū aliquod flumen

Pratoria  
cohortis  
Cortesii.

R n 9



Figueras  
sinus.

Iter Alua  
radi.

absorbens aquas eius magni lacus potabilium aquarum, de quo late in libello ab Archiepiscopo Cusentino tunc Beatitudini porrecto, inque praeunte ducali enarratione: eius sinus angulum Figueras iam dudum scitas appellant. In huius latere occidentali per varios incolas relatum fuit ciuitatem esse Tenustitana ciuitate nihilo minorem, ad leucas tamen quadringentas amplius ex omnium relatu, eiusque regem lati esse imperii tyrannum. Aluarado vestigandi quid rei sit, negocium dat Cortesius, quingentos illi tu equites tum pedites designat. Carpit iter Aluaradus ad Orientem, recta tendit, duos tantum praemittit suos qui vicina callebant barbarorum idiomata. Varias reperiēbat terras: Montanas has, planas illas, palustres interdum, aridas plerumque: varia terra variis utebantur linguis, ex omni regione linguarum garrulos cum suis praemittebat. Omisissis quae obiter illis acciderunt, ne me ipsum tuamque beatitudinem minuta recensendo fatigem, vno saltu id quod illustre auditu esse diximus, complectamur. Ex regno in regnum nuncii praeuntes cum suis ducibus indigenis ad Aluaradum leucas semper non paucas remorantem reuertebantur & explorata renunciabant, pacata omnia nuncii audita Hispanorum fama relinquebant, ausus nemo regulatorum vnquam contra eos aut acies nostras gladium exerere. Quacunque proficiscebantur aperta erant illis horrea & facies admirabundae, equis praecipue ornatibusque nostrorum inspectis, sunt namque & hi fere nudi, commeatibus & mancipiis gerulis, qui iumentorum loco sarcinas eorum ferrent, nostros iuuabant. Bello namque captos in seruitutem trahunt, ut accidit vbiq; inter omnes ob auariciam vel ambitionem gentes insanientes, ne dicam reges. Sistit Aluaradus in eius tyranni finibus, & structis semper ordinibus stat in alis, eius magni regis terminos minime calcat, ne iniuriose velle agere videatur, pro summa enim contumelia inter omnes earum terra



rum regulos habetur, si quis limites alterius ignaro domino cō-  
 tigerit, nihilque magis in vñs est inter eos quàm vindictam  
 in eo casu querere, hinc iurgia, hinc similitates, hinc bellorum  
 occasiones. Leucas adhuc ab eius tyranni regia sede centum fe-  
 re distabat. Præmittit nuncios cum interpretibus proximarum  
 illi regno gentium: regē adeunt, salutant, placide suscipiuntur.  
 Ad eius quippe aures nostrorū fama deuenerat. An à magno  
 Malinge, quem è cælo ad eas terras demissum aiunt, homines  
 Veniant, interrogat. (Malingem inuictum & potentem he-  
 roem appellant,) ab eo missos esse fatentur. An mari Venerint  
 an itinere terrestri, & si mari, quibus piraguis, id est, nauibus  
 ingentibus & aulis quibus inerant aquantibus. (Nauēs ipsæ  
 habent sed piscatorias tantum vniligneas, vñ ubique illarū  
 terrarum.) Hic se rex ille de nostratibus nauibus anno superio-  
 re scientiam habuisse professus est. Quas namque Aegidius  
 Consalus per ea maria, quæ tergum Iucatana spectant, ducti-  
 tabat, eius reguli ex pagis mari adherentibus viderant inco-  
 le plenis velis discurrere, arbitratiq; sunt marina esse mon-  
 stra & portenta nuper exorta, stupidiq; suo hæc regi nuncia-  
 rant. An quis è duobus nauī eiusmodi depingere sciret inter-  
 rogās, pollicū<sup>r</sup> est ex eis nomine Treuignus, artis lignariæ scul-  
 ptor fuerat nauclerusq; nō vulgaris, depigēda nauis in aula  
 ingeti proniciā sumit, sūt nāque reguli & primatū eius atria  
 magna lapidib<sup>9</sup> & calce structa, vñ de lacunari Tenustitana  
 dixim<sup>9</sup>. Mōstrosā hic depixit nauim. onerariā, ei<sup>9</sup> generis quas  
 Genuenses carracas nuncupant, cum sex malis & caueis to-  
 tidem. Admiratus ea mole adeo vñs diu. hesitauit rex,  
 mox quibus modis certent, ita vt dici queat ipsorum quem  
 libet pollere viribus adeo, vt facile cuique sit millia homi-  
 num posse sternere, quod se nullo pacto posse aut velle cre-  
 dere differuit, quum nihilo videat eos communem hominum

Quid sit  
Malinges.

Nauis de-  
picta corā  
regulo.

Nn ij



statuam superare, aut robustioribus vigere vultibus aut membris. Quadrupedes habere nostros dixerunt feroces ventoque velociores, quibus certent: ut equum depingeret eorum aliquis quoquo modo sciret, orauit. Equum depinxit alter e sociis vulsu toruo, multo illis maiorem, quos in tua beatitudinis exquilinio colle Phidias aut Praxiteles conflatos ex are reliquerunt, Cataphractumque in eius dorso phallerato posuerunt. His admiratus rex petiit ab eis an debellandi vicini hostis sui terminos eius infestantis provinciam sumere vellent, si quinquaginta illis armatorum millia in auxilium mitteret singulos Hispanos paulo maioris esse momenti ac virium paulo vigorosiorum, quam ceteri sint homines dixerunt, sed instructa phalange cum equitibus & machinis nullas hominum copias formidare. Redituros se ad eum ducem qui eos misit, spectatque non longe a suis finibus, polliciti sunt: quid sint, ab eo relaturi, quis sit rex, arbitrari se venturum in eius auxilium ac facile deleturos eius inimicum, ciuitatem, & quicquid suae ditio- ni paret. Se ipsum & obsequentes suos omnes in eius magni herois inuicti potestatem dediturum affirmauit, si starent promissis. His actis in obseruantia futurae argumentum adeo pronus in nostros restitit, ut cacabo moneta, quae ad eas usque oras protenditur, & commeatibus onusta illis dederit ad Aluaradi ducenda mancipiorum quinque millia, aurique in varia deducti monilia pensorum millia viginti. Regressi ad Aluaradum, latum reddiderunt. Rediit ad Cortesum Aluaradus, quae acta sunt enuciat. Eius regis magni offert oblata, diuiduntur uti equum erat. Sed e nunciis duobus ab Aluarado missis liberalitati ducum in se minime fidens alter, pensa quadam suffuratus est ex itinere. Monuit socius ne fide rupta manus pollueret, ut Cortesii Aluaradique liberalitatem experiri mallet hortatus est: socii pertinaciam expectans conticuit, dissimulauit, furti apud Cortesum incusauit socium: virgis ad aliorum exens

Regressio  
Aluaradi  
ad Cortesum.



plum publice casus est auro prodito, & ab Hispania noua exilio perpetuo multatus. Hæc circiter finem anni tertii ac vigesimi supra millesimū à quingentesimo acta sunt. Paucis mox diebus exactis refectis languidulis, & loco demortuorum suffectis recentibus, de Cortesi mandato Aluaradum ait hic nuncius cum maioribus copiis cum timpanorum reboatu ac tubarum clangoribus eo presente discessisse. Nuncius hic Iacobus Garfias unus ē senatoribus Hispaniola Marcelli Villalobos iurisperiti familiaris quondam, ad senatum ab hero vetere missus est nostrum. Quæ pro hero procurauit assequutus est. In insula Margarita liceat propria impensa condere arcem & coloniam deducere. Margarita hæc insula est contra oris draconis fauces in putato continenti, vnionum fecunda genitrix, vnde nomen illi datum est Margarita. Id si fecerit, perpetuus erit eius gubernator, ad hæredesque suos, vti moris est, imperium eius deueniet, suprema tamen potestate coronæ Castellæ reservata. Vnum restat quo finē huius nouæ Hispaniæ rebus faciamus.

Margarita  
insula.

## CAPVT SEXTVM.



CORTESIUS, ex quo pyrata ille Gallus nomine Florinus classem eius raptauit cum preciosis rebus multis, quas ipse ac reliqui nouæ Hispaniæ magistratus victoriarum participes Casari mittebant, nullas vltra præ mœsticia tantaque stragis dolore ad Casarem aut senatum nostrum dedit litteras, licet ab illis regnis multi ac sepe redierint, vnde illa est exorta defectionis à Casare suspicio. Iam dat opinionibus contraria signa, studet suæ maiestati non sibi regna protendere: & si forte Beatitudo tua secum animo verteret aliquando, an ambiguus Garaii casus sit ab eo exigendus, stri- Etæque sit querenda ratio de illius obitu, & corrigendus, si eo

Morsus  
Cortesi  
ob pirata-  
rum ra-  
pius.

N n iij



assentiente acciderit, hoc habeat à meo iudicio exceptum. Dissimulabitur, ut arbitror, talis inquisitio, neque tam potenti elephanto hac via imponere fræna tentabitur: bladius potius ac lenimentis opus fore ad tale vulnus curandum, quam irritandum satius fore censebimus. Tempus rerum omnium index æternus loquetur. Credimus tamen euenturum ut in eos sit aliquando casurus laqueos, in quos Iacobum ipse Velasque & Cuba gubernatorem, sub cuius imperio iuuenis missus ad eas terras ipse cristas in eum erexit, & Pamphilum Narbaiciu, modo Garatum, si vera est multorum opinio, ipse coniecit, ut suis locis late. Neque longe abest huius debiti solutionis initium. Ex Cuba & Iamaica, sed planius ex Hispaniola, quod tanquam ad emporium generale omnia confluunt, Christophorum illum Olitum ad freti desiderati perquisitionem ab eo missum defecisse ac per se rem agere, Cortesii autoritate neglecta, relatum est: sic dantur initia rebus. Legimus & literas quibus Aegidium Gonsalum Abulensem, de quo late in superioribus, appulsum esse ad eas memorati sinus oras dicti Figueras iam dudum notas, quo inde paulatim vestigans dulcium aquarum eum exitum queritet. Ad hæc illa eadem littora dicunt peruenisse Olitum & ab Aegidio Gonsalo triginta tantum leucas descendisse. Aiunt & Aegidium audito accessu Olui literas & nuncios concordiam & pacem offerentes ad eum misisse. Fertur quoque Cortesium Oliti defectione intellecta mittere in illum armatas copias, quibus imperat, ut Olitus capiatur vinctusque ducatur ad se, vel trucidetur. Qui Olitum norunt, strenuum esse militem nec ineptum ductorem aiunt, fuisseque ab initio bellorum non infimam victoriarum partem, sed, ut sæpe solet accidere, formidolosus iam Cortesio erat, unde sub pretextu honoris ab se illum dimiserat, quo tempore non defuerunt qui Cortesium monerent, ne viro, cui aliquando verba dixerit ignominiosa, quicquam crederet. Parte alia

Defectio  
Olii.



Petrum Ariam putati continentis gubernatorem grandem exercitum audiuius coëgisse ut eodem tendat, unde veremur, ne horum disidia cuncta trahant in ruinam. Neque Caesar aut senatus noster intelligimus, quid aliud capiamus consilii, quam frequentibus mandatis Hispaniolæ senatui auctoritatem augere, ut inde tanquam à summa potestate, tum bladiis, tum monitis & minis opera detur, ne deirimenti quicquam exoriat, ne sint discordes, ut conveniant animis, ne lese maiestatis crimine taxari velint: cadent omnes ni paruerit. Neque enim eorum opinionibus ceteri nobiles Hispani, qui & ipsi militum animos habent conciliatos, contra sui Regis observantiam assentientur. Neque armis fore sedandos motus hos censebimus: si lapsæ fidei argumenta scatere vlla sentiemus in quoquam, atramento solum & papyracea carta quicquid transuersum emerferit prosternetur. Magna quippe ac nativa Laus Hispanorum in Hispanorum pectoribus vis honoris & laudis præsertim, ut suo regi fideles esse iudicentur. Naues expectamus ab illo extero nouoque orbe in horas. Tunc, si quid turget in arcanis, erumpet, & Chirirgos ad medelam accersemus. Didici & pleraque alia non indigna relatu per fratrem Thomam Hortisium & consocios bicolores fratres dominicos probatos viros. Hi partem eam putati continentis inhabitant septennio, quæ dicitur Chiribichi, ea est Ori draconis & Parie provincia, frequenter à nobis in prioribus nominatis, regio vicina: ubi cœnobium diruisse barbaros & trucidasse cœnobitas in ducali præcedenti libello dixi. Fratris huius Thomæ Hortisii est apud nos ea opinio, ut ipso ductore sint eius ordinis Domini duodecim assignati cœnobitæ ad nouam Hispaniam mittendi, quò inter barbaras eas nationes nostræ fidei semina iactent: ab his fratribus multa prius intellexeram, quæ si bene memini, scripta dimisi ad varios principes nuncupata.

Laus Hispanorum.

Duodecim fratres ad nouam Hispaniam mittendi.



Caribana  
regio.

Chitibi  
ehenstam  
mores.

Earum terrarum incolas Canibales esse affirmant, siue Caribes humanarum carnium edaces. Est Caribium vasta terrarum quantitas, Europam superat: classibus unilignearum cymbarum structis venatum homines per insularum, qua sunt innumera, congeriem nauigasse reperiuntur, vti ad nemora sylvasque ceruos & apros alii queritant interficiendos. Caribum universalibus earum terrarum linguis idem quod fortior ceteris, inde Caribes: neque insularium quisquam nomen hos promittit sine formidine. Dicuntur etiam Caribes à Caribana regione in Fraxa sinu sita orientali, vnde sparsum id ferum genus hominum per ampla orarum spacia integras aliquando Hispanorum acies trucidarunt ad interniciem. Nudi ferè viuunt, cucurbitula aurea interdum includunt pudenda, funiculo preputium alibi colligunt, neque nisi coitus aut mictus causa solunt, nil ultra contegunt domi ociosi. Bellorum vero temporibus multis ornatibus vtuntur. Sunt agillimi, certissimas iaculantur venenatas sagittas, & vento, velocius abeunt redeuntque arcubus fultis, imberbes sunt, & si pilus erumpat forficulis quibusdam sibi eruiunt alternè, crinesque ad aures vsque dimidium scindunt. Ad elegantiam aures naresque perforant & monilibus aureis ditiores ornant, conchilibus coelurarum aut limacum variis vulgares, coronis etiam delectantur aureis, qui aurum assequuntur. A decimo vel duodecimo ætatis anno, quando iam Venereo incipiunt vrgeri titillo, arborea gestant folia toto die ad nucum quantitatem in viraque maxilla, neque tollunt citra cibi aut potus captum. Nigrescunt, ea medela dentes ad carbonis extincti tetricitatem: fœminas aut infantes ignominiose appellant nostros, quòd candidis detentur dentibus, & siluestres feras, quòd barba & pilis nutriendis intendant: ad extremum vite durant illis dentes, neque molarium vnquam dolore afficiuntur aut putrescunt. Vnquam, folia sunt mirreis paulo grandiora, mollia vti qua-



terebinthus arbor creat, lane aut gosampii mollicie si tagantur: nulli magis cultura indulgent hi Chiribichenses, quam earum arborum cura (quas vocat hay) quod ex earum foliis quascun- que gratas merces adipiscantur. Per earum arboru agros per- belle cōpositas deducunt fossas & riuulos trahunt, quibus sata irrigant ordine grato. Sepit quisque portionem suam deducto tantum funiculo gosampino ciugulo virili tenus, habent pro sacrilegio si quis vicini traiecto funiculo pradium calcauerit, violatorem sacri periturum propediem pro certo tenent. Sed quo pacto foliorum puluerem illum curent, ne corrumpatur, auditu dignum est. Priusquā in puluerem folia exiccata terā- tur, ad montanas proficiscuntur siluas, ubi coclearum & li- macum gignitur copia ingens ob humidam tellurem, ex earū conchis congestis in structam fornacem positis cū particulari quodam ligno, acri supposito igne, calcem conficiunt, eam pul- ueri commiscunt. Est eius calcis tanta vis, ut primo sumentis labra ita cōcoquantur & durescant, uti fossoribus accidit ha- bere callosas manus ob lignonum frequentem tractatum, aut si labra nostra calce viua confricuerint, assuetis non idem. Pul- uerem ita conditum in cophinos & sportas ex cannis palustri- bus miris modis intextis recondunt, seruantque ad mercatoriu aduētum, qui ad eos commeant eius pulueris habendi gratia, ut ad nundinas & fora concurratur. Maucium granu man- cipia & aurum, aut ex auro monilia, quae guanines apellant, afferunt illi ut puluerem hunc assequantur, quo regiones om- nes vicinæ utuntur ad curā dentium, ipsi tamē Chiribichenses quotis horis sputis foliis veteribus recentia sumunt. Sunt ar- bores aliae in Valle hac suis prouentibus nobiles, ab illarū v- na, vulneratis parumper ramis lacteus manat humor. Is ita relictus in picea resina speciem congelatur, diaphonum est id gummi, suffumigio grato vile. Ex arbore alia lectus eodem modo succus perimit, si eo illinita sagitta quis percutietur. Ex

Gummi  
optimum



Gosam-  
pium ar-  
boreum.

Axi piper  
commu-  
ne.

aliis arboribus Viscum manat, eo captant Volucres & ad vi-  
sus alios utuntur. Gacirma est arbor alia moro similis, & mo-  
ra fructus procreat nostratibus Europeis duriora esui apta re-  
centi. Ex illis madefactis prius sapā extorquent, optimam pur-  
gando gutturi & raucitati tollende commodam. Ab huius  
arboris ramis exiccatis ignis vii ab filice percusso elicitur.  
Citreas & huius Vallis latera familiares habent arbores pro  
ceras odore grato aut oppleri vestes & seruari a tineā in cap-  
sis conditas citreis. Sed si panis includatur seruadus fit ama-  
rior felle & ingustabilis, inde vii diximus ex tabulis illis co-  
pactae naues euadunt a corrodentibus Vermibus. Gosampium  
arbor alia generat quae moro maior est, decennio perit, idē ac-  
cidere in Hispaniola pluribusque locis aliis in hoc orbe nouo  
diximus in praesenti libello ducali. Iactant patres hi bicolores  
gosampii hoc preciosius esse nostro Europeo quod feritur quo-  
tanis, neque canabis caule superat altitudine: plerisque in par-  
tibus nascitur & Viget hoc tenue in Hispania in agro As-  
stigitano praecipue. Est vulgaris in hac Valle suapteque natu-  
ra creatur casae fistula arbor ingens. Neque praetercundum est  
aliud huius Vallis commodum: apud Chiribichenses in abstru-  
sis secessibus alicubus creari putarunt arbores cinamomi al-  
trices ignotas incolis, aut saltem praetermissas, quia nullum est  
apud hos habitatores genus aromatum in usu praeter piperis  
eius, de quo late alias & saepe, quod appellant axi, peculiare  
adeo ut non minor sit apud eos omnes eorum fruticum copia,  
quam apud nos Vrticarium aut Maluarium. Exemplo est arbor  
vi fluminis inundantis raptata in litus maris caenobio suo  
proximum proiecta, tractam arborem in siccum ad usum co-  
quina scindere studuerunt, ex assulis omnibus suaves prodi-  
bant odores, gustarent corticem, non ineptum cinamomi sapo-  
rem inesse senserunt, licet ex longa temporis intercapedine &  
concussu torrentis semicorruptus esset truncus ille. Iudex rerū



omnium tempus hac & multa prater ea, quae adhuc latent, nobis aperiet. Sex dierum numerum legimus creatorem rerum sibi assumpsisse ad formandas ordinēque suo cōponendas vniuersae machinae fabricas. Nequimus nos vno spiritu cuncta tantarum rerum secreta indagare. Eius fluminis aquas frangendis purgandisque renum & vesicarum calculis aptas esse ferunt, sed oculorum nubes generare. Ex fonte quoque auius scaturire materiā eius ignis inextinguibilis, qui dicitur vulgò ignis alchitrani, ab Italo arbitror vulgo ignem dici graecum.

## CAPVT SEPTIMVM.



ST argumento notabilis res alia, quod ea sit vallis aromaticarum genitrix lasciuarum. In exortu solis & sereno tempore per vallem totam miri vapores ab auris matutinis impulsis sparguntur. Sed si nimis auidē hauriantur naribus, capiti esse noxios & generare grauedinem, vti apud nos accidit in multis herbis, & imo praecipue neque muscum prodest naribus admittere, licet alonge sapiat eius odor, pluuio autem aut nubilo tempore cessant odores illi. Parit poma arbor alia in ripis fluminū quae comesa vrinam prouocant & emittere cogunt ad sanguinis colorem. Alia gignit egregia pruna his similia quae Hispanus monacales appellat. In iisdem ripis alia fert poma quae perimunt, si comedantur, licet dulcia, in alueis cadētia ea poma ab piscibus eduntur, in varios cadunt merbos ignotos qui eo tempore pisces comederint, frater idem Thomas HortiXius gustasse parumper non comedisse tamen dicit se de pomulo, acrodulci mixtum contendit habere saporem, nouit id paululum, haustus olei veneno est medela.

De variis  
arbori-  
bus.



De variis  
herbis.

Quadrupedes  
varii.

De iuganibus.

Umbra quoque huius arboris pomifera capiti nocet ac visui oculorum, canes, & catos, quodcunque etiam quadrupes aliud perimit pomorum esus. Arbores & alias creat ea tellus multiformes: ab una succus manat, qui compressus coagulato recenti lacti est similis & esui aptus. Emittit arbor alia gummi saccharo rosato non vilius. Herbas & odoras suapte natura tellus illa germinat, optimum passim legi potest. Beta crescunt illic ad virilem staturam. Trifolium apio grandius, portulaca ramulos edunt pollice crassiores: coalescunt illic olera & hortensia quaque ab cœnobitis allata, ut melones, cucurbita, cucumeres, raphani, cariota, pastinaca. Mortifera nascuntur & illic herba, una precipue palustris tricoctalis, in ferræ modum acutis cuspidibus armata. Ea si quem incautum pupugerit, querulum dimittit. Nascuntur & in eo mari herba quæ vi ventorum eruta spargunt & plerunque retardant naues. Quadrupedum est & volucrum patriarum memoratu digna in hac regione Chiribichensi varietas. Ab utiliori ac magis noxio quæ sunt opposita incipiamus. In primis & subsequentibus meis libellis de quadrupedibus quibusdam anguibus aspectu feris facta est crebra mentio, Iuganas vocant, dicunt alij Iuanas. Utilis est esui bellua, neque inter lauta edulia abiiciendum animal. Sunt & eius oua, quæ more crocodili aut testudinis gignit paritque, egregii nutrimenti & gustus. Lacturam ab illis non exiguam bicolores fratres recipiebant, qui septennio illas incoluerunt terras. Erecto vii diximus cœnobio noctu aiunt se ab infesta iuganarum multitudine velut ab hostibus plerunque circumseptos: non ut illas ad sui tutelam lacefferet surgebant è lectis, sed ut perterrefacerent & exterminarent ab frugibus, & hortensibus melonibus precipue suo tempore satis & cultis, quibus libentes depascuntur. Iuganarum venatui vallis eius habitatores indulgent ad esum, sagittis repetas perimunt, capiunt & plerique viuas dextra in ceruicem



niecta belluæ, quæ iners est licet aspectu formidoloso, ore aperto cū fero dentium ostēsu minari videtur morsu, sed anseris more sibilantis torpescit; nec audet impetere: tantus est earum fœtus ut gregem delere penitus nequeant. Ex maritimis antris & specubus, ubi germinantur, noctu ad pastum turmatim exeunt quarendum, vescuntur & pelagi excrementis, quæ retrocedens mare in littoribus relinquit. Vāstrum aliud nutrit terra illa animal, & crudele, gallico cane nō minus, raro visū. Primo noctis crepusculo prodit ē siluarum latebris, pagos adit, circuit domos plorando elatis vocibus ita ut infantem percussū esse ignari artūs illius arbitrentur. Priusquam rerum experientia vicinos instrueret, sallebantur multi, ad vagitus incauti exhibant, aderat monstrum, raptabat miserum & ictu oculi lacerabat in frustra. Longa temporis intercapedo & necessitas, quæ sopitōs excitant animos, contra fera belluæ naturam remedium inuenerunt. Si quis iter noctu sit capturus, accēsum exportat secum titionem rotatque eundo, eo inspecto fugit monstrum, velut ab furētis gladio timidus homo, per diem visum fuit nunquam. Infestantur & à crocodilis in sinibus præcipue semotis ac cœnosis, capiunt plerumque catulos eorum & comedunt, à veteribus absterriti abstinent. Ederūt fratres ē crocodilo, carni asinina molli par esse aiunt, gustum inspidum, uti aliās dixi de Niliacis crocodilis in legatione mea Babilonica pro Catholicis Fernando & Elisabetha regibus. A fœmina prodit odor musco lasciuo similis. Siluestres creat catos ea telus, amplexu natos gestat mater inter arbores serpens, sagitta tunc matrem feriunt, quæ cadente mortua capiunt parvulos, illos ad delicias habent, uti nos cercopiū hecos aut simias, à quibus differre in immensum dicunt fratres, præhendunt ex illis tensis in fontium marginibus laqueis. Trans monstratos digito montes montanas habitare feras dicunt incolæ, quæ vultu pedibus, manibusque virilem formam emulentur, & rectā

Crudele  
animal.

Silue Res  
cati.



De Cappa  
animali.

De arana-  
ra anima-  
li.

De arane  
Fatidum  
animal.

interdum facie stare pedibus & ambulare, vrsos esse arbitra-  
tur qui hæc audierunt; viderunt minime. Versatur in eorum  
siluis animal aliud asino grandius, ferox, canibus infestum  
obuium quencunque raptatum aufert secum, vti lupus au-  
leo pecudem, tres canes cœnobii custodes raptarunt fratribus  
vestibulo, huius est à cæteris animalibus forma pedum valde  
diuersa, calceo gallico similis est vngula, a fronte lata & ro-  
da non scissa, a calcari acuta, nigrum est & villosum, aspectu  
formidat hominis, Cappam appellat quadrupedem incola. Nu-  
trit & pardos ac leones, sed mites ac minime noxios, ceruorum  
est numerus ingens, sagittis ceruus insequitur incola venator.  
Cane nihilo grandius est gallico animal aliud nomine Ara-  
nata, huius effigies humana, barba densa, spectabile ac venera-  
dum aspectu, manus ac pedes & os habent humanis si-  
miles, fructibus arborum vescitur, inter arbores serpens vti catus aut  
simia gregatim incedit rugitque adinuicem aliquando, vti  
fratres cœnobii a primo appulsi demonum putarent esse agmi-  
na, præ sui aduentus rabie ad eorum terrorem obstrepentia.  
Dexterrimum est animal, iaculatas in se sagittas scit euitare,  
ac manu capere & remittere ad percussorem: simiarum aut  
cercopithecorum speciem arbitror ego esse, cœnobii a negat. Est  
aliud è gestu mirabile, strigosum, cubitales loco stercoris emit-  
tit colubras: vnum domi nutrisse fratres ipsi, vidisseque se a-  
perto experimento rem asserunt. Quo solute tendant colubra  
interrogati, ad vicinas dixerunt siluas, vbi vitam agunt bre-  
uem. Putet animal super quaecunque proiectum ad sterquil-  
inia cadaver foetidum, inde putoris eius impatientes interfici  
animal iusserunt, vulpem rostro, pilo lupum imitatur. Quan-  
do in infantum ventribus vermes passim creari, neque senes  
ab ea peste immunes, atque vna cum excrementis emitti vi-  
uos didici, quos mutato nomine vulgus lombricos appellat, cur  
& illud accideri posse non crediderim, talibus præcipue viris

id



id affirmantibus? Est aliud quadrupes miro natura instinctu  
 victu quæres: formicarum, uti de pico aue didicimus, est venator,  
 acuto constat rostro spitamali, oris loco foramen tantum habet ro-  
 stri cuspide, unde linguam exerens oblongam, in cubilia formicarum  
 in arborum cauernulis latentium protendit, & motu lingue  
 colludendo eas pellicit, ubi formicis sentit esse refectam, retrahit,  
 & eo pacto formicas deglutiens depascitur. Phaleratum & id  
 animal, de quo sepe tellus illa procreat. Apris, ericis spinosis,  
 & porcis histicibus, & mustellarum speciebus variis abundat:  
 variis quoque volucribus ornata est, & fatigata onocrotalis,  
 de quibus late in ducali precedenti. Vespertilioes uti culices  
 noctu dormientes aggrediuntur. Quicquid in homine detectum  
 reperit vespertilio, ausu imperterrito impetit, ac ferit repentino  
 morsu, sanguinem sugens. Sed auditu gratiosum audiat tua  
 Beatitudo casum, qui a vespertilionis morsu euenit. Laborabat  
 ad extremum vite cœnobitarum familiaris graui pleuresti,  
 cum ardenti flebotomia indigebat, bis terque tentat venam, ne-  
 que guttam sanguinis extorsit ullam sua nouacula flebotom-  
 ator, pro morituro intra paucas horas relictus, extremo vale di-  
 cto abierunt fratres, ut sepulture illius parande intenderent.  
 Adoritur vespertilio derelictum, pedis unius detecti agrote  
 venam aperuit, sanguinis suctu satur vespertilio, euolauit, ve-  
 nam reliquit ruptam. Ad desertum fratres mortuum esse  
 putantes in exortu solis veniunt, viuum & alacrem ac  
 fere incolumem reperere hominem, conualuitque prope-  
 diem, ministerio intentus prisco. Vespertilioni medico gra-  
 tie aguntur. Perimunt & suo morsu catos, canesque, ac  
 gallinas. Vocat vespertilionem incola vere: de rebus nomi-  
 na quæ dant, dant pauca. Sunt & corui non corui nigrantes  
 aues, aduncum rostro aquilino, rapaces, sed in volatu pigri, uti  
 videmus de aue tarda in Hispania familiari, ansere maiore:  
 circa solis occasum exit ab his halitus fragrans, per meridiem aut

Res audi-  
 tu gratio-  
 sa de vesp-  
 pertilio-  
 ne.



Ataia re-  
gio salinis  
nobilis.

Tritones.

Quibus  
accibus ca-  
pian pis-  
ces.

sub aëre crasso minime. Perdices, turtures, palumbes, numero ibi creantur in numero, passerulos etiam nostris regulis minores habent. De industria architecturae in conficiendis nidis, quo sobolem à rapacibus volucris & belluis aliis tueatur, mira referunt. Ataia esse Chiribichensibus vicinam regionem, salinis nobilem diximus aliquando, eius littora percurrabant Hispani: qui oculos in mare habebant protentos, ceteris aut ludentibus aut alàs ociosis, superne rem ignotam videre natantem, intuitu fixo quid esset pensitando, caput humanum crinitum & densa barba fultum, ac lacertatum se vidisse professi sunt. Donec taciti prospectarunt, secure monstrum naui aspectu admiratum vagabatur, clamore ingenti socios excitant, sono vocis audito monstrum exterretur, submergitque se, latentem sub aquis corporis partem ostendit, in piscem desinere cauda inspecta, cuius concussu undosum fecit maris tranquillum locum, observabant. Tritones esse arbitramur, quos fabulosa vetustas Neptuni tubicines appellat. Apud Cubaguanam insulam vnionum piscatu famosam, Margaritæ insula vicinam fuisse visum eius generis monstrum aliud retulerunt plerique. In Oceano Cantabrico nostro virginæ voces harmonice cantantes certis anni temporibus audita referuntur, horum putant esse concentus, quando prolis gignenda appetitus in Venerem excitantur. Piscium nobis ignotorum assequuntur multa genera, duobus præcipue passim fruuntur, assant vnum & seruant vti nos salitos petasones, alias etiã carnes & pisces ad futuras necessitates condimus. Aliud genus elixum pin sunt, in massæ triticæ modum, mox in globos reductum, aliarum rerum peregrinarum permutatione, vicinis ea merce carentibus impendunt. Capiunt autem pisces duabus artibus. Quando piscationi generali animus est intendere, quâ sciunt eorum piscium versari copiam, iuuenum cogitur in-



gens multitudo, à tergo gregem silenter in latam coronam in-  
 structi, vi leporum venatoribus accidit, circumueunt sub-  
 merguntque se vna omnes & in aquis more chori cantum,  
 paulatim virgis, quas dextera gestant, dexterissime agitat &  
 aperta laua, ut in caulam pecudes, gradatim ad littorales are-  
 nas impellunt, ibique sportatim in siccum predam proiciunt.  
 Non miror ego fieri posse hoc, quod in alueo. Nili mihi ipsi ac-  
 ciderit, quando aduerso flumine ad Soldanum proficiscebam,  
 anno abhinc quarto & vigesimo, nauibus quæ me comita-  
 rumque meum & palatinos ad me à Soldano missos vehe-  
 bant, in ripa recentium commeatuum sumendorum ratione  
 morantibus, animi causa, quod mihi exire in terram ob Ara-  
 bes vagantes non erat tutum, panis frustula de accolæ vnius  
 consilio proiciebam in fluuium, pisciculorum aggregata est ili-  
 co multitudo, adeo secura, ut submitti sibi sportas pateren-  
 tur, certatim ad natantia frustula panis, vi ad mellitum ali-  
 quid rabide muscæ, accurrerunt, sportas mox eleuabamus re-  
 fertas, idque ad libitum reiteratio facere licebat. At tamen in-  
 terrogati accolæ cur tanto tempore vigerent eorum pisciculo-  
 rum turmæ, non comedi ab eis pisces, quod noxi sint intelle-  
 ximus. Fui ego monitus ne ullum ex eis manu caperem, spinâ  
 in eorum dorso rubram ostenderunt, studere piscem, vi apes  
 aculeo, spinæ cuspidem capto rem ferire. Chiribichensibus non  
 est ea cura, sunt commodi pisces hi. Genus alterum piscatio-  
 nis tutius est & generosum, noctu intra scaphas ardentes por-  
 tant tadas, & quæ experimento noscunt magnorum piscium  
 versari greges, proficiscuntur, tadas extra cymbarum spondas  
 circumrotant flammantes, ad lumen properant piscium ag-  
 mina, fuscis & sagittis iactatis perimunt ad libitum, salito-  
 sosque vel sub ardenti sole desiccatos in cistas componunt, ve-  
 iurosque ad eorū fora mercatores expectant, de marinis pariti-

Alterum  
 genus pis-  
 candi.



Insectorū  
& serpen-  
tu mul-  
ta genera.

Apum  
tria gene-  
ra.

bus satis. Nascuntur & illic insectorum & serpentum mul-  
ta genera. Salamandra Chiribichenses humana sunt palma  
latiores, morsus earum letalis est: Vii pulla gallicina rauca  
quando incipiunt optare maritum, noctu crocitant. Aspides  
cauda aculeo ferientes, sibi passim reperiuntur, eorum cauda  
cuspide sagittas inficiunt. Araneæ sunt versicolores, visu for-  
mosæ, nostris duplo maiores: tenax est earum tela & aspectu  
digna, quæcumque volucris passere minor aut par passeris, si ce-  
ciderit in eam, irretitur, vi non parua opus esse inquit cæ-  
nobitæ ad infringenda fila. Araneis & ranis ac vermibus  
quibusque, pediculis etiam sine horrore vescuntur, licet in cæ-  
teris sint stomachosi adeo, ut si quid non placitum viderint  
eorum quisquam, euomit repente quicquid stomacho inest. A  
quatuor culicum generibus infestis se hoc pacto tuentur mul-  
ti, obruti arena, faciem frondibus contegunt inter ramos, ut  
spirare queant, exigui sunt noxiores. Apum sunt genera tria,  
in alueareis duo mella congerunt more nostrarum, genus ter-  
tium exile ac nigrum in siluis mellificat sine cera. Pulliculis  
apum vescuntur incolæ libentes, crudos, assos & interdum e-  
lixos comedunt. Vespæ duo sunt genera, vnum innoxium,  
valde molestum alterum, hæc domos, illæ siluas inhabitant. In  
sinibus quibusdam maritimis angues magnæ molis creantur,  
si dormire nautis acciderit, apprehensa cymbæ sponda, in na-  
uium serpunt & perimunt sopitos ac lacerant & comedunt  
socialiter, uti vultures ad oblata cadauera. Ceteris anni tem-  
poribus à brucis, cruce & locustis in arborum germinibus in-  
festantur, in maïcio grano, nisi cura ingens adhibeatur in eo  
desiccando & locando in horreis, gurgulio nascitur, & rodit  
medullam cortice relicto, ut in fabis & alicubi in tritico ac-  
cidit. Sunt & illic noctiluci familiares, quibus in ducali præ-  
cedenti diximus ad culicum remedia, & lucem noctu præ-  
bendam eos uti. Maris eius dicunt certis anni temporibus lit-



tora ad colorem sanguinis rubescere. Interrogati senescentes, quid causa insit, quod ingens multitudo piscium oua eo tempore egerat, quæ ab undis raptata, superne cruentum colorem illum dent aquis, putare se aiunt, affirmant minime: erit in manu querentium in ossium superficie medullas credere, vel genuinos tabe liuoris inficere super his & multis praterea. De quadrupedibus, volucris, & insectis, de arboribus, herbisque ac succis, aliisque rebus huiusmodi iam satis. Ad hominum gesta & vitæ seriem tendamus arcum.

## CAPVT OCTAVVM.



**S**UNT Chiribichenses auguriis deditissimi, De natura & moribus Chiribichensium.  
sunt ludorum, cantuum & sonorum amatores, in crepusculo viroque variis instrumentis & cantibus se alternè salutant, perpetuos octo dies interdum psallendo, cantando, chorizando, bibendo, & comedendo consumunt, ad extremam vsque lassitudinem sese aliquando concutiunt. Cantus eorum ad mœrorem tendunt, ibi suis quique monilibus instruunt, aureas hi coronas capitibus imponunt, conchas maritimis & limacum tegminibus colla ac suras pro tintinabulis ornant, pennarum cristas diuersorum colorum alij sumunt, ad pectora bullas aureas appendunt alii, quas appellant guaninnes, sed omnes sese variis intingunt herbarum succis, & qui turpior nostris oculis videretur ab eis elegantior iudicatur, ita coacti in arcum modò, modò stricto cuneo, dein rotundi corona connexis manibus, mox solutis, mille saltibus variis & tripudiis, semper canentes in gyros sese voluunt, euntes ac redeuntes cum variis vultuum gestibus, labellis interdum clausis ac silentes, apertis modò vociferantes. Cœnobile hi aiunt vidisse illos aliquando sex amplius horas, sine ulla intercapedine in huiusmodi vanis ac laboriosis motibus cōsumpsisse.

O o ij



Quando moniti per praefatos ad primarii alicuius reguli atrium circumuicini sunt conuenturi, regum familiares itinera, euulsis herbis & abiectis lapillis ac spinis & paleis sordibusque aliis omnibus, verrunt & purgant, & si opus est latiora reddunt. Qui a pagis veniunt vicini, ad funda iactum ab atrio reguli sistunt, in aperto campo sese instruunt, & ordine composito iacula, quibus ad bellum viuuntur, & sagittas psallendo tripudiandoque concutiunt, & voce tremula submissaque primo cantantes paulatim gradiuntur, mox quod propius accedunt voces & cantus reiteratos eleuant, idem ferre semper promendo, verbi gratia: serena dies est, dies est serena, est serena dies. Cuiusque pagi dux unus tripudiorum & cantuum regulam praebet ceteris, qui tanto duci respondent concentu, ut una in multis vox esse videatur, & in multis motibus motus unus. E ducis illius necessariis praecedat agmen versis vestigiis unus usque ad atrii valuas, domum dein sine cantu, piscatoriam hic fingendo artem, venatoriam alius, modeste tripudiando ingrediuntur, oratorio more dein laudando regulum & genitores eius alte sermocinatur alius, Orionis quidam gestus, oculos modo torquendo, modo recte spectando, confingit. His actis pedibus sub se reductis solo sedent omnes taciti, comeduntque ad crapulam ac bibunt ad ebrietatem, quoque intemperantius quis potat, eo valentior habetur. Feminae tunc modestius utuntur potu, quo maritorum prostratorum ebrietate liberio rem curam habere queant, est namque data sua cuique viro in custodiam, donec bacchanales hi ludi durant: foeminarum etiam opera utuntur his temporibus ad potuum & ciborum sarcinas ad conuentus locum deferendas: haec virum pocula porrigunt hoc pacto, primo sedenti propinant foeminae, surgit is, viciniore porrigit pateram, ille alteri vicino hic, donec ordine suo numerus impleatur. Turgidum vidisse ex illis aliquem effectum praenimio potu

Bacchana  
lia viuunt.



aiunt fratres, ut pregnantis similis esse videretur. Post hæc ad iurgia & querimonias præteritarumque iniuriarum recitationes se conuertunt, hinc duella & promocationes & cætera discriminat hinc multa inchoantur inimicitia, hinc multe veteres repullulant vindictæ. Quando iam surgere posse datur ut domum reuertantur, cantus iterum ad mœsticiam pro nos excitant, fœminæ præcipue tristiores. Ab homine multum distare asserunt temperantem, quia futurorum expertem remanere oporteat eum qui ebrietate non corruat. Arti magicæ ut infra suo loco dicemus, sub magistris inuigilant, tuncque demonum commercio & colloquiis vsos fuisse prædicant, quando per ebrietatem sopito spiritu magis grauantur. Vnde præter vini potû alterius herbe inebriantis suffumigio vtuntur quo plenius iaceant inertes, sumunt & alii succos herbarû ad vomitû excitâtes quo stomacho euacuato crapulæ & ebrietatē quæat reiterare. Intersunt & symposiis eorû virgines, hæc surarû sibi & fœmorum partes, quæ proximæ sunt genibus, staminis glomis inuoluunt stringuntque acriter, quo suræ ac fœmora crassiora tumescant, elegantiores ea ineptia se putant apparere amantibus, de cætero nuda. Nuptiæ vero fœmoralibus vtuntur gofampinis ad pudenda tantum contegenda. Bellica hi formant variis modis compacta instrumenta, quibus modo lætitiâ, mœsticiâ interdum & furorem incitant, ex magnis conchis maritimis funiculis transuersatis aliqua componunt, ex ceruorum ossibus & fluuiialibus cannis fistulas diducunt. Tympana quoque parua picturis variis ornata efficiunt, ex cucurbitis etiam & ex euacuata trabe grandiore virili lacerto formant. Nocturne ferè semper more præconum ex altiore cuiusque pagi domo vociferant multi, respondetur ab vicino pago non negligenter. Interrogati cur eam sibi sollicitudinem induerint, quo sui hostes nequeant eos reperire incautos, si repente occurrerint aiunt, perpetuis nanque sese bellis inuicem



Habenti.  
dioma  
difficile  
intellectu.

Venenatis  
uton  
iur iacu  
lis.

conficiunt. Difficilia intellectu inquirunt esse eorum idiomata, quod vocabula proferant omnia sincopata, uti poetis licet deum dicere pro decorum. Ante solis exortum si calor vigeat, si vero frigus in exortu, singulis diebus sese lauant, & ad elegantiam plerumque unguento quodam viscoso sese inungunt, & volucrum pennis superimpositis totum corpus cooperiunt: lenones aut magas Hispani praetores hoc pacto e carceribus educunt in publicum contumeliae causa, in admissi facinoris poenam. Neque frigus neque calor multum urget Chiribichenses littorales, licet sint aequinoctio proximi, decimo vix nostri poli gradui subiciuntur: tendit ea tellus ad antarcticum, uti alias dixi, trans lineam aequinoctialem gradus quatuor & quinquaginta, ubi sunt brevissimi, quando apud nos longissimi dies, & e contra. Inter eos ille potentior habetur & nobilior, qui auro & cymbis uniligneis locupletior est, qui de pluribus propinquis fultus est, & praeclare gestis maiorum polleat aut suis. Si quis alteri fecerit iniuriam, caueat sibi, ignoscunt nunquam, proditoriè querunt vindictam. Sunt maiorem in modum iactabundi, arcibus & sagittis venenatis delectantur, aspidum aculeis caudarum, quarundam etiam formicarum capitibus, venenatis etiam herbis contusis aut pomulis, de quibus alias, & succis arborum stillantibus eas liniunt, neque omnibus datum est medicamenta illa temperare. Vetulas habent eius artis peritas, has suis temporibus inuitas includunt ad id ministerium praebitis materiis, biduo continent & decoquunt unguentum, peracto domum aperiunt, si vetulas incolumes reperiunt, quin semimortuae iaceant ob vim veneni, gaudi poena conficiunt, (tantam enim esse vim eius asserunt, ut opifices quosque odore solo dum componitur fere trahat ad interitum,) & tanquam rem inutilem unguenta proiciant. Vulneratum perimit ea tabes, sed non repente, remedium e nostris nullus unquam reperit, ipsis vero notum est. Durissima est vulnera-



to post id vita, quoniam à multis, quæ placita esse soleant, abstinere illum oporteat, à Venere primum per biennium saltem, & toto vita tempore à vino ciboque ultra naturæ solam necessitatem, & à laboribus: ab his nisi cauerint, mora sublata moriuntur: vulneratos aiunt cœnobitæ se vidisse plerosque, quod crudis bellis se mutuo conficiant, mortuum neminem præter fœminam vnā (certant nanque vna cum viris fœminæ,) ea vulnerata medela angustias subire recusauit: extorquere ab eis nostri nunquam potuerunt, quo medicamento sit opus ad eam curam. Arcus inter se cum globulis cereis aut ligneis loco sagittarum à pueris exercent. Dum nauigant cantor sedet vnus in cymbæ prora, cui remiges secuti punctum ordine grato respondent vniformes remos agitando. Fœminæ vt plurimum adolescentiam & iuuentutem sat honeste peragunt, grãdiores sunt inconstantes. De generali more fœminarum, quibus aliena magis placent quam sua, Christianos magis amant: currunt, natant, psallunt, & motus omnes exercent non ineptius quàm viri: partus leuiter emittunt, nullum doloris promunt signum, nec lecto recumbunt, nec blandimenta expectant vlla: infantuli ceruices duobus premunt puluinaribus, à fronte vno, ab occipite altero, stringuntque ad oculorum rupturam, placet illis plana facies. Puellas nobiles biennio cubiculis parentes includunt abstrusis, neque in aërem eo tempore, cum aliàs ob solis & aquæ frequentem vsum suffusæ sint, progrediuntur: coram scindunt nunquã clausura durãte. Ea seueritate custoditas multi optat habere vxores, hæc si prima sint mariti vxores, coluntur à ceteris quas habet ad libitum primates, populus vna cõtetus viuit, ignobiles vero maiori ex parte obsequium petenti præstant. Post nuptias cauēt ab adulterio, si acciderit, à fœmina crimen non exigitur, de adultero queritur vindicta, repudiari vxor potest. Ad huius primæ seueræ puellæ nuptias vicinia inuitatur vniuersa, fœminæ conuiuæ, potus



Quibus  
moribus  
viantur  
celebran-  
dis nu-  
ptiis.

& dapium secum afferunt humeris sarcinam singulae vix-  
rendam. Viri palearum & culmorum singulos fascies ad con-  
struendam nouae nuptiae domum portant, ea trabibus erectis i-  
modum castrensis papilionis erigitur, domo constructa sponsi  
vterque pro facultatibus ornatur assuetis monilibus. & va-  
riorum colorum lapillis, quibus qui carent mutuo à vicinis ac-  
cipiunt, tunc noua nupta cum virginibus seorsum sedet, spon-  
sus apud viros. Circumeunt vtrumque cantantes,  
hunc iuuenes, illam puella: addit crinitonfor, sponso  
capillos ab aure scindit, sponsae mulier, in fronte solum ad  
supercilium, ab occipite restat crinita. his actis nocte aduentan-  
te, viro sponsam manu porrigunt, ut ea vtatur ad libitum da-  
tur venia. Habent & feminae pertusas aures, quibus moni-  
lia suspendunt, masculi vna praeferunt, feminae cum homini-  
bus nunquam. Curam rei familiaris amant & exercent ipsae:  
mares rei bellicae, venatus, piscationi, & ludis inuigilant. De  
moribus & vita illorum multa hic praetereo, quia in prece-  
denti diali sat late in senatu nostro recitata fuisse memorauimus,  
e quibus vereor ne hic sint aliqua non necessario repeti-  
ta, septuagesimus quippe annus aetatis, cui nonae quarta Fe-  
bruarii anni millesimi quingentesimi vigesimi sexti proxime  
ruentis dabit initium, sua mihi spongia memoria ita confricando  
deleuit, ut vix è calamo sit lapsa periodus, quando quid egeri  
si quis interrogauerit, nescire me profitebor, quia praecipue  
diuersis ista temporibus & à variis hominibus notata ve-  
niunt ad manus. Tria nunc restant, quibus forte narratis clau-  
damus opus, ni recentia nobis afferantur. Quo pacto magi-  
cam discant & exerceant artem homines ferè nudi & incul-  
ti, quibus mox pompis sua tractent funera, demum quid cre-  
dant futurum obeuntibus. Artis magicae gnaros habent ma-  
gistros, hos appellant Piacas, his assurgunt, hos vii numina co-  
lunt, decennes aut duodecennes è puerorum cœtu deligunt,  
quos ei ministerio à natura deditos à coniecturis fore cogno-

Conqueri-  
tur autor  
de memo-  
ria debili-  
tate.

Ad finem  
opetis tē-  
dit.



eunt: uti ad grammaticorum & rhetorum nos scholas pueros  
 dirigimus nostros, ad abstrusos illi nemorum secessus mittunt  
 suos. In magalibus sub veteranorum præceptorum regula bi-  
 ennio Pythagorea duriores agunt vitam, institutaque imbibunt  
 seueriora. Ab omni genere rerum sanguinem nutrientium,  
 cum solo aquæ haustu & a venereo actu, aut solum cogitatis  
 abstinent, si ne parentum aut propinquorum vel sodalium  
 ullo commercio viuunt. Præceptores solis durante luce mini-  
 me vident, noctu adeunt ipsi discipulos, non accersunt. Dæmo-  
 nes excitantia dictant pueris cantica, & vna curandi egrotos  
 viam ostendunt: biennio peracto ad patrios lares regrediuntur.  
 Ab piacibus magistris adeptæ scientiæ testimonium secum  
 afferunt, ut ex Urbibus Bononia, Pavia, vel Perusia qui docto-  
 ratus titulum affecuti sunt, aliter eruditus artis medicæ usum  
 exercere non auderet quisquam. Vicini affines aut amici suos  
 minime ad medelam, si egrotet, admittunt, alienos accersunt, &  
 hos alii reguli præferunt. Pro morbi varia natura, variis curat su-  
 perstitionibus, & variis ipsi præmiis afficiuntur. Si lenis dolor ia-  
 cētē premit, somptis ore quibusdā herbis admouet ad locū dolo-  
 ris labra & vi summa lalando exugit, attrahereque ad se le-  
 dentē videtur humorem, mox domo cum vtraque maxilla turgētī  
 exeuntes, expuunt & excreant reiterato, breui aiunt egrotū  
 fore incolumem, quod eo suctu & lalatu morbus ē venis eius  
 sit extortus: sed si acriore vrgeatur infirmus febris aut dolore,  
 aut alia quauis valetudinis specie prematur, aliter se habent.  
 Aegrum adit piaces, paxillum ex arbore sibi nota non vul-  
 gare ad vomitus incitamentum manu gestat, in paropside vel  
 in catino aqua pleno paxillum proiicit ut madescat, apud iacē-  
 tē sedet, demone pressum esse ait aegrum, credunt præsentēs re-  
 ferenti, ut operam impendat suam ad remedium, orāt piacem  
 propinqui & familiares. Inualidum adit, totum eius corpus,  
 modo quo diximus, lambit fugitque tractim & carmina sub-  
 murmurans promit, demonem se dicit eo pacto ab egroti me-

Magica  
 artis eādē  
 dati.



dullis euocare, attrahereque ad se demonē, mox arrepto paxillo madido, palatum sibi confricat ad vnam, dein vsque in guttur paxillum dimittit & vomitū stimulat, vrgetque, donec quicquid cibi stomacho imo & prope inest euomit, anhelospiritus, nunc tremulo, modo submisso, se se totū concutit, voces & gemitus tauro iaculis in stadio percusso acrius mugit, pectus plangit, guttatim, vti ē tectis imber, duarum horarū spacio sudor defluit. Se id vidisse asserunt bicolores cœnobitæ, miratos etiam, quin agitatione tanta crepet medius piaces ille. Interrogatus piaces cur hæc tormenta patiatur, vti ab egroti medullis per carmina demones coarctantia, & per suctus, ac latus tractum ad se demonē excutiat, hæc perferre oportere ait. Postquam se diu piaces variis acribusque gestis maccrauit, scōdē ructans crassam euomit quandam pituita massam, in cuius medio nigerrimus inuolutus est durior globulus, nauseatum illud excrementum manu colligunt, nigrum globulum à reliquo reumate separant, piace semi exanime ad partem iacente, domo exeunt, globulum elatis vocibus, quo longius queunt, proiciunt, hæc verba reiterando, maitonoro quidā, maitonoro quian, quod sonat: i demon à nostro, demon i à nostro. His actis ab egroti medela precium poscit, incolumem se propediē futurum putat egrotus, putant & propinqui ac familiares. Maiciū frumenti & eduliorum datur pro morbi qualitate copia, dantur & aureæ bullæ pectorales, si potens fuerit egrotus, grauiorque infirmitas. Hoc memorandum, cœnobitæ bicolores auctorati viri concionatores hoc pacto paucos à piacibus curatos affirmāt periisse: quid hic lateat, qui aliena proni sunt refricare negotia, pro suo arbitratu iudicent, nos quæ dantur ab auctoratis viris, damus. Recidua per pharmaca variarumque herbarum succos curatur. Consulunt & de futuris demones quos notis astringunt carminibus in eo secessu habitis à pueritia, de imbris & siccitate, de aëris temperie, de morbis

Consult  
demoni  
super reb  
futuri.



& cōtagionibus, de pace, de bello, deque successibus, de itin-  
 erum effectibus, de rerum initiis, negotiationibus, lucris & ia-  
 cturis, de Christianorum accessu ad eos, à quibus abhorrent,  
 quod eorum terras occupent, leges præbeant, novos ritus, no-  
 uosque mores induere cogant, & assuetos appetitus abicere  
 faciant. Interrogati de futuris piaces, ad vnguem respondisse  
 asserunt cœnobita: exempla nobis in senatu coactis duo, præ-  
 ter alia multa, enarrarunt. Hiatus aperto Christianorum ad-  
 ventum ad se desertos in ea regione Chiribichensi, optabant  
 fratres, an ventura essent propediem nauigia interrogati pia-  
 ces, ventura die designato prædixerunt, de nautarum nume-  
 ro, de habitu, & quid secum asferrent particulatim nuncia-  
 runt, nihilo errasse aiunt. Creditu videtur esse durius alterum,  
 per trimestre amplius eclipses lunæ prædicunt, cum neque lite-  
 ras neque scientiæ illius cognitionē habeant. Ieiunāt & mœ-  
 sti viuunt eo tempore, persuasit malum aliquod portendi arbi-  
 trantur, cum tristibus sonis & canticis lunæ menstruum ex-  
 cipiunt, fœminæ præsertim, sese inuicem plangunt, puella nu-  
 biles sanguinem sibi ruptis venis cum piscis acuta quadam  
 spina gladioli loco emungunt è lacertis. Quicquid in mensui  
 tempore cibi & potus conditum & paratum reperitur in do-  
 mibus, in mare aut alueis fluminum proicitur, abstinent ab  
 omni oblectamento donec ab eo labore lunam euasisse conspi-  
 ciant, luce resumpta, iocis & ludis, cantibus lætis & choreis  
 indulgent. Ridiculum est auditu quid causæ lunæ defectū tra-  
 here populis insonitibus piaces aliter à suo scitu persuadeat: ab  
 irato sole, crudo vulnere lunam fuisse percussam eo tempore  
 pueraſcunt, solis vero ira sedata, reuiuiscere in statū pristinū,  
 ac si demonem eclipsis causa lateret, qui à siderum sede deie-  
 ctus, astrorum scientiam secum attulit. Quando vero piaces,  
 principis aut amici alicuius rogatus, sunt euocaturi spiri-  
 tus, arcanum introeunt secessum hora noctis decima.

Valde lu-  
 gent tēpo-  
 re eclipsis  
 lunatis.



Quomo-  
do demo-  
niacos fa-  
nant.

strenuos & intrepidus secum accersunt iuvenes numero pau-  
cos, super humili scabello sedet magus, pedibus stant iuvenes  
immobiles, insanis vocibus, uti Cumeam fecisse Sibillam re-  
fert antiquitas, obscuris aperta inuoluens proclamat, tintinabi-  
la quæ manu gestat mox concutit, tristi dein sonitu fere luge-  
do his verbis vocatum compellat spiritum, prororurè prororu-  
rè vltima producta, idque sæpius reuerberat, si accessum differi  
vocatus demon acrius se macerat, sunt enim oratis verba, ut  
veniat, si distulerit, canit lenas verit, & carmina promit mi-  
nabunda, vultuque toruo imperare videtur. Ea exequuntur  
quæ sub Veteranorum disciplina in abstrusis nemoribus didicisse  
illos diximus, cum iam tandem sentiunt adesse vocatum, su-  
scepturi demonem, crebrioribus ictibus tintinabula quatunt.  
Piacem aggredditur vocatus demon, ac si vir fortis puerum im-  
bellem adoriretur, solo sternit piacem hospes demon, sese cõtör-  
quet piaces, horridi cruciatus monstrat signa. Ad laborantem è  
iuuenibus admissis accedit audentior, reguli vel eius, cuius  
causa piaces grauem eam provinciam sumpsit, præponit man-  
data, prostrati magi labiis respondet inclusus spiritus, quæ pete-  
re soleat memorauimus. Responsis habitis, quid præmii sit piaci  
præbendum percunctatur iuuenis, an ex edulis & mancio satis-  
factum iri iudicet demon, postulata piaci præbentur ad vn-  
guem. Quando comeien spectant, uti custos gregis, aduentan-  
te lupo, solet horrendis vocibus lupum deterrere, ita isti putant  
suis strepitibus & tympanorum reboatu cometem dissolui. Cœ-  
nobite narrantes hæc & huiusmodi, senserunt è collegis  
nostris ambigere, an esset dictis præstanda fides, propterea fra-  
ter Thomas ille Hortizius, qui res Chiribichensium & mores in-  
tus & in cute norat, in hoc erupit exemplum inquiens.



## CAPVT NONVM.

**B**ENE fortunatus frater Petrus Cordubēsis, Frater Petrus Cordubensis. omnium iudicio vir sanctus, regionis Andaluſiæ nostri ordinis prædicatorum Vicepro- uincialis, quem solus augendæ nostræ fidei ardor ad eas traxerat solitudines, solo dei auxilio fretus, piacium illorum arcana statuit indagare, & an demone preſſi vaticinarentur, darentque more Delfici Apollinis reſponſa, voluit præſens intelligere. Vero verius eſſe cognouit: piaci ſuis carminibus intento voluit ad eſſe, coram eo ſemel res acta eſt, ac ſi cuniculum raptasſet melampus, ita piacem ſolo iactatum reddidit ſpiritus exanimem. Admirabundus pater ille, ſacerdotalem ſibi ſtolam accinxit, affert dexterâ ſanctificatam aquam, ut ramulo iacentem irroraret, ſiniſtra **CHRISTI** crucem: iacenti proximus hæc verba protulit. Si demon es, qui hunc ita fatigas, per huius instrumenti tibi bene noti virtutem, (& crucem protendit) adiuro te, ne ſine noſtra venia inde audeas exire, quin prius ad interrogata reſpondeas. Multa latino ſermone, non pauca Hiſpano idioma te, ſe fuiſſe percunctatum affirmat ſanctus pater ille, ad quæque reſpondiſſe iacentem ordine ſuo inquit, non latine tamen aut Hiſpanice, ſed eo ſermone quo piaces enutritus eſt, in ſenſu vero nil deuians. Miſcuit vnum præter cætera bonus frater: En dic poſt huius corporei carceris exitum animæ Chiribichenſium quonam proſciſcuntur. Ad ardentes æternasque flamas nos ipſi raptatas trahimus, ut vna nobiſcum ſuorum operū obſcœnorū pœnas luant ait: hæc Chiribichenſibus multis ex fratribus mandato præſentibus acta ſunt. Vulgatam per regionem vniuerſam eam famâ nihilo à priſcis malis moribus deterriſſe Chiribichenſes, quin eodem ordine ſuos exequere-



rentur appetitus, conqueritur frater Thomas. His actis bonis Cordubensis in pacem iacētem versus inquit, discede ab hoc homine spiritus immunde. eo verbo prolato, paces repente surrexit, sed stupidus adeo ut alienus à se ipso diu steterit, vix plantis inherens, ubi primum loqui posse datum est, maledictis & grauibus querelis abeuntem insectatus est hospitem, qui tanto tempore corpus eius maceravit. Gasias Loaisa bicolorem & ipse concionatorum frater, quem, ut asserit, Beatitudo tua sub rubro galero ad suae regule apicem euexit, nunc conscientiae Caesaris refricator, & Oxomensis antistes, nostri-que senatus Indici princeps, Cordubensem eum fratrem Petrum ait omni laude dignum & veridicum esse. A meo iudicio non est hoc alienum, quandoquidem nostra lex patitur, ut vexatos fuisse multos à demonibus fateamur, CHRISTVSque saepe dicitur immundos spiritus ab hominibus eiecisse. Fruuntur & hi paces aliorum symposiis & choreis ludisque lenibus aliis, à populo tamē ob grauitatem semoti. Carminum sensa neque ipsi met artifices intelligunt, vii nostris accidit: licet sermoni latino vulgaris sit proximus, pauci tamen sacris astantes quid sacerdotes cantent, percipiunt, immo & sacerdotibus ipsis ex antistitum ignaua incuria, non pauci solo verborum prolatu, re non percepta, contenti, rem diuinam audent exercere. Quibus modis sua funera tractent, non est ineptum auditu. Obuentium corpora, nobiliorum praesertim, super arundineis cratibus parum composita distendunt, ac lento igni quarundam herbarum succenso, sicca reddunt, humore vniuerso guttatim distillato, ea dein seruant in penetralibus suspensa pro penatibus. Est & aliis quibusdam regionibus huius putati continentis ea consuetudo, ut in decadibus primis ad Leonem patruelem tuae Beatitudinis dictum puto. Quae vero corpora non desiccantur exerta domi fossa, umplacibus & lachrymis tumultantur. Exacto primi funeris anno, amicorum

Funera  
quo pacto  
trahant.



amicorum vicinia conuocatur, confluit ea multitudo quæ statui vita functi conuenit, inuitatorum quisque, cibus & potibus comitatus venit, aut seruos ducit onustos, primo noctis crepusculo, sepulchrū ministri reperiunt, ossa eruunt, elatis vocibus & sparsis crinibus collachrymantur, propriis pedibus cū manibus apprehensis & capite inter crura posito in orbem se constringunt, horrendos tunc rabide protendendo solutos pedes & facie ac brachijs ad cælos versis edunt vlulatus. Quicquid lachrymarum ab oculis, quicquid ve mucorum è naribus manat, intersum fædo aspectu relinquunt: quo turpiores redduntur, eo se perfectius officio functos arbitrantur, ossa comburunt, capitis ceruicem seruant, hanc nobilior è fæminis secum affert domi seruandam pro re sacra, redeunt inuitati.

Quid de anima sentiant nunc dicamus. Animam esse immortalem fatentur, exitum veste corporea ad montanas proficisci credunt siluas, ibique in speluncis perpetuo agere, neque cibum neque potum eius tollunt, quin & illic depascantur.

Opinio  
Indorum  
de anima.

Auditas è specubus voces responsiuas, quas echon Latinus appellat, animas esse per ea loca vagantes arbitrantur. Crucem eos venerari cognouerunt, licet aliquantisper iacentem hoc modo. ✕. alibi pacto hoc ☒ circumdatum lineis, nascentibus eam apponunt, dæmones aufugere ab eo instrumento credunt, si quid noctu formidolosum aliquando visum est, crucem sistunt, purgari locum eo remedio dicunt. Vnde nā & hæc & sermones quos non intelligunt didicerint interrogati, à maioribus ad iuniores transmeasse mores ritusque illos respondent. Ignoscant Chiribichenses res, si vltimum in hoc rerum aceruo promissum illis abstulero locum, dixi namque conclusuras opus, excepto rerum nouarum pullulatu, æquius est ut extremū agmen tantarū rerū egregiæ classes Oceanū sæpe sulcantes impellat, & lassā mihi dexterā iā retrahāt à scribendo.

Crucem  
venerantur.



Dum enim in precedenti ducali ac Beatitudinis tue rebus in hoc libello nūcupatis, versarer, accurrebant multa quæ partim retuli, partim occasiones oblata reservari in hoc tēpus coegerūt, quia præterea nō est mihi liberū ob alia negocia singulis dieb<sup>9</sup> scribendis successibus Indicis intendere: mensis integer expers interdum mihi labitur ē manibus, propterea raptim & serē in confuso quando vacat, cūcta scribuntur, neque potest in his ordo servari, quia inordinatē accidunt: ad classes veniamus. Anno superiore quatuor navium ex Hispaniola reuēta fuit una, ab cuius nautis & senatu remanēte, ea nobis relata scriptaque fuerunt, quæ de Garaio, Aegidio Gonsalo, Christofo Olito, Petro Aria, & Fernando Cortesio narrata sunt. Ex Barrameda Betis ofsidio discessit alia quinto Nonas Maii, huius anni Millesimi quingentesimi vigesimi quinti navium quatuor & viginti, ut in Hispaniolam primo, ubi senatus est Oceanea cūcta gubernans, & inde se mox ad varias illius orbis novi provincias spargant. In una illarum navium familiaris meus Ioannes Mendegurrensis, Cusentino Archiepiscopo & Vianesio quondam hic legatis notus, rector est, ad Iamaica mea paradisea res curandas. Ab eo ex Gomera fortunatarum insularum una, quod omnes Oceanum traiecturi a-quandi gratia se applicant, literas habeo. Decem dierum spatio iter suum prospero successu peregisse scribit, breuiore potuissent pleraque naues agilliores, sed lentatis velis opus fuit torpentes comites expectare, ne in Gallorum pyratarum fauces, qui eos diu in alis stantes opperiebantur, tardiores inciderent: in quartum inde diem vela in altum Oceanum se facturos offerit, tunc suæ quique navi soluent habenas & vela protendent ad libitum, à pyratarum metu securi: ut scelicibus auspiciis cœptū iter peragant oramus. An ad Cassiterides insulas Portugalia diuionis, dictas Azores, appulsas fuisse ab

1525.

Ioannes  
Mēdegur  
rensis.



Fernando Cortesio & noua Hispania, terrarum nobis no-  
tarum vltima, naues duas dixerim, non memini, dictum  
sit necne parum refert. Quomodo sit prouisum, ne in vastos  
pyratarum hiatus decidant, qui velificando illas diu expecta-  
rant, & quo modo iam euaserint, quidve aduehant referen-  
dum est. Ex illis vna depositis oneribus tentare fortunam  
statuit, superis iuuantibus, non incidit in latrones, incolu-  
mis euasit. Casari nobisque per Lupum Samanecum à par-  
uulo apud me educatum, abhinc anno tertio profectum, bo-  
na tamen adepta mea venia, cum regio è secretis Albornio  
misso sub nomine computatoris regii, mandata dede-  
runt nauium duces. His intellectis classis instructa fui ilico  
sex nauium, quarum quatuor ducentarum sunt capaces cu-  
parum, & vna comites duae carauela ad maritimam pu-  
gnam, si pyratas habuerint obuios, paratissima: quatuor no-  
bis alias mutuo dedit rex Portugalia dexterrimas, & omni  
genere tormentorum bene munitas, ierunt septimo idus Iu-  
niis, deposita sumpserunt onera, & tuta redierunt circiter fi-  
nem Iulii, in vrbe Hispali leti gratias agunt superis, indies  
primarios ductores expectamus. Quae ab illis hauriemus,  
tuae Beatitudini aliquando sugenda prebebimus, si hac  
placuisse intellexerimus, obsoniorum nobis porrecta parop-  
sides, quibus viginti amplius ociosorum millia quorannis  
tua Beatitudo pinguefacit, quò largius queant oculi prerogati-  
uis inherere. Idem Casari ausus fui dicere, quando abbati-  
alem mihi Iamaica Antisteam prebuit: Casarem namque  
in haec verba tunc aggressus fui. Caesar inuictissime, qualis  
maternis auis & parenti virique tuus ab anno septimo &  
trigesimo, quo me tenet Hispania, sucrim, quamque tua Cesa-  
rea maiestati vilius, verbo, & praebitis honoribus, quan-  
docunque opus est, tua maiestas fatetur: sed in huius rei testi-

Periclabo-  
rum suo-  
rum pra-  
mia.



monium, quo id oratoribus contreraneis meis, Mediolanen-  
 si, Venetis, Florentinis, Genuensi, Ferrariensi ac Mantuano  
 persuadere queam, amoris huius aliquo argumento exteriore  
 indigeo, ob honorem, cuius escam nemo unquam abiecisse  
 reperietur: de nundinis, ut est in Veteri proverbio, pro lucri  
 qualitate quisque prædicat. Grata profecto, post habitum à  
 tua Beatitudine gratiosum breue membranè, fuerunt multa  
 capita literarum reuerendissimi Datarij ad Balthasarem lega-  
 tum scriptarum, in quibus non infirmum esse Beatitudinis  
 tuæ amorem erga me testatur, & se fere apud Beatitudinem  
 tuam patronum meum benigne pollicetur. Sed benefrondo-  
 sam non tanti faciendam esse arborem censemus, quæ cum be-  
 nefica esse possit, Ulmo vel platano similis esse malit. Nimis  
 sum euagatus, ad veltas naues redeamus. Duæ tantum erant  
 & parvæ quidem ab Cortesio naues, nauigiorum penuria  
 illarum regionum thesauri paucitatem ascribunt, septuagin-  
 ta tantum millia pensorum auri afferunt Casari, dixi sape  
 pensum Hispanum ducatum aureum superare quadrante,  
 hoc arbitror nihil superaturum, quod purum non sit aurum.  
 Aducebunt & colubrinam bellicum tormentum, de quo sape  
 ex auro fere non auro ait Lupus Samanecus, qui apud me  
 nunc est, in prima naui, quæ fortunam tentauit, veltus, esse  
 conflata, trium & viginti, Verbo Hispano quintalium:  
 (quintalis quisque rubos librarum sextucentiarum quatuor continet)  
 Afferunt & gemmas & ornamenta multiplicia ditia, mi-  
 randa pulchritudinis tygrim in naui prima vexit Lupus Sa-  
 manecus, sed ad nos non ducta est. De Cortesio & Cortesii  
 vafriis artibus in decipiendo seducendoque, longe distantibus  
 ab relatu multorum, apertis etiam argumentis, quod cõgestos  
 habeat auri, gemmarum & argenti nusquam auditos acer-  
 uos, per immensi atrii sui posticum, furim noctu ignaris ma-  
 gistratibus, à regulorum scruiis sarcinatum intromissos, deque

Colubri-  
 na ex au-  
 ro con-  
 fla-  
 ta.



urbibus cum suis municipiis & villis innumeris opulentis, de auri & argenti fodinis, deque provinciarum numero & amplitudine, ac multis præterea in tempus aliud seruamus.

Ruminantur in arcanis remedia quedam, nefas mihi esset emutare quicquam aliud impresentiarum, donec tela hac, quæ nunc ordimur, textura sue finem sortiatur: ad partem abeant hæc, de classibus aliis parumper. In eo quem baccalarus Anzonius Tamaronus procurator meus Beatitudini tuæ porrexit libello, incipiente, *PRIVILEGIUM*, de classe ad Maluchas insulas aromatum altrices, quæ lineæ subsunt æquinoctiali vel proximæ, mittenda facta est mentio latissima, ubi in cōtrouersia cum rege Portugallico in ciuitate Pacensi, quæ vulgo dicitur Badaio, diximus fuisse conuictos Portugallenses, sed non confessos, cuius rei rationes illic adductæ sunt in medium: classis ea quæ iussa fuerat interrumpi, soluto conuentu Pacensi, peracta fuit in Cantabrica Bilbau statione, mox ad Cluniū portum Gallicum, omnium portuum tutissimum, & nauium omnium, quas maria continent, capacem, aduecta fuit, circiter Kalendas Iunii huius anni. M. D. XXV. Ibi rebus omnibus & ad longam nauigationem & rem bellicam, si pugnandi necessitas sese obtulerit, instructa, dies aliquot in anchoris ventos expectans opportunos, perstitit. Septem ea nauium est, quarum quatuor cuparū sunt centum octoginta & ducentū capaces, duæ comites sunt (vocalis utar domesticis ut intelligar) carauelæ, septima parua est, dicit Hispanus patacam, huiusmodi portant aliam membratim solutam, ut ubi primum optatum captauerint portum eam componant, in insulam Tidori è Maluchis vnā (in qua diximus in orbe ambito ad Adrianum è superstitibus duabus nauibus vnā restitisse, cum hominibus quinquaginta) & cum duabus illis paruo fundo indigentibus, insularia tentet, & scrutetur sub, citra, & ultra lineam æquinoctialem sistencia.

Decas sexta ita incipit.



Classe hac morante, rex Portugaliae Casari sororius & consobrinus, efflagitare & instare nunquam destitit, ne tantam sibi iacturam Casar astrueret. Ne Castellam imperii & regnorum suorum omnium pulpam sibi Casar redderet infensam, consobrini & sororii regis nusquam voluit postulatis assentiri. Contra Portugalsium tandem & opinionem & desiderium, elucescente diui Iacobi Hispanorum patroni profesto, flantibus à terra foelicibus Euris vela fecit. Anchorarum eius eleuatu tubarum fuerunt clangores & tympanorum reboatus, ac tormentorum strepitus, ut ruere caelum & tremere montes viderentur praetitia. Priore tamen vespera classis praefectus frater Gaspar Loaisa diui Ioannis crucifer abhinc anno quarto missus à Casare orator ad magnum Turcarum principem, in comitis Fernandi de Andrada Galleci principis (qui strauit in Calabria Aubegniū Gallorum ducem quondam) & ipsius regni Galleciae proregis manibus praestitit homagium, pratori duces alij, ducibus milites & ministri, homagio praestito: ex amborum manibus cum pompa solenni, sacratum prius accepit regium vexillum cum summo applausu: manserunt hi, abierunt illi prosperis in puppim flantibus Euris. Ex fortunatis insulis, quae Canariae dicuntur, qua iter est ad meridiem, se retro scripturos nostro senatui, à quo dependent, Casare iubente pollicentur. Pratoria naui prator ipse praesidet, secunda Ioānes Sebastianus de Cano, qui Victoriam nauim duxit gariophyllis onustam, sociamque superstitem reliquit, quod nimis esset conquassata, tertia naui dux it Petrus Vera, quarta don Rodericus de Acunna genere clarus, ambo hi multarum classium bellicarum fuere praetores, & praclare gestis insignes, ambo illustres, quinta don Georgius Manricus, ducis Naiarae frater, hic iunior & minoris est experimenti, propterea licet nobilior, aequo animo passus locum inferiore, iure merito censuit exercitationibus esse cedendum. Sexta na-



uis caput est nobilis quidam Cordubensis cognomine Hoſes, ultima tenuis patace nobilis alter. Restat non parui momenti res una placida cognitionis altera, priusquam ab hac classe discedamus. Quid causa Caesarem nosque senatum eius moneat ut in portu Clunio Galleco aromataria hac negotiatio tractaretur dicendum est, cum summa celebris ciuitatis illius Hispalensis molestia, ubi res Indicae haecenus vniuersae actae sunt. Est portus ille Gallecus praeter nauium in eo receptandarium securitatem, situs in eo Hispania latere, quod breui rectoque cursu Britanniam spectat maiorem, & finibus Gallicis proximis, ac septentrionalibus mercatoribus aromata quarentibus aptior. Nec praetereunda sunt duo discrimina formidolosa nautis, quae vitantur hoc inuento. Mare illud Oceanum, quod medium est inter portum hunc & Betis ostium, qua conscenditur Hispalim, tempestuosum est adeo, ut paruae Zephyrorum procellae, naues deprahensas in eo tractu sacri promontorii ac viciniae ipsius, in ambesas rupes iactatas crudelius illidant aut absorbeant, quam de rapacis Scyllae scopulis & Caribaeis voraginibus feratur. Alterum in pyratarum saltibus periculum: sunt in illis oris inter montes horridos multae valles desertae, quae non patiuntur ob sterilitatem, populorum frequentiam, sunt pyratarum latibula, in transeuntes ab altis culminum speculis moniti à suis naues insiliunt: his de causis sancitum est, ut ea negotiatio illic exerceatur. Eius classis iter idem est futurum quod Fernandus Magaglianus Portugalsis per vniuersum transiliens eum tractum, quem philosophi torridam Zonam appellarunt, ad antarcticum vltra capricorni lineam profectus est, qua & classis alia est itura, duce Sebastiano Caboto viro Italo, de quibus ambobus in orbe ambitu ad Adrianum, & in ducali precedenti. Parantur & in alueo Betis fluminis classēs aliae duae ad Hispaniolam & reliquas insulas sancti Ioannis, Cubam, quae Fernandina dicitur,

Laus portus Clunio Galleci,

Sebastiano Caboto



Frequens  
nauigatio  
Indici  
Oceanii.

& Iamaicam meam Antisteam, nouo nomine sancti Iacobi insulam, inde ad putatum continens & nouam Hispaniam ab Fernando Cortesio subactam diuidentur, de cuius amplitudine ac opulentia nos aliquando dicturos paulo ante promissimus. Ita non minor est iam classium undas Oceani excutientium, ad nouos orbes euntium ac redeuntium concursus, quam mercatorum à finibus Italia ad nudinas Lugdunenses, aut ex Gallia & Germania Antuerpienses Belgicas. Ex aliqua tui cubiculi penetrati rimula, pater sancte, optarem inspicere quid tunc gaudii, de sacro pectore ad vultum arcanorum primum preconem erumpet, quando talia tantaque de nouis orbibus hactenus ignotis, legerit, Christi ecclesie suae sponsae, tanquam monilia nuptialia, spiritualiter condonata, neque saturam esse in largiendo in diuina bonitate naturam, quin, si qua latent, ad castrum Caesaris que fronti subiicienda, se praearent. Hoc caena margine iam contenta sit beatitudo tua, cui felices annos cupio. Ex Vrbe Toletto Carpentana & Caesarea curia tredecimo Kalendas Nouembris. Anni. M. D. XXXV.

## CAPVT DECIMVM.

Laus Baltasaris Castillionis nunci apostolici.



PER AEGNANS hic noster Oceanus nouos pariter in horas emittit. Illustris hic à tua beatitudine nuncius Baltasar Castillion, vir omni genere virtutum & gratiarum clarus, colligatas ubi vidit duas has ducalem & papalem: decades, ut sua manu mittere illas ad beatitudinem tuam liceret, efflagitauit, placere dixi: sed ecce in grauem incidit valetudinem, nequirit ut optabat negociis intendere, licet non pauca emergerent, nullum propterea dimisit eo tempore tabellarium, cui magnas tuae beatitudinis actiones & una libellos nostros, ne periret, credere quiret. Ex hac mora exortum est ut



addere per corolarium pauca possumus. Tres ab orbis noui regionibus naues habuimus, ab noua Hispania, Fernandi Cortesii saepe nominati gubernationi subiecta, vnam, quae caraue-la dicitur: quae attulerit haec dictu miseranda sunt, nec pauca quidem, sed à literis in duabus illis nauibus, quas supra memorauimus, allatis exordium est, quo aperitiùs haec & illa intelligantur. Duo sunt epistolarum genera, cōmune vnum, particulare alterum: in magno volumine communi, Cortesii & magistratuum computatoris, thesaurarii, & factoris manu subscripto, late significatur de natura terrarum, de his quae ad Caesarem mittuntur, de nauium penuria in illis oris (in excusationem quod exigua gemmarum & auri summa feratur) de grauibz impensis, in qua narratione Cortesius se pauperem esse dicit, quodque sit alieno aere pessundatus, de nauibus ab eo in australi compactis littore, quibus propinquā, ad gradus polares vix duodecim, lineam aequinoctialem tractaturum se aiebat, quod ab littoralibus illis populis intellexisset finitimas ipsis esse insulas aromatum, auri & gemmarum altrices: longa est verborum series, graues conquestus, quod combustas esse naues illas cum suis apparatibus audiuerit, quia ob aduersariorum stimulos prouinciam prosequi cēptam nequiuert, resarciturum se iacturam hanc profitetur, modo cessent perturbatores, de variis etiam ac multis nuper detectis auri & argenti fodinis, ac de his quae nouis indigent remediis, deque tribus & sexaginta millibus auri pensis fiscalibus, contra magistratum assensum, sub specie mutui ad nouum exercitū cogendū sumptis, deque ducibus per diuersa ad varias regiones subdēdas designatis & multis praeerea. Arcana vero ac particulares litterae à solo computatore Albornozio regio à secretis veniūt sub ignotis characteribz, quos Xifras nūcupat vsus discedenti Albornozio assignatos, quod ab eo tēpore suspitione de animo Cortesii nō carerem⁹. Haec cōtra Cortesii Vafroa-stus & ardētem auariciā ac semiapertam tyrānidem formatae.



Ingens ira  
Cortesi  
contra  
Christo.  
forum  
Olito.

sunt, an ex vero, an uti saepe solet, captandæ gratiæ causa hæc fabricata sint, indicabit aliquando tempus, delecti namque iam sunt viri graves adhuc inquirenda mittendi, quando latentia nunc hæc patefient, beatitudini tuæ significabuntur, missa hæc fiant, ad Cortesi discursum redeamus. Super Christofori Oliti, de quo lata mentio facta est in superioribus, inobseruantia, Cortesium tanta rabies inuasit, ut vivere ulterius nolle videretur Olito impunito, cum narium & venarum gutturis summo tumore præ ira, sæpe dedit de tanta animi perturbatione signa, neque à verbis id significantibus abstinuit. Distabat ab eo Olitus iam leucas quingentas amplius vii omnes affirmant ad Orientem, ab salsa Tenustitana lacuna, eundumque ad illum erat per inaccessa multis modis itinera. Is Olitus sedem fixerat in sinu dicto Figueras iam diu inuento sub spe reperendi tantopere desiderati freti, quo & tres alij duces appulsi se inuicem mutuis preliis confecerunt, de horum infauis actibus infra dicemus, nunc ab Cortesio ne discudamus. Copias cogit Cortesius, id spectantes regii magistratus, placidis primo sermonibus virum aggrediuntur, ne provinciam capteret eam, in qua multa se offerunt discrimina ubi sit inter nostros met bellandum, hortantur, & monent, ne tanta cladis Christianorum causa esse velit, ne ve in tanto locet periculo vniuersa rei summam: presentaneam quippe se, videre dixerunt remanentium omnium interniciem, si militibus vacuum reliquerit, imperiorum caput, eam regionem Tenustitanam nuper subactam, & adhuc regum suorum veterum necem ac penatum & amicorum ac affinium clades lugentem. Sique ipse, quod maius est, discesserit, cuius nomen esse cunctis gentibus illis formidolosum fatebantur, en quid, si aduersi aliquid, quod absit, acciderit, nonne cuncta ruerent? Casari cura fore de Olito corrigendo, luiturū sui erroris pœnas Olitū aiebant. Hæc & multa præterea, sed incassum omnia: & suo



& Caesaris regis nomine iterum protestantur, ut à proposito decidat. Tunc iureiurando addito se non iturum ad Olitum pollicitus est, sed quo rebelles quosdam regulos domet, nec longe quidem non stat promissis, ad Orientem tendit longis itineribus, eo furore accensus in Olitum, in lacunas ingentes incidit maritimas alicubi, paludes alibi vallosas, in asperos alibi montes, quacunque proficiscbatur, incolarum lacertis construi potest, deficcari paludes, consterni montes imperabat, detrectare audebat nemo, igne ferroque deuastabat in aduersum cogitantia cuncta, quicquid iniuium occurrebat peruium efficiebatur, tanto erat omnibus incolis terrori post Mutee Ruma tanti potentis regis debellatum, latique illius imperii captura, ut cœlum posse hunc hominem dirnuere, si animo sederet, arbitrentur. Impedimentorum & equorum, ignotum illis gentibus belligerandi genus, copiam pertraherat secum: erant auxiliarii vicini, quondam hostes eorum, per quorum ditiones & regna gradiebatur. Parte alia premiserat ab australi plaga Petrum Aluaradum, & ab Septentrionali Godoium quendam, duces itinere terrestri, à quibus habuerat Cortesius literas, & nos habemus, de magnis & latis nouis regionibus, bellicosus etiam populis & ciuitatibus lacunaribus alicubi, montanis & planis alibi, de quibus rebus Volumen ab eo missum Cortesii pater, qui apud nos est, cudendum tradidit impressoribus idiomate patrio, & per platearum podia vagatur. Mari vero cum trium grandiorum nauium multisque viris nobilibus ducem alium miserat nomine Franciscum delasCasas, de quo paulo ante tetigi & plura dicemus, licet ordine præpostero, ita successibus exigentibus. Huic duci maritimo dederat in mandatis, ut Olitum, si fieri posset, haberet ad manus, uti habuisse loco suo dicemus. In hoc statu rem Tenustitanam duas naues reliquerunt hæ, iam diu appulse cum septuaginta

Omnibus  
terrorem  
incutit  
Cortesius.

Volumen  
Cortesii  
de reb<sup>9</sup> In  
dicis con  
scriptum.



Aurea Co  
lubrina.

Medelinū  
oppidum  
Castellæ  
Cortesi  
patria.

Franciscus  
delas Ca  
sas.

millibus auri pensis & tygribus duabus, quarum una præ cō  
cussu naui & præ labore interiit Hispalis, alteram hic habe  
mus mitem effectam, sed catellam. Licet & vulgo inspicere  
colubrinam tantopere per ora hominum sufflatam, re ipsa non  
multo est auro fulta, ut fama ferebat, spectatu tamen digna.  
Ornatus vero & instrumenta bellica multo auro ac gemmis  
formata, moniliaque arte mira compacta, ab Cortesio partim,  
ab illarum terrarum rectoribus partim, directa dona videntur  
omnes: qui reuerendissimum tuæ Beatitudinis legatum sunt  
comitati, vix illi voce aliquando dinumerabunt. De diuarii  
nauium relatu satis. Nunc ad carauelam quæ sola est septem so  
cis ex portu Medellino, Hispaniæ nouæ scalas fugiens euasit,  
veniamus. Sed cur locum illum portuosum Cortesius hoc no  
mine statuerit appellari, dicamus. Medellinum oppidum cele  
bre in Castella est, inde oriundus est Cortesius, a suo hinc na  
tali solo electum, ut sit omnium illarum terrarum emporium,  
locum illum Medellinum dici vult, nec itur contra. Regioni  
etiam ipse nouæ Hispaniæ nomen dedit, ac petiit à Cesare con  
firmari. In eo portu septem erant in anchoris mercatoria na  
ues, propediem in Hispaniam rediturae suis mercibus exonera  
tis. Exoritur inter magistratus regio seditio, mittendos esse cū  
nauibz illis ad Casarem (cuius ob ingruentia bella necessitas  
est ingens) coactos auri ac gemmarum acervos, tali occasione  
nauium sese offerente, quod raro accidit, præposuerunt hi. Iam  
diu nanque promissa Casari fuerant per Ioannem Riberā Cor  
tesii à secretis auri pensa millia ducentum, modo naues aptæ  
ad ea perferenda mitterentur. Contra sententiam hanc ceteri  
collegæ insilierunt, expectandum esse gubernatorem Cortesium,  
neque innouandum quicquam eo absente institerunt, venit  
ad arma. Forte fortuna superuenit Franciscus delas Casas  
dux Cortesii maritimus, iugulato Olito superbus, Cortesianis  
in regio fauit, equo perempto aiunt vulneratum esse & in



Vincula detrusum Albornozium computatorem. Ad litus  
 victores procurrunt, navium septem patronos prehendant,  
 omni amplius ac remonibus, ne discedere queant, in terram  
 tractis, naues vacuant. Huius caravelæ appulsa de minus tan-  
 ta ruina percitus, occasionem quandam nactus ad navim suâ  
 reueriitur: carbasis & ipse ac reliquis nautalibus instrumentis  
 spoliatus, facinus aggressus est laude dignum. Vetera quadam  
 semilacera proiecerat in secessum, tanquam emerita & inuti-  
 lia vela, ex illorum pannis perisati. & una paucarum cā-  
 narum tela recentis, centonica in struxit carbasis. Insaluta-  
 tis, qui vim exercebant, anchoras eruit, vela pandit, felicibus  
 Zephyris adiuta, citatiore deuecta est cursu, quam ulli un-  
 quam naui contigerit ab illis Oceani calcibus venienti. Nul-  
 las attulit à viuento quoquam literas aut mandata navis  
 huius dominus, fuere tamen eius nautarum sermones adeo  
 composui, ut illorum relatu sit præstita fides. De Cortesio  
 quod ab incolis, per quorum ditiones iter facere peruvaci ani-  
 mo statuerat, cum uniuerso comitatu fuerit trucidatus, per cō-  
 iecturas inquirunt hi naucleri fuisse collectum, hoc pacto. Po-  
 stergatos reliquit plerosque decuriones, cum mandatis ut pa-  
 rati sequerentur, illius secuti vestigia, ruptos pontes, intercissa-  
 que omnia repererunt à tergo iunera, aiebatque tunc fama  
 vagans, inter palustres quasdam algas maritimas, quæ fluxuū  
 & tempestatum impulsu madefacta tellure generantur, in-  
 terque dumeta vicina virorum & equorum ossa fuisse visa.  
 Hæc de Cortesio & insanientibus regis magistratibus pro-  
 fuga retulit caravela. De quatuor vero ducibus anhelati spi-  
 ritu ad optati freti perquisitionem hiantibus, hæc ait se audi-  
 uisse hi nautæ. Sed res hæc est paulo longius repetenda. Si memor  
 est Beatitudo tua, Pater sancte, post pontificis Adriani obitū, ve-  
 nerabilis vir iurecōsultus Antonius Tamaron, meo nomine por-  
 rexit tua Beatitudini libellū, cui est initium, Priusquā, scripsit q.

Decadis  
 sextæ in-  
 titium.



gratum fuisset in eo discursu est sermo de nobili viro Aegidio Gonsalo Abulensi (dicit vulgus Gilgon Zale de Auila) quonam pacto dulcium aquarum repererit aluenum adeo grādem, ut aquarum dulcium pelagus lacum eum appellauerit, deque illius ripis populis frequentibus nobilitatis, de grandi iactura pluuiarum, de cerimoniis & moribus ac ritibus sacrorum illarum gentium, de auri copia, de initio pacis & placidis commercii primò, dein de bello & grauibz pugnis cum Nicoragua & Diriangene regibus, deque reditu suo ad Hispaniolā, unde militum & equorum comparata manu ad sinum dictum Figueras, qui putati continentis oras, uti sinus Adriaticus Italiam ab Illyrico & reliqua Gracia dirimere videtur, profecturum diximus, in quem sinum nauigabile flumen aliquod aquarum illam vastitatem absorbens decidere putabat, uti Verbanum sugit lacum Ticinus, Benacū Mincius: de quibus & rebus & exemplis illic multa satis. Sed cur sinus ille tam versatus per ora hominum ita nuncupetur, non est praetereundum. A primis reperiendis nomen auiunt impostum Figueras, quòd in eo tractu familiaria repererint quarundam arborum nemora ficibus valde similia frōdibus, trūco licet dissono, solido nanque haec, ficus autem medullosa constat ligno, & cum ficus arbores Hispanū idioma figueras appellet, paulo corrupto vocabulo Figueras dicunt, a quarum arborum truncis & ramis procerioribus tornatilia vasa formāt incolae, ad abbacorum ornatum & mensarum ministeria cōmoda, paropsides dico ac pelues & pateras crateresque & patellas, ac reliqua id genus ad vsum hominum apta perpulchrè laborata. Per sinus angulum Aegidius Gonsalus sine Gilgō Zale ad lacum à se inuentum terra profectus, exitu aquarum necdum reperto, in regno Nicoragua regni à se, ut ait, amico relicto, ducem Petri Aria gubernatoris aurea Castella, nomine Franciscus Fernandē, regnum illud occupasse ac

Figueras  
sinus.



in eo coloniam deduxisse reperit, quid acciderit breni conclu-  
dā epitomate. En ad verba, mox ad colloquia, dein ad manus:  
vim illatā sibi arguit Gilgon & ale, inuentū sūti disturbari cō-  
queritur, ter aiunt hi nautæ confluisse, octo viros in seditione  
perceptos, vulneratos plures & equos periisse triginta. Ita socie-  
tatis impatientes alterne se conficiunt Hispani quacūque pro-  
ficiſcūtur. Ducēta dicūt hi nautæ pēsorū auri nō bene puri mil-  
lia Aegidiū Gonsalū Frācisco Fernandē & rapiuisse. Centū tri-  
ginta millia Petrus Arias gubernator, (a quo magnum litera-  
rum fascem a putato continenti habemus,) suo duci cum sum-  
mo conquestu de Aegidio Gonsalo scribit erepta fuisse. Pen-  
sa hæc ab regulis finium ipsi coegerat, an ab iniuriis, an per-  
mutatione rerum nostratum a libentibus, non est nostrum  
nunc disputare: & hoc parum, maius opus restat. His ita pro  
Hispanorum ingeniis inquietis occurrentibus, ad Christophoro-  
rum Olitum ab Cortesio missum, qui & ipse coloniam pau-  
lo longius in iisdem litoribus erexerat, cui nomē Triumphus  
sanctæ crucis imposuerat, venit Aegidius Gōsalus, hunc præ-  
hendit Olitus, locum autem ita nuncupavit, quod post varia  
nausfragia, quæ longo sermone ipse recitat, illuc de turbinum  
ingentium euasus rabie, terram captauerit, quo die de victo-  
ria Herodii Romanorum Imperatoris contra Persas ecclesia  
Romana solēne celebrat. Ridiculum in fortuna tabula ludum  
audi: superuenit quartus dux Frācisus delas Casas missus ab  
Cortesio contra Olitum, exit Olitus ad consocium & paulo  
ante sub Cortesio collegam, bello nauali certant, vi tormento-  
rum vnam è nauibus Oliti vnā cum hominibus terebratam  
submersit Franciscus, & in altum se recepit mare, Olitus ad  
terram profectus est. Sinus ille crebris fluctibus obnoxius est,  
quod septentrioneis rabiosis flatibus sit expositus, & longo  
tractu inter celsorum latera montium perstringatur, paucos  
propterea post dies ventorum furore raptatus, & maiori ex-

Aegidius  
Gonsalus  
capitur ab  
Oliuo.



Iugulatur  
Olitus.

parte hominibus, equis, & nauibus amissis, ad Oliti potestatem proiectus est Franciscus, Oliti hostis acerrimus, capit & hunc Olitus. En duces duos momenti maioris quam captor ipse sit, Olitus hospites non bene contentos, sed prædam ad suam perniciem domi clausit. De hospite occidendo conveniunt ambo, seducunt Oliti familiares, ne rem aggredientibus ipsis auxilio accurrat proditori Olito, qui ad famam laesæ Maiestatis extraxerit innoxios. Vna nocturnum ex compositio discumbentes apud egregium hospitem pro cænæ præbitæ symbolo, sumptis gladiolis, qui ad mensæ ministerium aderant, hospitem malegratum adoriuntur, aberant intenti cænæ suæ post cænâ herilem ministri, multis ictibus Olitum conficiunt, non perimunt tamen: aufugit Olitus, ad incolarum magalia quædam sibi nota se recepit. Per præcones edicitur perimendum fore, quicumque Olito proditori fuerit patrocinator, aut latentem non monstraverit sciens, propalanti præmium designatur: proditur à suis, proditorio libello formato sub publica præconis voce iugulatur. Is finis Oliti in quem & ceteri collegæ non multo post, ni fallor, trahentur. Sed audiat Beatitudo tuâ facinus aliud infandum, fortunæ tabula lusoria ridiculum. Franciscus de las Casas dux alter maritimus Olito iugulato socium Gonsalum fidentem & armis non parem, illata vi duxisse ad urbem Tenustitanam dicitur, Cortesio putat id fore gratum munus. En quatuor ducum in sinu Figueras dicto insaniam amaras carpisse dapes, & præ ambitione ac avaritia se multaque regna, quæ peccato Cæsari parerent, in præcepsum traxisse. Sunt qui ferant se videri in Tenustitana ciuitate Aegidium Gonsalum in Francisci de las Casas potestate, negant alii: sub incerta fama vagantur hæc murmura de Gilgonsalo. Post clausum consutumque duarum decadum libellum ab Hispaniola senatoribus bis naues habuimus, vno vectu quatuor, septem altero, ab noua Hispania nullam præter hanc profugam, literarum fascem



fascem ingentem à Petro Aria gubernatore aurea Castella  
missum legimus in senatu: capitum sensa de suis sunt actioni-  
bus, de duris laboribus suis & commilitonum multa, de pro-  
ximo discessu futuro regii thesaurarii partiū illarum cum au-  
ri summacui non signat numerum, de incepto itinere, quo per-  
acto facili traiectu mare utrumque pertractabitur, & insu-  
las equinoctio suppositas habere poterimus familiares, quòd  
sexdecim tantum aut paulo amplius leucarum sit illa interca-  
pedo à portu Nomen dei dicto, ad coloniam Panamam & ip-  
sam bene portuosam, quæ ab equinoctio sex tantum gradus  
distat cum dimidio, ubi noctis ac diei discrimē toto anno vix  
diagnoscitur. De illorum tractuum prerogatiuis in superio-  
ribus satis. Alio capite Aegidium Gonsalum incusat de illa-  
ta vi suo duci Francisco Fernandæ, & suum à modestia &  
temperantia laudat, sentiunt aliter alii. Audiemus aliquando  
partis alterius querelas, & quid faciendum sit tunc iudicabi-  
tur: longa rerum multarum particularium series, longa am-  
bages, quas ego complecti nec volo nec possum, neque Beatitu-  
dini tuæ sum cognitum necessaria, poscit cum humili supplica-  
tu tamen Petrus Arias, ut iam tandem per Casarem liceat  
ad uxorem & natos redire, quòd iam senecta se ac mille mor-  
bis confectum esse sentiat: ita sancitum est, reuocatur namque  
ipse, ac eius loco nobilis quidam Cordubensis eques nomine  
Petrus Rios sufficitur, is apud nos est, & ad discessum se appa-  
rat. In superioribus ubi sermonem fecimus de Francisci Ga-  
raii male fortunatis successibus, de Oliti accessu ad Cibam,  
unde ad Figueras traicere parabat, de Aegidio Gonsalo &  
eius apparatu ad eadem loca, deque Petri Aria cogitatibus,  
ad idem diximus etiam nil à senatu nostro aliud prouideri po-  
tuisse, præterquam præbere Hispaniolæ senatui potestatem ab-  
solutam, iubereque ut ipsi viciniore operam darent, ne illorū  
concurfus detrimenti aliquid traheret, quod summopere

Petrus  
Rios.

Potestas  
absoluta  
senatus  
Hispanio-  
lz.



Potestas  
absoluta  
concessa  
magistra  
tui Hispani  
aiole.

Ludovicus  
Pontius  
Legionen-  
sis prator  
Carpenta-  
na regio-  
nis.

timebamus. Caesaris & nostris literis habitis properè destina-  
runt ad id negotii virum probum, nomine baccalarium Mo-  
renum, inter eos fisci procuratorem. Sero accessit, iam actum  
erat, confusa reperit omnia: parum ab his quae narraui, ut se-  
cedunt huius boni viri relatus. Ita ex illorum discordibus a-  
nimis multa scitu egregia interciduntur. Huic fiscali Moreno  
Franciscus Fernandez diu versatus in magni lacus illius vi-  
cinitate in saltum se ait incidisse dulcium aquarum in sinum  
cadentium, sicuti scimus Nilum ab alio Aethiopia nonnullus  
in Aegyptum delabi, ut inde irrigata Aegypto in mare no-  
strum effundatur: id si verum est, quod adhuc est incertum,  
incassum erit querere quod Aegidius Consalus diu versa-  
uit animo de magno flumine nauigabili absorbente aquas il-  
las, populis circumambitas. De casu autem ac vulgata Corte-  
si & sociorum internicie, fiscalis hic Morenus regrediens  
in eius regionibus nihil auduisse retulit, quod ab Tenustita-  
na prouincia distent illi tractus leucas quingentas amplius,  
sed ait cum in portu Fabana Cubensi emporio stare in an-  
choris, appulsum ad se Diecum Ordassum e Cortesi ducibus  
non ineptum vnum, qui dixerit se ad ea loca venisse perqui-  
situm an de Cortesio aliquid intelligeretur, de cuius vita in re-  
gnorum capite Tenustitano dubitabatur, nescitur ultra quic-  
quam. Ad huius tanta labis medelam vir nobili sanguine or-  
tus Ludovicus Pontius Legionensis iureconsultus, huius Car-  
pentanae regionis, cuius caput est Toletum haec urbs, ubi nunc  
moratur cum Caesare, diu prator Urbis, destinatus est, quod  
magistratu huc integerrime ac prudenter exercuerit, modestus  
est & clarus ingenio vir, ab cuius prouidentia sperari pro-  
diturum ut Caesarea navis illa sit etuans pro salu. Casa-  
ris auspiciis ad portum sit reducenda tranquillum. Afferit in  
mandatis ut Cortesum, si viuum repererit, mille blanditiis



ambiat, & ad obseruantiam trahat veram, à qua tamen aperte nunquam disceſſit, nomen quippe Caesaris regis est in eius ore perpetuò ac literis adorabile: de arcano autem, vti late dictum est, nescio quid à coniecturis & multorum accusationibus suspicamur, nouis optauit semper animo elato vir prerogatiuis ornari, gubernatoris & Adelantati iam diu titulos assecutus est illarum regionum amplissimarum, quae sub Hispaniae nouae appellatione includuntur. Diui Iacobi Spatensis insigne nuper poposcerat, id secum affert hic Pontius illi praebendum, prope liem discedet, iam est à Caesare dimissus, cum duarum & viginti nauium classe hinc discedet. Si vero Cortesii ad suos maiores cõcessisse repererit, aliter erit agendum. Aliorum nemo cristas audebit erigere, modo stare nitidas à defectione incolarum res inueniat, fauste cuncta succedet, & felicibus tua Beatitudinis pedibus subiicientur. In ea lacunari magna ciuitate, quae iam ciuitatis faciem resumit, domorum quinquaginta millium structura resarcita, septem & triginta sunt erecta templa, in quibus incola Hispano mixtus pientissimi Christianis intendunt sacris, veteribus cerimoniis & humani sanguinis litatu abiecto, à quo iam abhorrent Coalescet in immensum per crepidatos octo Franciscanos fratres apostolico feruore incolas instruens haec lata fruges, nisi nostrorum seditiones obstiterint. Satis in his. Nunc ad Stephanum Gome-  
quem in calce porrecti libelli incipientis, P R I V S Q V A M cum vna missum carauela dixi ad fretum aliud inter Foridã tellurem & Bachalaoſ satis tritos querendum. Is, nec freto neque à se promisso. Cataio repertis, regressus est intra mensem decimum à discessu. Inanes huius boni hominis fore cogitatus existimam ego semper & praeposui: non desuere in eius fauorem suffragia. Terras tamen reperit amœnas & viles, nostris paralellis & gradibus polaribus consonas.

Septem & triginta templa erecta in lacunari ciuitate.

Stephanus Gomez.



Eadem & licenciatus Aiglionus vir senator in Hispaniola per amicos & familiares cum duabus nauibus, Hispaniola, Cuba, Iucalis insulis, septentrionalia, peragrauit noua littora, Bachalais, Chicora, ac Duraba regionibus à me supra late ita Etatis vicina. Vbi post narratos gentium ritus & mores, post egregiorum portuum & magnorum fluminum descriptiones, illiceta, quercetiaque ac oliueta, & in siluis serpentes labruscas passim, ceteras etiam nostrates arbores aiunt se reperisse, neque id quidem breui epilogo, sed consumptis cartarum magnis fascibus. At quid opus est his nobis quae vulgaria sunt apud Europaeos omnes? ad Austrum, ad Austrum, ob equinoctii latas opes, quarentibus opes tendendum est, non ad rigentem Boream. In casu hoc risibile audiat Beatitudo tua & facetum sclopon ventosum exortum. Stephanus hic GomeZ nil horum assecutus quae se reperturum arbitrabatur, ne vacuus rediret, contra leges à nobis dictatas, ne quis ulli gentium vim afferat, ab innocentibus quibusdam seminudis populis, magalibus pro domibus contentis, vtriusque sexus hominibus nauim sarcinuit. Vbi accessit in portum Clunium, vnde vela fecerat, vnus quidam audito nauis eius aduentu, & quoddam esclauos id est seruos adueheret, nil ultra vestigans citatissimo equorum cursu ad nos venit, anhelos spiritum inquiens, clauis & preciosis gemmis onustam affert nauim Stephanus GomeZ: optimam se habiturum strenam arbitratus est. Ad hanc huius hominis ineptiam erecti, qui rei fauerant, vniuersam obtulerunt cum ingenti applausu curiam, per apharesim dictione detruncata, pro esclauis clauos esse aduectos praconando (esclauos enim Hispanum idioma seruos appellat, & gariophyllos nuncupat clauos) postea vero quam à clauis in esclauos fabulam esse transformata curia cognouit, cum fautorum iubilantium erubescencia risum excitauit. Si caelorum efflati in terrestres materias receptui paratas eius aromati-

Res ridi-  
cula de  
nuncio  
nauis Ste-  
phani Go-  
mez.



ci spiritus necunde quam à solari æquinoctio vel proximo in  
fundi posse didicissent, decem intercapedine mensium, qua hic  
iter suum peregit, aromaticos gariophyllos reperiri nō posse co-  
gnouissent. Dum in hoc versarer corolario, ecce rotantis fortu-  
na assuetas artes, quæ nulli præstitit Vnquam mellis Vncio-  
lam, quin tantundem fellis aut maiore mensura sæpe illi con-  
iecerit in paropsidem. Tubarum clangoribus, tympanorum re-  
boatibus, & tiliarum concentibus huius Urbis inclytæ via  
resonabant præ læticia sponsalium & reiteratæ affinitatis cū  
sororio & consobрино Rege Portugaliæ per acceptam eius so-  
rorem viro maturam, & relictam Anglicam tenellam ad-  
huc, quam rem Castella regna optabant maxime, quando sub-  
secutum est ilico triste ac tolleratu graue nuncium: Cæsaris  
& Castellanorum omnium animos fastidio id repleuit. In or-  
be ambito ad Adrianum Pontificem dixi permanisse confratrem  
in insula Tidori è Maluchis aromatum altricibus vna,  
Victoriæ nauis sociam, Trinitatem appellatam, cum viris se-  
ptem & quinquaginta, quos præter magistratus nominibus  
propriis nūcupatos habeo è computatorum libris harum ne-  
gociationum extractos. Nauis ea resarcita gariophyllis & gē-  
mis quibusdam onusta reuertebatur, in Portugalicam incidit  
classē, deprehensam cœpit & in Malacham, creditam Cher-  
sonesum auream, traxit victam, raptauitque Portugalicus  
præfectus, nomine Georgius de Brito maritimus, quicquid erat  
in ea. Sed miserandum dictis est, quid huius nauis nautis acci-  
derit: tanta fuit contra eos maris ira, vt perpetuis fluctibus a-  
gitati fame vigiliisque ferè omnes perierint. Capta nauis Tri-  
nitate, præfectus ille Portugalicus Maluchas nostras insulas  
adiisse dicitur, & in vna illarum, quæ septem sunt, arcem cō-  
struxisse, quicquid mercis negotiationis causa in insulis erat  
relictum, rapuit vna. Vtramque rapinam ducentorum mil-  
lium ducatorum valorem excedere Victoriæ nauis regressæ

1526.

Georgius  
de Brito  
Portunga-  
lenis præ-  
fectus ma-  
ritimus.



Christo  
phorus de  
Haro.

incolumes naucleri & regi ministri predicant, sed Christo-  
phorus de Haro precipue huius negotiationis aromatica dire-  
ctor generalis sub nomine factoris. Huic viro summam præ-  
stat fidem Senatus noster. Is mihi præbuit omnium quinque  
navium Victoriae navis sociarum & omnium nautarum ac  
tenuium quorumcunque ministrorum nomina. Ostendit in se-  
natu nostro coacto cur valorem cum præda assignauerit, quia  
particulatim monstrauit quantum aromatum Trinitas affer-  
ret, quantum aromatum in Zaba Zulla regis insula Machia-  
na, vnius è nostris septem insulis aromatum altricibus, & fi-  
nitimi regis alterius insula Tidore, ac eius filii & viriusque  
regis æconomorum & familiarium primatum nominatim  
potestate relictum fuerit, precio emptum, Ioanni de Campo  
cum ceteris permanenti assignatum. De mercibus vero quan-  
tum calibis & cupri lamine, quantum canapea ac lineæ tela  
omnis generis, quantum picis, argenti vini, luminis petrei, soli-  
mani, ad picturas auri pigmenti, corallium, & rubetium um-  
bellarum, pileorum, speculorum, calculorum vitreorum, tinti-  
nabulorum, ligularum, sedilium rege dignorum, quantumque  
cum suis munitionibus machinarum inerat, quarum rerum  
permutatione per manentes regios magistratus, computatore  
& thesaurarium, aromata per mittendas naues nostras repor-  
tanda cogeretur. Quid facturum in re tali sit Caesar ambigitur,  
disimulaturum arbitror ego per dies aliquot, reiterata affinita-  
tis causa: quauis essent vno partu gemelli, durum tamē esset iniu-  
riosam hanc iacturam præterire impunitam, placide primū per  
oratores tractarum iri rem puto. Sed aliud audio futurum Re-  
gi Portugalico non beue sapidum, nequibit Caesar eisi opta-  
uerit rem disimulare, mercium nāque illarum domini ut in-  
sticia fiat efflagitabunt, eam hostibus negare inhonestum est,  
quanto magis propriis ditionariis. Ruinam eius regni ventu-



ram ex hisce temerariis rebus veteranos aiunt Portugalenses  
 publicis sermonibus vaticinari: nimis enim superbe Castella-  
 nas gentes despiciunt, sine quorum prouentibus fame perirēt,  
 cum fuerit regnum illud exile Castella quondam Comitatus. Vaticiniū  
nunc ve-  
rum est.  
 Prae rabie mandunt spumas Castellani, vellentque ut reduce-  
 re regnum illud ad Castellae coronam Caesar niteretur: Rex  
 Philippus Caesaris genitor se facturum aliquando & cogita-  
 uit & dixit, tempus sententiam promulgabit. Interea valeat  
 Beatitudo tua, ante cuius conspectum prostratus oscula pedum  
 dico.

Finis operis de Orbe Nouo conscripti, Au-  
 tore Petro Martyre Anglerio  
 Mediolanensi.







# RERVM MEMORABILIVM EA-

RVMQVE PRÆCIPVE QVÆ AD GEO-  
graphiam spectant, in octo decades index, in quo e-  
tiam diligenter observati sunt gentium mores &  
instituta, neque quicquam omissum quod lectorem  
vel iuvare vel delectare possit.



Benamachei regu- luseaptus.	136	Aegidius Gonsalus munera mu- neribus pensat	443
Abibeibæ regis arx in arbore. Ibid		Aequinoctialis circulus	494
Abula Lusitaniæ ci- uitas.	460	Aequinoctium perpetuum vbi	170
Aburema regio aurifera	212	Aequinoctium apud Canibales mense Decembri	21
Aburema fluvius	174	aerem subiade mutare pestife- rum est	144
Aburema portus	212	Aestas vbi fit quando nobis est hyems	188
Acales cymbæ	348	Aethiopum ornatus	61
Acateba flumen	213	Aethiopes nigrum colorem can- dido elegantiore iudicant	312
Acicularum vsus apud nudos homines	76	Affinitatis vbi nullus servatur gradus	529
Accentus quâdoque latinarum dictionū significationes mu- tant	249	Africus ventus	81
Acheminides Virgilianus.	176. 216.	Agathyrsi populi	68. 209
Acla colonia	438	Agnes radicis genus	6. 128. 208 & 227
Adelantatus qualis apud Hispa- nos magistratus	8. 234	Agnes zazaneii	263
Adriaticum mare	217	Agger ingens contra vim Bo- rææ	428
Adulteram vbi maritus diuen- dere soleat	298	Agium variæ species earumque vsus	229. 263
Aedes tres Mutezumæ ad æsti- uarum molestiarum solatia	356. 357	Aguaneo fons	175
Aegidii Gonsali literæ	436.	Aguanil prouincia	291
eius de Petro Aria cōquestus	437.	Alaguitin fluvius	213
Olitum iugulat	598	Algodonū idē quod gossipium	12. 115



# INDEX.

Alica potus ex quibus conficia- tur	128	Animal Phaleratum	546.567
Almurantus magistratus apud Hispanos	8	Animal colubras cubitales emit- tens loco stercoreis	566
Aloes lignum suauē	23	Animę album quid	88.506
Alpes Italix quousque se disten- dant	218	Animę immortalitas apud In- dos credita	583
Alpha Omega Insula	28.30	Animi post migrationem præ- mia & supplicia constituta es- se, etiam ab extremis iisque nudis hominibus creditū est	36
Alpha Omega cubę principii	31	Animen album gummi vbi na- scatur	267
Alpheus fluius	172	Anniuici regio	249
Alpheus fons	266	Annus vbi ab Heliaco Vergilia- rum occasu incipiat	314
Alphonſi Fogedę peregrinatio	104	Annus à quibus in duodecim lu- nas diuisus	478
Aluaradi iter primū	554.555.556.	Anseres syuestres	7
secundum eius iter	557	Antilię insule	4
Amacameca ciuitas	348	Antipodes vbi sint	188
Amaguei regio	249	Antipodes ab Hispanis inuenti	98
Amatuna id est antrum angu- stius	88	Antiqua insula	268
Americus Vesputius geographię peritus	173	Antiquitates quomodo posteri- tati citra literas traditę sint	243
Ambitionis morbus communis	310	S. Antonii cubę angulus	289
Ana fluius	160.460	Antrum vastum plurima absor- bens flumina	249
Anaborię mercenarii metallici	100	Apenninus mons	218
Anacoanę reginę thesaurus	55	Aprorum genus nostro longe dissimile	112
Anachaona vates	265	Apum tria genera	570
Anata regulus	280	Aquę purgandis renum calculis apicę	563
Anates capite purpureo vbi	7	Aquę ductus Tenuſtitani discer- pti	397
Andalusia noua quę olim Vra- ba	164	De aquarum erumpentium sca- turigine ratio philosophica	169
Anguillarum copia vbi	512		
Animal quoddam mirifice mon- strosum	86.87		
Animal ferens secum sobolem in vterali crumena	166		
Animal cercopitheco fere simi- le arbororibus inuolitans	211		
Animal crudele	565		



# INDEX.

Aguanil prouincia	291	arctos Bootes	469
Aqua lactea	33	arctoi montes	481
Aque maris vbi dulces	62.157	areiti rythmi	265. 243
Aquilo ventus	85	arethusa insula	265
Aramana regio	ibid.	argentifodię dices	487. 551
Arambe regiuncula	473	argentum vbi nascitur	312
aranata animal	566	arias Vascho infidiatur	320
arbor auri vena	258	aromatum feracissime terre	282
arbores perpetuo virentes	208	aromata in Maluchis producuntur	455
arbores Indicę	361	aromata posse alibi quàm in Maluchis insulis oriri	429. 430
arbores cassiam fistulam gignentest	135	aromatum nemora vbi	27
arbores tam procerae vt domos in ramis ædificare liceat	136. 137	ars magica	573
arbores quarum rami vitium in stat terre mandati sui generis		artis magicę canditati	576
arbores deriuaticias procreant	211	artemisia coniugalis amoris exemplum	156
arbores mire noxię & cecitatem inferentes	105. 239	artifices ingeniosissimi apud Indos	428
arbor coccos fructus generans	388	asini caput magno emptum	176
arbor cuius suffimigium suffocat	408	aspiratio Hispaniolarum nulla nisi consonantis vim habeat	248
arbor pargamenifera	417	astronomię obseruationes inter barbaros	313
arbores ad quem vsum in vicino agro a regulis nutritę	451	ataia regio salinis nobilis	568
arbor falso putata platanus	513	atiei regio	249
arbor lanigera	515	atlas mons	160
arbor cuius poma comesa sanguinea n prouocant vrinam	563	atlanticę regionis eleuatio	ibid.
arbor poma ferēs letifera	ibid.	atrii Mutezumę amplitudo	423
archipelagus maris Eoi	382	atria procerum Tenustitanorū	354
archipelagus insularum quarundam contexta series	16	atrabeira	88
arcticus polus, & qui antarcticus	82	attibuni regio	249
		attibunicus fluuius aurifer	26. 247
		aucupii ratio rara	282. 283
		aues vbi Decembri mense nidificent	22



# INDEX.

Aues duæ prodigiosæ immani- tatis	530	<b>B</b> Abbareo lacus dulcis	253
S. Augustini cusps	217. 282	Baccallai vnde dicti	232
S. Augustini caput	161. 276	Baccallai per Cabotū reper- ti	471
Aule Mutezumanae frequentia	354	Bacchanalia Chiribichenſiū	572
Aureæ ætatis homines	259	Bachæ regio	486
Auri sacra fames, Horatiana ſi- militudine hydropi diro ſo- fertur	286	Bætica interior quibus veſcatur palmulis	113
Auri copia ingens 27. 97. 130. 161 190. 212. 236. 248. 255. 256. 258. 279. 289. 296. 298.		Bætis fluuius	12. 155
Aurū rude vbi nihili fiat 130. 199		Bætis fluuii fauces	222
Aurifodinæ ditiffimæ 46. 100. 255. 416		Baguanimahō regio	248
Aurifera flumina multa	213	Bahabonus fluuius	244
Auriferæ regiones ferè panibus carent	175	Baho flumen	509
Aurum granatum vbi	302	Bahuan fluuius ſalſus	255
Auri legendi ratio	100	Baia ſinus	159
Auri pondere naues ſubmerſæ	101	Baia ſancti Ioannis	309
Auri globus ingentis ponderis ibid.		Baia ſanctę Marię	379
Auri tributum quinta pars regi penditur	129	Bainoa prouincia	247. 253. 255
Auro numen inefſe creditur	217	Balenæ ex cucurbita prodierūt	90
Aurca Cherſoneſus aliàs Mala- cha	392	Baptiſmus etiam apud Barbaros zemium cultores	150. 315
Auſonia pro Italia	145	Baptizantur 130. vno die	150
Auſtrale pelagus	185. 218	Barbari hominem equo anne- xum vnum eſſe animal exi- ſtimant	326. 332
Axi piper Indiæ occidentalis & eius diuerſæ ſpecies	408	Barbatę inſulæ ſteriles	268
Axi piper Indis commune	562	Batrameda Bætis oppidum	58
Ayay inſula	14	Batrameda oppidum	222
Ayqueroa regio	249	Battatæ radices vbi naſcantur	165. 208
Azua villa	265	Bellica inſtrumenta	573
Aizoo herba	262	Bellus portus	176. 214
Azzuci regio	249	Beragua regio 116. 164. 206. 213	
		Beraguensis eleuatio	175
		Beraguæ ſterilitas	176
		Beraguæ montes nubes ſuperat	218



## INDEX.

Beraguensis fluvius	116.174.
168.213.215.	
S.Bernardi insulae	233
Betanchor iussu regio Canarias	
insulas scrutatur	2
Betanchorus primus Fortunara	
rum insularum cultor	242
Bexucum	515
Bezerra Caribanae initium	281
Bia insula : & insularium mores	
304	
Bilbau Cantabrica statio	587
Binhaitelles zemes	91
biremes à Cortesio in lacu salso	
Tenustitanæ structæ	349
Boitii augures	92.243
Bois Gatti fluvius	168
Boiuca insula	175
Bombasium quid & ubi nascitur	
12	
Bombason quid	115
Bombicinum lanae genus	159
Bonaventura oppidi officinae	
aurariae	101
Bonauista insula	59
Bonauus vicus	51
Bonauus arx	ibid
Bononiama regulus	195
Boues elephantis maiores	246
Boniti qui sint	521
Bouitorum fallaciae	523
Brasilum lignum	85
Breuis mappa membranacea	463
Britannia maior	267.589
Broma vermis nauibus infecta	
214.309	
Bufones ad esum magno empti	
176	
Burgæ urbs	19
Burichena insula	16.161.227.
Burnei <sup>s</sup> regulus & eius humani tas	382
burneia insula eiusque descri- ptio	Ibid.
C	
Cabaioes herbae	262
Cabotus baccalorum re- pertor	495
Cabotti Veneti peregrinatio	
231.232	
Cabouerde insula	173
Cacacubana regio	249
Cacai arborea ex quibus mone- ta fit	348
Cacatamins regulus	330
Cæcitas Indorum in inuocandis malignis spiritibus	453
Cahaymi regio	249
Cahini insula	248
Cahono Hispaniola pars	242
Caiabum provincia	255
Caiacoa regio	248
Caihabo provincia	Ibid.
Caizcimu provincia	248
Calcidoniae plasmae vbi multae	
226	
Caldæi literarum primi reperto- res	260
Calidonia quæ nunc Scotia	267
Camara regio	530
Camamorus regio	168
Camotera insula	242
Campechium prouincia & op- pidum	291.294
Canabacoa regio	249.255
Canaria magna insula	223
Canariæ religio	242
Canariæ insulae septem	223
Canariæ insulae Castellanae ad- ditæ potentiae.	3



# INDEX.

canes non latrantes vulpino ro- stro vbi	304	careta regnum	279
canum vsus in præliis contra nu- dos	176.181.194	careta coibę regulus capitur	125
canes scabiosi vrgente fame in delitiis habiti	176	caria coniugalis amoris exem- plum	156
canes ad comedendum aluntur	304	caria regio	221
canibalium insula arboribus cõ- sita	11	cariaensium mores	210. 211
canibalium mores	79	caria portus	210
canibales quantum itineris ve- nationis gratia faciunt	14	caribana insula	107.113.274
canibales anthropophagi s. 98.	138.205	caribes & eorum mores	561
canibales à christianis fugati	79	caribium insulę arboribus con- sita	11
canistri ex cannis marinis	226	caribes anthropophagi	119
canna fistula insula	135	carolus comogrus rex christia- nos hospitio excipit	204
cannarum è radicibus facearum extorquetur	25	caroli comogri filius pro patre baptizatus regnat	203
canoe vniligneę	487	cathago noua raro pluuias ha- bet	205
cappa animal	566	cathago portus	ibid.
capõton regulus	291	carauelę nauigia	2.8.289
captiuorum immolatio	432	caseus ex lacte ceruarum	473
capti à christianis barbari inter emptis custodibus sese libera- ti asserunt	300	caspius salus lacus	251.259
caput bonę sperancię	160. 391	castia fistula in arboribus nasci- tur	322
caput viride insula	28.59.81	castia fistula vbi sua spõte nasca- tur	85.86
caput S. augustini	391.379	castisterides insulę vel delos A- zores	400.584
caramaitiensis regio	173.133	castella vetus Hispanię locus	10
caramairiana ora	110	castella aurifera quę olim Bera- gua	164
caramairenses à canibalibus or- tum traxerunt	107	castellanorum & Portugalen- sium contentio	160.161
caramairenses christianos beni- gne excipiunt	111	castellani aurei nūmi precium	101. 133
caramaira regio	105. 224	catharinę cuiusdam facinus	19
caramatexius regulus	253	cati syluestres	565
caraqueira insula	267	catigara promontorium	392
carenas portus	300	cauchieti regio	486
		cauchietenſes populi	78



# INDEX.

Cauuana Hispaniolæ regio	249	chiglia oppidū ingens combu-	
caunaboa cibauensium rex ca-		stum	539
ptus in itinere moritur	46	chiorisus regulus christianos li-	
cazabbi panis	246	berali munere excipit	198
cedri libani	113	chiribichi & eius situs	559.574
cemacchus regulus proditus cō-		eorum mores fuscē descripti	571
iurationem aduersus christia-			
nos deregit	141	chiriqui colonia	438
centuria	113	chiurute cal ciuitas 341. eiusdem	
centurio quis	140	descriptio	344
centrum maris linea æquino-		chiurute calenses legatos ple-	
ctialis	231	beios ad cortesium mittunt, il-	
cerabaroī populi	213	lis minatur cortesiū ibid. su-	
cerabaroa regio aurifera	215	scipiunt cortesiū m 342. prodi-	
cerabaronum insula	230	tio eorum detecta, profligan-	
cerabaroensium mores	212	tur: victis pepercit cortesiū	
cercopithecus animal	211	ibid.	
cercopitheci vbi	78	christianorum clades	281
cerviſia caramairensium	112	S. chrisostophori insula	101
ceres quare diuorum numero		christophorus colonus Indiarū	
habeatur	263	reperor	2
cereseda Thesaurarius	440	christophorus colonus pro in-	
cernos loco bovm habent Indi		exhaustis laboribus indigna	
472		præmia accepit	73
cesuaco insula	528	christophorus Burichenæ guber-	
cete grandia ex cucurbitis pro-		nator à canibalibus interfe-	
dierunt	90	ctus	162
characteres à nostris multo dif-		christophorus Olitus cortesi	
similes	313	dux 491 eius defectio à cortè-	
cheru regulus nostros benigne		tesio 558.502. Aegidium Gon-	
suscipit	280	salum præhendit 197. capit frā	
chiapes regulus	270	ciscum delas casas 398. vulne-	
chiapæ regio	189	rat, iugulatur	598
chiapæi populi a christianis vi-		ciamba terra vasta	208
cti se eorum fidei committūt		ciamba prouincia ferax auri	
183		161	
chiapes reguli strages	184	cigai gens fera, eius origo	56
chicora regio.	471	cinamomi arbuta	497
chicorai quales sint	Ibid.	ciurisa regulus pauper	197



# INDEX.

Cloelia Romanæ virile facin'	19	Comogri Iuuenis barbari ad-	
Clunius Gallecus portus	456	uersus Christianorum auari-	
Coalcapoca ciuiras expugna-		ritiam cordata oratio	129.130
tur	259	Comoiaxxa fluuius	257
Coccineæ syluæ	48. 85	Conceptio oppidum	101.162
Coccus fructus potum & estam		Conceptio arx	41.51
præbet	388	Conchylum enixus	273
Codego insula	105	Concharum ingens magnitudo	
Cohobba herba	94		190
Coiba sinus	108	Concharum corda an margari-	
Coiba regio	124	tæ sint: & aliæ de ea naturales	
Coiba diues auri	228	quæstiones	188.189
Coibenses populi	179	Ad ima conchylia staturas tres,	
Colmenaris periculosa nauiga-		interdum quatuor descendunt	
tio	130		189
Collocutea terra	282	Conchylia vnionum, cibus lau-	
Colonus præfectus marinus	8	rissimus	186.187
Colonia à Cortesio erecta vbi		Conchylia marina classica in-	
489. 311		strumenta	213
Coluacuna regio à Grisalua re-		Coniugalis amoris paradigma-	
perta	297	ta pulcherrima	156
Colubrina ex auro conflata		Cõtumelia summa inter Indos	
586.594		554. 555	
Colubrula ab Hispanis bromã		Copei arbor picifera eiusque	
dicta	440	fructus	260
Columbarum inges multitudo		Copei arboris folia scripturæ	
in Lucais insulis	44	commoda	ibid.
Commendator Cacicus quidã		Coquera regulus christianis se	
baptismum petit	146	dedit	184
Commendatores equites	146	corito arbor	480
Comagra regio	127	corochotus Zemes	94
Comi provincia	290	corpora defunctorum desicca-	
Comogri regio infelix	197	ta & suspensa pro penatibus	582
Comogri filii	127	cortesii instrumenta bellica bar	
Comogri regis atrium	127 118	baris ignota	334
Comogri regia	203	cortesius solus ex multis non in	
Comogrurus baptizatus	132	terit 487. aduersus eum deli-	
Comogri filius baptizatus Ca-		beratio	535
roli nomen accepit	203	cotochus regulus eiusque regio	
		sterilis	197
		Cotoch	



# INDEX.

Cotochi regio in nubibus sita	214	Cucurbitæ arbores	214
256.257		Cucurbitula braccæ loco	77
cothurni gemmis & coloribus		Cukabo regio	249
preciosissimi	316	Culchæ nauigia	184
cotoy regio	249	Cultelli è lapide flauo	207
cozumella insula	292	Cumana regio	67.75.84.486
creator à quibus colatur in puta		Cumana margaritis nobilis	
to continenti	524	157	
eretenses aliquoties à Venetis		Cuniculi leporibus similes	76
defecerunt	257	Curiana regio	64.75
crocodilorum odor suauissi-		Curianenses simplices & inno-	
mus	214.565	centes	76
Crocodilos an aliæ præter		Cybaho regio	249
Niliacas producere possint			
aquæ	167	D	
Crocodilus molossum canem		Dabaiba femina, eiusque	
asportauit	238	facra	220
Crocodilorum copia vbi	157.220	Dabaiba regulus eiusque	
S. Crucis insula	14	regnum auri ferax	136
S. Crucis præses à Canibalibus		Dabaiba fluius	219.320.523
trucidatus	162	Dabaibes quotannis renouant	
Cubæ insulæ descriptio	99	funerales exequias	526
Cubæ situs	284.509	Dabiazua regio	249
Cubam cuncti circulus fecat		Dahabon regio	249
266.		Dardanus ex Corito eiectus	
Cubæ insulæ fauces vastissimæ		242	
231		Dariene leonibus, crocodilis &	
Cuba Indici littoris pars	29	tygribus plena	238
Cuba aurifodinis felicissima		Dariene pestifera	237
266		Darienis ripa Orientalis	274
Cuba insula fernandina appel-		Datha regulus giganteus	472.
lata	288	474	
Cubam Canibales frequenter		Decembri vbi aues nidificant	22
incuritant	145	Decurio quid	20
Cubana regio	249	Decurionis potentia	139
Cubigar fluius	203	Delagartos fluius	167
Cuchibacoa regio	84.109	Desiderata insula.	267
Cuchibacoæ promontoriū	174	Dies perpetua vbi	232
Cucui alati vermes	516	Dies perditus in orbe ambito,	
Cuculorum commoditates	518	indr orta disputatio & solu-	
		tio	394

R r



# INDEX.

Dies vbi toto anno æqualis	65	uis	162
Diriangen regulus	443	Equites centauri crediti	308
Diriangen cum ingenti arma- torum copia Hispanos ado- ritur. 453. vincitur	454	Eridanus	171
Ditis insulæ descriptio	270	Erythræus oceanus margaritis diues	190
Ditis insulæ regulus baptizatur	272	Esonis renouati fabula	175
Diuisio terræ ab Alexandro pō- tifice sancita	393	Euangelista Cubæ locus	35
Diuitiæ Chiribichensium	574	Eucharistiæ dignitas	516
Dominica insulæ eadē quæ Ca- nibalium	101. 233	Europam quæ maria circumam- biant	218
S. Dominici vrbs	162	Euxinus pons.	ibidem
S. Dominici vrbs pluuiis obno- xia.	265	Excubiæ nocturnæ Chiribichē- sium	573
S. Dominici arx	48	Exploratoribus Tascaltecanis dextræ abscissæ	336
S. Dominici fluuius	248	Exundatio inaudita	254
Domus communes Tenustita- næ vno contentæ tabulato	424	F.	
Domus voluptuariæ Muteczu- mæ	423. 424	Fabula de causa defectus lu- næ	579
Domus senatoria	348	Facinus horrendum ab In- dis patratum	484
Draconis os, fauces viij. millia- rium habet	62	Fames incomparabilis	176
Draconis caput	276	Fames grauissima ex cultus ne- gligentia	40. 41
Duraba flumen auriferum	174	Fames omnium escarum opti- mum condimentum	189
Duria fluuius	160	Fernāndus Cortesius generalis es- ligitur classis prætor. 302. Na- ues suas omnes submergi ius- sit & cur 326. versus Tenustita- nam tendit. 327. Almeriam Coloniam erigit.	326
Duribba fluuius	213	Frigus acre Augusto mense patitur 329. eius contra Te- nustitanos prælium anceps. 363. oppugnatus in arce ab aurora ad vespersam certat. 364. pacem Tenustitanis prin- cipibus offert quam illi recu- sant. 366. pacem ficto timore	
E.			
Ecāpi Iucatana peninsulæ pars	286		
Electrifodina inuenta	42		
Elizabethæ Petri Ariæ vxoris virilis animus & amor coniu- galis.	155		
Enses lignei	136. 186		
Epileganita Zemes	65		
Episcopi quinque in terris no-			



# INDEX:

ab eo petunt. 367. graviter in	Florida peninsula	201
caput percussus est. 369. eius &	Florinus insignis pyrata Gallus	
sociorum è Tenustitana di-	557	
scensus, amissorum numerus, 370	Flumen crisalux	2.95
Fugientè barbari sequuntur.	Fluminis cuiusdam ostium cen-	
371. Tredecim bergatinos ad	tum mille passuum.	168
Tenustitanae obsidionem cõ-	Flumina plurima vno antro ab-	
struit. 396. tribus exercitibus	sorbentur	249.279
urbem cingit, ab hostibus cir-	Fluuij aliquot auriferi	21.213
conuentus capiti, liberatur à	Fluuius palmarum 536. est for-	
Francisco Olea. 408. Carama-	tunatus.	549
zinum urbis regè capit, nouū	Fluuius Montaltus	536
constituit. 409. In quibus	Fœminæ Amazonum instar si-	
consistant eius vires. 425.	ne viris in insulis agunt	267
eius vasti astus, ardens a-	Fœmina ex ulcere nata	91
uaricia ac semiaperta ty-	Fœminæ Chiribichenfes & ea-	
rannis 591. Ingens eius ira	rum mores	575.576
contra Chrystophorum Oli-	Fogedæ miser interitus	145
tum. 592. copias cogit profe-	Folia per litteras loqui Hispa-	
cturus in Olitum, ibid. om-	niolis prodigij loco est.	260
nibus terrorem iacutit.	Fons quidam potus senes iuue-	
593	nescere facit	175
Fernandus Magaglianus por-	Fons restaurans virtutes	499
tugalensis proficiscitur ad Ma-	Fons aquæ piceæ	504
luchas insulas quæredas. 378.	Fontes in superficie dulces, in	
eius in Ioannem Carthageaã	medio salsodulces, in fundo	
sæuitia. 380. vnã e nauius	salsissimi	259
amittit. 381. Secunda classis na-	Fortis insula.	107.109.174
uis S. Antonij eum deserit &	Fortunatae insulae siue Canariæ	
redit ibidem, eius mors	391. vnde dictæ & earum re-	
384	centia nomina	223
Fernandus Colonus Christo-	Frõs S. Augustini	240
phori Coloni filius.	Fructus pineæ nuci similis	
459	214	
Ferreæ, vna ex fortunatis insulis	Frumenti genus panico non	
1.9.223.277.	multum dissimile	229
Ferreæ instrumenta magno in	Fulgura & tonitrua mense No-	
precio vbi habeantur.	uembri	132
271	Futeracæ Canibanæ vicus,	
Figuera sinus.	275	
596		
Filices vbi nascantur.		
257		
Filij vbi pro legitimis non ha-		
beantur.		
164		

Rr ij



# INDEX.

Gacirma arbor ex cuius ramis	ta	118
ignis elicitur	562	
Gaira fluuius	121	295
Galanta insula	223	291
Gasparis moralis peregrinatio	270	248.
- Gaspar Spinosa Licenciatus Da-		505
riensium prator	281	Guaccachiulla montana ciui-
Genuam alii Iauam appellant		tas legatos ad Cortesium mit-
218		tit: eius descriptio
Genua à Iano condita	ibid.	374
Gemmarum magna copia	226	Guaccaia regiuncula
Gemmas Hispani nihili faciunt		473
221		Guacarapita
Gemmae vbi vitreis calculis per-		88
mutantur	ibid.	Guaccaraca agis species
Gemmeum genus ab Indis ma-		263
gnifactum	467	Guaccanarillus
Gentes caudatæ	474	248
Germania	218	Guaccanarilli regis humanitas
Giara insula	468	7
Gillinus de Cucuo quid refe-		Guacinalgo regulus & prouin-
rat	519	cia
Gilolo ingens terra & eius situs	385	550
Glacialis Oceanus	218	Guacomine arbor
Glycyrriza dulcis radix	281	480
Gonsali badaioei casus	278	Guadalchebir fluuius
Gorgonum quæ & S. Anthonii		222
dicitur insula	457	Guadalupca insula
Gorgodes Medusæ insula	379.	228
391		guahabba regio
Gossampinæ arbores	562	149
Gossampina suppellectilia	158	guahagua regio
Gossipium vbi sua sponte nasci-		ibid.
tur	12	Guaiana arbor
Gradus quot milliaria conti-		164. 537
neat	304	guaicanus piscis
Grandis fluuius	320	32
Gratia dei, terra à Colono repe-		guaiegari radices
		262
		guaieri herbæ
		ibid.
		guamao nocon numen Hispa-
		niolorum
		88
		Guanama regio
		248
		guannabo fluuius
		251
		guanabba insula
		55
		Guanagax agis species
		263
		guanahaini insula
		31
		guananaia
		165
		guanassa insula
		103
		Guanguan insula parua
		30
		guanini tabulæ ex aurichalco
		89
		guaninicabon fluuius
		251
		garaius lamaicæ gubernator
		488



# INDEX.

Guaraii copix profligata	490	Hebræorum aspirationes	248
Guarico regio	249	Helespontus	218
guarionexius quid significet		Herba mirè noxia	261
248		Herba aduersus venenata tela	
guarionexius vir bonus	71	122	
guarionexii ditio	255	Herba inebrians	455
guarionexii vallis	ibid.	Herbæ vis pene incredibilis	
guarionexius rex Christianis		453	
tributa pendet	47	Herculei freti eleuatio	175
guarionexii defectio	52	Hesperia pro Italia	145
guarionexius deficiens à Chri-		Hiebra portus	174
stianus superatus est	ibid.	Hieronymus Aquilaris à barba	
guarionexius capitur	72	ris captus euasit	305
guarizacca insula	252	Hieronymus Aquilaris liberat <sup>9</sup>	
guarauana arbor	164	à captiuitate septēni Iucarano	
guaurabo lacus	254	rum	305.226
guaxaca regio auro abundans		Hierosolima nostre religionis	
549		initialis sedes	242
guazaculco prouincia	360	Higui regio	248
guazuzingi Mutezumæ hostes		Hispalis polus	58
inde pauperes	347	Hispalis vrbs	153
guazuzingi antropophagi	498	Hispalis baticæ emporium	81
Guazzapara classicus clamor		Hispani sub æquinoctiali circu-	
270		lo	234
guinea æthiopie pars	514	Hispani intra tropicum cancri	
gummi optimum	561	234	
gummi saccharo rosato non vi-		Hispania margaritis diues	190
lius	564	Hispanorum ornatus	221
		Hispani per leucas numerant	
H		278	
Abacoa regio	249	Hispanorum aspirationes	248
Haiba fluuius	247	Hispaniola insula	3
Haiti quid significet	210	Hispaniola vnde dicta	145
Haiti montes	248	Hispaniolæ situs	266
Haraia Paria regio sale abun-		Hispaniolæ motus elementorū	
dans	79	uarii	266
Hathathiei vallis	253	hispaniæ nouæ solstitia æquino-	
Hay hay insula	227	ctiis paria	146
Hazoa regio	248	hispaniola Italix præfertur	
Hazua mons	ibid.	ibid.	
Hebenum lignum	55		

R r iij



# INDEX.

Hispaniolæ panis	99	Honorucco regio	249
Hispaniola Emporium totius oceanus	341	Hostiarum humanarū duo ge- nera	450
Hispanioli Christianos sibi do- minaturos varicinati	144	Honos arbor	165
Hispaniola temperatissima.	145.146	Hozama fluvius	247
Hispaniola vallibus, sylvis, ru- pibusque aspera, cæterum a- mœnissima	243	Huhabo provincia	248
Hispaniola quantum auri in Hispaniam quotannis mittat	258	Humana res instabilis	281
Hispaniolorum admiranda hu- manitas	4	Hiperborei montes	218
Hispaniolorum mores & studia	18	I	
Hispaniolæ insulæ religio	88	Abbaque insula	510
Hispaniolorum in edito partu cerimoniarum	264	Iacchi regio	249
Hispanioli filios suos pro legi- timis non habent.	ibid.	Iaches fluvius aurifer	26.
Hispaniolorum testamenta	265		248
Hispaniolæ mulieres medica- minibus abortiunt, ne Chri- stianorum mancipia pariant	256	S. Iacobus arx.	51
Hispaniola à Matininoensibus occupata.	242	Iagohaiucho regio	249
Hispaniola insulis innumeris circumvallata	287	Iaia insula	236
Hispani societatis impatientes se alternè conficiunt	597	Iaia fabula	90
Hispanorum natura inquieta & semper magna moliens.	289	Iainagua lacus dulcis	252
Hispani quinquaginta capti & deuorati à Coluanis	373	iamaica insula	29.216
Hitha regio	473	iamaica fertilis	266
Hobosagis species	263	iamaica insulæ ampla laus & descriptio. 543. eius longitu- do.	ibid.
		iamaica nouo nomine S. Iacobi insula dicitur. 533. 534. eius si- tus.	509
		iamaizi regio	249
		iaruma arbor miræ celebritatis	463
		iarumæ fructus sanandis vulne- ribus saluberrimus	464. cor- tex eius lubricus
			ibid.
		idæorum montium regio.	257
		iguamu vallis	253
		inamahari quid sit	474
		india principium	29
		india gangetidis termini indis- creti à Cosmographis relictæ.	ibid.
		indicus Oceanus margaritis di-	



INDEX.

R r. iiii)



# INDEX.

S. Lucari oppidum	222	Quis 386.387. quibus fructibus	88
Luētus tempore ecclipsis Lunæ	579	abundant 388. nullum aliud a-	88
Lunę sub orbe quæcunque par-		romatum genus producunt	88
turiunt, post fœtum æditum		præterquam gariophyllū	489
claudunt vterum	222	Mamona	88
Lupus Samanecus	585.586	manabaho regio	249
Lusitania	160	manabaxao	249
		manacapana regio	75.64
		manacapana margaritis referta	157
M		manati lacus	254
Accazina regio	249	manati pisces	253
Macanæ enses lignei	127.180	mancipiorum stigmata	279
Machinnæch regulus	91	mancipia iumentorum loco	349.424
Machochaclis metamorphosis	89	mappa ingens ex gosampio in-	429
		texta	429
Macoanes herbę	262	mappa Tenustitanæ ab indis de	429
Macorix regio	248	picta	412
Macorixes populi	249	maragonus flumen	412
Madera insula	58	maris origo fabulosus	91
Mæotis	218	maria perpetuo cursu in ocea-	305
Magua regio	249	num labentia .	305
Maguana regio	ibid.	mare cur ab oriente occidētē	231
Maguana vallis	253	versus torrentis instar currat,	231
Magueti herbæ	262	disputatio philosophica	231
Magueti tympanum	243	mare vtrum rursus a terra ab-	169
Mahaitin mons	249	sorbeatur	169
Mahometici alienigenas à suis	315	mare herbidum	223
cerimoniis arcent	208	mare glaciale	231
Maia provincia	249	mare vbi dulce	209
Maiaguariti regio	473	margarita insula & eius descri	508.557.270
Maiicium granum	72	ptio	270.271
Maiobanexius capitur	128	marie rotundæ insula	14
Mais radix	208	Sancta maria antiqua colonia	174
Maizium frumenti genus	199	marie virgini ædes dicata apud	148
Maizius panis	555	barbaros	
Malinges quid sit	459		
Maluchę insulæ	218		
Malea promontorium			
Maluchæ insulę quinque & ea-			
rum situs 385. Insularium vi-			



# INDEX.

marien regio	249	mulieres Amazonicam vitā du-	
S. marinæ insula	300	centes sagittandi artis peritifi-	
marmor promontorium	119	sinæ	14
marmor candidum	230	muliebri consilio patria prodita	
S. marthæ portus	224	- 141. 142	
S. martini insula	14	mulierū gestus inepti	528
matan insula eiusque descriptio		mulieres laudem ex effusa im-	
384		pudicitia vbi veniuntur	529
matinina insula	223	murciense regnū raras pluuias	
matritum oppidum	284	habet	265
S. mathæi fluuius	118	muteczumæ regis provincia	311
matum piscis prodigiosi nomen		muteczumæ rex 311. dominus or-	
254		bis à suis habitus 330. eius le-	
mauicaræ regio	249	gati ad Cortesium cum mu-	
mecha mahomethæorum pri-		neribus 339. per legatos se ex-	
ma sedes	242	cusat Cortesio 343. ex vrbe	
medellinum oppidum Castella,		ad Cortesium prodit 351 vtri-	
Cortesii patria	ibid.	usque congressus ibid. eius	
meldinus fluuius	167	munera Cortesio data 352. in	
mella in arboribus vbi	263	potestatem Cortesii omnia	
mella ceræque ex arboribus	266	regna sua ponit nemo eum	
mensis vbi viginti dies tantum		vider, donec pransum exeat,	
habeat.	314	in seruitutem honestam redu-	
messanense fretum Siciliam ab		citur 360. ad Cortesii oratio-	
Italia dirimens	468	nem respondet 356. lapide à	
metamorphoses fabulose 88. 89		suis percussus moritur	365
metymna oppidū Hispaniæ	10	muteczumæ laus	ibid.
mexico ciuitas	541	myrmidones ex formicis	90
S. michaelis sinus	239. 241	myrobalanus arbor	165
mithridatis vxor	156	myrobalani arbores vbi sua spō	
moles aureæ	316	te nascantur	89
moneta è Cacao	425	myrobalani suillas carnes sapi-	
moneta fœlix	550	diores reddunt	246
monoxila nauigia	157	myrobalanus portus	210
monserratus insula	268	N	
monstrum marinum hominem		Naciapala pagus ingens	
rapit	98	540	
mortuos noctu vagari & vesci		Naibas fluuius aurifer	26
opinio	91	Natam colonia	438. 496
moscobo oppidum	291	Naturæ sūma potentia	493. 494



INDEX

Naues Indiæ occidentalis uni- lignæ 555	Norduestus ventus 85
Naufragium Christianorum 112	Nubes gariophyllorum arbores gravidans 386
Naufragium describitur 86	Nouacula ex lapide confecta 431
Nauigandi ratio non vulgaris. 284	Numerus militum Cortesij 548
Nauium paruo fundo contenta rum vsus 587	Nannus Castellanus 133
Nebayma regio 249	Nuptiarum celebrandarum ra- tio 576
Nebayma mons. ibid.	
Nicoianus regulus cum vniuer- sa familia baptizatur. 442	
Nicoiano se non vult credere	
Ægidius Gonsalus 454	
S. Nicolai portus 9	
Nicoragua regulus cum tota fa- milia baptizatur 443	
Nicoragua cum aulicis omni- bus crucem veneratur 448	
Nicuesæ deplorata fortuna & interitus 123.124	
Nicuesa vbi amissus 210	
Nigrite populi 167.182	
Nigritus fluuius 167	
Nili è montibus Æthiopū casus 250.	
Nili fauces arenis conclusæ 307	
Nilus septem ostiis mare in- greditur. 219	
Nilus in Ægyptium pelagus la- bitur 167	
Nili duo 166	
Nilus Crocodilorum nutritor 167	
Nimaea regio. 249	
Nizaus fluuius ibidem	
Nomen dei turris 119	
Nomen Dei colonia 412.438	
	O
	Ocoa fluuius 252
	Oceani motus varij 231
	Oceanus albana suc for- condior. 462
	Oceani indici frequens naviga- tio 590
	Odium innatum inter Castella- nos & Portugallenses 378
	Odium atrox inter Tascalteca- nos & Tenuistitanos 396
	Oeconomi boni officium 142
	Oloa terra 294
	Onocrotalus avis 233.567- 560
	Ophira insula 4.24
	Opifices arguti. 548
	Opifices ingeniosissimi apud in- dos 362
	Oratio Cortesij ad commilito- nes 337
	Oratio Cortesij fractis Tenuisti- tanorum idolis. 552
	Oratio Mutezumæ ad Hispan- nos 357
	Oratio F. Thomæ Ortizij in se- natu Indico habita 485
	Orbem non penitus sphericum



# INDEX.

66		panuchum oppidum ingēs com-	
Orbis totus insula est	84	bustum	539
Orcades	463	pardi	566
Oriza, & multiplex eius vsus		paria regio	62.74.157
386		pariæ terræ eleuatio	65.97
Ornatu indorem bellicus		pariæ littus.	97.84
431		pariæ montium culmina paradi-	
Os Draconis regio	80.157.173	si delicias habent.	169
Olla humana vbi in sagittarum		pariensis regionis homines fero-	
vsus seruentur	12	cissimi	98
Quandus regulus.	268	pariæ incolis cum Sabæis multū	
P		commereium.	168
Acensis ciuitas vulgo Ba-		parienses à Christianis victi.	
daioz.	587	ibid.	
Pacra tyranni belluina forma		pariensium cum Christianis fœ-	
193		dus	159
pacra tyrannus malè sibi con-		paria psittacorum feracissima.	
sciuis ad Christianorum ad-		158	
uentum aufugit	192	paricora regio	84
pahor regiuncula	473.	pariza regulus Christianos ster-	
padus fluuius	171	nit	281
Palma insula vna fortunatarū.		pascha floridum resurrectionis	
2.223		dies Hispanis dicitur	301
palmaria regio	297	patagones	380
palmarum genera septem	208	pauones & eorum mores.	365
palmarum fluuius	536	pauones non picti vbi	167
palmulæ steriles vbi	164	pauones vbi per nemora voli-	
palos portus	81	tent	76
paludes Dabaibæ noxiorum a-		pecudes vbi nullæ	289
nimantium altrices	216	pecunia vbi nulla	180
pan vnde dictus	243	pecunia indorum ex Cacao fru-	
panaman colonia	498.438	ctu	369
pananomes reguli regio auro di-		pegnone rupes	213
ues.	280	pelgoræ vuis pendentes vbi.	
panis radicalis vbi in vsu.	114	208	
panis ex iueca & Maizio	191	perditorum vallis	220
panis ex palmarum medullis		perditorum fluuius	210
386		periquete regulus	279
panucha regio & panuchus re-		petrus Arias ad carnificinam	
gulus	328	missus 430. eius nauigatio.	
panuchi flumen	488	153	



# INDEX.

**R** Acemi non vulgares 513  
Ranarum clamor vnde 89



# INDEX.

Regalis portus	20	Salutandi ritus apud Tenuſtitanoſ	352
Reges ubi ſoli veſtiantur	121	Sancti Iacobi oppidum Cubæ	289
Regio quædam hyberni rigoris expers	114	Sanctæ marina inſula & eius incolarum facinus egregium	300
Religionis neglectæ paradigma ſingulare	252	Sanctæ mariæ antiqua	319
Regis veſtitus	ibid.	Sancti Stephani villa	539
Rex & regina cæteros altitudi- ne cur præcellant	479	Sanguine proprio ubi homines litent	314
Reyre regio	248	Santheremus Xamaræ latus	17
Ricca villa	314	Saphiri putamen anſerino ouo grandius	226
Ridiculum de lunæ globo ni- gro	525	Sapienciæ ſtudium citra literarū præſidia ubi	243
Ripheï montes	218	Sardum cælū pernicioſum	237
Rivus niger fluuius	136	Sarmatæ	218
Roldanus quidam ſeruus ad ho- nores euectus aſperrimus fa- ctus	56	Saturma regio	236
Ruſtica inſtrumenta ex auro cō- ſtata	441	Scacorum ludus apud Barbaros exteros	318. 434
<b>S</b>	5	Scombria inſula	105
Accurſa magna copia	487	Scoriæ reguli ditio	280
Saccarum ex cannarum radi- cibus extorquetur	25	Scotia	267
Sacerdotes ubi cœlibes vitam agant	297	Scutum Cateba inſula	174
Sacrificii inſula	296	Scylla & Charibdis	276
Sacrificandi pueros, puellasque & mancipia apud Tenuſtitanoſ modus execrabilis	351	Seythæ	218
Sacrificii inſularum crudelis ſa- crificandi ritus	296. & 303	Sebaſtianus Cabotus Baccalarum repperit	232. 471. 495
Sacrificia puerorum apud Col- uacanos	314	Sebaſtiani Caboti inſuigatio ad auſtrum	589
Sagittarum venenatarum uſus	113. 574	Secures bellicæ ex autichalce	312
Salinarum nouum genus	79	Secures lignariæ autichalceæ	424
Salinæ montanæ ſaxeæ	259	Seditio, inter Hiſpanos orta	594. 595
Salis conſciendi modus	350	Semina quarto quoque menſe ubi matureſcant	119
Saluaterra villa	266	Semperuiua herba	261



# INDEX.

Senega fluuius.	167	tum inter Floridam & Baeca-	
senes iuuenescere	175	laos ad Cataium & magnum	
serpentes in deliciis	31.54	vulgo canem quæredum 460.	
serpentes innoxij vbi	7	601. de nuncio nauis eius ridi-	
serpentes crocodilis similes	30	culum. 602. decem intercape-	
serpentis simulachrum ingens.		dine mensum iter conceit.	
291		603	
seruorum Ægyptiorum desectio		stois margaritarum ferax.	190
159		stratagemata bellicum	370
sesta insula	304	suduestus ventus	81
seculi maris impetus	236	suilla carnes vbi arietinis sapo-	
simiarum iucunda historia	413	rosiores salubriorisque.	165
simulachra victorum diruta	435	superstitiones sordida & crude-	
sinus perditorum	174	les. 350. 351. 352. 353	
spangi regio à Christianis in di-		suspicio de animo Cortesij in Ca-	
tionem accepta	44	sarem.	591
suilla vrbs	314	symplegades insula	301
smaragdinae plasmae vbi multae		T	
226		Achiutepech provincia au-	
smaragdus humanae fere dexte-		rifera	359
rae palmam æquans magnitu-		Taia regio	208
dine	552	Taini populi	20
solarium radiorum percussio		Tanacuru regulus	280
colorem parit.	237	Taprobana margaritarum pro-	
soles pro diebus	129	creatrix	190
solstitium utrunque æquinoctijs		Taquenazabo regio	249
par vbi	146	Tasalteca respublica Muteczu-	
soluagi hominis factum	260	mae imperium semper recu-	
solyfii nauigatio 275. eius interi-		sauit. 331. hostium sunt heluo-	
tus	276	nes. 332. murum ingentem	
spectaculorum precium summum		contra Muteczumanos stru-	
208		xerunt ibid. Terno victi pa-	
sperantia arx condita	51	cem petunt. 335. vrbs viginti	
spica mirae crassitudinis	246	millium domorum 337. quarto	
spiritus sancti fluuius Floride vi-		illis ignoscitur. 338. eius am-	
cinus	545	descriptio. 339	340
squinetes agis species.	263	Tauasculus regulus	267. 324
stagnum in summo montis ver-		Taurus mons	218
tice.	250	Taxmarus regulus	306
Stephanns Gomez missus ad fre		Teaocha regulus Christianos	



# INDEX

- benignè suscipit. 191  
Tenerife insularum fortunatarū  
vna 3.223  
Tenore id est vniones. 75  
Tenis regio aurifera 359  
Tenustitana vbi sita. 346. sexa-  
ginta millia domorum conti-  
net 364  
Templa 37. erecta in ciuitate Te-  
nustitana. 601  
Testudines machinæ bellicæ.  
365  
S. Thomæ arx. 26.39  
Thuris feracissima terra 67  
Tiburonus piscis homines vno  
ictu fecit 251  
Tichri vicus Christianis subdi-  
tus 141.142  
Ticinus fluius 171  
Tidōra ē septem maluchis aro-  
matum alticibus vna. 603  
Tigridis ferocissimæ fabula lectu  
non iniucunda. 192.193  
Tiphō vehēmentissimus 45  
Tirecori fluius. 257  
Tirusi pagus aurifodina nobilis  
107  
Todos sanctos insula sterilis.  
263  
Tramontana stella 165  
Triticum binis mensibus vbi ma-  
turescat 25  
Tritones marini humana effigie  
368  
Tubanamæ regio quibuscunque  
fructibus alendis idonea. 203  
Tubanamæ imperium Sardana-  
palicum. 201  
Tumæcus regulus Christiano-  
rum fidei se committit. 187  
Tumanamæ regnum auro refer-  
tissimum. 129  
Tyrrma prima sedes in Canaria  
242  
Tyrrhenū æquor Italiam ab A-  
driatico determinat 217  
V  
Agonionæ in Philomenam  
transformatio 89  
Valdiuiz miser interitus  
145.305  
Valladolidum oppidum. 170  
Vaschus balboa princeps militū  
creatus. 205  
Valchi secunda nauigatio 178  
Vaschi & Ariæ dissidium. 319.  
perimitur Vaschus 320  
Veneri terrarum omnium hospi-  
tes. 233  
Ver vbi sit, quando nobis Aurū-  
nus. 118  
Vera Crux colonia cur sic dicta  
324  
Verzinum lignum 42  
Vespertilionum noxiarum copia  
ingens. 238  
Vespertiones gallis gallinisque  
infectæ ibidem  
Vespertiones morsu letales  
134  
Vibba regio 214  
Victoriæ oppidi descriptio 309  
Victoria naui orbem ambit  
391. redit cum 18. tantum homi-  
nibus 393  
Villa noua 265  
Villa riccha 314  
Vincenij Annez peregrinatio  
& eius de barbaris victoria.  
157.158



# INDEX.

Vmbra virorum coitum simu- lantes euanescent	91	Xerxes persarum rex à Them- istocle cum parua manu pro- fligatus	326
Vnguenta venenata quibus sa- gittæ illiniuntur	574	Y	
Vnionum copia	63. 64. 66	Yagua arbor pergamenife- ra	417
Vnionum precium	80. 487	Yaguaua regio	249
Vniones auellanam superantes	426	Yguatlam regio à solis mulieri- bus habitata	433
Vraba insula	107	Yiamiroa fluius	266
Vraba continens putata	305	Yaquini regio pluuiis caret	265
Vrabæ fauces	174	Ynuzui Hibafaino montes quo- rum in vertice stagnum	250
Vrabensis sinus latitudo	122	Z	
Vrabensium fluminum ampli- tudo quæ sit	163	Zacacani ciuitas	327
Vrabæ rerum etiam importarum		Zahoran fluius	213
Vrbertas mira	164	Zanana regio	249. 265
Vrida fluius	174. 213	zauaca Comogri regia	203
Vrracus regulus magnanimus	404	zazaucii agis species	263
Vru nauigia	134. 136	zemes simulachra	88
Vtia animal cuniculo rostro si- mile	47	zemes varii	93
Vuichilabuchichi idolum	350	zemium cultus	30. 214
Vxores regibus mortuis ubi vi- uæ consepeliuntur	263	zemium expugnatio	504
X		zemibus suo sanguine litat Col- uacani	314
Xaccoei fluius	251	zempoal oppidum alias Siuillia ibid.	
Xagua arbor, cuius pomi succus glauco niger	261	zempoalenses Cortesium adent de muteczumæ graui tyranni- de conquerentes	325
Xagua regio	248	zeremæ vicus	275
Xaguaguara regio eiusque po- puli mores	214	zizamæ radix amara	281
Xamana Hispaniolæ regio	17. 249	zobroba fluius	213
Xaragua	53. 57	zona torrida niues habet	61
Xaragua fluius nullos habet	265	zubovna ex maluchis insulis	383
		zuzulla prouincia auro diues	358

FINIS.



